

First Edition




Digitized by the Internet Archive
in 2018 with funding from
Getty Research Institute

DE HISTORIA STIR-
PIVM COMMENTARII INSIGNES, MA-
XIMIS IMPENSIS ET VIGILIIS ELA-
BORATI, ADIECTIS EARVNDEN VIVIS PLVSQVAM
quingentis imaginibus, nunquam antea ad naturæ imitationem artificiosius effi-
ctis & expreis, LEONHARTO FVCHSIO medico hac
nostra ætate longè clarissimo, autore.

Regiones peregrinas pleriq; alij alias, sumptu ingenti, studio indefesso, nec sine discrimine uitæ non-
nunquam, adierunt, ut simplicium materiæ cognoscendæ facultatem compararent sibi;
eam tibi materiam uniuerfam summo & impensarum & temporis compendio,
procul discrimine omni, tanquam in uiuo iucundissimoq; uiridario,
magna cum uoluptate, hinc cognoscere licebit.

Accessit ijs succincta admodum uocum difficilium & obscurarum
palsim in hoc opere occurrentium explicatio,

Vnâ cum quadruplici Indice, quorum primus quidem stirpium nomencla-
turas græcas, alter latinas, tertius officinis seplasiariorum &
herbarijs usitatas, quartus germanicas continebit,



Cautum præterea est inuictissimi CAROLI Imperatoris decreto, ne quis
alius impunè usquam locorum hos de stirpium historia com-
mentarios excudat, iuxta tenorem priuilegij
antè à nobis euulgati,

BASILEAE, IN OFFICINA ISINGRINIANA,
ANNO CHRISTI M. D. XLII.

*SVM Iohanni Storeri
ingens 1542.*

LEONHARTVS FVCHSIVS
ÆTATIS SVÆ ANNO XLI,



ILLVSTRISSIMO ET CHRISTIANISSIMO
 PRINCIPI AC DOMINO, DOMINO IOACHIMO, SACRI RO-
 MANI IMPERII ELECTORI, MARCHIONI BRANDENBUR-
 gensi, Stetinæ, Pomeraniæ, Cassuborum, Sclauorumq; Duci, Burg-
 grauio Norimbergensi, necnon Rugiæ Principi, Domino
 suo longè clementissimo, LEONHARTVS
 Fuchsius medicus S. P. D.



VANQVAM uniuerſa medicina nullis non ſeculis glorioſa &
 diuina ſit habita, Illuſtriſſime ac generoſiſſime PRINCEPS, ta-
 men in hoc eius ſummo ſplendore ſemper plus laudis, admiratio-
 nis ac ponderis, ea illius pars quæ naturas ſtirpiũ ueſtigat rima-
 turq; obtinuit: idq; partim quod uetula, cuius maxima ſemper
 apud omnes autoritas & ueneratio fuit, eſſet antiquiſſima: par-
 tim etiam quod iucunda, utilis & neceſſaria eius eſſet cognitio.

Herbariã medici-
 nam multũ admi-
 rationis & lau-
 dis ſemper obui-
 niſſe.

Nam cum reliquæ propemodum omnes artes, ſimulatque à Deo

ſtirpium origo
 diuina.

opt. max. creatus eſt homo, inuentæ ſint, ac ſubinde multorum induſtria auctæ, ſolæ herbæ
 poſt condita ſtatim elementa, nulloq; adhuc exiſtente homine, unã cum diuinis ſuis uiribus,
 ita iubente Deo, è terræ latebris eruperũt. Vt hoc nomine nullius rei aut artiſ inuentio ue-
 rius quàm medicinae et ſtirpium, Deo aſſignetur. Quod ſi tamen quiſpiam ijs quæ aſſerui-
 mus impudenter reclamare audeat, huic quidem Moſen, omnium qui ſcripſerunt uetuliſſi-
 mum teſtem, utpote ante quem nullum alium inuenies ſcriptorem, neq; apud Chaldaeos, neq;
 Aegyptios, neq; Phœnices, neque Græcos, quæ tamen ſunt uetuliſſiores nationes, oppone-
 mus, qui palàm quod nos, in Geneſi ſua affirmat. Neq; eſt cur inſolenter & contumelioſe
 quis illius teſtimoniũ repudiet aut aſpernetur, ut quem nō noſtri modò, ſed & profani quicq;
 nunquam non admirati ſunt, ſummisq; extulerunt laudibus: quem etiam uenerandum ueridi-
 cumq; ipſa uetuſtas facit. Siquidem hæc ipſa, Cicerone teſte, proximè ad deos accedit: qua-
 propter quo propius abeſt ab ortu, et diuina progenie, hoc melius ea quæ uera ſunt retinet.
 Proinde haud temerè quotquot unquam extiterunt homines, adhiberi fidem uenerandæ ue-
 tuſtati conſtanter aſſeruerunt. Cæterum non ſolum Moſes, ſed etiam quotquot eum ſequi-
 ti ſunt poëtæ & hiſtorici, Aegyptia exculi diſciplina, herbarum originem & inuentionem
 dijs tribuerunt. Græcorum nanque antiquiſſimi poëtæ Homerus & Heſiodus (neque
 enim quicquam Græci habent quod ante illos citent) apertè ſtirpium diuinam eſſe originem
 teſtantur. Hic quidem dum homines ignorare tradit, quantũ in Malua & Aſphodelo re-
 conditum ſit. Nam ijs uerbis ſubobſcurè admodum herbarum uires in intimis earundem me-
 dullis reconditas eſſe, hominibusq; ignotas, nec niſi dijs ipſis, qui illarũ ſunt inuento-
 res, per-
 ſpectas innuit. Ille uerò, dum Moly herbæ laudatiſſimæ, & contra Circes ueneficia mirè
 efficaciſ, inuentionem Mercurio deorum apparitori acceptam refert, hominibusq; inuentu
 difficilem, dijs uerò nō item, eſſe ſcribit. Quinetiam in ſuis Theriacis Nicander Panaces,
 quod ipſo ſtatim nomine morborũ omniũ remedia pollicetur, à dijs ipſis inuentũ eſſe, huicq;
 adeò Chironium, Aſclepium & Herculeum appellatum, memoriæ prodidit. Quod græ-
 ci poëtæ particulatim atq; de ſingulis ferè generibus aſſeruerunt, hoc inter Latinos Oui-
 dius, quem unum pro multis nunc produxiſſe teſtem ſatis ſit, in uniuerſum de omnibus, dum
 ita loquentem de ſeipſo Apollinem fingit, affirmare uoluit, dicens:

Moſes ſcriptor
 omniũ antiquiſ-
 ſimus.

Vetuliſſimæ
 autoritas.

Homerus & He-
 ſiodus Græcorũ
 ſcriptores anti-
 quiſſimi.

Inuentum medicina meum eſt, opifexq; per orbem

Dicor, & herbarum ſubiecta potentia nobis.

Quare nunc omnibus perſpicuum eſſe arbitror, ſi antiquitatem diuinamq; originem ſpecte-
 mus, herbaria medicina nihil uſquam eſſe laudabilius, ſplendidius, honorificentius. Quod

Herbarie medi- si uerò utilitatis magnitudinem, quam hæc ipsa hominibus affert, animo expendas, quid ea
cine utilitas. præstantius sit non uideo. Nam nulla alia re magis bonam corporis ualitudinem conserua-
mus, tuemur, sustentamus, quam stirpium omnis generis subsidio. Valetudine autem bona
nihil neq; melius, neq; præstantius, neq; optabilius existit, utpote sine qua nec potētia, nec di-
uitiæ, nec ullæ aliæ res suauēs, & usui esse possunt: ut præclare ab Hippoc. nostro dictū sit,
ὁ δὲ ὄφελός ἐστιν ὅτε χρημάτων, ὅτε σώματος, ὅτε τῶ ἄλλω ὁδὸν, ἅ τὸν τῆς ὑγιείας.
Neque præsentem tantum ualitudinem herbarum beneficio tuemur, sed & labefactam
& conuulsam ijs ipsis corrigimus, emendamus ac restituiamus. Vt enim apes ex illarum
floribus materiam colligunt unde mel conflant, ita nos ex immensa earundem uarietate ad-
uersus morbos remedia decerpimus. Porro cum innumeri ferè sint morbi qui nobis à fronte,
Herbarie medi- tergo, lateribus insidias tendunt, summè necessariam quoque esse exquisitam stirpium noti-
cine necessitas. tiam nemini obscurum fore, sed constare inter omnes puto. Neq; enim sine diuinis illarum
iucunditæ cogni- uiribus ut à nobis propulsemus morbos licebit. Quantum uerò iucunditatis ac delectatio-
onis stirpium. nis habeat stirpium cognitio, non est cur pluribus exponam, cum nemo sit qui nesciat nihil
esse in hac uita iucundius, delectabiliusq; quam syluas, montes, campos, uarijs ijsq; ele-
gantissimis flosculis ac herbis redimitos & ornatos peragrarè, intentisq; oculis intue-
ri. Voluptatem uerò ac iucunditatem illam non parum auget, si earundem facultatum ac
uirium accedat notitia. Neque enim minor in cognoscendo, quàm aspiciendo suauitas &
delectatio. Quare cum ueteres illi diuinam esse stirpium originem, easq; in tanta uita hu-
manæ fragilitate non modò usum & fructum immensum habere, sed & summè necessarias
esse animaduertent, non solum de hac parte medicinæ honorifice sentire cœperunt, ue-
rumetiam nihil in ipsa natura quod suspicerent dignius, aut quod inuestigarent & perscu-
tarentur pulchrius, aut quod cognoscerent iucundius esse duxerunt. Proinde se totos & ani-
mo & corpore in earundem inquisitionem atque indagacionem contulerunt. Et hoc studio
uestigandarum stirpium non plebeijs tantum & abiectæ sortis homines tenebantur, sed &
ex omni genere hominum potentia, diuitijs, prudentia & doctrina præstantes. Quanto
enim illi generis nobilitate clariores, prudentiaq; & doctrina præstantiores fuerunt, atq;
adeò de hac parte medicinæ incorruptius iudicare potuerunt, tanto magis ad scèlandum hoc
studium animi illorum sunt excitati ac inflammati. Hinc est quod plerique Reges, po-
tentia & prudentia excellentes, neglecto interim regij fastigij honore, cum toto regie digni-
tatis satellitio, per uastas multarum regionum solitudines ire, inuia montium iuga peragra-
re, lacus inaccessos lustrare, abditas terræ fibras scrutari, hiantes uallium sequi specus,
minime grauati sunt. Quod ut facerent, non tam eos immensa iucunditas & uoluptas, qui-
bus tum fruebantur quum uaria loca uarijs floribus ac herbis ornata obibant, inuitauit,
quàm ut de humano genere, adeoq; tota posteritate optimè mererentur, & immortale no-
men adipiscerentur, ardor quidam impulit. Quare de illis quas quisque inuenit sibi asseren-
dis non minus acriter & strenuè, quàm de imperio, aut uita ipsa, qua nihil charius, dimi-
carunt: id quod uerum esse multarum stirpium nomina testantur. Neque enim Polemo-
nia herba alia de causa etiam Philetæria, teste Plinio, dicta est, quàm propter certamen
inventionis regum. Nonne Gentiana etiam ipsa, cui à Gentio Illyriorū rege eius inuento-
re nomen inditū est, satis docet quàm ille studiosus herbarum fuerit? utpote quem etiam in-
ter media arma earundem indagacioni operam nauare, & Gentianæ rimari facultates non
piguit, idq; nullo alio nomine, nisi ut hac ratione memoriam sibi perpetuam ac nunquam in-
termorituram conciliaret. Porro Lysimachum Macedonum regem non tam animi magni-
tudo uiriumq; gloria nobilitauit, quàm Lysimachia herba, quæ in hunc usque diem nomen
eius retinet. Mithridates sanè, Ponti et Parthorū rex maximus, ne uiginti quidem duarū
linguarum

linguarum peritia, uarijsq; hinc inde uictorijs nomen sibi parasse contentus fuit : sed ut clarior celebriorq; euaderet, in eam quoque curam fortiter incubuit, ut omnium simplicium medicamentorum, eorum maximè quæ letalibus aduersantur, exactam notitiam nancisceretur. Quàm uerò intentum in eam rem animum habuerit, quantumq; hinc laudis & gloriæ consequutus sit, nihil attinet dicere, quod idipsum abundè satis medicamentum hoc quod in hodiernum usque diem nomen eius retinet, ac Mithridaticum appellatur, quodq; adhuc hodie ad arcenda uenena à medicis usurpatur, declaret. Et quidem Scordium herba, quæ non alia de causa, Crateia herbario autore, nominata Mithridatia est, quàm studiosus ille fuerit stirpium satis etiam monstrat. Prædictis iam regibus nobis adiiciendus uenit omnium quotquot fuerunt unquam regum sapientissimus opulentissimusq; Solomon, ad cuius immensas laudes, quas illi sacra Bibliorum historia defert, hoc ueluti maximum, & quod reliqua omnia superare uidetur, accedit, quod de singulis stirpibus sapientissimè differere potuerit. Præterea primus Pergami rex Attalus, ut testis est grauius autor Galenus, omnis generis medicamentorum studiosissimus fuit, ita ut multas ac uarias compositiones, quæ adhuc extant, & nominis eius inscriptionem retinent, construxerit. Euax etiam Arabum rex tanto studio inquirendarum stirpium flagrasse dicitur, ut de simplicium effectibus ad Neronem scripserit. Iuba denique Mauritanie rex herbarum studio quàm regno memorabilior factus est. Quantam enim huic Euphorbium herba, quam ille à se inuentam medici sui nomine appellauit, mirisq; laudibus priuatim ei dicato uolumine celebrauit, pepererit, neminem esse puto qui ignoret. Cæterum quum sequentibus subinde annis Romanorum reges & Imperatores propter publicas, easq; uarias & maximas, occupationes, indagandis stirpibus operam nauare non possent, hoc saltem studiose & diligenter curarunt, quod idem Galenus testatur, ut uarijs in locis, maximis quidem impensis, herbarios alerent : idq; nulla alia de causa, quàm ut studium hoc cognoscendarum stirpium, hominibus non minus utile quàm necessarium, fouerent, & ab interitu conseruarent. Verum relictis nunc regibus, alijsq; multis insignibus heroibus, Teucro Aiædis fratre, qui Teucro nomen dedit : Achille, à quo Millefolia Achilleia cognominata est : Chirone Centauro, à quo Centauriū nomen accepit : Hercule, qui Hyoscyamū inuenisse traditur : quantum operæ ac studij in perquirendis omnis generis stirpibus ueteres tum Græci tum Latini poëtæ & philosophi posuerint, breuiter perstringemus. Atqui ex compluribus paucos aliquot, eosq; optimos produxisse sufficiat. Plinius quidem inter Græcos antiquissimum poëtam Orpheum (nemo enim ante hunc apud illos memoratur, siquidem ante omnes alios poëtas & philosophos floruit) de herbis aliqua, curiosius etiam, prodidisse, & post eum Musæum & Hesiodū Polium herbam miris laudibus celebrasse scribit. Præterea rerum humanarū peritissimū uatem Homerum curam cognoscendarū stirpium magni fecisse, nec à se reiecisse aut aspernatum fuisse, Nepenthe, Moly, Lotos, & Alcinoi hortus satis ostendunt. Virgilium autem, Latinorū poëtarū principem, stirpium fuisse peritissimū, tam crebræ earundem in suis uersibus mentiones palàm testantur. Quare nō raro etiā interpretibus grammaticis faceßit negociū, illum miseris modis enarrantibus. Quàm uerò studiosus herbarū fuerit Onidius, nemini nō notū est, nisi qui illius carmina introspicere dedignatus est. Philosophos autem herbariam medicinā non neglexisse aut contempsisse hinc colligitur, quod literis proditum sit Pythagoram, clarum sapientia uirum, integro uolumine Bulbos celebrasse, perinde atq; Chrysippum Brassicam, Zenonem Capparin : quod facere tanti philosophi nunq; in animum induxissent, si nō optimè de hac medicinæ parte sensissent. Aristotlem præterea, summū certè philosophum, aliquot de stirpibus libros reliquisse nemo nescit : unde quanti fecerit herbarum cognitionem, tam excellentis ingenij uir, quiuis cōiecturam fa-

Solomon rex
Hebræorum.Attalus Per-
gami rex.Euax Ara-
bum rex.Iuba Mauri-
tanie rex.Cæsares Roma-
ni suis impensis
herbarios aluerePoëtarū & phi-
losophorū in ue-
stigandis stirpi-
bus studium.

Orpheus.

Musæus.

Hesiodus.

Homerus.

Virgilius.

Ouidius.

Pythagoras.

Chrysippus.

Zeno.

Aristoteles.

Quid ueteres studio inquirendarū stirpiū consecuti sint.

A principib. herbarij alendi, aut sumptus ad inquirendas herbas supeditandi.

Medici nostri teporis à studio indagandarum herbarū abhorrent.

Herbariam medicinam hodie in manibus esse imperitæ plebis.

cit. Sed desino tandem illustrium uirorum qui de herbaria medicina honorificentissimè & senserunt & scripserunt, texere catalogum, ubi prius unam etiam è præclaris mulieribus, Artemisiam Mausoli Cariae reguli uxorem, quæ ab hoc indagandarum stirpium studio non abhorruit, illis adiecero. Quàm enim incredibili quodam ardore ac desiderio cognoscendarum herbarum hæc ipsa flagrarit, Artemisia stirps, quæ in hunc usque diem nomen eius retinet, cum antea Parthenis sit appellata, loquitur. Ut nunc omnibus perspicuum sit, omnis & ætatis & generis homines, eosq; nobilitate ac doctrina præstantissimos, non solum de herbaria medicina præclare sensisse, uerum etiam ut illam perdicerent plurimum operæ, studij, diligentiae & laboris contulisse. Atqui cognoscere fortassis à nobis quispiam huic parti medicinæ parum æquus desiderabit, quid tandem illi per nos longo ordine commemorati, hoc studio inquirendarum stirpium cōsecuti sint? Rem sanè longè præstantissimam, nullisq; neq; diuitijs, neque uoluptatibus postponendam, memoriam scilicet apud posteros immortalem ac sempiternam. Tandiu enim firma & illabefacta eorum manebit memoria, quandiu tellus fida & optima rerum parens Gentianam, Lysimachiam, Scordium, Eupatorium, Euphorbium, Clymenon, Polemoniam, et id genus alias stirpes quibus præclarissimorum regum indita sunt nomina, producet. Viuent itaque hodie grata hominum memoria, illorum nomina, alioqui statim simulatq; è uiuis excessissent cum ipsis peritura, nisi illa stirpibus indita post se reliquissent. Et à nobis certè meritò hoc omnium longè præclarissimum ac saluberrimum tantorum regum & doctissimorum hominum studium atque certamen laudibus ad cælum usque extollitur, quoties quàm optimis donis uitam nostram excoluerint, & quàm de nobis præclare sint meriti recordamur. Quare uerissime Plinius dixit: Singula quosdam inuenta deorum numero addiderunt, omniumq; uitam clariorem fecerunt cognominibus herbarum, tam benignè gratiam memoria referente. Quod ubi mecum reputo, mirari subit cur nemo propèmodum principum nostrorum, ueterum regum & heroum exemplum imitari studeat, atque iuuare saltem eos qui hoc studio indagandarum herbarum tenentur, in animum inducat. Scio quidem eos molestis & operosis negocijs sic implicitos, modò Spartam quæ illis obtigit, probè tueri uelint, ut inquirendis stirpibus operam dare ipsi non possint. Attamen illorum nihilominus erat hortos optimis, & à longè etiam petitis herbis confitos construere, atque qui easdem subinde colant, augeant & conseruent herbarios, quod etiam olim Cæsares Romanos fecisse suprà cōmemorauimus, suis impensis alere. Idq; ea potissimum de causa, quod nulla sit res unde sibi plus laudis & gloriæ aucupari ualeant, aut de tota posteritate melius mereri, quàm si hac ratione stirpium notitiam conseruare studuerint. Optarem itaque aliquam saltem partem, eamq; planè minimam suorum sumptuum, quos magna ex parte in res fluxiles ac momentaneas, ne quid grauius dicam, collocant, ad illustrandam hanc medicinæ partem, quæ nunc quasi caput suum è profundis tenebris exerit, ponerent. Sed prò Deum immortalem, quid mirum reges & principes hoc studium indagandarum stirpium non admodum respicere, cum nostræ ætatis etiam medici sic ab eo abhorreant, ut inter centum uix unum qui pauculas saltem herbas exactè cognitas habeat, reperire liceat. Quod quidem alia de causa fieri nō iudico, quàm quod eam medicinæ partem quæ stirpium cognitionem tradit, ad se pertinere haud putent: aut uiliorem inhonestioremq; esse censeant, quàm ut ad se pertinere patiantur. Dignitati enim existimationiq; suæ non parum detractum iri arbitrantur, si ea tractent, quorum seplasiarij & quidam alij, si dijs placet, sibi iam cognitionem uendicarunt. Hinc est quod totam hanc curam in pharmacopolas, indoctum mehercule magnā ex parte hominum genus, & in stultas mireq; superstitiosas mulierculas reijciant. Adeò ut nostra tempestate uniuersa herbaria medicina in manibus sit rusticarū & uetularum mulierū, ineruditorumq; hominū, qui errorem sub-

rem subinde errore cumulant. Merito itaq; reprehensionem & obiurgationē nostram multorumq; aliorum bonorū uirorum incurrunt medici, qui hanc cognoscendarū stirpium curam funditus repudiant, aspernantur, & pro nihilo putant. Quis enim æquo animo ferret hoc sibi studium ignominiosum existimare, quod olim regibus, Græcorumq; ducibus, adde etiam poëtis & philosophis, fuisse longè honorificentissimū demonstrauimus? Quod si uerò quispiam secum etiam reputet quā utilis quāq; necessaria medicis sit hæc herbarū notitia, longè maxima castigatione & obiurgatione dignos censebit. Nam nemo illorum morbis rectè mederi potest, aut medicamenta componere, aut antea inuentis commodè & opportunè uti, nisi simplicium exactam habeat notitiam. Id quum omnibus sit manifestissimū, cur pluribus demonstramus nihil opus est. Ad hanc autem consequendam notitiam non satis est semel aut bis tēre illorum discrimina, Galeno etiam nostro teste, sed frequenter admodum inspexisse. Proinde cum ueteres olim cum philosophi tum medici αὐτοψία propriamq; inspectionem ad exquisitam stirpium notitiam consequendam necessariam esse perspectum haberent, harum inquirendarum munus non rudibus & imperitis seplastiarijs, non horum ministris æquè imperitis, aut multò rudioribus, non etiam stultæ & ineptæ plebi permiserunt: sed ad se potius pertinere hanc prouinciam arbitrati, non unius & item alterius tantum regionis tractus, sed magnam orbis partem peragrarunt, ut non solum suis ipsorū oculis omnis generis herbas contuerentur, uerum etiam manibus contrectarent, degustarentq; ut scilicet hac ratione non tantum earundem imagines, sed & uires planè addicerent. Sic sanè Theophrastū, qui nobis nouem de historia libros certè præstantissimos reliquit, multas peragrasse prouincias constat: neq; enim aliàs tam exquisita ratione singulas stirpium differentias, quas diuersarum regionum ratione habent, tradere potuisset. Dioscorides quoq; ut metipsetestatur, incredibili quodam cognoscendarum herbarum desiderio ductus, multa admodum in militari labore loca perlustrauit, tantam hinc consecutus peritiam stirpium, ut post se de iisdem, Galeno etiam teste, absolutissimos reliquerit libros, quos multi hodie herbariæ medicinæ studiosi, magno cum fructu, non tantum assiduè domi legunt, sed & secum nunquam non circumferunt. Prætereo nunc lubens Crateiam, Dionysium, Methrodorum, utpote quorum scripta non extent, temporumq; iniuria perierint. Omitto etiam Plinium Secundum, diuini illius operis De mundi historia autorem, quem omnes plurimū operæ non solum in hoc cognoscendarum stirpium, uerum etiam multarum aliarum rerum studio posuisse, ac tandem mortem oppetisse sciunt. Quā uarias autem terræ regiones ut medicam materiam exactè cognosceret, uitamq; mortalium iuaret, Galemus lustrauerit, nemo qui libros eius paulò diligentius legit, ignorare potest. Nam metallorum gratia in Cyprum, quæ ibidem multa sunt: bituminis & aliorum quorundam causa, in Syriam Palæstinam nauigauit. Quantum uerò studij & operæ in sola dignoscenda terra Lemnia posuerit, ijs qui nauigationis suæ descriptionem legerunt notum est. Hæc longius commemorauimus nulla alia de causa, quā ut hinc nostri seculi medici discerent, quantum ipsi à ueterum abessent diligentia: quos maximo etiam rerum suarum, adeoq; corporis dispendio, in densissimis syluis & nemoribus oberrare, altissimāq; montium iuga conscendere ut exactam stirpium notitiam consequerentur, haud piguit: & ut uel tantorum uirorū exemplo tandem conuicti, stirpium cognoscendarū studium ad se pertinere credant. Quod si tamen ijs exemplis parum mouentur, ad hanc suscipiendam curam uel pudor eos impellat adigatq;. Nemo enim est cæterorū artificum qui sibi nō ignominiosissimū esse duceret, si suæ artis instrumenta & materiā quā quotidie manibus cōtreclat, ignorare iudicaretur. Cum itaq; in manuarijs artibus omnes eum ridendū esse artificem existiment, qui artis eius quam proficitur materiā nō satis perspectā habeat: multò certè maiori cachinno dignus erit medicus, qui suæ artis materias,

Stirpium notitia
medicis tum uti-
lis tum necessaria

Veterum medi-
corum circa sim-
plicium medica-
mentorū cogni-
tionem studium.

Theophrastus.

Dioscorides.

Plinius Se-
cundus.

Galenus.

Medicū ignora-
re materiam me-
dicam, ridiculū.

atq; adeò sanandi instrumenta, ignorat. Et detestanda quidem si nullo alio, hoc tamen potissimum nomine, hæc medicorum quorundam inertia, desidia, socordia, & negligentia, quod effecerit ut propè modum omnis stirpium cognitio extincta & funditus deleta fuerit. Atque actum planè de medicina herbaria fuisset, nisi aliquot bonos, eruditos, & diligentes uiros Deus excitasset, qui hoc studium quod iam ad internitionem tendebat, & propè totum oblitteratum erat, maximis & uigilijs & laboribus iuuare, atq; ab interitu uindicare uoluissent. Inter eos autem qui strenuè in hanc curam incubuerunt, mea quidem sententia primas tenet

Hermolaus
Barbarus.

genere & eruditione clarus Hermolaus Barbarus, qui primus omnium, quod sciam, nostra ætate facinus longè pulcherrimum aggredi, eamq; medicinæ partem neutiq; contemnendam, à tenebris in lucem reuocare ausus est. Nam initio suscepti illius laboris præstantissimum, atq; multis iam seculis cõprobatum medicæ materiæ scriptorè Dioscoridem Latio donauit. Quo

Corollarium
Hermolai.

feliciter peracto labore, Corollarium adiecit, quo nihil eruditius, nihil copiosius, nihil deniq; magis uarium post Plinium in latina lingua editum esse docti unanimi sententia fatentur. Quicquid enim à Theophrasto, Athenæo, Oribasio, Aëtio, Paulo, Polluce, Plinio alijsq; cum Græcis tum Latinis eruditis admodum hominibus, quos nominare nunc nihil attinet, sparsim notatum est, hoc totum in Corollario suo, uno quasi fasce, complexus est Barbarus. Et quidem huius celeberrimi uiri studiū eò magis à nobis prædicandum esse censeo, quod ipse primus, quousq; professione medicus non esset, securè interim in utramuis aurem dormitantibus medicis, nutanti tum breuiq; casuræ rei herbariæ auxiliares manus porrigere

Ioannes Ruellius.

dignatus sit. Incõparabilis huius uiri exemplum ac institutum, paulò post imitatus est Ioannes Ruellius Gallus, homo supra linguarum peritiā non uulgari rerum cognitione præditus: is enim pari conatu ac studio cum prodigiosis monstris congressurus, eum primū nobis autorem latinitate donatum exhibuit, unde ueram exquisitamq; materiæ medicæ cognitionem petere liceret, ut scilicet proscriptis & explosis tandem Auicennæ & aliorum Arabum insulsis, erroribusq; non leuibus refertis de re herbaria placitis, è purissimo fonte Dioscoride stirpium notitiam hauriremus. Certarunt itaq; inter se hi duo insignes uiri uter alterū uinceret: honestum sanè, Hesiodo & Galeno nostro testibus, certamen, è quo uterq; immortalē est consecutus gloriam. Cæterum cum Ruellius ueteres atq; adeò legitimas stirpium nomenclaturas, quibus eas Dioscorides appellauit, acceptione nouarum, quas nobis magna

Monachos & mulierculas, ueteres stirpium nomenclaturas obscurasse.

ex parte monachorum & muliercularum superstitione peperit, obscuratas nunc & oblitteratas esse, neq; etiam singulas stirpes ab uno Dioscoride descriptas animaduerneret, paucis abhinc annis opus, ut apparet, multis uigilijs adornatum, cui de stirpium natura titulum indidit, edere uoluit. In quo sanè quicquid usquam ferè apud Theophrastum, Plinium, Galenum, aliosq;

Ruellij opus de natura stirpium.

ueteres & recentes probatos autores de stirpibus scriptum est, completi magno studio annexus est. Quare à plerisq; hodie uir ille bonus male audit, eò quod complura admodum ad uerbum aliunde, è Plinio præsertim ac Hermolai Corollario, transcripta, suppressis eorundem nominibus, in suos transtulerit cõmentarios: quasi uerò illi quibus hoc suum tuetur factum, modò superstes esset, ueterum eorumq; probatissimorum scriptorum exempla des-

Ruellius à calumniis defenditur

essent. Atqui ut mortuo iam nonnihil patrocinemur, unum tantum cõmemorabimus. Neminē esse arbitramur qui nesciat Plinium uastum hoc suum & immortalitate dignum de historia mundi opus ex antiquissimis ac uarijs autoribus contexuisse: is tamen non quouis in loco eorum unde singula descripsit nominatim mentionē facit, cõtentus id ipsum semel fecisse. Quare cum in Plinio haud culpetur quod non nisi semel, libro nimirum primo, eorum unde sua transcripsit meminerit, qui sit ut hoc ipsum Ruellio uitio detur? cum tamen constet hunc in præfatione eius operis ingenuè fateri, ea quæ sparsim à ueteribus tradita sunt, se ueluti in compendium digessisse, atq; usque adeo ab ijs adiutum esse, ut eis penè totum acceptum referat.

Proinde

Proinde cum is aliorum scriptis cōmodè usus sit, eaq; quasi in ordinem digesserit, atq; aded sua fecerit, nō erat cur passim autorum unde singula mutuauerat nomina, maximo legentium fastidio apponeret. De ijs itaq; Ruellij laboribus alij statuam ac iudicent quicquid uelint: scio enim quā disparia, & magna ex parte iniqua, multorum de ijs ipsis sint iudicia: me certè non pudebit apertè fateri, mihi eius cōmentarios multum profuisse. Quamuis nec illud nobis dissimulandum sit, nos non raro ab illo dissentire, tantum abest ut quispiam me in uniuersum omnia quæ in ijs libris de natura stirpium decernit, probare existimet. Vt cūq; autem multa sint in Ruellij cōmentarijs quæ nō probemus, debet tamen nihilominus eius studium nobis esse longè gratissimum, ut qui in tanta rei herbariæ caligine plus tamen omnibus qui hunc antecesserunt præstiterit. Sed de Ruellio satis, aut certè plura quā oportuerit diximus, præsertim cum non desint suæ gentis homines tum eruditi tum eloquentes, qui illi multò rectius quā ego patrocinari in hac causa possint. Ad Marcellum igitur Virgilium Florentinum, qui post Ruellium hanc medicinae partem illustrare aggressus est, accedamus. Quamuis uerò ille non magnam admodum herbarum notitiam habuisse uideatur, ut qui professione medicus non fuerit, eoq; tempore quo densissimis tenebris res herbaria obducta iacuit sua ediderit, tamen quia complura obscura & deprauata Dioscoridis loca enucleauit, & pristino nitore restituit, debet uel hoc saltem nomine illius studium & conatus nobis probari, cum nihil æque ad recte intelligendū Dioscoridem aliosq; autores conducatur, ac exemplariorū integritas & puritas. Quod uerò nōnunquam à uerbis Dioscoridis paulò longius recesserit, nec eorum legitimū & genuinū sensum affecutus fuerit, id illi uitii cum cæteris interpretibus cōmune est, utpote qui nō raro Plinij magis quā Dioscoridis sensum exprimere ac sequi studuerint. Quod uerò nōnulli Marcellum Dioscoridis interpretem planè grammaticū esse iudicant, nō magnopere reprehendo. Sed quod adiiciūt eum in hac arte nō satis tritum, hoc faciunt more suo, ne non palam omnibus insanire ac furere uideantur, dum ita sinistrè actemerè de hoc uiro multisq; alijs de literis et re medica optimè meritis iudicare audent. Ego uerò omni asseueratione affirmare nihil metuo, Marcellum in tanta etiam rerum omnium caligine, plures herbas cognitatas habuisse, magisq; grammaticū fuisse, quā illi hodie, qui tam impudenter de fama illius et aliorū eruditorū hominū detrabere nō uerentur. Verum omisissis nunc cæteris, ad Germanos nostros, uiros aliquot bonos & eruditos, qui editis scriptis medicinae herbariæ lucem afferre, & eam quasi in integrū restituere conati sunt, ueniamus, ut ne eos etiā merita defraudemus laude. Inter hos autem primus fuit Otto Brunfelsius, uir quidem eruditus & planè φιλόπονος, qui primū latino, dein etiā germanico scripto herbariā medicinā iuuare & illustrare conatus est. Quamuis autē multa in illius scriptis desiderantur, utpote quod descriptiones picturis passim nō respondeāt, et quod paucas admodum, & uulgares tantū stirpes protulerit, quodq; sæpe nō suis & legitimis nominibus appellauerit herbas: nihilominus tamen ut hunc omnes certatim laudibus efferant uel unica hac de causa meritis est, quod ipse primus omnium rectam pingendarum stirpium rationem denuò in Germaniam nostram inuexerit, alijsq; hanc imitandi occasionem præbuerit. Cætera quæ in eo desiderantur, cum illa præstare non potuerit multas ob causas, potissimū uerò propter crebras ac multas typographi molestias, qui importunè insistebat, editionemq; ut metipse in aliquo suarum uigiliarū loco fatetur, maturabat, ueniam merentur. Quid multa? cum constet Brunfelsium primum fuisse in Germania nostra qui herbariam medicinam propemodum extinctam è crassissimis eruere tenebris attentauerit, certe hoc nomine, quam non omnia ex sententia ceciderint, uenia dignissimus est: nam etiam iuxta prouerbum, συγγνώμη τῷ πρωτοπείρῳ. Præterea cum huic optimo uiro nihil optatius fuerit, quā ut posteritati plurimum prodesset, æqui boniq; faciendos studiosis omnibus

Marcellus Virgilius Florentinus.

Defenditur ab iniuria Marcellus.

Otto Brunfelsius

eius labores, qualescunq; sunt, censeo. Brunfelsio in hoc studio illustrandæ rei herbariæ
 Euricius Cordus successit Enricus Cordus, uir præter singularem poëtices, aliarumq; disciplinarum eruditio-
 nem, integerrimus ac diligentissimus. Quantum autem rei herbariæ uindicandæ ab interi-
 tu profuerit, Botanologicon quod ille posteritati suæ diligentiae testem reliquit, abundè testa-
 tur, aded ut nunc nostra cõmendatione huic non opus sit. Hoc tamen in præsentia dicere uo-
 lui, uirum hunc longiori uita fuisse dignissimum, ut qui opera sua instaurandæ herbariæ me-
 dicinæ plurimum momenti adferre potuisset. Sed quod parenti per ipsa fata non fuit inte-
 Valerius Cordus grum perficere, hoc filius, quem post se reliquit, Valerius Cordus, optimæ spei iuuenis, et
 incredibili quodam cognoscendarum stirpium studio amoreq; flagrans, nisi dii quoq; quod lon-
 gè absit, illi uitam longiorè inuideant, cumulatè præstabit. Cum enim nunc paternis uestigijs
 strenuè insistant, nõ est cur uelit quasi in medio cursu gradum sistere. Post Euricium Cor-
 dum in hanc arenam descendit Hieronymus Tragus, qui anno abhinc altero, cum iam propè-
 Hieronymus Tragus. modum hos cõmentarios absolueramus, germanicum scriptum bene longum de stirpibus publi-
 cavit. Cuius quidem conatus mihi ualde probantur. Nam etsi mihi cum eo nulla intercedit fa-
 miliaritas, apparet tamen in hoc homine mira quædam in inquirendis stirpibus diligentia.
 Et quidem hunc non esse imperitum herbarum, earundem descriptiones quas affert palam
 testantur. Eiusmodi enim magna ex parte sunt, ut oculis suis inspexisse huc herbas quas pin-
 git abundè demonstrent. Atq; hoc quidem nomine laudem meritus est nõ uulgarem, potuissetq;
 multorum euitare reprehensionem, nisi singulis ferè herbis sua ex Dioscoride nomina ac-
 cersere noluisset: quasi uerò Dioscorides omnium regionum stirpes descripsisset, cognitassq;
 habuisset, cum tamen cõstet quamuis propèmodum terram suas priuatim ferre herbas. Dum
 itaq; omnibus stirpibus sua ex Dioscoride nomina imponere studet, dictum mirum quàm in-
 terdum temerè admodum, probatas & multis iam seculis receptas Dioscoridis lectiones im-
 mutare ac deprauare cogatur. Quod quidem ius præter necessitatem immutandi loca autorum
 non solum sibi Tragus, uerum etiam alij quidam, idq; magno cum supercilio, usurpant: ut ni-
 hil mirum sit raros esse admodum autores, quamuis optimi sint, quos nõ infinitis mendis con-
 taminatos uideamus. Neque enim alia est maior deprauandi bonos autores occasio, quàm
 cum quisq; quod maximè placet in ijs immutandis statuit. Qui enim fieri potest ut dum qui-
 uis pro suo arbitrio nunc demit, nunc adijcit aliquid, maneat illa befacta gemina & legitima
 scriptoris sententia? Quare non minus uerè quàm lepidè quidam dixit, eos libros esse opti-
 mos, qui nullam prorsus lituram experti essent. Cum igitur is mos temerè quæuis in bonis
 autoribus immutandi nobis semper suspectus & infensus fuerit, diligenter admodum caui-
 mus ne quid facile in Dioscoride mutaremus, nisi ut id ipsum faceremus manifestissimæ con-
 iecture, aut Plinius, aut alius quispiam fide dignus autor moneret cogerétue. Sed ad Tra-
 gum reuertamur, qui quum strenuè annititur ut singulis herbis nomina ex Dioscoride im-
 ponat, in alterum peccatum incidit, ut nõ raro falsas & adulterinas facultates, quod pernicio-
 sissimum esse nemo nõ nouit, eisdem assignet. Hactenus tum exterorum, tum etiam nostræ gen-
 tis uirorum aliquot sanè eruditorum, qui editis scriptis rem herbariam iuuare studuerunt,
 honorificam facere mentionem uoluimus, ut quàm bene de nobis totaq; posteritate meriti es-
 sent ostenderemus, & ut extaret etiam erga iam mortuos aliqua gratitudinis nostræ signi-
 ficatio. Ceteros qui de ea medicinæ parte scripserunt nihil moror, ut quos constet plus illi
 tenebrarum offudisse, quàm lucis attulisse, taceo quod eorum scripta multis ac grauib; erratis
 plena sint. Verum inter omnes herbarios libros qui hodie extant, nulli sunt qui plus crassissi-
 morum errorum habeant, quàm illi quos iam iterum atq; iterum edidit Egenolphus typo-
 Egenolphus her- barij libri. graphus. Nam multis in locis unam atq; eandem herbam pro duabus tribusue, ijsq; & for-
 ma & facultatibus distantibus, pingit. Sic ex uno quidem Polygonato, Dielamum & Elle-
 borum

borum album facit. Vna etiam pictura Atriplicem & Mercurialem exprimit. Gladioli nomine tres inter se differentes herbas describit. Omitto alia multa quæ quiuis, modò per tenuem herbarum notitiam habeat, primo statim aditu deprehendet. De picturis eius hoc dixisse satis sit, me mirari maiorem in modum cur suis pyxidibus non appinxerit etiam assidentes pharmacopolas, aut illorum ministros præcinctos corio, cum melli aduolantes muscas, & aquæ naues, atq; in ijs ad transtra sedentes nautas adhiberi curauerit. Sed cum non magni faciat cōmoda studioforū, & ad rem augendam magis attentus sit, nihil mirum ex illius officina prodire eiusmodi libros. Porro ut eò tandem quò tendebat animus perueniam, ego quidem paulò antè cōmemoratorum longè doctissimorum uirorum studium imitatus, hos de histōria stirpium commentarios maximis cum uigilijs tum sumptibus confeci. In quibus initio quicquid ad uniuersam cuiusque stirpis histōriam attinet, omnibus superuacaneis re-
 cis, breuiter, & ordine, ut confidimus, optimo, eodemq; perpetuo, complexi sumus. Deinde singulis stirpium histōrijs, uiuas & ad naturæ æmulationem à nullo unquam, pace omnium dixerim, artificiosius expressas imagines adiecimus: idq; nulla alia de causa, quàm ut ea quæ nudis uerbis exponit histōria, certius exprimeret, atque adeo altius animo infingeret pictura. Neque sanè peregrinarum tantum stirpium, suaq; sponte in Germania nostra haud prouenientium, quarum tamen plus centum ijs in commentarijs studiosi reperient, picturas dedimus: uerum etiam uulgarium, & earum quæ iuxta sepes ac dumeta passim proueniunt. Idq; ut faceremus duabus potissimum rationibus moti sumus. Primum ut herbariæ medicinae studiosi earundem etiam histōriam integram, & in ordinem digestam haberent, quæ magna ex parte à ucteribus non est tradita, apud recentiores uerò non nisi manca & confusa. Dein ne posteris nostris accidat quod nobis euenisse nemini obscurum est, ut scilicet quæ hodie sunt omnibus notissimæ stirpes, illis prorsus incognitæ fiant. Nam quis est qui nesciat Dioscoridis seculo plerasq; herbas tam notas fuisse, ut illum piguerit earundem notas, quibus à posteris suis agnoscerentur, tradere? Quod si tamen hodie peritissimos etiam herbariæ rei homines perconteris, nemo erit qui eas cognoscat. Quare ne nostra negligentia, aut temporum iniuria eueniat ut è notitia hominum uulgares nunc plebcisq; cognitæ stirpes excidant, earundem etiam histōrias & imagines ijs nostris commentarijs inferendas esse duximus. Et quare notas & uulgares admodum stirpes contemneremus, cum sæpius maior illis uis insit, quàm ijs quæ à remotissimis extremisq; orbis partibus, non sine maximis sumptibus conquisita, importantur? Nam quid Polygono magis uulgare? quid contemptius? omnium siquidem conculcatur pedibus: quod si tamen uim eius quam in sistendo sanguine obtinet experiri uolueris, nihil eo præstantius dices. Possem huic similia multa commemorare, sed in re nota non est cur temerè uerba fundamus. Quid multa? ut tanquam diuersis copijs iunctis nobis contra uarios morborum insultus aciem instruere liceret, tam nostratium quàm exterarum stirpium tum histōrias tum imagines studioforum oculis subijcere placuit. In acquirendis autè peregrinis et radicibus & seminibus quæ subinde terræ mandata nobis feliciter prouenire, multū nobis profuit Hieronymus Schallerus medicus Noricus, homo & herbarū aliarumq; multarū rerum peritissimus. Quod hoc loco cōmemorare uolui, ut nostræ amicitiae ac charitatis aliquod apud posteros extaret testimoniū, & ut studiosi quantum huic bono & erudito uiro, qui sua nobis nunquam defuit opera, deberent palàm intelligerent. Cæterum cum multarum stirpium quas neq; Dioscorides neq; alij ueteres cognouerunt histōrias huic operi inseruerimus: nam cum magna ex parte sint uulnerrariæ, atq; adeò in quotidiano multorū, maxime chirurgorū, usu, prætereundas minimè putauimus: illarū certè usitatis atq; adeò barbaris nobis utendum fuit nomenclaturis, quandoquidem latinis deslitteremur. Maluimus enim uti ineptis minusq; latinis appellationibus, q̃

Consilij sui rationem in conficiendis ijs de stirpium histōria cōmentarijs exponit.

Vulgatissimarū etiam herbarum picturæ non contemnendæ.

Hieronymus Schallerus.

Quare interdū usitatis & barbaris usus sit nomenclaturis.

illis adulterinas uel græcas uel latinas accersere, ne scilicet cum illegitimis earundem nomenclaturis adulterinæ etiam illis facultates ascribendæ nobis essent: quod cōtigisse nōnullis qui de re herbaria scripserunt, suprà cōmemorauimus. Quare ubi potuimus habere dictionem græcam per omnia germanicæ appellationi respondentē, hanc potius quàm falsam aliquam ex Dioscoride illis imposuimus. In alijs stirpibus quas Dioscorides cognouit unicè caui-
 mus, ne omnes earundem nomenclaturas quæ initio capitum reperiuntur cōmemoraremus, quod sciremus propemodum omnes à sciolis quibusdam ex Apuleio, aut alio eius generis autore adiectas, & in contextum Dioscoridis temerè raptas esse: & quod perspectum habeamus, nihil æque herbarum cognitioni obfuisse, maioremq; iacturam attulisse, ac illam confusam appellationum coaceruationem. Prestat igitur paucis admodum, ijsq; ueris & legitimis uti, ne nominum confusio, rerum etiam nobis cōfusionem pariat. Porro adiecimus etiam aliquot arborum historias & imagines, non quod nobis consilium fuerit singulas uelle describere, id enim infiniti laboris erat: sed cum Dioscorides alijsq; rei herbariæ scriptores illis stirpium quarundam folia assimilent, atq; adeò sine earum deliniatione tota historia satis intelligi non possit, harum etiam aliquas ijs cōmentarijs inserere uoluimus, ad quas in cognoscenda stirpium historia studiosi respicerent. Quapropter quod fecimus, non errore, sed iudicio factum æqui iudices iudicabunt. In facultatibus cōmemorandis summa diligentia caui-
 mus, ne alicui stirpiū adulterinas ac illegitimas, quod pleriq; nō sine maximo errato & uitæ humanæ dispendio fecerūt, assignaremus. Quare in historia stirpiū quas ueteres cognouerunt, eas duntaxat quæ à Dioscoride, Galeno, Plinio, interdū etiā quæ ab Aëtio, Paulo, & Simeone Sethi tradūtur retulimus. Idq; ea maximè de causa, ut omnes scirent eas facultates in quibus illi tres concordēs sunt, esse eiusmodi, ut in ijs, tanquā maximè legitimis, spem certam ponere liceat. Nam si inter se dissentiunt, tum Galeni potius quàm Dioscoridis, & huius rursus magis quàm Plinij erit sequenda sententia. Cur autem Galeni sententia omnibus alijs sit præferenda, nulla alia est ratio, quàm quod is stirpium facultates partim certa quadam ratione & methodo, quam literis subinde mandauit, cognouerit, partim etiam experientia didicerit. In reliquis quidem stirpibus quæ ignotæ ueteribus fuerunt, Galeni secuti sumus exemplum: nam eas tantum facultates cōmemorauimus, quas multorum experientia comprobauit, quæq; longo usu receptæ sunt ab omnibus, & quæ ab earundem qualitatibus non abhorrebant. Quod uerò in ijs cōmentarijs græcarum literarum ordinem secuti sumus, id necessitate ipsa quasi nos cogente fecimus. Nam multò maluissemus, Dioscoridis exemplo, congeneres sibi herbas passim connectere, quàm eum quem instituimus sequi ordinem, nisi id ipsum per picturas nobis non licuisset. Siquidem cum nullius stirpis historiam sine uiua eiusdem imagine ijs nostris cōmentarijs inserere constituissemus, stirpes uerò ipsas ac earundem genera non nisi diuersis temporibus, & nonnunquam aliquot annorum interuentibus interuallis nancisceremur, hunc literarum græcarum sequi ordinem coacti sumus. Quanquam non uideam cur mihi tam exquisita opus sit excusatione, cum hunc etiam ordinem sequi Galenum, Plinium, & post eos Paulum, Aëtium, aliosq; complures nō puduerit. Quod ad picturas ipsas attinet, quæ certe singulæ ad uiuarum stirpium lineamenta & effigies expressæ sunt, unicè curauimus ut essent absolutissimæ, atque adeo ut quæuis stirps suis pingeretur radicibus, caulibus, folijs, floribus, seminibus ac fructibus, summam adhibuimus diligentiam. De industria uerò & data opera cauius ne umbris, alijsq; minus necessarijs, quibus interdum artis gloriam affectant pictores, natia herbarum forma obliteraretur: neq; passi sumus ut sic libidini suæ indulgerent artifices, ut minus subinde ueritati pictura responderet. Pictorum miram industriam præclare imitatus est Vitus Rodolphus Specklin sculptor Argentoracensis longè optimus, qui uniuscuiusq; picture sculpendo

Cur multæ & cōfusæ apud Dioscoridem stirpiū nomenclaturæ præteritæ.

Arborū quarundam historiæ & imagines cur adiectæ.

Quid in cōmemoratione facultatum stirpiū considerandum.

Ordinis in ijs cōmentarijs ratio.

Picturæ & imagines quales.

Vitus Rodolphus Specklin sculptor.

pendo lineamenta tam affabrè expressit, ut cum pictore de gloria & uictoria certasse uideatur. Sed et si multis & impensis & sudoribus picturas parauerimus, tamen non de futuros In contemptores picturæ. scimus qui easdem ueluti inutiles ac nullius momenti damnabunt, atque huic quidem suæ ineptissimæ sententiæ Galenum patrocinari clamabunt, ut qui ne describi quidem stirpes uoluerit, tantum abest ut earundem picturas probauerit. Quanquam uerò neminem esse putem qui non quantū illi insaniant intelligat, tamen eos hoc in loco rogare haud pigebit, ostendant nobis ubi locorum Galenus stirpium descriptiones & picturas damnarit? cum certò sciam hoc illi ne per somnium quidem uenisse in mentem. Atqui respondebunt statim, Galenum idipsum libro sexto de simplicium medicamentorum facultatibus, capite de Abrotono, disertè asserere. Verum nos uicissim illis respondemus: fateri nos quidem Galenū noluisse stirpium formas ac species describere, non tamen quod eas ipsas damnaret aut inutiles esse iudicaret, sed quod idipsum post tot tantosq; uiros, Dioscoridem præsertim, qui hoc, Galeno etiam ibidem teste, absolutissimè præstitit, conari planè superuacaneum existimaret. Sed quid multis moror? quis quæso sanæ mentis picturam contemneret, quam constat res multò Picturæ laus. clarius exprimere, quàm uerbis ullis, etiam eloquentissimorum, delinari queant. Et quidem natura sic comparatum est, ut pictura omnes capiamur: adeoq; altius animo insident quæ in tabulis aut charta oculis exposita sunt & depicta, quàm quæ nudis uerbis describuntur. Hinc multas esse stirpes constat, quæ cum nullis uerbis ita describi possint ut cognoscantur, pictura tamen sic ob oculos ponuntur, ut primo statim aspectu deprehendantur. Proinde nō immeritò bonis pictoribus suis semper apud omnes ætates honos fuit. Et in uniuersa Græcia hunc morem fuisse notū est, ut ingenui et liberè educati pueri ante omnia, aut saltem unā cum literis picturam docerentur, quod illis constaret, hanc ipsam esse quæ singularū rerum non solum naturam exprimeret, sed & memoriam conseruaret. Quare ea quoq; ars in primum gradum liberaliū artium recepta est, semperq; honos ei fuit, ut ingenui eam exercerent, mox ut honesti, perpetuo interdicto, ne seruitia docerentur: ideoq; in hac nullius qui seruiet opera celebrantur. Atqui de pictura, quam quidā satis certè imprudenter explodunt, hæc dixisse satis sit. Præterea cum in texenda stirpiū historia uocabulis paulò obscurioribus, & ab imperitorū intelligentia sensuq; disiunctis nobis utendū fuerit, operæ precii nos Explicatio quæ runda uocum cur adiecta. facturos duximus, si horum breuem quandam explicationē adijceremus, ne inter legendum parum peritos remorarentur. Porro cum singulis ferè stirpibus quatuor nomenclaturas Quatuor indicū ratio. inditas esse constet, græcam nimirum, latinam, barbaram, qua officinæ seplasiariorū utuntur, & germanicam, quadruplicem etiam Indicem concinnauimus, ut quisq; statim audito nomine, cuiusq; stirpis historiam quærere nullo labore possit. De nobis insuper hoc affirmare possumus, nos neq; impensis neq; laboribus in ijs adornandis cōmentarijs pepercisse, ut multorum de nobis expectationi satisfacereamus. Neq; enim grauati sumus in campos & syluas creberrimè excurrere, altissima iuga montium cōscendere, multaq; artificum tædia, quæ illis erratorum interdum emendatio peperit, deuorare: quod quiuis rerum æquus æstimator per se statim deprehendet, ita ut non opus sit nostram operam parum modeste prædicare. Quod si tamen quid nobis humanitus accidit, sat scimus uenia dignos esse nos boni quiq; iudicabunt, quod unius hominis non sit rem herbariam funditus propemodum obscuratam, ita in integrū restituere, ut omni prorsus reprehensione uacet, in hac præsertim rerum omnium difficultate, ac ueterū de stirpibus cōmentariorū inopia. Inter omnia enim ueterum de stirpium natura scripta quæ earundē coniunctim notas tradunt, nullum prorsus nisi Dioscoridis extat: qui tamen nec omnes, ut supra cōprehensum est, describit, nec quas pingit semper diligenter & accuratè deliniat. Nam in facie stirpium representanda interdum Dioscorides in re presentanda stirpium facie interdum uariis & ne gligens. uariis esse apparet, nonnunquā etiam tam multas præterit notas, ut nihil minus quàm eam

de qua illi sermo est stirpem exprimere uideatur. Id quod tum maximè fit, ubi à se non uis-
 sas, & ex aliorum sententia stirpes depingit. Præterea non pudebit etiam nos errata, si
 qua commisisse conuincamur, agnoscere, atque palinodiam canere: tantum abest ut indignè
 laturos simus, si quod nos non potuimus, impediti aut negligentia, aut iudicij tenuitate, alij in-
 ueniant aut sarciant, modò omisis maledictis & conuicijs, ut ueritatis studiosos decet, ra-
 tionibus potius & probatissimorum scriptorum testimonij sententiam nostram reuellant
 & conuincant. Quod si uerò quispiam omnino stomachari, & malignè in conuicia prorumpere
 perget, hunc ipsum suæ magis quàm nostræ existimationi obfuturum arbitramur: quod
 nemo eum bonum uirum reputet, qui temerè detrāhere de fama alterius audeat. Et certè
 qui tam prompti & parati sunt ad alienos labores uel extenuandos, uel contemnendos, uel
 prorsus repudiandos, magna ex parte in tenebris delitescent, & in angulis se continent, ubi
 apud sui similes & imperitos asinos mirè triumphant. Quod si tamen momi illi aliquan-
 do è tenebris erumperent, & in apertum prodirent, nemo non statim intelligeret quàm ina-
 ni eruditionis fastu turgeant, quamq; sint impudentes nugatores. Et nos certè istos conui-
 ciatores sic exciperemus, ut sese in latebris continuisse, & lucem nunquam affectasse opta-
 rent. Nam ad illos probè tractandos, ac eorundem tela & iacula fortiter propellenda re-
 torquendaq; neque uires neque artes nobis defuturas consideremus. De Michaëlis
 Isingrinij typographi Basiliensis diligentissimi, in excudendo hoc opere industria & se-
 dulitate hoc in loco plura dicerem, nisi has ipsas ex alijs multis quæ nunc annis aliquot ex il-
 lius officina prodierunt, satis cognitæ ac testatæ esse sciremus. Et quidem opus ipsum per
 se satis loquitur quàm in eo imprimendo diligens fuerit. Quantos autem fecerit sumptus,
 facile quiuis æstimabit qui operis magnitudinem & picturas ipsas pro rei dignitate ex-
 pendere uoluerit. Plurimum itaque huic uiro debent rei herbariæ studiosi, ut qui neque im-
 pensis neque laboribus, quo illorum commodis inseruiret studiaq; iuaret, pepercerit. Cum
 uerò hodie multos esse typographos compertum sit, qui instar fucorum alienis insidientur la-
 boribus, librosq; optimis ac elegantissimis typis excusos, & præstantissimis picturis orna-
 tos, inepta sua æmulatione deformant atque contaminant, idq; nulla alia de causa, quàm ut ex
 aliorum incommodis sua comparent cōmoda, Isingrinij etiam, qui immensos in hoc opere ex-
 cudendo sumptus fecit, ratio habenda fuit: ideoq; ne quis alius hos nostros commentarios
 usquam locorum impunè imprimat, Cæsareo decreto, quod initio etiam operis monuimus,
 cautum & prospectum est.

IOACHIMI
 electoris, Mar-
 chionisq; Bran-
 denburgensis
 laus.

Quum uerò usitato more patronum aliquem ijs nostris
 commentarijs quererem nobilitate & uirtutum splendore excellentem, nemo omnium cui ius-
 tius quàm tibi Illustrissime Princeps IOACHIME, clarissimo heroi, hos dedicandos esse
 putarem occurrebat. Nam si generis tui uetustatem atque nobilitatem speculo, nemo te ho-
 die Principum aut melior, aut præstantior, utpote cuius maiores à Guelfis, qua uix ulla in
 Germania uetustior est nobilitas, ortos esse constat. Quod si eorundem uirtutes expen-
 do, nullam prorsus uirtutem magnis & bonis Principibus dignam illis defuisse uideo. Om-
 ni uerò genere uirtutum fuisse claros uel inde maximè colligi potest, quod Franciæ pars ad
 Moenum sita, cuius tamen gens libertatis tuendæ semper studiosissima fuit, non alio nomine
 quàm nobilitate & uirtute eorum inuitata, ijs parère cœperit. Possem nunc singulorū ma-
 iorum tuorū qui res maximas gesserunt uirtutes cōmemorare, si longius euagari epistolæ ra-
 tio permitteret: quare prætereo cæteros, atq; unū eumq; præcipuū produco ALBERTVM
 illum, quem ut reliqui propter insignem fortitudinē, inq; prælijs dexteritatem ac felicitatem,
 germanica Achilles cognomine celebrarūt: ita ego propter singularem prudentiā, atq; in re-
 bus agendis miram industriā & solertiam, germanicū Vlyssē meritò appellandū esse cen-
 seo. De huius autē multis ac uarijs uirtutib; multa extant præclara testimonia in eorū libris,

Albertus Mar-
 chio Brandenbur-
 gensis germani-
 cus Achilles &
 Vlysses.

qui Prin-

qui Principum Germaniæ res bene gestas memoriæ prodiderunt, adeò ut de ijs nunc longius mihi differendū minimè sit. Ad tuam itaq; celsitatem redeo, de qua uerissimè dici potest quod semina uirtutis à bonis parentibus in posteros propagentur. Tantum enim abest ut à maioribus tuis Principibus optimis degeneraueris, ut pleròq; etiam ingenio & uirtute superaueris. Nam ut multas easq; præclaras & magno Principe dignas uirtutes tuas, iusti-
 tiam in imperio, pacis tuendæ curam, magnitudinē animi, integritatē, modestiam, clementiā,
 & eximiam bonitatem, omittam, nōne hæc uerè in te regia est uirtus quod studia literarū,
 quæ tamen uulgus Principum odit cane peius & angue, adiuuare, ornareq; tantopere stu-
 des? Quod autem immenso fauore literarum prosequaris studia maximo est argumento,
 quod non solum scholam, sed & aulam doctissimis uiris, quorum opera ad studiorum ac re-
 rum gubernationem uteris, quorumq; te colloquio oblectas, pulchrè ornatam habeas. In eo
 autem quod literas earumq; cultores amas, obseruas, tueris, amplissimisq; honoribus auges,
 singularis tua elucet prudentia: intelligis nanq; sapientiæ studio, atque adeo literis ipsis flo-
 rentibus, res omnes quibus humana societas constat cōseruari. Literis enim debemus quod
 hodie doctrinæ cœlestis, aliarumq; disciplinarum puritate fruamur. Iisdem etiam acceptum
 referendum quod aliquid, quicquid est, adhuc restat, quodq; non omnia unà cum corporibus
 eodem puluere obruta & sepulta sint. Quid enim maiorum nostrorū uirtutes, atq; res præ-
 ciarè gestas ab interitu & obliuione uindicauit nisi literæ ipsæ? Quid aliarum rerum om-
 niū in memoriā usq; ad hæc nostra tempora conseruauit nisi literæ? Sed id ipsum uno & item
 altero exemplo breuiter demonstremus. Nemo hodie animantium naturas exploratas ha-
 beret, nisi Aristoteles præclarissimos illos de eorundem historia libros conscribere uo-
 luisset. Quod ut præstare posset non parum Alexandri adiutus est liberalitate, qui ad con-
 ducendos uenatores & alendas bestias illi octingenta talenta, hoc est, quadringenta & octo
 ginta millia coronatorū transmisit. Nullam præterea stirpium peritiam hodie apud ullam
 gentem reperire liceret, si Dioscorides, Theophrastus, Plinius, & alij quidam earundem
 notas quibus deprehenduntur, literis non mandassent. Meritò igitur hæc uerè regia in te
 uirtus nobis multis modis prædicanda erit, hoc præsertim tempore, quo maximus literarum
 omnium contemptus nō tantum rusticas irrepsit casae, & artificum tabernas, sed & magna-
 tum domos ac Principum aulas. Quotus enim quisq; hodie est Principū, quem hæc cura con-
 seruandorum studiorum tangat? ita ut nobis metuendum sit, nisi C. T. aliorumq; quorundam,
 paucorum tamen pro dolor, Principum patrocínio & liberalitate adiutæ fuerint, ne prope-
 diem è manibus nostris elabantur, redeatq; pristina illa uerè Scythica barbaries. Quare
 ut literas quemadmodum coepisti perpetuò ames, foueas, & conserues, non solum hortor,
 imò etiam per CHRISTVM oro. Siquidem dum eas iuuare & ornare studes, simul etiam
 religionem, cuius in primis cura habenda est, naturæ cognitionem, leges, & quicquid est ad
 reipub. pacem & tranquillitatem conseruandam necessarium, tueris. Proinde non est cur
 C. T. eius liberalitatis, qua in conseruatione literarū uteris, poeniteat: dum enim harum cul-
 toribus succurris, atq; adeò ut suum cursum strenuè urgeant efficis, tibi etiam simul sempiter-
 nam laudem paras. Quum enim illis non sit quod pro tantis tibi beneficijs quibus eos ornas
 rependant, tamen hoc præstabunt uicissim, ut memoria tua apud posteros perpetuò sit dura-
 tura. Nam quanquam reliqua humana omnia, utcunq; in speciem uideantur firma & soli-
 da, cum annis simul labantur & deficiant: sola tamen laus quam doctrinæ conseruatio pepe-
 rit, immortalis existit. Quapropter neq; ampliorem, neq; splendidiorem famam & gloriā
 tibi, imò toti tuæ ornatissimæ familiæ, comparare poteris, quàm doctrinæ & studiorū con-
 seruatione. Ut autem id quod nunc facis perpetuò quidem facias, in primis te neceſſitas ipsa,
 quam paulò antè exposui, cohortetur: dein diuinum etiam præceptum quod hoc ipsum abs te

Virtutes Principis
pe magno dignæ
studia literarum
iuuare uirtus re-
gia.

Literarum
comoda.

Alexandri libera-
litas in Aristot.

Hodierno tempo-
re maximus lite-
rarū cōtemptus.

Quæ commoda
literarum conser-
uationem sequan-
tur.

Dedicationis
causæ.

Diuina præsen-
tia & benignitas
ex stirpibus ipsis
elucet.

alijsq; Principibus seuerè admodum exigit, ut liberalitate uestra sic inuuetis studia, ut horum subsidio publica pax & tranquillitas conseruetur. Sed non est cur C. T. sponte currrenti calcaria addam, quàm inter omnes Germaniæ nostræ Principes uix alius reperiatur qui æquè atq; tu literas, eosq; qui opinione aliqua eruditionis clari sunt, amet, foueat, tueatur, ornet. Nobilitatis itaq; tuæ, multarumq; aliarum præclarissimarum quæ in te elucent uirtutum splen- dore motus, hos, quos multis sanè sudoribus & impensis adornauit, de Stirpium historia cõmentarios Celsitati tuæ inscripsi. Perspectum enim habebam eos nõ uulgare, sed excellens aliquod patrocinium requirere, quandoquidem uix ulla alia possit esse cõmentatio quæ plurimum calumnijs pateat & exposita sit, quàm ea quæ de stirpium natura explicanda suscipitur. Proinde cum in spem certissimam adduceremur, nostras has uigilias non uulgarem gratiam ex amplissimi nominis tui inscriptione apud candidos & æquos inituras, foreq; ut eam ob causam maledicorum conuiciatorum petulantia perfringeretur, te quidem in tanto ornatissimorum Principum numero mihi delegi, cui potissimum has ipsas consecrarem. Quare cum eas suscipies illustris. PRINCEPS, cõmendari tibi defensionem & conseruationem huius partis medicinæ quæ stirpium naturas inquirat, statues. Quam ut cupidè & libenter in te recipias multa, scio, mouebunt: potissimum uerò hoc ipsum, quod uix ex ulla alia re magis diutina præsentia & benignitas eluceat, quàm ex tam uaria stirpium tum forma, tum natura, dum scilicet omnes illas ad usum hominis conditas à Deo ipso perpendimus. Si quid igitur aliud, herbarum certè diligens contemplatio exuscitat, imò cõfirmat in animis nostris opinionem hanc, quod homines Deo curæ sint, qui tam anxie laborauit in ijs iuuandis ac tuendis, dum tot elegantissimis atq; præstantissimis stirpibus, quibus illi tam uarios morbos propulsare possunt, terram exornauit. Non parum etiam ad eam suscipiendam curam te præclarissimorum tum Regum tum Principum exempla, quæ supra recitauimus, hortabuntur. Sed omnium maximè immensa cõmoditas quæ ex istius partis medicinæ conseruatione ad uniuersos perueniet. Ad herbariæ deniq; medicinæ tum amorem tum defensionem mira quoq; incunditas, quæ in contemplandis tot herbarum generibus animum subibit tuum, inuitabit. Quid enim iucundius, quid delectabilius quàm intueri stirpes, quas Deus opt. max. tot tamq; uarijs pinxit coloribus, tot elegantissimis redimiuit floribus, quorum colorem nullus unquam pictor satis exprimere potuit: tot deniq; seminibus & fructibus, quorum & in culina & in medicina usus est maximus, ornauit? Verum non est cur te pluribus in admirationem huius partis medicinæ pertrahere coner, utpote qui antea studio & amore eius sic tenearis, ut uix sit aliud quod te magis delectet. Nunquam enim in extruendis hortis tot arboribus atq; herbis confitis tantum operæ & impensarum poneres, si non illuc te rei incunditas ac singularis amor pertraheret. Reliquum nunc est illustris. PRINCEPS, ut pro tua excellenti humanitate, quæ uestræ familiæ cognita est, munus hoc nostrum tanquam specimen & testem mei erga C. T. amoris & obseruantiae, exporrecta lætaq; fronte accipias, atq; me tuo fauore cõplectaris, & autoritate ab inuidorum calumnijs defendas. Bona autem spes est hunc hortum quem donamus C. T. fore longè gratissimum, non tantum quod in eo omnis ferè generis herbas elegantissimè pictas reperire queas, uerum etiam quod inde ad quacuis morborum genera remedia decerpere tibi liceat. Deus opt. max. te tuamq; ditionem incolu-

mem seruet, ut Reipub. Christianæ atque literis diutissimè prodesse possis. Tubingæ, Calen. Martijs, Anno à

nato Christo M. D. XLII.

EXPLICATIO QVARVN DAM VOCVM TOTO HOC opere passim occurrentium, in quibus assequendis non admodum peri- tus lector hærere posset.

Cetabula.



Cetabula ab aceto denominata uidentur; quãuis alij ab accipiendo dictum putent, atque hinc est quod scribant acceptabulum; uasculaq; fuerunt orbiculata, concava, sine marginis latitudine, quæ aceto plena ad intinctus ponebantur. Dehinc uox ad omnia alia quæ similem concavitatem habent, translata fuit. Primumq; sic concavas partes in polyporum flagellis, quibus id animal nîtur, & uelut adminiculis fultum exurgit, nominauerunt. Translata etiam uox ad fœminarum locos, uocaueruntq; acetabula uenarum arteriarumq; ora, quæ in uterũ feruntur hiantia. Translulerunt postremò etiam hoc nomen ad herbam, quam eam ob causam Acetabulum dixerunt, quod folia acetabulo similia in orbem circumacta, sensimq; sic ut sensum fallant, in concavam lacunam descendentia, habeat. *κοτυληδόνες* græcè nominantur.

Acinus.

Acinus non tantum grana interna uuæ, quemadmodum quidam existimant, sed totũ fructum, qui ex succo, & parte quæ ueluti caro est, & ex uinaceis, & ambiente forinsecus cute cõstat, significat. Testis Galenus, qui libro 2. de facultatibus alimentorũ sic scriptũ reliquit: Acini corpus ex quatuor partibus constat, ex ea scilicet quæ eius ueluti caro est; exq; humore per eam disperso, unde uinum; præterea ex nucleo, atq; eo quod omnia hæc foris circunccludit membranoso tegumento. *ἄκκις* Græcis dicitur.

Aculei.

Aculei, quæcũq; duriuscula in cuspidem turbinata punctiõnem infligunt spiculorũ modo, nominantur. Acus, purgamentũ frumenti, leuissimũ scilicet in eo quod uentilabris extra aream iaculat. Adnata, uel Adnascentia, siue Appendices, ramuli dicuntur quos caulis nõnunq; ex semittit, quasi nouã adscititiãq; prolem. Sic autem uocantur, quod quasi cauli adnascantur & superaccedant. Græci *παρὰφυλλοι*, quod circumcauli erũpentes accrescant, appellarũt.

Ala.

Ala, caui inter caulem, & ramulos anfractus, unde sinuatim noua proles egreditur, facta ab humanis alis translatione, dicuntur. Græci *μυα*.

Alabastra.

Alabastra sunt seruandis odoribus ex solidissima & frigidissima materia facta uascula, sic dicta Græcis quod ob læuorem suam capi teneriq; manibus non facile possent, lubricaq; dilaberentur. Hinc alabastrites lapis, quem nunc alabastrum uocant, quoniam ex eo alabastra fierent, denominatus est. Alutapellis seu corium dicitur postquã ad usum & opus calceorũ & aliarum rerum concinnatũ est. Hinc alutamen, si

ue alutamentũ, opus ex cõcinnatis pellibus factum. Et alutarij, pellium & coriorũ cõcinnatores. Alfiosa nõ dicuntur ea quæ frigidis locis gaudent, sed contrã potius quæ algores ferre non possunt. Amuleta remedia sunt præsentanea aduersus uenena & fascino- nes, qualia quidã in annulis, & collo suspensa gestare solent. Amphora mensura est quæ capit duas urnas, seu octo congios. Apices quæ in medio calycis seu folliculi quo flos claudit erumpũt, stamina sunt, quæ ueluti filamenta ab intimo floris sinu profiliũt. Habent apices sæpius in summo quidpiam crassiusculum, à qua similitudine nomẽ acceperũt. Arbor est quicquid à radice statim simplici caudice, brachiatũ ramis, surculosum, dissolutuq; contumax assurgit. Articuli sunt partes quæ in nodos quosdam intumescũt, à quibus persæpe ramuli prodeũt. Asparagi quæ primum in lucem prodeũt olerũ germina, priusquam in folia explicent, recentissimiq; turiones qui edendo sunt, dicunt. Arista, est quæ ut acus tenuis, longa, eminet à gluma. In summa, aristæ quasi apices & cornua sunt spicarũ.

B

Bacce sunt fœtus minutiores herbarũ, fructicũ, arborum uel qui dispersius rariusq; enascunt; ut sunt partus lauri. Atq; in hoc ab acinis differunt, quod ij densius proueniant.

Bacca.

Brachia sunt plantarũ, præcipuè autẽ arborum ramuli, quod instar brachiorũ in homine extendant. Bulbi radices sunt rotundæ tunicatae, quales sunt hyacinthi, asphodeli, & colchici.

Brachia.

Bulbi.

C

Cachryes sunt oblonga panicularum modo nucamenta, quæ squamatim cõpacta propendent è ramis. Crescũt hyeme, uere dehiscũt in flauescences squamulas, & folio prodeunte, decidunt; qualia in abiete, picea, & alijs permultis uidere licet. Plinius pilulas nominat. Calathus est rectus turbo, hoc est, id quod ex angustijs in latitudinem se diffundit. Calathi effigiem planè referunt flores liliorũ.

Cachryes.

Calyx folliculus est, quo flos primũ, mox feminis fœtus clauditur. Capillamenta par ticulae teretes & oblongæ in capilli modũ extenuatae dicuntur. Caput est id quod sursum deorsum uel in globũ extuberat, aut in orbem glomeratur. Si magnitudine cesserit, capitulũ nominat. Extremã tamen uitis partem caput etiam uocant, id est, ultimũ & productissimũ flagellum. Capreoli sunt coliculi intorti ueluti cincinni quidã in ipsis pampinis tenerioribus apparentes, quibus uitis ueluti manibus quibusdam adminicula cõplectitur, ac cõprehendit, si enim ut uitẽ teneant, serpunt ad locum capiendum; unde à capiẽdo capreoli dicti sunt.

Calyx.

Capillamẽta

Caput.

Capreoli.

Caro dicitur id quod cortici subest. Caudex dicitur in arboribus & fruticibus, id quod à radice supra terrã simplex assurgit, & in quod à radice fertur alimonia. Caulis

Caro.

Caudex.

Caulis.

uerò idem quod supra solū simplex profilit in herbis nominat. Sic utiq; caudex ad frutices & arbores, caulis ad herbas duntaxat pertinet.

Ceruix. Ceruix est pars illa à capitis radicibus prodiens, prælonga, teresq; sic dicta, quod in colli speciem figuretur.

Cyathus. Cyathus Græcis *καὶ ποὺ χύειν*, id est, à fundendo dictus, est duodecima pars sextarij.

Cymæ. Cymæ herbarū delicatiores tenerioresq; coliculi, quos à prima germinatione, & in summa stirpe proferūt. Nam cum uerum tempus appetit, primo quoq; foliorū pululatu, præclusis adhuc florū calycibus, quosdam quasi turiones, olus subministrat, in quibus floris primū, mox seminis foetus cōcluditur.

Cirri. Cirri sunt capillamenta quæ contorta crispantur.

Clauiculæ. Clauiculæ coliculi sunt, quibus quasi manib, proreptans uitis adminicula cōprehendit.

Coma. Coma est quicquid hilarī uenustate criniū modo, summa ramorū uel coliculorum exornat.

Congius. Congius, qui græcè *χῆρ* dicitur, sex sextariorū capax mensura est. Eadem etiā congiariū appellat.

Conus. Conus Græcis, uel pyramis, est inuersus turbo, hoc est, id quod ex latitudine in arctius protrahitur ac fastigiatur. Cui calathus, ut diximus, cōtrarius existit.

Cor. Cor est quod in medio ligni residet, & tertium à cortice cōtinetur, uelut in ossibus medulla.

Matrix. Ab alijs matrix, à nōnullis medulla nominat.

Corymbus. Corymbus est hederarū uua dependentib, acinis coacta. Transferē tamen ad multos herbarū fructus.

Cortex. Cortex pars est ultima à subiecto corpore separabilis, ueluti crusta quædam ad tegendū data.

Cotyle. Cotyle uox est in Græcia nata, nam Romani heminae uocabulo utunt.

Crenæ. Vide in dictione Hemina. Crenæ sunt quædam in extremis oris incisuræ, à quibus crenata herbarū folia uocantur, hoc est, serrata, per ambitūq; secta.

Cubitus. Cubitus est mensura quāta patet à cubiti flexura usq; ad summū mediū digitū, quæ sex palmis digitis uel uiginti quatuor cōstat.

Culmus. Culmus frumēti calamus est, qui spicam sustinet.

D

Decussis. Decussis antiquis ad X literæ figurā fiebat, quæ apud Latinos decem significat. Hinc decussari est in speciem literæ X diduci.

Dilutum. Dilutū dicitur, quod est mixtū; unde uinum aqua mixtū dicitur dilutū. Dilutum uerò substantiuū factū, est id liquidum, in quo aliquid certo tempore maceratū & infusum fuit; ut si in uas uini appositū absinthiū fuerit, deinde post interiectū tempus abstractū, id uinum absinthij dilutū uocatur.

Dodrans. Dodrans est mensura duodenū digitorū. Aliàs palmus maior Latinis, & Græcis *πυθαγὼν* dicitur. Dodrantalis itaq; cauliculus uocatur, qui longitudine duodenos æquat digitos.

E

Echinus. Echinus est quicquid numerosa congerie aculcorum stipatur, siue tegmen, siue caput, siue cacumē fuerit; sic dictus quod globo

so spinarū agmine maris herinaceū mentiat.

F

Fibrae. Fibrae capillamētis germanæ sunt, quæ herbarum arborumq; minutiores sunt radiculæ, in quas uelut extremas, crassiores effuse sparguntur. Fimbriæ sunt uestium extremitates, à quibus & fimbriata folia dicuntur, quæ in ambitu in quasdam fimbrias exeunt.

Flagella. Flagella dicuntur cymæ arborum & ipsarū summæ partes, quæ ad cuiusq; uenti flatū mouentur; unde etiam nomen traxerunt ab eo quod flatibus petantur. Flagella etiam sunt uitium rami oblongiores, & productiores, alijs tamen minores, ab ipsis brachijs sursum ascendentes: dicta flabella prius, à uenti flatu scilicet. Folliculus theca rei cuiuslibet, quæ granum uel semen cōtinet inuolutum. Sic membranosa cutis acini folliculus dicitur. Fructus, quod carne & semine cōpactum est. Frequenter tamen pro eo, quod in uolucro perinde quasi carne & semine coactum est, accipi solet. Frutex est quod à radice caudice multiplici, ramosumq; sese attollit, ut rubus.

Frons. Frons interdū pro ramo ponitur. Propter tamen dicitur id quod ipse ramus circumquaque producit, multa interdū folia habens, & nonnihil corticis, ac ueluti cauliculi.

G

Gemma. Gemma in uite idē est quod oculus, quia ueluti ocellus quidā cōspicius, aut gemma quædam excellens conspici possit, cum primū ē uite prodit, aut sarmento. Hæc ineunte uere sese ostendit, & ab ea primū flos, deinde fructus prodit tam in ipsis uitibus, quàm arboribus. Geniculi siue genicula sunt nodi qui in herbis, aut leguminibus, aut etiam subfrutibus apparent. Sic geniculatæ radices nominantur, quæ nodis quibusdā interstinctæ protuberant, rotundæ & leuiter capitulatæ. Gluma est folliculus grani quod in spica continet, uel grani theca. Grossi appellatur fici, quæ nō maturescūt. Priuatim tamen in biferâ fico eas intelligunt, quæ per messes maturantur. Has grossulos Græci uocant *ὀλῳίθες*.

H

Hemina. Hemina Romana uox est, ex græco quidē *ἡμισυ*, quod dimidia sextarij pars sit, deriuata. Græcis *κοτύλη* nominatur. Capit uncias decem mensurales, ut copiose in annotationibus nostris in quartū de uenda sanitate librū Galeni demonstrauimus. Herba est quod à radice foliatum, sine caudice prouenit, sæpiusq; semen in caule fert.

I

Internod. Internodiū, quod inter artus uel genicula mediū intercedit, dici cōsueuit. Interuenium, quod inter uenas intercipit. Iuba est arūdinacea coma effusa, qualis in milio est; metaphora desumpta à iubis, hoc est crinibus animalū à collo pēdentib. Iulus tam Græcis *ἰούλος* Latinis est quod in corylo cōpactili callo racematim

matim cohæret, & ueluti prælongus uermis, singulari pediculo pensile nititur, & fructum præcedit.

L

Lachryma est is humor, qui statim defecto caudice, uel ramo, aut tantum ipso ligno, profilit, & apparet. Lanugo in herbis atq; arboribus lanata quædam est hirsuties, qua folia, coliculiq; canescunt. Liber pars corticis interior quæ ligno pressius adhæret. Is qui bus scribimus libris nomen dedit. Libra Romana capit uncias duodecim mensurales. Ligula quarta pars cyathi dicitur, hoc est, semuncia, demptis scilicet duobus scriptulis. Loculamenta sunt seminū inuolucra, quæ ueluti paruæ capsulæ ea recludunt. Lomentum, fabarum farina est. Lacinia partes sunt extremæ particulatim decoris causa concisæ, orarumq; summarum cæsuræ. Inde folia membratim per flexuras digesta, uel natuius segminibus discreta, laciniosa uocantur. Sunt tamen qui laciniosum pro sinuoso usurpent.

M

Malcorium est mali punici putamen. Malleolus nouellus est palmes inna tus prioris anni flagello, cognominatus à simi litudine rei, quod in ea parte qua deciditur ex uetere sarmento, prominens utrinq; malleoli speciem præbet. Vel, quod capillatus utrinq; & furcatus solebat feri. Matrix, uide in dictione Cor. Medulla, uide ibidem. Mucro est acumen in quod pars quæcunque desi nit. Sic foliorum multorum, filiquarum quarun dam, & spinarum omnium extrema in mucro nem acuminantur. Muscus est id quod in ipsa corticis superficie quarundam arborum lanuginosum apparet, ueluti canis quidam ipsa rum arborum uilli. In quibusdam etiam quæ dam ipsarum arborum quæ uisitur uillosa flo sculorum congeries, quæ quod confercta sit densa, & florescat, muscus dici consueuit; ut in Ligustro, & compluribus alijs. Muscaria sunt in orbem radiatæ herbarum comæ, cacumi naq; in fascies coactæ: à flabii similitudine, cu ius uentilatu muscæ cõuiuijs abigunt, dicta,

N

Nucamenta dicuntur ea quæ callo squa matim compactili pendent è ramis nu cum, roborum, picearum; sic dicta, quod sint quasi quædam naturæ rudimenta, pineam nu cem facere condiscantis.

O

Oculus gemmula illa in herbarum furcu lis, primum germinationis argumentum dicitur.

P

Palma dicitur maius uitis flagellum, unde nascuntur uuæ. Palmus ueteribus du plex fuit. Minor digitorum quatuor habeba tur, Græcis *πάλαιος* uocatus, Maior digitorum


duodecim, *πάλαιος* Græcis dictus. Palmi tes dicuntur qui è stirpibus ac furculis quotan nis prodeunt; sic nominatæ, quod in modum humanarum palmarum uirgulas quasi digitos ædant. Pampini sunt frondentium ramu sculorum comæ coliculiq; fructum fouentes, & ab impendente uindicantes iniuria. Hinc pampinare, est pampinos superfluo ex uinea detrahare, posteaquàm fronduit. Panicu la dici potest quicquid sublonga uel subrotun da effigie tumet, ut quæ pendet è picearum ra mis. Lanosam quoq; comam in milio, panico, arundine, & qualem in arujs complures her bæ, & in palustribus iungi gerunt, Latini pani culam dixere. Pappus tam Græcis quàm Latinis est lanugo ex floribus aut fructib, de cidua. Sic etiam lanosi quidam uilli, qui deflo rescentibus aliquot herbis remanent, & post modum in auras euanescent, pappi sunt, ut in senecione, soncho, & plerisq; alijs sit. Pediculus, siue quod idem habet, Petiolus, id est quo folium, fructus, aut flos dependet. Peda menta quibus stat recta uinea dicuntur, hoc est, quibus ueluti pedibus nititur. Nominant etiam à quibusdam pedamina. Pilula, uide Cachrys. Pyramis, uide Conus. Propago dicitur uitis uetula depressa, atq; in terram per inflexos arcus submersa, ut ex una plures emergant. Pulpa in arboribus est, quod nos in animalium corporibus musculum ap pellamus. Puluinus est quod inter sulcos eminulum protumet, sic dictus quod quandam referat puluinorum in quibus sedemus simi litudinem.

Q

Quincuncialis figura, eius figuræ quæ de cussim antiquis significabat, media est. Fiebat uerò decussis ad x literæ formam, quæ quidem apud Latinos decem significat. Atq; hæc si per medium secetur, remanebit v figura, quæ quinarium numerum, atque adeo quincuncem demonstrat. Sed hæc quidem multo ties tum superius, tum etiam inferius multipli cata, figuram facit, quæ quincuncialis appella tur. Talem planè Trichomanis cauliculi effi ciunt. Typos formæ quincuncis, & quincun cialis ordinis, subijcere placuit.

Quincunx.

Ordo quincuncialis.



R

Racemus pro uua accipitur. Neq; tantum ipse uitis est, sed etiam hedera, & aliarum herbarum, aut fruticum uuas quasdam produ centium. Dicitur etiam ramosum id, quo depen dent acini. Rami sunt, qui in caule fissi mul tiplices sparguntur.

Sarmenta. **S**armenta praelongæ sunt uitium uirgule, in quas uitis luxurians spargitur: hoc est, uitis ipsius brachiorum & caulium ligna, tam dum sunt in ipsa uite, quam dum execta, & ex emptæ sunt. Scapus est caulis qui in styli modum sursum proreptat, aut in altum fertur, ducta à columnaribus scapis similitudine.

Scopus. Scopus ramosum id, quo dependet acini.

Sesqui. Sesqui uocabulum cum aliqua mensura uel modi, uel numeri, uel temporis collocatur, non integrum modò id cui iungitur explicat, sed integrum & semis. Sic sesquilibra, libram unam & semis significat. Sesquimensis integrum mensum cum dimidio. Sextarius capit uncias uiginti mensurales. Siliqua tegumentum est, quo uel grana leguminum, uel herbarum semina concluduntur. Nam non modò legumina, sed & complures quoque & herbarum & frutices siliquas proferunt. Sinus alarum caua sunt. Spica est quod culmus extulit. Hanc antiquitus rustici specam uocabant, & à spe uidetur nominata; eam enim quod sperant fore, ferunt. Trium uerò continet, granum, glumam, & aristam. Spica mutica est quæ non habet aristam. Et mutica, quasi mutila nominatur. Spongiæ antiqui olitores uocarunt radículas illigatas & connexas. Hinc Asparagi satui & altis radices multis irretitæ capillamentis coalescentes, & inter se implicatæ, ac quasi in unitatem coeuntes spongiolæ, & spongiæ spongiolæque appellantur. Stamina sunt qui in medio calycis erumpunt apices: sic dicta, quod ueluti filamenta ab intimo floris sinu profiliant. Stipulæ folia sunt culmum ambientia. Striæ partes sunt quædam quæ protuberant & eminent. Hinc striatus caulis, qui huiusmodi striis est præditus, aut striaturis exasperatus. Strigiles etiam, si Vitruuius credimus, appellantur.

Stolones. Stolones appellantur coliculorum soboles, inuulsi quæ ex radicibus fruticatio. Suffrutices sunt quæ compluribus ramulis surculisque lignosis scatent, sed minutis constant folijs.

Surculus. Surculus, quod ex ramis simplex ac indiuiduum oritur, estque uelut germen quoddam ex ipso trunco uel caudice productum.

T

Thyrus. **T**hyrsus est caulis, idque nomen sibi uendicauit, quod uirgulæ in modum, uel teli reuerentiam confurgat. Tomentum Latinis omne id quo culcitæ ad molliorem & calidiorum quietem infarciuntur, dicitur, siue id lana sit siue pluma, siue quod uoluerit aliquis, excipiendis molliter & fouendis calore corporibus nostris aptum. Sic Dictamni folia, quod mollia uidentur esse, tomentitia & lanæ dicuntur à Dioscoride, hoc est, γναφαλοειδῆ. Tori prominentes partium calli, & in se pulparum mo-

do collecti nominantur. Græci κονδύλης uocant. Hinc κονδυλώδης, id est, torosus, quod idem Latinis est ac nodi formam præse ferens.

Triens quatuor cyathi. Tunica est tenuis cortex & ueluti membranaceus, quo uel arbor, uel radix inuestitur. Sic cape folliculis est tunicatum. Turbo dicitur quicquid ex acumine tendens in amplius spaciatur. Hinc turbinatum, quod ex angusto continenter in latius prodit. Sic turbinata conspicitur pyrorum forma. Per multa etiam herbarum folia in mucronem turbinantur. Turiones sunt teneritates summitatum ipsarum arborum, quæ singulis annis crescunt. Topiarium opus est quod ex arbore, frutice, uel herba ad decorem componitur in testudines aut cameras formatum. Hinc topiariæ dici merentur arbores uel herbarum quæ nimirum huic operi, quod flexiles sunt, ac suo lentore sequaces, accommodantur.

V

Vascula, seminum inuolucra sunt. Vænae sunt quæ in plantarum folijs apparent, & ramulos & humorem habentes. Vermiculatum quod rosæ modo, quasi purpuriscolorat, dicitur. Verticillum florum uel foliorum ambitus, qui coliculos aut ramulos herbarum coronat, existit: ab instrumenti mulieris similitudine dictum, quod fuso uertendi gratia solitum est adhiberi. Vinacei, grana sunt acinorum, γίγαρτα Græcis nominantur, quæ pressis uuis cum folliculo abijciuntur.

Virga est quæ ex radicibus, aut caudicibus lateribus exit. A nonnullis uirgæ appellatæ sunt soboles. Virgultum surculus is est, qui terra committitur, ut in arborem insurgat. Viticulæ non palmites aut sarmenta sunt, sed flagella quæ uitis modo reptantia longè lateque uagantur, ac uicinos frutices nata sic intrinsecant eos, ut ipsi perinde quasi pedaminibus abutantur: uel scandentia suis irretiunt clauiculis, quibus quasi digitis hærent, quales in cucumeribus, cucurbitis, & plerisque alijs inueniuntur.

Vmbella est floris seminis uel pedamentum, in plures digestum longiores pediculos, qui si mul ex fastigio eodem orti, in latius continuo radiantur, singuli quæ uel florem, uel semine sustinent, in orbem circumactum. Græci hunc floris habitum σκιάδιον, Latini uerò quoniam umbellæ, qua mulieres uultum uindicant à sole, & æstum arcent, circumactam effigiem gerit, umbellam dixerunt. Umbilicus id in pomis est, quod in eis medium uel prominet, uel conditur. Vngues in rosis & foliatis floribus intellexerunt ueteres, imas suorum foliorum partes, quibus in capite suo coherent, decolorisque dependent. Vel breuius: Vnguis infima pars foliorum rosæ alba appellatur.

GRAECA-
RVM NOMEN-
clationū Index: cuius nu-
merus paginam, litera se-
quens eiusdē paginæ par-
tem, designat. Picturas,
uel ante, uel post capita lo-
catas, uel ipsē in-
sertas repe-
riēs.



A
Βρότονου 8. C
ἀγριοκαρδια-
μου 324. D
ἀγρωσις 135. A
ἀδιδαντον 81. A
ἀδιδου 191. A
ἀείζωου 31. A
ἀείζωου ἀγριου 799. B
αἰζόκορϑ 797. A
αἶρα 128. C
ἀκαλύφη 105. A
ἀκανθϑ, ἢ ἀκανθα 51. D
ἀκανθα λουκή, 54. B
ἀκόνιτον 86. C
ἀκορον 13. A
ἀκτὴ. 63. A
ἀλθαία 16. C
ἀλισμα 43. C
ἀλκία 79. B
ἀλκιβιάδου 268. C
ἀλόη. 137. A
ἀλοῖνη 20. C
ἀμαξιακον 582. C. ϑ
666. C
ἀμαξαντος 98. C
ἀμμι 66. D
ἀμπελος λουκή. 95. A
ἀμπελϑ μέλαινα 96. D
ἀμπελϑ οἰνοφόρϑ καὶ
ἡμδρος 83. B
ἀναγαλλίς. 17. A
ἀναγαλλίς ἐνυδρϑ
724. C
ἀνδρῶσταιμον 75. A.
ϑ 830. C
ἀνδρῶχνη 111. A
ἀνυθου 29. A
ἀνθεμίς. 24. D
ἀνθρωπομορφϑ 529. A
ἀνισου 61. A
ἀνωνίς. 60. C
ἀπαείνη 51. C
ἀπιϑ 132. C
ἀρίαρον 68. C
ἀριστολογία 89. B
ἀρκειον 71. B
ἀρκοβδος ἢ ἀρκευθίς 77. A
ἀρνόγλωσσον 40. A
ἀρον 68. C
ἀρτεμισία 48. A

ἀραρον 9. C
ἀσκληπίας 130. C
ἀσκυρον, ἢ ἀσκυροειδὲς
73. B
ἀσπαράγϑ 59. C
ἀσπρῆ ἀπικός. 133. A
ἀσριου 448. C
ἀσφῶδελϑ 114. D
ἀτρακτυλός. 123. A
ἀτράφαξις 120. C
ἀφάκη 109. B
ἀφίνθιον 3. A

B
Βαλωτή. 153. B
βαρύθρον 149. A
βασιλικόν. 546. D
βάτϑ 151. A
βατράχιον 155. A
βήχιον 139. B
βίβιον 171. A
βλήχων 197. A
βλήτϑον 173. A
βολβος ἀγριϑ 168. D
βοτάνιον ἔρμα 474. C
βότρυς 178. C
βοεώνιον 133. A
βόγλωσσον 141. B
βόκορος 797. A
βονιάς. 175. A
βασθαλμον 143. A
βεάδης 149. A
βεύον 165. A
βρυωνία 95. A
βρώμος 184. C

Γ
Γαλεόδδλον 193. A
γαλήνοψις 193. A
γαλλιον, ἢ γαλλείον, ἢ
γαλάτιον 195. B
γλυτικὴ. 199. A
γδρῶνιον 210. C
γῆς εἰφανος 877. A
γιγῆδον 217. A
γλήχων 197. A
γλυκυῖριζα 191. A
γλυκυσιδὴ 201. A
γναφάλιον 221. A
γογγύλη ἢ γογγυλός.
211. A

Δ
Δαμασώνιον 43. C
δαῦκος 230. D
δάφνη ἀλεξάνδρεια, ἢ
ιδαία 237. A
δαφνοειδὲς 226. D
Διὸς Βαλλανος 376. D
δῖ-τακος 223. A
δρακόντια μεγάλη, ἢ
δρακόντι μέγα, 234. D
δρῶς 228. C
δύσομον 775. B

E
Εβγνότρηχον 81. A
ἐβίσκος 16. C
ἐλατήριον 704. D
ἐλελίσφακον 247. A
ἐλγνιον 241. A
ἐλεοσέλινον 271. A
ἐλίχυσον 98. C
ἐλλέβορος λουκός. 271. A
ἐλξίνη κισσάμπιλος
259. A
ἐλξίνη 278. C
ἐλυμος 252. C
ἐμπετρον 729. B
ἠδιφυλλόκαρπον 237. A
ἐπιδφυλλον 259. B
ἐρεβινθος 266. C
ἐρέκη 254. D
ἐρπυλλον 250. C
ἐρυθρόδανον 279. A
ἐρύσιμον 256. C
ἐύζωμον 261. A
ἐυπατώριον, ἢ ἡπατώ-
ριον 243. A
ἐυφροσύνη 245. A
ἐφυσθρον 324. C
ἐφήμορον 239. A
ϑ 358. C
ἐχιον 268. C

Z
Ζειά. 282. C
ζζάνιον 128. C

H
Ηδύοσμος 287. A
ἡμονίτις 295. A
ἡπατώριον 243. A
ἡεγέρων 285. A
ἡεγγιον 297. A

Θ

Θερμός ἡμδρος 308. C
θλασσι, ἢ θλασιδον
305. A
θειδάξ 298. C
θύαρος 128. C
θύμβρα 303. A
θύμος 826. C

I
Ιβόρις. 324. D
ιβίσκος 16. C
ἱέρα βοτάνη 591. A
ιδράκιον 318. D
ἱξός. 328. D
ἱον πορεφουῶν 310. D
ἱπποσέλινον 326. D
ἱππεις 321. B
ἱεις 316. C
ἱεις ἀρχία 239. A
ἱσάτις 330. C
ἱχας 132. C
ἱτιά 333. A
ἱχθυόθρον 450. C

K
Καλαμίνθη 433. A
καλλίτρηχον 81. A
καύναξις 392. C
καύπνϑ 337. B
καρδίαμον 361. B
καρδιαμαντική. 324. D
καρός 397. A
καρύνα πονηκά. 397. B
καρύνον βασιλικόν. 378. C
καοσύθα 347. A
κάσανα 376. D
κέγχρος 410. D
κηνταύριον μικρόν. 386. C
κδραίτις 797. A
κέρασος 426. C
κέρσον 349. B
κίκι ἢ κρότων 339. A
κίρκαια 529. A
κίρσιον 341. A
κισός. 421. A
κληματὶς δαφνοειδής.
359. A

κνίδι 105. A
κνίκος 410. C
κνίκος ἀρχία 123. A
κοκκιμηλία 402. C
κολοκυθία ἐδωδμος
367. A
κολοκυθίς. 373. A
κολαπτεά 445. A
κολχικόν, ἢ ἐφήμορον
358. C

κομή. 820. D
κορειον ἢ κορείανον 344. C
κορωνόπτες 448. C
κόνειον 405. A
κοράμβη ἢ ἡμδρος 412. D
κοιθὴ. 437. B
κοῖνον 363. B
κορός 442. C
κορόμμνον 429. A
κορότων 339. A
κόσμος 388. C
κόσμος 427. A
κοιδωνία μηλία 375. A
κοιλάμινος 450. C
κοιία 443. A
κοινογλωσσον 407. A
κοινοκράμβη 443. A
κοινὸς ὄρχις 558. C
κόπδρος ἢ κόπειρος
452. D

L
Λαγώπτες 493. A
λαθυείς. 454. D
λαπάθρον 460. D
λάρεξ 495. A
λειμώνιον 466. D
λείριον 363. B
λεχηρ. 472. C
λεκυ-

GRAECARVM NOMENCLATIONVM INDEX.



Brotonū. 8.c
Absinthiiū. 3.A
Acanthus, si-
ue Acantha

51.D

| | |
|--------------------|--------|
| Aconitum | 86. D |
| Acorum | 13. A |
| Adiantum | 81. A |
| Aiuga, siue Abiga | 884. C |
| Aizodon | 31. A |
| Alcea | 79. B |
| Alcibiaceum | 278. C |
| Alisma | 43. C |
| Allium | 735. A |
| Aloë | 137. A |
| Althæa | 16. C |
| Amaracus | 666. C |
| Amarantus | 98. C |
| Ambubeia | 676. C |
| Ammi | 66. D |
| Anagallis | 17. A |
| Anagallis aquatica | 724. C |
| Androsæmon | 75. A |
| Anethum | 29. A |
| Anethū uaccinū | 143. B |
| Angelica | 126. C |
| Anisuria | 702. C |
| Anisum | 61. A |
| Anonis | 60. C |
| Anthemis | 24. D |
| Aparine | 51. C |
| Aphaca | 676. D |
| Aphace | 109. B |
| Apiastrum | 489. A |
| Apium agreste | 155. A |
| Apium hortense | 743. A |
| Apium montanū | 573. A |
| Apium palustre | 271. A |
| Apium saxatile | 654. C |
| Apios | |

LATINARVM NOMENCLATIONVM INDEX.

| | | | | | | | |
|------------------------|----------------|---------------------------|----------------|-------------------------|--------|---------------------------|----------------|
| Apios | 132.C | Cicerbita | 673.A | Fœnumgræcum | 797.A | Leporinus pes | 493.A |
| Apollinaris | 832.C | Cicuta | 405.A | Fontalis | 652.C | Leucoion Dioscoridis | 456.D |
| Aristolochia | 89.B | Cinara | 791.A | Fragaria | 854.C | Leucoion Theophrasti | 485.A |
| Armoracia | 661.A | Cinnnalis | 81.A | Fumaria | 337.B | Lolium | 128.C |
| Arnoglossum | 40.A | Citrago | 497.A | Fufus agrestis | 123.A | Lichen | 472.C |
| Artemisia | 48.A | Clematis Daphnoides | 359.A | G | | Ligustrum | 479.A |
| Arum seu aris | 68.D | Cnicus & cneus | 410.C | Galeopsis | 193.A | Lilium | 363.B |
| Asarum | 9.B | Cnicus syluester | 123.A | Gallion | 195.B | Limonium | 466.D |
| Asclepias | 130.C | Colubrina | 234.D | Geminalis | 567.A | Lingua canina | 407.A |
| Ascyrum | 73.B | Columbaris seu colum- | | Genista | 219.A | Lingua serpentina | 578.C |
| Asparagus | 59.C | bina | 591.A | Genistella | 219.A | Linum | 470.C |
| Aphodelus | 114.D | Colutea | 445.A | Gentiana | 199.A | Lithospermum | 488.C |
| Aster atticus | 133.A | Coma | 820.D | Geranium | 210.C | Lunaria minor | 481.A |
| Atractylis | 123.A | Consolida media | 390.D | Gingidium | 217.A | Lupinus sativus | 305.C |
| Atriplex | 120.C | Consolida minor | 145.B | Gith <i>Gnaphalium</i> | 502.D | Lupus salictarius uel re- | |
| Avena | 184.C | Conuoluulus | 259.A | Gossipium | 580.C | ptitius | 165.A |
| Auricula muris | 604.C | Corion seu coriannon | 344.C | Gramen | 135.A | Lychnitis | 845.B |
| B | | Corona regia | 526.C | H | | Lycoctonum | 86.C |
| Ballote | 153.B | Corona Veneris | 721.A | Halicacabum | 691.A | Lyfimachia | 490.C |
| Balsamine | 188.C | Cotonea málus | 375.A | Hedera | 421.A | M | |
| Barba caprina | 180.C | Crambe | 412.D | Hedera terrestris | 877.A | Maiorana | 666.C |
| Batrachium | 155.A | Crista gallinacea | 591.A | Hedypnois | 676.C | Mála insana | 532.C |
| Beta | 804.D | Crocus | 442.C | Helxine | 278.C | Malua | 510.C |
| Beta syluestris | 466.D | Cruciata | 419.A | Helxine cissapelos | 259.A | Málus cotonea | 375.A |
| Bellis siue bellius | 145.A | Cucumis, seu cucumer | 702.C | Hemionitis | 295.A | Marrubium | 589.A |
| Betonica | 349.B. & 351.B | Cucumis anguina | 704.D | Hepatorium | 243.A | Melilotus | 526.C |
| Blattaria | 182.C | Cucurbita | 367.A | Hiberis | 324.D | Melones | 702.C |
| Blitum siue blitus | 173.A | Cucurbita syluestris | 373.A | Hieracium | 318.D | Mentha | 285.A |
| Botrys | 178.C | Cunila | 303.A | Hierobotane | 591.A | Menthastrum | 287.A |
| Bouis lingua | 141.B | Cyanus | 427.A | Hirci barba | 820.D | Mercurialis | 474.C |
| Brassica fatiua | 412.D | Cydonia | 375.A | Hirudinaria | 400.D | Mercurialis syluestris | |
| Bubula lingua | 141.B | Cynia | 443.A | Hordeum | 437.B | mas | 443.A |
| Buglossum | 141.B | Cynoforclis | 558.C | Hordeum distichum | 437.B | Milium | 410.D |
| Buglossum magnū | 341.A | Cyperus & cypir | 452.D | Hordeum polystichum | 437.B | Millefolium | 582.C |
| Bulbus syluestris | 168.D | D | | Hyacinthus | 834.C | Mors uermium | 5.B |
| & 358.C | | Damassonium | 43.C | Hydropiper | 842.C | Morus | 521.B |
| Bupthalmum | 143.A | Daphnoides | 226.D | Hyoscyamus | 832.C | Myrice | 512.C |
| Buxus | 643.A | Daucus | 230.D | Hypericum | 830.C | Myrrhis | 524.D |
| C | | Dolichi | 707.B | Hyssopus | 840.C | N | |
| Calamintha | 433.A | Dracunculus maior | 234.D | I | | Napus | 175.A |
| Callitrichum | 81.A | Dulcis radix | 191.A | Ibiga | 884.C | Napus bunias sativus & | |
| Caltha uel calthula | 381.B | E | | Ibifcus | 16.C | syluestris | 175.A |
| Campanula | 431.B | Ebifcus | 16.C | Illecebra | 799.B | Nardus syluestris | 855.B |
| Canina brassica | 443.A | Ebulus | 63.B | Inguinalis | 133.A | Nasturtium agreste | 324.D |
| Canina málus | 529.A | Echium | 268.C | Intubus | 676.C | Nasturtium satium | 361.B |
| Cannabis | 392.C | Elenium | 241.A | Inula | 241.A | Nepeta | 433.A |
| Capillaris | 795.A | Elleborus albus | 271.A | Iouis glans | 376.D | Nerion | 542.C |
| Capfella | 303.A | Elleborus niger adulteri- | 276.C | Irion | 254.C | Nigella | 502.D |
| Carduus | 791.A | nus | | Iris | 316.C | Nummularia | 400.D |
| Carduus Veneris | 223.A | Ephemerū | 239.A et 358.C | Iris syluestris | 239.A | Nux auellana | 397.B |
| Carduus suarius | 880.C | Equinalis herba | 321.B | Isatis | 330.C | Nux Regia & Perfica | 378.D |
| Carduus niger | 882.C | Equisetum | 321.B | Iuglans | 378.D | Nux castanea | 376.D |
| Cardiaca | 394.C | Erica | 254.D | Iuniperus | 77.A | Nux Pontica | 397.B |
| Caron uel carcum | 397.A | Eruca | 261.A | Iunonis rosa | 363.B | Nymphæa | 534.C |
| Caryophyllata | 383.A | Eruum | 570.C | L | | O | |
| Castalia | 347.A | Eryngium | 297.A | Labrum Veneris | 223.A | Ocimum | 546.D |
| Castia herba | 201.A | Eupatorium | 243.A | Lactaria herba | 810.C | Ocimastrum | 895.A |
| Castanea | 376.D | Eupatorium adulterinū | 264.C | Lactuca | 298.C | Oenanthe | 563.A |
| Centūmorbia | 400.D | F | | Lactuca caprina aut ma- | | Olus arum | 326.D |
| Centunculū aut centun- | | Faba | 388.C | rina | 810.C | Ononis | 60.C |
| cularis herba | 221.A | Farrago | 767.A | Lactuca syluatica | 318.D | Ophioglossum | 578.C |
| Cepa | 429.A | Farfaria | 139.B | Lamium | 468.D | Ophris | 565.B |
| Cerasus | 426.C | Febrifuga | 386.C | Lanaria herba | 779.A | Orchis | 558.C. & 561.A |
| Chamæcyparissus | 873.B | Fel terræ | 386.C | Larix seu Larex | 495.A | Origanum | 551.A |
| Chamædaphne | 359.A | Ficus fatiua | 754.C | Lafer, seu Laferpitium | 762.C | Orminum | 567.A |
| Chamæleon albus | 880.C | Filicula | 587.A | Lathyris | 454.D | Osyris | 542.D |
| Chamæmelon | 24.D | Filix | 594.D | Lauer | 724.C | Oxalis | 465.A |
| Chelidonium maius | 864.C | Forniculum | 500.C | Laurus Alexandrina aut | | Oxyacantha | 542.D |
| Chelidonium minus | 866.C | | | Idæa | 237.A | Oxylapathum | 460.D |
| Chrysanthemum | 878.C | | | Lens, siue lenticula | 858.D | Oxys | 565.A |
| Cicer | 266.C | | | Lepidion | 324.D. | | |
| | | | | & 483.A | | | |

LATINARVM NOMENCLATIONVM INDEX.

| | | | | | | |
|------------------------------|---------------------------------------|---|---|---|-----------------|-----------------|
| P Aeonia 201.A | Salvia 247.A | Thymbra 303.A | Aloë 137.A | | | |
| Panicum 252.C | Sambucus 63.A | Thymus 826.C | Altaraxacon 676.D | | | |
| Papauer fatium 517.B | Sanguinalis 613.B.& | Thryallis 845.B | Altercum 832.C | | | |
| Papauer corniculatum 521.A | 448.C | Tilia 863.A | Ameos 66.D | | | |
| Papauer nigrum 502.D | Sanguinaria 448.C | Tintinabulū terrę. 466.D | Amoris poma 532.C | | | |
| Papauer rhœas 514.D | Sanicula 672.C | Tithymalorum genera 810.C | Anethum 29.A | | | |
| Parthenium 582.C | Sardiana glans 376.D | plura | Anisum 61.A | | | |
| Pastinaca 685.A | Satyrrium regium 711.B | Tordylon, siue tordylion 809.B | Apium hortense 743.A | | | |
| Pedicularis herba 785.A | Satyrrium trifoliū 709.B | Trichomanes 795.A | Apium agreste 155.A | | | |
| Peplos 604.C | Saxifraga 729.B | Trifoliū odoratū 816.C | Aquilegia 101.B | | | |
| Pepones 702.C | Scandulaceum 305.A | Triticum 647.B | Archangelica 468.D | | | |
| Petasites 643.B | Scilla 781.A | Trifolium pratense. 820.C | Arceus 791.A | | | |
| Petrofelinum 654.C | Scorpium 86.C | Trifago 868.C | Aristologia 89.B | | | |
| Petrofelinum syluestre 573.A | Scythica radix 191.A | Trixago palustris 775.B | Armoracia 661.A | | | |
| Perfoliata 631.B | Secale 767.A | Tuber terræ 450.C | Artemisia 48.A | | | |
| Perficaria 631.A | Sedum 31.A | Tussilago 139.B | Arthanita 450.C | | | |
| Perfica mālus 602.C | Semen 282.C | Typha 822.C | Arthetica herbæ 845.B | | | |
| Personaria 71.B | Semen lumbricorū 5.B | V | | | | |
| Pes anserinus 652.D | Seminalis 613.B | | | | | |
| Pes cornicis 448.C | Senetio 285.A | Veratrū album 271.A | Asa foetida 762.D | | | |
| Peucedanus 598.D | Sentes 151.A | Verbascum 845.A | Asarum 9.B | | | |
| Phu 855.B | Septifolium 259.B | Verbascula duo 845.B | Aspergula 51.C | | | |
| Pinafellus 598.D | Seriola 676.C | Verbenaca 591.A | Asprella 321.B | | | |
| Piperitis 731.A | Seris 676.C | Vernilagium 882.C | Atriplex 120.C | | | |
| Pistolia 89.B | Serpentaria 400.D | Vesicaria 691.A | Auena 184.C | | | |
| Pisum 628.C | Serpentaria maior. 234.D | Vetonica 349.A | B | | | |
| Pituitaria 785.A | Serpyllum 250.C | Vicia 171.A | | | | |
| Plantago 40.A | Sertula campana 526.C | Victoriola 237.A | Balsamita 721.A | Baptifecula 427.A | | |
| Polygonatum 584.C | Seseli Creticum 809.B | Viola 456.D | S. Barbaræ herba 745.A | Bardana 71.B | | |
| Polypodium 587.A | Seseli Mafsilienfe 787.A | Viola alba 485.A | Basilicon 546.D | Bedegarim, siue Bede- guar 54.B | | |
| Polytrichon 628.D | Sideritis prima 770.C | Viola matronalis 312.D | Belzuinum 762.D | Benedicta herba 383.A | | |
| Polytrichum 81.A | Siliquastrum 731.A | Viola muraria uel purpu- rea 310.D | Berberis 542.D | Betonica 349.A | | |
| Porrum 633.A | Sinapi 537.A | Viscum 328.D | Bipennula 607.B | Biftorta 259.B. | | |
| Portulaca 111.A | Sion 724.C | Vitis alba 95.A | & 772.D | | | |
| Potamogeton 652.C | Sifer 750.C | Vitis nigra 96.D | | | | |
| Prænestina nux 397.B | Sisymbrium 721.A | Vitis uinifera 83.B | Bismalua 16.C | Bombasum 580.C | | |
| Proserpinaca 613.B | Sisymbrium cardamine 721.A | Vmbilicus terræ 450.C | Bombax 580.C | Bonifacia 237.A | | |
| Prunus 402.C | Sitanium 647.B | Volucrum maius. 645.A | Bonus Henrichus 465.A | Borrigo 141.B | | |
| Pseudonardus 889.A | Smilax aspera 717.B | Vrceolaris 278.C | Branca ursina 51.D | Bruscandula 165.A | | |
| Psilothrum 95.A | Smilax hortensis 707.A | Vrtica 105.A | Bryonia 95.A | Bucheiden 711.B | | |
| Pulegium 197.A | Smilax læuis 719.A | Vrtica labeo 193.A | Buglossa 341.A | Buglossū syluestre. 268.C | | |
| Pulicaris herba 887.B | Smyrnium 759.B | Vua crispa 186.C | Burfa pastoris 305.A | C | | |
| Pulmonaria 636.C | Solanum 691.A | X | | | | |
| Pyrethrū syluestre. 638.C | Solidago 694.C | | | | | |
| Q | | Xanthium 578.D | Calamentum 433.A | | | Calendula 381.B |
| | | Xylon 580.C | Camomilla 42.D | | | Campana 241.A |
| R | | Z | Campanella 719.A | Canapus 392.C | | |
| | | Z | Canela regis, quę & can- delaria 845.A | Capillus Veneris 81.A | | |
| Qvercus 228.C | Solis oculus 582.C | Z | Caprifolium 645.A | Caput caules 412.D | | |
| Quinquefolium 622.D | Sonchus 673.A | Z | Cardo fullonū, seu Car- duus fullonius 223.A | Cardopatum 880.C | | |
| R | | Z | Carota 685.A | Cardu benedictus 123.A | | |
| | | Z | Cartamum 410.C | Cartamū syluestris. 123.A | | |
| Radicula 658.D | Sorbus 575.A | INDEX NO MENCLATIONVM quibus officinæ se- plasiariorū, & her- barij nostri tempo- ris utuntur. | | Cartafilago 729.A | | |
| & 779.A | Spartum 759.A | | | Carui 397.A | | |
| Radix 658.D | Spina alba 54.B | | | Castrangula 193.A | | |
| Ranunculus 155.A | Spinacia, uel spinaceum olus 668.C | | | Gatapu- | | |
| Raphanus 658.D | Spinamollis 341.A | A | | Gatapu- | | |
| Raphanū syluestris. 132.C | Stachys 765.B | | | Brotonū. 8.C | | |
| Reapum 211.A. & 450.C | Sternutamentaria 638.C | | | Abfinthiū. 3.A | | |
| Rhodia radix 664.C | Stichas. 777.B (762.C) | | | Acorū 13.A | | |
| Rhododendron 542.C | Stratiotes millefolia 791.A | | | Acus pasto- ris 210.C | | |
| Ricinus 339.A | Strobilus 714.C | | | Acetosa 465.A | | |
| Rosa 656.C | Succisa 714.C | | | Acutella 60.C | | |
| Rosmarinus 477.A | Superciliū terrę 81.A | | | Affodillus 114.D | | |
| Rubia 279.A | Syluæ mater 645.A | | | Agrimonia 243.A | | |
| Rubus 151.A | Symphytum 694.C | | | Alchimilla 613.A | | |
| Rumex 460.D | T | | | Alliaris & alliaria. 103.A | | |
| Ruta hortensis 615.B | | | | Alleluya 565.A | | |
| S | | | | Allium 735.A | Alkakengi 691.A | |
| | | | | T | | |
| Sabina, siue Sauina 149.A | Amarix 512.C | | | | | Telephium 799.B |
| Sagminalis herba 591.A | Terminalis 392.C | | | Terrestria mālus 529.A | | |
| Saluaris 640.C | Terræ capillus 81.A | | | Testiculus serapias, siue orchis 561.A | | |
| Salix 333.A | Terræ corona 877.A | | | Teucrium 828.C | | |
| Salix equinalis 321.B | Terrestria mālus 529.A | Teucrium Plinij 295.A | | | | |
| | Thlaspi 305.A | | | | | |

OFFICINIS SEPLASIARIORVM CONSVETAE NOMENCLATVRAE,

| | | | |
|-------------------------------------|---------------------------------------|------------------------------|------------------------------|
| Cataputia maior 339.A | Flos amoris 98.C | Malua 510.C | Phasioli 707.B |
| Cataputia minor 454.D | Flos februarij 485.A | Maluauiscum 16.C | Pilosella 604.D |
| Cauda equina 321.B | Flos omniū mensiū 381.B | Mandragora 529.A | Pimpinella 607.B |
| Caulis 412.D | Fœniculum 500.C | Marrubiū nigrum 153.B | Piper Hispanum, seu In- |
| Cauta 582.C | Fœniculus porcin ⁹ . 598.D | Marrubiastrum 153.B | dianum 731.A |
| Cepa 429.A | Fœnumgræcum 797.A | Materfylua 645.A | Piperitis 483.A |
| Cepa syluestris 168.D | Fortis, seu fortis herba 729.A | Matricaria 48.A | Plantago 40.A |
| & 839.B | Fuga dæmonum 830.C | Melanzana 532.C | Podagra lini 347.A |
| Centauria minor 386.C | Fumus terræ 337.B | Melilotum 526.C | Polypodium 587.A |
| Centumnodia 613.B | Funis arborum 719.A | Melissa 497.A | Polytrichon 795.A |
| Centumcapita 297.A | G | Mentha 287.A | Porrum 633.A |
| Chamædrys 868.C | | Mentha aquatica 721.A | Portulaca 111.A |
| Chærefolium 217.A | Gallitrichum 81.B | Mentha Romana. 287.A | Potentilla 620.C |
| Cheiri 456.D | & 567.A | Mētha Saracenicā. 287.A | Prasium 589.A |
| Chelidonia 864.C | Geneſta, ſiue Geneſtra 219.B | Mercurialis 474.C | Prasium foetidum 153.B |
| Cheruilla 750.C | Gentiana 199.A | Milium 410.D | Primula ueris 145.B |
| Cicer 266.C | Glaſtum 330.C | Milium ſolis 488.C | Prunella 622.D |
| Cichorea 676.C | Gratia Dei 210.C | Millefolium 726.C | Pruneola, ſiue Prunula 402.C |
| Cicuta 405.A | Guadum 330.C | Millemorbia 193.A | Prunus 402.C |
| Cicutaria 524.D | H | Mora uaticana 151.A | Pſeudomelanthion. 128.C |
| Citonia 375.A | | Morella 691.A | Pyſyllium 887.B |
| Citruli uel citreoli. 702.D | Hederaterreſtris 877.A | Morſus diaboli 714.C | Pulegium 197.A |
| Coloquintida 373.A | Hepatica 472.C | Morſus gallinæ 20.C | Pulegiū ſylueſtre 433.A |
| Colubrina 772.D | Herba diui Ioan. 830.C | Morus celfi 521.B | Pyrethrum 640.C |
| Condiſi 779.A | Herba fortis 729.A | Muralis 278.C | Pyrethrū ſylueſtre. 638.C |
| Conſolida maior 694.C | Herba fullonum 779.A | N | Pyrola 466.D |
| Coriandrum 344.C | Herbæ paralyſis 845.B | | Naſturtium 361.B |
| Cornu ceruinū 448.C | Herba Roberti 210.C | Naſturtium aquaticum 721.A | Q |
| Corrigiola 613.B | Herba ſtellæ 448.C | Naſturtium tectorum 305.A | |
| Cotula foetida 582.C | Hermodaſtylus 358.C | Nenuphar 534.C | Qvercus 228.C |
| Cotula nō foetida 143.A | Hirundinaria 130.C | Nigella 502.D | Quinquefolium 622.D |
| Cotum 580.C | Hiſpanach 668.C | Nil 330.C | R |
| Cræſſula maior 799.B | Hiſpanicum olus 668.C | Nilech 330.C | |
| Creſcio horteniſis 361.B | Hordeum 437.B | O | Raphanus minor & maior 661.A |
| Crocus 442.C | Humulus 165.A | | Ocularia 245.A |
| Crocus horteniſis 410.C | Hypericum 830.C | Oculus bouis aut uaccæ 143.A | Rapiſtrum 256.C |
| Cuculus 691.A | Hyſſopus 840.C | Oleander 542.C | Rapum 211.B |
| Cucumer, ſeu Cucumis 702.C | I | Ophthalmica 245.A | Rapunculus 211.B |
| Cucumer afinin ⁹ . 704.D | | S. Iacobi ſlos 741.B | Orobos 570.C |
| Cucurbita 367.A | Iarum 68.D | Origanum 551.A | Reſta bouis 60.C |
| Cucurbita 367.A | Indicum 330.C | Os mundi 109.B | Rhabarbarū monacho- |
| Cuscuta 347.A | Iriſcus 297.A | Ofatis 330.C | rum 460.D |
| Cyclamen 450.C | Iris 316.C | Oſteritium 762.C | Ribe 662.D |
| Cynogloſſum 407.A | Iua muſchata 884.C | P | Roberti herba & Rober- |
| Cypirus 452.D | Iuniperus 77.A | | Paeonia 201.A |
| Cypreſſus 873.B | Iuſquiamus 832.C | Pagana lingua 237.A | Rofæ caninæ 656.D |
| D | K | Palma Chriſti 339.A | Rofmarinus 477.A |
| | | & 711.B | Rofmarinus aculeatus 219.B |
| Dens leonis 676.D | Keirim 456.D | Pampinula 607.B | Roftrum ciconiæ 210.C |
| Diapenſia 672.C | Kerua 339.A | Panis cuculi 565.A | Roftrum porcinū. 676.D |
| Digitalis 892.C | L | Panis porcinus 450.C | Rubea tinctorū 279.A |
| Digit citrini 711.B | | Laſtuca 298.C | Ruta 615.B |
| E | Laſtucella 673.A | S | Sacerdotis uirile 68.D |
| | Lapatium acutū 460.D | | Salicaria 490.C |
| Elleborus albus. 271.A | Lanaria 845.A | Salua 247.A | Salua uita 729.B |
| Endiuia uera 676.C | Lappa maior 71.B | Sanamunda 383.A | Sancti ſpiritus radix 126.C |
| Enula 241.A | Lappa inuerſa 578.D | Sandaracha Arabū 77.A | |
| Enula campana 241.A | Lappa minor 578.D | Sanguiforba 790.C | |
| Equina mentha 287.A | Larga 495.A | Sanicula 672.C | |
| Eruca 261.A | Laureola 226.D | Saponaria 779.A | |
| Eſula 810.C | Lens 858.D | Sardianæ glandes. 376.D | |
| Eſula rotunda 604.C | Leuiſticum 759.B | Satureia 303.A | |
| Euiſcum 16.C | Lilium album 363.B | Sauina uel Sabina. 149.A | |
| Eupatorium adulterinū 264.C | Lilium conualliū 239.A | Saxifraga lutea 748.D | |
| Euphrasia 245.A | Liliū inter ſpinas 645.A | Saxifraga maior 748.C | |
| F | Linaria 544.D | Saxifraga rubea 565.A | |
| | Lingua bouis 341.A | Scabioſa 717.A | |
| Faba 388.C | Lingua ceruina 295.A | Scariola 676.C | |
| Faba craſſa 799.B | Linum 470.C | Scelerata 155.A | |
| Fafeoli 707.B | Liquiritia 191.A | Scolopendria 295.A | |
| Ficaria 193.A | Luparia 86.C | Sciophularia. 866.C | |
| Ficus ſatiua 754.C | Lupinus 308.C | Scro- | |
| Filago 729.A | Lupulus 165.A | | |
| Filipendula 563.A | M | | |
| Filix 594.D | | Maiorana 666.C | |
| Flammula 155.A | | | |

Scrophularia maior
193.A
Semperuiuum 31.A
Semperuiuum marinum
137.A
Sena 445.A
Serpentaria minor 68.D
Serpentaria officinarum
772.D
Serpillum 250.C
Serpillū romanū 826.C
Seruilla 750.C
Serullum 750.C
Sigillū Salomonis. 584.C
Siler montanum 787.A
Simeonis herba 79.B
Sinapi 537.A
Sinapi rusticum 305.A
Sinapi syluestre 256.C
Siranium 647.B
Solatrum 691.A
Solidago Sarracenicā
729.A

Sorba 575.A
Sorgi 772.C
Sparagus 59.C
Spelra 282.C
Sphatula scetida 793.B
Squilla 781.A
Staphisagria 785.A
Stellæ herba 448.C
Stichas arabica 777.B
Stichas citrina 98.C
Stramonia 691.B
Succus cyrenaic9. 762.D

T
Tamariscus 512.C
Tanacetū 48.B. & 49.C
Tanacetū syluestre. 620.C
Taplus barbarus 845.A
Taraxacon 676.D
Testiculus canis 558.C
Testiculus uulpis, aut sa-
cerdotis 709.B
Tilia 863.A
Tinctorius flos 809.A
Tormentilla 259.B
Trifoliū. 816.C. & 820.C
Trifoliū acetosum. 565.A
Trifolium humile. 493.A
Trinitas 493.A
Trinitatis herba 802.D
Triticum 647.B
Tunica 351.B
Turciū frumentū. 824.C

V
Valeriana 855.B
Vernix 77.A
Verbena 591.A
Veronica 168.C
Vincaperuinca 359.A
Vincetoxicum 130.C
Viola 310.D
Virga pastoris 223.A
Viscum 328.D
Vitalis 259.A
Vitia syluestris 109.B
Viticella 95.A
Vingula caballina 139.B
Volubilis maior 719.A
Volubilis media 259.A
Vrinalis herba 544.D
Vrtica 105.A
Vrtica iners, mortua uel

alba 468.D
Vua lupina 691.A
Vua uersa seu uulpina
86.C
Vua uulpis 691.A
Vuularia 237.A

Z
Zingiber caninum
731.A

GERMANI- CARVM APPEL- lationū Index.

A
Aithon 795.A
Akerpfrimmen
809.A

Affolter 328.D
Alant 241.A
Alraun 529.A
Amelkorn 647.B
Andorn das weibele
589.A

Apostemkraut 717.A
Articoca 791.C
Auffenblatt 237.A
Augentrost 245.A
Augenwurz 855.B

B
Bachmünz 721.A
Baldron 855.B
Balsammünz 287.A
Balsamkraut 287.A
S. Barbara kraut
745.B

Basilien 546.D
Basilgram 546.D
Baumfarr 587.A
Baumwoll 580.C
Baurenepich. 271.A
Baurnsenf 305.A
Beinhölzlin 479.A
Benedictswurz. 383.B
Bergmünz 551.A
Bertram 640.C
Beerwurz 809.B
Besemkraut 305.A
Bettlerleuß 578.D
Biberkraut 386.C
Bibinellen/ oder Bi-
bernellen 607.B
Bilsamkraut 832.C
Bingelkraut 474.C
Bismünz 785.A
Baumephew 421.A
Blaternkraut 866.C
Blaw gulgen oder blaw
schwertel 316.C
Blaw Kornblumen
427.A

Blawmenderle. 868.D
Blaw merzenblümle
834.C
Blaw veiel 310.D
Blutkraut 790.C
Blutströpfle 351.B
Boberellen 691.A
Bocksbart 820.D
Bockshorn 797.A
Bonen 388.C
Brachendistel 297.A

Braun betonick. 349.B
Braun doffen 551.A
Braun melanzā. 532.D
Braunellen 622.C
Braun weiderich. 490.C
Braunwurz 193.A
Brauner fingerhüt
892.C

Brennkrut 845.A
Bryßlauch 633.A
Buchwurz 243.A.
631.B

Brunnen leberkraut
472.C
Bübenleuß 578.D
Büchampffer 565.A
Büchbrot 565.A
Büchflee 565.A
Buchßbaum 643.A

C
Cistiani 376.D
Calecutischer/ oder
Indianischer pfeffer
731.A

Christwurz 276.C
Citruellen 702.D
Cypress 873.B
Coloquint 373.A
Coriander 344.C
Creuzbaum 339.A
Creuzsalbey 247.A
Creuzwurz 285.A

419.A
Cucumern 702.C

D
Dauerkropff. 337.B
Deumēt/ oder Fruß
deymēt 287.A
Denngras 613.B
Dennenmarck 855.B
Deschelkraut 610.C
Dinkelkorn 282.C
Donernegele 351.B
Dossen 551.A
Dratblum 878.C
Dreifeltigkheyt blumen
802.D

Droppwurz 587.A
Durchwachsß 631.B

E
Berwurz 880.C
Edel salbey 247.A
Einkorn 282.C
Eisenkraut 591.A
Eisernhart 591.A
Engelsfuß 587.A
Egelkraut 400.D
Ephew 421.A
Eppich/ oder Eppich
271.A. 743.A

Erbß 628.C
Erbfell 542.D
Erdapffel 450.C
Erdbeer 854.C
Erdtephew 421.A.

877.A
Erdkrenzlin 877.A
Erdrauch 337.B
Erdweirauch 868.D
Erdwurz 450.C
Erdgall 386.C
Ernroß 510.C
Eruen 570.C

Esels cucumber 704.D

F

Feybon 308.C
Feigbaum 754.C
Feigwarzefraut 866.C

Felber 333.A
Feldnegele 351.B
Fenchel 500.C

Fenich 252.C
Ferbblumen 809.A
Fieberkraut 386.C

Filzfraut 347.A
Fingerhüt 892.C
Fischmünz 721.A

Foßzwang/ oder Foß
wein 799.B
790.C

Flachß 790.C
Flachßkraut 544.D
Flachseiden 347.A

Flöckkraut 631.A
Frauenveiel 312.D
Freyschamkraut. 802.D

Frembder Petersilien
654.C
Fünffblatt 622.D

Fünffingerkraut 622.D

G
GAmenderle 868.D
Garben 726.C

Garten oder heimisch
Benedictenwurz.
383.B

Gartenkress 361.B
Garten hysep 303.A
Gartensenff 537.A

Gauchblum 324.D
Gauchbrot 820.D
Gauchflee 565.A

Geißblatt 645.A
Geeler fingerhüt. 892.C
Geeler/ oder guldener
flee 748.D

Geelmünz 433.A
Geel melangen. 532.D
Geel ölmagen 521.A

Geel rüben 685.A
Geel schlüsselblumen.
845.B

Geel seebäumen. 534.C
Geel weiderich. 490.C
Gensfuß 652.D

Genspappel 510.C
Genserich 620.C
Gerlin/ oder Geirlin
750.C

Gersten 437.B
Gerwel 726.C
Gillblumen 809.A

Gilgen 363.B
Glatte winden. 719.A
Glasßkraut 278.C

Glidkraut 770.C
Glutchen 514.D
Goldblum 878.C

Gottheil 622.C
Gotts vergeß. 589.A
Grasblumen 351.B

Grundkraut 285.A
Grindwurz 460.D
Groß bathengel. 828.C

Große beinwell. 694.C
Groß eppich 326.D
Groß feigwarzen=

fraut

GERMANICARVM APPELLATIONVM INDEX.

| | | | |
|---|---------------------------------------|---|-----------------------------|
| Frant 193. A | Kinlin 250. C | Melissen 497. A | Rosmarin 477. A |
| Groß schwalbenkraut 864. C | Kirschenbaum 426. C | Mengelwurz 460. S | Rosmünz 287. A |
| Groß zam moren. 750. C | Klapperrosen 514. S | Mercuriusfrut. 474. C | Rosspappel 510. C |
| Groß stehend windt 717. B | Klein bathengel. 868. C | Mertich 661. A | Rosßchwanz 321. B |
| Groß Teuffelsmilch 810. S | Klein ephew 421. A | Mertzenblümē. 485. A | Rot heilwurz 259. B |
| Guckgauchflee 565. A | Klein monkraut 481. A | Mertze violen 310. S | Rot nachtschattē. 691. A |
| Guldeguntzel 390. S | Klein zam more. 750. C | Mettram 48. A | Rot rüben 685. A |
| Guldener widerthon 628. S | Klein naterzüg. 400. S | Meußdölin 604. S | Rot steinbrech 563. A |
| Gundelreb 877. A | Klein salbey 247. A | Müsiel 328. S | Rot wasserpfeffer 842. S |
| Gurken 702. S | Klein schelwurz. 866. C | Mittelwinden 259. A | |
| Güter Heinrich. 465. A | Klein Taufentguldens- kraut 386. C | Mogßolb 822. C | |
| H | Knabenkraut 799. B | Münch rhabarbarum 460. S | S |
| Abichkraut 318. S | 558. C | Münz 287. A | Alfran 442. C |
| Alfstraüt 431. B | Knobloch 735. A | Mückenkraut 842. C | Salbey 247. A |
| Banff 392. C | Knospen 822. C | Mundtholz 479. A | Samkraut 652. C |
| barkkraut 544. S | Köl 412. S | | Sanickel 672. C |
| barkstrang 598. S | Kölbleskraut 790. C | N | Saturon 303. A |
| baselnuß 397. B | Kölfrant 676. S | Abelkraut. 544. S | Saurampffer 465. A |
| basenflée 565. A | Körn 767. A | Nachtschatt. 691. A | Saurer fleé 565. A |
| basenfuß 493. A | Kornrosen 514. S | Nagelkraut 604. S | Saurich 542. S |
| basenpappel 510. C | Koraminz 433. A | Narzenfolb 822. C | Sauwurz 193. A |
| basenpfärlin 604. S | Kränsfuß 448. C | Naterwurz 772. S | Scabiosen 717. A |
| bauchblatt 237. A | Krauß balsam 287. A | Naterzünglin 578. C | Scariol 676. C |
| bederich 256. C | Kren 661. A | Negelblümen 351. B | Schaffripp 726. C |
| berbstroß 510. C | Kreß 305. A | | Schaffgarben 726. C |
| bergotabärlin 790. C | Kreuzblümen 711. B | O | Schaffthew 321. B |
| berzgsplan 394. C | Kronäglin 810. C | Oehsenzung. 341. A | Scharlach 567. A |
| berzkrant 287. A | Krottendill 582. C | Odermenig 243. A | Scharpff wind 717. B |
| beyd 254. S | Krottenschlaß 544. S | Olander 542. C | Schnittlauch 633. A |
| beydrofen 656. S | Kühorn 797. A | | Schellkraut 864. C |
| beydelpfenich 252. C | Kürbß 367. A | P | Schirling 405. A |
| beydnisch wundtkraut 729. A | Kürwurz 474. C | Esselbeer. 542. S | Schlehen 402. C |
| humelbrant 845. A | Kunel 303. A | Pappel 510. C | Schlüsselblümē. 845. B |
| humelschlüßel 845. B | Kunigundkraut. 264. C | Pastincy/oder pastina- chen 685. A | Schlutten 691. A |
| hirß 410. S | Künnenbaum 375. A | Peterlin 573. A | Schmalzblüm 878. C |
| hirtenseckel 610. C | | S. Peters Korn 282. C | Schälweiden 479. A |
| hirszung 295. A | L | S. Pet. schlüssel 845. B | Schmerwurz 694. C |
| hirtenflée 264. C | Attich / oder Lac- tuck 298. A | S. Peterskraut 278. C | Schwalbenwurz. 866. C |
| hohen steinbrech 748. C | Lauch 633. A | Petersilien 573. A | Schwarz Coriander 502. S |
| holzmannholt 466. S | Laucendel 889. B | Petersilien der frembd 654. C | Schwarz gartendistel 882. C |
| hünerfüß 303. A | Lein 470. C | Pesilenzwurz 643. B | schwarz kömich 502. S |
| hünerköß 250. C | Liebstöckel 759. B | Pfaffenhödlin 866. C | Schwarzwurz. 694. C |
| hundßblüm 582. C | Ließen 822. C | Pfaffenhödlin/oder pfaf- senblatt 676. S | Schwarz ephew. 421. A |
| hundßköß 443. A | Linden 863. A | Pfeben 702. S | Schwefelwurz. 598. S |
| hundßzung 407. A | Linsen 858. S | Pfefferkraut 483. A | Schweinßtod 652. S |
| S. J | Lynkraut 544. S | Pfersichbaum 602. C | Schweinßrot 450. C |
| Acobs blüm 741. B | Löschbaum 495. A | Pflaumen 402. C | Seeblium 534. C |
| S. Johanskraut. 830. C | Löwenfuß 613. A | Pfenningkraut 400. S | Seyffenkraut 779. A |
| S. Johans trenblin/ oder beerlin 662. S | Löwentapen 613. A | Pferdschwanz 321. B | Senet 445. A |
| Joseplen 303. A | Lungenkraut 636. C | Pfennen 759. A | Sergenkraut 303. A |
| Jspen 840. C | | Pfessen 804. S | Sesel 787. A |
| Jfop 840. C | M | Poist 512. C | Sewbon 832. C |
| Judenhütlin / Juden- docken/oder Juden- firsen 691. A | Adelgeer. 419. A | Pruenen 402. C | Sewbrot 450. C |
| K | Män 517. B | Psilienkraut 887. B | Sewfenchel 598. S |
| Käzenkößel. 337. B | Magsomen 517. B | | Sewtodt 652. S |
| Käzle 493. A | Maiozan / oder Mey- ran 666. C | O | Sibengezeit 816. C |
| Kantenkraut 321. B | Meyenblümen. 239. A | Vendel 250. C | Synnare 13. A |
| Kappißkraut 412. S | Mangolt weiß vnd rot 804. S | | Syngrün 359. A |
| Käzenflée 493. A | Manßtrew 297. A | R | Soigßomen 772. C |
| Käzenkraut 855. B | Marienrosen 845. B | Radissel 297. A | Speckgilgen 645. A |
| Käzenmünz 433. A | Marobel 589. A | Ragwurz 561. A | Speierling 575. A |
| Käzenwedel 321. B | Mattkümmich 397. A | Rappensfuß 448. C | Speltz 282. C |
| Kerzenkraut 845. A | Maulberbaum 521. B | Ruch öpfelkrut. 691. B | Sperensich 419. A |
| Besten 376. S | Maurephew 421. A | Rauten 615. B | Spicanardi 889. B |
| | Maurzanten 729. B | Reinweiden 479. A | Spizmünz 287. A |
| | Meerhirs 488. C | Reitich 659. A | Spinet/ oder spinnat 668. C |
| | Meerzwibel 781. B | Riedes andorn. 765. B | Springkraut 454. S |
| | Meer cucumer. 702. S | Ringelblüm 381. B | Springköner 454. S |
| | Meyenkraut 866. C | Rocken 767. A | Sporidöpfel 575. A |
| | Meysterwurz 762. C | Römisch pappel 510. C | Stechend öpfelkraut 691. B |
| | Melaun 702. S | Römischer quēdel 826. C | |
| | | Röre 279. A | Stein |
| | | Rosen 656. C | |
| | | Rosenwurz 664. C | |

| | | | |
|-------------------------|-------------------------|--------------------------|-------------------------|
| Steinflee 748. S | 526. S | Weisser ephew 421. A | Wilden poley 433. A |
| Steinleberkraut. 472. C | Vogelneft 685. A | Weydt 330. C | Wild rosen. 656. S |
| Steinmünz 433. A | W | Weyssen 647. B | Wilde salbey 567. A |
| Steinrauten 729. B | W Andliffkrut 793. B | Weyssentolb 647. B | Wild scharlach 567. A |
| Steinsomen 488. C | Waldefarz 594. S | Welsch viel 312. S | Wilden senff 256. C |
| Stendelwurz 709. B | Walddilgen 645. A | Welsch linsen 445. A | Wild schwarzer corian |
| Stichaskraut 777. B | Walddöl 466. S | Welsch nuß 378. S | der 502. S |
| Streyffwurz 460. S | Waldrnägole 466. S | Welscher hirs 772. C | Wild wullkraut 845. B |
| Streichblumen 809. A | Walwurz 694. C | Welscher steinfle 526. S | Windenkraut 719. A |
| T | Wasserbatenig 775. B | Welscher weyssen 647. B | Wintergrün 466. S |
| Ag vñ nacht. 278. C | Wasserdost 264. C | Widertodt 795. A | Wysenflee 820. C |
| Tamarisc 512. C | Wasserepff oder eppich | Wildampffer 460. S | Wysenkümel 397. A |
| Taubnessel 468. S | 271. A | Wilder balsam 287. A | Wolffsmilch mancher |
| Tausentblatt 726. C | Wassermähen 534. C | Wild Basilg 895. A | ley 810. C |
| Teuffels abbiß 714. C | Wassermünz 721. A | Wild Benedictē wurz | Wolgemit 551. A |
| Teuffelsmilch 604. C | Wasserpfeffer 842. C | 383. B | Wolricheder fle 816. C |
| Thym 826. C | Wegditt 613. B | Wilder bertram 638. C | Wüterich 405. A |
| Todtern 347. A | Weggras 613. B | Wild bingelfraut das | Wullkraut 845. A |
| Todnessel 468. S | Wegwarten / oder weg | mennle 443. A | Wunderbaum 339. A |
| Tornentill 259. B | weiß 676. C | Wild chamillen 582. C | Wundkraut 799. B |
| Treibkimer 454. S | Weiden 333. A | Wild cucumer 704. S | Wurmkraut 48. A |
| Triacks 855. B | Weiderich 490. C | Wild flaschs 544. S | Wundtscherling. 405. A |
| Türkisch Cucumern | Weingartenwinden | Wilder gelgan 452. S | Wuzerling 405. A |
| 702. S | 259. A | Wilder gartensaffran | M |
| Türkisch korn 824. C | Weinrauten 615. B | 410. C | W lenger ye lieber |
| V | Weiß Andorn 589. A | Wild Himelschlüssel | Yngrün. 359. A (884. C |
| Wiel 456. S | Weiß Glocken 719. A | 845. B | S |
| Wielwurz 316. C | Weiß Himelschlüssel | Wilden fle 526. S | N äpff lunkraut. 237. A |
| Vergiß mein nit. 868. S | 845. B | Wilder forßell 524. S | N am Pastiney 685. A |
| Versich 542. S | Weiß Hornungß blü | Wilder freß 324. S | Sam / oder gartensenff |
| Vnholden kertz 845. A | men 485. A | Wilder fürbß 373. A | 537. A |
| Vnser frauen flachß | Weiß lilgen 363. B | Wild maen 514. S | Samer saffran 442. C |
| 544. S | Weiß morelen 750. C | Wild moren 750. C | Zeitlosen 358. C |
| Vnser frauen mantell | Weiß nieswurz. 271. A | Wild münz 287. A | Zennling 645. A |
| 613. A | Weiß seeblumen 534. C | Wild negelblümē 351. B | Ziffen 266. C |
| Vnser frauen münz | Weiß senff 261. A | Wild ochsenzungen | Zitterwurz 460. S |
| 287. A | Weißwurz 584. C | 269. C | Zweyblatt 565. B |
| Vnser frauen schüchlin | Weiß steimbrech. 748. C | Wild pastiney 685. A | Zwibel 303. A. 429. A |

Sequentes duæ appendices suis capitibus adiſciantur.

Appendix in caput de Colutea.

Pag. 445.

Dum hosce cōmentarios conscriberemus non erat ad manū græcus Theophrastus: quare cum latino tantū utendum esset exemplari Theophrasti, nō satis cōiungere potuimus an per y aut per ou uox ipsa scriberetur, cum nō raro Latini eas uoces in quibus græcē uel, per u efferant. Quare latinē dici hanc herbam Coluteam & Colyteam putauimus. Sed nactō tandem græcō Theophrasti codice, statimprehendimus *κολυτῖαν* à *κολυτῖα* diuersam esse: idipsum enim Theophrastus manifestē innuit. In latina uerō Theodori uersione perperam pro Colytea scribitur Colycea: id quod nobis etiam tenebras offudit. Legendum itaq; initio capitis de Colutea in eum modum erit: *κολυτῖα* Græcis, Colutea Latinis dicitur &c. Expungenda itaq; dictio Colytea, & passim in hoc capite pro Colytea legendum Colutea.

Colutea
differt à
Colytea


Appendix in caput de Trifolio odorato.

Pag. 816.

Non latet hanc herbam propè accedere ad descriptionē Loti syluestris. Caulem namq; fert bicubitalem, & aliquando maiorē, numerosis alarum cauis. Folia Trifolio quod in pratis nascitur similia: semen Fœnogræco ita respondens, ut nisi minus esset, uix ab inuicem discerneres: sapore item medicato. Tamen non minus accedit etiam ad Trifolij acuti picuram. Frutex enim uerius esse quàm herba uidetur, cubito maior, uirgas habens tenues, nigras, iuncosa adnata obtinentes, in quibus sunt folia Loti, in singulis pediculis tria, in ambitu cuspidibus serrata, ut hinc cōmodissimē dici mereatur *δένδρον*. Hæc etiam odorata sunt uehementer, ut nonnullis caput offendant: & ad bituminis certē odorem proximē accedunt, sed non parum tamen suauior & iucundior est. Florem præterea ex se mittit purpureum, hoc est, ad purpuræ colorem nonnihil accedentem: ex albo enim purpureus, aut subcæruleus est. Semen etiam modicē latum, & subhirsutum, ex altero fine ueluti cornu obtinens. Quod ego non de ipso quidem nudo semine, sed de eius potius folliculo, quod in cacumine planē aculeatum ac ueluti cornutum existit, intelligendum puto. Radix deniq; illi longa, gracilis, & tenax existit, nihilq; est in tota descriptione quod ei aptissimē nō quadret. Accedit præterea amaritudo quæ in semine non est obscura, pulchrē sibi etiam Trifolij odorati facultates uendicans: mouent enim quæ amara sunt urina, menses ducūt, comitialibus prosunt, aliq; quæ Dioscorides Trifolio huic adscribit efficere possunt. Quare ijs rationibus motus, à concepta sententia discedere nondū queo, nisi contingat nobis aliam intueri stirpem, cuius semina, atque adeo grana ipsa hirsuta, & cornuta existant. Quanquā non lateat parum admodum referre utram sententiā, nostram aut aliorum amplectaris, cum Lotus & Trifolium facultatibus non multum aut ferē nihil distent. In hoc tamen semine, quod nos Trifolij odorati esse contendimus, nulla inesse apparet adstrictio, quam tamen in Loti semine Dioscorides requirit. Quod pro confirmanda nostra sententia adiungere uoluimus.

Errata quadam momentanea ad finem operis quære.

Et p. totū opus




ABSINTHIUM
VVLGARE.

Wermut.

A

2



SERIPHIVM
ablinthium.

Welsomen.

Spis. nashvortij
silvestris
Argentina

NOMINA.



ἄνθος græcè, Absinthium latinè appellatur. In officinis suam appellationem retinuit. Germanicè *wermit* / quasi prohibens hilaritatem & alacritatem, ob immensam suam amaritudinem, nominatur. Nomen hoc Græci ab ἄλσος, id est, contrectando, per ἀντίφρασις deflexerunt, quod nulum animal, ob eximiam amaritudinem, hanc herbam attingat. Veteres Græci Comici ἀπίνθιον quoque conformi etymo, quasi impotabilem dixerunt, quod hanc nemo, propter insignem amarorem, bibere possit.

Absinthium una de dictum.

GENERA.

Absinthij genera sunt tria, Galeno & Dioscoride testibus. Vnum quod Romanum, vulgare seu cōmune uocant, & est id quod passim in Germania nostra nascitur, & cuius picturam hic damus. Huius generis est quod à Ponto regione, in qua nascitur, Ponticum cognominatur, estq; ceteris multo præstantius. Alterum genus est marinū, quod Seriphium nominant. Germani *welsomen*. Tertium Santonicū, à Santonibus Galliæ populis, apud quos plurimum gignitur, dictum est. Hinc nonnulli eius semen corrupta uoce Sanctum, quoniam Sanctonicum dicendum esset, appellant. Nisi id nominis ob insignē eius efficaciam, quam in necandis lumbricis obtinet, illi imposuerint. Hodie semen lumbricorū nuncupāt, germanicè *wurmsemen*.

Vulgare Absinthium.

Ponticum.

Seriphium.

Santonicum.

FORMA.

Absinthiū vulgare, herba est caule ramoso, folijs incanis, multipliciter sectis, aureo flore, semine rotundo, racematim cohærente. Seriphium uerò herba est præternues ramos cirrósue habens, minori similis Abrotono, exiguis referta seminibus, subamara, & graui odore. Ex qua deliniatione omnibus perspicuum fit, herbam cuius effigiem damus esse Seriphium. Siquidem herba est tenuibus cirris, Abrotono fœminæ similis, semine in siliquis paruo, grauiter odorata, & subamara. Santonicū simile est Absinthio, sed non adeo copioso semine scatens, & subamarum.

Vulgare.

Seriphium.

Santonicum.

LOCVS.

Nascitur, Oribasio & Apuleio autoribus, locis cultis, montosis & saxosis: plurimum autem præstantissimumq; in Ponto, Cappadocia, & Tauro monte. Seriphium passim circa itinera, macerías uinearum, & sepes prouenit: ut uerum sit quod à Plinio dictum est, plerasq; herbas pedibus cōculcamus, quarum si nobis uirtus perspecta esset, eas in cœlum laudibus ferremus. Santonicum in Gallia, ut diximus, copiose gignitur.

TEMPVS.

Colligendum in fine Iulij mensis, ac in umbra exiccandum, quo etiam tempore floribus & semine prægnans est.

TEMPERAMENTVM.

Ponticum minus calefacit, quod adstrictiōis multæ sit particeps. Minus etiam cæteris generibus extenuat, nō minus tamen resiccat. Galeno itaq; autore calidum in primo gradu, & siccum in tertio statuitur. Succus autem eius longè quàm herba ipsa calidior est. Vulgare quidem adstrictoriam, amaram & acrem qualitatem obtinet, haud secus atq; Ponticum. In hoc tamen ab eo differre uidetur, quod in illo maior sit amaritudo quàm adstrictio. Quamuis neque Ponticum modicè amarum sit, quod Ouidius satis ijs innuit uersibus:

Turpia deformes gignunt Absinthia campi,

Terraq; de fructu, quàm sit amara docet.

Loquitur autē de Ponto. Seriphium ipsum Abrotono minus est calidum, uerum Absinthio calidius. Santonicum in extenuando & calefaciendo desiccandoue, Seriphio paulò imbecillius.

VIRE.

EX DIOSCORIDE.

Lib 3. Cap 24 fol 183
 Absinthium calfacit, adstringit, bilemque stomacho & uentri inhaerentem expurgat. Urinas cit. Crapulam praesumptum arcet. Inflationibus, uentrisque & stomachi doloribus, cum Sefeli & Nardo Gallico potum prodest. Fastidia discutit. Morbo regio correptos, dilutum aut decoctum eius per singulos dies cyathis tribus haustum sanat. Menses cum melle sumptum aut appositum euocat. Strangulationibus fungorum ex aceto potum subuenit. Ixiæ, cicutæ, muris aranei moribus, & draconi marino cum uino aduersatur. Anginis cum melle & nitro inungitur. Contra epinyctidas ex aqua, sugillata uero & oculorum caligines cum melle, similiter auribus ex quibus manat sanies, illinitur. Decocti eius uapor suffitusue, dentium auriumque dolores lenit. Decoctum cum passo dolentibus oculis oblinitur. Praecordiis, iecinori, & stomacho dolenti, ac longo tempore affecto, cum cerato Cyprino tritum illinitur. Stomacho autem cum rosaceo subactum. Cum ficis, nitro, & farina loliacea, aqua inter cutem, lienosisque subuenit. Preterea uestiariis arcisque inditum Absinthium, uestes ab erodentium iniuriis seruat. Culices cum oleo perunctum à corporibus abigit & arcet. Atramentum librarium ex diluto eius temperatum, literas à murium erosione tuetur. Par est etiam succum hæc omnia facere, attamen in potionibus improbat, stomacho enim obest, & capitis dolores adfert. Seriphium uero per se, uel cum oryza decoctum, & cum melle sumptum, ascaridas & rotundos lumbricos necat, aluum simul leuiter subducens. Eadem potest præstare cum edulio aut lenticula decoctum. Santonicum eadem quæ Seriphium potest.

EX GALENO.

Lib 5 simpliū fol 120
 Absinthium adstrictoriam, amaram, & acrem simul qualitatem possidet, excalfaciens pariter & extergens, roborans & desiccans. Proinde biliosos uentris humores per egestionem infernam propellit, ac per urinam euacuat. Magis uero quod in uenis est biliosum per urinas expurgat. Ideo contentam in uentre pituitam, sumptum nihil iuuat. Sic neque si in thorace aut pulmone contineatur: nam adstringens in eo facultas, quam amara ualentior est.

EX PLINIO.

Lib 27. Cap 7 fol 488
 Stomachum corroborat, & ob hoc sapor eius in uina transfertur. Bibitur decoctum in aqua, & postea nocte & die refrigeratum sub dio: decoctis sex drachmis foliorum cum ramis suis in coelestis aquæ sextariis tribus. Oportet & sale addi. Tritum, ut aiunt, raro in usu est, sicut & succus expressus. Bibitur & madefacti dilutum. Exprimitur autem cum primum semen turgescit, madefactum aqua triduo recens, aut siccum septem diebus, deinde coctum in æreo uase ad tertias, decem heminis, in aquæ sextariis quadragintaquinque, iterumque percolatum, herba eiecta, lente coquitur ad crassitudinem mellis, qualiter ex minore Centaurio quaeritur succus. Sed hic Absinthii succus inutilis stomacho capitique est, cum (ut tradunt) sit illud decoctum saluberrimum: nam stomachum adstringit, bilemque detrahit, urinam cit, aluum emollit, & in dolore sanat, uentris animalia pellit. Malaciam stomachi & inflationes cum exiguo Sili & Nardo Gallico, addito aceto, discutit. Fastidia abstergit, concoctiones adiuuat. Cruditates detrahit cum ruta, & pipere, & sale. Antiqui purgationis gratia dabant cum marinæ aquæ ueteris sextario, seminis sex drachmis, cum tribus salis, & mellis cyatho. Efficacius purgat duplicato sale. Quidam in polenta dedere supradictum pondus addito Pulegio. Alij contra paralyfin. Alij pueris folia in fico, sic ut amaritudinem fallerent. Facile thoracem purgat cum Iride sumptum. In regio morbo crudum bibitur cum Apio, aut Adianto. Aduersus inflationes calidum paulatim sorbetur ex aqua. Iecinoris causa cum Gallico Nardo, lienis cum aceto, aut pulte, aut fico sumitur. Aduersatur fungis ex aceto. Item uisco, cicutæ ex uino, & muris aranei moribus; draconi marino, scorpionibus. Oculorum claritati multum confert. Epiphoris cum passo imponitur, sugillatis cum melle. Aures eius decoctum

A decoctum uaporis suffitu sanat: aut si manat sanies, cum melle tritum. Vrinam ac menses ciunt tres quatuorue ramuli, cum Gallici nardi radice una, cyathis aquæ vi. menses priuatim cum melle sumptum, & in uellere appositum. Anginis subuenit cum melle & nitro. Epinyctidas ex aqua sanat: uulnera recentia, priusquam aqua tangantur impositum: prætereaq; capitis ulcera. Peculiariter ilibus imponitur, cum cypria cera, aut cum fico. Sanat & pruritus. Non est dandum in febris. Nauſeas maris arcet in nauigationibus potum: inguinum tumorem in uentrali habitum. Somnos allicit olfactum, aut inſcio ſub capite poſitum. Veſtibus inſertum tineas arcet. Culices ex oleo perunctis abigit, & fumo ſi uratur. Atramentum librarium ex diluto eius temperatū, literas à muſculis tuetur. Capillum denigrat abſinthij cinis, unguento roſaceoq; permixtus. Marinum, quod quidam ſeriphium uocāt, ſtomacho inimicum. Aluum mollit, pellitq; animalia interaneorum. Bibitur cum oleo & fale, aut in farinæ trimēſtris ſorbtione dilutum. Coquitur quantum manus capiat, in aquæ ſextario ad dimidias.

VINI ABSINTHITIS VIRES.

EX DIOSCORIDE.


Abſinthites uinum ſtomacho accōmodatum eſt, urinam cit. Tarde cōcoquentibus utile: iecinoroſis itidem, nephriticis, & regio correptis morbo. Cibum nō appetentibus, & ſtomacho male affectis, & longis præcordiorum diſtenſionibus ac inſtationibus, rotundis lumbricis, & ſuppreſſis menſibus auxiliatur. Contra ixiæ uenena hauſta, copioſius potum, & uomitionibus redditum prodeſt.

CONFECTIO.

Varia uini abſinthitis ſunt confectiones, ut ex Dioſcoride conſtare poteſt. Optimum tamē ſit, ſi tuſæ Pontici abſinthij drachmæ octo, linteo raro ligatæ, in amphora ram uini cōijciuntur. Muſtum deinde mittitur, relicto uno uaſis ſpiraculo ne effrueſcens foras exiliat.

APPENDIX.

Santonici, quod ut cōmemoratum eſt, hodie ſemen lumbricorū trocant, præcipuus hoc tempore ad lumbricos ex corpore pellendos & enecandos uſus eſt. Et ſi *Semen lumbricorum.* genuinum eſt, magna efficacia cum melle aſſumitur tam à pueris, quàm adultis. Seriphium quoq; aduerſus lumbricos à multis cōmendatur, eoq; nomine mors uermium appellatur. Sunt *Mors uermium.* etiam qui lumbricorū ſemen nominent.



ABROTONVM
MAS.

Stabwurzennelle.



~~ABROTONVM~~
~~FOEMINA.~~

Stabwurtz weiblich.

C

NOMINA.

Abrotonum unde dictum.



BPÓTONON Græcis, Abrotonum Latinis nominatur. Officinæ antiquū nomen retinuerunt. Germanis Garthagen/ Stabwurz/ Schoßwurz/ Gertrurz/ Rutelkraut/ Affrusch/ appellatur. Hoc autem nomen sibi usurpauit, ut Nicandri testatur interpres, ὅτι τὸ πρὸς ὄψιν ἄλγρον, καὶ ἀπαλὸν φαίνεται. ἄλλως τε καὶ ὅτι τὸ δύσπικτον εἶναι. hoc est, quod conspectu tenerum, molle & delicatum appareat, aut quod grauem, acremue & difficilem halitum prospiret.

GENERA.

Abrotonū duorum est generum, ueterum & recentiorū omnium sententia, mas & fœmina. Plinius lib. xxi. cap. vii. mas quidem campestre uocat Abrotonum, fœminam uero mōtanum. Vulgus, syluestrem Cypressum, à similitudine & odore foliorum eiusdem, nomenclaturæ herbæ fruticisue uocat. Germanicè weißgarthhan/ oder wilder cypress.

FORMA.

Abrotonū mas.

Abrotonū, quod mas appellamus, sarmentosum, minutis folijs, minus album quàm fœmina, tenui semine ac numerofo uti Absinthiū. Semen autem nō quouis tempore producit, sed ad Septembris duntaxat mensis initia, quo si diligenter obseruabis tempore, semine prægnans esse comperies. Recte igitur λεπτόκαρπον in Dioscoride legitur, huic lectioni nō solum ueterum codicum fide, uerum etiā sensu suffragante. Fœmina frutex est, arboris speciem habens, candicantibus folijs, Seriphij modo minutim circum ramulos incisus, floribus refertus, in summo auri fulgore comantes corymbos obtinens, odoratus etiam cum grauitate quadam.

Abrotonum fœmina.

LOCVS.

Mas passim apud Germanos in hortis, & in campestribus nascitur: fœmina uero in collibus & montibus sua sponte prouenit.

TEMPVS.

Floret utrunq; Augusto. Colligitur autem in autumnno, potissimum Septembri mense: hoc enim tempore semen, ut diximus, profert.

TEMPERAMENTVM.

Abrotonū calidum & siccum, inq; tertio ordine seu recessu post media situm est, id quod amaritudo eius, quam gustu præ se fert, facile monstrat.

VIRE. EX DIOSCORIDE.

Vtriusq; abrotoni semen feruefactū, & crudum tritum, cum aqua potū, nō nisi recta ceruice spirantibus, ruptis, conuulsis, ischiadicis, urinæ difficultatibus, & suppressis mensibus auxiliatur. Potum in uino exitialium uenenorum antidotum est. Cum oleo rigentibus illinitur. Serpentes lecto instratum & suffitum fugat. Cum uino potum aduersus eorundem morsus, peculiariter autem scorpionum & phalangiorum, prodest. Oculorum inflammationibus cum cotoneo cocto, aut pane illitum subuenit. Tritum cum farina hordeacea decoctumq; tubercula discutit. Admisceatur irino unguento.

EX GALENO.

Non instrenue excalfacit & desiccat. Nam siue comā cum floribus (reliqua enim eius palea inutilis est) cōtusam ulceri puro illinas, mordax & irritans uidebit, siue eo in oleo macerato, caput aut uentrem perfundere uoles, admodū calefacere reperies. Quin & si qui per circuitum rigoribus capiuntur, eos ante inuasionem rigorum hoc uoles confricare, minus utiq; rigore concutientur, imò & sensus confestim ubi admotum fuerit ipsum calfacere percipit. Porro quod lumbricos interimat par est, nimirū quum sit amarum. Protinus uero quod & digerendi & incidendi uim habeat scies. Præterea abrotonum ustum calidum & siccum facultate est, magis etiam quàm cucurbita sicca usta, & anethi radix, Illa enim ulceribus humidis simul

A simul & citra phlegmonem callo induratis prosunt, ac proinde maxime ulceribus ijs quæ in pudendorum præputijs sunt competere uidentur: at cinis Abrotoni ulceribus omnibus mordax est, acidcirco cum oleo tenuium partium, Cicino scilicet, aut Raphanino, aut Sycionio ueteri, potissimum Sabino, ad alopecias confert. Barbam etiam segnius tardiusq; enascentem cum aliquo dictorum oleorum elicit: sed nec minus illis, lentiscino maceratum. Rarefaciendi enim uim, eò quod tenuium est partium, obtinet, & mordax est, & calidum. Abrotonum uero inimicum stomacho existit.

EX PLINIO.

Vsus est & folijs, sed maior semine, ad calefaciendum, ideo neruis utile, tussi, orthopnoicis, urinæ, torminibus, conuulsis, ruptis, lumbis. Datur bibendum manualibus fasciculis decoctis ad tertias partes. Ex his quaternis cyathis bibitur. Datur & semen tusum in aqua drachmæ pondere. Prodest & uulua. Concoquit panos cum farina hordeacea, & oculorum inflammationibus illinitur cotoneo malo cōcocto. Serpentes fugat. Contra ictus eorum bibitur in uino, illiniturq;. Efficacissimum contra ea quorum ueneno tremores & frigus accidunt, ut scorpionum & phalangiorū, & contra alia uenena. Prodest quoquomodo argentibus, & ad extrahenda ea quæ inhaerent corporibus. Pellit interaneorum mala. Ramo eius si subiiciatur puluino, uenerem stimulari tradunt: efficacissimamq; herbam esse contra omnia ueneficia, quibus coitus inhibeat.

Lib 21 Cap 10 fol 3

DE ASARO CAP. III.

B

NOMINA.



ASARON græcè, Asarū latinè dicitur. Officinis hodie nomen retinet. Germanicè *Naselwurz*. Asaron autem dictum est, quod in ornatū non ueniat, uel ut Plinius lib. xxi. cap. vi. inquit, quoniam in coronas atq; festa non addatur: uel quod manualibus scopis, quæ odoris gratia gestantur, minimè solitum sit inferi.

Asaron cur dictum.

FORMA.


Folia hederæ similia habet, longè tamen molliora, rotundioraq;. Flores inter folia ad radicem purpureos, odoratos, Hyoscyami cytino similes, in quo semen acino nō dissimile. Radices multas, geniculatas, tenues, obliquas, graminī persimiles, longè tamen graciliores, odoratas, calefacientes, & linguam admodum erodentes. Cæterum hic admonendum esse lectorē duximus, omnia Dioscoridis exemplaria hoc in loco deprauata esse, perperamq; habere uel *πικρότερα* uel *μικρότερα*, cum potius scribendum sit *μαλακώτερα*, id quod partim Plinij testimonio, partim etiam iudice sensu ipso comprobari potest. Plinius siquidem lib. xij. cap. xij. Asarum sic depingit: Est hederæ folijs, rotundioribus tantum, mollioribusq;. Si quis uero ea de re ad iudicem sensum referat, Asarumq; cum hederâ conferat, Asari certè folia neq; densiora, neq; minora hederæ folijs esse comperiet, quum Asari folia maiora multò sint quàm hederæ. Proinde cum folia hederæ illorum comparatione multò minora sint, euidentissimum est pro *μικρότερα* legendum esse *μαλακώτερα*, huic nimirum lectioni ad stipulantibus Plinio & sensus iudicio, ut dictum est: ad tactum em̄ huius folia longè sunt hederæ molliora. Accedit quod ab una dictione in aliam facilis sit transitus. His itaque rationibus motus, Asari folia *μαλακώτερα*, hoc est, molliora hederæ folijs esse dixi, ut reuera etiam sunt.

Dioscoridis locusemendatus.

LOCVS.

Nascitur in umbrosis locis, montibus potissimum & syluis: aspera enim macraue & sicca loca amat.

TEMPVS.



ASARVM

Gäfelwurtz.

A

TEMPVS.

Bis anno, uere nimirum & autumnus floret. Colligendum in fine Augusti, à die uidelicet decimoquinto eius mensis, usq; ad octauum Septembris.

TEMPERAMENTVM.

Asarum in calefaciendo & exiccando ordinis tertij existit, radices potissimū eius.

VIRE.

EX DIOSCORIDE.

Radices Asari calefaciunt, & urinam mouent. Hydropicis & ischiadicis diuturnis profunt. Ducunt menses pondere drachmarum sex cum mulso potæ. Purgant Ellebori albi modo. Ruptis præterea, conuulsis, tussi ueteri, difficultati spirandi, & urinæ conferunt. Cum uino potæ ferarum morsibus salutare. Folia adstringunt. Illita capitis doloribus, oculorum inflammationibus, ægilopis incipientibus, mammis à partu tumentibus, ignibusq; sacris profunt. Coma somnum etiam conciliat. Sic Crateias herbarius de Asaro proditum reliquit.

EX GALENO.

Asari radices utiles sunt, facultate similes radicibus Acori, intensiores tamē. Itaq; ex ijs, quæ de illis prodita sunt, hic facienda coniectura.

EX PLINIO.

Nardi uim habet Asarum, quod & ipsum aliqui syluestre Nardum appellant.

EX MARCO AEMYLIO.

Est Asaron græcè Vulgago dicta latine.

Hæc calidæ & siccæ uirtutis dicitur esse.

Tertius est illi gradus, ut dicunt, in utroque.

Prouocat urinam, potatq; menstrua purgat.

Hocq; modo iecoris medicatur sumpta dolori.

B Hydropicisq; iuuat, schiasim fugat hausta frequenter.

Et uulvæ morbis decoctio subuenit eius.

Dicitur ictericum potata repellere morbum.

Elleboriq; modo uomitu præcordia purgat.

Sed non est huius purgatio tam uiolenta,

Nec metuenda quidem, si fiat taliter illa:

De folijs eius triginta recentia tollens,

Addde meri tantum quo possint cuncta recondi.

Tota nocte mero facias macerentur in illo,

Mane terens, uino quo sunt macerata resolue.

Tunc olus excoctum cum pingui carne recenti

Porcina, prius ægroto da sufficienter,

Et sumat uini uult quantum fortis & albi,

Sic Asari succum colatum trade bibendum.

Fortibus & magnis est hic numerus foliorum

Sufficiens, reliquis, ut diximus, est minuendus

Iuxta quod uires, ætas, & cætera poscunt.


APPENDIX.

Lixiuuium in quo Asarum decoctum est, si eo caput lauetur, cerebrum roborat, & memoriam, Succus etiam eius cum Pompholyge, caligantibus oculis confert.

Lib. 1. Cap. 9. fol. 9

Lib. 6. fol. 119

Lib. 12. Cap. 13. fol. 2



ACORVM
officinarum.

Drachenzwurz.

NOMINA.



KOPON græcè, Acorū latinè appellatur. Officinis nomen retinet. Germanicè Gel lilgen/Drachenwurß oder Ackerwurß uocatur. Acoron aphrodisiam quasi ueneream Græci etiam uocant. Apuleius, quicumq; ille fuerit, in cōmentariolo quod de aliquot herbis scriptū à se reliquit, Piper apium dictam fuisse hanc herbam testatur, quod ea in aluearijs suspensa, nunquam diffugiant apes.

FORMA.

Folia Iridis habet, angustiora tamen. Radices non dissimiles, implicatas, neq; in rectum enatas, sed obliquas, & in superficie existentes, geniculis seu internodijs distinctas, subalbas, gustu acres, odore non ingratas. Præstat densum, candidum, nō cariosum, plenum & odoratum, cuiusmodi est in Colchide & Galatia. Ex qua sanè Dioscoridis descriptione satis liquet Acorum nostrum, quo hodie officinæ utuntur, etsi nō uerū sit, tamen aliquā saltem Acori speciem esse: Iridis enim folia obtinet, angustiora tamen. Radices quoq; similes, implicatas & inuicem adnatas, nō in rectū, sed in obliquum tendentes: non in profundo delitescentes, sed in superficie existentes, & modico cespite tectas: deniq; geniculis seu internodijs interceptas. Neq; etiam in colore ab eo quem Dioscorides pingit uariare uidetur: nostrū enim Acorū nō raro ὑπολευκός, hoc est, subalbas seu candicantes radices habere conspicitur. Accidit autem ut & rubentes intus habeat radices, quæ tamen cum candicantes passim intercurrentes uenas obtineant, recte subalbæ dici possunt, quod nimirū neq; uere rubescant, neq; candidum etiam prorsus colorem referant, sed eum potius qui ex rubro & candido mixtus sit. Cæterū radices Acori quæ intus candicant, foris ut plurimū subrubēt. Hinc est quod Serapion in Acori descriptione Dioscoridis uerba referēs, ὑπολευκός dictionē ita uertere uoluit: Et color radicū exterior tendit ad rubedinem. Proinde qui hac sola ratione, quod Acori radix intus interdum rubescat, mouētur, ut diuersum nostrū prorsus à Dioscoridis credant, ij non utuntur argumento quod tanti momenti sit, ut quod conātur, persuadere alijs possit. Cum enim Dioscorides Acori radices ὑπολευκός, hoc est, albicantes faciat, noster certe nunquam non tales habere deprehenditur: uel enim uere candicantes sunt, uel subrubentes, quas etiam ὑπολευκός recte dici posse iam ostendimus. Porro quamuis odoratæ non sint eius radices, tamen nihil ob stare posset odor, quo minus nostrum uerum esse putaremus Acorum, quum abunde constet illum, haud aliter quàm colorem, secundum diuersas regiones in eadem sæpe herba mutari: si non esset aliud, quod ut diuersum certo crederemus nos urgeret, hoc nempe, quod nostri Acori radices gustu acres nō sint, quod tamen omnes ueteres uno ore de Acoro affirmant, sed potius adstringentes. Quapropter etsi tota ferè descriptio illi respōdere uideatur, tamen quia acris nō est, uires eas quas uero Acoro tribuunt ueteres, habere non potest: ut hoc nomine uehementer errent qui à solis descriptionibus tantū pendent. Nec minus hallucinantur officinæ quæ ad urinas mouendas, aut menses euocandos, lienēsue minuendos eo utuntur. Perperam etiam Diacori compositionem ex eodem cōficiūt. Curent itaq; ut uerum Acorum habeant, quod iam in multis Germaniæ officinis proflare puto. Nam radix illa quæ à nonnullis seplasiarijs nunc sub nomine maioris Galangæ uenditur, si cætera etiam respondeāt, haud dubie radix ueri Acori est. Et debent seplasiarij ea uti, quoties in compositionibus medicamentorū Acori fit mentio, præcipuè autem in Diacori compositione apparanda, quod hæc calefaciendo cōcoctionem stōmachi supra modum iuuat. Et hoc cō confidentius faciendum esse hortor, quod Galangam maiore ueri Acori radicem esse existimem: geniculis enim scatet, foris subrubra, intus subalba, gustu acris, odore nō ingrata, ut hoc nomine illa tutò & sine errore officinæ pro Acoro uti queant.

Acorum officinarum non est uerū Acorum.

LOCVS.

Apuleius locis cultis, pratis ac hortis nasci, raramq; inuentu herbam hanc tradit. Nostrium Acorum iuxta amnes, & passim in aquosis & palustribus locis prouenit.

TEMPVS.

Legitur radix Acori aestatis initio, & siccatur in umbra digitalibus frustis.

TEMPERAMENTVM.

In calefaciendo & desiccando tertij est ordinis. Nostrium quidem desiccatur, at citra calefactionem.

VIRES.

EX DIOSCORIDE.

Acori radix calefaciendi uim habet. Decoctum eius potum, urinam cit. Prodest lateris, thoracis & iecoris doloribus: torminibus, ruptis, conuulsis. Lienes minuit. Vrinæ stillicidio, & uenenatorum moribus subuenit. In essu, quemadmodum Iris, ad muliebria utilis est. Succus radices caligines oculorum discutit. Antidotis prætere radix utiliter miscetur.

EX GALENO.

6 fl 114

Acori utimur radice quæ gustu acris est, & modicè amara, odoreq; non iniucunda. Hinc manifestum est hanc facultate calidam, & consistentia tenuium partium esse. Huic consentaneum est, ut urinam moueat, & lienes induratos iuuat, tum corneæ membranæ crassitiem detergeat simul atq; extenuet. Ad hoc autem melior est ipsius succus. Omnino uero siccificum esse clarum est.

EX PLINIO.

25 (ap 13) 461

Vis ei est ad calefaciendum extenuandumq; efficax, contra suffusiones & caligines oculorum succo eiusdem potio, contraq; serpentes. Pectoris doloribus subuenit, & ideo antidotis miscetur. Iecinori medetur, thoraci quoq; & præcordijs. Vrinam cit eius decoctum, & omnia uesicæ uitia sanat. Testium tumores radix decocta in uino, tritaq; & illita mirè discutit. Duritias & collectiones omnes sanat, decocto huius herbæ fouentibus. Côtusis & euersis pota duobus obolis in mulsi cyathis tribus radix prodest. Acoron quoq; utile est interioribus sceminarum morbis.


ACORI OFFICINARVM VIRES.

Acori adulterini
facultates.

Gustus abunde monstrat eius radicem immensam adstringendi facultatem obtinere. Hinc est quod diuersam planè à ueri Acori radice uim sortita sit. Nam ut hec tenuium est partium & facultate calida, atq; adeò detergit, extenuat atq; discutit: ita illa consistentia crassarum partium, ac facultate frigida, constringit, densat, cogit & contrahit. Quare urinam non cit, ut uerum Acorum, nec menses euocat, sed potius supprimit. Sanguinem etiam undecunq; manantem cohibet. Proinde recte Pandecta rum autor scribit, eum qui secum Acori radicem gestet, à nullo sanguinis profluuio corripì. Et ex recentioribus aliqui hanc facultatem Acori nostri obseruarunt, atque hinc adeò tradunt eius succum igne expressum, menses nimium promanantes constringere posse, id quod certè de Acoro affirmare uanissimum erit. Ex ijs itaq; intelligent iam seplasiarum, quis usus nostri etiam in medicina sit Acori; nec committent, ut fanatici cuiusdam, qui nuper Morophrasti impudentis hominis pestilentissimas nugæ & ineptias tegere, atq; adeò epistola aliqua operi illius temerè præfixa commendare, ac præ illo monstro reliquos omnes medicos, si dijs placet contem-

nere ausus est, consilio obsecuti, hoc prorsus abijciant,
cum illius immensa sit adstringendi, quod
demonstrauimus, facultas.

De Althæa



ALTHAEA

Eibisch.

B 2

NOMINA.

Bifmalua.
Maluaniscus.Althæa unde
dicta.

ΑΘΑΙΑ, ἡ ἐβίσκος, ἡ ἰβίσκος græcè: Althæa, Ebiscus, Ibiscus latinè dicitur. Officīne, quæ ut plurimū barbaris uocibus gaudent, Bifmaluam, Maluauiscum, & simpliciter Euiscum nominant. Maluauisci autem uox corrupta est, ex malua nimirū & euisco composita, quasi dicat aliquis Malua ebiscus, hoc nomine illam ab alijs maluis, quæ sanè multæ sunt, segregans. Germanicè *Ibisch/oder Eibisch/Groß oder wild pappeln*. Althæa uero à multiplici remediorū potestate & usu, uel ut Plinius ait, ab excellentia effectus nominata est. Siquidē αλθαία Græcis idem ualet, ac si à medendo medicā simpliciter dicas. Nam αλθαίνειν illis mederi significat, αλθός uero remedium & medicinam.

FORMA.

Syluestris Maluæ genus est, cui folia ut Cyclamino rotunda, lanuginosa, flos roseus, caulis cubitorum binūm, radix lenta uiscosaq̃, intus candida.

LOCVS.

Locis humentibus, pinguibusq̃ gaudet.

TEMPVS.

Radices, ut reliquarum ferè herbarum omnium, inter autumnī initia, hoc est, in fine Augusti, & Septembris mensis principio, legendæ. Folia uero & semen in æstate, Floret Iulio & Augusto mensibus.

TEMPERAMENTVM.

Folia & flores calidi & sicci primo excessu seu ordine. Radices uero in principio secundi.

VIREs.

EX DIOSCORIDE.

Lib 3 Cap 154 fol 242

Radix in aqua mulsa aut uino cocta, aut per se pota, ad uulnera, parotidas, strumas, abscessus, mammarū inflammationes, sedis contusiones, inflationes, neruorum distentiones, efficax est. Siquidem discutit & maturat, aut rumpit, & ad cicatricem perducit. Cocta quo dictum est modo, & cum adipe anserino aut suillo, uel terebinthina subacta, ad uteri inflammationes & præclusiones utiliter admouetur. Decoctum eius idem præstat, secundasq̃ à partu relictas educit. Decoctum radice cum uino potum, urine difficultati, calculosorū cruditati, dysentericis, ischiadicis, tremulis, & ruptis succurrit. Dentium mitigat dolorem cum aceto decocta, colluto inde ore. Semen autem uiride siccumq̃ tritum, cum aceto in sole perunctum alphas extergit. Cum aceto & oleo inunctum à uenenatorū morsibus præseruat. Valet ad dysenteriam, sanguinis reiectionē, & alui fluores. Seminis decoctum in posca aut uino contra omnes apum & minutarū ferarum ictus bibitur. Folia cum exiguo oleo, morsibus & ambustis illinuntur. Addensat aquam sub diuo radix trita & admixta.

EX GALENO. 6 fol 126

Digerendi, laxandi, phlegmone leuandi, mitigandi, concoquendi coctu difficilia tubercula. Porro radix eius & semen cætera quidem pari herbæ uiridi modo agunt, uerum tenuiorum partium, magisq̃ exiccatoriam, ad hæc magis exterforiam quàm illa facultatē ostendunt, ut & alphas detergant, & semen renum calculos confringat. Radicis autem decoctum, dysentericis, alui profluuio, & sanguinis reiectioni utile est, nempe cum adstringentem quandam facultatem possideat.

EX PLINIO. Lib 26 Cap 8 fol 476

Althææ contra omnes aculeatos ictus efficacior uis, præcipuè scorpionum, uersparum, similiumq̃, & muris aranei. Quin & trita cum oleo, hac peruncti antè, uel habentes eam, non feriuntur. Eius radix præcipuè cōuulsis ruptisq̃ efficax est. Cocta in aqua aluum sistit. Ex uino albo strumas & parotidas, & mammarum inflammationes, & panos in uino folia decocta & illita tollunt. Eadem arida in lacte decocta,

A cocta, quamlibet perniciosæ tussi citissimè medentur. Hippocrates uulneratis, sientibusq; defectu sanguinis, radicis decoctæ succum bibendum dedit. Et eam uulnerib. cum melle & resina, item cõuulsis, luxatis, tumentibus, & musculis, neruis, articulis imposuit. Et asthmaticis ac dysentericis in uino bibendam dedit. Mirum, aquã radice ea addita addensari sub dio, atq; elactescere. Efficacior aut quo recetior.

EX THEOPHRASTO.

Vsus eius ad rupta, & tusses è uino dulci, & ad ulcera in oleo. Aliàs si carnibus concoquas, in idem aggregare, ac ueluti conglutinare posse affirmant.

DE ANAGALLIDE CAP. VI.

NOMINA.



ANAGALLIS græcè, Anagallis latinè, officinis inusitata, germanicè Gauch heyl/ oder Colmartraut. Hoc nominis fortè à Germanis inditum est, quod Anagallis in limine uestibuli suspensa maleficiorum introitū pel-
lere credita sit. Errant qui Morsum gallinæ seu Passerinā uulgò dictam herbam, Anagallida putant: haud secus atque ij, qui Auriculam muris pro Anagal-
lide depictam ostendunt herbarij.

Gauch heyl
Germanis quæ-
re dicta.

Anagallis non
est Morsus galli-
næ, neque Auri-
cula muris.

GENERA.

Duo duntaxat Anagallidis esse genera ueterum omniū testimonio constat, marem scilicet & fœminā, quæ sanè nullo nisi florū discrimine distant. Mas enim puniceo, fœmina uero cœruleo flore conspicitur. Proinde hallucinari iuniores ac barba-
ros medicos euidentissimū est, qui plura duobus Anagallidis genera constituunt.

FORMA.

B Frutices sunt Anagallides parui in terra iacentes, folia in quadrangulis caulibus pusilla habentes, & modicè rotunda ad Helxines similitudinem. Semen gerunt ro-
tundum. Non quicquam sanè certius hac scriptorum pictura respondet, cum du-
plex sit in flore color, puniceus nimirū & cœruleus, quadranguli caules per terram
sparsi, folia non toto ambitu rotunda, & semen coriandro nō dissimile circinatum.
Non est tamen quod sic humi prostratos hos frutices intelligas, ut prorsus nō sup-
pullulent. Nam in altum etiam surgunt, non tamen altius, quàm ipsa tibi examus-
sim pictura monstrat.

LOCVS.

Pedibus in aruis uincisq; ubiq; calcatur, neq; quicquam nunc Anagallide despe-
ctius est, cum tamen in antiqua medicina multus eius fuerit usus. Licet autem ubi-
que ferè proueniat, in uliginosis tamen lætior.

TEMPVS.

Per æstatem utriusq; prouentus maximus est, potissimum autem mense Augu-
sto. Florent autem à Maio mense usque in autumnum.

TEMPERAMENTVM.

Anagallidis uterq; sexus calidam & siccam facultatē obtinet, quod scilicet exter-
gere possint. Mulieres nanq; quæ asperiorē & decolorē à natura cutem acceperunt,
ad leuorem nitoreq; uultus harum succo utuntur, ut hac ratione errare necesse sit,
qui Anagallidas frigidas & humiditas esse statuunt.

Error quorundā
detegitur.

VIRES.


EX DIOSCORIDE.

Vtraq; mitigandi facultatē habent. Inflammationes arcent, surculos extrahunt, ul-
cera serpentia cõpescunt. Succus earū gargarissatus pituitā capitis purgat. Per na-
res infusus dolorē dentiū lenit, si in contrariā narem iniiciat. Argema cum Attico
melle emendat, & oculorū caligines iuuat. Contra uiperarū morsus, renum & ieci-
noris uitia, ex uino potus prodest. Tradunt nonnulli eam quæ cœruleum florem
habet, prociduum sedem reprimere; quæ uero puniceum, illitu euocare.



ANAGALLIS
MAS.

Gauchheil mennle.



ANAGALLIS
FOEMINA.

Gauchheil weible.

C

EX GALENO. 6^o fol 117

Anagallis utraq; tam ea quæ florem parit cœruleum, quàm ea quæ puniceum, admodum extergendi facultatem obtinent. Quendam etiam calorem attractoriū possident, ita ut impactos corpori refigant aculeos. Succus earum ex naribus purgateadem de causa. Et ut summatim dicatur, exiccatoriam citra mordicationē facultatem habent, quamobrē uulnera glutinant, & putrida adiuuant.

EX PLINIO. Lib. 25 Cap. 1, fol 446.

Superstitio-
sum.

Vtriusq; succus oculorum caliginem discutit cum melle, & ex ictu cruorem, & argema rubens, magis cum Attico melle inunctus. Pupillas dilatat, & ideo hoc inunguntur antè, quibus paracentesis fit. Lumentorū quoq; oculis medentur. Succus caput purgat per nares infusus, ita ut deinde uino colluat. Bibitur & contra angues succi drachma in uino. Mirum, quod scœminam pecora uitant. At si decepta similitudine (flore enim tantum distant) degustauere, statim eam quæ Asyla uocatur, in remedio quærunt. Ea à nostris ferus oculus nuncupatur. Præcipiunt aliqui effossuris, ante solis ortum, priusquā quicquid aliud loquantur, ter salutare eam, tunc sublata exprimere, ita præcipuas esse uires. Vrinam cient Anagallides. Iecinori mirè profunt. Cohibent quas nomas uocant. Vtiles & recentib; plagis, præcipuè senum corpori. Ad recentia quoq; uulnera tanta traditur uis, ut saniem ossibus extrahant. Anagallis cœrulea procidentia sedis retro agit, è diuerso rubens proritat.

DE ALSINE CAP VII

NOMINA.

Morsus galli-
næ.

D

Alsine cur
dicta.Auricula
muris.

ΑΣΙΝΗ græcè, Auricula muris latinè, Morsus gallinæ uulgò appellatur. Pauerina Italicè, quod paueris, id est, iunioribus anseribus gratum pabulum sumministret. Auiculas caueis inclusas, cum fastidiunt escā, aucupes hac herba recreare solēt. Hinc germanicè Vogeltraut/Hünerferb/Hünerderm/Hünerbiß uocatur. Alsine autem dicta est, quod lucos, quæ Græci ἄλση nominant, nemorosaq; & umbrosa loca amet. Auricula uero muris, quod musculorum auribus folia similia habeat.

GENERA.

Quamuis Dioscorides & alij unam tantum Alsinen faciunt, nos tamen tria eiusdem genera, licet plura adhuc inueniantur, damus. Primum genus Alsinen maiore uocauimus, quod scilicet uera sit Alsine, & alijs maior, germanicè Hünerderm nominatur. Alterius generis plantam Alsinen mediā appellauimus, germanicè Hünerferb. Hæc quod ad flores attinet, qui cœrulei sunt, à descriptione uariat: eiusdem tamen cum priore facultatis. Tertij generis herbam Alsinen minorem uocauimus. Hæc, quidem, ut prima, pulchrè descriptioni respondet, germanicè Kleinuogeltraut nuncupatur.

FORMA.

Helxine du-
plex.

Cauliculis serpit rotundis, è quorum geniculis exiles ramuli profiliūt, folijs Helxines minoribus, minusq; hirsutis, flore exiguo, candido, foris herbaceo. Hæc cum teritur cucumis odorem refert. Non autem illam Peponis maturi iucunditatem, sed herbaceum cucumeris odorem subolet. Porro cum Dioscorides Helxinæ similem esse Alsinen tradit, non de ea Helxine quæ uulgò Parietaria, sed ea potius quæ alio nomine Cissampelos dicitur, intelligas oportet: hæc enim folia Hederae haud dissimilia obtinet. Adcò ut liquidò iam cōstet, Alsinen esse eam herbam quam passim hodie Morsum gallinæ appellant. Huc accedit quod facultates, ut ex sequentibus patebit, quas uulgus Morsui gallinæ tribuit, ab Alsines uiribus nihil uariant.

LOCVS


Nascitur in lucis, hortis, & maxime in parietibus, macerijs, opacisq; locis.

TEMPVS.




ALSINE
MAIOR

Günderdarm.



ALSINE
MEDIA.

Günseserb.



ALSINE
MINOR.

Kleinnogelkraut.

C

TEMPVS.

Incipit à mèdia hyeme. Arescit autē æstate mèdia. Cum prorepat, musculorū aures imitatur folijs.

TEMPERAMENTVM.

Refrigerantem & humectantem haud secus quàm Helxine obtinet facultatem: est enim aqueæ essentia frigida & quare & citra adstrictionem refrigerat.

VIRES.

EX DIOSCORIDE.

Al sine refrigerandi facultatem obtinet. Oculorū inflammationibus cum polenta illita cōuenit. Succus eius aurium doloribus instillatus prodest. In uniuersum eadem quæ helxine potest.

EX GALENO.

Ad feruentes phlegmonas, & mediocria erysipelata competit.

EX PLINIO.

Vsus eius ad collectiones inflammationesq̃. Quin emendat omnia quæ Helxine, sed infirmius. Epiphoris peculiariter imponitur: item uerendis ulceribusq̃ cum farina hordeacea. Succus eius auribus infunditur.

APPENDIX.

Easdem facultates, herbis quas morsus gallinæ uulgò nominant, nostri temporis herbarij tribuunt, quod scilicet ad feruentes inflammationes, ac erysipelata prosint. Omnes enim, ut dictum est, refrigerant atque humectant. Hinc est quod minorem aliqui Germanorū Siebertr aut uocent, quia scilicet febribus accommoda, & utilis sit.

DE ANTHEMIDE CAP. VIII.

NOMINA.


D
Chamæmelon
cur dictum.



ΝΘΕΜΙΣ, ἢ χαμαίμηλον græcè, Anthemis, Chamæmelon latinè, officinis corrupto nomine Camomilla dicitur, Germanicè Camillen. Chamæmelon, quoniam odorem habeat mālī, appellant, id quod de primo genere potissimum intelligendum uenit.

GENERA.

Tria eius genera, floribus tantum distantia, inueniuntur. Hi enim etsi intus aurei sint, tamen foris per ambitū illis adiacent folia aut candida, aut lutea, aut purpurea. Quæ foris in orbem candida folia obtinet, ea est quæ à Dioscoride propriè λευκάνθεμον, & uulgò hodie Camomilla uocatur. Quæ uero luteis per ambitum folijs cōstat, ea haud dubie est, quā priuatim Dioscorides à suis floribus χρυσάνθεμον nominat, Germani autem, pulchrè ad græcam appellationem alludētes, Goldtblumen / Gelcamillen / Streichblumen appellant. Tertia species chamæmeli, quæ nimirū purpurea per orbem folia habet, nulla alia est nisi ea quam hodie uulgus medicorum Consolidam regalem, Germani autē à similitudine calcaris, cui respondet flosculus eius herbæ, & à colore lepido regioq̃, qui aspectari nunquā satis potest, Aittersporn uocant. Dioscorides peculiariter ἡρανθήμεον, eo quod uere floreat, dici tradit. Tria itaq̃ in uniuersum Anthemidis seu Chamæmeli genera sunt, quorum sanè primum Chamæmelon leucanthemon, alterū Chamæmelon chrysanthemon, tertium Chamæmelon eranthemon Dioscoridi nominatur. De duobus primis generibus neminē dubitare, quin uera & legitima sint, arbitramur, quod nihil in ijs sit quod Dioscoridis descriptioni, quam mox subiiciemus, non respondeat. Tertium fortè nonnullis qui morosius omnia obseruant, minime genuinum Chamæmeli genus esse uidebitur: ideoq̃ quibus simus argumentis & cōiecturis impulsī, ut tertium Anthemidis esse genus credamus, necesse erit ostendere. Potissimū autem quod nos in hanc sententiam pertraxit est, quod singula in Dioscoridis descriptione illi congruant, rami scilicet palmum non excedentes, fruticosi, multas alas habentes, parui & exigui, capitula



CHAMAEMELON
LEVCANTHEMON.

Camillen.



CHAMAEMELVM
CHRYSANTHEMON.

Sel camillen.



CHAMAEMELVM
 ERANTHEMON,
 (VMIN² tertiu² ex Lucelij sententia)

Rittersporn.

c pitula rotunda, aurea, foris purpureis folijs, magnitudine in nullo alio genere Rutę folijs magis similibus circumdata. Deinde sententiam hanc nostram cōfirmavit antiquissimus codex manuscriptus, in quo pictura exquisitissimè Regalem dictā consolidā refert, quam ijs sanè uerbis describit: Herba est quam quidā Monachellā, siue
 » Capuciariā uocant (à cucullo haud dubiè monachorū, quem flores illius herbę referunt, nomen imponentes) Dioscorides Eranthemon appellat, & est una species
 » Anthemidis, quę folia instar Camomillę habet, nigriora tamen: florem autem uiolę similē. Hęc ille. Quibus omnibus illud etiā accedit, nostram de hac herba sententiam mirificè corroborans, quod uulgus hodie medicorū Consolidā regalē calculosis, & oculis prodesse tradat, adeò ut illius etiā conspectū multos ex oculis laborantes sanasse dicant. Atq; hinc fit ut studiosi passim eam herbā in suis musæis suspensam habeant, oculis hac ratione cōsulere uolentes. Has autem omnes facultates ut ex sequentibus patebit, Eranthemo suo Dioscorides etiam adscribit. Quamobrem nihil certius est, quàm Consolidam regalem tertium esse Anthemidis genus, id quod argumenta nostra iam adducta palam euincunt.

*Bella Gerle
ratio*

FORMA.

Rami palmum non excedunt, fruticosi, frequentes alas habentes, parui, tenues & multi, capitulis rotundis. Flores intus aureos continent, foris uero per ambitum candidos, aut luteos, aut purpureos, foliorum Rutę magnitudine.

LOCVS

Nascuntur in aspero, sicco, macroq; solo, & iuxta semitas atq; itinera.

TEMPVS.

Colliguntur uere, in calidis potissimum regionibus, in nostris inter æstatis initia, hoc est, Iunio mense.

D

TEMPERAMENTVM.

Calefaciunt & desiccant in primo ordine.

VIRES.

EX DIOSCORIDE.

Vim habent radices, flores & herba calfaciendi, extenuandi q; . Potu & infusione menses, fœtus, calculos & urinam pellunt. Aduersus inflationes, & tenui intesti-
 in dolores bibuntur. Bile suffusos expurgant, & iecinorosis medentur. Decocto earum uesicę uitia fouentur. Efficacius ex omnibus generibus est, quod florem fert purpureum, ceterisq; maius existit, idq; propriè Eranthemon uocatur. Quod uero Leucanthemon & Chrysanthemum cognomināt, uehementius urinam ciunt. Aegilopijs illitę medentur. Commanducata oris ulcera sanant. Nonnulli in clysteribus ex oleo utuntur, terentes ipsas ad pellendos febrium circuitus. Folia & flores reponi debent, & separatim confusa in pastillos conformari. Radix quoq; sicatur, & usu poscente interim partes duas herbę, floris aut radicis modò unam: interim contrā floris duas, & herbę unam, alternis diebus duplicantes pondus, dare conuenit. Bibere autem oportet in uino diluto mulso.

EX GALENO.

Tenuium est partium, quamobrem digerendi, rarefaciendi, & laxandi facultatē obtinet. Est itaq; Chamæmelon tenuitate Rosę persimile, calore uero ad olei facultates magis accedit, animali familiares, & temperatas. Quapropter lassitudinib. ut si quid aliud, cōfert, doloresq; mitigat. Præterea tensa remittit & laxat, quęq; modicriter dura sunt emollit, quęq; cōstipata cōdensatę uel sunt rarefacit. Ad hęc febres quę citra uisceris alicuius inflammationē infestant, dissoluit, præsertim quę ex humorib. biliosis, aut cutis densitate cōsistunt. Qua de re & ab Aegyptiorū sapientissimis Soli cōsecrata est, febriumq; omniū remediū putat. Verum hac quidem in re à ueritate aberrāt: solas enim quas diximus febres sanare potest, easq; quę iam cōcoctę sunt. Iuuat autem pulchrè reliquas etiam omnes quę melancholicę sunt aut pituitosę, aut ex uisceris inflammatione proinatę: nam & harum remediū Chamæmelum

A melum uel strenuissimū est, ubi iam cōcoctis adhibetur: quapropter & hypochondrijs, ut si quid aliud, gratum existit.

EX PLINIO.

Medici uere folia tusa in pastillos digerunt: item florem & radicem. Dantur omnia mixta drachmā unius pondere contra serpentum ictus. Pellit mortuos partus, item menstrua in potu, & urinam, calculosq; inflationes, iecinorū uitia, bilem suffusam, ægilopia. Cōmanducata ulcerum manantes in ore eruptiones sanat. Ex omnibus ijs generibus ad calculos efficacissima est, quæ florem purpureum habet, cuius & foliorum & fruticis amplitudo maiuscula est. Hanc propriè quidem Eranthemum uocant.

DE ANETHO CAP. IX.

NOMINA.



ANETHON græcè, Anethum latinè appellatur. Nomen in officinis genuinum retinet. Germanicè Dyllen/ & Hochtraut nominatur.

FORMA.

Anethum sesquicubitali proceritate assurgit, multicaule, rmosum, exilitate folij in staminis penè modum extenuata, luteolo flosculo, semine lato & quasi foliato, radice lignosa, neque adeò prolixa, umbella fœniculi, cui cognatum quasi genus, propter similitudinem uideri potest.

LOCVS.

In hortis feritur: interdum & sponte, fœniculi modo, prouenit.

TEMPVS.

B Floret in æstate, Iunio & Iulio mensibus.

TEMPERAMENTVM.

Anethum adeò calefacit, ut habendum sit aut secundi ordinis intensi, aut tertij remissi. Exiccantiū uero ordinis est secundi incipientis, aut primi finientis. Vstum autem tertij tum calfacientium, tum desiccantium ordinis fit.

VIREs.

EX DIOSCORIDE.

Anethi aridi comæ seminisq; decoctum potum lac euocat. Tormina & inflationes sedat. Aluum leuesq; uomitiones sistit. Vrinam cit. Singultus lenit. Oculos hebetat, & genituram assidue potum extinguit. Decoctum eius mulieribus præfocatione uulvæ laborantibus ad insidendum utile. Semen eiusdem ustum & illitum condylomata tollit.

EX GALENO.

Anethum in oleo decoctum digerit, sedat dolores, somnum conciliat, crudos & incoctos tumores concoquit. Fit enim ex eo oleum, cuius propinqua sit temperies pus mouentibus, & maturantibus uocatis medicamentis, nisi quatenus paulò illis tum calidiū, tum tenuiorum partium est, atque adeo digerēdi facultate præditum. Vstum ulceribus admodum humidis illitum prodest, potissimum ijs quæ in pudendo consistunt. Quæ autem in præputio sunt inueterata, ijs probè cicatricem inducit. Cæterum uiride humidius est, & minus calidum, itaq; magis cōcoquit sicco, & somnum cōciliat, sed minus digerit. Idcirco mihi uidentur ueteres coronis ex eo concinnatis in symposijs usi esse.

EX PLINIO.

Anethū ructus mouet, & tormina sedat. Aluum sistit. Epiphoris radices illinuntur ex aqua uel uino. Singultus cohibet semen feruens olfactum. Sumptū ex aqua sedat cruditates. Cinis eius uuam in faucibus leuat, oculos & genituram hebetat.

EX SIMEONE SETHI.

Ad crassorū humorū inflationes prodest, Quidā sanè ipsum stomacho bonum



ANETHVM

Dill.

A esse, alij uero minimè, dixerunt. Illi quidem ad eius caliditatem, & facultatē quæ humiditatem cōcoquit, & flatus qui sunt in uentriculo discutit, respexerunt: ij uero ad substantiam eius, quæ crassarum est partium, concoctu difficilis, & nauseosa. Oleo incoctum discutit, & somnum conciliat. Inunctū tumores crudos concoquit. Inflationes quoque quæ in uentriculo generantur, digerit. Corpus ex immodico labore defatigatum, curat. Renes uero, ut quidam aiunt, lædit.

DE AIZOO CAP. X.

NOMINA.




ΑΙΖΩΟΝ græcè: Aizoon, Sedum, Semperuiuum latinè nominatur. Postremum nomen officinæ obtinuerunt. Vulgò Iouis barba, Germanicè *Hauswurz*/Donderbar dicitur, quòd scilicet nonnullis locis plebis animos iampridem inuasit opinio, non feriri fulmine domum, in cuius tegulis uireat Sedum. Porro Aizoon & Semperuiuum appellant, quod perpetuò, tam æstate quàm hyeme uirescat, nec ullis frigoribus, aut cœli iniuria quantumuis frigida, emoriatur.

GENERA.

Dioscoridem sequentes tria eius genera statuimus. Primum Aizoon seu Sedum maius, quod folia latiora habeat. Alterum Sedum minus, quod Græcis etiam *τρεβαλές*, quia ter floreat in anno, uocatur. Vulgò Vermicularis, à similitudine foliorum, quæ rotunda sunt, & figuræ oualis, ut uermiculos putes, & Crassula minor nominatur. Huius iterum duo sunt genera: alterum enim mas est, quod nimirum floribus luteis spectatur, & Germanis *klein hauswurz das mennile* appellatur. Alterum fœmina, quod pallidis seu candidis conspicitur floribus, Germanicè *klein hauswurz das weibliche* uocatur. Tertium genus est quod Aizoon syluestre, ab alijs Portulaca syluestris, aut Illecebra minus rectè & improprie dicitur. Nam Portulaca syluestris diuersa ab hoc tertio Sedi genere herba est, ut suo dicemus loco. Illecebræ autem nomen aliæ debetur herbæ, quæ Telephion uocatur, ut in eiusdem historia docebimus. Nomina uero hæc generi illi indiderunt, seducti errore eorum qui Portulacam syluestrem cum tertio Aizoo apud Dioscoridem confuderunt, atque adeò quæ debent Portulacæ & Telephio nomina, Aizoo temerè assignarunt. Ut enim uiribus diuersa est Portulaca syluestris ab hoc genere tertio Aizoi, ita etiam nomine & forma. Quare meritò reprehendendi sunt qui duo hæc capita sic sibi temerè miscuerunt. Vulgares herbarij Vermicularem minorem uocant, Germani *Kagentreuble oder Waurpfeffer*.


FORMA.

Semperuiui maius caules profert cubitales, interdū etiam maiores, pollicis crassitudine, pingues, egregiè uirentes, incisuras Characiæ Tithymalli instar habentes. Folia pingua, pollicis magnitudine, in cacumine linguæ similia, alia in terram resupinata, alia in capite inuicem contracta, circulo oculi figuram circumscribunt. Minus Aizoon caules ab una radice exeuntes multos habet, tenues, folijs plenos rotundis, pinguibus, paruis, in summo acuminatis. Emitterit autē e medio caulem palmi altitudine, umbellam & flores pallidos luteosue sustentem: *χλωρά* enim hoc loco, ut aliàs sepe, pro *ώχρα* accipitur, id quod ex Serapione etiam abunde constare potest, qui hunc Dioscoridis locum ita reddidit: Et habet uirgam in medio longam, circa longitudinem palmi, super quam est capitellum, in quo est flos citrinus, subtilis. Eam autem Semperuiui minoris speciem quæ flosculis luteolis spectatur, dilucidioris doctrinæ gratia, marem appellauimus. Alteram uero quæ candidos obtinet flores, fœminā. Tertium Semperuiui genus syluestre dictum, foliola habet pinguiora, ad Portulacæ figuram accedentia, & hirsuta, breuioriquæ cacumine. His uerbis ex-




SEDUM MAIUS

Grosßhaufwurtz.



SEDUM MINUS
MAS.

Klein haßwurtz
mennle.



SEDVM MINVS
FOEMINA.

Klein haupsturtz weible.



SEDI TERTIVM
GENVS.

Ratgentreuble.

c quisi tē admodum Dioscorides & Plinius tertium Aizoi genus, quod uermicularē minorem hodie appellant, deliniant. Habet enim pinguiā admodum foliola, ad Portulacæ syluestris formam nonnihil accedentia, hirsuta, & breuiori quā in Aizoo minori cacumine. Reliqua quæ sequuntur in quibusdam Dioscoridis exemplaribus, manifestē adulterina sunt. Neq; ijs plura habet Aldinū exemplar, & alia quæ paulò sunt castigatiora.

L O C V S.

Maius nascitur in montanis & testeis. Nonnulli autem in tectis domorum conferunt. Minus Aizoon in muris & petris, macerijis uinearū, parietibusq; prouenit. Tertium in petrosis locis, sepulchris umbrosis, oppidorumq; fossis.

T E M P V S.

Florent Maio & Iunio mensibus maius & minus. Tertiū autem genus in Maio tantum floribus ornatur luteis.

T E M P E R A M E N T V M.

Aizoon utrumque, tam maius quā minus, desiccant modicē, uehementer autem refrigerant: sunt enim ex tertio ordine & recessu refrigerantium. Tertium genus calidum esse, Dioscoridis & omniū ueterum testimonio constat. Gustus etiam minimē reclamat: si enim gustaueris, linguam uehementer urit.

V I R E S.

E X D I O S C O R I D E.

Maius uim obtinet refrigerandi & adstringendi. Conferunt ad erysipelata, herpetas, nomas, oculorū inflammationes, ambusta, podagras, folia per se, & cum polenta illita. Succus uero cum polenta & rosaceo, capiti in doloribus infunditur. Datur à phalangio morbis in potu, diarrhœa laborantibus, dysentericisq;. Teretes lumbricos cum uino potus excutit. Subditus in pessa, muliebres fluxiones sistit. Succus etiam lippientibus à sanguine utiliter inungit. Minoris folia antedicto eandem facultatem habent. Tertium genus calfaciendi uim habet, acrem, & exulcerantem. Cum axungia illitum, strumas discutit.

E X G A L E N O.

Semper uiuū utrunq; tam maius quā minus desiccatur quidem modicē, quandoquidē & mediocriter adstringat, omnis alterius uehementis qualitatis expertus: quare in eo aquea essentia abundat. Refrigerat non mediocriter, ideoq; ad erysipelata, herpetas, & à fluxione natas phlegmonas prodest.

E X P L I N I O.

Vtriusq; uis eadem, perfrigerare & adstringere. Medentur epiphoris folia imposita, uel succus inunctus. Purgant enim ulcera oculorum, explentq;, & ad cicatricē perducunt. Palpebras deglutinant. Eadem capitis doloribus medentur, succo uel folio temporibus illitis. Aduersantur phalangiorum ictibus: aconito uero maius Aizoom præcipuē. A scorpionibus quoque feriri id habentem negant. Medentur & aurium dolori.

A P P E N D I X.

Errat non parum hodie magna medicorū pars, qui Sedi genus tertium refrigerare, asserere haud uerent. Et mirum sanē cur ab eo errore illos Dioscorides non reuocet, qui disertē ait, hoc ipsum calefaciendi, & exulcerandi facultatem habere. Sed forte non magnopere laborant quid de hac planta Dioscorides tradat: debuisse tamen erroris huius admonuisse eos saltem germanica eius plantæ nomenclatura. Neque enim alia ratione *Waurpfeffer* nostris Germanis dicta est, nisi quod in muris proueniat, gustuq; acris admodum sit.




PLANTAGO
MAIOR.

Breit wegrich.

D

39
PLANTAGO
MINOR.

Spitziger we-
rich.



NOMINA.



ΑΡΝΟΓΛΩΣΣΟΝ Græcis: Arnoglossum, Plantago Latinis nominatur. Nomen latinū Plantaginis officinæ retinuerūt. Germanicè *Wegerich*/ *Schafzungen*/ quod nomen græco pulchrè respondet, dicitur. Arnoglossum, quod eius folia agninæ linguæ simillima sint, appellarūt Græci. Latini autem Plantaginem, ducto à planta uocabulo, nuncuparunt. Sunt tamen qui à multitudine neruorum, quibus quasi costis in dorso per longitudinem folia eius distincta sunt, Polyneuron uocant.

Arnoglossum unde dictum.

Plantago.

Polyneuron.

GENERA.

Duo Plantaginis sunt genera, ueterum omnium sententia, maior & minor. Maior, quam peculiariter à septenis quæ in folijs apparent costis, græcè *ἑπτάπλευρον*, id est, Septineruiā uocant, Germanis nostris à foliorum latitudine *grosser oder breiter wegrich* nominatur. Minor, eo quod eius folia fibris quinque tanquā neruis distincta sunt, *πεντάπλευρον*, id est, Quinqueneruiā dicitur. Officinæ, quoniam folium arctius definit in acumen, & uelut in lanceæ mucronē fastigiatur, Lanceolatam, uulgus autem Lanceolam appellat. Germanicè *klein oder spitziger wegerich*/ quia scilicet acuminatior & longior est, & ab equinæ costæ similitudine, *Kosripp* uocat.

FORMA.

Minor Plantago angustiora, minora, molliora, leuiora & tenuiora folia habet, *Minor.* caule anguloso, in terram inclinato: flores pallidos: semen in summis caulibus. Maior *Maior.* contra crassior uegetiorque, latiore folio, betaceo. Folia siquidem maioris Plantaginis betaceorum effigiem, non alterius oleris referunt, quod Dioscorides *λαχανόβη* dixit. Nam apud Athenienses *λάχανον* pro Beta sæpe sumi solet, à cuius folijs non multum Plantaginea uidentur abhorre. Non itaque olus intelligere potuit, cum in exprimenda similitudine speciatim loqui, non generatim conueniat. Huius caulis angulosus, subruber, altitudine cubitali, à medio sui ad uerticē usque tenui semine circumdatus, flosculum in spica luteum, nonnunquam herbaceum ostentat. Radices subsunt illi teneræ, hirsutæ, candidæ, digitali crassitudine. Descriptiones hæ Dioscoridis pulchrè picturæ respondent. Antiquus etiam herbarius easdem pro maiori & minori Plantagine herbas exhibet.

LOCVS.

Maior in palustribus potissimum nascitur. Vtraque autem circum sepes, aggeres, prata, & lacunosa loca.

TEMPVS.

Herba & flores in æstatis initio, Maio & Iunio mensibus, semen uero Augusto carpitur mense.

TEMPERAMENTVM.

Mixtæ est temperaturæ Plantago, habet enim quiddam aqueū frigidum: habet uero & austerum quiddam, id quod terreum est, siccum, frigidum. Itaque refrigerat simul & desiccatur, & in utroque secundi recessus à medijs est.

VIRES.

EX DIOSCORIDE.

Vim habent folia exiccatoriā & adstringentē, ideo ad omnia ulcera maligna, elephantica, quæ humore scatent, & sordida, conferunt. Eruptiones sanguinis, nomas, carbunculos, herpetas, epinyctidasque cohibent. Ulcera uetera & inæqualia cicatrice obducunt. Medentur & ijs quæ Chironia nuncupantur. Sinus glutinant. Morsibus canis, ambustis, inflammationibus, parotydi, panis, profunt. Strumis & ægilopis cum sale illita conferunt. Olus coctum cum aceto & sale dysentericis & celiacis sumptum subuenit. Datur & in locum Betæ cum lenticula coctum. In leucophlegmatia post aridas epulas in medio herba decocta datur. Cornitialibus & asthmaticis data proficit. Foliorum succus oris ulcera continua collutione purgat. Cum creta cimo-

c līa & cerusa ignibus sacris medetur. Fistulas infusus sanat. Auriū doloribus & lip-
pitudinibus succus instillatus, & collyrijs additus prodest. Gingiuis sanguinolentis,
& sanguinē reiicientibus potus cōfert. Dysentericis subter per aluum iniicitur.
Bibitur contra tabem. Aduersus uteri strangulationes in lana apponitur: item uul-
uæ fluxiones. Semen cum uino potum alui fluxiones, & sanguinis excreationes si-
stit. Radix decocta collutione, & cōmanducata, dentiū dolores sedat. Eadem cum
folijs in passo ad uesicæ renumq; ulcera præbetur. Ferunt tres radices cum tribus
uini cyathis, & pari aquæ potas, tertianis auxiliari, & quatuor quartanis. Sunt qui
radice è collo suspenſa ad strumas discutiendas utantur.

EX GALENO.

Quæcunq; medicamenta cum hoc quod refrigerant unā etiam adstringunt, ea
& ad ulcera maligna omnia, & ad fluxiones, & putredines profunt, atque adeo etiā
ad dysenterias: nam & sanguinis eruptiones sistunt, & si quid aduratur refrigerant.
Sinus quoq; glutinant, & alia ulcera recentia simul & uetera. In omnibus ferē id ge-
nus medicamentis primas tenet, aut certē nulli secundū est Arnoglossum, idq; tem-
peraturæ symmetria. Nam siccitatem obtinet morsus expertem, & frigiditatē quæ
nondum obstupefaciat. Semen eius & radix similis sunt facultatis, attamen siccio-
ris, & minus frigidæ. Semen etiam subtilium est partium, radices autem crassiorū.
Et huius herbę folia exiccata, subtilioris & minus frigide facultatis fiunt, nempe dif-
flato ex eo ac digesto excremento aqueo. Hac ratione radicibus utuntur ad dentiū
dolores, tum manducantes, tum collutionibus incoquentes. Præterea ad iecinoris
& renum obstructions non has tantum adhibent, sed folia quoque & multò ma-
gis semen: hæc enim quandam abstergendi in se facultatē habent, quam & in her-
ba uiridi inesse satis cōijci potest, uerum ab humiditatis copia uinci,

D

EX PLINIO.

Vis mira in siccando densandoq; corpore, cauterij uicem obtinens. Nulla res æ-
que sistit fluxiones, quas græci rheumatismos uocant. Stomachū corroborat Plan-
tago per se sumpta in cibo cum lente alicæ uē sorbitione. Strumis medetur. Semen
eius in uino tritum, uel ipsa ex aceto cocta, aut alica ex succo eius sumpta dysenteri-
cis datur. Lichenis foedo malo medetur trita. Vitia sedis & attritus celerrimē sanat.
Ex aqua mulsa duabus horis ante accessionem pota duabus drachmis, tertianas le-
niores facit, uel succus radicis madefactæ uel tusæ, uel ipsa radix trita in aqua ferro
calefacta. Quidam ternas radices in tribus cyathis aquæ dederunt. Idem in quar-
tanis quaternas fecerunt. Hydropicos sanat in cibo cum prius panem siccum come-
derint sine potu. Folia podagras refrigerant, & in primo impetu podagrę rubentis,
hoc est, calidæ, conueniunt. Oris ulcera succus emendat, & folia radicesq; cōman-
ducata, uel si rheumatismo laboret os. Vitio reiectionis sanguinis idem medetur.
Phthisim sanat si bibatur, & ipsa decocta in uino cum sale & oleo à somno matuti-
no refrigerat. Luxatis dolores & tumores tollunt folia tusa, addito sale modico. Fi-
stulis infusus succus auxilio est. Sanguinis profluuium sistit semen, si ore reiiciatur,
siue aluo fluat, siue foeminarum utero. Succus uomentibus sanguinem datur.

Contusis, euersis omnibus modis ipsa sumitur. Medetur omnium ge-
nerum ulceribus, peculiariter foeminarum, senum, & infan-
tium, igne mollita, melior & cum cerato,

DE ALI-



PLANTAGO
AQUATICA

Wasserwegrich.

C

NOMINA.

Plantago aquatica,



ALISMA, ἡ δαμασώνιον græcè: Alisma, Damafonium latinè nominatur. Sunt qui eam herbam esse putent, quam herbarij & uulgius nominant Barbam syluanam, & Plantaginè aquaticam: nōnulli uero eam, quam multi pastorem fistulam uocāt. Prior Germanis Wasserwegrich/ & Groschlöffel/ quod scilicet in palustribus nascatur, ubi frequentes sunt ranæ. Altera uero ipsdem Hirtenpfeiff nominatur. Plantaginem autem aquaticā, ob natales & similitudinem quæ illi cum uera Plantagine est, dixerunt: quemadmodū fistulam pastorem, quod singulari scapo rudis fistulæ & longitudinē & effigiem quandam uideatur imitari. Quæ uero nostra de ips sit sententia paulò post indicabimus.

FORMA.

Alisma folia Plantagini similia habet, angustiora tamen & in terram reflexa, demissaq̃. Caulis illi est tenuis, simplex, altitudine cubitum excedente, thyrsis similis, capitula habens. Flores tenues, candidos & aliquatenus pallidos obtinet. Radices ut Ellebori nigri tenues, odoratas, acres, modiceq̃ pingues. Ex qua quidē deliniatione satis constat neutram herbarum quarum picturas damus, esse Alisma. Nam herba quam hodie Plantaginem aquaticam uocant, non per omnia historie respondet. Vt enim alia præteream, radix eius neque odorata, neque acris est. Alterius autem, quam pastorem fistulam nominauimus, etsi radix odorata sit, minimè tamē acris existit. Quicquid tamen sit, hac potius quàm altera pro Alismate utendum esse cenfeo. Eius effigiem suo loco dabimus.

LOCVS.

Aquosa amat loca, in quibus passim nascitur.

TEMPVS.

D In æstate colligi potest, tum enim floribus abundat.

TEMPERAMENTVM.

Calidam esse hanc herbam satis monstrant radices, quas acres esse constat. Absterforiam etiam quandam in se facultatem obtinent.

VIRE.

EX DIOSCORIDE.

Radix unius aut alterius drachmæ pondere cum uino pota, his qui leporem marinum deuorauerunt, prodest, & quos rubeta rana momorderit, quicq̃ opium hauserunt. Torminibus & dysenteriae per se, aut cum Dauco pari pondere pota confert. Conuulsis itidem & uteri strangulationibus. Herba sistit aluum, menses ducit, & oedemata illita lenit.

EX GALENO.

Damafonium aut Alisma. De hac herba in tertio libro tradit Dioscorides, quod radix eius epota dysenterias sanet, & aluum sistat, atq̃ oedemata mitiget. Nos uero ea experti non sumus. Quod autem cōstitutos in renibus calculos aqua in qua decocta fuerit pota cōminuat, casu experti sumus. Ex quo liquet, quod absterforiam quandam facultatem obtinet.


EX PLINIO.

Vfus in radice aduersus ranas & lepores marinos. Lepori marino aduersatur in uino potum. Strumis imponitur ex aqua cœlesti folium tritum, uel radix cum a-xungio tusa, ita ut imposita folio suo operiatur. Sic & ad omnes ceruicis dolores, tumoresq̃, quacuncq̃ in parte.



ARTEMISIA
LATIFOLIA.

Beifuß.



ARTEMISIA
TENUIFOLIA.
Parthenium

Wettram.



ARTEMISIA
MONOCLONOS.

Reinfarn.

2
2
2



TAGETES *Indica*
INDICA.

Sambit flammula

*Sropa Regia ut viola
flammea*

Indianisch
negelen.

A

NOMINA.



ARTEMISIA Græcis, Artemisia latinis, Germanis *Beyßß/Bucken/* S. *Johans gürtel/Sonnenwend gürtel/oder Großer reinsarn* appellatur. Officinę ueterem appellationē retinent. Nomen herbe inditum putant ab Artemisia uxore Mausoli regis, quę sibi hanc herbam adoptauit, cū antē Parthenis, id est, uirginalis, quod uirgo dea illi nomen dederit, uocaretur. Non desunt qui ab Artemide cognominatā arbitrentur, quod priuatim sceminarū malis, quibus ἀρtemis, hoc est, Diana præest, medeatur. Nomen Germanicū S. *Johans gürtel*, quasi diui Ioannis zonam dicas, à superstitionis nōnullis monachis & mulierculis herbe huic impositum est. Nam fuerunt qui non coronas duntaxat, sed etiam zonas ex ista herba cōfecerunt, quas tandem in ignem, qui in die diui Ioanni baptistę sacro, in singulis plateis urbium succendebatur, nescio in quem euentū, proiecerunt, haud dubiē hac herba in deserto diuum Ioannem cinctum fuisse somniati.

Artemisia unde dicta.

GENERA.

Tres sunt, Dioscoride teste, Artemisię species, quę etiam hodie apud nos passim reperiuntur. Prima *πλευρόφυλλον*, latinē Artemisia latifolia dici potest. Ea autem est quę simpliciter hodie Artemisia uocatur. Huius iterū duo sunt genera colore duntaxat distantia: unū caule & floribus rubens, Germanis *Rotbucken/uel Rotbeyßß* dicitur: alterum candicans caule, floribus uero flauis, Germanicē *weißbucken* appellatur. Altera gręcē *λεπτόφυλλον*, latinē uero Tenuifolia nominatur: quod quidē genus uulgo hodie Matricariā, Germani *Müsterkraut/ & Mettram*, quod uteri, quem matricē uocant, morbis medeat. Tertia species Artemisia monoclonos dicitur, Tanacetū corrupto nomine pro Tagetē hodie nominant, Germani *Reinsarn*, quod filicis ferē speciem referat, & in aquarum ripis nascatur. Alio nomine *Wurmkräut*, quoniā lumbricos ē uentre pellat. Esse uero hanc herbam aliquam Artemisię speciem uel hinc etiam cōstare potest, quod primam speciem, ut diximus, nōnulli Germanicē *Großen reinsarn* uocant: hac enim nomenclatura manifestē docent, & eam quam Tagetem appellant Artemisię esse congenerem, quod scilicet eandem habeat appellationē. Huius haud dubiē generis est herba quę elegantissimos proferit flores, garyophyllos Indos uocatos: nulla enim in re nisi floribus, qui sunt elegantiores & longē maiores, ab hac nostra distat: odore tamē nostrā hanc etiam uincit. Hinc est quod Tagetē Indicam appellauerimus, Germanicē autem *Indianische negelen*. His autē herbis tribus cōuenire Dioscoridis descriptiōes faciliē unusquisq; ex ijs quę paulō pōst dicemus cognoscet. Esse autem Artemisię genera ex manuscripto codice, quem ob uetustatem lubens cito, manifestē colligi potest. Is enim pictas ordine tres iam cōmemoratas herbas ita ob oculos ponit, ut nemo qui illas uel semel saltem uiderit, non agnoscat. Picturę accedunt descriptiones, & nomenclaturę hodie etiam usitatę. Primam enim Artemisiam, alteram *Leptophyllon* & Matricariam, tertiam uero Tagetem, quo nomine Apuleius usus est, & Tanacetum appellat, ita ut nemo deinceps quin uera sint Artemisię genera dubitare debeat, aut meritō possit. *Si dñs placeat*

Artemisia latifolia.

Artemisia tenuifolia.

Matricaria. *Tagete*, Artemisia monoclonos.

Tanacetum.

Tagetes.

Erras bono uir

FORMA.

Prima species quę priuatim Artemisia dicitur, fruticosa est herba, Absinthio similis, maiora tamen & pinguiora folia habet, quę supernē ex nigro uirescunt, subter autem candicāt, crebrō etiam resecta sunt. Flos illi tenuis, & semen rotundū. Altera, folia tenuiora obtinet, flores exiguos, tenues, albos, & grauiter olentes. Porro Sampsuchi odorem cōfricata eius folia & flores referūt. Quę utiq; descriptio ita Matricariā uulgō dictam herbā exprimit, ut nemo non, nisi talpa cecior sit, hanc esse alteram

Artemisia.

terram

Parthenium non est Matricaria. *Tanacetum.* *teram* Artemisiae speciem uideat. Fruticosa enim herba est Matricaria, folijs quam sit Artemisia propriè dicta gracilioribus, floribus tenuioribus, per ambitum albis, (intus enim lutei existunt) grauiter cum uniuerſa herba olentibus. Hallucinant itaque qui Serapionis interpretem secuti, Dioscoridis Parthenium esse putant, ut suo loco abundè demonstrabimus. Tertia *μονόκλων*, hoc est, unicaulis dicta, simplici caule confurgit, folijs minutim scissis. Caulis in summo floribus luteis & tenuibus abundat. Hæc odoris iucunditate priorem uincit. Quæ sanè descriptio pulchrè herbam Tanacetum appellatam hodie, deliniat, ita ut tertiam esse Artemisiae speciem nemo dubitare debeat, aut saltè iure queat. Tagetes Indica caule exurgit rubescen- te, ramulis multis brachiato, folijs tenuibus, minutim scissis, & grauiter odoratis, floribus in summo caule luteis, & croci ferè colorem referentibus, elegantia nulli al- teri cedentibus.

LOCVS.

Prima nascitur in aquosis, incultis, asperisq; locis. Altera in hortis, locis siccis & lapidosis. Tertia in aquarum ripis, atque uinearum aggeribus passim prouenit, unde Germanicè appposito uocabulo *Reinsarn* uocatur. Indica Tagetes non nisi fata prouenit in Germania.

TEMPVS.

Singula genera tria æstate, potissimū cum uua maturèſcit, tunc enim abundant floribus, colliguntur. Indica paulò tardius in nostra regione floret.

TEMPERAMENTVM.

Calefaciunt & modicè desiccant, & sunt, quod ad calefactionem attinet, ordinis secundi; quod uero ad resiccationem, aut primi intensi, aut secundi remissi. Sunt etiam modicè tenuium partium.

VIRES. EX DIOSCORIDE.

Excalfaciunt & extenuant. Feruefactę profunt ad infessus muliebres, ducendos *d* menses, secundas, & foetus. Vteri præclusionem atque inflammationē iuuant, lapides frangunt, & urinæ suppressionem tollunt. Herba ipsa imo uentri illita copio- sa, menses mouet. Succus eius cū myrrha subactus & admotus, ex utero elicit quæ- cunq; & infessio. Bibitur etiam coma trium drachmarum pondere eorundem du- cendorum gratia. Si quis stomacho laborans Artemisiam leptophyllon contude- rit probè cum oleo amygdalino, & ueluti malagma confecerit, stomachoq; impo- fuerit, sanabitur. Neruorum quoque dolore si quis affectus fuerit, ac succum eius cum oleo rosaceo miscens inunxerit, curabitur.

EX GALENO.

Ad renum calculos mediocriter, & ad uteri fomentationes profunt.

EX PLINIO.

Artemisia priuatim fœminarum malis medetur. Eandem quoq; secum habentibus, negant nocere mala medicamenta, bestiàm uel ullam, ne solem quidem. Bibi- tur & hæc ex uino aduersus opium. Alligata priuatim potens traditur, potaue ad- uersus ranas. Alligatam qui habet uiator, negatur lassitudinem sentire.

APPENDIX.

Præter dictas facultates usu compertum est, flores Tanaceti pueris ex uino uel lacte datos, mirificè ex uentre lumbricos pellere, ideoq; Germanis herba lumbricorū, ut paulò antè diximus, appellata est hæc Artemisiae species.



APARINE

Klebkraut.

C

NOMINA.

Errant qui putāt
legendū esse ομ-
φαλόκαρπον,
nam Dioscoridis
& Pauli exem-
plaria castigatio
ra omnia habent
ομφαλόκαρπον
Cui sanē lectioni
& ratio ipsa sub-
scribit, cū sic no-
minata sit ab um-
bilici specie, quā
fructus eius re-
fert. Quare cum
altera lectio ra-
tione omni desti-
tuta sit, immerito
ab Oroasio Hispa-
no Hermolaus,
Marcellus, et Ru-
ellius Dioscoridis
interpretes ομ-
φαλόκαρπον
legētes laxantur.



APARINE, ὀμφαλόκαρπος, ἢ φιλάνθρωπος græcè, Aparine latinè, Klebtraut Germanicè nominat. Omphalocarpus ab umbilici similitudine, quam semē eius refert, rectè dicta est. Philanthropos autem uox humanitatis, amoris & comitatus illi imposita est, quod blanda, comis, & hospitalis herba sit, nec aliter prætereuntium uestes apprehendat, quā solent amici & hospites a se discedentes comprehensa ueste retinere, aut si id nequeant, aliquandiu se-
qui. Quam appellationem pulchrè Germani exprimentes, Klebtraut nominant: est enim illis kleben / quod latinis tenaciter adhærere. Officinæ & herbarij nonnulli Aspergulam hodie uocant: rectius tamen una detrita litera nominarent Asperulā, quod asperitate sua attingentium uestimentis pertinaciter hæreat.

FORMA.

Ramulos habet Aparine multos, exiguos, quadrangulos, & asperos. Folia per ambitum orbemue Rubiæ modo per interualla, circumposita. Flores albos. Semē durum, candidum, rotundum, à medio, umbilici modo, leniter cōcauum. Ipsa herba uestibus adhærescit.

LOCVS.

Nascitur in frumentario agro, aut hortis circa sepes & maceries.

TEMPVS.

Colligitur æstate dum semine prægnans est.

TEMPERAMENTVM.

Aparine modicè extergit & desiccatur, habetque nonnihil tenuium partium: unde satis constat hanc aliquam etiam caloris in se portionem habere.

VIRE.

EX DIOSCORIDE.

Aparines feminis, caulium & foliorum succus cum uino potus, phalangiorum & uiperarum moribus auxiliatur. Infusus doloribus aurium medetur. Herba ipsa cum axungia trita coacta, strumas discutit.

EX PLINIO.

Efficax Aparine contra serpentes, semine poto ex uino drachma: & contra phalangia. Sanguinis abundantiam ex uulneribus reprimunt folia imposita. Succus auribus infunditur.

DE ACANTHO CAP. XV

NOMINA.

Branca ursina.



Marmoraria.
Dioscoridis lo-
cusemendatus.

KANΘΟΣ, ἡ ἀκανθα Græcis, Acanthus siue Acantha Latinis dicitur. Officinæ à similitudine, quam eius folia cum anterioribus urforum pedibus habent, Brancā ursinam uocant. Ad quam etiam similitudinem respicientes Germani, Bernklaw oder Berntag nominant. Illud non prætereundū esse putauī, hanc herbam olim etiam Romanis Marmorariam esse dictam: quæ uox in omnibus Dioscoridis exemplaribus de-
prauata est, ac in Mamolariam detorta: quod eius folia columnarum maximè Corinthiarum capitulis insculpebantur, quarum identidem tam scapi quā uertices mar-
more splendebant. Antiqui etiam Acantho pateras pingebant.



GENERA.

Duo Acanthi genera damus. Primum quidem legitimam Acanthum nomina-
uimus, quod scilicet descriptioni per omnia respondeat. Germanis dicitur Welsch
berntlaw. Alterum Germanicā, quod nimirum in Germania officinæ omnes pro
Acantho hanc usurpent herbam. Germanis simpliciter Bernklaw uocatur.

FORMA.

ACANTHVS
VERA.

Welsch bernflaw.



E 2



ACANTHVS
 GERMANICA.
 Spondion cernu
 Acanthus

Deutsch bernflaw-
 Bärentapfe ~

A

FORMA.

Folia habet multò quàm Lactuca latiora & longiora, Erucae modo incisuris diuisa, nigricantia, pingua, leuia. Caulem leuem, binum cubitorum, digitali crassitudine, ex interuallis sub ipsum usq; uerticem foliolis quibusdam oblongis ueluti nucamentis, aculeatis, ex quibus candidus promitur flos. Semen illi est oblongum, luteum, caput thyrsi specie. Radices subsunt glutinosae, mucosae, rubentes, longae. Haecenus Dioscorides. Si autem ueri Acanthi picturam diligenter spectare uolueris, huic descriptioni prorsus quadrare uidebis, ita ut nulla sit nota quae illi non ad amissim respondeat. Neque impedit quod Acantha spinam significet, spinosa enim & haec quidem herba est, sed mollibus duntaxat spinis, ideoq; à Vergilio mollis Acanthus dicitur. Germanicam tamen Acanthum ad Dioscoridis picturam non penitus accedere, est euidentissimum. Potest tamē in prioris inopia, huius etiam comodus esse usus, ut ex ijs quae paulò post dicemus, patebit.

LOCVS.

Nascitur uera in hortis, petrosis & humentib locis. Germanica in hortis & pratis undique.

TEMPVS.

Colligitur in aestate dum floribus & semine abundat, Iunio praecipue & Iulio mensibus.

TEMPERAMENTVM.

Folia Acanthi mediocriter digerentem facultatem obtinent. At radix exiccatoria est, & leuiter incisoria, & tenuium partium. Hanc uim Acantho etiam Germanico inesse, gustus abunde monstrat. Folia enim eius modicè amara, radix autem subacris est.

VIREs.

EX DIOSCORIDE.

B Acanthi radices uitis & luxatis illitae profunt. Potae urinam mouent, & aluum sistunt. Tabidis, ruptis, conuulsis, mirè utiles sunt.

EX PLINIO.

Radices Acanthi uitis luxatisq; mirè profunt. Item ruptis, conuulsis, & phthisin metuentibus incoctae cibo, maximè ptisana. Podagris quoq; illinuntur tritae & calefactae calidis.

APPENDIX.

Et si nostrae Brancae ursinae facies picturae Acanthi non undiquaq; respondeat, tamē eius radicem eandem habere cum Acanthi ueri radice facultatē est euidentissimum. Cum enim gustu subacris sit, necesse est ut exiccet, incidat, & tenuium sit partium. Errant itaq; nostrae aetatis medici, qui neglecta prorsus radice, folijs tantum utuntur, quae quidem mediocriter discutere ualent.

DE SPINA ALBA CAP. XVI

NOMINA.



KANΘA λευκή græcè, Spina alba latinè, Officinæ Bedegarim seu Bede- Bedegar.
guar Peno nomine appellant, Germani Weißdistel/oder Stechtraut.
Nomen herbae hac ab albis folijs seu lacteis maculis, quibus folia con- Spina alba una
spersa sunt, accepit. de dicta.

GENERA.

Quamuis Dioscorides Spinæ albæ duntaxat unum faciat genus, tamen cū plures inueniantur apud nos herbae quae descriptioni respondent, plura etiam ut illius statuamus genera necesse est. Vnum itaq; genus est, quod hodie uulgò Carduus Mariae dicitur, Germanis uero Mariendistel oder Srawendistel nominatur. Nos spinam albam hortensem, quod nimirum in hortis tantum proueniat, appellauimus.

c mus. Alterum genus sylvestre est, proximè ad Dioscoridis deliniationē accedens, ideoq; à Germanis *Weißwegdistel* uocatur. Cæterum uidimus herbam peregrinā siccam, quæ sylvestri, quod ad formam attinet, per omnia respondebat, quæ haud dubiè uera spina alba erat, & descriptioni prorsus cōueniebat. Picturam eius, quod uiridi destituebamur, dare non potuimus.

FORMA.

Folia albo Chamæleonti similia habet, angustiora tamen & candidiora, subdensa, subasperaue, & aculeata. Caulem binos cubitos excedentē, digiti magni aut minoris crassitudine, subalbum, intus cauum. In cacumine eius caput est aculeatum, Echino marino non absimile, minus tamen & oblongū. Flores purpureos, in quibus semen Cnici forma, sed rotundius. Quæ descriptio in uniuersum quadrare uidetur herbæ quæ uulgò *Carduus Mariæ* appellatur. Folia siquidem Chamæleonti non dissimilia, angustiora, candidioraq; (albis enim maculis undiq; cōspersa, unde tam Græcum quàm Latinum, adde etiam Germanicum nomen *Weißdistel*/ut diximus, illi impositum est) subdensa, subasperaue, & minimè mollia, & mirum in modum aculeata sunt, ita ut contrectata immodicè pungant. Caulis eidem supra bina cubita altus, digiti maioris aut minoris crassitudine, & inanis. In summo uertice Echino marino haud dissimile caput aculeatum obtinet. Flores denique purpureos, in quibus semen Cnico simile, sed rotundius habet, id quod ex utriusq; seminis collatione pulchrè deprehendes. His accedit, quod facultates quas albæ Spinæ Dioscorides tribuit, similes sint ijs quæ *Carduo Mariæ* à nostris hodie herbarijs assignantur, ut ex sequentibus innotescet clarius. Sylvestri sic quadrat descriptio ut nihil magis. Nam, ut cætera omittā, radix desiccatoria est & modicè adstringens, atque adeo genuinas Spinæ albæ facultates obtinet.

D

LOCVS.

Nascitur in montibus & syluosis locis. Hodie in hortis passim etiam plantatur, ut alia quædam *Carduorū* genera. Sylvestre in locis incultis & arenosis prouenit.

TEMPVS.

Colligenda est herba in æstate dum semine prægnans est. Floret autem Iunio & Iulio mensibus.

TEMPERAMENTVM.

Radix eius desiccatoria est, & modicè adstringens. Semen uero tenuis essentia, & calidæ facultatis.

VIRE.

EX DIOSCORIDE.

Radix huius pota, sanguinē excreantibus, stomachicis & cœliacis prodest. Vrinam cit. Oedematis illinitur. Decocto eius dentes in dolore colluuntur. Semen potum conuulsis infantibus, & à serpente demorsis auxiliatur. Ferunt etiam quod amuletum ex eo uenenatas bestias abigat.

EX GALENO.

Radix cœliacis & stomachicis succurrit. Sanguinis reiectiones cohibet, & cedemata illita contrahit, ac dentes dolentes iuuat, si decocto eius colluantur. Semen potum ijs qui conuelluntur prodest.

DE ASPA-




SPINA ALBA
HORTENSIS.

Warren distel.



SPINA ALBA
SYLVESTRIS.

Weiß wegdistel.



ASPARAGVS

Spargen

NOMINA.

Asparagus unde
dictus.



ΑΣΠΑΡΑΓΟΣ græcè, Asparagus latinè uocatur. Officinæ extrita priore litera Sparagum nominât, Germani Spargen. Sic autem potissimū altilis satiuusq̃, de quo nobis hic sermo est, nominatur, eò quod coliculos hos, qui prima germinatione prodeunt è terra, præcipuos habeat.

FORMA.

E radiculis thyrsus primum exilit, cacumine in torulos turbinato, quod tandem increfcens explicatur in pregrandes ramos, quibus insunt folia capillamenti modo, & ut Fœniculi tenuata, quæ per uetustatem occalescunt in spinulas. Florem fundit paruulum, quo decusso baccae dependent primum uirides, quæ tandem maturitate rubescunt, seminibus refertæ. Radices spongiosæ, longæ & rotundæ.

LOCVS.

In hortis seritur & plantatur, inq̃ nōnullis locis lapidosis sponte prouenit.

TEMPVS.

Thyrso primū cum uer appetit emicante uiret, spica tum cibus expetita. Recentes hos thyrsulos in uoluptatem gulæ uerterunt helluones. Hodie decoctus in iure Asparagus, aceto, sale, & oleo conspersus, magno gulæ delectamento comeditur, & in principum delicijs est. Semen suo legitur tempore, nimirum æstate.

TEMPERAMENTVM.

Abstergendi facultatem habet Asparagus, idq̃ citra manifestam aut caliditatem, aut frigiditatem.

VIRES.

EX DIOSCORIDE.

Asparagi coliculi cocti & comesti aluum molliunt, & urinam mouent. Radicum uero decoctum, difficultati urinæ, regio morbo correptis, nephriticis, ischiadicis: cum uino autem idem decoctum phalangiorum morsibus auxiliatur. Si decoctum super dente retineatur, eius dolori medetur. Facit ad eadem omnia semen etiam potum. Ferunt mori canes decoctum eius bibentes.

EX GALENO.


Renes ac iecur infarctu liberat Asparagus, & maximè herbæ ipsius radices & semen. Quin & dentiū dolores sanat siccitatis nomine, quam uel maximè dentes requirunt.

EX PLINIO.

Utilissimus stomacho cibus, ut traditur, Asparagi. Cumino quidem addito inflationes stomachi coliq̃ discutiunt. Idem oculis claritatē adferunt. Ventrem leniter molliunt. Pectoris & spinæ doloribus, intestinorumq̃ uitijs prosunt. Vino cum coquantur addito, lumborū & renum dolores mitigant. Venerem stimulant. Vrinam cient utilissimè, præterquā quod uesicam exulcerant. Radix quoq̃ plurimorum prædicatione trita, & in uino albo pota, calculos exturbat. Quidam ad uuluae dolorem, radicem cum uino dulci propinant. Eadem in aceto decocta contra elephantiam proficit. Asparago trito cum oleo perunctum pungi ab apibus negant.

EX SIMEONE SETHI.

Asparagus olerum omniū maximè nutrit. Proinde si quis dicat eius naturā positam esse mediā inter olera & carnes, non procul à uero aberrabit, propter nutriendi facultatem plantarū & carniū, quæ similiter se habet. Vrinam quoq̃ cit, & obstructions iecoris & renum aperit: id quod manifestū ex eo, quod urinæ odorem in suum transmutat, ut hunc qui aliquantulū eius ederint, sentiant. Neq̃ quispiam admiretur illum statim urinæ suam qualitatem indere: nam & rubea tinctorum si manibus contineatur, urinam in suum colorem transmutat: quod paradoxum etiam esse uidetur, ut extrinsecus impositum urinam tingat. Asparagi colicis & renum affectibus, qui à pituita proueniunt, auxiliantur: semen genitale augent, & celerius quàm reliqua olera in sanguinem mutantur. Menses ciunt. Cordis palpitationib. succurrunt: dentibus prosunt: sed nō semper stomacho boni sunt, propterea garo & oleo conditis, cum mediocriter cocti sunt, ijs uti oportet.



ANONIS

Gawhechel.

NOMINA.



Restam bouis.
Remora aratri.
Acutella.

Anonis cur
dicta.

Ononis unde.

ΑΝΩΝΙΣ, ἡ ἄνωγος Græcis: Anonis & Ononis Latinis appellatur. Vulgus herbariorū Restam bouis, quod in opere arantes boues subinde sistat, nominare solet. Nonnulli Remoram aratri, quod altis & duris radicib. in agris aratrum remoretur, appellant. Sunt qui Acutellam uocent, quod suis scilicet spinis ingredientium pedes pungat & offendat. Germanis Dawhechel nuncupatur, & Schsenbrech/ quia crebris inter folia aculeis, haud secus ac instrumentum hoc quo mulieres linum carmināt, & à crassiore purgant stuppa, horreat: uel quod ligone ad aculeatam hanc herbam eruendam & extirpandam cum in altum agitur, & sese propagat, opus sit. Equites Germani Staltraut/ eò quod decoctum eius meiere nequeuntib. equis offeratur, uocant. Binominis autem antiquis est scriptoribus, una tantum litera mutata. Sunt enim qui Ononim, ut Theophrastus & Galenus: sunt etiam qui Anonim, ueluti Dioscorides & Plinius, nominent. Anonis haud dubiè à non iuuando, quod nullo iuuamine polleat, dicta est. Siquidem aratoribus inimica est, uiuaxq; nimis fruges opprimit, suisq; aculeis nocet. Ononis uero, quod asinos, quos Græci ὄνος uocant, sese terentes ad illam scabentesq; iuuat. Complures quoq; Graij herbam sic appellari prodiderunt, quod in ea se uolutantes, spinis eius dorsum libenter affricent & scabant. Officinis prorsus ignota, & inusitata.

FORMA.

Ramos habet palmares, aut maiores, fruticosos, frequentibus geniculis cinctos, cauis alarū multis, capitula rotunda. Folia exigua, tenuia ceu Lentis, ad Rutæ, aut fœnarij Loti figuram accedentia, subhirsuta, odorata, nec iniucundè olentia. Ramuli acutas spinas, spiculis acuminatis similes, solidasq; gerunt. Radice candida nititur. Theophrastus toto caule foliatam esse tradit, ut ueluti coronam ex interuallis tota species repræsentet. Florem quoque illi esse minutulum, & in siliqua non undique septum scribit. Quæ sanè singula pulchrè picturæ respondent, & Anonim esse hanc herbam quam Restam bouis hodie herbarij nominant, euidenter, nulla reclamante nota, ostendunt. Nam hæc ramos spargit fruticosos, palmo longiores, frequentibus cinctos articulis, à quibus alæ funduntur. Capitula exerit orbiculata, folia Lentis parua, ad Rutæ uel pratensis Loti figurā accedentia, hirsuta, iucundum odorem expirantia, inter quæ nocentiores, & mucronatæ cuspidis aculei quasi spicula subrigunt. Flos ferè Pisi dilutiore micat purpura, in siliqua non undique septus. Radix in nigro candicans.

LOCVS.

Nascitur culto solo, pingui, & glutinoso, præcipuè autem in segetibus & aruis, inimica agricolis, uiuaxq; supra modum. Cum enim altam lætām uenacta tellurem fuerit, protinus in altum agitur, & singulis annis, furculis in latus emissis, rursus anno postero deorsum uersus acta pluribus ramis luxuriat, ideoq; runcanda & radicitus extirpanda uenit.

TEMPVS.

Æstate germinare incipit, à frugibus perficitur, autumno sui incrementi finem faciens. Floret autem Iulio mense, & Augusto.

TEMPERAMENTVM.

Ononis radix tertio quadantenus ordine exalfacit.

VIRES.

EX DIOSCORIDE.

Antequam spinosa fit sale conditur, & est cibus gratissima. Radix eius calefacit, et extenuat, cuius cortex cum uino potus urinā ciet, calculos rumpit, crustasq; abstergit. Decocta radix in posca dentium dolorem collutione mitigat. Huius decoctum potum, hæmorrhoidas sanare creditur.

EX GALENO.

A Radicis cortex maximè utilis est, habens quippiã absterforiũ & incisoriũ. Proinde non tantum urinas ducit, sed & lapides confringit. Eadem facultate & crustas cõfestim detrahit. Vtuntur quoq; ea ad dentium dolores in posca decoquentes, & collui decocto eius iubentes.

EX PLINIO.

Radix decoquitur in posca dolori dentium. Eadem cum melle pota, calculos pellit. Comitialibus datur in oxymelite, decocta ad dimidias.

DE ANISO CAP. XIX.

NOMINA.



ANISON græcè, Anisum latinè uocatur. Officinis nomen genuinum retinuit, germanicè *Eniß* appellatur.

GENERA.

Anisum caule, folio, flore, Apio par esse uidetur. Caulem nanque tenuiter striatum, rotundum, multisq; ramulis brachiatum obtinet. Folium ubi primum enascitur, rotundum, sed deinceps Apij modo dissectum. Florem candidum, muscarium foeniculi. Tota herba, haud aliter quàm semen, odorata est.

LOCVS.

Ex Syria originè habet, iam autem passim satum in Germaniæ hortis prouenit.

TEMPVS.

Iunio ac Iulio mensibus floret, semineq; prægnans est.

TEMPERAMENTVM.

Calefacit & desiccatur in tertio ordine.

VIRE.

EX DIOSCORIDE.

B Anisum in uniuersum calefacit, exiccat. *ἄνισον* rectius mea sententia interpretabitur pro eo quod est, faciliè spirare facit. Oris halitum iucundiores facit. Anodynum est, doloremue leuat. Urinã cit. Diffundit. Hydropicis potum sitim arcet. Prodest ad uenenata animalia, & inflationes. Aluum, & album foeminarũ profluuium sistit. Lac ad mammas elicit, & Venerem stimulat. Suffitum naribus capitis dolorem sedat. Tritum, cumq; rosaceo instillatum, aurium medetur rupturis.

EX GALENO.

Anisi semen maximè utile est, acre & subamarum, ut propè ad urentium accedat caliditatem. Proinde & urinam cit, & digerit, atq; uentris inflationes sedat.

EX PLINIO.

Anisum aduersus scorpiones ex uino bibitur, à Pythagora inter pauca laudatũ, siue crudum, siue decoctum. Item uiride aridumue, omnibus quæ cõdiuntur, quæque intinguntur desideratũ. Panis etiam crustis inferiorib; subditum. Saccis quoq; additur. Cum amaris nucibus uina cõmendat. Quin ipsum oris halitum iucundiores facit, foetoremq; tollit manducatum matutinis cum Smyrneo, & melle exiguo. Mox uino collutum uultum iuniorem præstat. Insomnia leuat suspensum in puluino, ut dormientes olfaciant. Appetentiã ciborum præstat. Dolores capitis leuat suffitum naribus. Epiphoris oculorũ radicem eius tusam imponit Iollas: ipsum cum croco pari modo & uino, & per se tritum cum polenta, ad magnas fluxiones, extrahendaq; si qua in oculis inciderint. Narium quoq; carcinòdes consumit illitum ex aqua. Sedat anginas cum melle & Hyssopo ex aceto gargarizatũ. Auribus infunditur cum rosaceo. Thoracis pituitas purgat tostum, cum melle sumptum melius. Cũ acetabulo Anisi nuces amaras quinquaginta purgatas tere in melle ad tussim. Præcipuum autem est ad ructus, ideo inflationib; stomachi & intestinorũ torminibus, & celiacis medetur. Singultus & olfactum decoctũ potumq; inhibet. Potum

F somnum



A N I S V M

Enig.

A somnum concitat. Calculos pellit. Vomitiones cohibet, & præcordiorum tumores. Et pectorum uitijis, neruis quoque quibus succinctum est corpus, utilissimum. Prodest eius & capitis doloribus instillari succum cum oleo decocti. Non aliud utilius uentri & intestinis putant, ideo dysentericis & tenasmiis datur tostum. Dalion herbarius dedit bibendum cum anetho parturientibus. Phreneticis quoque illinunt recens cum polenta. Sic & infantibus comitialia uitium aut contractionem sentientibus. Pythagoras quidem non corripi uitio comitiali in manu habentes, ideoque quamplurimum domi serendum. Parere quoque facilius olfactantes. Sosimenes contra omnes durities ex aceto usus est. Semine eius potio, lassitudinis auxilium uiatoribus spondit. Strangulationes uulvae, si manducetur & linatur calidum, uel si bibatur cum castoreo in aceto & melle, sedat. Vertigines à partu cum semine cucumeris & lini pari mensura trinum digitorum, uini albi tribus cyathis, discutit. Urinam ciet. Venerem stimulat. Cum uino sudorem leniter præstat. Vestes quoque à tineis defendit.

EX SIMEONE SETHI.

Prodest ad uetustos ex frigore iecoris affectus, & ad spirandi difficultatem quæ ex pituita proficiscitur. Flatus qui in uentriculo sunt, digerit. Obstructiones tollit, & lactis copiam facit.

DE ACTE CAP. XX

NOMINA.



κ τ η Græcis, Latinis Sambucus nominatur. Reliqua nomina dicemus paulò post, ubi huius genera indicabimus. Sambucus porro uidetur ab authore appellata, cui nomen Sambyx fuit: uel à fabuca musico instrumento, quod alij peccida nominant, alij magadin. Atque hinc est quod Sabucus potius quam Sambucus, si Serenio Quinto credimus, scribendum sit.

Sambucus unde dicta.

GENERA.

B Duo eius genera. Vnum arborescit, quod priuatim officinæ Sambucum, Germani *Nolder* à cõcauitate uocant. Alterum Græcis *χαμαιωκτις*, quasi humilis, & cõ- *χαμαιωκτις* actæ breuitatis Acte nominatur, Latinis Ebulus, Germanis *Attich* / uel *niderer holder*. *Ebulus.*

FORMA.

Sambucus in arborem assurgit, uirgis harundinum modo rotundis, subcauis, can- *Sambuci.* dicantibus, proceris. Folia tria, aut quatuor, aut quinque, aut sex, aut septem per interualla circa uirgas obtinet, nucis iuglandis similitudine, graueolentia, pluribus incisuris, in summis ramis siue caulibus umbellas rotundas ferentia. Flores albos, fructum acinumue Terebinthi in nigro purpureum, racemosum, succosum, & uinosum. Ebulus humilis minorque est, herbaceo generi propius accedens, quadran- *Ebuli.* gulo caule, densis geniculis. Folia ex interuallis circa singulos geniculos Amygdalæ similia alæ instar expanduntur, per ambitum ferrata, longiora, graueolentia. Umbellam in summo fert Sambuco similem, flores iidem & fructum. Radice nititur longa, digitali crassitudine.

LOCVS.


Vtrumque genus in opacis, asperisque potissimum locis, & iuxta aquas emicat. Ebulus uero in agris etiam quibusdam prouenit.

TEMPVS.

Parum ante Solstitium æstiuum floret Sambucus. Tardius autem Ebulus, Iunio nimirum & Iulio mensibus. In Augusto uero baccas suas profert.


TEMPERAMENTVM.

Sambucus uterque calefaciendi ac desiccandi facultatem habet, id quod amaritudo, & adstrictio modica abunde monstrant.



SAMBUCUS

Golder.



EBVLVS

Altitich.

F. 3

C

VIREs. EX DIOSCORIDE.

Eadem utrisq; facultas, & par usus, exiccās scilicet, aquā educens, stomacho nocens. Folia olerum modo decocta, pituitam & bilem purgant. Quinetiā teneri caules in olla cocti, eadem præstant. Radix in uino decocta & in cibis data hydropicis auxiliatur. Eodem modo pota uiperarum moribus subuenit. Vuluas emollit & aperit: & quæ circa eas sunt affectiones, decocta cum aqua in fessione corrigit. Fructus cum uino potus eadem efficit. Illitus capillos denigrat. Folia recentia ac tenera cum polenta illita inflammationes mitigant. Ambustis etiam, & canis moribus illita succurrunt. Profunda & quæ in cauernas dehiscunt ulcera agglutinant. Podagricis, cum taurino hircinōue adipe illita, auxiliantur.

EX GALENO.

Utraq; Sambucus, & arborescens & herbacea, exiccandi, conglutinandi, modiceq; digerendi facultatem obtinent. Paulus Aegineta hæc adiicit: Potę & manducatę aquam per aluum educunt.

EX PLINIO.

Vtriusq; decoctū in uino ueteri, foliorū, uel seminis uel radice, ad cyathos binos potum stomacho inutile est, aluo detrahēs aquā. Refrigerat etiam inflammationē, maximē recentis ambusti: & canis morsum cum polenta, mollissimis foliorū illitis. Succus cerebri collectiones, priuatimq; membranæ quæ circa cerebrū est, lenit infusus. Acini eius infirmiores quàm reliqua: tingunt capillū: poti acetabuli mensura, urinam mouent. Foliorū mollissima ex oleo & sale eduntur ad pituitam bilemque detrahendam. Ad omnia efficacior quę minor. Radicis eius in uino decoctæ duo cyathi poti, hydropicos exinaniunt: uuluas emolliunt foliorū decocto insidentū. Caules teneri minoris Sambuci in patinis cocti, aluum soluunt. Resistunt folia serpentū ictibus in uino pota. Podagris cum seuo hircino uehementer profunt cauliculi illiti. Idemq; in aqua macerantur, ut ea sparsa pulices necentur. Foliorū decocto si locus spargatur, muscę necantur. Boa appellatur morbus papularū, cum rubent corpora, Sambuci ramo uerberatur. Cortex interior tritus, ex uino albo potus, aluum soluit. Ebuli fumo fugantur serpētes. Tenerum cum folijs tritum, ex uino potum, calculos pellit, impositum testes sanat.

DE AMMI CAP. XXI.

NOMINA.



AMMI Græcis, Ammi Latinis, Ameos officinis corrupte, Germanis Amey appellari potest.

FORMA.

Ammi caule rotundo & herbaceo cōstat, furculis multis & exiguis: folio oblongo, angusto, per ambitū incisuris diuiso: flore paruo, candido, umbellæ Anethi: semine exiliiori multo quàm Cuminū, gustu Origanū præ se ferente, acris & subamaro: radice candida & multifibra. Esse autem hanc herbam uerum Ammi, seminis in gustu sapor, qui subamarus & acris est, omniū maximē ostendit: talem enim in eo saporē Galenus requirit. Origanū etiam gustu referre uidet. Quibus accedit antiqui & manuscripti herbarij testimoniū, cuius pictura & descriptio satis docent, hanc herbam esse Ammi genuinū. Inter cætera enim semen Ammios piper gustu referre, ideoq; à nonnullis pipericulā dictā esse ait. Id quod certe uerissimum esse cōperies, si semen gustaueris: miram enim huic acrimoniā inesse senties.

LOCVS.

Nusquam in Germania sua sponte nascitur. Satum tamen facile & magna copia prouenit, sic ut deinceps extirpari uix queat.

TEMPVS.

Augusto mense floret, ac deinceps ubi defloruit, semen abundē producit.

TEMPERA-



67

AMMI

Ames.

F 4

C

TEMPERAMENTVM.

Ammi semen in calefaciendo desiccandoq; ex ordine tertio intenso existit.

VIRE S.

EX DIOSCORIDE.

Vis semini excafactoria, feruens & exiccās. Facit ad tormina, urinæ difficultatē, uenenatorū morsus cum uino potum. Menstrua ciet. Miscetur derodentib. ex cantharidibus confectis medicamentis, ut inde exortis urinæ difficultatibus resistat. Sugillata cum melle illitum tollit. Colorem potum & inunctū in pallorem mutat. Suffitum cum uua passa aut resina uulvas purgat.

EX GALENO.

Herbæ quam uocant Ammi, semē maximè est utile. Facultatis est excafactoriæ & desiccatoriæ, tenuiumq; partium. Sed & gustu subamarū est, & acre. Et clarum est quod digerat, & urinam moueat.

EX PLINIO.

Inflationes & tormina discutit. Vrinam & menstrua ciet. Sugillata & oculorum epiphoras mitigat. Cum lini semine scorpionū ictus in uino potum drachmis duabus: priuatimq; cerastrarum cum pari portione myrrhæ. Colorem quoque bibentium similiter mutat in pallorem. Suffitum cum uua passa, aut resina, uulvas purgat. Tradunt facilius concipere eas, quæ odorentur id per coitum.

DE ARO CAP. XXII

NOMINA.

D

Pes uituli.
Serpentaria
minor.



Sacerdotis uis
rile.


PON, ἄριον græcè, Arum & Aris latinè dicitur. Officinæ corrupto, ut solent, uocabulo larum appellāt. Quidam, quod folium effigie bubuli uestigij prodeat, Pedem uituli uocarunt. Alij, quod dracunculū æmuletur, sola magnitudine discrepans, Serpentariā minorem appellant: neq; id sanè temerè. Videtur enim Aron esse Dracunculus minor, cui Dioscorides folia καροσδῆ, hoc est, Hedere similia esse dicit, quæ prorsus Ari sunt, nisi quod paulò sint longiora. Plinius etiam Aro eas facultates tribuit, quas Dioscorides Dracunculo minori. Vt hinc conijci liceat, Arum cum Dracunculo minori miscuisse ueteres. Vulgus, quod pistillum, promit exerti ferè genitalis effigie, Sacerdotis uirile nominat. Id quod & Germani nostri faciunt, qui sua lingua Psaffenpint nuncupant. Aliàs Aron, & ob uehementem acrimoniam, teütschen Ingber uocant.

FORMA.

Obiectionis dis-
solutio.

Folia emittit Dracunculo similia, sed longiora & minus maculata: caulē dodrantalem, purpurascētē, pistilli figura, à quo croci colore fructus exit. Radix illi candida, Dracunculo similis, quæ quod minore acrimonia est, cocta comeditur. Hæ utiq; deliniationes ad amussim, nulla reclamante nota, nostro Aro cōueniunt. Siquidem folia promit Dracunculi, longiora, & pauciorib. maculis respersa, caulem dodrantem altum, in purpuram leniter tendentem. Ante seminis partum, sagaci nature artificio dignum, erumpit inuolucrum & cucullum, quod mucronata in turbinem uaginula pistillum complectitur, & suo fouet sinu. Verum ubi fructu prægnans fatiscit in hiatum, solida pistilli facies dilutiore purpura rutilans emergit, & anfractu penitus tandem patente, primum uiridia, dein crocea spectantur semina, quæ in coronæ modum concinnè contexta, imam eius partem ambiunt. Radicem etiam obtinet albam, ad Dracunculi radicem accedentem, ut pictura graphice monstrat. Neque obstat quod Galenus radicem Ari elixam mandiscribat, nostri autem tam acris sit ut uix gustari ob miras & diutinas, quas in lingua ac palato excitat puncturas, possit, tantum abest ut edendo esse queat. Siquidem Galeno libro secundo de alimentorum facultatib. teste, non parem in omnibus regionibus acrimoniam obtinet, sed in nonnullis minimam, ut Cyrenis. Et Plinio quoque

lib. xix.



ARVM

Pfaffenpint.

c lib. xix. cap. v. teste, in Aegypto Aron nascitur radice mollioris naturæ, quæ etiam cruda editur. In quibusdam, ut Germania nostra, maximam. Verba Galeni paulò post in facultatum cōmemoratione citabimus. Hinc discendū erit, multa nobis in scriptoribus rei herbariæ, primo statim obtutu pugnantiâ uideri, quæ, si ad cœli regionumq; diuersitatē respexerimus, nihil prorsus pugnantiæ aut absurditatis habebunt. Quod nisi diligenter animaduertas, multas genuinas herbas pro adulterinis abijcias necesse erit. His accedit quod Galenus nō simpliciter dicat mandi Ari radicem, sed elixam. Non est autem mirum si acria etiam edendo fiant, si elixentur. Bis enim aut ter in aqua decocta, Galeno lib. ij. de aliment. facul. cap. ultimo teste, acrimonia spoliatur. Porro si ista sciolis quibusdam haud satisfecerint, dicendū planè erit Arum Germaniæ nostræ esse Arisaron, quod gustu, Dioscoride & Galeno autoribus, acrius est. Quamuis ego cum Ruellio, diligentissimo earum rerum inquisitore, Arisaron ab Aro differre haud putem, quod scilicet forma utriusq; eadem sit. Cuius etiam rei fidem facit ipsa nomenclatura, quæ utriusq; retinuit appellationem: duobus tandem uocabulis in unum coalescētibus, dici cœpit Arisaron. Apud ueterrimos enim Aris primum; dein posterioribus, copulatis unâ nominibus, Arisaron confictum est nomen.

LOCVS.

Nascitur in syluis, locis umbrosis, humidis & frigidis.

TEMPVS.

Folia statim in Martio, inter primas herbas ueris exiliunt, in Iunio dispereunt, ita ut haud facilè hoc nomine herba ipsa reperiri queat. Semen Iulio & Augusto mensibus reperitur, primū, ut diximus, uiride, mox croceum.

TEMPERAMENTVM.

D Arum Galenus in calefaciendo & desiccando primi ordinis esse statuit. Et locus est de Aro qui non uehementi acrimonia pollet. Nostrum haud dubiè in tertio ordine calidum & siccum est, ob multam, qua præditum est, acrimoniam.

VIRE.

EX DIOSCORIDE.

Radix, semē, & folia Ari easdem Dracunculo uires habent. Radix priuatim cum fimo bubulo illita podagricis prodest. Dracunculi more reponitur. In totū, ob miorem eius acrimoniam edendo est.

EX GALENO.

Arum terrena essentia cōstat, sed calida: proinde extergendi facultatē possidet, uerum non ualentē, sicut Dracontiū. Radices eius maximè sunt utiles. Siquidē comestæ crassitiem humorū mediocriter incidunt, adeò ut excreationib. ex pectore idoneæ sint: sed magis tamen aptum est Dracontiū. Et in libro secundo de alimentorū facultatibus sic de Aro scribit: Ari radix rapi modo manditur. Quibusdam autem in regionibus acrior nascitur, ut Dracontio ferè similis sit. Dum rectè parare uoles, prioris decoctionis aqua effusa, repentè in alteram calidam iniicere oportet, ut in Brassica & Lente dictū est. Cyrenis cōtrà quàm in nostra regione planta se habet: nam illic minimū medicamentosi, minimūq; acrimoniæ habet, adeò ut uel rapis utilior reputetur: idcirco radicē quoq; in Italiam cōportant, ut quæ absq; ut putrescat aut regerminet, longo tempore perdurare possit. Perspicuū uero est alendis corporibus hanc accommodatiorē esse. Si quis autem in thorace ac pulmone collectos crassos lentosq; humores extussire studeat, acrior ac medicamentosior magis cōueniet. In aqua elixa estur cum sinapi aut aceto, ex oleo & garo. Quinetiā cum obsonijs, & sale, & ijs quæ caseo cōstant, sumitur. Haud uero obscurū est, succum eius qui in iecur ac uniuersum corpus diffunditur, quo uno animal nutritur, crassiores esse, idq; maximè quum radix, quemadmodū sunt quæ Cyrenis aduehuntur, medica uicauerit. Apud nos nanq; in Asia, plerq; Ari radices acriores sunt, & medicamento, sam iam uim obtinent.

EX PLINIO.

A

EX PLINIO.

Aron miris laudibus extulere Græci, primum in cibis † fœminarum præferen- † aliâs fœminâ.
 tes, quoniam mas dulcior esset, & in coquendo lentior, pectorisq; uitia expurgaret;
 aridum in potione inspersum, aut ecligmate, urinam & menses cieret. Sic & in oxy-
 melite potum, stomacho: interaneis exulceratis ex lacte ouillo bibendum, ad tuf-
 sim in cinere coctum ex oleo dedere. Alij coxere in lacte, ut decoctum biberetur.
 Epiphoris elixum imposuere: item sugillatis, tonsillis. Ex oleo hæmorrhoidum
 uitio infudere, lentigines ex melle illinentes. Laudauit Cleophañtus & pro anti-
 doto contra uenena, pleuriticis, peripneumoniacis quoque & tussientibus. Semen
 intritum cum oleo aut rosaceo infundens, aurium dolori Dieuches. Cleophañtus
 tussientibus aut suspiriosis & orthopnoicis, & purulenta excreantibus, farina per-
 mixtum in pane cocto dedit. Diodotus phthificis è melle ecligmate, & pulmonis ui-
 tijs, ossibus etiam fractis imposuit. Partus omnium animalium extrahit naturæ cir-
 cumlitum. Succus radicis cum melle Attico, oculorum caligines, ac stomachi uitia
 discutit. Tussim decocti ius cum melle. Vlcera omnium generum siue phagedæne
 sint, siue carcinomata, siue serpant, siue polypi in naribus, succus mirè sanat. Folia
 ambustis prosunt ex uino & oleo cocta. Aluum inaniunt ex sale & aceto sumpta.
 Etiam luxatis cocta cum melle prosunt. Item articulis podagricis cum sale, recentia
 uel sicca, Hippocrates ad collectiones cum melle imposuit. Ad menses trahēdos se-
 minis uel radicis drachmæ duæ in uini cyathis duobus sufficiunt. Eadem potio si
 à partu nō purgantur, & secundas trahit. Hippocrates & radicem ipsam apposuit.
 Dicunt & in pestilentia salutarem esse in cibis. Ebrietatem discutit. Serpentes nido-
 re cum crematur, priuatimq; aspides fugat, aut inebriat, ita ut torpentes inuenian-
 tur. Perunctos quoq; Aro ut laureo oleo fugiunt, ideo & contra ictus dari potu in
 uino nigro putant utile. In folijs Ari caseus optimè seruari traditur.

APPENDIX.

Posteriorēs medici Aron discutiendū, extenuandū, extergendūq; facultatem habere tradunt: ideoq; tumoribus aurium, ficubus, strumis, scirrhisq; mederi, faciei de-
 formitatem cutisq; auferre, eius denique radicem in puluerem redactam supercre-
 scentem in uulneribus carnem minuere scribunt. Id autem posse præstare, acrimo-
 nia ipsa uehemens quæ gustu sese exerit, abundè monstrat. Dioscorides etiam Ari-
 faron acrimonia haud exigua præditum scribit, ideoq; illitum nomas sistere, colly-
 riaq; efficacissima ex eo cōtra fistulas fieri. Deniq; radicem cuiuscunq; animalis pu-
 dendo impositam, id corrumpere tradit. Plinius quoq; Arisaron ulceribus mederi
 manantibus, item cōbustis & fistulis, scriptum reliquit. Præterea cōmixtum colly-
 rio nomas sistere ait.

Recetiores quas
 facultates Aro
 tribuant.

DE ARCIO CAP. XXIII

NOMINA.




ΠΡΕΙΟΝ, ἢ πρῶτον, ἢ πρῶτον Græcis, Personatia Latinis dicitur. Offici-
 næ Lappam maiorem, uulgus Bardanam uocat, Germani Großflet-
 ten. Personatia hac quondam ad personas utebātur, quoties in theatris
 alijsue locis qui cognosci à populo nollent, egisse quidpiā uolebant. Est
 enim foliorū eius tanta amplitudo, ut tota humana facies ijs tegi possit: atque hinc
 haud dubiè tam Græci quàm Latini, nomen illi Προσκῆν & Personatiæ indiderūt.

Lappamaior.
 Personatia una
 de dictis.

FORMA.

Personatia folia Cucurbitæ similia habet, maiora tamen, duriora, nigriora & hir-
 futa. Caulem subcandidum, interdum nullum. Radicem grandem, candidā intus,
 foris nigram. Ex qua descriptione nemo nō intelligit, Personatiā esse eam herbam
 quam

Personat. gray all
the stem standing remains
yellow in the autumn



PERSONATIA

Grosflecken.

A quam hodie uulgi Bardanam uocat, quæ folio constat omnium lapparum maxi- *Bardana.*
mo, parte auersa herbido, aduersa cano, caule in purpureo albicante, grandibus lap-
pis, quæ transeuntium uestibus adhærent, in quibus flos purpureus nascitur, non
euidens, sed occultus, intra se germinans, radice grandi, intus candida, foris atra.

LOCVS.

Nascitur ubiq; potissimū circa margines pratorum, & agrorum.

TEMPVS.

Mense Iulio lappas cum floribus suis producit Personatia.

TEMPERAMENTVM.

Digerit simul & desiccatur, sed & adstringit nonnihil.

VIRE.

EX DIOSCORIDE.

Radix Personatiæ drachmæ pondere cum pineis nucibus pota, sanguinē & pu-
rulentia excreantibus auxiliatur. Articulorū quoq; dolores, qui ex membrorū fra-
ctionibus collisionib; sue fiunt, trita & illita sedat. Quinetiam folia uetustis ulceri-
bus utiliter illinuntur.

EX GALENO.

Arcium, quod Prosopida uocāt, cuiusq; folia Cucurbitæ simillima sunt, nisi qua-
tenus tum maiora, tum duriora, discutit simul & desiccatur, sed & adstringit medio-
criter; quamobrem folia eius ueteribus ulceribus mederi possunt.

EX APVLEIO.

Personatiæ herbæ succus cum uino ueteri in potionem datus, omnes morsus ser-
pentium mirificè sanat. Eiusdem folijs cinges febricitantē, & statim febrem mitigat,
caloremq; sanat. Vulnus, etiam si cancer erit, cum aqua decoctionis foliorū eius fo-
ueto: deinde ipsam cum nitro & axungia, cum aceto tere, & in panno inducito &
imponito. Ad canum rabidorū morsus radix cum modico sale trita imponit mor-
B sui, & statim eger liberabitur. Succus foliorum eius cum melle potui datus, urinam
prouocat, & uesciæ dolorem tollit. Puluis seminis eius cum uino optimo per qua-
draginta dies datus, ischiadicos mirabiliter sanat. Folia trita cum albumine oui &
imposita, ambusta mirificè curant.

EX L. COLUMELLA.

Venena uiperæ pellit super scarificationē ferro factam herba Personatia trita &
cum sale imposita. Plus etiam eiusdem radix contusa prodest contra serpentes. Ex
uino bibitur duū denariorum pondere. Strumis radix eius medetur; item cum
axungia operitur folio suo imposita.

DE ASCYRO CAP. XXIIII.

NOMINA.



ΣΚΥΡΟΝ, ἢ ἀσσυροειδὲς græcè, Ascyron latinè nominatur. Officinis igno-
tum. Germanicè Harthōw/id est, durum scenum appellatur. Græci à *Ascyron*
cōtrario, huic herbæ nomen imposuisse uidentur, σκῦρος enim illis aspe- *dictum.*
ritatem significat. Pulchrè igitur ad Græcam appellationem Germani-
ca alludere uidetur.

FORMA.

Hyperici species est Ascyron, magnitudine differens, maioribus ramis, frutico-
sius, puniceo colore rubens. Flores fert luteos, semē Hyperico simile, odore resinæ,
quod cum atteritur digitos ferè cruentat.

LOCVS.

In cultis & asperis locis prouenit.

G

TEMPVS.



ASCYRUM

Barthow.

TEMPVS.

Aestate, potissimum uero Iulio & Augusto mensibus, floret.

TEMPERAMENTVM.

Essentia tenue est, ideoq; calefacit & desiccatur.

VIRES.

EX DIOSCORIDE.

Semen Ascyri potum in hydromelitis heminis duabus, ad ischiadicos prodest dolores: biliosa enim multa excrementa ducit. Sed assidue dari oportet donec conualescant, Præterea illitum ad ambusta conducit.

EX GALENO.

Semen eius purgatoriū. Foliorum uero facultas modicè extergens & desiccans, ut & ambusta sanare credantur. Cæterum in uino austero decocta, uinum ipsum magnorum uulnerym glutinatorium efficiunt.

EX PLINIO.

Vsus feminis ad ischiadicos, potus duabus drachmis in hydromelitis sextario. Aluum soluit, bilem detrahit. Illinitur & ambustis.

DE ANDROSAEMONO CAP. XXV.

NOMINA.



ΑΝΔΡΟΣΑΙΜΟΝ Græcis, Androsæmon pariter Latinis dicitur. Officinis incognitum. Germanis Kunrath/ quasi græcè dicas Thrasibula, nominatur. Dictum Androsæmon, quod aut coma, aut floribus eius tritis, hominis sanguinem referat.

*Androsæmon
unde dicta.*

FORMA.

B Differt ab Hyperico & Ascyro Androsæmon. Frutex est prætenuib. ramis, furculosus, puniceo colore rubentibus uirgis, folijs triplo quadruplòue maioribus quàm Rutæ, quæ contrita sanguineum succum remittunt. Alarum caua habet plura, in summo alarum auium modo pennata expansæ, circa quas flosculi pusilli lutei. Semen in calyce, nigro papaueri simile, ueluti punctis depictum distinctumue. Coma trita resinofum odorem reddit.

LOCVS.

Locis iisdem quibus Ascyron prouenit.

TEMPVS.

Iulio & Augusto mensibus floret.

TEMPERAMENTVM.

Calefacit & desiccatur.

VIRES EX DIOSCORIDE.

Androsæmi semen tritum, potumq; duarum drachmarum pondere, biliosa alui excrementa ducit. Ischiadicis autem potissimum medetur, sed à purgatione aquam sorbere oportet. Herba illita ambusta sanat, & sanguinem compescit.

EX GALENO.

Easdem cum Ascyro facultates obtinet.

EX PLINIO.

Vsus ad purgandam aluum tuxæ cum semine, potèq; matutino, uel à ccena duabus drachmis in aqua mulla, uel uino, uel aqua pura, totius potionis sextario. Trahit bilem, prodest ischiadicis maximè. Sed postera die, capparis radicem resine permixtam deuorare oportet drachmæ pondere, iterumq; quadridui interuallo idem facere. A purgatione autem ipsa robustiores uinum bibere, infirmiores aqua. Imponitur & podagris, & ambustis, & uulneribus, cohibens sanguinem.



ANDROSAEMON

Kunrath.

NOMINA.



ΠΚΕΥΘΟΣ, ἡ ἀρκυθία græcè, Iuniperus latinè uocatur. Officinæ latinam appellationem retinuerunt. Germanicè Weckholder / Kramatber / id est, turdorum baccae uocantur, quod fructibus eius turdi pinguescant.

Iuniperus autem dici uidetur, quod iuniores & nouellos fructus pariat: Iuniperus una de dicta. sola enim ferè arborum foetus suos in biennium prorogat, qui ne maturescunt quidem, nouis superuenientibus.

GENERA.

Iuniperus Dioscoridi duplex est, maior & minor, sola arboris & seminis magnitudine inter se differentes. Minor humilis est, sessilibus in terra ramulis, baccis minoribus, radicibus summo cespite fusis. Maior altius adolescit, & in iustam arboris magnitudinè exurgit, caudice procero, cortice fragili, ligno fuluo, odorato, latioribus ramulis, aculeorum aceruo stipatis, baccis alteri similibus, maioribus tamen.

FORMA.

Vtriusque facies horrida, coma uirent perpetua, spinaq; potius quàm folio, sed herbacea uestiuntur. Cortex illis membranæus, fragilis, nec difficulter fatiscens, materies fulua, quæ si ignibus dicatur, non iniucundū fumum expirat, qui odoris suauitate grassantia pestilentia cōtagia depellit. Ex ea etiam, ut recentiores Græci tradunt, æstiuis temporibus lachryma thuris odorem atque colorem æmulans sudat, quæ caloris officio durata, coëat in gummi. Arabum familia, non sine magna cōfusione nominum, Sandaracham appellat. Officinæ uero Vernicem uocant. Baccas ferunt primum uirentes, deinde per maturitatem nigras, quæ biennio antequam maturescant in ramis pendent. Hinc sunt qui baccas in ijs esse ternas eodem tempore dicant, anni proximè exacti nondum maturas, & tertij ante præsentem iam maturas, tertias nouas & recentes. Cæterum nō desunt qui nostram Iuniperū non genuinam putēt, quod baccae eius ad Dioscoridis magnitudinè, quæ nucis est ponticæ aut fabæ, non accedant. Sed cogitent locum in causa esse cur minores producantur: ut plurimum enim omnia quæ in Germania proueniunt, ijs quæ in Græcia nascuntur minora sunt. Nobis etiam Iuniperi grana aliunde allata uisa sunt, quæ nucis auellanae quantitatem æquabant: ob id ut magnitudinem ac formam eorundem etiam exprimeret pictor, curauimus.

Sandaracha
Arabum.
Vernix.

Obiectionis
dissolutio.

LOCVS.

Amant Iuniperi montes, & maritima loca, in planisq; & cultis nasci recusant.

TEMPVS.

Autumno fructus Iuniperorū decerpuntur, sed ad bimatum prorogati.


TEMPERAMENTVM.

Iuniperus calida & sicca, utrinque tertij ordinis. At fructus similiter quidem calidus est, sed non similiter siccus: uerum in hoc primi fuerit ordinis. Vernix calefacit & exiccat secundo recessu.

VIRES.

EX DIOSCORIDE.

Acris utraque est, calefacit, & urinam mouet. Incensæ suffitu serpentes fugant. Earum fructus, hic quidem fabæ, alius uero nucis ponticæ magnitudine inuenitur, rotundus, odoratus, in mandendo dulcis, & subamarus. Modicè calefacit & adstringit, stomacho utilis. Potus ad uitia thoracis, tusses, inflationes, tormina, & uenenata, prodest. Urinam cit. Conuulsis, ruptis, & uulug strangulationibus confert. Folia acria obtinet Iuniperus, ideoq; tam ipsa quàm eorum succum ex uino contra uiperarum morsus illini & bibi prodest. Cortex præterea crematus & cum aqua illitus, lepras eximit. Ramentum uero ligni deuoratum, interficit.



Baccæ Juniperi maioris.

JUNIPERUS
MINOR.

Weckholder.

A

EX GALENO.

Iuniperi fructus iecur renesq; expurgat, nimirum crassos & glutinosos humores extenuando, eaq; de causa salubribus medicamentis immiscetur. Perexiguum corpori humano alimentum ex eo apponitur. Affatim sumptus hic fructus stomachū mordicat, caputq; calefacit: ex quo illud quandoq; implens, dolore diuexat. Alui excrementa nec retinet, nec propellit. Vrinam ciet mediocriter.

EX PLINIO.

Vtraq; excalfacit & extenuat. Accensa serpentes fugat. Semen stomachi, pectoris, laterisq; doloribus utile. Inflationes languoresq; discutit, tussis concoquit & duritias. Illitū tumores sistit: item aluum, baccis ex uino nigro potis: item uentris tumores illitis. Miscetur & antidotis oxyporis. Vrinam cit. Illinitur & oculis in epiphoris. Datur conuulsis, ruptis, torminibus, uuluis, ischiadicis cum uino albo potum pilulis quaternis, aut decoctis uiginti in uino. Sunt & qui perungant corpus e semine eius in serpentum metu.

VERNICIS VIRES EX RECENTIORIBVS GRAECIS.

Profluentem e naribus sanguinem sistit, si ex candido oui liquore trita temporibus & fronti illinatur. Eadem uomitione ex polline thuris & oui albo excepta suppressit. Item profluentem aluum cum eisdem illita firmat. Stomachum in biliosos uomitus effusum, deuorata in ouo sorbili polenta eius cohibet, cruentamq; alui proluuiem retinet. Destillationes suspendit suffita nidor, arcerq; ne praecipites ad ima decumbant. Pituam quae in stomacho aut intestinis cohit, digerit. Humore etiam coerces, qui pernix a cerebro deuoluitur. Tineas & caetera uentris animalia necat. Vliginosos fistularum sinus indita resiccat. Menstruos continet fluxus. Grauedini suffitus eius auxiliatur. Hiantibus manuum & pedum rimis illitu succurrit. Et in summa Succini pollet uiribus, sed paulo efficacioribus: quae si desit, duplo pondere in uicem substituitur.

DE ALCEA CAP. XXVII

NOMINA.



ALKEA Graecis, Alcea Latinis uocatur. Officinis ignota. Vulgares herbarij & Empirici Simeonis herbam, Germani nostri Sigmarstrant/oder Sigmundswurz/& Hochlechten appellant.

Simeonis
herba.

FORMA.

Syluestris maluae species est Alcea, folia Verbenacae modo secta habens, caules ternos aut quaternos, corticem Cannabi similem obtinentes. Florem exiguum Rosae similem. Radices albas, latas quinque aut sex, cubitales.

LOCVS.

Nascitur in pingui loco, nec sicco.

TEMPVS.

Floret Iulio & Augusto mensibus.


TEMPERAMENTVM.

Ex emplasticorum medicamentorum numero esse Alceam, & folia, quae glutinosum quid ac lentorem quendam pre se ferunt, & radix ipsa quae glutinosa, dulcis, & modice adstringens apparet gustantibus, abunde monstrant. Hinc satis constat Alceam extra omnem insignem tum caliditate, tum frigiditatem siccare, ac plane emplasticorum consistentiam obtinere. Vide Galenum lib. iij. de simpl. medi. facult. cap. iij. & sequenti.

VIRES.

EX DIOSCORIDE.

Alcae radices in uino aut aqua potae, dysentericis & ruptis medentur.



ALCEA

Sigmanstraße.

EX PAVLO.

A Alcea syluestris maluæ genus est. In uino pota dysenterici & rupturis medetur, potissimum ipsius radix.

EX PLINIO.

Vsus radicis Alceæ ex uino uel ex aqua, dysentericis, aluo citæ, ruptis & cōuulsis.

APPENDIX.

Celebratur ad caliginem oculorum ab Empiricis, ita ut non desint qui credant radicem Alceæ è collo suspensam, aciem oculorū supra modū acuere, & tueri posse.

DE ADIANTO CAP. XXVIII.

NOMINA.



ADIANTON, ἡ πολυτρίχον, ἡ καλίτρίχον, ἡ ἐβρότρίχον græcè: Adiantum, Polytrichum, Callitrichum, Cincinnalis, Terre capillus, & Supercilium terre latinè appellatur. Officinæ hodie Capillum Veneris uocant, quo etiam

Capillus Veneris.

nomine appellari Latinis Apuleius testatur. Germani *Swawenhar* / uel *Junct Swawenhar*. Adiantum nomen ab euentu accepit, quod folium eius per-
fufum aqua ἡ σταίνεται, id est, non madeat, sicco semper simile, ut autor est Theo-
phrastus libro septimo de Plantarum historia, cap. xiiij. Id quod minimè intel-
ligendum erit de mersione longiore in aqua: nam diutius mersum ac irrigatum, æ-
què ac aliæ herbæ madescit. Quare rectius de imbre descendente è cœlo, cuius stil-
licidium folijs eius non insidet, ut testis est in Theriacis Nicander, accipiendū ue-
nit. Vel, quod magis arridet, ab interioribus puteorū parietibus, & fontium margi-
nibus quas coronat, dictum est Adiantum, quod nimirum quasi sitiens illorum

Adiantum unde dictum.

B aquas, quas tamen odit & respuit, quærat. Polytrichon autem quasi multicomum, quod capillos multos ac densos faciat, eiusq; defluuia expleat. Callitrichon uero quasi pulchricomū, quod capillos tingat, pulchrioresq; reddat. Nec alia ratione capillus Veneris hæc herba dicta est, quàm à speciosis reddendis capillis: nec alio nomine Veneris uox adiecta est, quàm quod hæc pulchricoma pingat. Hinc patet maximus pharmacopolarū nostri temporis error, qui sub tribus nominibus, unā & eandem duntaxat herbā significantibus, tres diuersas herbas designatas esse putant. Aliam enim Polytrichum, aliam Callitrichū, quam tamen corrupto uocabulo Gallitrichū uocant: aliam etiam Capillum Veneris esse herbam existimant. Quales autem herbæ sint, Polytrichum, & Gallitrichum illis nominata, suis locis ostendemus.

Polytrichon.

Callitrichon.

Capillus Veneris cur dicta.

Pharmacopolarum error.


FORMA.

Folia albicantia Coriandro similia habet, in summo incisuris diuisa. Caules ex quibus nascuntur prodeunt, nigros, admodum tenues, dodrantes, nitentesq;. Neq; florem, neq; semen creat. Folijs uero Coriandri iam quidem erumpentis, uel paulò antea enati, necdum caulescentis, quæ quidem in infima eius parte quodammodo lata sunt, & in extremitatibus incisa, constare Adiantum sciendum erit. Ex qua nimirū descriptione manifestissimū est, eam herbam qua ferè omnes Officinæ pro Capillo Veneris utuntur, & quam nos à muris in quibus prouenit, Germanicè *Mairrauten* / & *Steinrauten* uocamus, non esse uerum Capillum Veneris, aut Adiantum: caules siquidem eius non sunt nigri, sed uirides: neque admodum tenues, sed pro herbæ quantitate crassi: neque splendentes. In summa, neque figura, neque magnitudo, neq; color, nec natales etiam respondent, quia in siccis & soli expositis muris nascitur, in humidis contrà Adiantum.

Ruta muraria non est Adiantum.

LOCVS.

Locis opacis, palustribusq;, & humentibus muris, & prope fontes nascitur. In Germania



ADIANTVM

Frawenhar.

A Germania tamen nostra, quod sciam, non prouenit: copiose autem in Narbonensi Gallia, & Italia.

TEMPVS.

Aestate uiret, bruma non marcescit.

TEMPERAMENTVM.

Adiantum in caliditate quidem & frigiditate symmetrum est, uerum desiccatur.

VIRES. EX DIOSCORIDE.

Decoctum eius herbe potum, asthmaticis, difficultate spirandi laborantibus, ictericis, lienosis, & urinæ difficultatibus auxiliatur. Calculos conterit, & aluum cohibet. Venenatorum moribus, & stomachi fluxionibus cum uino potum prodest. Menses cit & secundas. Sanguinis reiectionem sistit. Cruda herba ad uenenatorum morsus illinit. Alopecias capillis explet. Strumas dissipat. Furfures & achores cum lixiuio exterit. Cum ladano, myrthino & fusino, aut hyssopo & uino, capillos defluentes continet. Decoctum eius cum lixiuio & uino abstergit. Gallinaceos & coturnices cibis eorum additum pugnaciores facit. Seritur & magna utilitate circa ouilia.

EX GALENO.

Extenuat Adiantum & discutit. Alopecias capillis uestit, strumas & abscessus digerit, lapidesque frangit epotum. Viscosorum crassorumque ex thorace pulmoneque excreationibus non mediocriter confert, & uentris fluxiones sistit.

EX PLINIO.

Vide infra caput de Trichomane.

DE VITE VINIFERA CAP. XXIX.

NOMINA.



ΜΠΕΛΟΣ οἰνοφόρος καὶ ἡμεῖς ὅτι græcè, Vitis uinifera & satiuua seu culta latine appellatur. Germanicè Weinreb. Vitis autem, quod inuitetur ad tuas pariendas, dicta esse primo uidetur.

Vitis unde dicta.

GENERA.

Innumera uitium reperiuntur genera, quæ singula persequi superuacaneum esse uidetur. Si quis tamen illa disquirere desiderat, rei rusticæ scriptores, Pliniumque libro xiii. naturalis historię, qui diligentissime de his scripsit, legat.

FORMA.

Vitis caduca est, & nisi sit fulta, fertur ad terram. A radice eius caudex unus contortus exit, qui in ramos frequentes scinditur. Multiplici cortice cingitur, rimoso, flagellis longè lateque uagantibus, quibus se quasi suis manibus erigit, & quicquid nacta est complectitur. Sarmentis, folijs latis, & in extremitatibus incisis, lasciuiantibus. Floribus fructum ambientibus lanugineis. Vua compluribus acinis aceruata, qui interdum purpureo, nonnunquam roseo, aliquando uiridi colore fulgent. Seminibus tunica clausis.

LOCVS.

Passim & in multis Germaniæ nostræ regionibus nascitur: & uix hortum inuenies in quo non proueniat.

TEMPVS.

Floret solstitio uitis, autumnus autem uuas maturas profert.

TEMPERAMENTVM.

Omniū partium uitis temperamentum ex facultatum enarratione patefcet. Vua tamen immaturæ & acerbæ frigida & sicca sunt; maturæ uero calidæ & humidæ in primo gradu, autore quidem Simeone Sethi.

VIRES



VITIS VINIFERA

Weinreb.

VIRE. EX DIOSCORIDE.

A Vitis uiniferæ folia capreoliq; trita & illita capitis dolores, stomachiq; inflamma- Folia & Capreoli.
 tiones & ardorem cum polenta mitigant. Folia etiam per se imposita, utpote quæ
 refrigerant & adstringunt. Succus ex ipsis potus dysentericis, sanguinem expuen-
 tibus, stomachicis, & citta laborantibus mulieribus prodest. Madefacti in aqua ca-
 preoli & poti, eadem efficiunt. Lachryma uero eius quæ ueluti gummi in caudici- Lachryma.
 bus cōcrefcit, pota cum uino calculos pellit. Illita lichenas, scabies & lepras sanat.
 Oportet tamen locum antea nitro cōfricasse. Eadem cum oleo frequenter inuncta,
 pilos denudat: potissimum ichor, aquosusue humor, qui ex incensis uiridibus sar-
 mentis exudat. Hic etiam myrmecias inunctus eiicit. Cinis sarmentorū & uinaceo-
 rum circa sedem quæ antea ablata amputatæue sunt condylomata & thymia, cum
 aceto illitus sanat. Confert luxatis & uiperarū morsibus. Lienis inflammationibus
 cum rosaceo & ruta, & aceto illitus. Vua recens quæuis aluum turbat, & stomachū Vua.
 inflat. Minus horum particeps quæ aliquādiu decerpta pependit, quod in ea co-
 pia humoris exaruerit. Stomacho accōmodata est, appetentiāq; cibi excitat, & im-
 becillis cōuenit. Quæ autem in uinaceis, aut uinario uase seruatae sunt, ori & stoma- Vide Galenū li-
bro ij. de alimen-
torū facul. tripli-
cem hunc seruā-
darum uuarum
modum expli-
cantem.
 cho gratæ sunt. Aluum sistunt, uesicam tamen & caput tentant. Profunt sanguinē
 excreantibus. Similes ijs sunt quæ in mustum cōiectæ sunt. Quæ uero sapa aut mu-
 sto cōditæ, stomachum magis infestant. Reponunt & cœlesti cum aqua prius pas-
 sæ factæ, minusq; uinosæ fiunt, siticulosis, ardentibus & longis febribus utiles. Vi-
 nacei earum reconditi, inflammatis, duris, turgentibusq; mammis cum sale illinun-
 tur. Vinaceorū decoctum dysentericis, cœliacis, & fluxui muliebri infusum cōfert.
 Ad infessiones quoq; ac clysteres assumitur. Nuclei acinorum adstringunt, stoma-
 cho grati. Tosti autē & triti & pro farina illiti, dysentericis, cœliacis & stomacho re-
 solutis profunt. Vua autem passa alba magis t̄ extenuat. Caro illarum comesta, ar- Serapion legit,
adstringit.
B teriæ, tussi, renibus ac uesicæ confert. Estur in dysenteria per se cum nucleis. Admi-
 xta milij & hordei farinæ & ouo, ac cum melle frixa, & per se etiam sumpta, atque
 cum pipere cōmanducata, ad capitis pituitam purgandam ualet. Testium inflam-
 mationes sedat, cum fabarum & cumini farina illita. Epinyctidas, carbunculos, fa-
 uos, & in articulis putredines & gangrænas, sine nucleis trita, & cum ruta imposi-
 ta, sanat. Podagræ cum opopanace illita auxiliatur. Mobiles ungues illita celeriter
 adimit. Vini facultates tu ipse ex Dioscoride, Galeno, & Plinio pete: superuaca-
 neum enim, imò tedio plenum esset eas in uniuersum omnes cōmemorare.

EX GALENO.

Vitis fatiuae & culte adsimilis facultas est syluestri, sed ad omnia imbecillior. Vi-
 tis uero syluestris racemi, extergendi uim obtinēt, ut ephelæ & nauos, & id genus
 quæcunq; in cutis superficie fiunt, curare possint. Habent uero & adstrictionem
 quandam ipsi, & extrema germina, quæ & sale condiri assolent. Plura de uuis ha-
 bet idem Galenus lib. ij. de aliment. facul. cap. de uuis.

EX SIMEONE SETHI.

Vuæ plus nutriunt reliquis oporis, minus tamē ficis: neq; mali succi sunt, si ma-
 turæ fuerint exquisitè. Tamen his nō robusta, nec densa, sed laxa & flaccida caro gi-
 gnitur. Maximum quidem harum bonum, ait Galenus, quod celeriter subeunt,
 atque ideo si retineantur, lædunt: nec enim tunc probè cōcoquuntur, sed crudum
 gignunt humorem, qui non facilè in sanguinē transmutetur. Nuculorum natura,
 sicca & quodāmodo adstringens est. Pertranseunt igitur omnia intestina, non alte-
 rati. Pensiles uero uuæ, neq; sistunt uentrem, neque proritant, cæteris autem faci-
 lius cōcoquuntur. Neq; uuarum parua est in dulcedine, & austeritate, & aciditate
 differentia. Dulces quidem calidiorem habent succum, austeræ uero & acidæ frigi-
 dum Aluum subducūt dulces, & maximè quando humidæ fuerint. Omnium itaq;
 tutissimus usus est quādo carnosæ fuerint & maturæ, & mediocriter quis ipsas assu-
 mat.

mat. Vuæ quæ albæ sunt, magis subducunt aluum quàm nigræ. Omnes uero ciborum appetentiã excitant, & uenerem. Conuenit cum eduntur membranã & nucleos expuere, quod difficulter cõficiantur. Quæ immaturæ sunt, uentrem sistunt, & stomacho bonæ. Caliditatem à flaua bile ortam sedant. Minus uero nutriunt. Oportet autem nō solum uuas, sed etiam omnes fructus molli cortice præditos humidos, ante reliquos cibos apponere.

DE ACONITO CAP. XXX.

NOMINA.

*Aconitum cur
dictum.*



KONITON Græcis, Aconitum Latinis dicitur. Sic autem Theophrasto lib. ix. de Plantarū historia teste, non ἀπὸ τῶν ἀκονίων, id est, à cautibus, sed ab Aronis Periadynorū pago, ad Heracliam Ponti sito, uocatum est. Alij quod uis eadem in mōrtem esset, quæ cotibus ad ferri aciem detrahendam, statimq; admota uelocitas sentiretur. Sunt qui aliam ob causam, quam referre minimè necessarium duco, sic nominatum fuisse existiment.

GENERA.

Pardalianches. Duo Aconiti sunt genera: unum Græcis Pardalianches dictum, quod pardie occidentur. Vocatur etiam Scorpionum, quod radicē Scorpioni similem habeat. *Scorpionum.* Vulgus herbariorū Vuam uersam, & uulpinā, Germani *Wolfsbeer* / & *Dolwurz* nominant. *Vua uersa.* Alterum Lycoctonon Græcis dicitur, quoniam deuoratum lupos confestim interficit. *Lycoctonon.* Vulgus Lupariam, Germani *Wolfswurz* appellant. *Luparia.*

FORMA.

*Pardalianches
descriptio.*

Pardalianches folia habet tria aut quatuor Cyclamino uel syluestri Cucumeri similia, minora tamē, & subaspera. Caulem dodrantalem. Radicem scorpionis caudæ similem, alabastrī modo nitentem. Ex hac descriptione omnibus liquidò apparet, herbam eam quam Vuam uersam aliqui nominant, cuiusq; hic picturam exhibemus, primum esse Aconiti genus: habet enim tria aut quatuor folia, eaq; Cyclamini specie. Caulem palmi altitudine, & radicem incuruam, scorpionum caudæ similem, alabastrīq; modo splendentē. Quibus etiam accedit quod manuscriptus & uetustissimus herbarius planissimè eam herbā quam hic damus pro Aconito pingat. Germanica etiam nomenclatura satis indicat hanc herbam ob suam facultatē perniciosam esse Aconiti speciem. *Lycoctonon.* Lycoctonon Platani folia habet, magis tamen incisa diuisaue, longiora & nigriora. Caulem ueluti Filix, cubiti altitudine, aut maiorē: pediculum glabrum. Semen in siliquis aliquatenus longis. Radices cirris marinarum squillarum similes, nigras. Vnde iterum constat Lupariam uulgò appellatam, esse alteram Aconiti speciem: ea enim folia Platani, quæ Cici aut Vitis folijs similia sunt, multas habentia diuisuras, obtinet. Caulem Filici similem, pediculū glabrum. Florem oblongum, luteum, post quem longæ proueniunt siliquæ, in quibus est semen. Radices etiam nigras, ut nemo subinde quin uerum sit Aconitum dubitare possit.

Luparia.

LOCVS.

Primum Aconiti genus passim in nemoribus & collibus quibusdam nascitur: alterum autem in montium uallibus altissimis. Magna autem illius copia est circa montem haud ultra unum lapidem à Tubinga situm, quem Germanica uoce *Sarrenberg* nominant.

TEMPVS.

Aconiti primum genus Maio mense potissimum erumpit, Alterum autem æstate, Iunio & Iulio mensibus floret.

TEMPERAMENTVM.

Erosione & putrefactione enecant Aconita, ideo toto genere letalia sunt.

VIRES



Solam spes e à veteribus nō descripta


ACONITUM
PARDALIANCHES

*Toto Celo errat qui herbā frigidā annuunt
Aconito calidissimā plantā ut
sunt dīa septira uenā*

Solwurtz.

Cruc. Crut.

*Cruc. der ist gewißlich die Lippen
ist zu machē Angina doloribus neder
Inqum etia folijs eumq. nymit —*



ACONITVM
LYCOCTONON

Wolffswurtz.



VIRES EX DIOSCORIDE.

A Ferunt Aconiti primi radicem scorpioni admotam eum resolvere, & è diuerso admoto elleboro excitari. Ocularibus medicamentis dolorem tollentibus miscetur. Enecat pardos, fues, lupos, & feras omnes, carnibus impositum & obiectum. Alterius radice ad luporum uenationes utuntur. Insertæ carnibus crudis, & à lupis deuoratae, eos enecant.

EX GALENO.

Aconitum Pardalianches putrefaciendi facultatem obtinet & letale est, itaq; in cibo potuq; fugiendum: attamen ad putrefaciendū colliquandūue quædam extra corpus, aut circa sedem, idoneum est. Herbæ uero radix ad hæc utilis est. Alterum similem priori facultatem habet, sed peculiariter lupos, sicut illud pardos, interficere consuevit.

EX PLINIO.

Constat omnium uenenorū ocysimum esse Aconitum, & tactis quoq; genitalibus scemini sexus animalium, eodem die inferre mortem. Hoc tamē in usus humanæ salutis uertēre, scorpionū ictibus aduersari experiendo aconitum datum in uino calido. Ea est natura ut hominē occidat, nisi inuenerit quod in homine perimat: cum eo solo colluctatur, uelut pari intus inuento. Sola hæc pugna est cum uenenū in uiscerib. repererit: mirumq; exitialia per se ambo cum fuerint, duo uenena in homine cōmoriuntur, ut homo supersit. Imò uerò etiam ferarum remedia antiqui prodiderunt, demonstrando quomodo uenenata quoque ipsa sanarentur. Torpescūt scorpiones Aconiti tactu, stupentq; pallentes, & uinci se confitentur. Auxiliatur eis elleborum album, tactu resolvente: ceditq; aconitum duobus malis, suo & omnium. Tangūt carnes aconito, necantq; gustatu earum pantheras, ob id quidam Pardalianches appellauere.

Legendum enim τὴν αὐτὴν ἐν τοῖς σωμασίν, & non τὴν αὐτὴν τῷ σώματι, ut habet exemplar Aldinum: stipulantibus huic lectio ni Aëtio, Paulo, & antiquo interprete latino.

DE ARISTOLOCHIA CAP. XXXI

NOMINA.



ARISTOLOCHIA Græcis, Aristolochia Latinis, barbaris & officinis corrupta uoce Aristologia, quemadmodū etiam Germanis Holwurz / & Osterlucy nominatur. Dicta autem est Aristolochia, quod ἀρίστη τῶν λοχῶν, id est, optima puerperis sit, utpote quæ remoratos menses, hærentes secundas, & reliquias omnes à partu expellat.

Aristolochia unde dicta.

GENERA.

Aristolochiæ Dioscorides & alij Græci tria esse genera statuunt. Vna est que rotunda & scemina dicitur. Altera longa & mascula. Tertia Clematitis, quasi dicas sarmentaria, appellatur. Harum certè nullam præter longam officinæ Germaniæ nostræ agnoscunt. Nam qua sub Aristolochiæ rotundæ nomine utuntur herba, minimè genuina est, ut paulò post euidentissimis argumentis ostendemus. Plinius tribus ijs generibus addit quartum, ac Pistolochiā uocat, quæ certè ea est quam nostræ officinæ Aristolochiam rotundam, & Germani unde Holwurz falso appellant, ut in eius descriptione fusiùs docebimus.

Germaniæ officinæ solam longam Aristolochiā agnoscunt.

Pistolochia quæ.

FORMA.

Aristolochia rotunda folia Hederæ similia habet, cum acrimonia odorata, subrotunda, tenera, cum multis in una radice germinibus: sarmenta illi sunt oblonga, flores candidi, pileolis similes, in quibus quod rubet grauiter odoratū est. Radix illius rotunda, rapo similis. Ex ijs quidem uerbis sole clarius fit Aristolochiā rotundam officinarum, & qua cōmuniter omnes utuntur, non esse eam quam Dioscorides atque alij ueteres pingunt. Hæc enim non Hederæ folia, sed Rutæ potius, maiora tamen habere deprehenditur. Neque etiam odorata, neq; subrotunda sunt. Grauis

Aristolochia rotunda.



ARISTOLOCHIA
ROTVNDA

Pang holwurtt.



PISTOLOCHIA

Runde holwurtz.

Radix rotunda & solida.

c etiam qui ex floribus exhalat odor, in nostræ Aristolochiæ floribus nusquam apparet. Radix denique etsi rotunda sit, tamen quia concava est, globiq; formam obtinet, rapo, quod solidum est & oblongum, similis dici non potest. Non latet tamen interdum etiam reperiri eius generis radices prorsus rotundas ac solidas, ut altera pictura monstrat: uerū cum reliquæ Dioscoridis notæ absint, legitima Aristolochia esse haud potest. His accedit, quod manuscripti herbarij pictura planè hanc Aristolochiā Hederae folia habere doceat, ut hinc etiam euidentissimū sit nostram nō esse genuinā. Aristolochia longa, folia quàm rotunda longiora habet. Ramulos tenues, altitudine dodrantales. Florē purpureū, grauiter odoratū, qui cum defloruerit pyro similis sit. Radicē digiti crassitudine dodrantalē, aut longiorē. Tam huius uero quàm prioris radix colore buxæ, gustu amara, & odore uiroso est. Hæc sanè descriptio non abhorret à nostra Aristolochia, quæ Hederae etiam folijs cōstat, ramulisq; tenuibus. Nec obstat quod hæc non purpureos, sed luteos potius flores habeat: nam ut in Symphyto magno uberius dicemus, non ubiq; terrarum, earundem etiam herbarum flores similes esse, euidentissimū sit in Boragine, & Consolida maiore hodie nominatis herbis. Quamuis autem lutei sint, grauiter tamen odoratos esse constat. Dein ubi flos nostræ etiam Aristolochiæ defloruerit, tum pyro similis sit, ut pictura etiam pulchrè monstrat. Sed hic obtrudet nobis quispiam Dioscoridem, qui Gentianæ radicem Aristolochiæ longè similem, crassamq; esse scribit: huius autem nostræ nedum digiti crassitudinē obtinet, tantum abest, ut quantitate Gentianæ radici similis esse queat. Respondeo, hæc quidem uera esse, sed nihil mirum esse si apud nos minor reperiatur: uariatur enim in una etiam & eadem herba iuxta regiones diuersas radicū magnitudo. Sic uisa est nobis radix Aristolochiæ rotundè multò quàm sit maximus digitus maior & crassior. Hæc tamē in Italia pro uenerat. Nec dubiū est quin nostræ etiam radix maior futura sit ubi cultus, & terra apta admodum accesserit. Nam ut Theophrastus lib. i. de histo. plant. cap. v. auctor est, quædam ob culturam diuersa efficiuntur, atque à sua natura discedunt. Sic Malua in altum se attollit, & arborescit, atq; in longitudine & crassitudine instar hastæ grandescit. Quid multa: cum nostra maxima etiam prædita sit amaritudine, tutò illa pro uera & genuina, nihil obstantibus floribus luteis, & radice minima, uti licebit. Clematidis ramulos habet tenues, folijs subrotundis, minori Semperuiuo similibus, plenos: flores Rutæ haud dissimiles. Radices longiores, tenues, corticem crassum habentes, & odoratum. Pistolochia à Plinio lib. xxv. cap. viij. ijs pingitur uerbis: Est & quæ Pistolochia uocatur, quarti generis, tenuior quàm tertia, densis radicis capillamentis, iunci plenioris crassitudine. Hanc quidam Polyrrhizon cognominant. Ex ijs autem uerbis nemo nō intelligit, Aristolochiam rotundam uulgò uocatam, esse Pistolochiam: hæc enim supra modum tenuis, uel ut apertius dicam, tenera herba est. Radix etiam multis capillamentis uestita, crassioris etiam iunci magnitudine, atq; eadeo concava, ut pictura monstrat. His accedit, quod hæc quæ rotunda uocatur cauis ulceribus prodest, quam etiam facultatem Pistolochiæ, ut paulò post patebit, Plinius tribuit. Et quid multis opus est uerbis: nomē ipsum abundè docet esse Pistolochiam: creditur enim, quamuis reuera non sit, esse Aristolochia hodie quoq; haud secus quàm Plinij temporib. Hæc, ut totam eius faciem teneas, caulem habet rotundum, leuem, folia Rutæ hortensis, latiora tamen, flores ferè Eranthemī, purpureos: illa candidos, ut pictura quæ utrosque unā complectitur, pulchrè monstrat, quibus abeuntibus, siliquas profert refertas semine atro, lentibus haud dissimili: radices, ut ostensum est, hæc rotundam & cauam, illa uerò rotundam, at omni tempore solidam obtinet, colore subcroceam.

L O C V S.

Vera rotunda, quod sciam, nusquā in Germania nostra nascitur. Longa passim in uineis, ac hortis alijs prouenit. Pistolochia in syluis & locis umbrosis.

T E M P V S.

TEMPVS.

A Longa Iunio & Iulio mensibus floret. Pistolochia in Martio & Aprili, quo præterito statim etiam disperit.

TEMPERAMENTVM.

Cum supra modum amaræ & subacres sint Aristolochiæ, calidas & siccas esse in secundo, uel, quod magis credibile est, in tertio ordine rectè statuemus.

VIRES.

EX DIOSCORIDE.

Rotunda contra alia uenena ualet. Longa uero drachmæ unius pondere cum uino pota & illita, duersus serpentes & letalia. Menfes, secundas & foetus omnes in utero consistentes cum myrrha & pipere pota pellit. In pello subdita eadem potest. Rotunda ad eadem omnia ad quæ prædicta conducit: ampliusq; asthmati, singultui, rigori, lieni, ruptis, cōuulsis, laterisq; doloribus ex frigida aqua pota auxiliatur. Surculos & spicula extrahit. Squamas ossium illita educit. Putrescentia excarificat, & sordida ulcera expurgat. Caua cum Iride & melle explet. Exterit gingiuas & dentes. Creditur & Clematidis ad eadem prodesse, efficacia tamen prædictis minor inferiorq; est.

EX GALENO.

Aristolochiæ radix ad medicationes utilissima est, amara & subacris. Sed ex illis tenuissima est rotunda, & in omnibus efficacior. Aliarum uero duarum Clematidis uocata magis odorata est: itaque ea ad unguenta utuntur unguentarij: sed ad sanationes infirmior. Longa uero minus quidem tenuis est quàm rotunda, sed nec ipsa inefficax, uerum abstergerendi & calefaciendi facultatem possidet, minus tamen quàm rotunda abstergit atque digerit: sed non minus calefacit, imò fortassis etiam plus. Itaque in quibus usus est mediocriter abstergere, cōmodior est longa, quemadmodum in carnis exulcerationibus, & in uteri fomentationibus. In quibus autem crassum humorem ualidius extenuare oportet, illic usus est rotundæ. Quapropter dolores ab obstructione aut crassitie crudorum flatuum natos magis curat rotunda, & surculos extrahit, & putredines sanat, & sordida ulcera repurgat, ac dentes gingiuasq; candidas efficit. Auxilio est asthmaticis, singultientibus, comitialibus, podagricis cum aqua frigida pota. Ruptis etiam conuulsisq; ut si quod aliud medicamentum, idonea est.

EX PLINIO.

Valent radice tantum. Rotunda contra serpentes. Oblonga in summa tamen gloria est etiam modo. A conceptu admota uuluis in carne bubula, mares figurat, ut traditur. Quæ Pistolochia & Polyrhizos cognominat, cōuulsis, contusis, ex alto præcipitatis, radice pota ex aqua, utilissima esse tradit. Semine pleuríticos & neruos confirmare, excalfacere. Putrida ulcera exest, sordida expurgat, uermesq; extrahit Aristolochia. Clauos in ulceribus natos, & infixæ corporis omnia, præcipue sagittas, & ossa fracta, cum resina. Caua ulcera explet per se, & cum Iride: recētia uulnēra ex aceto.

APPENDIX.

Et si nostram Aristolochiā rotundam nō genuinam esse dixerimus, tamen ob id in medico usu non repudianda erit. Quum enim habeat & in folijs & in radice acrimoniam, eamq; non leuem quidem, si genuina desit, sine omni discrimine illa uti licebit ad omnia ea ad quæ uera usurpatur.



VITIS ALBA

Stickwurz.

NOMINA.



ΜΡΕΛΟΣ λευκή, ἢ Βρυονία, ἢ Ψιλοθρόν græcè: Vitis alba, Psilothrum latine appellatur. Officinis & herbarijs Bryonia. Vulgus Viticellam nominat. Germanicè Strickwurz/Schießwurz/Kaswurzgel/Hunds türbs/Römischrüb/Wilder zitwan/Teüfelstirß uocatur. Vitis alba uero dicta, non quod uitis sit, sed quod uiti similis existat. Sic etiam Viticella. Psilothrū, quod ex eius acinis coria depilari ac cōfici possint. Bryonia uero à βρύω fortè, quod est pullulo atque adeo extollo, & exalto, eò quod in adiacentes sibi frutices scandens se exaltet atq; latè pullulet.

Bryonia.

vitis alba cur dicta.

psilothrum

unde.

Bryonia.

FORMA.

Sarmenta, folia, capreoli, satiuæ uiti similia sunt, hirsutiora tamen omnia. Propinquis fruticibus se implicat capreolis apprehendens. Fructum habet racemosum, rubentem, quo coria depilant. Radix alba, crassa & magna.

LOCVS.

Passim in sepibus & senticetis nascitur, eosq; quos prope se nanciscitur frutices scandit, ut eleganter in carmine suo Columella cecinit, dicens:

*Quæq; tuas audax imitatur Nysæ uiteis,
Nec metuit senteis: nam uepribus improba surgens
Achrados, indomitas bryonias alligat ulmos.*

TEMPVS.

Floret tota æstate in bonam usq; partem autumnī, in quo fructum producit, qui primum uiridis est, dein ubi maturitatem consecutus fuerit, rufus esse incipit.

TEMPERAMENTVM.

Prima germina subamaram & modicè acrem adstrictionem habent. Radix autem desiccata & moderatè calefacit.

VIRE.

EX DIOSCORIDE.

Bryoniæ in prima germinatione asparagi elixi manduntur, urinam & aluum cientes. Folia, fructus & radix, acrem uim habent: capropter chironijs, gangrænicis, phagedænicis, & tibias putrefacientibus ulceribus cum sale illita auxiliantur. Radix abstergit corpus & erugat. Vitia faciei, uaros, lentigines, & cicatrices nigras, cum eruo, terra chia, & scenogræco emendat. Ad eadem prodest decocta in oleo usquedum liquecat. Sugillata tollit, & digitorū pterygia compescit. Cum uino illita inflammationes discutit, & abscessus rumpit. Ossa extrahit, trita & illita. Miscetur aptè medicamentis quæ exedendo sunt. Bibitur comitialibus drachmæ pondere quotidie per annum. Attonitis & uertigine laborantibus consimiliter assumpta prodest. Cōtra uiperarum ictus pota drachmis duabus prodest. Fœtus necat. Mentem aliquando subtrubatur. Cit urinam pota. Eclegma ex ea fit cum melle, quod præfocatione oppressis, tussientibus, latera dolentibus, & ruptis datur. Apposita utero, fœtus & secundas trahit. Lienem trium obolorum pondere ex aceto triginta diebus pota consumit. Illinitur utiliter cum fico ad eadem. Ad infessus decoquitur: uulvas siquidem purgat, & abortum facit. Vere ex radice eius exprimitur succus, bibiturq; cum aqua mulsæ ad eadem, pituitam ducens. Fructus eius ad pforas & lepras illitus & inunctus facit. Lactis abundantiam efficit succus eius fructus, si cum tritico decocto sorbeatur.

EX GALENO.

Vitis albæ, quam etiam Bryoniā uocant, prima quidē germina ab omnibus pro more per uer eduntur, utpote eduliū stomacho eò quod adstringat grātū. Habent etiam amaram & modicè acrem adstrictionē, quare urinā moderatè mouent. Radix autem abstergentem nonnullam, desiccantem & tenuium partium, ac moderatè ca-

rate calidam uim obtinet, quamobrē & lienes induratos liquefacit tum epota, tum foris cum ficibus imposita. Psoram etiam ac lepram sanat. Racemosus eius fructus pelles tingentibus utilis est.

EX PLINIO.

Bryoniae asparagi decocti in cibo aluum & urinam cient. Folia & caules exulcerant corpus: utique ulcerum phagedænis, & gangrænis, tibiærumq; tædio cum sale illinuntur. Semen in uua raris acinis dependet, succo rubente postea croci. Nouere id qui coria perficiunt: illo enim utuntur. Psoris & lepris illinitur. Lactis abundantiam facit coctum cum tritico, potumq;. Radix numerosis utilitatibus nobilis: contra serpentium ictus trita drachmis duabus bibitur. Vicia cutis in facie, uarosq; & lentigines, & sugillata emendat, & cicatrices. Eademq; præstat decocta in oleo. Datur & comitialibus potus. Item mente cōmotis, & uertigine laborantibus, drachmæ pondere quotidie anno toto. Et ipsa autem largior aliquanto, purgat sensus. Illa uis prædara, quod ossa infracta extrahit in aqua imposita, ut Bryonia: quare quidam hanc albam Bryoniam uocant. Suppurationes incipientes discutit, ueteres maturat & purgat. Cit menses & urinam. Eclegma ex ea fit suspiriosis, & cōtra lateris dolores, uulsis, ruptis. Splenem ternis obolis pota triginta diebus cōsumit. Illinitur eadem cum fico & pterygijs digitorum. Ex uino secundas foeminarum apposita trahit: & pituitam, drachma pota ex aqua mulsa. Succus radicis colligi debet ante feminis maturitatem: qui illitus per se & cum eruo, latiore quodam colore, & cutis teneritate mangonizat corpora: serpētes fugat. Tunditur ipsa radix cum pingui fico, erugatq; corpus, si statim bina stadia ambulentur. Aliàs urit, nisi frigida abluat.

DE AMPELOMELAENA CAP. XXXIII.

NOMINA.

D
Vitis nigra unde
dicta.



ΜΠΕΛΟΣ μέλαινα Græcis, Vitis nigra Latinis nominatur. Officinis in cognita. Germanis Waldreben/oder Lynen/oder Lenen uocat. Nigra uero uitis dicta est à radice nigra, & quod uitis similitudinē obtineat.

FORMA.

Folia Hederæ similia habet, magis tamen ad Smilacis folia accedentia, cui & caules similes obtinet: maiora tamen eius folia quàm illius sunt. Clauiculis hæc etiam arbores amplectitur. Semen racemosum, initio herbaceum, cum maturuit deinde nigrum. Radicem foris nigram, intus buxei coloris. Ex qua deliniatione omnibus cōstat herbam hanc cuius picturā exhibemus, esse uitem nigram. Folijs enim Hæderæ, maioribus tamen, Smilaci proximioribus, caulibus quoq; cognatis. Clauiculis suis arbores perinde atque adminicula comprehendit. Semen racematim coheret, inter principia uirens, post maturitatem nigrescens. Radix foris atra, intus buxeo colore nitet. Flores eius, quod omisit Dioscorides, sunt candidi, & odorati, quibus decidentibus semen subnascitur plumis quasi uestitum, aut barbæ canæ effigiem præbens.

LOCVS.

In frutetis & dumetis potissimum nascitur.

TEMPVS.


Floret Iulio mense, Augusto uero semen profert.

TEMPERAMENTVM.

Idem quod uitis alba temperamentum habet.

VIRES EX DIOSCORIDE.

Huius caules in prima germinatione olerum modo manduntur, urinæ & menses ducendis utiles. Idem lienes minuunt. Comitialibus, uertiginosis, & resolutis accommodati sunt. Radix eadem præstat quæ uitis albæ, minus efficax tamen. Folia cum



VITIS NIGRA

Lynch.

cilia cum uino illita ad iumentorum ceruices exulceratas conducunt. Quinetiam luxatis eodem modo imponuntur.

EX GALENO.

Viti albæ ad omnia similis, nisi quod imbecillior.

EX PLINIO.

Asparagi eius in cibo urinæ ciendæ, leniçq; minuendo utiles. Radix ossa infracta efficacius extrahit quàm suprâ dicta. Cæterum eidem peculiare est, quod iumento rum ceruicibus unicè medetur. Aiunt si quis in uilla extruxerit, fugere accipitres, tutasq; fieri aues uillaticas. Aliter eadem in iumento homineq; flegma aut sanguinem qui sreatur, talos circumligata sanat.

DE AMARANTO CAP. XXXIII

NOMINA.



MAPANTOS Grecis, Amarantus Latinis dicitur. Medicis & herbarijs nostræ ætatis ex amore & anthos dictionem cõponi credentibus, Flos amoris uocatur. Hanc appellationem usurpantes Germani, *Gloramor* nominant, aliàs *Samatblüm* / & *Tausentschön* appellatur. Amarantus autem non alio nomine dici ccepit, quàm quod flos eius nunquam marcescat. Hinc est quod puellæ hyemales sibi corollas ex eo cõficiant; id quod Erfordiæ, ubi non solum æstate, uerumetiam hyeme gestant coronas, fieri potissimū solet.

GENERA.

Duplex est Amarantus: unus luteus, qui Dioscoridi *ἐλίχρυσον*, Galeno *Amarantus*, officinis & imperitis *Stichas citrina*, uel ut ipsi loquuntur, *Sticados citrinum*, Germanis *Rheinblümen* / quod in regionibus quæ Rheno adiacent, potissimum uero quæ intra Spiram & Vuormaciam sunt, proueniat: oder *Wortenblüm* / oder *Jüngling* appellatur. *Helichryson* dictum, quod ad solis percussum comantib. in orbem florum folijs, fulgorem auri præ se ferat. Alter purpureus, qui hodie Flos amoris uulgò, & Germanis *Gloramor* / oder *Samatblüm* uocatur, ut paulò antè a nobis dictum est.

FORMA.

Amarantus luteus. Amarantus luteus qui *Helichryson* alio nomine dicitur, uirgam habet tenuem, uirentem, rectam, solidamq;. Folia angusta ex interuallis, Abrotono similia. Coma orbicularem, auri modo fulgentem. Umbellam rotundam, ueluti corymbos are-scentes. Radicem tenuem. Ex qua descriptione planum fit eam herbam quam hodie officinæ solocissimo utentes *Stichada citrinam* nominant, esse *Helichryson*. Est enim herba surculosa, exilibus ramulis, folio ut *Hyssopus angusto*, gustu amaro, & instar *Abrotoni albicante*; coma orbiculari, auri modo splendente; umbella rotunda ueluti corymbos are-scentes; radice gracili. Et ut paucis dicam, non est nota quæ illi non aptissimè quadret. Purpureus uero pedali altitudine surgit, caule pur-purascete, folijs *Ocymo* similibus, maioribus tamen & longioribus, spica purpu-rea, uerius quàm flore, inodora, qua nihil gratius aspectu cernitur.

LOCVS.

Nascitur in asperis, sabulosis, siccis & conuallibus locis luteus. Alter autem in hortis & fictilibus feritur.

TEMPVS.

Helichrysum Iunio & Iulio mensibus floret. Amarantus uerò purpureus æstate, potissimū autem Augusto mense.

TEMPERAMENTVM.

Luteus calidus & siccus haud dubiè est, id quod amaritudo in gustu & facultates eius abundè demonstrant. Purpureus autem recentiorum herbariorū sententia frigidus est & siccus.

VIRES.



AMARANTVS
LVTEVS.

Rheinblumen.



AMARANTVS
PURPUREVS

Samatblum.
Nolk fleur
Tasse de boux -

VIRES EX DIOSCORIDE.

Coma Helichrysi cum uino pota difficultatibus urinæ, serpentium ictibus, coxendicum doloribus, & ruptis auxiliatur. Menses ducit, & sanguinis grumos in uesica aut aluo cum oxymelite pota liquefacit. Destillationem trium obolorum pondere cum uino diluto albo ieuno data compescit. Reponitur etiam cum uestibus, quas ab erosione integras seruat. Vnde iterum colligere licebit, herbam quam Rheinblumen uocant, esse Helichrysum, quod illam hac facultate ut uestes à tineis tueatur præditam esse, omnibus in confesso est.

EX GALENO.

Amarantus, luteus nempe, facultatis est incidentis & extenuantis. Quapropter coma eius cum uino pota menses educit, & sanguinis grumos liquare creditur, non solum in uentre, sed & in uesica. Sed tunc potius illam cum mulso bibere conuenit. Omnes uero simpliciter fluxiones pota desiccant, stomacho tamen aduersa.

EX PLINIO.

Heliochrysum ciet urinas è uino pota, & menses. Duritias & inflammationes discutit. Ambustis cum melle imponitur. Contra serpentium ictus & lumborum uitia bibitur. Sanguinem cōcretum uentris ac uesicæ absumit cum mulso. Folia eius trium obolorum pondere sistunt profluvia mulierum in uino albo. Vestes tuetur odore non ineleganti.

APPENDIX.

Recentiores purpureum Amarantum uehementer siccare tradunt, ideoq; cum uino sumptum alui fluxiones sistere scribunt: sed, ut aiunt, stomacho aduersatur. Lutei floribus in uino decoctis, ad lumbricos educendos utuntur: & ad pediculos enecandos in lixiuio coctis.

DE AQUILEGIA CAP. XXXV.

NOMINA.



VAE Aquilegia uulgò ab omnib. appellatur herba, ea Germanis Akeley / Agley / & Ageley nominatur. Quo uero nomine Græcis aut Latinis medicis uocata sit, nobis nondum constare potuit. Non esse enim Græcorum Aegilopa, ut non solum uulgares herbarij, uerum etiam magni nominis medici putant, notius est quàm ut demonstrari à me debeat. Nam nihil in uniuerfa Aegilopis, quæ alterum Auenæ genus est, historia reperitur, quod ad Aquilegiam referri queat. Neque enim tam ab anguilla cancer, quàm Aegilops ab Aquilegia dissidet: ut hoc nomine errare toto cœlo euidentissimū sit, qui Aegilopa esse Aquilegiam arbitrantur.

Aquilegia non est Aegilops.

Aegilops quid.

FORMA.

Folia Chelidoniij maioris habet, sed paulò rotundiora, ac molliora. Caulem cubitalem, & interdum proceriorem, in cuius summo flores purpurei sunt, ex caudis quibusdam ueluti muliebres loculi propendentes. His decidentibus capitula subnascuntur, haud secus atque in melanthio, in quibus semen atrum est. Radix eius crassa.

LOCVS.


Nascitur passim in hortis, & pinguibus quibusdā pratis. Inuenitur etiam in montibus syluosis, & interdum in petris & muris.

TEMPVS.

Maior & Iunior mensibus floret.

TEMPERAMENTVM.

In gustu dulcedinem quandam præ se ferre uidetur, ut hoc nomine mediocriter



AQVILEGIA

McKeley.

A calidam esse, ac modicè digerendi uim habere uerisimile sit.

VIREs.

EX RECENTIORIBVS.

Recentiores omnes, tum herbarij, tum medici, Aquilegiæ omnes Aegilopis facultates tribuunt, at quàm rectè ipsi uiderint. Neque enim uerisimile est herbe quæ subacris non est, tantam discutiendi inesse facultatem posse. Quum uero modicè digeratur & exiccet, scabiei & fistulis, potissimum si illi farina cōmiscetur triticea, conferre potest.

DE ALLIARIA CAP. XXXVI

NOMINA.



ONDVM constat quo nomine ueteribus Græcis & Latinis herba hæc appellata sit. Vulgò tamen, eò quòd trita eius folia ingratum ac planè al- *Alliaria unde dicta.*
liaceum odorem redolent, Alliaris & Alliaria nominatur. Germanicè
Knobloch traunt/oder *Leuchel*/oder *Saßtraut*. Pandectarum autor
Pedem asininum uocat. *Pes asininus.*

FORMA.

Folia eius cum primum emicant subrotunda sunt, uiolæ similitudine, aliquantulum tamen maiora. Adulta autem in angulos exeunt. Herba ipsa bicubitali proceritate confurgit, caule tereti, folijs Vrticæ, nisi quod leuiora sunt, parcius fimbriata, & à pediculo latiora, Allij odoratu cum teruntur, flore lacteo alboue, exili in filiquis semine, atro colore, radice oblonga, eiusdem cum folijs odoris.

LOCVS.

B Passim propter sepes & agrorum margines prouenit.

TEMPVS.


Folia statim primo uere, atque adeò Martio ipso erumpunt. Floret autem æstate, atque deinceps semen profert.

TEMPERAMENTVM.

Quum prorsus suboleat Allium, necesse est ut temperamento eodem prædita sit. Calefacit igitur haud dubiè & desiccatur, non tamen perinde atque Allium in excessu quarto.

VIREs.

Easdem propè Allij facultates habere uel hinc coniici potest, quod nonnulli in iuribus tortiuissq; succis pro Allio substituant. Proinde corpus calefacere, crassos humores in eo extenuare, glutinosos incidere potest. Omnia tamen hæc minori quàm Allium efficacia. Semen eius cum aceto emplastri modo mulieribus strangulatu uteri laborantibus impositum, & uulvæ admotum prodest, ac easdem excitat. Et summatim, omnia quæ Nasturtij semen, sed minori efficacia, potest.



ALLIARIA

Knoblochfraut.

NOMINA.



ΚΑΛΥΦΗ, ἡ κνίδου Græcis, Vrtica Latinis nuncupatur. Officinæ latino nomine utuntur, Germanis *Nessel* appellat. Acalyphe uero dicta est, Athenæo autore, quod iniucundo sit tactu, & pruriginem cieat. Cnide autē, quod uellicet, pungat, ac suo morfu sensum laceſſat, à uerbo *κνίδω*, quod pungere & uellicare ſignificat. Vrtica ab urendo, quod pruritus puſtulasq; igni ſimiles excitet.

Acalyphe una de dicta.
Cnide.

Vrtica.

GENERA.

Dioſcorides duo facit genera. Vnam aſperam, quam hodie Romanam uocant: & eſt ea quam pictam damus. Huius quidem ſemine in officiis utendum, non aliterius quæ paſſim in ſepibus ac dumetis naſcitur. Germanicè *Welschneſſel* appellatur. Alteram minus aſperam, quam ob id mollem nomināt. Hanc nondum uidere potuimus. In Germania noſtra præter hæc genera, alia duo inueniuntur. Vnum maius, quod germanicè *Heyterneſſel* nomināt: alterum minus, germanicè *Brenneſſel*/uel *Haberneſſel*/ quod nimirum in auena naſcatur, appellari ſolet. Harum etiam picturas adijcere placuit, quod non prorsus inefficaces eſſe putemus, quandoquidem haud ſecus atq; Romana pungere uideantur.

Vrtica romana.

Vrtica noſtra maior.

Vrtica minor.

FORMA.

Romana caule eſt rotundo & aſpero, ſylueſterior etiam & aſterior, latior & nigrior folijs, ſemine haud diſſimili in globulis quibuſdam ſemine lini, ſed minore. Altera priori ſimilis eſt, niſi quod non ſimiliter aſpera eſt, tenuiusq; ſemen habet.

LOCVS.

Romana apud nos non niſi ſata prouenit, non ſecus atque mollis uocata urtica. Vulgares paſſim in dumetis ac ſepibus gignuntur.

Romana.

TEMPVS.

Semen meſſibus colligi oportet.

TEMPERAMENTVM.

Subtilium eſt partium, & temperaturæ ſiccæ, non tamen tantum habet caliditatis ut iam mordicet.

VIRES.

EX DIOSCORIDE.

Vtriuſq; folia cum ſale illita canis morſibus, gangrænis, malignis ulceribus, cancris, ſordidisq; luxatis, tuberculis, parotidibus, phygethliſ, & abſceſſib. medentur. Lienofiſ cum cerato imponuntur. Profluuiâ ſanguinis ex naribus cum ſucco trita & impoſita ſiſtunt. Cum myrrha trita & impoſita menſes mouent. Recentia ad- mota uteri procidentias emendant. Semen cum paſſo potum uenerem ſtimulat, & uulvas aperit. Cum melle linctum orthopnœas, pleuritidas, & peripneumoniã iuuat. Ea quæ in thorace ſunt educit. Miſcetur & exedentibus medicamentis. Folia cum conchulis decocta aluum molliunt, urinasq; mouent. Cum ptiſana decocta ea quæ in thorace ſunt educunt. Decoctum foliorum cum exiguo myrrhæ potum menſes elicit. Succus gargariffatus, uuam inflammata reprimit.

EX GALENO.

Herbæ ſemen & folia, nam hæc potiſſimū in uſum adhibentur, digerentis ſunt facultatis, adeò ut tubercula & parotidas ſanent. Sed & quiddam flatuoſum obtinent, quo & uenerem extimulant, maxime ubi cum paſſo ſemen bibitur. Porro quod non uehementer calefaciat, ſed admodum tenuium ſit partium, teſtatur craſſorum uiſcoſorumq; humorum ex thorace & pulmone eductio, tum quod partes quas contigerit pruriant. Cæterum flatuoſum eius, cuius particeps eſſe dicta eſt, dum concoquitur, naſcitur: non enim actū flatuoſa eſt, ſed potentia. Ventrem autem mediocriter ſubducit ipſa duntaxat abſterſione, ac ueluti titillatione, non purgatione



VRTICA
ROMANA

Welschnessel.



URTICA
MAIOR

Hebternessel.



URTICA
MINOR

Biennessel.

A. gatione, Gangrenosa & cancrofa, & in totum quæ exiccari citra mordacitatem postulant, ea conuenienter sanat.

EX PLINIO.

Urtica plurimis scatet remedijs. Semen eius Cicutæ contrarium esse Nicander affirmat. Item fungis, & argento uiuo. Apollodorus & Salamandris cum iure decoctæ testudinis. Item aduersari Hyoscyamo, & serpentibus, & scorpionibus. Quin illa ipsa amaritudo mordax, uuas in ore, procidentesq; uuluas, & infantium sedes, tactu resilire cogit. Lethargicos expergisci tactis cruribus, magisq; fronte. Eadem canis moribus addito sale medetur. Sanguinem trita naribus indita sistit, & magis radice. Carcinomata & sordida ulcera, sale ammixto: item luxata. Sanat & panos, parotidas, carnesq; ab ossibus recedentes. Semen potum cum Sapa, uuluas strangulantes aperit, & profluuia narium sistit impositum. Vomitiones in aqua mulsæ sumptum à coena, faciles præstat, duobus obolis. Vno autem in uino poto, lassitudines recreat. Vuluæ uirgæ tostum, acetabuli mensura. Potum in sapa, resistit stomachi inflationibus. Orthopnoicis prodest cum melle, & thoracem purgat eodem edigmate. Et lateri medetur cum semine lini: addunt Hyssopum & piperis aliquid. Illinitur lieni. Difficilem uentrem tostum cibo emollit. Hippocrates uulvam purgari poto eo pronunciat. Dolore leuari tosto acetabuli mensura dulci poto, & imposito cum succo maluæ. Intestinorum animalia pelli cum hydromelite & sale. Defluuia capitis, semine illito cohonestari. Articularibus morbis & podagricis plurimi cum oleo uetere, aut folia cum ursino adipe trita imponunt. Ad eadem radix tusa cum aceto, non minus utilis. Item lieni. Et cocta in uino discutit panos, cum axungia uetere salsa. Eadem psilothrum exiccat. Condidit laudes eius Pharias phycus, utilissimam cibus coctam conditamue professus arteriæ, tussi, uentris destillationi, stomacho, panis, parotidibus, pernionibus: cum oleo sudorem, coctam cum conchulis ciere aluum, cum ptisana pectus purgare, mulierumq; menses cum sale, ulcera quæ serpunt cohibere. Succus quoque in usu est. Expressus illitusq; fronti sanguinem narium sistit, potus urinam ciet, calculos rumpit. Vuam gargarissatus reprimat. Si quadrupedes foetum non admittant, urtica naturam fricandam monstrant.

DE APHACE CAP. XXXVIII.

NOMINA.



ΦΑΚΗ Græcis, Aphace Latinis, uulgò Syluestris uitia, & Os mundi, Germanis Wildwicken/oder S. Christoffelsstrauch uocatur. Alia est ab Aphaca Theophrasti, quæ syluestrium olerum genus est, de qua suo loco plura dicemus.

FORMA.

Exiguus frutex est, lenticula altior, tenuioribus folijs. Quæ nascuntur in ea siliquæ lente maiores, terna aut quaterna semina nigriora & minora continent.

LOCVS.

In aruis sponte nascitur.

TEMPVS.

Maior mense floret, & subinde semen in siliquis producit.

TEMPERAMENTVM.


Moderati caloris est, ualentius autem desiccatur.

VIRESEX DIOSCORIDE.

Semina adstringendi uim habent, quapropter stomachi & alui fluxiones tosta, fracta, & decocta lentis instar sistunt.

K

EX GALE-



APHACE

Wild wicken.

EX GALENO.

Aphace facultatem obtinet adstrictoriam, sicut & ipsa lenticula. Sed & similiter ut lenticula edi solet; cæterum ægrius quàm illa concoquitur, Aluum retinet.

EX PLINIO.

Natura ei ad spissandum efficacior quàm lenti. Reliquo usu eisdem effectus habet, Stomachi aluiq; fluxiones sistit semen decoctum.

DE ANDRACHNE CAP. XXXIX.

NOMINA.



ΑΝΔΡΑΧΝΗ Græcis, Portulaca Latinis & Officinis, Germanis *Burgeltraut* dicitur, corrupta tamen uoce, cum efferendum esset *Porzeltraut*/ac si porcellorū herbam dicerent. Aliàs *Sawbon* iisdem appellatur.

GENERA.

Portulaca in duas distribuitur species: unam hortensem, & alteram syluestrem, quæ non est tertium Aizoigenus, ut aliqui seducti mendosis Dioscoridis exemplaribus credunt. Nam quod pleriq; nomina harum duarum plantarū cōfuderint, factum subinde est ut multa adulterina, quæ scilicet tertij generis Aizoo debentur, capiti de Portulaca syluestri inserta sint, quæ omnia prorsus expungenda ueniunt, ut paulò post clarius mōstrabimus. Hortensem Germani simpliciter *Burgeltraut*/syluestrem uerò *wild oder acerbürgel* uocant.

FORMA.

Hortensis caules habet crassos, pingues, teretes, in altum erectos, lentè uergentes in puniceū, folia pinguiā, à tergo candida, flores exiguos luteos, semina nigra in herbaceis calycibus cōtenta. Syluestris folia oleæ obtinet, minora tamen multo, numerosiora & tenera, rubentes cauliculos ab una radice multos in terra selsiles, qui cōmanducati succo abundāt, glutinosiq; & sapore falsi sunt. Hæc est genuina apud Dioscoridē Portulacæ deliniatio, reliqua uero omnia sunt adulterina, & ab imperi to aliquo rerū, ex capite de tertio Aizoo excerpta, & huic sine omni iudicio inserta.

LOCVS.

Prouenit in hortorum areolis, uineis, & alijs cultis locis, hortensis. Cæterum syluestris in petrosis & incultis etiam nascitur.

TEMPVS.

Iunio & Iulio potissimū mensib. carpenda folia & flores: semen uerò sequentib.

TEMPERAMENTVM.

Refrigerat utraq; quidem in tertio ordine à temperatis ac medijs, humectat uero in secundo: quare uiribus etiam non distant. Hinc quæ in Dioscoride leguntur non sunt propriæ, sed Aizoi tertij generis, & à sciolo aliquo temerè Portulacæ syluestri attributæ.

VIRES.

EX DIOSCORIDE.

Portulaca uim habet adstrictoriam. Cum polenta illita, capitis doloribus, oculorum inflammationibus, & aliarum partiū, stomachi ardoribus, erysipelatis, & uescæ doloribus auxiliatur. Cōmanducata dentium stuporē, stomachi & intestinorū æstuationem fluxionesq; sedat. Renes erosos & uescicā adiuuat. Veneris impetus exoluit. Pari effectū & succus eius prodest potus, & in febribus etiam ualens. Contra rotundos lumbricos, sanguinis excreationē, dysenterias, hæmorrhoidas, profluvia sanguinis percocta efficax. Contra Sepis morsus. Ocularibus medicamentis utiliter cōmiscetur. Intestinis fluxione laborantibus, aut uulua erosionē affecta infunditur. Contra dolores capitis ex uestione cum rosaceo aut oleo ex alto destillatur. Exanthemata in capite cum uino exterit, Vulneribus ad syderationem spectantib. ex polenta illinitur.



PORTULACA
HORTENSIS

Burgeltrau



PORTULACA
SYLVESTRIS

Wilde burtzel.

C

EX GALENO.


Portulaca frigida & aquea temperamento est, paucae cuiusdam austeritatis particeps. Proinde fluxiones reprimit, maximè biliosas & calidas, cum eo quod eas mutet, & in qualitate alteret, magnopere refrigerans. Hac ratione & æstuentes, ut si quid aliud, adiuuat, tum uentris osculo imposita, tum totis hypochondrijs, potissimum in hecticis febribus. Præterea dentium stuporem sanat, nempe quæ ab acidorum contactu asperè exiccata fuerant, leniens atq; replens, utpote cum uiscosam habeat humiditatem. Similiter uero & succus eius. Itaq; non foris modò impositus, sed epotus quoq; refrigerat. Hoc sanè & toti herbæ comescæ accidit. Quoniam autem adstringit, utiliter dysentericis editur, & in muliebri profluuiò, & sanguinis reiectionibus. Sed ad hæc multò quidem efficacior est herbæ succus.

EX PLINIO.

Portulacæ memorabiles usus traduntur. Sagittarum uenena, & serpentium hæ morrhoidum & presterum restringit, pro cibo sumpta, & plagis imposita extrahit. Item hyoscyamo potò, è passòq; expresso succo. Cum ipsa non est, semen eius simili effectu prodest. Resistit & aquarum uitij, capitis dolori, ulceribusq; in uino tusa & imposita. Reliqua ulcera cum melle cõmanducata sanat. Sic & infantium cerebro imponitur, umbilicoq; prociduo. In epiphoris uero omnium, fronte temporibusq; cum polenta. Sed ipsis oculis, è lacte & melle. Eadem, si procident, prodest, folijs tritis cum corticibus fabæ. Pustulis cum polenta & sale, & aceto ac cera. Et ulcera oris, tumoremq; gingiuarum cõmanducata cruda sedat. Item dentium dolores. Tonsillarum ulcera succus decoctæ. Mobiles dentes stabilit cõmanducata. Cruditates sedat, uocemq; firmat, & sitim arcet. Ceruicis dolores cum Galla & Lini semine pari mensura sedat. Mammarum uitia cum melle aut cimolia creta. Salutaris & suspiriosis, semine cum melle hausto. Stomachum in acetarijs sumpta corroborat. Ardentibus febribus imponitur cum polenta. Et alias manducata refrigerat etiam intestina. Vomitiones sistit. Dysentericæ & uomicis datur ex aceto, uel bibitur cum Cumino. Tenasmi autem cocta, & comitialibus cibo uel potu prodest. Purgationibus mulierum, acetabuli mensura in sapa. Podagris calidis, cum sale illita, & sacro igni. Succus eius potus renes iuuat & uelicas. Ventris animalia pellit. Ad uulnerum dolores, ex oleo cum polenta imponitur. Neruorum duritias emollit. Venerem inhibet, Venerisq; somnia. Pretorij uiri pater est, Hispaniæ princeps, quem scio propter impatibiles uuæ morbos, radicem eius filo suspensam è collo gerere, præterquam in balneis, & ita liberatum incõmodo omni. Quinetiam inueni apud autores, caput inde litum destillationem toto anno non sentire. Oculos tamen hebetare putatur.

DE ASPHODELO CAP. XL

NOMINA.

Affodillus.  ΣΦΟΔΕΛΟΣ Græcis, Asphodelus Latinis, Officinis corrupta uoce Affodillus, Germanis Goldwurz nominatur.

GENERA.

Duo Asphodeli genera.

Albus.

Hesiodus foemine mentionē fecisse uidetur.

Duo esse Asphodeli genera, utcunq; uno contentus sit Dioscorides, testatur Plinius libro xxi. cap. xvij. marem nimirum & foeminam. Mas propriè Albucus nominatur, foemina uerò Hastula regia, quod scilicet dum floret prorsus regij sceptri effigiem referat, Germanicè Goldwurz. Marem depingit Dioscorides, & radicem eius acrem atque adeo cibo inutilem esse tradit. Foeminæ Theophrastus libro vii. de historia plantarum cap. xij. & Hesiodus mentionem facere uidentur, quandoquidem eius usum in cibo quotidianum fuisse scribant. Hoc enim de mare dici haud posse, radicis mirifica acrimonia facit. Galenus etiam libro secundo de ali



ASPHODELVS
FOEMINA

Goldwurz weiblich.

c de aliment. facult. Asphodelon foeminam cognouisse uidetur, dum scribit, Asphodeli radicem Scyllæ radici, magnitudine, figura & amaritudine quadantenus similem esse. Hæc enim de Dioscoridis Asphodelo uerè dici non possunt, cuius quidè radix non Scyllæ, sed Pæoniæ potius similis est. Deniq; non est ut foeminæ amara, sed acris. Neq; obstat quod nostra Hastula regia tantā amaritudinē, quantā ei Galenus tribuit, non habeat. Nam neq; ea quam Hesiodus suo carmine tantopere celebravit, tanta prædita fuit amaritudine; aliàs enim citra cocturā multam, cuius tamē ille non meminit, cibo quotidiano idonea esse non potuisset. Et certè ut Aron non in omnibus regionib. parem acrimoniā obtinet, ita nec Hastula regia parem amaritudinem omnibus in locis fortitur. Adeò ut dubium non sit Hesiodum de nostra Asphodelo, quæ foemina est, loquutū esse. De femina autem loquutū esse Hesiodū, cōfirmat quod alibi tradat in syluis nasci Asphodelū. Quod certè de ea quam foeminam fecimus, rectè dici potest, quando raro alibi quàm in syluis nascatur. Sententiā nostram firmare uidetur Apuleius ille, qui in libro suo de herbis inscripto, seorsim & Asphodelum, & Hastulam regiam describit.

FORMA.

Asphodelus mas. Asphodelus mas folia habet Porro maiori similia. Caulem leuem in summo florē ferentē, Anthericū uocatum. Radices sublongas, rotundas, glandibus similes, gustu acres. Nos marem hac uice habere nō potuimus. *Fœmina.* Foemina folia habet oblonga, angusta, leuiter lenta, Plantagini minori non dissimilia: caulem leuem, in summo non unum, sed plures flores pingues retrorsum incuruos, plenos puniceis maculis, radicem itidem bulbosam, capillis Allij instar multis sub bulbo enascentibus, comatam, gustuq; glutinosam.

D

LOCVS.

Mas non prouenit in Germania nisi in hortis culta & plantata. Foemina uero in montibus & syluis sua sponte ac copiose nascitur.

TEMPVS.

Iunio mense florent.

TEMPERAMENTVM.

Maris radix calida & sicca est. Foemine folia cum amara nō nihil sint & acria, itidem calida & sicca esse, quemadmodū etiam radicem, constat.

VIRE S. EX DIOSCORIDE.

Radices Albuci uim calefaciendi obtinent, urinas & menses potæ mouent. Lateris doloribus, tussibus, cōuulsionibus, ruptionibus, drachmæ pondere ex uino potē medentur. Cōmanducata astragali mensura uomitiones adiuuat. A serpente demorsis datur utiliter triū drachmarū pondere. Illinire autē oportet morsus folijs, radice, & floribus cum uino. Item ulcera sordida, & depascentia. Mammarū quoq; & testium inflammationes, tubercula & furunculos, decocta in uini fæce radice: ad recentes autē inflammationes cum polenta. Radicis succus, adiecto uetere uino dulci, myrrha & croco simul decoctis, perquam utile fit oculis medicamentū. Ad purulentas aures per se, & cum thure, melle, uino & myrrha tepesfactus prodest. In contrariam aurem per se infusus dentium dolorē mitigat. Cinis ē radice cremata illitus, alopecias capillis explet. Oleum in excauatis radicibus igni decoctum, illitum exulceratis pernionibus, & ambustis igni conducit. Dolori aurium instillatus auxiliatur. Candidam uutiliginem linteo antea perfrictam in sole, illita radix emendat. Semen & flores in uino poti, scolopendræ & scorpionum uenenis egregiè aduersantur. Aluum quoque deijciunt.

EX GALENO.

Asphodeli radix utilis est, perinde atq; Ari, Afari & Dracontij. Extergētis siquidem &

A dem & discutientis facultatis. Vltæ tamen cinis calidior, & exiccantior, magis tenuium partium, & ad discutiendum potentior efficitur, propterea & alopecias sanat. Inest itaq; ei extenuandi facultas, atq; obstructa demoliendi, ueluti etiam Dracontio. Ideoq; ipsius coliculus arquatis tanquam summum præsidium exhibetur.

EX PLINIO.

Defectis corporib. & phthisicis constat bulbos eius cum ptisana decoctos aptissimè mederi, panemq; ex his cum farina subactum saluberrimum esse. Nicander et contra serpentes & scorpiones, uel caulem uel semen, uel bulbos dedit in uino tribus drachmis: subtrauitq; somno contra hos metus. Datur & cōtra uenenata marina, & contra scolopendras terrestres. Folia quoq; illinuntur uenenatorū uulneribus ex uino. Bulbi neruis articulisq; cum polenta tusi illinuntur. Prodest & concisis ex aceto lichenas fricare. Item ulceribus putrescentib. ex aqua imponere. Mammarum quoq; & testium inflammationib. Decocti in fæce uini, oculorū epiphoris supposito linteolo medentur. Folij in quocunq; morbo decoctis magis medici uentur. Item ad tetra tiliarum ulcera, rimasq; corporū quacunq; in parte, farina arefactorū. Succus quoq; ex tuis expressus, aut decoctus, utilis fit corporis dolori cum melle. Idem odorē corporis iucundū affectantibus, cum Iri arida & sale exiguo. Folia etiam supradictis medentur, & strumis, panis, ulceribus in facie, decocta cum uino. Cinis è radice alopecias emendat, & rimas pedum. Decoctæ radicis in oleo succus, perniones & ambusta. Et ad grauitatem aurium infunditur. A contraria aure in dolore dentium. Prodest & urinæ pota modicè radix, & menstruis, & lateris doloribus. Item ruptis, conuulsis, tussibus, drachmæ pondere in uino pota. Eadem & uomitiones adiuuat cōmanducata. Semine sumpto turbatur uenter. Chrysermus & Parotidas in uino decocta radice curauit. Item strumas, admixta cachry ex uino.

B Quidam aiunt, si imposita radice pars eius in fumo suspendatur, & quarta die soluat, una cum radice arefcere strumam. Sophocles ad podagras utroq; modo, cocta crudaq; usus est. Ad perniones decoctā ex oleo dedit, & suffusis felle in uino, & hydropicis. Venerem quoq; concitari cum uino & melle perunctis, aut bibentibus, tradiderunt. Xenocrates & lichenas & psoras, radice in aceto cocta tolli dicit. Item si cocta sit cum hyoscyamo & pice liquida, alarum quoq; & feminum uitia. Et capillum crispiorē fieri, raso prius capite, si radice ea fricetur. Lapides renum in uino decocta atq; pota eximit. Hippocrates semen eius ad impetus lienis dari censet. Iumentorū quoq; ulcera ac scabiem, radix illita, aut decoctę succus ad pilum reducit.

APPENDIX.

Animaduertendū facultates à Dioscoride & Galeno cōmemoratas, Albuco seu Asphodelo mari conuenire, huius enim radix gustu acris est. Quæ uero à Plinio recensentur, hæ partim mari, partim fœminæ debentur. Fœminę, cuius radix & folia glutinosa & amara sunt, ulcera glutinandi, scabiem, rimasq; corporum, & si quæ similes sunt facultates conueniunt, quas periti methodi simplicium medicamentorū facile discernent. Experientia etiam quotidiana testatur, huius usum esse in ulceribus malignis salutarem. Quæ autem mari sint tribuendæ, ex Dioscoride, Galeno,

& gustu quiuis deprehendere poterit. Nos in transcurso tantum parum attentos monere uoluimus, ne indiscriminatim & promiscuè utriq; generi has facultates inesse putarent.



ATRIPLEX
HORTENSIS

Solten.



ATRIPLEX
SYLVESTRIS

Wild molten.

C

NOMINA.

Atraphaxis
quare dicta.



Chrysolachan
non.

ΤΡΑΦΑΞΙΣ, ἢ χρυσολάχανον Græcis, Atriplex Latinis & Officinis, Germanis *Molten* oder *Miltten* nominat. Atraphaxis Atticis d literam in t mutare frequenter amantibus, dicta est, quod ἄδπως αὐξῆται, id est, statim in amplitudinē adolescat. Siquidem octauo à satudie profilit, confestimq; incremento proficere uidetur. Fidem celeris augmēti facit ereptum in confinio ceteris herbis alimentum. Ac ne in hortis quidem iuxta eam nasci quicquam tradūt, nisi languidum. Chrysolachanon uerò, id est, aureum olus dixerunt, à luteo quem profert flore.

GENERA.

Duo Atriplicis sunt genera, satiuua seu hortensis, & syluestris. Satiuam simpliciter Germani *Molten* / syluestrem uerò cum adiectione aliqua, *Wild molten* / oder *Ackermolten* / oder *Klein scheissmilten* nominant.

FORMA.

Atriplex hortensis.

Syluestris.

Hortensis caulem fundit quadratum, ramis brachiatum, quibus primum flores lutei exigui, dein foliatum semen & obductum cortice promitur. Radicem unam habet in altum descendentem, non glabram, sed fibris quibusdam capillatā. Syluestris tam luxuriosa proceritate prodit, ut quaternos sæpe cubitos excedat: caule ut hortensis anguloso, ramoso, & purpurascente: folio hortensi non admodum dissimili, potissimum quod ad colorem attinet: flore luteo exiguo, semine race matim congesto, radice simplici in altum descendente, ex qua se multæ promunt.

LOCVS.

Hortensis non nisi fata prouenit, Syluestris sua sponte nascitur. Vtraque autem assiduo humore satiari amat.

TEMPVS.

Vtraque Iunio & Iulio mensibus floret, deinde semen proferunt.

TEMPERAMENTVM.

Atriplex humida in secundo ordine, frigida autem in primo. Hortensis tamen syluestri humidior frigidiorq; existit.

VIRE. EX DIOSCORIDE.

Estur olerum modo elixum. Aluum mollit. Crudum uel coctum illitum panos discutit. Semen eius potum cum aqua mulsa morbum regium sanat.

EX GALENO.

Atriplex celeriter, ob lubricitatē, uentrem permeat. Parum autem omnino eius est, quod digerendi obtinet facultatem. Phlegmonis & phygethliis quidē incipientibus, crescentibus, & mollibus adhuc, ac ueluti feruentibus, hortensis; uigentibus uero, declinantibus, & indurescentibus cōmodior est syluestris. Semen eius abstergentis est facultatis, proinde ad morbum regium ex iecoris obstructione prognatum utilis est.

EX PLINIO.

Coquit difficillimē. Addidere Dionysius & Diocles, plurimos gigni ex eo morbos, nec nisi mutata sæpius aqua coquendum: stomacho cōtrarium esse, lentigines & papulas gignere. Hippocrates uuluarū uitrijs id infundī cum Beta. Lycus Neapolitanus cōtra cantharidas bibendū dedit. Panos, furunculos incipientes, duritias omnes, uel cocto uel crudo illini utiliter putant. Itē ignem sacrum, cum melle, aceto, nitroq;. Similiter podagris. Vngues scabros detrahare dicitur sine ulcere. Sunt qui morbo regio dent semen eius cum melle, arterias & tonsillas nitro addito perfricent, aluum moueant, cocto aut per se, aut cum malua, aut lenticula concitantes uomitiones, Syluestri capillos tingunt, & ad supradicta utuntur medicina.


EX SYMEO-



ATRACTYLIS
MITIOR

Wilder feldsaffran.

L



ATRACTYLIS
HIRSUTIOR.

Cardobenedict.

EX SYMEONE SETHI.

Ventrem quidem cit, prodest ad caliditatem iecoris, ac ictericis, & calidam temperaturam habentibus succurrit. Cōmodissima autem biliosis. Cum malua illita, inflammationes sedat.

DE ATRACTYLIDE CAP. XLII

NOMINA.



ΤΡΑΚΤΥΛΙΣ, ἡ λωὴ καὶ ἄγρια Græcis: Atractylis, Cnicus syluester Latinis dicitur. Atractylis autem ideo dicta, quod ea antiquæ mulieres pro fuso utebantur: ἄτρακτος enim fusus est Græcis, Syluestris uero Cnicus, quia Cnico urbano similis est.

Atractylis unde dicta.
Syluestris cnicus.

GENERA.

Syluestris Cnici seu Atractylidis, Plinio lib. xxi. cap. xv. & Theophrasto libro vi. cap. iij. autoribus, lux sunt species. Vna mitior, & Cnico satiuo similior. Hanc propriè Græci Atractylida, Latini uero fusum agrestem, aut colum rusticam, quod eius caule rigido admodū & exili, ueteres mulieres pro colu, ut dictum est, utebantur, nominabant. Sunt qui Cartamū syluestrem appellant. Germanicè itaq; uocetur wilder feldsaffran/ ut hac ratione discernatur à Cnico, quem aliqui Cartamū, & Crocum hortensem nomināt. Altera hirsutior, caules & folia Soncho nō asperæ similia habens, quæ Officinis omnibus & uulgo Carduus benedictus nuncupatur. Germanicè Cardobenedict/ Bornwurtz/ oder gesegneter distel uocatur.

Atractylis propriè dicta.

Cartamus syluestris.

Carduus benedictus.

FORMA.

Spina est Cnico similis, in summo autem uirgularū folia multò longiora habēs, caulem magna ex parte nudū, asperumq; quo etiam mulieres pro fuso utuntur. Capitula in cacumine aculeata, florē pallidū, radicē tenuem, inutilem. Ex qua sanè descriptione omnib. perspicuū esse putamus, spinā quam pictā exhibemus esse Atractylida, quod Cnico satiuo similis admodū sit, & in cacumine uirgularū folia quā Cnicus longiora habeat, caulem deniq; magna ex parte nudū, autumnī potissimū tempore, quo folia sua sponte decidūt, & minimè leuē, sed asperū striatūq; obtineat. Idem etiam rigidus & exilis est, ut fusi usum præbere queat. Summitati quoq; eius capitula insident spinosa, flos illi pallidus, radix tenuis: & in summa, nulla est nota quæ huic non respondeat. Carduum autem benedictum uulgò nominatum esse alteram Atractylidis speciem, ex Theophrasti & Plinij uerbis ostendi potest: hirsutus enim est, caulibus Soncheis, humi ferè reptantibus: propter sui enim mollitiem ueluti sessilis caducusq; solo procumbit, semine minuto, frequenti, amaro, & pilis barbato, quod molli lanugine operitur. Flos ei pallidus luteusue.

Atractylis propriè dicta.

Carduus benedictus.

LOCVS.

Mitior Atractylis in aruis & montibus, hirsutior autem in hortis iam passim prouenit.

TEMPVS.

Prior Augusto mense apparet, eius tamen semen ante autumnum non maturefcit. Posterior citius nascitur, eius tamen semen serò etiam ad maturitatē peruenit.

TEMPERAMENTVM.


Gustu cum amaræ sint spinæ hæ, euidentissimū est calido & sicco temperamento esse præditas, id quod ex earundem etiam facultatibus colligi potest.

VIRE. EX DIOSCORIDE.

Atractylidis folia, coma & semen trita cum pipere uinoq; pota, contra scorpionū ictus profunt. Sunt qui dicant à scorpionibus percussos quandiu teneant eam herbam, non sentire dolorem, deposita uero, dolore affici.

EX GALENO.

Atractylis aut Cnicus syluestris. Hæc planta ex spinarū est genere. Facultatē habet desiccandi, & modicè digerendi.



ANGELICA
SATIVA.

Garn angelick.



ANGELICA
SYLVESTRIS.

Wild angelic.

Prima spina in sanandis ulceribus & fistulis diuturnis efficacissima est. Altera quam Cardum benedictum uocāt, obstructions interiorū uiscerum tollit, urinā mouet, calculum frangit, ulcera, potissimū pulmonis, sanat. Percussis à feris uenenis medetur. Negant etiā pestis experiri contagia, qui aut cum cibo, uel potu prae sumpserit. Iam quoq; correptis magno fore remedio sibi uulgi persuasit. Ex quibus etiam omnibus fit perspicuū, easdem quas ueteres Atractyli tribuerūt, utranq; spinam habere facultates. Item herbam quam Cardum benedictum uocant, contra serpentum & scorpionū morsus ualere omnibus in confesso est: quam sanè facultatem cum Atractyli etiam assignet Dioscorides, cōsequitur ab eadem diuersam nō esse. Recentiores Cardum benedictum cōtra capitis uehementissimos dolores, uertiginem, memoriā amissā, in cibo aut potu sumptum ualere tradunt. Item ad putrescentia ulcera, mammarum potissimū, si in puluerem redactus inspergatur.

DE ANGELICA CAP. XLIII.

NOMINA.

Angelica nō est
Smyrnion, neq;
Silphion.



Sancti spiritus
radix cur dicta.

VNQVID ueteribus cognita fuerit hæc herba, & quo nomine appellata sit, nondū scire licuit. Neq; enim Smyrnion est, quod scilicet umbellam Anethi & semen rotundum, aliāq; multa quæ descriptio requirit, nō habet. Silphion etiam esse haud poterit, quod folia Apij habere minimè deprehendatur. Recentiores autem uno ore omnes Angelicam, & Sancti spiritus radicem, à suauissimo eius radice odore, quem spirat: aut ab immensa contra uena facultate, appellant. Germanis Angelick/oder des Heiligen geysts wurz/oder der Brustwurz uocatur.

GENERA.

Hortensis.
Syluestris.

Duo eius herbæ inueniuntur genera. Vna enim mitior est, cuius quidem radix ualde odorata, à Germanis sam Angelick nominatur. Altera syluestris, eius radix suaui odore restituitur, & à Germanis wilde Angelick nominatur.

FORMA.

Caulem profert duūm cubitorum, cōcauum: folia oblonga, per ambitum serrata, subnigra: flores in purpura candidos, semen latum, foliaceum: radicem crassam & multam, foris nigricantem, intus candidam.

LOCVS.

Mitior in hortis plantata prouenit, & in montosis etiam nonnullis locis, perinde atque syluestris.

TEMPVS.

Iulio & Augusto mensibus floret.

TEMPERAMENTVM.

Calefacientem & desiccatoriam uim in tertio ordine ei assignant herbarij recentiores.

VIRES.

Aperit, extenuat, discutit, ut recentiores perhibent. Vnicè uenenis aduersatur. Pestilentia populatim scuiantis arcet cōtagia. Corpora à lue pestifera uindicat, si tantū, ut affirmāt, in ore teneatur. Per hyemem ciceris magnitudinē cum uino, per æstatē ex stillatio rosarū liquore sumpsisse satis est. Nec sensurū eo die contagionē pollicentē, quo quis deuoraret: nam urina & sudore uenenū abigit. Lentitiā pituitæ digerit, quapropter tussi, quam frigus attulerit, medet. Crassa quæ in thorace coierint, discutit. Herba ipsa in uino & aqua cocta uulnera interna glutinat. Cōcretum sanguinē resoluit, stomachū esu corroborat. Cor recreat, Pituitā uentriculi deijcit, fastidia



LOLIVM

Ratten.

L 4

c fastidia ciborum discutit, & elanguescentē inuitat appetentiam. Rabiosi canis mor-
 fu, aut serpentis ictu liberat, si contrita cum ruta & melle folia indantur, dein cocta
 in uino bibantur. Libidinem extinguit ore ieiuno sumpta. Lassi- tudes reficit, tho-
 racem expurgat. Supra febricitantis caput imposita, fertur ad se feruorē elicere. Va-
 lere contra fascinationes adfirmant, si quis eam secum gestarit.

DE AER A CAP. XLIII

NOMINA.

Officinarum
 error.



ἸP A, ἡ ὀνυχοῦ, ἡ ῥιζοῦ Græcis: Lolium Latinis dicitur. Officinæ nōnul-
 læ, non sine magno errore, pro Melanthio seu Nigella utuntur, ut non
 temerè etiam Pseudomelanthion dici queat. Germanis *Katten / oder*
Kornnegele appellatur.

FORMA.

Pseudomelan-
 thion est Lo-
 lium.

Folio constat angusto, Theophrasto lib. viij. de plantarū historia, cap. vij. teste,
 pingui & piloso, flore subpurpureo, semine exili in siliqua hispida, uel ut Plinius
 ait, in cortice aculeato. Ex qua siquidem descriptione satis perspicuum fit omnibus,
 Pseudomelanthion hoc esse Lolium: folia nanq; Porri habet, oblonga, hirsuta, flo-
 rem purpureū, semen in pilosa, longa, angulata, ac per interualla striata siliqua. Et
 ut paucis singula complectar, hordeo, cuius ut reliquarū frugum pestis & uitium
 est, tota effigie non dissimile est.

LOCVS.

Non solum in triticea & hordeacea, sed in omni ferè alia segete per se prouenit.
 Frugum acerba pestis, ideoq; à Vergilio infelix appellatum.

D

TEMPVS.

Iunio mense floret, & subinde semen profert.

TEMPERAMENTVM.

Desiccat & calfacit efficaciter, ut propinquum sit acribus magis quàm Iris: sed
 non est perinde ut illa tenuium partium, uerum multum abest. Secundum hoc po-
 nat ipsum quispiam in principio tertij ordinis excalefacientium, in fine uero secun-
 di exiccantium.

VIREs.

EX DIOSCORIDE.


Lolium molitum nomas, putredines, & gangrenas cum raphanis & sale illitum
 compescit. Feras impetigines, & lepras cum sulphure uiuo & aceto sanat. Strumas
 quoque cum fimo columbino & lini semine in uino decoctum discutit. Quæ ægrè
 maturantur rumpit. Decoctū ex aqua mulsa & illitum, ischiadicis prodest. Si cum
 polenta, aut myrrha, aut croco, aut thure suffitum, conceptiones adiuuat.

EX PLINIO.

Lolium molitum ex aceto coctum impositumq; sanat impetigines, celerius quo
 sæpius mutatum est. Medetur & podagris, alijsq; doloribus cum oxymelite. Cura-
 tio hæc à cæteris differt. Aceti sextario uno dilui mellis uncias duas iustum est: ita
 temperatis sextarijs tribus, decocta farina Lolij sextarijs duobus usque ad crassitu-
 dinem, calidumq; ipsum imponi dolentibus membris. Eadem farina extrahit ossa
 fracta. Magis etiam cæteris purgat ulcera uetera, & gangrenas. Cum raphano &
 sale & aceto lichenas. Lepras cum sulphure uiuo. Et capitis dolores cum adipe an-
 serino imposita fronti. Strumas & panos concoquit cum fimo columbino, & lini
 semine decocta in uino.


APPENDIX.

Iam cōmemoratas facultates huic etiam herbæ, quā Germani *Katten* nomināt,
 recentio-



ASCLEPIAS

Schwalbenwurz.



c recentiores tribuunt. Mirificè enim hanc in sanandis impetiginibus, alijsq; scabiei generibus cōmendant. Item in uulneribus glutinandis, ac fistulis curandis, compescendoq; sanguine, eius esse usum tradunt, ut hinc etiam liqueat hanc ipsam à Lolio non esse diuersam.

EX SYMEONE SETHI.

Vim æqualem Iridi obtinet.

DE ASCLEPIADE CAP. XLV

NOMINA.

Asclepias unde dicta.
Hirundinaria.
Vincetoxicum.



ΣΚΛΗΡΙΑΣ Græcis, Asclepias Latinis, herbarijs Hirundinaria, Officinis Vincetoxicum, Germanis Schwalbenwurz appellatur. Asclepias autem ab Aesculapio antiquo medicinæ autore nominata est. Hirundinaria uerò à filiquis quas producit, quæ dehiscētes plumosum semen ostendunt, atque adeò hirundinis effigiem referūt. Vincetoxicū, uel rectius *νικητοξικον* haud dubiè dicta est, quod illi insignis aduersus uenena uis sit, ut paulò pòst fusius docebimus.

FORMA.

Ramulos profert longos, in quibus folia longa Hederæ similia. Radices numerosas, tenues, odoratas. Flores grauiter olentes. Semē Securidacæ seu Hedyfari. Ex qua deliniatione nemini non perspicuū fit Vincetoxicū appellatā herbā, esse Asclepiada. Fruticosa siquidē herba est, caulem obtinens rotundū, leuem, tenuem, ac ferè iunceū, ramulis longis, folio hederaceo, sed oblongiori, in uiridi nigricante, florib. exiguis, candidis, aut uerius in albo pallescentibus, grauiter odoratis, ex quibus filiquæ oblongæ fiunt, quæ dehiscētes semen plumosum Securidacæ simile, hoc est, D rufum & latum ostendunt, radicibus multis, exiguis, tenuibus, & odoratis, adeò ut nulla sit prorsus nota quæ illi non respondeat aptissimè. His accedunt locus natalis & facultates, quæ singula cum Asclepiade illi communia sunt, quemadmodū ex ijs quæ statim subiiciemus manifestissimum fiet.

LOCVS.

Prouenit in montibus asperis, altis ac arenosis. Copiosissimè autem nascitur in monte haud procul à Tubinga sito, in quo olim arx posita fuisse fertur.

TEMPVS.

Augusto mense floribus abundat, ac subinde femina in folliculis oblongis, formam hirundinis cum dehiscunt referentibus, profert.

TEMPERAMENTVM.

Asclepias, Paulo teste, calida, sicca, & tenuis substantiæ est. Quo sanè temperamento Hirundinaria etiam prædita existit: amara siquidē & parum glutinosa eius est radix, folia uero aliquam præ se ferunt adstrictionem: ut iterum euidenter appareat, Hirundinariam esse Asclepiada.

VIRES.

EX DIOSCORIDE.

Radices cum uino potæ, torminibus, & uenenatorū morsibus subueniunt. Folia uero illita maleficis in mammis & utero uitij opitulantur.

EX PAULO.


Torminibus in uino pota competit. Illita uero uenenatorum morsibus, & malignis mammarum & uteri uitij succurrit.

EX PLINIO.

Radices torminibus medentur, & contra serpentium ictus non solum pota, sed etiam illita profunt.

APPENDIX.

Recentiores radice eius magna efficacia ad mensiū prouocationē utuntur, & ad rabidi



APIOS

Erdnüssen.

c rabidi canis morsum, uenenisq̃ potenter resistere affirmāt, unde etiam haud teme-
victrix toxici. re *Victrix* toxici ab iisdem appellata est. Hydropicis etiam radicem in uino macera-
 tam & subinde coctam, mirificè auxiliari tradūt. Flores præterea foliaq̃ siccata, mox
 trita, uulneribus utiliter inspergi aiunt. Sordida etiam ulcera purgare, & ad cicatricē
 perducere, genitaliumq̃ uitij & rupturis egregiè mederi docent. Quæ in uniuer-
 sum omnes facultates cum ijs quas *Asclepias* obtinet pulchrè quadrant, ut eandem
 esse *Hirundinariam* uocatam herbam, nullus deinceps dubitare debeat.

DE APIO CAP. XLVI

NOMINA.

Apios cur dictus.

Ischas.

Chamæbalanos.



ΠΙΟΣ, ἡ ἰσας, ἡ χαμαῖβαλαν Græcis: *Apios*, *Raphanus syluestris* Lati-
 nis dicitur. Officinis incognita. Germanis *Erduß*, *Erckelen*, *Erdfei-*
gen, & *Ermandel* appellatur. *Apion* uero dixerunt Græci, quod ra-
 dicis extremum in pyri formam turbinatur. Eadem etiam ratione *ischas*
 & *chamæbalanos* ab iisdem nominata est, quod in ficus, uel glandis effigiem radi-
 cis extremū turbinetur. Quapropter non ineptè Latinis etiam *glans* aut *ficus*, seu
carica syluestris nominabitur.

FORMA.

Ramulos duos aut tres iunceos, tenues, rubentesq̃ profert, qui supra terram pa-
 rum se attollunt. Folia rutæ similia, longiora tamen, & uirentia. Semen exiguū. Ra-
 dicem *Asphodelo* similem, & ad pyri figuram accedentem, rotundiorē tamen, &
 liquore plenam, intus candidam, foris nigro cortice tectam. Hæc *Dioscorides*. Alij
 adijciunt *Apion* habere tenues capreolos, florem *Piso* nō dissimilem, sed longē mi-
 norem. Quæ singula satis declarāt herbam cuius picturam exhibemus, esse *Apion*:
 ramulos enim magna ex parte duos, uel ternos, imò ut *Theophrastus* ait quater-
 nos, & interdum plures emittit, iunceos, tenuesq̃, & infima parte rubentes, qui su-
 pra terram parum se extollunt. Folia quoque Rutæ habet, at longiora & uiren-
 tia. Semen etiam exiguum. Radicem denique *Asphodelo* mari similem, & ad py-
 ri effigiem accedentem: quod tamen nō de tota radice, quæ longissima est & tenuis,
 intelligendum uenit, sed de extremis eiusdem, hoc est, nucibus seu glandibus ab ea
 dependentibus, pyri aut ficus formam habentibus, qualibus etiam *Pæoniæ* scemi-
 næ radix assimilatur. Succosa quoq̃ radix est, intusq̃ candida. Quibus omnib. ac-
 cedunt flores *Piso* similes, & mirificè odorati, minores tamen: necnon capreoli te-
 nues. Cōueniunt etiam uires, ut ex sequentibus patebit, ita ut prorsus nulla sit no-
 ta quæ reclamare uideatur.

LOCVS.

Prouenit in frumentaceis agris, hordeaceis potissimū, tritici & zeæ, quos inter-
 dum sues, ductæ cupiditate eius radices, seu rectius nucum ex radice dependentiū,
Panis porcinus prorsus euertunt. Atque hinc est quod panis porcinus à quibusdam nominetur.

cur dictus.

TEMPVS.

Floribus abundat odoratis admodum Iunio mense.

TEMPERAMENTVM.

Apios temperatura calida est & sicca mediocriter, id quod ex gustu facilè depre-
 henditur.

VIREs.

EX DIOSCORIDE.

Pars radices superior sumpta, uomitione bilem pituitamq̃ extrahit. Inferior per
 aluum. Tota uero utrinque purgationes mouet. Succus eius sesquioboli pondere
 haustus, utraque parte, hoc est, suprâ & infrâ purgat. Cum uero liquorem collige-
 re uolueris, tundito radices, coniectisq̃ in craterem aqua plenum misceto, tum pen-
 na collectum qui supernatabit liquorem siccato.

EX PLINIO.

Succus purgat utraque parte sesquibolo in aqua mulsa, Sic & hydropicis datur acetabuli mensura.

APPENDIX.

Experientia testatur nuces has nauseam atque adeo uomitionem ciere, si quis illis uescatur.

DE ASTERE ATTICO CAP. XLVII.

NOMINA.



ΣΤΗΡ ἁστὴρ, βελώνιον Græcis: Aster atticus, Inguinalis Latinis dicitur. *Inguinalis.*

Officinis ignota herba. Germanis Sternkraut cōmodè appellari potest.

Asteris autem nomen, non à foliorum in caulibus, sed in floribus *Aster unde dicta.*

potius figura & situ, accepit. Siquidem foliorum in huius herbe flore numerus & forma, stellam præ se ferunt, uel ut Plinius ait, capitula per ambitum diuisa folijs pusillis, stellæ modo radiata sunt.

Errant itaque qui singula folia in caulibus stellæ formam representare putant. Bubonium & Inguinalis, quod inguinum *Inguinalis quare appellata.*

præsentaneum sit remedium, dicta est.

FORMA.

Cauliculus lignosus, purpureū & luteum in summo florem habens, ueluti Chamæmeli capitulum, undique per orbem incisuris diuisum, foliolis stellæ similibus. Quæ uero circa caulem sunt folia, oblonga & densa hirsutæ. Ex qua quidem deliniatione omnibus perspicuum fit, herbam cuius picturam exhibemus esse Asters atticum. Nam caulis eius lignosus est, folijs uestitus oblongis & densis, in cacumine flos illi purpureus & luteus, stellæ modo radiatus, qui subinde in pappos abit: radix fibris multis capillata.

LOCVS.

Nascitur in collibus, montibus altis, & syluis.

TEMPVS.

Augusto mense ut plurimum floret, durantq; in magnam autumnii partem eius flores.

TEMPERAMENTVM.

Mixtæ est potentia, uti rosa; refrigerat enim, non tamen uehementer, & digerit atque exiccat, quod scilicet illi amara insit qualitas.

VIREs.

EX DIOSCORIDE.

Aestuanti stomacho illita cōfert. Succurrit etiam oculorum inflammationibus, bubonibus, & procidenti sedi. Tradunt partem in flore purpuream, si bibatur ex aqua, angina correptis, & puerorum comitialibus opitulari. Recens inguinum inflammationibus illita prodest. Sicca sinistra manu dolentis decerpta, inguini adalligata doloribus liberat.

EX GALENO.

Non tantum illitum, sed etiam suspensum bubonas sanare creditur. Habet uero quiddam etiam digerens, ut mistæ sit facultatis, uerum id non adstringit.

EX PLINIO.

Bibitur aduersus serpentes. Sed ad inguinum medicinam sinistra manu decerpi iubent, & iuxta cinctus alligari. Prodest & coxendicis dolori adalligata.

M DE AGRO-



ASTER
ATTICVS.

Sternkraut.

NOMINA.



ΓΡΟΣΤΙΣ Græcis, Gramen Latinis, Germanis Grasß appellatur. Gramen uero dictum est, quod geniculatis internodijs mirificè serpat, à gra diendo, uel à gignendi fecunditate : siquidē crebrò ab ijs nouas spargit radices. *Gramen unde dictum.*

FORMA.

Geniculatis per terram serpit ramulis, & ab ijs dulces geniculatasq; radices spargit. Folia eius acuminata, dura, & ut paruè arundinis lata, quæ iumenta bouesq; pascunt. Ex quibus uerbis planum fit omnibus, plantam hanc, cuius picturā damus, esse ueri graminis genus : geniculatis enim ramulis per terrā serpit, & ab ijs dulces, geniculatas, & exiguas admodum ac tenues radices spargit. E dodrantalibus etiam ramulis circa unumquenq; geniculū bina foliā acuminata, dura ac lata emittit. Floribus deniq; ad gramē Parnasi accedere uidetur: candidi enim sunt, & quinis distincti folijs, & his ipsis dissectis; quibus decidentibus folliculi rotundi lini instar, semine pleni exiguo, ut Parnasi gramen, prodeunt. Adeò ut nemo sit qui non uideat illi per omnia graminis respondere notas. Quare reprehensione digni sunt, qui Euphrasiam esse putant. *Error quorundā seplasiariorum.*

LOCVS.

Pasim nascitur in umbrosis locis, & dumetis.

TEMPVS.

In fine ferè Aprilis floribus suis candidis & elegantibus ornatur.

TEMPERAMENTVM.

Radix graminis mediocriter frigida & sicca est, mordacitatē quandam exiguam, & partium tenuitatem obtinens. Herba uero ipsa in primo quidem excessu refrigerat, in humiditate uero & siccitate moderata. Semen alibi quidem imbecillum est, in Parnaso uero desiccatorium, & tenuium partium & subacerbum.

VIREs.

EX DIOSCORIDE.

Graminis radix trita & illita uulnera conglutinat. Decoctum eius in potu torminibus medetur, & urinæ difficultatibus. Calculosa etiam uesicæ excrementa cōminuit.

EX GALENO.

Radix cruenta ulcera glutinat. Cæterū mordacitas & tenuitas quæ radici inest, exigua est quidem, sed interdum tamen frangere lapides affolet, si quis ipsam decoquens bibat. Semen autem alterius quidem imbecillum est, eius uero quod in Parnaso nascitur, urinam ciet, & fluxus uentris & stomachi resiccat.

EX PAULO.

Gramen Parnasi maximè utile est, siccatur, modicè refrigerat, tenuiū partiū, & subacerbum, eoq; uulnera cruenta glutinat, & decoctū eius uesicæ calculos confringit.

EX PLINIO.

Decoctum gramen uulnera conglutinat, quod & ipsa herba tusa præstat: tuerq; & ab inflammationib; placat. Decocto adiicitur uinum ac mel: ab aliquibus & thuris, & piperis, & myrrhæ tertiæ portiones. Rursusq; coquitur in æreo uase ad dentiū dolores & epiphoras. Radix decocta in uino, torminibus medetur, & urinæ difficultatibus, ulceribusq; uesicæ. Calculos frangit. Semen uehementius urinā impellit. Aluū uomitionesq; sistit. Priuatim autē draconū morsibus auxiliatur. Sunt qui genicula nouē uel unius, uel è duabus tribusue herbis, ad hunc articulorū numerū inuolui lana succida nigra iubeāt, ad remedia strumæ panorūmuc. Ieiunū debere esse qui colligat. Ita ire in domū absentis cui medeat, superuenienti q; ter dicere, Ieiunio ieiunū medicamentū dare, atq; ita alligare, triduoq; id facere. Quodè graminū genere septē internodia habet, efficacissimè capiti cōtra dolores adalligat. Quidā propter uesicæ cruciatus decoctū ex uino gramē ad dimidias è balneis bibi iubent.

Superstitiosum.



GRAMEN.
Stach.

NOMINA.



ALOË Græcis, Aloë Latinis appellatur. Officinæ ueterem appellationē retinuerunt. Germani destituti peculiari nomenclatura, pariter Latinis Aloën uocant. Sunt qui hanc à crassis folijs, & similitudine quam cum Semperuiuo habet, Semperuiuum marinum nominent.

Semperuiuum
marinum.

FORMA.

Scyllæ folium habet Aloë, crassum, pingue, modicè latum, rotundū, repandumq̃. Folia utrinq̃ gerunt ex obliquis aculeos raros, & breues. Caulem profert Antherico similem, florem album, semen Asphodelo simile. Graui est tota herba odore, & gustu amarissima. Radice una, pali in terram adacti specie. Nostra pictura non nisi radicem & folia ob oculos ponit, reliqua hoc tempore habere non potuimus. Dabimus autem operam, modò Deo sic uisum fuerit, ut aliquando integræ plantę picturam studiosis exhibere liceat.

LOCVS.

Nascitur copiosissima in India, præpinguisq̃, unde succus quoq̃ defertur. Prouenit etiam in Arabia Asiaq̃, & in maritimis aliquot locis, & insulis, ut in Andro. Nunc in aliquot hortis Germaniæ nostræ plantatur.

TEMPVS.

Neque florem neque semen in stirpe nobis uidere contigit, quare de ijs quo mirum proueniant tempore nihil certi monstrare possumus.

TEMPERAMENTVM.

Aloë calefacientiū est primi ordinis intensi, aut secundi remissi, tertij autem exicantium.


VIRE.

EX DIOSCORIDE.

Duo sunt succi concreti genera. Vnum arenosum, quod sedimentū purissimæ aloës uidetur (hoc officinis Caballinū uocatur.) Alterum iecinoris modo coactum (Succotrinū barbari appellāt.) Eligito purā quæ nihil doli sensit, sine calculis, splendentem, subruffam, friabilē, iecinoris modo concretā, facilē liquefcentē, eximie amaritudinis. Reprobato autem nigram, & fractū contumacē. Est aloë uis adstringere, somnum cōciliare, exiccare, corpora densare, aluum soluere, & stomachū purgare. Pondere cochleariū duorū in aqua frigida, aut tepida pota, sanguinis excreationes sistit. Regium morbū purgat tribus obolis ex aqua, aut drachmę pondere in potu. Deuorata cum resina, aut cum aqua, aut cocto melle excepta, aluū soluit. Trium drachmarū pondere perfectē purgat. Mixta alijs purgatorijs medicamentis, stomacho minus noxia ea reddit. Siccata & insparfa, uulnera glutinat, & ulcera ad cicatricem perducit, compescitq̃. Priuatim autem exulceratis genitalib. medetur, & rupta infantium præputia agglutinat. Condylomata, rimasq̃ sedis cum passo mixta sanat. Sanguinis eruptiones ex hæmorrhoidibus factas compescit. Digitorum reduuias ad cicatricem perducit. Liuios & sugillata cum melle delet. Palpebrarū scabrities, angulorumq̃ prurigines lenit. Dolorem capitis sedat temporibus & fronti ex aceto cum rosaceo inuncta. Capillos fluentes cum uino compescit. Tonsillis, gingiuis, & omnibus oris ulcerib. ex melle & uino prodest. Torretur oculorum medicamentis in testa pura & candente, rudiculaq̃ subinde uersatur donec equaliter torreatur. Lauatur ut quod est arenosissimum subsidat, tanquam inutile, & leue & pinguisimum assumatur.

EX GALENO.

Hæ herba non admodum apud nos prouenit: & quæ in magna nascitur Syria aquosior est, & facultatis imbecillioris: attamen usque adeò desiccare potest, ut uulnera conglutinet. At in regionib. calidioribus, qualis est Cœlesyria & Arabia, multò est melior. Optima uero Indica, cuius liquor est id quod ad nos importatur medicamentū cognominatū aloë, ad plurimas res propter siccitatē mordicationis expertem utile. Est autem nō simplicis naturæ, sed, ut indicio est gustus, adstringit simul



ALOE
Aloen.

A & amara est. Adstringit quidem mediocriter, sed uehementer amara est. Subducit & uentrem, utpote ex numero medicamentorum quae Graeci ab excernendo stercore uocant *ἐκκοπρωτικά*. Verum & ipsius facultatis misturam attestantur particularia eius opera: nam & gratum stomacho est medicamen, ut si quid aliud, & sinus glutinat. Sanat & ulcera quae aegre ad cicatricem duci possunt, & maximè quae in ano sunt & pudendo. Iuuat etiam eorum inflammationes aqua liquata, & uulnera ad eundem modum glutinat. Congruit similiter utenti & ad inflammationes in ore, naribus, & oculis. In summa, repellere & discutere simul potest, cum hoc ut paulum ex tergeat, quantum uidelicet ulceribus puris non sit molestum.

EX PLINIO.

Natura Aloës spissare, densare, & leuiter calfacere. Vfus in multis & principalis, aluum soluere, cum penè sit sola medicamentorum quae per se id praestant. Confirmat etiam stomachum, adeò ut non infestet ulla uis contraria. Bibitur drachma. Ad stomachi uerò dissolutionem, in duobus cyathis aquae tepidae uel frigidae, cochlearis mensura, bis terue in die ex interuallis, ut res exigit. Purgationis etiam causa plurimum tribus drachmis. Efficacior, si pota ea sumatur cibus. Capillum fluentem continet cum uino austero, capite in sole contra capillum peruncto. Dolorem capitis sedat, temporibus & fronti imposita, ex aceto & rosaceo. Dilutiorque infusa, oculorum uitia omnia sanari ea conuenit. Priuatim prurigines & scabiem genarum, item insignita ac liuida, illita cum melle, maximè Pontico: tonsillas, gingiuas, & omnia oris ulcera. Sanguinis excreationes, si modicae sint, drachmae pondere ex aqua, si minus, ex aceto pota. Vulnerum quoque sanguinem, & undecumque fluentem sistit per se, uel ex aceto. Aliàs etiam est uulneribus, utilissima, ad cicatricem perducens. Eadem inspergit exulceratis genitalibus, uirorum codylomatis, rimisque sedis, aliàs ex uino, aliàs ex passo, aliàs sicca per se, ut exigit mitiganda curatio, aut coercenda. Haemorrhoidum quoque abundantiam leniter sistit. Dysenteriae infunditur. Et si difficiliter concoquantur cibi, bibitur à coena modico interuallo. Et in regio morbo tribus obolis ex aqua. Deuoratur pilulae cum mellis decocto, aut resina terebinthina, ad purganda interiora. Digitorum pterygia tollit. Oculorum medicamentis lauatur, ut quod sit arenosissimum subsidat. Aut torretur in testa, pennaque subinde uersatur, ut possit aequaliter torrerì.

DE BECHIO CAP. L.

NOMINA.



BECHION Græcis, Latinis Tussilago aut Farfaria dicitur. Sic uocata quod *βρυχάς*, hoc est, tussis iuuare credita sit. Herbarijs & officinis hodie Ungula caballina appellatur. Germanis *Rosshüb* / oder *Brandlattich* / quod scilicet equinae ungulae persimilis sit, & ambustis medeatur.

Bechion unde dictum.

Ungula caballina.

FORMA.

Folia hederæ habet, sed maiora, sex aut septem à radice prodeuntia, supernè uirentia, inferiore autem sui parte albida, plures angulos habentia. Caulem palmum altum. Florè uere prodeuntem pallidum, quem unam cum caule cōfestim abiicit. Inde nonnulli existimauerunt sine caule hanc herbam nasci. Radix illi tenuis est, quae minimè in utilis esse potest, quandoquidē illius, ut ex sequentibus patebit, in rupendis thoracis abscessibus, & eijciendo ex utero emortuo foetu usus sit. Subesse itaque errorē in Dioscoride manifestissimum est, ubi radicem Tussilaginis *ἀγροσύνη* esse inquit, quem tamen nemo interpretum, quod sciam, animaduertit. Hoc etiam adijciendum duxi pro confirmanda Dioscoridis descriptione, & confutanda erronea quorundam sententia, flores Tussilaginis esse fugacissimos: ipsi enim enatis breui uigor uitaeque durat, longissimaque mora triduum aut quatrimum, post quod ilico tempus flaccescen-

Bechion non nascitur sine flore.

Dioscoridis locum emendatus.



TVSSILAGO

Roshub.

tes in pappos euanescent, & caduci marcent, ita ut non nisi uere sese forte fortuna ferant obuiam, quo potissimum tempore flos & caulis sine folijs uidentur. Quapropter qui herbam ipsam hoc tempore non cōspexerunt, & tam subitam floris & caulis iacturam haud animaduertērūt, sine utriusq; nasci crediderunt. Nos tamen & florem & caulem sepius oculis contemplati sumus, ideoq; ut utriusq; pictura accederet diligenter curauimus.

LOCVS.

Nascitur prope fontes, & in aquosis locis.

TEMPVS.

Flores uere, & in Aprili colliguntur: ab hoc enim tempore, ut paulò antè diximus, nusquam apparent. Folia & radix tota æstate durant.

TEMPERAMENTVM.

Folia Tussilaginis uirentia aqueæ substantiæ admistionem habent, ut hac ratione frigida & humida dici possint. Sicca uero acriora sunt, ideoq; calida.

VIRES. EX DIOSCORIDE.

Tussilaginis folia trita cum melle illita, ignibus sacris, & inflammationibus cunctis medentur. Eadem sicca incensa, eos qui sicca tussi & orthopncea infestantur, quum fumum per infundibulum hianti fuscipiunt ore, sanant. Abscessus thoracis rumpunt. Eadem radix suffita potest, foetumq; emortuum in aqua mulsâ cocta & pota eiicit.

EX GALENO.


Bechium ideo nuncupatum est, quod *βήχας*, id est, tusses & orthopnceas iuuare creditum sit, si quis uidelicet folia arida aut radicem in prunis accendens, ascendentem inde fuliginē inspiratu attrahat. Est autem modicè acris, ut sine molestia noxæ uel omnes thoracis abscessus credita sit rumpere. Sanè folia uiridia partes cruda inflammatione obsessas illitu extrinsecus adiuuant, propter aquæ humiditatis admistionem, qua omnia uirentia tenera, alia plus, alia minus participant. Nam sicca Bechij folia acriora sunt, quàm ut inflammatione laborantibus partibus conueniant.

EX PLINIO.

Tussilaginis aride cum radice fumus per arundinem haustus aut deuoratus, ueterem sanare dicitur tussim: sed & in singulos haustus passum gustandum est.

DE BUGLOSSO CAP. LI.

NOMINA.

ΟΥΡΛΩΣΣΟΝ Græcis: Buglossum, Bubula lingua, Bouis lingua Latinis, quod scilicet eius folia bubulæ linguæ similia sint: officinis & herbarijs Borrago, Germanis *Burtersch* dicitur. Alia uero herba est quæ *Borrage*. hodie Buglossa uulgò nominatur, ut suo loco indicabimus.

FORMA.

Buglossum Verbasco simile est, folium habens in terram depressum, asperum, nigrius, bubulæ linguæ non dissimile. Florem cœruleum, speciosum. Quæ nimirum descriptio ita hodie uocataë Borragini herbæ quadrat, ut nemo non, nisi talpa cæcior sit, ueterum esse Buglossum uideat. Qui tamen eius rei plura argumenta desiderat, ea quæ libro primo, cap. xxxiij, nostrorum Paradoxorū produximus, legat, & nihil puto deinceps dubitabit.

LOCVS.

Nascitur in planis & sabulosis locis. Passim etiam hodie in hortis feritur, ob id olitoribus optimè cognitum.

TEMPVS.

Carpitur Iulio mense.

TEMPERA-



BVGLOSSVM

Borragen.

TEMPERAMENTVM.

Buglossum calidi humidique temperamenti est.

VIRE S. EX DIOSCORIDE.

Folium Buglossi in uinum deiectum animi letitiam efficere creditur. Aiunt quæ tres caules emittat si cum radicibus & semine tota teratur, & in potu detur, contra tertianos rigores prodesse: ad quartanas uero quæ quatuor. Horum autem decoctio in uino fiat. Herbam abscessibus etiam utilem esse ferunt.

EX GALENO.

Buglossum uinis iniectum lætitiæ & hilaritatis causa esse creditum est. Sed & ijs qui ob faucium asperitatem tussunt, in melicrato coctum conuenit.

EX PLINIO.

Buglossum præcipuum quod in uinum deiecta, animi uoluptates auget, & uocatur Euphrosynum. Buglossum inarescente, si quis medullam e caule eximat, dicatque ad quem liberandum febre id faciat, & alliget ei septem folia ante accessione, aiunt à febre liberari.

EX SYMEONE SETHI.

Buglossum urinam cit, & sitim sedat. Caules eius cocti & crudi comesti iecoris affectibus prosunt. A uiatoribus ex eo conficitur zulapion, & est utile.

DE BUPHTHALMO CAP. LII

NOMINA.

BΟΥΦΘΑΛΜΟΝ Græcè, Buphthalmū Latine. Hodie oculus bouis aut uaccæ, & Cotula non foetida herbarijs uocatur. Germanis *Rindsaug* / *oder Riang*. Buphthalmum autem non alia ratione dixerunt ueteres, quam quod eius flores oculi imitentur formam, & boum potissimū oculis similes sint. Germanicè etiam *Rindill* / hoc est, uaccinum anethum dicitur, quod scilicet uerum Anethum eius folia referre uideantur.

Cotula non foetida.

Buphthalmum cur dictum.


Anethum uaccinum.

FORMA.

Buphthalmum caulem tenerum emittit, folia fœniculo similia, flores luteos Anthemide maiores, oculorum figura, unde & nomen traxit. Hæ siquidem notæ adamussim conueniunt herbæ quam uulgus herbariorum Cotulam non foetidam uocant: caules siquidem eius teneri, folia fœniculo similia. Nec te moueat quod à Dioscoride Buphthalmo lutei flores tribuuntur, Cotulæ autem non foetide albi sint: ad discum enim mediūmue Dioscorides respexit, quod luteum est, non ad ambitum, in quo folia radiata candida, ut in Chamæmelo, existunt. Quod dicimus, confirmantque Galenus lib. vi. de simpl. medic. facul. in hunc modum scribit: Buphthalmi, inquit, flores colore Anthemidis floribus simillimi sunt, sed multo maiores. Serapion quoque florem eius magis luteum flore Chamæmeli esse ait. Si itaque Anthemidis floribus simillimi sunt, nec nisi sola magnitudine differunt, & Anthemidis propriè dictæ flores in medio lutei, & per ambitum candidi existunt, necesse est ut Buphthalmi etiam flores tales sint, ut scilicet candida illorum folia, luteum medium cingant. Quid multa? Buphthalmi flores ab Anthemidis floribus nō nisi sola magnitudine differunt: grandiores enim Buphthalmi flores quam Anthemidis conspiciuntur, reliqua facie quam simillimi. Quod igitur ad colorem attinet, in nullo uariant. Iam dictis accedit, quod Serapionis interpres sub Cotulæ nomine Buphthalmum deliniat. Denique congenerem esse planè herbam Buphthalmum cum Anthemide Dioscoridis tractandi ordo abundè docet, quum constet illum tres herbas sibi admodum similes, Chamæmelū nempe, Partheniū, & Buphthalmū, uno in loco describere. Vnde iterum palnū fit Buphthalmū esse Cotulā non foetidam, quod scilicet Chamæmelo prorsus similis sit, excepto duntaxat flore, qui in illa maior est.

Obiectionis solutio.

LOCVS.



BUPHTHALMUM

Kindsaug.

LOCVS.

In campis & circa oppida nascitur.

TEMPVS.

Carpitur Iulio Augustoq; mensibus, & durat etiam usq; ad autumnii medium.

TEMPERAMENTVM.

Flores Bupthalmi acriores sunt Chamemeli floribus, ob id illis sunt calidiores.

VIRE S. EX DIOSCORIDE.

Bupthalmi flores cum cerato triti, cedemata & durities discutiunt. Ferunt post exitū a balneo potam, regio morbo correptis coloris bonitatē tractu temporis redere.

EX GALENO.

Bupthalmi flores Anthemidis floribus uehementius discutiunt, adeo ut & durities ex cerato mixti sanent.

EX PLINIO.

Bupthalmos cum cera scirromata discutit.

DE BELLIDE CAP. LIII.

NOMINA.



BELLIS neq; à Dioscoride, neq; à Galeno, nec alijs etiam Græcis, quod sciam, descripta est, ideoq; græco nomine destituitur. Latinam itaq; duntaxat appellationem habet, & Bellis siue Bellius, autore Plinio, nominatur.

GENERA.

Duorum est generum, maioris & minoris discrimine insignis. Minor Bellis est ea quam officinæ Consolidam minorem appellant. Hæc iterum duum est generum. Quædā enim hortensis & domestica est Bellis, hanc Germani *Monatblüm* le/oder rote blümle nominant. Altera syluestris, quam uulgi herbariorum Primulam ueris, quod scilicet uere inchoante mox erumpat, Germani autem *Wass-Primula ueris.* lieble/ & *Kleinzeitlöfle* nuncupant. Maiorem officinæ nonnullæ Consolidam mediam, quod credatur uulnera glutinare, Germani *Gensblüm* uocant. Nos aliam Consolidam mediam infra describemus.

FORMA.

Minor hortensis, syluestri, præter florem qui rubicundus est, per omnia similis est. Constant uero flores ij interdum simplici, interdū multiplici foliorum cōtextu, ut pictura affabrè ostendit. Syluestris, Plinio lib. xxvi. cap. v. teste, flore cōstat albo, aliquatenus rubente, quinquagenis ternis, interdū etiam quinquagenis quinibus barbulis circinato, folio pingui, in terra iacente, in rotundum oblongo, leuissimè serrato. Neq; obstat quod Plinius lib. xxi. cap. viij. Bellio luteum esse florē tradat, quia non ad ambitum, sed ad discum mediūmue floris, quod sanè luteum est, respexit. Hinc est quod à quibusdam Plinij locus ita legatur: Luteum & Bellio, ut subaudia tur semen. Maior Bellis procerior assurgit, folio non admodum diuerso, altioribus duntaxat crenaturis laciniato, coliculis tenuibus, surculosis, cubitū altis, flore prior non dissimili, maiore, paucioribus tantum barbulis, & in uniuersum candidis, medium luteum in orbem concinnè cingentibus.

LOCVS.

Pasim in pratis uterque nascitur Bellius, iam & in hortis seritur, sed flore multiplici, barbularum stipatu densiore.

TEMPVS.

Minor primo statim uere apparet, & tota ferè æstate durat. Maior autem in Maio mense floret, quo etiam tempore carpi debet.

TEMPERAMENTVM.


Bellius uterque calidus & siccus est, id quod ex Plinio colligi potest, qui illorum

N ad dis-




BELLIS MINOR
HORTENSIS.

Monatblum.



BELLIS MINOR
SYLVESTRIS.

Maßliebent.



^{AI}
BELLIS MINOR

Sensblum.

Ad discutiendas strumas usum esse scribit. Acetosus tamen sapor quem in gustu minor prae se fert, aliquam frigiditatis in ea portionem esse monstrat. Quicquid tamē sit, exiccare Bellios euidentissimum est.

VIRES.

Quotquot hodie uiuunt uulnerariā herbam Bellium esse nouerunt, ualetq; potissimū in capitis fractura admota. Succus etiam herbæ utiliter uulneratis bibitur. Laudatur etiam herba ad membrorum resolutionem, quam Græci paralyzin uocant: itemq; ad podagras, ischiada, & aduersus strumas.

DE BRATHY CAP. LIIII.

NOMINA.



ΠΑΘΥΣ καὶ Βελυθρον Græcis, Sabina uel Sauina Romanis, Scuenbaum Germanis dicitur. Officinæ nomen uetus retinuerunt.

GENERA.

Duū est generum Sabina. Vnum quod hic pictum exhibemus: alterum Tamaricis folia habens.

FORMA.

Primi generis Sabina folijs Cupresso similis est, spinosior tamen, graui odore, acris & feruens. Arbor breuis, & in latitudinem magis se fundens & explicans. Topiarius itaq; frutex est, immortalī coma uirēs, patulo fastigio, iuniperi similitudine.

LOCVS.

Pasim in hortis nascitur.

TEMPVS.

Quouis tempore colligi potest, potissimū autē autumnō dum semine pregnans est.

TEMPERAMENTVM.

Tertij est ordinis excalfacientium & desiccantium, & ex numero eorum quæ uel maximè tenuium sunt partium.

VIRES. EX DIOSCORIDE.

Prioris folijs nonnulli pro suffitu utuntur. Vtriusq; folia nomas sistunt. Inflammationes illita mitigant. Cum melle illita nigrities repurgant, itemq; sordes & carbunculos abstergunt. Cum uino pota sanguinem per urinam ducunt, foetumq; excutunt. Idem apposita & suffita præstant. Miscentur unguentis excalefacientibus, priuatim Gleucino.

EX GALENO.

Sabina ex numero est fortiter exiccantium, idq; secundum tres qualitates quas in gustu prae se fert similiter Cupresso, nisi quod ea acrior est, & ut sic dicā, magis aromatica, seu odorator. Igitur huius quam modo dixi qualitatē est particeps, nempe acrimoniæ cōsistentis in calido temperamento, præterea amaritudinis & adstrictionis obscurioris quā in Cupresso. Siquidē quanto magis acrimonia superat, tanto etiam potētius digerit. Itaq; glutinare nequit ob siccitatis & caliditatis robur. Nam utriusq; illi tantum inest, ut etiam tendat, & inflammationē afferat. At putredinibus similiter Cupresso accommodari potest, maximè ijs quæ maligniores fuerint, & diuturniores. Nam hæ citra noxam medicamenti uehementiam perferunt. Quin & quæ atra sunt reddita, & admodum sordida, ea cum melle expurgat. Carbunculos item soluit. Porro ob essentiæ partium tenuitatem menses quoq; prouocat, ut si quid aliud. Et sanguinem per urinas mouet. Foetum etiam uiuentem interficit, & mortuum eiicit. Unguentis inditur, & potissimū Gleucino, & in multas antidotos iniicitur. Quidam uero etiam Cinnamomi uice duplum eius adiiciunt: est enim extenuandi & digerendi facultatis, si pota fuerit.

EX PLINIO.

Sabina à multis in suffitis pro thure assumitur. In medicamentis uero duplicato



SABINA

Seuenbaum.

A pondere eisdem effectus habere quos cinnamomum traditur. Collectiones minuit, & nomas compescit. Illita ulcera purgat. Partus emortuos apposita extrahit & suffitu. Illinitur igni sacro & carbunculis. Cum melle & uino pota, regio morbo medetur. Gallinacei generis pituitas fumo eius herbæ sanari tradunt.

DE BATO CAP. LV.

NOMINA.



BATOZ Græcis, Rubus aut sentes Latinis uocatur. Aliquibus Mora uaticana, corrupta uoce, eius fructus dicuntur, cum dicendum esset mora uacinia. Nam in hodiernum usque diem Græci mora illa à *Βάτος*, *Βολτινα* uel *Βατινα* cognominant. testis Galenus libro sexto, de compos. medica. secundum locos, cap. primo. Vergilius in Bucolicis unius literæ immutatione uacinia uocauit, inquit: Alba ligustra cadunt, uacinia nigra leguntur. Eclog. ij. A nostræ ætatis medicis barbaris & herbarijs mora bacci appellantur, cum illis dicendum esset mora bati. Theophrasto libro iij. de plantarum historia, cap. xviij. Chamæbatos, quasi dicas humilis rubus, appellatur, Germanicè Bromber.

FORMA.

Rubum omnes nouerunt, ubique enim uestibus prætereuntium sese affigit, remoramq; uiatoribus iniicit. Caulem habet minacibus ac pungentibus spinis & aculeis uestitum. Folia incisuris diuisa, nigricantia ab uno latere, altero candentia. Florem initio rubescentem, dein candidum profert, quo abeunte fructus exit, qui cum maturuerit moro persimilis fit nigrescens, auius gratus, nec hominibus insuauis cibus. Inest illi succus sanguineus, & ueluti cruore atro manus inficiens.

LOCVS.

B Passim in dumis prouenit Rubus, qui protinus quàm paulò accreuit, retro uergit in terram, atque ita radicatur, iterumq; ex se nascitur.

TEMPVS.

Diuersis temporibus folia, flores & fructus Rubi colliguntur. Folia nanque in uere: flores ætatis initio, Iunio nimirum & Iulio mensibus: fructus autem ubi iam maturuerit per messes & extrema æstate decerpitur.


TEMPERAMENTVM.

Rubi folia, germina, flores, fructus & radix qualitate adstringente participant, eaq; non obscura. Sed hoc inter se differunt, quod folia potissimū & recens nata plurimum in se habeant aqueæ substantiæ, parum uero adstringant. Eadem ratione & germina. Est itaq; eorum temperies ex terrea frigida essentia, & aquea tepida. Fructus autem, si quidem maturus fuerit, non parum habet succi temperati calidi, qui dulcis est. Proinde eam ob rem, & propter modicam adstrictionem, esui non insuauis est. At immaturus à frigida terrea substantia uincitur, ac proinde acerbus est, & exiccatorius. Vterq; autem siccatus reconditur, ualidius quàm recens desiccans.

VIRE.

EX DIOSCORIDE.

Rubus adstringit & desiccatur. Capillos tingit. Ramorum eius decoctum potum aluum sistit, & foeminarum profluvia cohibet. Presteris morsui utile. Gingiuas firmat. Oris ulceribus folia cōmanducata medentur. Cohibent herpetas, & in capite achoras, oculosq; procidentes, condylomata & hæmorrhoidas, illita folia sanant. Cardiacis & stomachi doloribus trita & imposita subueniunt. Succus ex caulibus, folijsq; eius expressus, & in sole coactus, efficacius omnibus iam dictis medetur. Fructus eius optimè maturi succus, ad oris medicamenta cōuenit. Sistit & aluum in media maturitate comestus. Flos quoq; eius in uino potus aluum sistit.



RVBVS

Bromber.
 Die blüthe ist die Lili
 Giebt auch die Lili

EX GALENO.

Folia & germina Rubi si mandantur, aphthas & alia oris ulcera sanant. Quin & alia uulnera glutinare ualent. Flos eius eandem fructui immaturo facultatem possidet: utraq; ad dysenterias, & uentris profluvia, eiusq; robur deperditum, & sanguinis expuitiones, idonea remedia. Radix præter adstrictionem non paucam in se habet substantiam tenuem, propter quam etiam in renibus lapides comminuit.

EX PLINIO.

Nec Rubos ad maleficia tantum genuit natura, ideoq; ex eis mora uel hominibus cibos dedit. Vim habent siccandi, adstringendiq; gingiuis, tonsillis, genitalibus accommodatissimi. Aduersantur serpentium sceleratissimis, hæmorrhoidi & presteri, flos & mora. Scorpionum uulnera sine collectionum periculo iungunt. Vrinam ciunt. Caules eorum tunduntur teneri, exprimiturq; succus, mox sole cogitur in crassitudinem mellis, singulari remedio contra mala oris, oculorumq; sanguinem excreantes, anginas, uulvas, sedes, coeliacos, potus aut illitus. Oris quidem uitij etiam folia comanducata profunt, & ulceribus manantibus, aut quibuscunq; in capite illinuntur. Cardiacis uel sic per se imponuntur à mamma sinistra. Item stomachi doloribus, oculisq; procidentibus. Instillatur succus eorum & auribus. Sanat condylomata cum rosaceo cerato. Calculorum ex uino decoctum præsentaneum est remedium. Item per se in cibo sumpti cymæ modo, aut decocti in uino austero, labantes dentes firmant. Aluum sistunt & profluvia sanguinis. Dysentericis profunt. Siccantur in umbra, ut cinis crematorum uiam reprimat. Folia quoque arefacta & contusa, iumentorum ulceribus utilia traduntur. Mora que in ijs nascuntur, uel efficacior stomatice præbuere quam satiuæ morus. Eademq; compositione, uel cum hypocisthide tantum & melle bibuntur in cholera, & à cardiacis, & contra araneos. Inter medicamenta quæ styptica uocant, nihil efficacius Rubi mora ferentis radice decocta in uino ad tertias partes, ut colluantur eo oris ulcera, & sedis foueantur, tantaq; uis est ut spongiæ lapidescant.

DE BALLOTE CAP. LVI.

NOMINA.



Α Λ Λ Ω Τ Η, ἡ μέλας πορροσόν Græcis, Ballote Latinis, Officinis Marrubium nigrum, aut Marrubiastrum, aut Prassium foetidum dicitur. Germanis schwarz Andorn/oder Andorn weible. Marrubium à similitudine foliorum, nigrum à caulis colore, qui niger est Marrubij respectu, dicta Ballote est.

Marrubium nigrum cur dictum.


FORMA.

Caules ex se mittit Ballote quadrangulos, nigricantes, subhirsutos, ab una radice complures. Folia Marrubio similia, maiora tamen, subrotunda, pilosa, per interualla in caule disposita, Apiastro similia, graucolentia, unde aliqui Apiastrum eam uocarunt. Flores in rotæ speciem caules circumiacent. Theophrastus etiam lib. vi. cap. ij. de historia plantarum, Balloten folio herbido, ferratiori, incisurisq; profundioribus & conspectioribus discreto constare scribit. Vnde liquidò constat hanc quam pictam damus esse ueram Balloten, quod illa sit herba fruticosa, quadrangulis caulibus assurgens, nigris, hirsutis ferè, folio Marrubij, sed maiore, piloso, cingente per intercapidines caulem, odore graui, orbiculato florum purpureorum ambitu, qui scapos uerticillatim obducunt.

LOCVS.

Nascitur propter uias, domos, sepes, cœmiteria, & alijs umbrosis in locis.

TEMPVS.



BALLOTE

Schwartz andorn.

TEMPVS.

A Floret in fine Iunij mensis, & initio Iulij, quo sanè tempore carpi cōmode potest.

TEMPERAMENTVM.

Amara & acris est, ideoq; calefacit in secundo ordine iam completo, aut tertio remisso: desiccatur autem in tertio.

VIRES.

EX DIOSCORIDE.

Huius folia cum sale illita, canis moribus medentur. Feruenti cinere flaccescencia, condylomata reprimunt, sordidaq; ulcera cum melle purgant.

EX PAULO.

Ballote, quod alij Marrubium nigrum dicunt, acris est & absterforiæ facultatis. Illitum cum sale canis moribus medetur.

EX PLINIO.

Vis eius efficax aduersus canis morsus, ex sale folijs tritis imposita. Item ad condylomata, coctis cinere, in folio oleris. Purgat & sordida ulcera cum melle.

DE BATRACHIO CAP. LVII

NOMINA.



BATRACHION Græcis, Batrachium & Ranunculus Latinis dicitur. Apuleius Sceleratā nominat. Vulgus medicorum perperam Pedem corui

Scelerata.

uocat. Sunt etiam qui Flammulam, ab urendi facultate, appellant. Germani *Hanenſiſ*. Batrachion autem siue Ranunculus dicta est hauddu

Flammula.

Ranunculus una de dictis.

biè, quod limitibus humidis opacisq; marginibus ranarum more lætetur: aut quod aquis ubi ranæ degunt potissimū, gaudeat, aut quia inter eius frutices ranæ frequenter inueniantur. Agreste uero Apium seu Apiastrum, quod folijs apium emulatur.

B Scelerata, eo quod comesta noxia sit: uel, quod magis arridet, quia ualidi sceleratiq; mendicantes sibi crura & lacertos hac ipsa dilaniant, quò possint impudentius stipem extorquere, atque hac impostura pecuniolam aucupari.

Agreste apium. Scelerata.

GENERA.

Plura sunt Ranunculi genera, Dioscorides uero & Galenus quatuor potissimū esse tradunt. Primum duplex est: huius enim generis Ranunculus quidam syluestris est: & hic iterum duabus discriminatur differentiis. Vnus enim luteos flores profert, & Germanis *weiſſer Hanenſiſ* dicitur. Alter uero purpureos, qui mihi, quod sciam, nondum uisus est. Quidam autem hortensis, qui nisi cultura accedat prouenire haud solet. Hic itidem duplex est. Vnus qui simplici florum textura constat, Germanicè *vingefülter garten hanenſiſ*. Alter multiplicè foliorū in floribus cōpagem obtinet, ideoq; Germanis *gefülter garten hanenſiſ* dictus est. Alterum quod à foliorum similitudine quam cum Apij folijs obtinet, à nōnullis *σέλινον ἀγρίον*, id est, Apium syluestre, uel Apium risus cognominatur. Germani *Wasserhanenſiſ* uocāt. Tertium genus exiguum est, ob id etiam Germanis *kleiner Hanenſiſ* nominatur. Quartum etiam minimum, germanicè *Waldhenle* appositissima uoce appellatur: est enim inter reliquas herbas quæ germanicè Pedes galli uocantur, & minima, & non nisi in syluis ut plurimum prouenit, adeoq; composita uoce rectissimè *Waldhenle* nominatur, quasi dicas minima inter pedes Galli, & in syluis prognata. Estq; duūm generum: unum quidem lacteo flore, alterum luteo, ut pictura docet. Primū autem quod lacteo flore ornatur, est id quod à Dioscoride pingitur, germanicè uocatur *Weiſſ waldhenle*. Alterum, *das gelb waldhenle*.

Syluestris ranunculus.

Hortensis.

Apium syluestre.

FORMA.


Primum Ranunculi genus folia Coriandro similia habet, latiora, uel ut Plinius ait, ad maluæ latitudinē accedentia, subalbida & pinguis. Florem luteum, interdū purpureum. Caulem non crassum, cubitali altitudine, Radicem paruum, albam, amaram,

Primum genus.



RANUNCULI PRIMA SPECIES SYLVESTRIS.

Weisser Hanenfuß.



RANUNCULI HORTENSIS
SIMPLICIS PRIMA SPECIES.

Ungefülter garten ranensüß.



RANUNCULI PRIMA SPECIES
HORTENSIS MULTIPPLICIS.

Gefülter hanenfuss.




RANUNCULI
SECUNDA SPECIES.

Wasserhänenfüß.

RANUNCULI
TERTIA SPECIES,


Kleiner Hanenfuß.





RANUNCULI
QUARTA SPECIES LACTEA.

Weiß waldhenle.



RANUNCULI
QUARTA SPECIES LVTEA.

Selbß waldheule.

A amaram, adnascantias Ellebori modo habentem. Cæterum effecit cultura, ut qui in limitibus simplici foliorum compage flores oriantur, gemino quodam densoq; ac multiplici foliorum stipatu nunc in hortis collucescāt, quemadmodū pictura affabrè monstrat. Alterum genus lanuginosius, uel ut Plinius inquit foliosius, altiore caule, pluribus foliorum incisuris, copiosissimū in Sardinia, acerrimumq; quod iam Apium syluestre nominant. Tertium genus ualde paruum, graui odore, flore qui auri speciem refert. Quartum huic simile, flore autem lacteo aut luteo, radice longiore, & modo quodam nodosa, gustu acri.

Alterum.

Tertium.

Quartum.

LOCVS.

Primum genus Ranunculi syluestris lutei sine cultura circa fluenta, & in limitibus pratisq; humidis & uliginosis prouenit. Hortensis uero adhibito cultura in hortis nascitur. Alterum genus secus aquas & fontes gignitur, & apud Sardos copiosissimum. Ea si comedatur, uescientibus neruos contrahit, rictuq; ora diducit, ut qui mortem oppetunt, uelut ridentiū facie intereant. Ob id Sardonius risus in proverbium cessit. Et si autem nostra non perinde efficax sit atq; ea quæ in Sardinia nascitur, tamen hanc uehementissima etiam erodendi facultate esse præditam, gustus ostendit. Tertium genus in pratis & campestribus passim prouenit. Quartum, ut Germanicum nomen palàm demonstrat, syluis familiare est. Luteum uero in ualle supra & infra Bebenhusum monasterium iuxta aquas copiosissimè nascitur.

Sardonius risus.

TEMPVS.

Primum genus hortensis Ranunculi lutei, statim inter initia Aprilis floret: Maio autem mense disperit, & nusquam subinde conspicitur. Secundum & tertium genus itidem tota æstate inueniri possunt. Quartum in uere, Aprili nimirum mense, tantum apparet, quo sanè tempore hoc ipso syluæ, luci & nemora scatent, floribusq; eius candicant.

TEMPERAMENTVM.

B Omnium tum radix, tum uniuerſa herba uehementer calida & sicca est. Primi tamen generis syluestris lutei, nō perinde ac reliquorū acris admodum est facultas.

VIRE S. EX DIOSCORIDE.


Omnium folia & caules teneri si illinantur, exulcerandi, & crustas cum dolore creandi uim habēt. Proinde scabros ungues & scabiem tollunt, & stigmata delent, myrmecias, acrochordonas & alopecias modico tempore illita sanant. Tepido eorundem decocto perniones fouentur. Radix sicca tritaq; sternutamēta naribus admota ciet. Dentium dolores adhibita lenit, eos tamen conterit.

EX GALENO.

Quatuor habet speciatim Ranunculus differentias. Omnes uerò uehementer acrem facultatem possident, adeò ut cum dolore exulcerēt. Hac itaq; ratione si moderatè utare, pſoras & lepras excoriant, & ungues leproſos diuellūt, ac stigmata discutiant, & acrochordonas & myrmecias detrahunt. Quin & alopecias iuuant paucotēpore admota. Nam si diutius inhæreant, non excoriaūt solum cutis, sed & in crustam uritur. Atq; igitur hæc omnia caulis & foliorum sunt opera, si illinantur uiridia. Porrò radix arefacta sternutatoriū est medicamentū similiter alijs quæ ualenter desiccāt. Sed & dentium dolores iuuat, ut & eos, uehementer scilicet exiccando, frangat.

EX PLINIO.

Omnibus uis caustica, si cruda folia imponantur, pustulasq; ut ignis faciūt. Ideo ad lepras & pſoras utuntur, & ad tollenda stigmata, causticisq; omnibus miscent. Alopecijs imponunt, celeriter remouentes. Radix in dolore commanducata diutius, rumpit dentes. Eadem sicca concisa, sternutamentū facit. Nostri herbarij strumeam uocant, quoniam medetur strumis, & panis, parte in fumo suspensa.



LUPVS SALICTARIVS.

Hopfen.

A

NOMINA.



BRYON Græcis recentioribus, Lupus salictarius Latinis, Lupulus officinis, uulgo Humulus uocatur. Aliquot Italiæ rura, ad græcam appellationem alludentes, Brusculam, quasi Bryon scansile nominant, Germani Hopfen. Græci autem Bryon à Bryoniæ similitudine haud dubie nominarunt. Lupus uero salictarius, quia subit scanditque salices, & arbuſta omnia circumuoluendo se circumplectitur, appellatus est. Hinc quoque Lupus reptitius nonnullis nominatur.

Lupulus.

Humulus.

Bryon.

Lupus salictarius.

Lupus reptitius

FORMA.

Caulis habet aculeatos, longissimosque. Folia uitis albæ, hispida, & nigriora. Flores cinereos seu candicantes, ac multis exilibus folliculis squamatim compactiles. Radicem subnigram, longam.

LOCVS.

Pasim & copiose in Germania nostra iuxta uepres & salicta prouenit, ex eaque ceruissiam potum, quo uini uice utuntur, Germani conficiunt. Ideoque in hunc usum in hortis plantatur.

TEMPVS.

Augusto mense floret & Septembri.

TEMPERAMENTVM.

Sunt qui refrigerare Lupulum dicant, alij temperamento medium esse putant. At utriusque, mea quidem sententia, falluntur: flores enim quorum potissimum usus est, calidos & siccos esse, odoris & grauitas, & immodica amaritudo testantur. Antiquus etiam herbarius calidum & siccum in secundo ordine esse tradit. Denique constat radices quoque eius calidas esse.

B

VIRE.

EX RECENTIORIBVS.

Bilem utranque detrahit, Abscessus discutit. Pituam in aqua inter cutem per aluum ducit. Succus eius crudus haustus uentrem magis subducit, minus uero obstructions aufert. Coctus uero magis ab obstructionibus liberat, minusque uentrem subducit. Auribus instillatus eas à putredine uindicat, & à foetore liberat. Radices obstructions tollunt, lienis potissimum & iecoris.

DE VERO-



VERONICA
MAS.

Grenzeiß mennle.



VERONICA
FOEMINA.

Crenbreißweible.

NOMINA.

Veronica.



ETERIBVS Græcis & Latinis cognita fuerit nec ne hæc herba, nondum constat. Vulgus autem herbariorū hodie Veronicam, Germani *Erenbreiß* oder *Grundheyl* / ob mirificam sanandi ulcera & uulnera facultatem nominant.

GENERA.

Duū est generum Veronica: una mas, altera uerò fœmina. Discrimina earum ex descriptionibus patebunt.

FORMA.

Veronica mas herba est per terram serpens, cauliculo dodrantali & nonnunquā etiam longiore, rubescente & lanuginoso, folijs oblongis, nigris, hirsutis & serratis, floribus in cacumine purpureis, semen in uasculis loculi speciem habentibus, radice tenui. Fœmina itidem per terram serpit caule lanuginoso, folijs rotundis instar herbæ quæ Centummorbia & Nummularia hodie uocatur, minimè in ambitu incisis, paulò quàm maris uiridioribus, floribus in luteo purpureis, semine in uasculis rotundis, radice, ut mas, tenui.

LOCVS.

Nascitur incultis & syluestribus locis.

TEMPVS.

Iunio mense floribus & semine abundat.

TEMPERAMENTVM.

Amaritudinem quandam & uehementem adstrictionem in gustu præ se fert, ut hinc calidam & siccam esse coniungere liceat.

D

VIRES.

Mirificè ad cruēta ac uetera uulnera & ulcera sananda confert. Scabiei denique & omnibus cutis uitijis medetur. Ferūt quondam huius herbæ adiuumento Regem Galliæ elephantia morbo correptum, à quodam uenatore sanatum esse, cum is ceruum à lupo uulneratum eius herbæ comestione, & assidua in illa uolutatione, curasse seipsum animaduertisset. Tumores etiam, in quacunq; corporis parte fuerint, potissimum autem in ceruice, discutere potest. Recentiores huius usum unicè commendant in febribus pestilentialibus, iecoris & lienis obstructionibus, potissimum uero pulmonis exulcerationibus.

DE BVLBO SYLVESTRI CAP LX

NOMINA.

Cepa sylvestris.

Bulbi.



Ο Α Β Ο Σ *ἀγροῦ* Græcis, Bulbus sylvestris Latinis. Sunt quibus Cepa sylvestris appellatur. Germanicè *Feld/wild* oder *ackerzwibel*. Bulbos autem nominant radices suis membranis tunicatas, siue pluribus capitulis coagmententur, uno folliculo omnes ambiente, siue quadantenus distinctæ separentur.


FORMA.

Herba est caule dodrantali, cauo, folijs porraceis, floribus lilij sinuatim emicantibus, speciosis, sex folijs è calathio stellatim radiatis, ex uiridi in luteum tendentibus, capillo intus croceo, capitulo floribus decidentibus triangulari, seminibus pleno, radice bulbosa ceu Allium, citra odorem glutinosa.

LOCVS.

In locis umbrosis, circaq; margines quorundam pratorū copiose prouenit. Quare in uallibus non procul à Tubinga iuxta monasteriū Bebenhusense sitis, & radice montis Austriaci ad pratum tenue uocatum, Bulbus plurimus nascitur.

TEMPVS.



BVLBVS
SYLVESTRIS,

Feldzwibel.

P

C

TEMPVS.

Per initia ueris, Martio & Aprili mensibus erumpit, ac statim subinde euanescit. Semen non tantum in caulibus, uerumetiam iuxta radicem profert.

TEMPERAMENTVM.

Amara austeraq; qualitate præditos inueniet, non hunc, sed & alios bulbos, qui gustum exactè consuluerit. Proinde hos abstergere simul & glutinare, & nimirum etiam exiccare posse, nemini non notum est.

VIRE.

EX DIOSCORIDE.

Omnes bulbi acres sunt & calefaciunt, ueneremq; stimulant. Linguam & tonsillas exasperat. Multum nutriunt. Carnes procreant, flatuq; faciunt. Ad luxata, collisa, furculos, articulorumq; dolores illiti cōducunt. Gangrenis & podagris cum melle, & per se, hydropicorūq; tumoribus & canum morsibus profunt. Cum melle pariter & pipere trito illiti, sudores cohibent, & stomachi dolores sedant. Furfures & achoras cum nitro tosto exterūt. Sugillata & uaros per se, aut oui luteo purgant, & lentigines cum melle aut aceto. Fractis auribus cum polenta, & cōtusis unguitibus profunt. Ficos in calidis cineribus tosti, & cum mænarum capitibus crematis appositi, tollunt. Cōbusti uerò & Alcyonio permisti uitia cutis in facie, & nigras cicatrices in sole illiti emendant. Cum aceto elixi & in cibo sumpti ad rupta faciunt. Cauere uerò eorum in cibo copiam oportet, quoniam neruofas partes tentant.

EX GALENO.

Bulbi amaram austeraq; uim manifestam obtinent, quamobrem elanguescens stomachi aliquatenus aueritatem excitant. At uerò neq; ipsi inutiles sunt, quibus è thorace & pulmone pus expuendum erit, quanquam crassiore ac glutinosiore sit corporis substantia: etenim amaritudo crassitudini aduersatur, lenta crassaq; nata incidere. Quapropter bis elixi uberius quidem alunt, sed excreare uolentibus relictabuntur, utpote omni amaritudine exuti. Tum uerò ex aceto, oleo garoq; mistis, elitare satius fuerit: nam ita magis oblectabūt ac nutrient, minusq; inflabunt, & facilius cōcoquantur. Quidam horum cibo abunde & immodicè usi, planè seminis auctam copiam, inq; uenerem se esse promptiores senserunt. Hos quoq; homines uariè apparant. Non enim solum aqua elixos, uerumetiam patinas ex ipsis uariè conditas instruunt. Alij quidam in sartagine frigunt, multi in craticula assant. Verum hi multam coctionem haud sustinent, admodum pauca cōtenti. Sunt qui nihil prorsus præcoquant: delectat nanq; eos amaritudo ipsa ac austeritas integra, quippe qui amplius ab ea ad cibum alliciantur: quanquam ad huiusmodi illecebrā duo aut tres plus satis faciēt. Si uerò liberalius sic apparati sumantur, præsertim ubi, ut mos est, crudiores ingeruntur, amplius cruditatem generabūt. Quidam etiam non probè cocti, inflationes & tormina pariūt. Qui ad hunc modum elitantur, alimentum minimè boni succi procreant. At plurimum decoctorum, aut bis etiam, succus crassior quidem ille erit, cætera uerò melior ac alibilior reddetur.

EX PLINIO.

Bulbi ex aceto & sulphure uulneribus in facie medentur: per se uero triti neruorum cōtractionem, & ex uino porrigines. Succū cum melle canum morsibus. Erasi strato placet cum pice. Sanguinem idem eos sistere tradit illitos cum melle. Alij si è naribus fluat, Coriandrū & farinam adiiciūt. Theodorus & lichenas ex aceto bulbis curat, & erumpentia in capite cum uino austero aut ouo. Et bulbos epiphoris idem illinit, & sic lippitudini medetur. Aequè uitia quæ sunt in facie, eorum rubentes maximè in sole illitis, cum melle & nitro emendant. Lentiginem cum uino, aut cum cumino coctis. Vulnerib. quoq; mirè profunt per se, aut, ut Damion, ex mulso, si quinto die soluantur. Iisdem & auriculas fractas curat, & testium pituitas. In articulorum doloribus miscent farinam. In uino cocti illiti uentri, duritiem præcordiorum emolliunt, Dysentericis in uino ex aqua coelesti temperato dantur. Ad con-

uulsa

A uulsa intus cum Silphio pilulis fabæ magnitudine. Ad sudorē tusi illinuntur. Neruis utiles. Ideo & paralyticis dantur iuxta in pedibus. Qui sunt ruffi ex his, citissime sanant cum melle & sale. Venerem stimulant. Syluestres interaneorū plagas & uitia cum Silphio pilulis deuoratis sedant. Et satiuorum semen contra phalangia bibitur in uino. Ipsi ex aceto illinuntur contra serpentium ictus. Semen antiqui bibendum infanientib. dabant. Flos bulborum tritus crurum maculas uarietatesq; igne factas emendat. Elixos assis minus utiles adiiciunt esse, & difficile concoqui ex ui uniuscuiusq; naturæ.

APPENDIX.

Hic quem pictum damus Bulbus, facultatē emolliendi & discutiendi duros tumores habet. Humidis denique & depascentibus ulceribus tostus calido cinere, & cum melle tritus atque admotus prodest.

DE BICIO CAP. LXI.

NOMINA.



B I K I O N Græcè, Vicia Latinè nominatur. Officinæ non sine maximo errore ea pro Orobo utuntur. Germani alludentes ad græcam appellationem, Wickten simpliciter, uel cum adiectione *zam wickten* uocant. Vicia autē, ut Varroni placet, dicta est à uinciendo, quod item ut uitis capreo, *vicia unde dicta.*

los habeat, quibus sursum uersus serpit.

FORMA.

Cubitali altitudine surgit, folijs Aphaces, angustioribus tamen, flore Pisi, minutis nigricantibusq; in siliquis seminibus, quorum quidem figura non rotunda est, sed, limiliter lenti, latiuscula.

LOCVS.

Sicca loca maximè amat, inter autem segetes copiose prouenit.

TEMPVS.

Iunio mense floribus & semine prægnans est.

TEMPERAMENTVM.

Medium tenet caliditatis & siccitatis, ualidius tamen siccatur, in secundo nimirum ordine.

VIRE. EX GALENO.

Semina hæc non solum insuauia, sed concoctu etiam difficilia, & aluum retinentia. Perspicuum ergo est, quum huiusmodi naturam obtineant, alimoniam quoq; quæ ex ipsis in corpus permanat, improbi crassiq; succi esse, idoneam ad humoris melancholici generationem.



NOMINA.



BLITTON Græcis, Blitum siue Blitus Latinis uocatur. Officinæ hanc herbam cum Beta cōfundunt non sine magno errore. Germanis *Maier* dicitur. Blitum nomen inde traxit, quod iners & fatuum olus esset, sine sapore aut acrimonia ulla. Nam *βλίηος* stolidos & ignauos Græci dixerunt. Sic hodie græca imitatione socordes, & nullius momenti homines, bliteos appellamus. Ita Plautus in Truculento bliteam meretricem nominauit.

officinarum error.
Blitum unde dictum.
βλίηοι.

FORMA.

Blitum non pingitur à Dioscoride, sed ab Hermolao Barbaro, homine non minus docto quàm diligente, in suo Corollario ijs uerbis describitur: Blitum erumpit ocysimè, folijs betaceis, sine acrimonia fatuis & insipidis, semine ut Beta corticeo, copioso, racemoso, ut Atriplex. Radice non una, non in rectum tendente, sed multiplici, obliqua, & proluxa. Ex quibus utiq; uerbis omnibus perspicuum fit, herbam quam depictam damus esse Blitum. Hec siquidem ocysimè erumpit, atq; in altum tollitur, foliaq; Betacea prorsus habet. Insipida denique & sine acrimonia. Semen eius ut Betæ corticeum, copiosum, racematim singulis ramis insidens. Radice non una nititur, sed multiplici ac longa, non in rectum, sed obliquum tendente. Rectio rem tamen & magis descriptioni respondentē si quispiam protulerit, non grauabimur nostram mutare sententiam, ut qui probè perspectum habeamus in ijs herbis quæ à Dioscoride non descriptæ sunt, facillimè aliquem in tanta rerum penè omniū caligine aberrare posse.

LOCVS.

Et si sponte sua interdum herba hec proueniat, tamen ut de Blito etiam tradunt, si culto solo semel nata fuerit, ipsa se per multa secula seminis deiectione reparat, ut etiam si uelis uix possit aboleri, sic semel nata pluribus annis restibili fertilitate prouenit.

TEMPVS.

Floret æstate & autumno, semineq; prægnans est.

TEMPERAMENTVM.

Blitum frigidum & humidum in secundo ordine.

VIRE.

EX DIOSCORIDE.


Blitum oleris uice in cibum uenit. Aluo utile est, nullam tamen medicamento-
sam uim obtinet.

EX GALENO.

Aquosum est olus, ac uti quis non absurdè dixerit qualitatibus expers, & insipidū: quapropter non ex solo oleo garoq; sed addito aceto sæpius meliusq; assumitur. Nō nihil etiam ad leuigandā aluum momenti affert, uerum id ipsum perquam exiguum est, quoniam nulla ipsis acris nitrosæ adest qualitas, quæ aluum ad excretionē irritare possit. Liqueat etiā quod minima ab ipso alimonia in corpus dimanet.

EX PLINIO.

Blitum iners uidetur ac sine sapore aut acrimonia ulla. Vnde cōuicium sceminis apud Menandrum faciunt mariti. Stomacho inutile est. Ventrem adeò turbat, ut choleram faciat aliquibus. Dicitur tamen aduersus scorpiones potum è uino prodesse, & clauis pedum illini. Item lieni & temporum dolori ex oleo. Hippocrates menstrua sisti eo cibo putat.



BLITVM

Water.

NOMINA.



ΒΟΥΝΙΑΣ Græcis, Romanis Napus, Germanis *Stedtrüb* appellatur. *Napus.*
 Buniadis autem appellationē à tumente figura quam præ se fert, Græci deduxerunt. Nancq; radix Napi buniadis in amplitudinē excreſcit, & *Bunias quare dictus.*
 in rotundum extuberat. Cliuos ſiquidem, colles, uerrucoſaꝗ loca *Βουνός Βουόι.*

nominant,

GENERA.

Napi buniadis, quem Galenus & alij ueteres in Raporum cenſum reponunt, duo ſunt genera. Vnum ſatiuum, quod forma proximē ad Braſſicam tertiæ ſpeciei *Napus Bunias* accedit, radicemq; oblongiorem obtinet. Germani huius generis Napos, *Trucken ſatiuus.* *ſtedtruben* nominant. Alterum ſylueſtre, quod folijs ſuis Erucae non diſſimile eſt, *Sylueſtris.* radice ampliore, & rotundiore. Germanicē *Naſſſtedtruben* appellantur eius generis Napi.

FORMA.

Folia habet Rapi, leuiora, Erucae modo laciniata, caulem cubitalem, interdum altiorem, rotundum, flores luteos, Braſſicæ proximios, ſemen in ſiliquis, radicem oblongam.

LOCVS.

Bunias gaudet frigidis locis.

TEMPERAMENTVM.

Cum eaſdem quas Rapum uires habeat Bunias, neceſſe eſt idem etiam ut obtineat temperamentum. Eſt itaq; Napus bunias in ſecundo ordine calidus, & in primo humidus.


VIRES.

EX DIOSCORIDE.

Radix Buniadis elixa, ſtatus creat, minus tamen quàm Rapum nutrit. Semen eius potum letalia uenena inefficacia reddit. Miſcetur antidotis, Radix etiam eius ſale conditur.


EX GALENO.

Eaſdem quas Rapa uires obtinent. Vide itaque caput de Rapis.



NAPVS BVNIAS
SATIVVS,

Drucken steckrüben.



NAPVS BVNIAS
SYLVESTRIS.

Napsteckrüben.

NOMINA.

Botrys unde
dicta.



OTPYΣ Græcis, Botrys Latinis appellatur. Officinis & uulgaribus herbarijs incognita. Germanis haud ineptè Traubenkraut nominabitur. Botrys uerò dicta est à semine, quod racematim ramulis adnascitur.

FORMA.

Herba tota est lutea, fruticosa, sparsa, multaꝝ alarum caua habens. Semen totis ramulis adnascitur. Folia Cichorio similia obtinet, totaꝝ ualde odorata est, ideoꝝ uestibus apponitur. Ex qua quidem descriptione omnibus manifestum fit, herbam cuius picturam exhibemus esse legitimā Botryn: uniuersa enim herba ad luteum colorem uergit, fruticosa est, & multis stolonibus fusa, folijs Cichorij, odoratis, semine circa ramulos totos in racemos collecto nascente. Quid multa? nulla est prorsus nota, quæ illi non appositissimè quadret.

LOCVS.

Nascitur circa profluentes aquas & torrentes. In Germania tamen, quod equidem sciam, non nisi fata prouenit.

TEMPVS.

Augusto & Septembri ad maturitatem maximè peruenit: quibus etiam mensibus, ut Ruellius annotauit, uenalis herba per Parisiensem urbem defertur. Odo-
ris enim gratia Galli uestimentis, pannis, & linteis curiose interponunt. Apud Germanos tamen eius herbæ nulla est gratia, quod illis hætenus ignota fuerit.

TEMPERAMENTVM.

Calidam & siccam esse Botryn amaritudo eius quæ gustui occurrit, facilè monstrat. Item uis eius incidendi, quæ illi propter calorem, tenuitatemꝝ inest.

VIRE S. EX DIOSCORIDE.


In uino pota orthopnoceas lenit.

EX PAVLO.

Planta est admodum odorata, quæ cum uino pota non nisi recta ceruice spirantibus auxiliatur.

EX PLINIO.

Medetur orthopnoicis.



BOTRYS

Traubenkraut.

NOMINA.

Hæc herba non
est Pycnocomo.

Barba capricur
dicta.



VO nomine ueteribus Græcis & Latinis hæc herba uocata sit, nobis nondum compertum est. Neque enim Pycnocomon est, quod à descriptione illius prorsus abhorreat. Quare Barbam caprinā interea donec certius nomen nacti fuerimus, nuncupabimus, à florum nimirum figura, quæ caprinam barbam referre uidetur. Germanicè *Wald geißbart* / ut eam segregaremus ab altera eiusdem nominis, quæ non in syluis, ut hæc ipsa, nascitur, sed in pratis & senticetis, appellare nobis placuit.

FORMA.

Caulem habet tricubitalem, angulosum, folia Castaneæ aut Corylo similia, in ambitu serrata, flores candidos, exiguos, racematim compactos, instar barbæ canæ dependentes, radicem nigram, lignosam, intus candidam. Flores eius in iulos abeunt.

LOCVS.

Prouenit in obscuris syluis, & uallibus nonnunquam minus apricis.

TEMPVS.


Floret Iunio mense, ac subinde semen profert.

TEMPERAMENTVM.

Calidam & siccam esse hanc herbam facile ex gustu deprehenditur; miram enim amaritudinem, in radice potissimum, gustata exhibet.

VIRES.

Abstergit haud dubiè expurgatq;, & quæ in uenis est crassitiem incidit. Quamobrem menses ducit, educendoq; ex thorace, & pulmone puri auxiliatur. Et in summa, siue crassa in eis pituita, siue pus, siue aliud quippiam continetur eiusmodi, expurgat. Hac utiq; ratione & morbo comitiali competit. Extrinsecus illita & imposita, tumores ex pituita ortos discutit.



BARBA CAPRI

Waldgeißbart.

NOMINA.

Blattaria unde
dicta.



VM Græcis autoribus cognita hæc herba fuerit, nondum cōpertum habeo. Plinius certè libro xxij. cap. ix. Blattariam nominat. Inuenit autem nomen hoc Latinum, à colligendis in se blattis. Ideoq; cōuenientissimò nomine Germanis appellabitur Schabenkraut.

FORMA.

» Plinius loco iam citato Blattariam sic pingit: Blattaria est similis Verbasci herba, quæ sæpe fallit pro ea capta, folijs minus candidis, cauliculis pluribus, flore luteo. Ex qua pictura satis constat, herbam cuius picturam damus esse Blattariam: sic enim Verbascum mentitur, ut pro eo sæpius ab imperitis decerpatur. Et sunt non pauci herbarij, qui hac similitudine decepti, eam inter Verbasci genera connumerent. Folia tamen, quæ minimè sunt hirsuta & candida, sed potius uiridia, facile ab hoc errore paulò attentiores reuocare possunt. Plures deniq; cauliculos habet, flores item luteos, ad Verbasci flores proximè accedentes. Folliculos quoque lini instar, in quibus semen continetur.

LOCVS.

Nascitur iuxta aquas, & fluminum ripas.

TEMPVS.

Floret Iunio & Iulio mensibus.

TEMPERAMENTVM.

Vehemens amaritudo eius satis docet esse calidam & siccam.

VIRE. EX PLINIO.

Hæc abiecta blattas in se contrahit, ideoq; Romæ Blattariam uocant.

APPENDIX.

D Non plura de huius herbæ facultatib. apud probatos autores inuenio, sed haud dubiè si quis ea uti uoluerit, eadē quæ alia amara, in corpore nostro efficere potest. Quæ qualia sint, ex capite præcedente facile intelliges.



BLATTARIA

Schabenkraut.

NOMINA.



ΒΡΟΜΟΣ Græcè, Avena Latinis ac Officinis, Germanis Habern dicit.

FORMA.

Folijs & culmo Tritico similis, geniculis intersecto. In summo uerò fructum habet ueluti locustas duplici crure diuicatas, in quo semen includitur. Radicem copiosam.

LOCVS.

Pasim in Germaniæ agris nascitur, ac iumentorum potius quàm hominum pabulum existit.

TEMPVS.

Seritur Martio mense, metitur autem Augusto.

TEMPERAMENTVM.

Auenà ut medicamētum refrigerat, Galeno autore: ut alimentum uerò, eodem teste, calefacit sufficienter. Vtroque uerò modo exiccat.

VIRES.

EX DIOSCORIDE.


Semen eius haud secus quàm hordeum ad cataplasmata utile. Puls etiam ex ea fit cohibendæ aluo accommodata. Succus eius in sorbitione acceptus, tussientibus prodest.

EX GALENO.

Avena ut medicamentum similem hordeo uim obtinet. Nam illitum desiccat, & digerit mediocriter, & sine morfu. Nonnihil etiam adstrictionis obtinet, ut uentris profluvia iuuat.

EX PLINIO.

Semen utile ad cataplasmata atque hordeum & similia. Prodest tussientibus succus, Auenæ farina in aceto tollit næuos.



AVENA

Gabern.

Q 3

NOMINA.



Vua crispa cur
dicta.

ETERIBVS ne Græcis & Latinis frutex ille cognitus fuerit, me ignorare adhuc ingenuè fateor. Quare cum nomen aliud quo hunc appellaremus in promptu non esset, uulgare & qua omnes hodie herbarij utuntur nomenclaturam usurpare uoluimus. Vuam autem crispam fruticem hunc dixerunt ab intortis fereq; in circulum uersis (crispa alij uocant) folijs, & acinis quos producit. Quo etiam respicientes Germani nostri, Krusbeer / oder Krüselbeer uocant. Latinius fortè uua intorta nuncuparetur.

FORMA.

Frutex est ramulis multis, aculeatus, rectoq; spinarū mucrone horridus, folijs intortis ac circinata rotunditatis, Apij modo dissectis, flore ex herbido purpurascen- te, acinis candicantib. & splendentibus, primum acerbis, à maturitate dulcibus. Ex ijs abunde constare putamus, fruticem hunc cuius picturā exhibemus, non esse primam, ut nonnulli arbitrantur, Rhamni speciem. Nam etsi cætera respondeant, tamen folia quæ rotunda & minimè oblonga sunt, ut Rhamni, repugnare manifestè uidentur. Possset tamen citra aliquod uitæ discrimen Rhamni generibus annumerari, quod scilicet uiribus illi similis admodum sit, quas etiam illi suo loco adscribemus.

LOCVS.

In frutetis & sepibus nascitur, non tamen passim. Nusquam autem copiosius quàm Tubingæ luxuriat, ubi circa omnes ferè sepes sese profundit.

TEMPVS.

Veris statim initio frutex ille pubet, primum hoc tempore folia, dein flores, ac non diu post acinos seu baccas acerbitate gratas profert.

TEMPERAMENTVM.

Haud dubiè idem quod Rhamnus temperamentum obtinet. Vt enim hic adstringit & refrigerat, sic etiam illa. Refrigerat autem in primo completo, aut secundo incipiente, desiccatur uerò in secundo.


VIRES.

E DIOSCORIDE.

Folia ignibus sacris & herpetis illita auxiliantur. Fertur & ramos eius foribus & fenestris appositos ueneficiorū arcere maleficia. E quibus Dioscoridis uerbis satis liquet, Vuam intortam non hoc tantum nomine sepibus apponi ut easdem muniat, atque adeò alienorum ingressum prohibeat, uerum etiam ut ueneficia ab hortis propulset. Vt hinc quoq; colligere liceat, eiusdem cum Rhamno esse facultatis.

E GALENO.

Herpetes sanat, & erysipelata non magnopere calida, Porro ad hæc teneris utendum est folijs.



VVA CRISPA

Kriuselbeer.

C

N O M I N A.



VO nomine ueteribus tum Græcis cum Latinis appellatæ sint hæ plantę, me ignorare ingenuè fateor. Puto autem illis planè fuisse incognitas, quod de ijs ne uerbum quidem apud eosdem scriptum inueniatur. Hodie Balsamines nomine uocant. Causam indicabimus paulò post. Germani ad latinam nomenclationem alludentes, Balsamē aut/haud (arbitror) ineptè appellabunt.

G E N E R A.

Prima Balsamine.
Hierosolymitanum pomum.
Mirabile pomum.
Charantia.
Altera Balsamine.
Balsaminum.

Duo Balsamines genera damus. Primam, quam nos certioris discriminis gratia marem fecimus, Ligures Padani Balsaminā uocāt, Hierosolymitanū pomum Hertruria, Mirabile Gallia, uulgus Italarum Charantiam, quoniā septi modo in hortis fenestrisq; per cancellos opere topiario facilè digeratur. Alteram, quam fœminā nominauimus, Itali neutro genere Balsaminū appellāt, priori quidem quod ad fructum attinet similis, nisi quod minor est, in alijs dissimilis: neq; enim folijs, neque etiam floribus respondet. Vtraq; planta uisu pulcherrima est, ut hoc saltem nomine pingi meruerint. Etsi præstet etiam harum habere picturas, ut de ijs plura inuestigandi posteris occasio aliqua sit.

F O R M A.

Primæ. Prima tenuibus prælongisq; flagellis ultro citroq; reptantib. euagatur, folijs Vitis albæ seu Bryoniæ, articulationibus, exilibus pampinis ex alarum sinu prodeuntibus, quibus illigantes sese cancellatim uicinis implicant pergulis: flore cucumeris ex albo in luteum languescēte, turbinato utrinq; fructu, carnosâ cute, & per uersus uerrucosa, ac rigidioribus bullis intumescēte, cucumeris syluestris pusilli similitudine, puniceus maturo color, cartilago intus punicea uel lutea, sanguineusq; succus. Pomum maturitate dissilit, inanitasq; contrafacto patet, semina intus pomi formam referentia continens. Altera caulem habet crassissimū, Portulacæ asimilem, in herbaceo colore rufescentē, folia Salicis, in ambitu incisiss, flores magnos, purpureos, instar Consolidæ hodie regalis uocatæ herbæ caudatos, fructum priori non dissimilem, primo herbaceū, dein pallidum luteūm ue, pilosum, qui maturitate dissilit, inanitasq; contrafacto apparet, semina intus aliquot lenticulæ ferè figura continentē.

L O C V S.

Non nisi satæ in Germania proueniunt, Sed iam in multorum hortis plantatæ nascuntur.

T E M P V S.

Floribus & fructibus prægnantes sunt Augusto & Septembri mensibus.


T E M P E R A M E N T V M.

Idem quod Telephium temperamentū, potissimum alteram, obtinere arbitror. Quare in secundo ordine intenso, aut certe principio tertij exiccare, nec insigniter calefacere, primo nimirum ordine, est uerisimile.

V I R E S.


Ex primi generis Balsamines seminibus oleum exprimitur, ad uulnera, quod in Corollario suo annotauit doctissimus Hermolaus, præcipuum. Nonnulli pomum oleo prius imbutum aliquot dies insolant, deinde uel fimo, uel terra tantisper obruunt, dum prorsus intabuerit, sic Balsami uires glutinandis uulneribus adsciscere pollicentur, inde tractum Balsaminæ uocabulum. Quid multa? in uulneribus sanandis Telephio non inferiores esse conijcio, hincq; Balsaminas appellatas. Nos tamen de ijs peculiarem experientiam nullam habemus. Poterunt itaque alij, si lubet, earundem uirium facere periculum.

Balsamine uox unde nata.



BALSAMINE
PRIMA.

Balsamkraut mehrle.



BALSAMINE
ALTERA.

Balsamkraut weiblich.

NOMINA.



ΛΥΚΥΡΡΙΖΑ Græcis, Dulcis radix Latinis, Liquiritia officinis, *Liquiritia.*
Germanis Süßholz dicitur. Nomen tum apud Græcos, tum etiā *Glycyrrhiza un-*
Latinos à dulcedine, qua radix eius prædita est, inuenisse notius *de dicta.*
est, quàm ut dici debeat. Theophrastus nono de plantarū historia *Scythica radix.*
libro, Scythicam nominauit radicem, quod in Scythia circa Mæo-
tim paludem plurimum proueniat. Sunt etiam qui ἄδρυον uoci-
tent, quod sitim retenta in ore arceat.

FORMA.

Breuis frutex est, ramos binūm cubitorum altitudine spargens, in quibus folia densa, Lentisco similia, pingua, tactuq; glutinosa. Florem fert Hyacintho similem. Fructum pilularum Platani magnitudine, asperiores tamē, siliquas Lentis modo rubescens, breuesq; habentē. Radices illi sunt longæ, colore buxæ ut Gentianæ, subacerbæ, sed dulces, quæ Licij modo in succum coguntur & densantur. Hæc delinatio ita Liquiritiæ hodie uocatæ quadrat, ut nulla penitus sit nota quæ in illa non reperiatur. Fruticosa enim est, ramos bicubitales emittens, folijs lentiscinis, densis, pinguibus, tactuq; sequaci lentore glutinosi. Flore Hyacinthi, fructu pilularū Platani crassamento, sed asperiore, siliquas Lentis figura, & breues habente. Radicibus prælongis, buxæ colore, & dulcibus.

LOCVS.

Plurima & optima in Cappadocia ac Ponto nascit̃. Multa præterea nec ignaua *Pabenbergensis*
aliquot Germaniæ nostræ locis, Pabenbergensi præsertim agro, IOACHIMI nostri *ager Glycyrrhizæ*
Camerarij, uiri doctissimi, patria, producit̃. Et hodie nusquam ferè nō feritur in *fecundus.*
hortis. His quæ semel comprehenderit, tam pertinaci fertilitate cohæret, ut uix un- *Ioach. Camera-*
quam possit radicitus extirpari, tam restibili fecunditate regerminat. *rius.*

TEMPVS.

B Carpitur Septembre mense, quando semine prægnans est, aut Vergiliarum oc-
casu. Flores suos Iulio mense profert.

TEMPERAMENTVM.

Natura eius nostræ temperaturæ familiaris est: nam tale monstratum est esse id quod dulce est. Sed quum adstrictio quædam adiuncta sit, uniuersum eius temperamentum quantum ex caliditate & adstrictione est, tepide potissimum caliditatis fuerit, quam proximè ad symmetrum temperatūm ue accedens. Porro quum etiam dulcis sit, humida quoq; sit oportet.

VIRE. EX DIOSCORIDE.

Succus radicis ad arteriæ exasperationes utilis est, oportet autem ut linguæ subditus elique scat. Ardori stomachi, & ad iecinoris thoracisq; uitia prodest. Vesicæ scabiem, & renum uitia cum passo potus emendat. Idem eliquatus sitim restinguit. Vulneribus prodest circumlitus. Cōmanducatus stomacho succurrit. Radicum recentium decoctum ad eadem conuenit. Radix uero sicca in puluerem trita, pterygijs commodissimè inspargitur.

EX GALENO.

Huius fruticis radicem succus in primis utilis est, similiter ut eius radices dulcis, simulq; modicè adstringens. Proinde asperitates lenire potest, nō solum in arteria, uerum etiam scabra uesica, idq; temperaturæ mediocritate. Quoniam autem temperie quoque humidum est quod modicè dulce est, iure sanè sitim arcens medicamentum est, nimirum modicè humidum, simul & natura humana frigidius. Refert Dioscorides, radicem siccam ad leuorem redactam, pterygiorum illitu idoneum esse remedium.

EX THEO-



GLYCYRRHIZA

Süßholz.

EX THEOPHRASTO.

A Dulcis & Scythica radix utilis ad suspiria, & tussim siccam, atq; in totum thoracis laborantis medicamento cōmoda redditur. Quin & ex melle ulceribus mederi potest. Sitim quoq; extinguit, si teneatur in ore. Qua de causa tum ea, tum Hippace, Scythas decem & duodecim dies degere, & uitam prorogare affirmant.

EX PLINIO.

Radici usus in subditis decocta ad tertias, cetero ad mellis crassitudinē, aliquando & tusa. E quo genere & uulnerib. imponitur, & faucium uitij omnibus. Item uoci utilissimo succo, sicut spissatus est linguae subdito: item thoraci & iecinori. In ore habentes sitim non sentiunt: ob id quidam Adipson appellauerunt eam, & hydropicis dedere ne sitirent. Non parum auxiliij confert ijs qui perpetua siti excruciantur: ideo cōmanducata & stomatice est, & ulceribus oris inspergitur, sæpe & pterygijs. Sanat uescicæ scabiem, renum dolores, condylomata, ulcera genitalium. Dedere eam quidam potui in quartanis, drachmarum duarum pondere, & pipere, hemina aquæ. Cōmanducata sanguinem sistit ex uulnere. Sunt qui & calculos ea peli traderunt.

DE GALEOPSI CAP. LXXI

NOMINA.



A ΛΗΘΥΣ, ἢ γαλεόβδolon græcè: Galeopsis, Vrtica labeo latinè, uulgo & officinis Scrophularia maior, Ficaria, Millemorbia & Castrangula dicitur. Germanicè Kraunwurß/Sauwurß/groß feigwarzenfrant. *Scrophularia maior.*

B Appositè autem Galeopsis appellatur, nomine ex græco & latino composito, quod eius flores prorsus galeæ aspectum referant. Aut si græca cum latinis componi haud possunt, γαλιόψις cum ἢ & non ι, ut habent multa exemplaria, scribendum erit, ut idem ualeat ac mustelæ aspectum referens: flores enim nō dissimiles esse capiti illius animalis uidentur. Et ita legendum esse Plinius etiam testatur, qui Galeopsin hanc nominat herbam. Scrophulariam autem à curandis strumis, quas scrophulas uocant recentiores, dixerunt. *Galeopsis cur dicta.*

FORMA.

Totus cum suo caule & folijs frutex Vrticæ similis est, læuiores tamen habet folia, & cum teruntur grauiter odorata. Flores illi tenues, & purpurascens. Huius deliniationis notæ in uniuersum omnes, nulla prorsus reclamante, herbæ quam uulgi Scrophulariam maiorem nominat, conueniunt. Frutex enim est qui ad humani corporis ferè longitudinem interdum assurgit, foliaq; Vrticæ habet, sed læuiores, & quæ trita grauem fundunt odorem. Flores tenues, atque purpurascens. Respondet etiam locus natalis, ut ex sequentibus patebit. Esse autem ueterum Galeopsin uulgi Scrophulariam maiorem, præter ea quæ iam diximus, manuscriptus quoque codex euidenter ostendit, in quo pictura ita Scrophulariam refert, ut nemo sit qui eam non agnoscat. Huc accedit quod in descriptione, quam ex Dioscoride desumpsit, apertè testatur Scrophulariam maiorem alio nomine dictam esse Galeopsin & Galeobdolon. Neque facultates discrepant, sed utrarumque similes sunt, adeo ut haud dubiè ueterum Galiopsis, recentiorum herbariorum sit Scrophularia maior.

LOCVS.

Nascitur circa sepem, semitasq;, & in areis ædificiorum passim.

TEMPVS.

Colligitur Iunio & Iulio mensibus, tum enim potissimum floret.

R

TEMPE-



GALEOPSIS

Braunwurtz.

TEMPERAMENTVM.

A Desiccat, extenuat, & discutit, adeoq̃ partium est tenuium, id quod amaritudo quam in gustu prae se fert, satis indicat.

VIRE S. EX DIOSCORIDE.

Folia, succus, caulis & semen, duritias, carcinomata, strumas, parotidas & panos dissoluiunt. Oportet autem bis die cum aceto tepidum cataplasma imponere. Fouentur & decocto eius utiliter. Ad nomas, gangrænas, & putrescentia cum sale illita profunt.

EX PAVLO.

Galeopsis, quam alij Galeobdolon appellant, urticae similis herba est, maiorem tamen laeuorem habet, & odorem grauem. Scirrhusos tumores dissipat & emollit. Item ad nomas cataplasmatibus modo illita confert.

EX PLINIO.

Galeopsis folia caulesq̃, duritias & carcinomata sanant ex aceto trita & imposita. Item strumas, panos & parotidas discutunt. Ex usu est & decocto succo fouere. Putrescentia quoque & gangrænas sanat.

APPENDIX.

Recentiores etiam Scrophulariae tribuunt facultatem sanandi ulcera putrescentia, & mariscas. Succum eius mederi deformitati faciei iam ferè elephantice tradunt, ut inde satis constet à Galeopsi non diuersam esse. Semen in expellendis & enecandis lumbricis esse efficax adijciunt, id quod ab eius amaritudine non abhorret.

DE GALLIO CAP. LXXII

NOMINA.



B **ΓΑΛΛΙΟΝ**, ἡ γαλλίον, ἡ γαλλία. Graecis, Gallion Latinis, Officinis, ut multae aliae optimae herbae, neglecta & incognita est. Germanis *Unser lieben frauen weg/oder wal/oder beist*ro dicitur. Nomen inuenit ex eo quod uim coagulandi, ac spissandi lactis habeat.

Gallion unde dictum.

FORMA.

Ramulos rectos, & folia Aparinae simillima habet. Florem in summo luteum, tenuem, frequentem, ualde odoratum.

LOCVS.

Nascitur in aruis & humidis palustribusue locis.

TEMPVS.

Iunio & Iulio potissimum mensibus floret.

TEMPERAMENTVM.

Gallium siccum est & subacre.

VIRE S. EX DIOSCORIDE.

Flos eius ambustis illinitur, & sanguinis profluvia cohibet. Idem cerato rosaceo miscetur, insolaturq̃ donec albescat, & sic lassitudines recreat. Radix uenerem stimulat.

EX GALENO.

Gallium inde adeò nomen sortitum est suum, quod lac coagulet. Facultatè obtinet exiccatoriam & subacrem. Flos eius sanguinis profluuijs competere uidetur, & ambustis mederi. Est autem boni odoris, & coloris lutei.



GALLIVM

Unser frauen wegstro.

A

NOMINA.



ΑΗΧΩΝ, ἢ βλήχων Græcè, Pulegium Latinè uocatur. Officinæ latinum nomen retinent. Germanicè Poley. Blechona autem appellarūt, quod *Blechona.* gustatum à pecore cum floret, balatum concitet. Id quod Plinio lib. xx. cap. xiiij. autore, de syluestri uerè dicitur. Pulegiū uerò, quod eius flos recens incensus pulices interficiat.

GENERA.

Plinius & Apuleius duo Pulegiū faciunt genera, alterum fœminam, alterum mare; nec alia ratione differre scribunt, nisi quod mas candidum, fœmina uerò purpureum florem habeat. Dioscorides Pulegium masculum, quod satium alio nomine in Dictamni descriptione uocat, duntaxat depingit. Syluestre autem secundam Calaminthæ speciem facit, quam Latini propriè Nepetam nominant, ut suo *Satium Pulegium.* *Syluestre.* loco dicemus.

FORMA.

Pulegium mas seu satium, cuius hic picturā damus, fruticosum assurgit, & ad cubiti altitudinem increfcit, maximè si sit quo sustentetur: folijs Sampsychi, surculis hirsutis, rubicantibus, & per interualla purpureo flore orbiculatim coronatis.

LOCVS.

Prouenit locis cultis & aquosis; semelq; satum diutina durat ætate.

TEMPVS.

Carpitur dum floribus prægnans est, id quod Iulio & Augusto mensib. accidit.

TEMPERAMENTVM.

Pulegium quum acre & subamarum sit, ualde tum excalescit, tum extenuat, *B* ideoq; in tertio ordine calidum & siccum esse statuunt.

VIRE.

EX DIOSCORIDE.


Extenuat, calescit, & cōcoquit. Potum menses, secundas, & fœtus trahit. Cum melle & aloë potum, ea quæ circa pulmonem sunt, educit, & conuulsis auxiliatur. Nauſeas stomachiq; morsus cum posca potum lenit. Atram bilem per aluum educit. Cum uino potum uenenatorum morſibus succurrit. Defectos animo cum aceto naribus obiectum recreat. Siccatum & in puluerem tritum crematumq; gingiuas firmat. Illitum cum polenta inflammationes omnes mitigat. Podagris per se confert usquedum rubescat cutis. Cum cerato uaros tollit. Lienosis cum sale utiliter illinitur. Decoctum eius prurigines si eo lauantur sedat. Inflationes, duritias, & conuersiones uulvæ in defelsionibus iuuat.

EX GALENO.

Pulegium calescere abunde magnum est testimonium, quod illitum rubrificat, & quod, si quis diutius toleret, exulceret. Extenuare uerò satis indicat, quum humida, crassa & lenta ex thorace & pulmone excreatu facilia faciat, mensesq; moueat.

EX PLINIO.

Magna societas cum Mentha, ad recreandos defectos animo, Pulegio cum surculis suis in ampullas uitreas aceti utrisque deiectis. Qua de causa dignior è Pulegio corona uertigini quàm è roſis, cubiculis nostris pronunciata est. Nam & capitis dolores imposita dicitur leuare. Quin & olfactu capita tueri contra frigorū æstusq; iniuriam, & à siti traditur: neque æstuarē eos qui duos è Pulegio surculos impositos auribus in sole habeant. Illinitur etiam in dolorib. cum polenta & aceto. Nauſeas cum sale & polenta in frigida aqua pota inhibet. Sic & pectoris ac uentris dolorem. Stomachi autem ex aqua item roſiones sistit, & uomitiones eum aceto & polenta. Intestinatorum uitia melle decocta & nitro sanat. Vrinam pellit ex uino, &



PVLEGIVM

Poley.

si aminæum sit, & calculos, & interiores omnes dolores, ex melle & aceto sedat. Menstrua & secundas, uulvas conuersas corrigit, defunctos partus eijcit. Comitialibus in aceto cyathi mensura datur. Si aquæ insalubres bibendæ sunt, tritum inspergitur. Salsitudines corporis si cum uino tradatur minuit. Neruorum causa & in contractione, cum sale, aceto & melle confricat opisthotono. Bibitur ad serpentium ictus decoctum. Ad scorpionum, in uino tritum, maximè quod in siccis nascitur. Ad oris exulcerationes, ad tussim efficax habetur. Flos recentis incensus, pulices necat odore. Xenocrates Pulegij ramum lana inuolutum, in tertianis ante accessionem olfactandum dari, aut stragulis subijci, & ita collocari ægrum, inter remedia tradit.

EX SYMEONE SETHI.

Pulegium attenuat & calfacit uehementer, quapropter humida & crassa in thorace, & in pulmone humida & glutinosa iuuat, & ut excreentur efficit. Cum uino albo coctum & potum, calidumq; syncerum menses prouocat. Extrinsecus illitum ischiadicis, & alijs partibus frigore affectis auxiliatur.

DE GENTIANA ► CAP ► LXXIII ►

NOMINA.

GENTIANA græcè, Gentiana latinè appellatur. Nomen apud omnes officinas retinet. Germanicè *Engian* / oder *Bitterwurz* nominatur. Sic à Gentio Illyriorum rege, qui in bello primus eius uires reperit, dicta est.

Gentiana una de dicta.

FORMA.

Folia Gentianæ iuxta radicem erumpunt iuglandi aut Plantagini similia, subrubentia: sed quæ à medio caule, præsertim autem cacumine prodeunt, breuioribus incisuris secta sunt. Caulis illi inanis, leuis, digiti crassitudine, binum cubitorum altitudine, geniculis intersectus, ex maioribus interuallis folia proferens. Flores eius lutei primum calycibus conclusi, postea intumescences explicantur. Semen in calycibus obtinet latum, leue, glumosum, ad Spondilij semen accedens. Radicem mittit longam, similem Aristolochiæ longæ, crassam, & amaram.

LOCVS.

Nascitur in altissimis montium cacuminibus, umbrosis locis & aquosis. Plurima uerò & copiosissima sub Alpinis montibus in Illyrio, & in monte Sarzenberg haud procul à Tubinga sito.

TEMPVS.

Floret æstate, Iunio potissimum mense, dein Iulio semen producit.


TEMPERAMENTVM.

Amaritudo immensa satis monstrat radicem eius esse calidam & siccam.

VIRES.

EX DIOSCORIDE.

Gentianæ radix calefactoriam & adstringentem uim habet. Venenatorum morbis succurrit duarum drachmarum pondere cum pipere, ruta & uino pota. Succus drachma, laterum doloribus, ex alto cadentibus, ruptis & cõuulsis opitulatur. Hepaticis, stomachicis pota cum aqua subuenit. Radix collyrij modo subdita fetus eijcit. Vulneraria est, imposita ut lycium, uulneribusq; sinuatim depascentibus, potissimum succus, medetur. Oculis inflammatione laborantibus illinitur. Pro meconio collyrij acris miscetur succus. Radix alphos abstergit. Contusa radix diebus quinque aqua maceratur, postea in eadem decoquitur, dum aquæ radices superstent emineant: deinde ubi refrixerit aqua linteolo percolatur, iterumq; decoquitur, dum mellis crassitiem contrahat; demum in uase testaceo reconditur.



GENTIAN
Engelm.

EX GALENO.

Radix Gentianæ herbæ admodum efficax est quum opus est extenuatione, purgatione, absterfione, obstructionis liberatione. Nec mirum si hæc possit, quum impenſe amara ſit.

EX PLINIO.

Vſus in radice & ſucco. Radicis natura eſt excaſſatoria, ſed prægnantibus non bibenda. Præcipuè aduerſus angues duabus drachmis cum pipere & ruta, uini cyathis ſex, ſiue uiridis ſiue ſicca pota prodeſt. Tanta huic uis eſt, ut iumentis etiam nõ tuſſientibus modo, ſed ilia quoq; trahentibus auxilietur pota. Stomachum corroborat ex aqua pota. Farina eius ex aqua tepida fabæ magnitudine pota, interaneorum uitijſ occurrat, Radix trita uel decocta, à ruptis, conuulſis, & ex alto deiectis potatur.

DE GLYCYSIDA CAP. LXXV.

NOMINA.



ΛΥΚΥΣΙΑΗ, ἡ παωνία Græcis, Pæonia & Caſta herba Latinis dicitur. Nomē Pæoniæ in officinis ſeruat. Germanis Pæonienblum / Königsblum / Gichtwürg / Benignenroß / Venediſchroß / Benedictenroß / Pfingſtroß uocatur. Glycyſida porro dicta eſt, quod grana mali punici acinis ſimilia habere uideatur. Nam ſidia mali punici grana à Bæotis nominantur. Pæonia ab eius inuentore, medicinæ peritiſſimo, Pæone appellata eſt.

Glycyſida una de dicta.

Pæonia cur dicta.

GENERA.

Duo eius genera ſunt, mas & fœmina. Mas in uulgaribus herbarijs Tiniuenwurg / fœmina uero Pæonienblum / alijsq; nominibus Germanicis paulò antè commemoratis nuncupatur. Iidem, magno errore, Pæoniam à Pionia differre putant, atque adeo diuerſis etiam capitibus, imò & uiribus diſiungunt. Ferendus tamen iſ error eſſet niſi utriq; etiam herbæ, hoc eſt, Pæoniæ & Pioniæ, duplex genus aſſignerent, marem nimirum & fœminam, cum tamen ſub una Pæoniæ nomenclatura, utrunq; genus Dioſcorides & alij ueteres complexi ſint.

Error herbæ riorum.

FORMA.

Caulis duorum ferè dodrantū altitudine naſcitur, multas propagines habens. Mas Iuglandi nuci folia ſimilia obtinet : fœmina uero Smyrni modo diuiſa. Summo caule ſiliquas quaſdam Amygdalis ſimiles profert, in quib. quum aperiuntur, grana rubra, multa, exigua, punici mali acinis ſimilia inueniuntur, in medio nigra, purpurea, quinq; aut ſex. Radix maris digiti craſſitudine, dodrantali uero longitudine, guſtu adſtringens, alba. Fœminæ propagines ſobolésue ceu glandes ſeptem aut octo, ut Aſphodelus habet. Ex qua ſiquidem deſcriptione abundè liquet, Pæoniam quæ paſſim in hortis naſcitur, & cuius hic picturam damus, eſſe fœminam, quod eius folia Smyrni modo ſint laciniata, & quod radix ſeptem aut octo ueluti glandibus conſtet. Reliquæ notę, potiſſimum quod in ſiliquis grana alia rubentia, alia nigra ſint, utriq; generi cōmunes exiſtunt.

LOCVS.


Naſcitur in altiſſimis montibus, & paſſim hodie, fœmina potiſſimum, in hortis prouenit.

TEMPVS.

Maio floret in meſe.

TEMPERAMENTVM.

Pæonia radicem habet leuiter adſtringentem cum quadam dulcedine. Si uero pluſculum dentibus mandas, acrimoniã item quampiam ſubamaram ſubeſſe percipies, id quod in radice etiam noſtratis Pæoniæ, quam fœminã eſſe diximus, deprehendes.



PAEONIA
FOEMINA.

Peonienblum.
Harnigel rosy ~

hendes, Pæoniæ uerò in uniuersum temperamentum tenuium est partium, exicatorium, haud tamen insigniter calidum, sed aut symmetrum, aut paulò calidius.

VIREs.

EX DIOSCORIDE.


Datur radix mulieribus à partu non purgatis. Cit menses Amygdalæ magnitudine pota. Ventrìs doloribus cum uino pota auxiliatur. Regio morbo correptis prodest, renum ac uesicæ doloribus. Decocta in uino & pota, aluum sistit. Seminìs grana rubra decem aut duodecim pota in uino austero, nigro, rubentem fluxionē sistit. Stomachicis & erosionibus comesta profunt. A pueris pota & comesta, initia calculorū eximunt. Grana nigra nocturnis suppressiōibus, ephialtas nominant, uulvæ strangulationibus, & uteri doloribus in aqua mulsa aut uino quindecim pota, opitulantur.

EX GALENO.

Radix Pæoniæ menses cit ex mulsa Amygdalæ quantitate pota. Sanè tundere eam oportet ac cribare, & sic inspergere. Expurgat etiam iecur obstructū & renes. Sed hæc efficere nata est quā acris & subamara est, quā uerò quiddam etiam adstrictorium obtinet, fluxiones uentrìs sistit. Oportet autem tunc in austerorum uinorum quopiam eam decoctam bibere. Est omnino resiccatoria uehementer, ut non desperauerim eam ex collo pueris suspensam, meritò comitiale morbum sanare. Equidem uidi puellum quandoque octo totis mensibus morbo comitiali liberum, *Historia.* ex eo quo gestabat radicem tēpore. Vbi autē forte fortuna quod à collo suspensum erat decidisset, protinus morbo correptus est: rursusq; suspensum in illius locum alio, inculpatè postea se habuit. Visum uerò est mihi satius esse denuò id certioris experientiæ gratia detrahare, id quum fecissem, ac puer iterum esset cōuulsus, magnam ac recentem radicis partem ex collo eius suspendimus, ac deinceps prorsum sanus effectus est puer, uec postea conuulsus. Rationabile itaque erat aut partes quaspiā à radice defluentes, ac deinde per inspirationem attractas, ita affectos locos curare, aut aërem à radice assidue mutari & alterari. Nam hoc pacto succus Cyrenaicus columellam phlegmone affectam iuuat, & Nigella fricta palam destillationes & grauedines desiccant, si quis eam in calidum linteum rarum liget, assidueq; calorem ex ea per inspirationem quæ per nares fit, attrahat. Quinetiam si compluribus linis, maximè marinæ purpuræ, collo uiperæ inieceris, illis uiperam præfocaueris, eaq; postea cuiuspiam collo obuinceris, mirificè profuerit tum tonsillis, tum omnibus ijs quæ in collo expullulant.


EX PLINIO.

Pæonia medetur Faunorum in quiete ludibrijs. Rubra grana rubentes menses sistunt quindecim ferè pota in uino nigro. Nigra grana uuluis medentur, ex passo aut uino totidē pota. Radix omnes uentrìs dolores sedat in uino, aluumq; purgat. Sanat opisthotonum, morbum regium, renes, uesicam. Matricem autem & stomachum decocta in uino, aluumq; sistit. Estur etiam contra malum mentis, sed in mendo quatuor drachmæ satis sunt. Grana nigra auxiliantur & suppressiōib. nocturnis in uino pota quo dictum est numero. Stomacho uerò & erosionibus, & esse ea & illinire prodest. Suppurationes quoq; discutiuntur recentes nigro semine, ueteres rubro. Vtruncq; auxiliatur à serpente percussis, & pueris contra calculos incipiente stranguria.



GERANIVM
PRIMUM.

Storckenschnabel.



GERANIVM
ALTERVM.

Daubenfuß.




GERANIVM
TERTIVM.

Rupprechtskraut.




GERANIVM
QVARTVM.

Kranichhaß.



GERANIVM
QVINTVM.

Gottes gnad.



GERANIUM
SEXTUM.

Blutwurz.

NOMINA.

C
Rostrū ciconiæ.
Geranium unde
dictum.



EPANION græcè, Geranium latinè, uulgo & herbarijs Rostrum ciconiæ appellatur. Geranium autem à gruini capitis imagine, quæ summo eius plantæ capitulo inest, Græcis aptissima similitudine dictum est. Sic recentioribus à ciconiæ rostri effigie, Rostrum ciconiæ nominatū est.

GENERA.

- Primum genus. Duo Geranij Dioscorides tradit genera. Primum quod longioribus rostris, & in mucronem acuminatis constat. Hoc hodie officinis & herbarijs Acus pastoris &
 Secundum. Muscata, Germanis uerò Storckenschnabel dicitur. Alterum quod maluæ folia
 Amomū non est
 Pes columbinus. esse existimant. Germanicè Taubensiß / oder Scharrenkraut appellatur. Præter
 Tertium. hæc duo alia adiecimus genera, inter quæ id quod tertium ordine est, folijs Artemi-
 Robertiana. siæ tenuifoliæ uel Chærephyllo simile existit, herba Roberti & Robertiana à nonnullis, haud dubiè à superstitione aliqua Diui, qua superior ætas mirificè im-
 Quartum. buta fuit, appellatur, germanicè Rüprechtskraut. Quartum folia obtinens la-
 Quintum. ciniata, germanicè pro certiori discrimine Kranichhaß uocari potest. Quintum, quod folia Ranunculi habet, gratia Dei nominatur, germanicè Gottes gnad / ab
 Sextum. insigni in sanandis uulneribus effectū. Sextum, quod forma quarto generi simillimum est, nec ferè ab illo nisi sola magnitudine foliorū, florum & radice distat, germanicè Blütwurz / à rubro colore aut mirifica in sistendo sanguinis profluuiū facultate uocatur.

FORMA.

- Primi. Geranium primum caules habet à radice rubentes, lanuginosos, folia Anemones, diuisuris incisa, flores purpureos, & in cacumine caulium fastigia capitulis ciconiæ aut gruum cum rostellis longitudine acus emicantia. Radicē oblongā & sub-
 Secundi. rotundā dulcemq̃. Alterū ut præcedēs caules tenues, rubentes à radice statim, lanuginososq̃ obtinet, folia maluæ similia, candidiora, flosculos subpurpureos, capitella gruini capitis modo rostrata, radicem tenuem & oblongam. Tertium, caules habet à radice rubescentes, lanuginosos, geniculatos, saporis & odoris iniucundi, folia Chærephyllo aut Artemisiæ tenuifoliæ similia, flores purpureos, capitella gruini capitis modo rostrata, radicem intus uiridem, & adstringentem. Quartum, cauliculos itidem ut reliqua rubentem, lanuginosum, folia laciniata admodū, flores purpureos, ex quibus capitella gruini capitis instar rostrata, & in ijs semina
 Quinti. quinq̃ nascuntur: radicem intus candidam, extrā subluteam. Quintum reliqua omnia magnitudine excedit, caules emittit oblongos, rotundos, modicè lanuginosos, à radice statim rubentes, folia Ranunculo similia, flores ferè cæruleos, capitella præcedenti Geranio similia, radicem crassam & longam, multis exiguis radiculis ueluti capillamentis quibusdam fibratā. Sextum ramos habet tenues, lanuginosos, folia laciniata, tenuia, flores in summo purpureos, ex quibus, ut in quarto, capitella gruini capitis formam referencia proueniunt. Radicem extrā & intus rufam.

LOCVS.

Omnia Geranij genera in incultis proueniūt. Primum passim in campestribus, & nōnunquam inter segetes nascitur. Alterum in colliculis. Tertium in umbrosis locis & dumetis. Quartum in agrorum limitibus, & iuxta sepes. Quintū in pratis. Sextum in locis montosis & saxosis.

TEMPVS.

Primū statim inter initia ueris Aprili mense flores suos ostendit, & subinde per integram æstatem. Alterum, tertium, & quartum, Maio mense florent. Quintum Iunio & Iulio mensibus, quemadmodum etiam sextum.

TEMPERAMENTVM.

Omnia folia & radices, primo excepto, cuius radix dulcis est, quodammodo, atquea-

atque adeò discutiendi ui prædita, adstringunt ac siccant.

VIRES. EX DIOSCORIDE.

Radix Gerani primæ in uino drachmæ pondere pota, uteri inflationes discutit. Secundum nullum habet in medicina usum.

EX PAVLO.

Geranium quod folijs respondet Anemones, radicem habet esculentâ, quæ cum uino drachmæ unius pondere sumpta, uteri inflationes dissoluit. Altera Gerani species in re medica inutilis est.

EX PLINIO.

Primæ Gerani speciei radix, reficientibus se ab imbecillitate utilissima. Bibitur contra phthisin drachma in uini cyathis tribus bis die. Item contra inflationes, quæ & cruda idem præstat. Succus radicis auribus medetur. Opisthotonicis semen drachmis quatuor cum pipere & myrrha potum.

APPENDIX.

Et si secundum Gerani genus à Dioscoride alijsq; nōnullis, tanquam nullius in medicina usus damnatū sit, tamen posterior ætas quotidiana experientia in sanandis uulneribus & fistulis, eius ac reliquorum etiam mirum esse effectum comperit: proinde eas herbas his ipsis in potu mirificè cōferre tradunt. Et certè nō mirum est earundem uires olim fuisse ignoratas, cum & aliarum multarum plantarum facultates, quas constat esse hodie notissimas, ueteribus fuisse incognitas, notius sit quàm ut demonstrari debeat. Antiquus quoq; herbarius, prædictorum Geraniorū folia magnam uim obtinere in glutinandis uulneribus, & articulorum doloribus leniendis tradit. Primi autem radicem mouendi urinam facultatem habere ait, ideoq; calculosis, stranguariæ & difficultati urinæ prodesse. Tertium genus ad oris, mammillarum, pudendorumq; ulcera sananda unicè cōducit. Reliqua similiter ad glutinanda ulcera mirificè profunt. Nullum uerò ad sanguinem undecunq; emanantē compescendū præstantius sexto est: unde etiam Germani, ut comprehensum est, *Blutwurz*/ hoc est, sanguinariam radicem appellare uoluerunt.

DE GONGYLE CAP. LXXVII

NOMINA.



ογγυλη, ἢ γογγυλις Græcis, Rapum Latinis & Officinis, Germanis *Rüben* appellatur. Græci autem à figura eius, quæ plerunq; rotunda esse solet, uocabulum detorserunt. Nanq; quod in rotunditatem coactum est, uel in orbem circumagitur, γογγύλιον dixerunt. Rapa uerò, quod ex terræ rure, quasi ruapa, Varrone teste, nominata est.

Gongyle quare dicta.

γογγύλιον.
Rapa unde.

GENERA.


Rapi duo sunt genera. Vnum satiuū, quod simpliciter Germani *Rüben* uocāt. Estq; id iterum duū generum. Vnum candidum, quod Germani etiam *weißrüben* uocant: & alterum rubrum, *rot rüben* idem appellant. Alterum syluestre, quod uulgius Rapunculum, quasi paruū rapum, Germani *Rapungeln* nomināt.

Rapunculus.

FORMA.


Rapum satiuū caule & folijs raphano simile est: floribus uerò & siliquis, in quibus semen profert, Napis aut Brasicis. Syluestre frutex est cubitali altitudine, ramosum, in summo leue, folia nimirum leuiā habens, digitali latitudine, aut maiora. Semen in calyculatis fert siliquis: dehiscenrib. uerò seminū inuolucris, alia intus capitū specie est siliqua, in qua semina parua nigra sunt, sed quæ fracta intus albicent. Flos eius in purpureū uergit colorem. Radix digitalis ferè est. Quæ deliniatio prorsus alludit ad hanc herbam quam uulgius Rapunculum nominat: siquidem cubitalis est, fruticosa, ramosa, folio digitali, nigro in siliquis semine, quod cum frangitur album intus apparet. Flos etiam purpurei coloris est, radixq; digiti magna ex parte magnitudine constat.

Syluestre rapū.



RAPVM
SATIVVM.

Weißrüben.



RAPVM
RVBRVM.

Rotrüben.



RAPVM
SYLVESTRE.

Rapunzeln.

LOCVS.

Satiuum solum putre & solutum desiderat, Syluestre in aruis nascitur passim.

TEMPVS.

Satiuum rapum floret æstate, ac siliquatur subinde. Syluestre autem uerno quidem tempore priusquam in caulem attollitur, acetarijs frequenter inferi solet, erutum radicitus cum folijs suis iam recens enatis, quo sanè tempore à pueris etiam agnoscitur. Deinceps uerò exit in caulem & adolescit, ac Iunio mense flores, ac subinde semina profert.

TEMPERAMENTVM.

Rapa calida sunt in secundo ordine, & humida in primo.

VIRE. EX DIOSCORIDE.

Satiui rapi elixa radix nutrit, inflat, carnem flaccidam generat, uenerem stimulat. Decocto eius podagræ ac perniones fouentur. Ipsa etiam radix trita illita prodest. Si uerò quispiam in excauata radice rosaceum ceratum feruenti cinere liquefecerit, exulceratis pernionibus proficiet. Asparagi eius decocti eduntur ciendæ urinae accõmodi. Semen in antidota & theriaca, præsertim quæ dolores mitigare possunt, aptè additur. Potum uenenis aduersatur. Venerem concitat. Muria conditum, comestum minus nutrit, sed appetentiam excitat. Syluestre rapum miscetur medicamentis quæ ad detergendam faciem reliquumq; corpus, ex lupinorum, aut tritici, aut lolij, aut erui farina conficiuntur.

EX GALENO.

Rapi semen uenerem excitat, utpote spiritum flatuosum procreans. Sic & radix concoctu difficilis est, inflatq; & semen generat. Succus ex ea in corpus digestus, temperato crassior est: ideoq; si quis ultra modum esitauerit, & maximè si perfectè conficere eam nequeat, crudum succum in uenis congeret. Ad alui deiectionem nec conferre quicquam, nec officere dixeris, potissimum quando bene fuerit percocta, ut quæ longam elixationem requirat, optimaq; sit bis decoctionem perpeffa. Sin crudior ingeratur, concoctioni pertinacius resistet, pariet inflationes, & stomachum infestabit, nõnunquam etiam mordere illum non uerebitur.

EX PLINIO.

Rapo uis medica inest. Perniones feruens impositum sanat. Item frigus pellit è pedibus aqua decoctum. Et ius feruens podagris etiam frigidis medetur. Et crudum tusum cum sale cuiuncq; uitio pedum. Semen illitum & potum in uino, cõtra serpentes & toxica salutare esse proditur. A multis uero antidoti uim habere in uino & oleo. Democritus in totum ipsum abdicauit in cibis propter inflationes. Dioscles magnis laudibus extulit, etiam uenerem stimulari ab eo professus. Item Dionysius: magisq; si eruca condiretur. Tosta quoque articulorum dolori cum adipe prodest. Syluestri ad leuigandã albicandãue cutem in facie totoq; corpore, utuntur, mixta urina pari mensura. Eius succus circa messem exceptus, oculos purgat, medetur caligini admixto lacte mulierum.

EX SYMEONE SETHI.

Admodum nutriunt rapa, urinam ciunt, inflant, genitale semen gignũt, fauces leniunt atque thoracem. Crebrior illorum usus crassum humorem generat, & obstructions iecoris parit. Ventrẽ nec sistunt, nec mouent. Si cum aceto & sale edantur, appetentiam excitant. Horum semen tritum & haustum magna copia, uenerem suscitatur. Fertur quod si quis hoc ipsum semẽ cum Calamintha & Lemnia terra cõmixtum sumat, eo die neque ueneno, neque morfu uenenati animalis læ-

di. Appensum inguinum morbis peculiari quapiam proprietate medetur.



GINGIDIVM

Kerbelkraut.

NOMINA.



ITTIΔION græcè, Gingidium latinè, officinis Chærefoliū, Germanicè *Chærefolium.*
 Kerbelkraut dicitur. Chærefolium autem, græca uoce & latina coale- *Chærefoliū una*
 scentibus in unum nomen, ob id dictum est, quod folijs luxuriat. Ne ta *de dictum.*
 men uocabulorum uicinitas aliquam pariat cōfusione, imperitoq; le-
 ctori nomenclationū similitudo imponat, sciendum est officinarum Chærefolium
 diuersum esse à Chærefolio Plinij.

FORMA.

Herba est syluestri Pastinacæ similis, tenuior tantum & amarior. Radicula sub-
 candida, amaricante. Vnde satis liquet herbam quam hodie Chærefolium nomi-
 nant, esse Gingidiū. Nam erraticæ Pastinacæ folium æmulatur, aliquanto tenuius,
 radicula subalba, amaricante, floribus candidis, semine in siliquis exiguis oblongo,
 angusto & acuminato.

LOCVS.

Pasim hodie in hortis colitur.

TEMPVS.

Maior mense floret, & subinde semen profert.

TEMPERAMENTVM.

Sicut gustu amaritudinem & adstrictionem præfert, sic temperamento quoque
 ipso caliditatem & frigiditatem. Secundum uerò utranq; qualitatem desiccatoriū
 in secundo ordine est: unde iterum colligi potest, Chærefolium esse Gingidium,
 quod ipsum gustui amarorem & adstrictionem euidentissimè repræsentet.

VIRES.

EX DIOSCORIDE.

Crudum & coctum olerum modo esui idoneum est. Editur etiam sale cōditum
 seruatumue. Stomacho utile. Vrinam ciet. Decoctum eius cum uino potum, uesi-
 cæ accommodum est.

EX GALENO.

Estur Scandicis modo. Stomacho mirè utile siue crudum, siue elixum libeat su-
 mere. Longioris decoctionis impatiens est. Nōnulli ipsum ex garo oleoq; esitant.
 Alij uinum aut acetū adiiciunt, ac multo sic magis stomacho conducit. Cum aceto
 assumptum, fastidiosos ad cibum inuitat. Perspicuum uerò est hanc herbam medi-
 camentum magis esse quàm cibum, quippe quæ & adstrictionis & amaritudinis
 non obscuræ nec exiguæ particeps est.

EX PLINIO.


Coctum crudumq; stomachi magna utilitate estur. Siccatur enim ex alto omnes
 humores eius.

APPENDIX.

Facultates iam cōmemoratas etiam Chærefolio suo tribuunt recentiores: scri-
 bunt enim mirificè conferre uentriculo, ciendisq; mensibus, & uring in uino deco-
 ctum, ut iterum hinc constet à Gingidio non esse diuersum.

T

DE GENI-



GENISTA

Sinft.

NOMINA.



GENISTA Latinis rei rusticæ scriptoribus & Plinio nominatur. Offici-
nis & barbaram sectantibus medicinam, Genesta & Genestra. Germa-
nis Ginst uel Genist appellat. Genistam autem uocant haud dubie quod
genu modo flexilis ad nexus sit: uel, ut alijs placet, quia genibus medea-
tur dolentibus. Alia autem est à Sparto, quod hoc uirgas habeat longas sine folijs,
ut suo dicemus loco, illa autem minutis folijs scatet.

Genesta.

Genista unde
dicta.Genista non est
eadem cum Sparto.

FORMA.

Genista fruticat ramis herbaceis, scabris, folijs minutis scatentibus, flore luteo,
apibusque gratissimo, semine lenticulis haud absimili, quod siliquis innascitur, radi-
ce sublutea.

LOCVS.

Per arida loca amat, ideoque in syluis, & iuxta syluas nascitur.

TEMPVS.

Floret Maio & Iunio mense, ac subinde in siliquis hirsutis semen profert.

TEMPERAMENTVM.

Calefacit & siccatur in altero ordine, id quod amaritudo quæ gustata refert, & eius
facultates abunde docent.

VIRE.

EX PLINIO.

Semen Genestæ purgat Ellebori uice, drachma & dimidia pota in aquæ mulsæ
cyathis quatuor ieiunis. Ramis similiter cum fronde in aceto maceratis plurib. die-
bus & tuis, succum dant ischiadicis utilem, cyathi unius potu. Quidam marina aqua
macerare malunt, & infundere clystere. Perunguntur eodem succo ischiadici, addi-
to oleo. Quidam ad stranguriâ utuntur semine. Genista tusa cum axungia, genua
dolentia sanat.

APPENDIX.

Ex iam commemoratis uerbis perspicuum omnibus fit, Sparto & Genistæ, non ob-
stante quod forma non nihil distent, eandem inesse facultatem: ut enim Spartum pi-
tuitam per superna & inferna purgare potest, sic etiâ Genista. Hinc adeo fit ut eius
feminis hodierno tempore contra podagram magnus sit usus. Vrinam etiam ama-
ritudinis ratione mouet, & quia incidendi & extenuandi facultatem habet, lapidem
tum in renibus, tum in uesica cōfringere, ut etiam recentiores tradunt, potest. Stru-
mas denique atque alios tumores discutere posse hîdem scribunt.

DE GENISTELLA CAP LXXX

NOMINA.



PRIORI non admodum dissimilem herbam nonnulli Genistellam uo-
cant, quod scilicet Genista exilior & humilior sit. Germanicè appellari
potest, die stehende Ginst. Alij uocant Erdsfrymen/oder klein streich-
blimen. Sunt qui non sine magno errore pro Genista utantur, quum fa-
cultatibus diuersis prædita sit. Sunt qui Rosmarinum aculeatum nominent, quod
eius folia Rosmarino ferè similia sint.

Genistella.

Rosmarinus acu-
leatus.

FORMA.

Frutex est Libanotidis coronariæ, quam Rosmarinum uocant, penè folio, sed ri-
gido ac pungente, flore luteo, piso non dissimili, semine in exiguis siliquis rufo, ra-
dice sublutea.

LOCVS.

Nascitur in arenosis locis, secus uias.

T 2

TEMPVS.



GENISTELLA
Stechende Ginse.

Alnus gale
pinus

TEMPVS.

Maio mense flores luteos producit, quibus pastæ apes improbū mel conficiunt.

TEMPERAMENTVM.

Adstringentem cum amaritudine facultatem possidet, ac proinde ualenter, simulq; citra mordacitatem exiccantem.

VIRES.

Semen eius serpentibus aduersari tradunt. Decoctum foliorum, profluuiū menstruorum sistit. Idem etiam potum uentris fluori succurrit. Et ut rem in pauca contraham, idem Genistella quod Hippuris seu Cauda equina potest.

DE GNAPHALIO CAP. LXXXI.

NOMINA.



ΝΑΦΑΛΙΟΝ Græcis, Centunculum aut Centuncularis herba Latinis nominat. Officinis ignota. Germanis *Ähürtr* aut appellat. Gnaphaliū uerò uocata est hæc herba, Galeno autore, à candidis mollibusq; eius folijs, quibus *ἀντιγναφάλωρ*, hoc est, pro tomentis utuntur. Gnaphalion itaque dicitur, quasi tomentitia. Centunculum autem dixerūt, quod centonibus cum tomento maxima sit cognatio. Germanicam nomenclaturam ab eius facultate aduersus dysenteriam illi inditam esse nemini non notum est.

Centunculum.
Centuncularis
herba.

Gnaphaliū qua
re dictum.

Centunculus cur
uocata.

GENERA.

Duūm esse uidetur generum: unum enim paulò latioribus ac candidioribus folijs constat: alterum uerò tenuioribus & minus candidis, quodq; flores in summitate ac cacumine tantum profert. Verum cum forma parum admodum, facultatibus uerò nihil distent, nos una pictura genus utrunq; complexi sumus.

FORMA.

Candida & mollia Gnaphalium obtinet folia, atque adeò tomentitia, floresq; luteos, radicem uero capillatam ac tenuem, ut pictura ipsa monstrat.

LOCVS.

Vulgaris herba ubiq; scatens Gnaphalium, in locis siccis potissimum, interdum etiam pinguibus proueniens.

TEMPVS.

Iunio & Iulio mensibus floret.

TEMPERAMENTVM.

Adstringit atque adeò exiccat Gnaphalium.

VIRES.

EX DIOSCORIDE.

Gnaphaliij folijs aliqui pro tomento utuntur, Tamen faciunt hæc ipsa in austero uino pota ad dysenteriam.

EX GALENO.

Folia Gnaphaliij mediocriter adstringunt, ac proinde quidam id exhibent ex austerorum uinorum quopiam dysentericis.

EX PLINIO.

Datur in uino austero ad dysenteriam, uentris solutiones, mensesq; mulierum sistit. Infunditur autem tenasmo. Illinitur & putrescentibus ulcerum.



GNAPHALIVM

Rhürkraut.

NOMINA.



ΙΡΣΑΚΟΣ Græcis, Labrū ueneris, Carduus ueneris Latinis, Vir *virga pastoris.*
ga pastoris officinis, & Cardo fullonum dicitur. Germanis Kar-
tendistel/Bübenstrel/Weberkarten. Dipsaci autē nomen à con- *Dipsacus unde*
trario inuenit, quoniam concavo alarum sinu rorem uel imbrem *dicta.*
recipiat, quo uelut ad abigendas sitis iniurias abutitur. Labri ue- *Labrum ueneris*
neris nomenclationē à carinato foliorum habitu contraxit, quæ se

anfractuosa sinuantia ambage, peluis uel lauacri speciem cōstituunt, & intra se hu-
morē nunquam nō retinent. Virga pastoris haud dubiē dicta est, ob longas uirgas, *virga pastoris.*
quibus cardui ad poliendos pannos utiles insident, quas pastores fortē sumunt, &
ea parte qua possit manu capi aculeis nudant, reliqua autem aculeata parte gregem
ducunt. Carduus uerò fullonius cœpit appellari, quod ea rudes pannos uelut echi- *Carduus fullo-*
no quodam expoliunt, detractisq; floccis concinnant. Errat mirum in modum Se- *nus.*
rapionis interpres, qui sub Virgæ pastoris nomine, Polygonon Dioscoridis de- *Serapionis inter-*
liniat. *pres perstringi-*
tur.

GENERA.

Duū est generum. Vnum quod à fullonibus in hortis plantatur, alterū quod
sua sponte palsim prouenit. Differunt inter se hac quidem ratione, quod primum
folia latiora & profundius in ambitu incisa, flores candidos, echinataq; capitula ma-
gis aculeata habeat: alterum contrā angustiora & minus laciniata folia, flores pur-
pureos, capitulaq; minus aculeata obtinet. Nos discriminis illius rationem habentes,
primi generis appellauimus Dipsacum album, alterius uerò Dipsacum purpu-
reum, ad florum nimirum respicientes diuersitatem.

FORMA.

Aculeatarum generis est hæc herba. Caulem habet altum, spinis horrentē, folia
caulem amplectentia, lactuæ similia, in singulis geniculis bina, oblonga, aculeis ar-
mata, quæ in dorsi medio ueluti bullas intus & extrā spinosas habent, cōcavo quo
se in geniculis cōiungunt sinu, quo aquæ, rores, & imbres asseruantur, unde Dipsa-
ci quasi sitientis nomen traxit. In cacumine caulis, singulis surculis capitulū unum
echino simile inest, oblongum, aculeatum, quod postquam exaruerit candidū ap-
paret. Dissectū per mediam medullam caput, uermiculos habet. Quod si itaq; con-
templeris eam quam herbarij hodie Virgā pastoris & Carduum fullonū nomināt
herbam, offendes omnes huic notas respondere. Siquidem hæc pastoria uirga pro-
fert caulem binū cubitorū, imò qui sæpiusculē supra hominis altitudinē increscat,
spinis horridum, geniculatū, folia lactuæ, in singulis geniculis bina, prælonga, acu-
leata, quorum toruli bullantibus turgent spinis, dorsoq; nocentibus aculeis rigent,
carinato alarū sinu, qui peluis uel labri modo roris & imbris pluuij capax sit. Gna-
ræ laticis huius auiculæ, cum solis ardentissimus opprimit æstus, huc appellantur
ad satianda sitis desideria, illis facta bibendi potestate anfractu liberalem potum mi-
nistrante. Scaporum fastigia echinato minantur uertice, resupina hamulorū flexu-
ra, mucronibusq; leuiter uncinatis, quibus rude lanificiū aspero ductu læuigatur.
Singuli echini è rotundo in oblongum quod antenus turbinantur, inter quorum
spicula candicans aut purpureus emicat flos. His dissectis in medullo uermiculos
identidem nobis in autumno quum exiccari incipit licet inuenire. Vermiculus au- *Vermiculi in*
tem albus est, qui per cavitatem echini dimouetur, & in caudicem transit. Hyeme *echinis Dipsaci*
etiam eundem uidere licebit antequam præ frigore moriatur. Imò etiam ueris ini- *inuenti.*
tio in quibusdam uermiculi à nobis reperti sunt, partim uiui, partim mortui.


T 4 LOCVS.

y 6.9 m

DIPSACVS
ALBVS.

Weiß kartendistel.





DIPSACVS
PURPUREVS.

Braun Kartendistel.

LOCVS.

Nascitur humectis locis, iuxta riuos aquarum & fontes: quapropter nonnulli Dipsacon à Græcis nominatum esse arbitrantur.

TEMPVS.

Carpitur in æstate, Iunio & Iulio potissimum mensibus.

TEMPERAMENTVM.

Dipsaci spinæ radix ex secundo ordine exiccantium est, habetq; nonnihil absterforium.

VIRE. EX DIOSCORIDE.

Huius radix cum uino decocta & tusa usq; dum cerati crassitudinē accipiat, imposita rimas fistulasq; sedis sanat. Oportet autem medicamentum hoc ærea pixide recondere. Ferunt præterea formicis & uerrucis pensilibus remedio esse. Vermiculi capitis eius in folliculo clausi & collo aut brachio appensi, quartanas sanare produntur.

EX PLINIO.

Sanat rimas sedis, item fistulas decocta in uino radice usq; dum sit crassitudo ceræ, ut possit in fistulam mitti. Item uerrucas omnium generū. Quidam & alarum, quas modo diximus, succum ijs illinunt.

APPENDIX.

Aliæ facultates quæ à Serapionis interprete & alijs recentioribus illi conceduntur non sunt genuinæ, sed spurix, & Polygono adscribendæ.

DE DAPHNOIDE CAP. LXXXIII.

NOMINA.

D

Laureola.
Daphnoides unde dicta.



ΑΦΝΟΙΔΕΣ græcè, Daphnoides latinè nominatur. Officinis & nostræ ætatis herbarijs, græcam imitantibus uocem, Laureola. Germanis zeilant / & zaidelpast nuncupatur. Daphnoides autem & Laureola, à Lauri forma & specie, quam in folijs & fructu refert, dicta est.

FORMA.

Obiectionis dissolutio.

Frutex est cubitalis, ramos complures habēs lori instar flexiles, à medio sursum uersus foliosos. Cortex ramos uestiens admodum glutinosus lentusue est. Folia Lauro similia, molliora tamen, tenuiora, nec facile fragilia, os & fauces erodentia, incendientiaq;. Flores candidi. Fructus ubi ematuruerit subniger. Radix inutilis. Quæ in uniuersum omnes notæ Laureolæ hodie dictæ cōueniunt. Nec obstat quod Dioscorides suæ Daphnoidi candidos tribuat flores, cum Laureola purpurascens potius habeat: solet enim color secundū diuersas regiones in eadem sæpè herba mutari, ut fusi in Symphyto maiore dicemus. Et certè nihil incōmodi erit si etiā Laureolæ flores quispiam candidos dixerit, cum albi coloris non minor quàm purpurei in ijs portio reluceat. Verisimile quoq; est Dioscoridem ab extremo potius colore, quàm medio flores appellare uoluisse.

LOCVS.

Nascitur in montanis & syluestribus locis.

TEMPVS.

Floret primo statim uere anteq; folia erumpunt. Fructū autē autumnoprofert.


TEMPERAMENTVM.

Calida est admodum & sicca.

VIRE. EX DIOSCORIDE.

Ducit per inferna pituitosa siccum aut recens Daphnoidis folium. Vomitus & menses cit. Cōmanducatum capitis pituitas elicit. Sternutamenta itidem mouet. Purgant etiam seminis eius pota grana quindecim.

EX PLI-



DAPHNOIDES

Zeilant.

C

EX PLINIO.

Daphnoides siue syluestris laurus aluum soluit, recenti folio uel arido drachmis tribus cum sale & hydromelite manducata. Pituitas extrahit foliū & uomitus. Stomacho inutile. Sic & baccæ quinae denaëue purgationis causa sumuntur.

APPENDIX.

officinarum
error.

Thymelæa non
est laureola.

Animaduertendū hoc loco mirum in modum errare officinas, propterea quod folijs Daphnoidis pro Mezereon, quæ tamen græcorum est Chamelæa diuersa ad modum à Daphnoide, utantur; & eius fructu pro cocco cnidio, quod fructum Thymelææ esse notius est quàm ut demonstrari debeat. Sic in manifestissimis cæcutire solent officinæ, pulchrè interim ad eos errores conuiuentibus medicis, non minus quàm illi rei herbariæ imperitis. Thymelæan uerò non esse laureolam hodie appellatam herbam, ex eo colligi potest, quod hæc ipsa, Dioscoride autore, linum nōnullis nominata sit, non alia quidem ratione, quàm quod satiui lini similitudinem referat, cui quàm dissimilis laureola sit, nemo non nouit. Sunt etiam qui ad hanc similitudinem respicientes, in hodiernum usque diem linum syluestre appellant.

DE DRYI CAP. LXXXIII.

NOMINA.



ΠΥΞ Græcis, Quercus Latinis & Officinis, Germanis Eychenbaum appellatur.

FORMA.

Notissima est arbor Quercus, procera, crassiore & asperiore caudice, ramosa, folijs profundè laciniatis. Glandes producit optimas, & grandissimas, gal-
D las item & uiscum. Radix eius latissimè circumiacentem terram amplectitur.

LOCVS.

Pasim in syluis alijsq; locis nascitur.

TEMPVS.


Vere quidem germinat, sed tardius multis alijs arboribus.

TEMPERAMENTVM.

Desiccatur, adstringit & excalfacit paulò infra media, in genere scilicet eorum quæ tepida sunt.

VIRES. EX DIOSCORIDE.

Quercus omnis adstrictoriam facultatē habet, præsertim id quod inter corticem & caudicem membranæ simile clauditur; quinetiam membrana putamini glandis subiecta. Decoctū ex ijs datur dysentericis & sanguinē excreantibus, & in pessis tritum contra fluxiones mulierum apponitur. Glandes idem possunt. Urinam ciunt, capitis dolorem, & flatus comestæ pariunt. Resistant esitatae uenenatorum ictibus. Decoctum corticis cum lacte bubulo potum, contra toxica prodest. Crudæ autem tritæ & illitæ inflammationes leniunt. Ad malignas duritias, & malefica ulcera cum adipe suillo falso cōueniunt. Galla fructus est quercus. Aliqua omphacitis appellatur, parua quidem, præ se ferens formam in digitis articulorum, solida, nullo foramine peruia. Altera leuis, plana, perforata. Eligi debet omphacitis quæ efficacior est. Vtraq; uehementer adstringit. Carniū excrescentias tritæ, fluxiones gingiuarū & columellæ, atq; in ore aphthas reprimunt. Nucleus earum cauernis dentium inditus, dolores sedat. Crematæ carbonibus donec igne flagrent, & uino aut aceto, aut oxalme extinctæ, sanguinem reprimunt. Decoctum earum ad infusus utile, contra uulua procidentias, fluxionesq;. Capillos denigrat aceto aut aqua macerata. Coeliacis, dysentericis, cum uino aut aqua trita conuenienter illinuntur aut bibuntur. Vtiles & obsonijs mixtæ, aut integræ in aqua præcoctæ, in qua ali-
quid co-



QVERCVS

Eichbaum.

V

c quid coquendum sit quod ipsis cōferat. In summa, galla utendum quoties opus est adstrictione & exiccatione.

EX GALENO.

Quercus omnes partes adstrictoriae facultatis participes sunt. Sed plus tamē quę in trunci cortice membrana subest, tum quę sub glandis putamine, ea uidelicet quę fructus carnem conuestit. Quamobrē ad fluxum muliebrem, sanguinis expuitiones, uentrisq; diuturnos fluxus, cōmodam esse credunt. Maximē uerō ea utunt de-cocta. Siquidem ego quandoq; glutinasse me uulnus memini securi inflictū, quum nullum ad manum esset medicamentū prāter ipsius Quercus folia. Terebam uerō in leui faxy, & uulnus cum circumiacentibus locis illinebam. Eandem folijs uim habet & fructus Quercus, eoq; medici nōnulli ad incipientes, & crescentes phlegmonas utuntur. Nam quę iam uehementes sunt, adstringentibus haud indigent. Gallā quę omphacitis nuncupatur, admodum acerbum est medicamentū, plurimum terrenæ & frigide substantię particeps, per quam desiccatur & reprimuntur fluxiones: adhęc constringit contrahitq; partes laxas ac languidas, omnibusq; fluxionū affectib. strenuē resistit. Esto uerō tertij in desiccando, secundi autem in refrigerādo ordinis. Altera autem galla, flaua, laxa, & magna, exiccatur quidem etiam ipsa, sed tanto, quanto acerbæ qualitatis minus est particeps. Cocta itaq; ipsa per se, ac deinde trita cataplasma non instrenuum est sedis phlegmonarū, ac procidentiarum. Porro coquenda est in aqua, si modica opus sit adstrictione: sin uehementiore in uino. Et si augere in super adstrictionem sit opus, uino etiam utare austeriore. Deniq; gallæ combustæ sanguinis reprimendi facultatem acquirunt, ac nimirum etiam calorem & acrimoniam ex uisione assumunt, suntq; ijs quę ignem non expertæ fuerint, tum subtiliorum partiū, tum maiore desiccandi potestate. Ceterum quum ad sanguinis suppressionem præparare eas uoles, carbonibus impositas dum undequaq; candeant, aceto aut uino extinguere oportebit.

vsta acrimonia
assumunt.

D

EX SYMEONE SETHI.

Glandes difficilis sunt coctionis, & ualde nutriūt, tardius descendunt, crudosq; humores generant, proptereaq; illarum usum deuitari præcipimus.

DE DAUCO CAP. LXXXV.

NOMINA.



ΔΑΥΚΟΣ græcè, Daucus latinè nominatur. Officinæ alijs & adulterinis herbis sub hoc nomine utuntur. Germanicas appellationes in generū explicatione indicabimus.

GENERA.

Diolcorides tria Dauci cōmemorat genera. Primum Creticum daucum uocat. Berwurz Germanis Berwurz/ propter capillatam radicem, aut quia uteri dolorem, qui hñs dem Bermüter appellatur, sanat. Alterum nomine peculiari caret, folijs Laserpitio simile, Germanis weiß Hirtzwurz dicitur. Tertium genus itidem nomine destituitur proprio, Germanis autem nonnullis schwarzet Hirtzwurz nominatur.

Berwurz
cur dicta.

FORMA.

Creticus daucus


Creticus daucus folia Fœniculo similia habet, minora tamē & tenuiora. Caulem dodrantalem, umbellam Coriandro similem. Flores candidos, & post hos semen acre, candidum, hirsutum, & in cōmanducando odoratum. Radicem crassitudine digitali, & longitudine dodrantali. Omnes huius descriptionis notę, herbæ quam Berwurz Germani uocant conuenire ad unguem uidentur, una duntaxat excepta: siquidem semen non est hirsutum. Sed quum omnia alia, atque adeo facultates etiam ipsę respondeāt, nō est cur una hęc nota nos impediatur, cur minus Creticū daucum credamus, aut saltem Germanicū qui Cretico per omnia respondeat. Vel si prorsus alicui non satisfaciunt, quæ diximus, dicat planè hanc herbam esse Sefeli

Creticum,

DAUCVS
CRETICVS.

Berwurtzel.

lat vulgo Alen



V 2



DAVCI
TERTIVM GENVS.

Schwartz hirtzwurz.

- c Creticum, cuius etiam herbæ notę omnes huic nostrę cōueniunt, neq; etiam facultates quas similes Dauco cretico habet, discrepāt. Alterum Apio syluestri, uel, ut antea diximus, Laferpitio simile est: aromatū modo odoratum, acre, gustanti odoratum & feruens. Tertiū folijs Coriandro assimilatur, flore candido, capite & semine Anethi, in quo umbella erraticæ Pastinacæ similis est, semine oblongo pleno, sapore ut Cuminum acri.

LOCVS.

Primum in petrosis & apricis locis nascitur, nusquam uerò in Germania copiosius quàm in Martianæ syluæ quibusdam pratis prouenit. Reliqua duo genera in altis montibus gignuntur.

TEMPVS.

Iunio & Iulio mensibus florent.

TEMPERAMENTVM.

Semen Dauci admodum calefacit & exiccat. Idem etiam, sed minori efficacia, facit herba.

VIRES.

EX DIOSCORIDE.

Omniū Daucorum semen calefaciendi uim obtinet. Potum menses, foetus, & urinas mouet. Torminibus liberat. Tusses diutinas lenit. Succurrit phalangiorum moribus cum uino potum. Oedemata illitum discutit. Ex alijs seminis tantū usus est, ex Cretico radicis etiam, quæ cum uino præsertim ad uenenata bibitur.

EX GALENO.


- D Dauci semen efficax admodum tum mouendæ urinæ medicamentū, tum prouocandis menses. Multum etiam discutere foris impositum ualeat. Ipsa etiam herba eandem uim obtinet, semine tamen inferiorem, nimirum ob aqueæ humiditatis misturam.

EX PLINIO.

Vehementer urinam impellit. Creticum magis contra serpentes pollet. Bibitur è uino drachma una, datur & quadrupedibus percussis, aduersatur phalangio, capitis dolori medetur, tussi subuenit, stranguriæ medetur drachma seminis. Eius radix in uino pota, dysenteriam sistit. Contusis & euersis potū duobus obolis in mulsi cyathis tribus subuenit, aut si febris adsit in aqua mulsa. Menses & secundas potum facillimè pellit. Calculos eijcit. Folia omnia tela infixæ corpori extrahunt.

DE DRACONTIO MAGNO CAP. LXXXVI.

NOMINA.

 PAKONTIA μεγάλη, ἢ δρακόντιον μέγα Græcis, Dracunculus maior Latinis, nonnullis Serpentaria maior dicitur. Officinis ignota herba. Germani Schlangentrout uocant. Nomen autem à figura sumpsit: caulis enim glaber, purpureisq; respersus lituris, uersicolori facie, corpus anguinum representat & æquat longitudine. Vertex quoque sinuoso oris hiatu linguam exerens cruentam, caput exprimit. Atque hinc est quod ueteribus etiam Romanis Colubrina ac Serpentaria nuncupata sit: uel sic dicta, Plinio autore, quod è terra ad primas serpentiū uernationes exeat, rursusq; cum ipsdem se in terram recondat, nec omnino occultata ea appareat serpens.


FORMA.

Caulē habet glabrū læuumq; rectū, bicubitalē, baculi crassitudine, uersicolorē, ut angui similis uideat, purpureis etiā maculis abundat. Folia fert Rumicis inflexa, & plicata. Fructū in summo caule racemosum, coloris inter initia cineracei, postea q̄ maturuit crocei & punicei. Radicē grandē, rotundā, candidā, tenui cortice uestitā. Ex qua deliniatione omnib. perspicuū fit, plantā eam cuius picturā exhibemus, esse Dracunculū maiorē. Simplici enim caule attollit, binū cubitū alto, leui glabrōue, recto, baculi crassitudine, uersicolorib, anguiū maculis uariiegato, purpureis etiā

intercui.

Serpentaria
maior.
Dracunculus un
de dicta.

Colubrina.



DRACUNCVLVS

Schlangenkraut.

c intercursantib. lituris, ita ut planè serpentis habitum coloremq; mentiri uideatur. In uertice comoso folia prodeunt sena septenariae, crassiore pediculo digitorum modo propendentia, puniceis respersa notis, Rumicis primi generis figura. E foliato scapi fastigio, uagina quædam foris herbacea profilit, in mucronem sensim turbinata, uelut erupturi partus inuolucrum, quæ cum dehiscens sese pandit, purpureum cornu in acumen fastigiatum demonstrat. Ea seminis incremento distenta disilit in rimam, & tandem elanguescens flaccescit, subarescensq; perit relicto cornu. Cuius imam partem racemosus fructus ambit, acinis primo uirentibus, dein croceo & puniceo colore rutilantibus. Radix denique magna, rotunda, alba, tenuiq; cortice uestita. Et in summa, nulla est prorsus nota, quæ reclamare uideatur.

LOCVS.

Nascitur in opacis sepibus.

TEMPVS.

Carpitur semen cum maturitate nigrescit. Radix per messem effoditur, hoc est, Iulio mense, aut initio Augusti.

TEMPERAMENTVM.

Dracunculus acris & amarus est, leuiculamq; quandam adstrictionem habet, ut calidam & siccam esse nullus dubitare possit.

VIREŚ. EX DIOSCORIDE.

Radix calefaciendi uim obtinet. Tosta & elixa cum melle delincta orthopnoicis, ruptis, conuulsis, tussibus, & destillationibus prodest. Pota cum uino uenerem stimulat. Concisa & ex melle illita, ulcera maligna atq; phagedænica expurgat, præsertim cum uite alba. Ex ea & melle collyria ad fistulas, & fœtus euocandos componuntur. Ad uirilignes cum melle efficaciter illinitur. Polypus & carcinomata absumit. Succus eius ad oculorum medicamenta, item contra nubeculas, albugines, caliginemq; utilis est. Odor herbarum radicisq;, recens conceptos abortu uitiat. Idem præstant triginta grana eius in posca pota. Sunt qui eius succum cum oleo aurium doloribus infudere. Quinetiã folia eius, utpote adstringentia, uulneribus recentibus imposuere, in uino autem cocta pernionibus. Ferunt non feriri à uiperis eos qui folia manibus affricuerint, aut radicem gestauerint.

EX GALENO.

Dracuntium quiddam Ari persimile habet, tum folijs, tum radice. Acre etiam est & amarum, tenuiumq; partium. Obtinet quoque leuem quandam adstrictionem, quæ quandoquidem cum prædictis duabus qualitatibus, acris scilicet & amara, coniuncta est, medicamentum factum est, ut quæ maximè efficax. Nam radix uiscera omnia expurgat, crassos potissimum & lentos humores extenuans. Optimumq; remedium est contumacium ulcerum. Expurgat extergetq; strenuè tum alia quæ extersionem desiderant, tum albos cum aceto. Folia quoque, utpote similem facultatem habentia, ulceribus, uulneribusq; recens influctis accommodata sunt, & quanto minus fuerint sicca, tanto magis conglutinant: nam quæ sicciora sunt, uiribus sunt acrioribus quàm ut uulneribus cõueniant. Creditum est caseum humidum si illis foris tectus reponatur, ob temperaturæ illorum siccitatē, à putredine cõseruari. Fructus ualentior est, nō folijs tantum, sed & radice: proinde & cancos, & polypodas eliquare creditus est. Succus quoq; eius uitia oculorum expurgat. Dracontij radicem bis teruè elixam, quo omnem exuat medicamentosam uim, in cibo interdum Ari modo exhibemus, quum crassi ac glutinosi thoracem pulmonemq; infestantes humores fortiore ui expellendi ueniunt.

EX PLINIO.

Omnino habentē Dracunculū serpentes fugiunt. Ideo percussis prodesse in potu maiorem aiunt: ut & menses, si ferro non attingatur, sistat. Succus eius & aurium dolori prodest. Reliquas facultates in Ari descriptione offendes. Vident enim ueteres Arum cum Dracunculo minori miscuisse.

APPEN-

APPENDIX.

A Hæc est uera Serpentaria qua officinis utendum erit, & minimè ea quam alio nomine Bistortam uocant. Nam uiribus planè ab ea quæ genuina est dissidet, ut suo etiam loco monuimus. Quare non est cur deinceps eandem medicamentis quæ thoraci expurgando adhibentur admisceant medici, sed hanc potius, cuius picturam oculis subieciimus.

DE DAPHNE ALEXANDRINA

CAP. LXXXVII.

NOMINA.



AΦΗ Αλεξάνδρεια, ἢ Ἰδαία Græcis: Laurus Alexandrina, aut Idæa Latinis, officinis Vuularia, nonnullis Bonifacia, multis etiam Pagana lingua, Germanis zäpflein, traute / hauchblatt / & aufferblatt dicitur. Theophrastus appellat ἐπιφυλλόκαρπον, quod fructum super folijs ferat. Alexandrinam autem laurum dictam putamus, quod Alexander uictor ea usus fuerit. Hinc est quod Apuleius hanc Victorialam nominet, quod nimirum uictores ea pro Lauro in triumphis & uictoriae signum uterentur: quanquam in eo capite Daphnoida cum Victoriala confundat. Idæa uerò ab Ida monte, quo in loco speciosior & copiosior nascatur.

Vuularia.

Epiphyllocarpos.

Alexandrina laurus cur dicta.

Victoriala.

Idæa.

FORMA.

B Folia Rusco seu Myrto syluestri similia habet, maiora tamen, molliora & candidiora. Fructum in medijs folijs fert rubentem, Ciceris magnitudine. Ramos spargit à terra dodrantes, & aliquando ampliores. Radicem Rusco similem, maiorem tamen, odoratam, & molliorem. Ex qua sanè deliniatione satis perspicuum fit, eam herbam cuius picturam damus, esse Laurum Alexandrinam. Folio siquidem Myrti syluestris, sed ut Plinius lib. xv. cap. xxx. ait, acutiore, molliore, & candidiore, fructu inter folia rubro, magnitudine Ciceris, ramulis à terra sparsis dodrantalibus, radice syluestri, Myrto proxima, odorata & molli.

LOCVS.

Nascitur in locis montanis, & in Ida monte, ut comprehensum est, speciosissima. Nunc adfertur ex inferiore Pannonia, atq; in nonnullis hortis plantata prouenit.

TEMPVS.

Fructum in æstate in medio folij, in geniculo alterius folij quod maiori supernascitur, profert.

TEMPERAMENTVM.

Calida & sicca est, id quod gustus euidenter monstrat. Siquidem gustantibus acris simul & subamara est.

VIRES.

EX DIOSCORIDE.

Radix eius pota pondere senum drachmarum cum dulci uino, difficulter parientibus, & stillicidio urinæ laborantibus succurrit. Sanguinem quoque menstruum elicit.

EX GALENO.

Pota tum urinas, tum menses prolicit.

EX PLINIO.

Celeres partus facit, radice pota trium denariorum pondere, in uini dulci cyathis tribus. Secundas etiam pellit mensesque, eodem modo pota.

APPENDIX.

Recentiores in faucium ulceribus, & humecta supra modum columella utuntur. Hinc est quod nonnulli appendant hanc herbam pueris, ut nimia illorum humiditas exiccetur.



LAVRVS
ALEXANDRINA.

Zapfleintraut.

NOMINA.



ΦΗΜΕΡΟΝ, *ἡ ἔρως ἀγρία* Græcis, Ephemeron, Iris sylvestris Latinis dicitur. Cum autem Galeno, Paulo, & Dioscoride testibus, duo *Ephemerum duo genera.* sint Ephemerigenera, alterum, quod Colchicon à natali solo dicitur, interficiens, de quo suo loco plura: alterum quod non letale est, & præcipuo nomine Ephemerū dicitur, hic de secundo, nempe non interficiente, nobis sermo duntaxat erit. Ephemerū autem *Ephemerum cur dictum.* nominatum est, non quod eadem die iugulet (nulla enim ei uis mortifera inest) sed quod flos illius confestim marcescat, nec longius uno & altero die cōmoretur. Vultus & officinæ Liliū cōuallium, quod in opacis & lucis nascatur, appellant, Germani *Liliū conuallium.* *Wayenblümle.*

FORMA.

Caulē & folia Lilio similia habet, tenuiora tamē. Flores candidos amarosq̃. Fructum mollē. Radicē unam digitali crassitudine, longam, adstringentē, odoratam. Quæ siquidē deliniatio ita herbę illi quam uulgus Liliū cōuallium nominat conuenit, ut nulla prorsus in ea sit nota, quæ ei nō respondeat. Caulem enim & folia Lilij habet, sed tenuiora. Flores candidos & suauiter olentes, gustu amaros. Fructum mollem, colore puniceum, asparagi fructui non dissimilem. Radicem singularem digiti minimi crassitudine, longam, adstringentem & odoratam. Nec obstat quod *Obiectio diluitur.* nunquam aut rarissimē apud nos reperiatur radix quę minimi digiti crassitudinem æquet. Dioscorides enim cum alicui herbę aut radici mensuram tribuit, id facit ut maiori parti indiuiduorū illius speciei quadret, nec adeò statam mensurā assignat, quin quandoq̃ infra aut supra hanc esse possit. Cui hoc etiā accedit, quod magnitudo secundū diuersas regiones in una eademq̃ herba sæpe uariatur, ita ut nihil mirū sit radices nostri Ephemerī, paulò quā illius quas Dioscorides uidit minores esse.

LOCVS.

Nascitur in syluis & umbrosis locis.

TEMPVS.

In Maio mense flores illius magna copia erumpunt, ac mox iterum euanescent atq̃ decidunt. Deinde Iulio mense fructus profertur Asparago haud dissimilis, ut dictum est.

TEMPERAMENTVM.

Mistæ est temperaturæ, Galeno teste, nempe repellentis & discutientis, quia scilicet radix adstringit, floresq̃ amari sunt.

VIRES. EX DIOSCORIDE.

Huius radix in dentium doloribus remedio est, si decocto eius colluuntur. Folia in uino decocta & illita cedemata & tubercula, quæ nihil adhuc puris cōtraxerunt, discutunt: *πύρον* enim & non *ὑγρόν* legendum, ut ex Galeno liquet.

EX GALENO.

Ephemerum non illud letale, quod etiam Colchicum nominant, sed alterum, quod & Irin agrestem uocant, folia & caulem Lilio similem obtinet, radicem oblongam, non rotundam ceu Colchicum: digiti autem potissimū crassitudine est, adstringens & boni odoris. Ex quibus palam sit quod mistæ sit facultatis, nempe repellentis, & halitu digerentis. Testificantur uerò id quæ particulatim ædit opera. Siquidē non inefficaciter radix eius in dentium doloribus colluitur. Folia tuberculorum tum augmento, tum uigori congruunt. Oportet autē in uino decocta prius quā pus moueas illinere.

EX PLINIO.

Radicem unam digiti crassitudine obtinet, dentibus præcipuam cōcisam in aceto, de-



EPHEMERVM
NON LETALE.

Stagenblümle.

to, decoctamq; ut tepido colluantur. Et ipsa etiam radix mobiles sistit, cauis & ex-
sis imprimitur.

APPENDIX.

Recentiores roborare cor, iecur, cerebrumq; tradūt. Hinc est quod eius succum
aut decoctum syncopa, uertigine, morboq; comitali correptis, attonitis, & phrene-
ticis exhibeant. Cæterum incipienti elephantia, ne latius serpat, & altius radices a-
gat, uiam præcludere scribūt. Ocularij medici ad oculorum caligines discutiendas
eo etiam utuntur.

DE ELENIO CAP. LXXXIX

NOMINA.



EAENION Græcis, Elenium & Inula Latinis, officinis Enula, rusticis
Campana, uulgo iunctis utrisq; uocabulis Enula campana dicitur. Ger-
manis Alant. Elenium autem ab Helenæ lachrymis, e quibus natum fa-
bulantur, quidam dictum esse uolunt. Alij quoniam cōtra serpentes ex
eo primum ab Helena remedium inuentum sit.

Enula campana

*Elenium unde di-
ctum.*

FORMA.

Caulē ex se mittit Elenium crassum, hirsutum, cubitalem, & aliquando ma-
iorem (interdum enim iustam hominis staturam altitudine æquat) angulosumq;. Huic
supernè lutei flores insident, & in his semen Verbasco simile, tactu pruritus
excitans. Folia angustifolia Verbasco similia obtinet, lanuginosiora tantum & ob-
longa. Radicē subruffam, odoratam, magnam, subacrem, ex qua ad consitionem
Liliorum aut Ari instar, pingues propagines appendicēsue auferunt. Hæ siquidē
notæ Enulæ campanæ uulgo dictæ pulchrè quadrant, neq; obstat quod nō in cun-
ctis græcis exemplaribus omnes illæ habeantur, cum in nonnullis, ijsq; probatissi-
mis saltem, legant. Sic Marcellus Virgilius Florentinus in suis quos edidit in Dio-
scoridem cōmentarijs testatur, sibi uisum esse antiquissimū ac probatissimū codi-
cem, in quo adhuc omnes seruentur. Et certè nihil absurdi cōmittemus, si nonnul-
las Dioscoridē notas subticuisse dicamus, cum euidentissimū sit Inulam nō passim
una forma præditam nasci, quando, eodem Dioscoride teste, in quibusdā locis cau-
lem haud emittat: in irriguis deniq; procerior & elegantior, quàm in sicciorib; pro-
ueniat. Huc accedit quod aliàs sæpe notas etiam admodū necessarias prætermittat.

obiectio diluitur

*Marcellus Flo-
rentinus.*

LOCVS.

Nascitur montanis, umbrosis, & siccis locis. In hortis etiam passim hodie plan-
tatur.

TEMPVS.

Radix æstate effoditur, & concisa siccatur. Floret Iulio mense.

TEMPERAMENTVM.

Elenij radix non primo statim occurſu excalefacit, ac proinde non dicenda est ca-
lida & sicca exactè, ceu mel & piper album, sed cum recrementitio humore.

VIREs.

EX DIOSCORIDE.

Radiciſ Elenij decoctū potum, urinam & menses ducit. Ipsa deniq; in eclegma-
te cum melle sumpta, tussi, orthopnoæ, rupturis, cōuulsionibus, inflationibus, ue-
nenatorum morſibus prodest, calefaciendi uī quam in uniuersum habet. Folia eius
in uine cocta ischiadicis utiliter illinuntur. Radix etiam Elenij in passo condita, sto-
macho utilis est. Siquidem salgamarij paululum siccata eam, mox decoctam, fri-
gida aqua demergunt, postremo in defrutum coniectam, ad usum recondunt. Ea
trita & pota sanguinem excreantibus auxiliatur.

EX GALENO.

Elenij radix maximè utilis est. Eclegmatis quæ faciunt ad educendos lentos &
X crassos



ELENIVM
Allant.

crassos qui sunt in thorace & pulmone humores commodè miscetur. Rubrificant quoque ea partes frigidis & diuturnis uexatas affectibus, cuiusmodi sunt nonnullæ coxarum passiones, ischiadas uocant, & exiguae assiduæque quorundam articulorum præ humiditate luxationes.

EX PLINIO.

Inula à ieiunis cōmanducata dentes confirmat, si ut eruta est, terram non attingat. Condita tussim emendat. Radicis uerò decoctæ succus tineas pellit. Siccata autem in umbra farina tusa, & conuulsis, & inflationibus, & arterijs medetur. Venenatorum morsus abigit. Folia ex uino lumborum dolori illinuntur.

DE EUPATORIO CAP. XC.

NOMINA.



ΕΥΠΑΤΩΡΙΟΝ, ἢ ἡπατώλειον græcè, Eupatorium & Hepatoriū latinè, officinis Agrimonia dicitur. Germanis Odermenig/Bruchwurz. Eupatorium ab Eupatore rege, qui illam primus inuenit, nominatam esse uolunt. Hepatorium uerò quoniam iecori præcipuè medeatur.

Agrimonia.
Eupatorium cur
dictum.
Hepatorium.

FORMA.

Fruticosa est herba, unum, interdum alterum etiam scapum efferens, tenuem, lignosum, rectum, nigrum, hirsutum, cubitalem, aut etiam maiorem. Folia per interualla partibus potissimū incisa quinque, & aliquando pluribus, Quinquefolij uel Cannabidis potius folijs similia, nigricantia, & ferræ modo in extremitatibus incisa. Semen à medio caule enascitur, deorsum inclinatū, hirsutum, adeò ut siccatum uestibus hæreat. Hæ deliniationes adamussim, nulla reclamante nota, herbæ quam uulgi & officinæ uocant Agrimonia conueniunt. Quapropter hanc uerum & genuinum esse Eupatorium facile deprehendet, qui singulas descriptionis partes diligenter expendet. Siquidem Agrimonia fruticosa est herba, scapum unum aut alterum obtinēs, lignosum, tenuem, rectum, nigricantem, hirsutum, cubitalem uel maiusculū. Folia ex interuallis Cannabina, aut Quinquefolio similia, quinquepartita uel plurifariā incisa, per ambitum serrata. E medio caule semen erumpit deorsum spectans, subhirsutum, ut resiccatum uestibus adhærescat. Proinde præfracta quadam ac immedicabili cæcitate captos esse eos iudico, qui hoc ipsum hodie non animaduertunt.

Agrimonia est
uerum Eupato-
rium.

LOCVS.

Nascitur passim locis montosis, campestribus etiam, pratis nempe, & circa sepes.

TEMPVS.

Carpitur in æstate, dum floribus abundat.

TEMPERAMENTVM.

Eupatoriū herba tenuium partium, incidendi extergendi que facultatem citra manifestam caliditatem obtinet. Inest ei & adstrictio modica.

VIRE.

EX DIOSCORIDE.

Contrita huius folia & cum ueteri suillo adipe imposita, ulceribus difficilè cicatricem contrahentibus medentur. Semen aut herba in uino pota, dysentericis, iccinos, & serpentium morsibus auxiliatur.

EX GALENO.

Obstructiones iecoris expurgat, & robur huic uisceri addit.

EX PLINIO.

Semen dysentericis in uino potum auxiliatur unice.



EVPATORIVM

Gleditsia glandulosa.

NOMINA.



HAVDDVBIE Euphrasie herbæ nomen à græcæ lingue imperitis phar
macopolis deprauatum est, cum olim *ὕφροσων* dicta sit, quod nimirum
oculos, quorum caliginem discutit, delectet. Ad quod nomen Germa-
ni nostri pulchrè alludentes *Augentrost* / hoc est, oculorū solacium ap-
pellant. Nonnulli hac quoque ratione moti ophthalmicam & oculariam nomi-
nant. Officing, ut ferè in omnibus alijs herbis, corruptā uocem retinentes, Euphra-
siam uocant. Etsi autem herba hæc græco & eleganti nomine donata sit, nihil ta-
men de ea, quod sciam, apud ueteres Græcos & Latinos, nempè Dioscoridem, Pli-
nium, Galenū, adde etiam recentiores, Aëtium, Paulum, & Actuarius scriptum
reperitur. Cum uerò appellatio ipsa græcam testetur originem, uidetur sanè à Bu-
glossio ueterum mutuata & desumpta esse. Vt enim hoc in uinum coniectum ani-
mi læticiam parit, atque adeò *ὕφροσων* dictum est, ita etiam illa quia oculos iuuat
& delectat, *ὕφροσων* appellari cœpit. Quam subinde uocem imperiti linguæ, ut di-
ximus, deprauantes, in Euphrasiam uerterunt.

ὕφροσων
cur dicta.

ophthalmica.

FORMA.

Herba est parua, palmę unius longitudine, Hyssopo similis, cauliculis purpureis,
folijs exiguis, per ambitum ferratis, flosculis albicantibus, radice exigua & inutili.
Nec obstat quod Hermolaus, immensæ eruditionis uir, libro tertio, capite decimo
oçtauo sui Corollarij, luteolos esse dicit: is enim ad partem duntaxat florum respe-
xit, quæ lutea esse euidenter apparet. Certè si flores Euphrasie exquisitè confide-
res, neque prorsus luteos, neque in uniuersum etiam candidos esse deprehendes:
tribus enim coloribus, nempè purpureo, candido & luteo, ut pictura ipsa ostendit,
maculati sunt. Quum uerò potior florum pars candido colore constet, factum est
ut fermè omnes herbā hanc depingentes, albos illi assignarint flores, nobis autem
hos candicantes dicere placuit.

*Hermolaus Bar-
barus.*

LOCVS.

Nascitur in apricis collibus, & pratis ferè omnibus.

TEMPVS.

Inter autumnii initia magna copia erumpit.

TEMPERAMENTVM.

Quas particulatim facultates obtinet, abundè docent calidam & siccam esse
herbam.

VIRE S.

Vtuntur ea ad oculorum caligines & suffusiones, uel per se imposita, uel ex ui-
no decocta. Memoriam etiam oculorumq; aciem redacta in puluerem, & in uino
albo pota, mirificè roborat, amissamq; reparat.



EUPHRASIA

Augencrost.

NOMINA.



ΛΕΛΙΣΦΑΚΟΝ Græcis, Salvia Romanis & officinis, Germanis Salbey appellatur. Porro cum ipsa herba semper retorrída & exucca uideatur, factum est, ut Græcis Elelisphton, quasi in tabem redacta, uel in syderationem flaccescens dicta sit, ἐλελίζην & σφακίος uocibus in unam coalescentibus appellationē. Est autem σφακίος, seu potius σφακέλιος, malum in plantis quum per æstatem & ardentissimū canis æstus ui solis altius penetrante, humoreq; quo nutriuntur deficiente, languent & arescunt. Latini syderationē nominant. Salvia autem dicta Latinis, quod ad multa, præsertim ad fecunditatē, salutaris sit.

Elelisphton uel de dicta.

σφακέλιος

Salvia cur uocata.

GENERA.

Duo sunt Salviæ genera, quemadmodū etiam plebei abundē nouerūt. Vnum quod priuatim Elelisphton dicitur, squalidius folio & scabrius, lacunosa facie præ asperum, multo latius, quasi cultum senserit, adeo ut domestica aut hortensis Salvia dici possit. Nos euidentiori distinctione usi, Saluiam maiorem nominauimus. Germanis etiam groß oder breyt Salbey uocatur. Alterum folio leuius & cōtractius, quasi syluestrem ob id referat figurā, syluestris Salvia appellari potest, minus etiam squalore oblitū est. Nos Saluiam minorem diximus. Germani creiuz Salbey / oder klein Salbey / oder spiz Salbey / edel Salbey nominant. Dioscorides utrunq; genus sub uno Elelisphti nomine complexus est, quod scilicet facultate nihil distent, sed idem prorsus efficiant.

Salvia maior.

Salvia minor.

FORMA.

Frutēx est oblongus, ramosus, quadrangulas & candidas uirgas habens. Folia mali Cotonei effigie, oblongiora tamen, asperiora, & crassiora, quæ sensim attritarum uestium modo hirsuta, subalbida, uehementer odorata, sed uirosa sunt. Semē in summis caulibus syluestri Ormino simile gerit. Hæc descriptio, nulla prorsus reclamante nota, cum herba quam Saluiam uulgo uocant quadrat: nanque ea fruticosa est, rugosis folijs, extritarum latenter uestium asperitatem scabritiamue referentibus, incanis, uehemēter odoratis, purpureo in spica flore, in aquilini rostri speciem falcato, semine syluestris Ormini, ut pictura graphicè monstrat.

LOCVS.

Nascitur in locis asperis, & utrunq; genus hodie passim in hortis inuenitur.

TEMPVS.

Carpitur in Iunio & Iulio mensibus, quando nimirum floribus & semine prægnans est.

TEMPERAMENTVM.

Elelisphtacos euidenter excalfacit, ac leuiter adstringit.

VIRE.

EX DIOSCORIDE.

Foliorum ramorumq; decoctū potum urinam cit, menses fetusq; extrahit. Pastinacæ marinæ ictibus auxiliatur. Capillos denigrat. Vulneribus herba utilis est, sanguinemq; compescit. Ferina tetræue ulcera purgat. Pudendorum pruritus foliorum & ramorum decoctum cum uino, si eo abluantur, sedat.


EX AETIO.

Tradunt quidam suffitam Saluiam menses immoderatē fluentes, & omnino muliebri profluuium compescere. Agrippa sacram herbam uocauit, quam prægnantes mulieres si fluidæ laxæq; fuerint, utilissimè comedunt: cōtinet enim conceptū uitalemq; reddit: ac si succi huius heminam cum modico sale quarto à secubitu die mulier potauerit, deinde uiro misceatur, proculdubio concipiet. Aiunt in quodam Aegypti loco post sæuas pestilentias ab his qui supersunt, ad eum succum bibendū mulieres cogi, plurimosq; inde produci fetus. Dato, inquit Orpheus, sanguinem



SALVIA
MAIOR.

Gros Salbey.



SALVIA
MINOR.

Creutz salbes.

c expuentibus succi Saluiae cyathos duos, ieiunis cum melle bibendos, & sanguis illico cohibet. **Pilulae.** Tabidis pilulae in hunc modum parantur. Spicae nardi, Zingiberis singul. drach. ij. feminis Saluiae affati triti & cribrati drach. viij. Piperis longi drach. xij. cum succo Saluiae pilulas conficito, & mane ieiunis drachmam unam exhibeto, eodemque modo in uespere, ac postea aquae purae quippiam propinato.

EX PLINIO.

Menses Saluia cit & urinas, Pastinacae marinae ictus sanat. Torporem autem inducit percusso loco. Bibitur cum Absinthio ad dysenteriam. Cum uino eadem commorantes menses trahit, Abundantes sistit decocto eius potio. Per se imposita uulnorum sanguinem cohibet. Sanat & serpentium morsus. Et si in uino decoquatur, pruritus testium sedat. Partus emortuos apposita extrahit, item uermes aurium. Ad tussim laterisque dolores bibitur. Contra scorpiones eadem & dracones marinos efficacax. Contra serpentes quoque ex oleo perungi ea prodest.

DE ERPYLLO CAP. XCIII.

NOMINA.

Serpyllum unde dictum.



PΡΥΛΛΟΝ graece, Serpyllum latine. Officinae latinum nomen retinuerunt. Germanice Quendel / Kintlin / Dänertöl appellatur. Serpyllum autem, ut autor est Varro, ab eo quod serpat tam Graecis quam Latinis dictum est, quoniam si qua eius particula terram attingit, inibi radices demittit. Est enim ut Theophrastus libro sexto de plantarum historia, capite septimo ait, proprium quoddam eius ramulorum incrementum, quippe cum possit in quantum uoluerit quispiam longitudinem trahi, adiecto illi pedamento aliquo, aut si prope sepes plantetur, aut ex altiore loco aliquo deorsum demittatur: sic enim in longum protrahuntur: & ab hac plantae in ramulis eius natura, quod in longum serpit, Graeci & Latini peculiariter Serpyllum nominauerunt.

GENERA.

Serpyllum hortense.

Syluestre.
Zuyēy.

Duo eius genera. Hortense, quod germanice heymischer Quendel dicitur. Syluestre, quod priuatim Zygis uocatur, quod forte eo iugarentur uites. Zuyēy enim Graecis interdum idem quod Latinis ligare & uincire significat. Germanice simpliciter Quendel dicitur. Nos syluestris tantum Serpylli picturam damus.

FORMA.

Hortense.

Syluestre.

Plinij erratum.

Hortense non dissimile est Origano, potissimum quod ad folia & ramulos ipsos attinet, quos candidiores tantum habet, odore tamen prorsus Sampsychum representat. Repit humi, & in rectum non attollitur. Syluestre contra humi non serpit, sed rectum exilibus ramulis & lignosis attollitur, Rutae folijs plenius, angustioribus tamen. Flosculos habet subpurpureos, gustu acres, odore iucundo, radicem multifidam. Plinius secus quam Dioscorides hortense serpyllum nequaquam, syluestre uero humi serpere asserit, adeo ut subesse in hoc mendam uerisimile sit: res enim ipsa & uiuae herbarum imagines satis testantur, Dioscoridis sententiam esse ueriores. Dioscoridi subscribit Aëtius. Neque mirum est magis humi reptare cultum, quod infirmius humoris copia est, atque adeo ramis inualidioribus stare nequit, quam syluestre, quod illo rigidius ac lignosius existit.


LOCVS.

Hortense non nisi satum prouenit, & Columella teste, neque pinguem, neque stercoreatum, sed apricum locum desiderat, ut quod macerrimo solo nascatur. Syluestre autem in petris, collibus, & montibus plerisque copiosissime nascitur, ita ut eo quasi uetiri uideantur.

TEMPVS.

Syluestre tota aestate floret, hortense autem Iunio & Iulio mensibus.

TEMPERA-



SERPYLLVM

Guendel.

C

TEMPERAMENTVM.

Serpyllum gustu acre est, ob id calidum ualde, ita ut menses & urinam moueat.

VIRES.

EX DIOSCORIDE.

Syluestre efficacius & maiori calefaciendi ui quàm hortense, atque ad usum medicinae aptius. Menses trahit, & urinam cit potum. Torminibus, ruptis, conuulsis, iecinoris inflammationibus auxiliatur. Aduersus reptilia potum & illitum. Capitis dolores sedat coctum adiecto rosaceo, & aceto madefactū. Maxime uero lethargo & phrenitidi cōuenit. Sanguinis uomitum sedat succus eius quatuor drachmis cum aceto potus.

EX AETIO.

Serpyllum ita calefacit ut menses & urinam ducat. Huius genus duplex. Syluestre efficacius calidiusq; hortensi, atq; omnino usus eius in medicina p̄fertur. Prodest torminibus, cōuulsionibus, rupturis, inflammationib. iecinoris, reptilibusq;. Potum ac illitum capitis dolores sedat. Madefactum autem aceto ac decoctum admixto rosaceo lethargicis, & diutinam phrenitim patientibus summi opere cōgruit. Præterea drachmæ unius pondere ex aceto bibitum, sanguinis eiectiones cōpescit.

EX PLINIO.

Aduersus serpentes efficax, maxime Cenchrin & Scolopendras terrestres ac marinas & scorpiones, decoctis in uino ramis folijsq;. Fugat & odore, cominus si uratur, & contra marinorū uenena præcipue ualeat. Capitis doloribus decoctū in aceto illinitur temporibus, ac fronti cum rosaceo. Item phreneticis, lethargicis, contra tormina & iecinorum dolores. Folia obolis quatuor dantur ad lienem ex aceto. Ad cruentas excreationes teritur in cyathis duobus aceti & mellis.

EX PLINIO VALERIANO.

Serpyllum calidum, simul nobis utile medicinae usus ostendit. Capitis dolores coctum ex aceto & rosaceo tempori ac fronti illitū mitigat. Serpentes & omnia animalia uenenata adustum nidore repellit, ideo & messoribus in cibo miscetur, ut si fatigatos forte somnus oppresserit, tutè quiescant contra animalia quæ hoc tempore uenenatis hausibus sequi consueuerunt. Contusi puluis ex scrupulis xij. in aqua datus tormina emendat, urinæ difficultates resoluit, lienis quoq; iniuriæ idem puluis ex aceto mixtus occurrit. Nec minus cruentis excreationibus subuenit, ex duobus cyathis mellis & aceto temperatus.

DE ELYMO CAP. XCIIII.

NOMINA.

Panicum quare
dictum.



ΕΛΥΜΟΣ Græcis, Panicum Latinis, Germanis Heydelpfenich/oder Senich dicitur. Panicum autem à paniculis in quibus semen est, Latini appellauerunt.

FORMA.


Mili similitudine prosilit, denis ut plurimum folijs luxurians, culmo penè in surculum extenuato, nutante, rubido panicularū fastigio, prædensis aceruato granis, aliàs purpureis, aliàs rufis, nigris aliàs, item & candidis.

LOCVS.

Satum facile quouis ferè loco prouenit, leuem autem & solutam terram potissimum desiderat. Nec in sabuloso duntaxat solo, sed in arena quoq; nascit, modo humidum cœlum, uel riguum solum sortiatur.

TEMPVS.

Quadragesimo die postquā satum est absolui, ut omnia æstiuæ, inter omnes conuenit.



PANICVM

Pfenich.
 Feuf. 
 Y

c uenit. Quocunq; igitur tempore satum fuerit, ubi semine pragnans erit, tum carpendum uenit.

TEMPERAMENTVM.

Refrigerat & exiccat, praesertim si foris illinatur.

VIRE.

EX DIOSCORIDE.

Mili; similitudinem refert, eodemq; modo in panes defingitur, & ad idem accommodatum est, minus tamen quam Milium nutrit & adstringit.

EX GALENO.

Panicum facultate pauci nutrimenti, & exiccatoria. Sistit quoq; non nihil uentris fluxus, ceu ipsum etiam Milium. Panis itaq; eius exigui est alimenti & refrigerans. Constat insuper praearidū & instar arenae aut cineris friabilem esse: caret enim penitus pinguedine & lentore. Iure igitur aluum humentem desiccatur. Agricola farina huius cocta admisto adipe suillo & oleo uescuntur. Panicum in omnibus Milio cedit, insuauius esu, concoctu difficilius, uentremq; magis coërcet, minusq; nutrit. Huius farinā interdum cum lacte coctam, rustici ueluti triticeam esitant. Clarumq; est id edulij tanto quā illud per se solum assumptū melius esse, quanto lac huius seminis natura ad boni succi procreationē, aliaq; omnia eminentius habetur. Dico autem alia omnia, cōcoctionem, uentris subductionem, in totum corpus distributionem, adeoq; ipsam in edendo suauitatem & uoluptatem. Hoc namq; semen nulla gratia aut iucunditate commendatur.

EX PLINIO.

Panicum Diocles medicus mel frugum appellauit. Effectus habet quos Milium. In uino potum prodest dysentericis. Similiter ijs quę uaporanda sunt ex calfactum imponitur. Sistit aluum in lacte caprino decoctum, & bis die haustum. Sic prodest & ad tormina.

DE ERICA CAP. XCV.

NOMINA.

E PEIKH Græcis, Erica Latinis, Heyd Germanis dicit. Officinis inusitata.

FORMA.

Erica fruticosa arbor est Tamarici similis, multo tamen breuior. Eius flore utentes apes, reprobū mel conficiunt. Plinius lib. xxiiij. cap. ix. fruticem esse scribit nō multum à Tamarice differentem, colore Rosismarini, & penē folio. Id quod uerē de ea Erica, cuius nos picturam damus, dicitur. Theophrastus etiam Rosmarino similem Ericam facit. Habet flores in candido purpureos.

LOCVS.

In montibus & syluis locisq; arenosis nascitur.

TEMPVS.

Autumno floret sola ferē in syluis.

TEMPERAMENTVM.

Calida & sicca est Erica, id quod in gustu amaritudo satis docet.

VIRE.

EX DIOSCORIDE.

Ericæ coma & flores illita serpentium moribus medentur.

EX GALENO.


Discutiendi facultate prædita est Erica: flore eius potissimū & folijs utendum.

EX PLINIO.

Ericen aduersari serpentibus tradunt.

APPENDIX.

Recentiores herbarij præter iam cōmemoratas, alias facultates addunt, nimirū florum decoctum lumborū ac uentris dolores lenire posse. Succum ex folijs floribusq; elicatum, oculis imbecillibus guttatim instillatum, aut foris inunctū cōferre.



ERICE

Heyden.

C

NOMINA.

Rapistrum non
est sylvestris E-
ruca.
Erysimon unde
dictum.

Irion quare uo-
cata.



ERYSIMON græcè, Irion latinè uocatur. Officinis nostris incognita. Vulgares herbarij non ineptè Sinapim sylvestrem, nonnulli etiam Rapistrū, Germani Hederich & Wilden senff appellant. Sunt qui perperam, eo quod gustu Erucam imitatur, sylvestrem Erucam nominant. Alia enim est Eruca sylvestris ab ea quam Rapistrum nominant herba, ut suo loco dicemus. Erysimon quidam ἀπὸ τοῦ ἐρείκειν nomen mutuatum esse credunt, id est, à multiplici foliorum sectione; nam Erucæ modo laciniata cōspiciuntur. Alij ab oleris præstantia dictum uolunt, quasi ἐρίτιμον, quod est preciosum & nobile. Mihi ἀπὸ ἐρύειν potius dictum esse uidetur, quod ob suam caliditatem maxima trahendi facultate prædita sit. Latini autem Irionem ab irruendo dixerunt, quod ignea ui, & feruido sapore irruat in gustum.

FORMA.

Folia habet sylvestri Erucæ similia, caules lori modo flexiles, flores luteos. In cacumine siliquas corniculorum figura, ut Foenigræci graciles, in quibus semina continentur parua, Nasturtio similia, gustu feruido. Hæ utique notæ in uniuersum omnes, herbæ illi quam pictam hic exhibemus adamussim quadrant.

LOCVS.

Nascitur passim propè urbes, domorum areas, rudera & hortos.

TEMPVS.

Per integram æstatem floret, autumno autem semen in siliquis profert.

TEMPERAMENTVM.

Semen Erysimi haud secus quàm Nasturtij calfacit & exiccat. Herba etiam ipsa arefacta similem semini uim obtinet. Humida tamen ac uiridis, multo semine inferior est.

VIRE. EX DIOSCORIDE.


Erysimi semen thoracis fluxionibus purulentis, tussientibus, regio morbo, coxendicum doloribus linctum cum melle confert. Bibitur etiam contra letalia uenena. Ex aqua aut melle illitum, occultis carcinomatibus, duritijs, parotidibus, testium ac mammarum inflammationibus prodest. In uniuersum extenuat & calefacit. Mitius ad eclegmata fiet, si aqua madefiat & torreatur, aut linteolo illigatum circumlita pasta perassetur.

EX GALENO.

Irionis semen sicut gustu Nasturtio simile apparet, ita facultate igneum est & ex calefactorium. Porro ubi in eclegmate uti ex usu est, præstat aqua præmaceratum torrere, aut linteolo illigatum subindeq; crustæ pistoriæ inuolutū affare. Vtile est cum eclegmatis ad promouendas crassorum lentorumq; in thorace & pulmone humorum expuitiones. Quin & parotidas induratas, atq; duritias mammarum & testiculorum ueteres iuuat. Refert Dioscorides, quod cum aqua & melle illitum, occultis proffit cancris.


EX PLINIO.

Vtilissimum tussientibus cum melle, & in thoracis purulentis excreationibus. Datur & regio morbo, & lumborum uitijs, pleuritidis, torminibus, coeliacis. Illinitur uerò parotidum & carcinomatū malis. Testium ardoribus ex aqua, aliàs ex melle. Infantibus quoq; utilissimum. Item sedis uitijs & articularijs morbis cum melle & fico. Contra uenena etiam efficax potum. Medetur & suspiriosis. Item fistulis cum axungia ueteri, ne intus addatur,



IRION

Gederich.



HELXINE
CISSAMPELOS.

Mittelwind.

NOMINA.



HELXINE *κισσαμπέλος* Græcis, Helxine cissampelos & Conuoluulus Latinis nominatur. Vulgus herbariorum & officinæ, Volubilem mediam & Vitealem appellat, Germani *Wittelwinden* / oder *Weingartenwinden*. Rectè autem Cissampelos dicitur: in uineis enim potissimum nascitur, & folio hederaceo. Conuoluulus uerò, quod crebra reuolutione uicinos frutices & herbas implicet.

Vitalis.
Cissampelos quare dicitur.
Conuoluulus.

FORMA.

Folia habet Hedere similia, minora tamen. Ramulos exiguos circumplectentes quodcumque contigerint. Folia denique eius scansili ordine alterna subeunt. Flores primum candidos Lilij effigie, dein in puniceum uergentes, profert. Semen angulosum in folliculis acinorum specie.

LOCVS.

In uineis nascitur, unde etiam ei appellatio Cissampeli, ut diximus, indita est.

TEMPVS.

Aestate, potissimum autem Iulio & Augusto mensibus, floret.

TEMPERAMENTVM.

Calidam esse ex uiribus quas illi ueteres tribuunt, facile conijcere licebit.

VIRE.

EX DIOSCORIDE.

Succus foliorum eius potus, aluum subducendi facultatem obtinet.

EX GALENO.

Helxine, quæ & Cissampelos nuncupatur, digerendi facultatem habet.

DE HEPTAPHYLLO CAP XCVIII

NOMINA.



HEPTAPHYLLON græcè, Septifolium latinè, uulgo Tormentilla nominatur. Sunt ex recentioribus qui perperam Bistortam uocent. Germanicè Tormentill / *Kotheilwurz* appellatur. Heptaphyllon autem à septenario foliorum numero dicta est.

Tormentilla.

Heptaphyllon unde dictum.

FORMA.

Quinquefolio simillima est, nisi quod septem non quinque habet folia, utrinque lanuginosa, exigua, parua, ferrata, caulem certis ferè interstitijs ambientia, flores luteos, radicem puniceam ac modicè intortam. Ex hac descriptione omnibus constare puto, herbam nostris Tormentillam dictam, non esse Dioscoridis Quinquefolium. Hoc enim, ut reliqua omittam, radicem non intortam, sed rectam & oblongam habet. Plinius etiam libro xxv. capite ix. herbam Quinquefolium incipere & desinere cum uite scribit. Tormentilla autem non maturè prouenit, sed cum uites iam florent. Accedit quod hæc in montosis & syluestribus incultisque, hoc uerò pratis, cultis & aquosis in locis potius prouenit. Apuleius etiam utranque herbam seorsim describit.

Tormentilla non est Quinquefolium.

LOCVS.


Nascitur montosis, ut diximus, locis ac syluis.

TEMPVS.

Serò ac cum iam uites florent herba hæc apparere incipit.

TEMPERAMENTVM.

Recentiores iudicant hanc herbam in tertio ordine frigidam & siccam esse. Ceterum non esse frigidam, potissimum in tertio ordine, facultates eius abundè declarant. Gustus etiam adstrictionem illam tanta frigiditate prorsus carere palam ostendit. Quare cum easdem quas Quinquefolium facultates habeat, idem etiam temperamentum obtineat



HEPTAPHYLLVM

Tormentill.

tineat necesse est. Erit itaq; radix desiccatoria ex tertio ordine, nullatenus tamē manifesta caliditate participans.

VIRES EX APVLEIO.

Heptaphyllo herba trita & cū oleo mixta pedes perunges, & tertio die dolorē tollit.
EX RECENTIORIBVS.

Facultatem obtinet glutinandi uulnera. Farina herbæ uel radicis ex succo Plantaginis propinatur in difficultate urinæ. Eadem respersu uulnera ad cicatricem perducit. Cum albo oui subacta & figlino decocta, datur cholericis. Foliorū uis depuratoris fistulis instillatur, neq; non oculis ad discutiendas nubeculas. Ad putrescentia oris ulcera herba & radix cōmanducata, & in ore retenta ualēt. Herpetas, strumas, duritias, tumores, aneurismataq; sanat. Et ut antea diximus, facultates ferē easdem quas Quinquefolium obtinet. Quapropter uenenis resistit, dysenterias, & omnes sanguinis eruptiones compescit.

DE ERUCA CAP. XCIX

NOMINA.

ERUCA. VZOMON Græcis, Eruca Latinis, officinæ latinum nomen retinuerūt, Germanis Weiß senff appellatur. Euzomos autem Græcis, quoniam *Euzomos unde dicta.* iura cōmendat, habeatq; in eisdem peculiare gratiam dicta est. Erucam *Eruca.* uerò ideo nominatam uolunt quod erodat: hæc enim ubi degustaueris, os & linguam satis acriter uellicat.

GENERA.

Duplex est Eruca. Vna hortensis seu satiuæ, quæ Germanis zam weiß senff dicitur. Altera syluestris, iisdem wilder weiß senff appellatur.

FORMA.

Sesquipedali thyrsō confurgit satiuæ, folio longo, angustōq; in profundas sed rariores crenas laciniato, gustu præter modum acri, floribus pallidioribus, semine in siliquis rapi, uel sinapi, firmo, radice candida. Syluestris folio satiuæ simili, strictiore tamen & minore, flore luteo.

LOCVS.

Satiua in hortis nascitur. Syluestris Hispaniæ familiaris: propē tamen aquas prouenit magna copia. Quæ autem apud nos creditur esse syluestris Eruca, ea non est sed Erysimon, de qua quidem herba suo in loco abundē scripsimus.

TEMPVS.

Satiua tota æstate floret: syluestris autem circa Calendas Iuni potissimum erumpit: alio enim tempore uix reperitur.

TEMPERAMENTVM.

Temperamentum Erucæ idem cum temperamento Erysimi.

VIRES. EX DIOSCORIDE.

Cruda Eruca satiuæ largius comesta uenerem stimulat. Idem potest semen eius, quod urinam cit, coctionē adiuuat, aluumq; bonum efficit. Vtuntur semine ad condimenta. Quod ut plurimo tempore seruetur, aceto uel lacte maceratum, & in pastillos digestū recondunt. Syluestris semine homines in Hispania sinapis uice utuntur. Est autem ad ducendam urinam efficacior, & multo quā satiuæ acrior.

EX GALENO.

Olus hoc perquā manifestē calefacit, adeo ut nō facile solum absq; iunctis Lactucæ folijs edatur. Quinetiam genitale semen augere creditur, & in uenerem stimulos addere. Caput magis dolore afficiet si solum edatur.

EX PAULO.

Eruca temperamento Erysimi similis, flatulenta est, ob quod ad uenerem instigat. Semen eius urinam quoq; mouet. Cæterū syluestris, domestica ualentior est.

EX PLL



ERVCA
SATIVA,

Zam weiß senff.



ERVCA
SYLVESTRE,

Wild weiß senff.

C

EX PLINIO.

Eruca diuersa est quam Lactuca naturæ: concitatrix ueneris: idcirco iungitur illi ferè in cibis, ut nimio frigori par feruor immixtus temperamentū æquet. Eius semen scorpionum uenenis & muris aranei medetur. Bestiolas omnes innascentes corpori arcet. Vitia cutis in facie cum melle illitum. Lentigines ex aceto. Cicatrices nigras traducit ad candorem cum felle bubulo. Aiunt uerbera subituris potum ex uino, duritiam quandam contra sensum induere. In condiendis obsonijs tanta est suauitas, ut Græci euzomon appellauerint. Putant subtrita Eruca si foueant oculi, claritatē restitui. Tussim infantium sedari. Radix eius in aqua decocta, fracta ossa extrahit. Tria folia syluestris Eruce sinistra manu decerpta, & trita in aqua mulsa, si bibantur, uenerem stimulant.

DE EVPATORIO ADVLTERINO CAP. C.

NOMINA.



Officinarum
error.

Eupatoriū adul-
terinum.

VM herba hæc ueteribus Græcis & Latinis cognita fuerit, & quo nomine ab iisdem appellata sit, mihi nondum constare ingenuè fateor. Officinæ tamen ferè omnes pro Eupatorio uero, cum tamen non sit, haud sine magno errore utuntur. Hinc cum nomen aliud non esset quo illam appellaremus, Eupatorium adulterinū nominare placuit. Germanicè Kunigund traht/hoc est, herba S. Kunigundi uocatur, & Wasserdoß/ ab Origani similitudine, & quod iuxta aquas proueniat. Alijs Hirgentlee/ quod uulnerati cerui sibi hac medeantur herba.

FORMA.

D Caulem edit rotundum, purpureū, geniculatū, solidum & hirsutum, circa quem alæ panduntur, folia longa, Canabinis ferè similia, amaraq. Flores in summo paruos coaceruatos, in candido purpurascens, tandē in pappos tenues abeuntes. Radicem multis fibris capillatā & inutilem. Errant haud dubiè qui herbam hanc Dioscoridis Hydropiper esse putant. Nam etsi ferè tota eius herbæ facies, floribus demptis, Hydropiperis deliniationi respondeat, tamen quia nulla prorsus piperis in folijs aut floribus acrimonia apparet, non est cur Hydropiper dici possit aut mereat.

Eupatoriū adul-
terinum non est
Hydropiper.

LOCVS.

In fluminum ripis, alijsq. locis humidis nascitur: potissimum uerò iuxta residues aquas, aut tardo fluxu prorepentes.

TEMPVS.

Iulio & Augusto mensibus floret.

TEMPERAMENTVM.

Gustu uehementer amara est, ut calidam & siccam esse in secundo ordine, aut in medio tertij non sit dubium.

VIRE S.

Haud dubiè herba hæc abstergit, expurgatq., & quæ in uenis est crassitiem incutit: quamobrem menses & urinas mouet, educendoq. ex thorace pulmoneq. puri auxiliatur, aliasq. facultates amari saporis, quas recenset Galenus lib. iij. de Simp. med. facul. cap. xviij. obtinet. Potest itaq. obstructions iecoris & lienis aliarumq. partium corporis soluere. Ex recentioribus sunt qui hanc Vulnerariā esse tradunt, neq. temerè: id ipsum enim posse, siccitas eius testatur. Suffitum præterea eius herb. bg, uenenatas fugare feras iisdem scribunt. Euidētissimū uerò est hanc etiam contra uenena esse admodum efficacem.

DE ERE-



EVPATORIUM
ADYLERINVM.

Rumigunt franc.

NOMINA.

C



PEBINTHOS græcè, Cicer latinè, officinæ latinum nomen retinuerunt, germanicè zyfferi nominatur.

GENERA.

Tria præcipua sunt Cicerum genera, album, rufum & nigrum. Nos ex ijs tribus nigri tantum picturam damus. Differunt potissimum in floribus: hoc enim ut cernis purpureos, album uerò candidos flores producit.

FORMA.

Cicer satiuum caule est lignoso, obliquo, folijs exiguis, multis, circinatis, flore albo uel purpureo, siliquis rotundis, radice tenui & non admodum longa.

LOCVS.

Pullo crassoq; solo gaudet.

TEMPVS.

Floret Iunio & Iulio mensibus, atq; subinde in siliquis semen producit.

TEMPERAMENTVM.

Calidum & siccum est primo in ordine.

VIRE. EX DIOSCORIDE.


Cicer satiuū bonam facit aluum, urinam cit, inflationes parit, cutis colorem commendat, menses & foetus educit, lac auget. Cum Eruo decoctum illinitur ad inflammationes testium & myrmecias. Ad scabiem, achoras, impetigines, ulcera concretia & maligna, cum hordeo & melle. Alterum genus arietinum nominatur. Vtruncq; cit urinas, dato cum Rosmarino contra regium morbum & cutem subeuntes aquas eorum decocto. Ledunt autem uesicam exulceratā & renes. Contra myrmecias & acrochordonas iubent aliqui noua luna singula earum capita eminentiæ singulis Ciceribus tangere, deligataq; in lintheolo semina illa post se abijcere, ut acrochordones decendant.

EX GALENO.

Cicer legumen est flatuosum quod nutrire potest, aluo mouendæ habile, ciendæ urini idoneū, & semini generando aptum. Prolicit uerò & menses. Porro quod uocatur arietinum, cæteris efficacius urinam prouocat. Decoctum eius calculos renum confringit. Reliquum autem Cicerum genus quod Orobiaū uocant, eadem ui pollet, puta attrahendi, digerendi, incidendi, extergendi. Lienem & iecur, & renes expurgant, scabiesq; & impetigines extergunt. Parotidas & testes induratos discutunt. Maligna etiam ulcera cum melle sanant.

EX SYMEONE ANTIOCHENO.

Cicera difficulter concoquunt & excrementa gignunt. Venerem stimulant, magisq; quàm fabæ nutriunt, obstructions tollunt, & menses educunt. Habent salis simul & dulcem qualitatem, & ob falsuginem uentrem mouent, propter dulcedinem autem urinam. Inflationes quoq; faciunt, & lac gignunt, extergendiq; facultatem obtinent. Nigra medicamentoſam uim habent: urinam enim uehementissimè mouent, & calculos renū & uesicæ frangunt. Nullum uerò legumen sic ut Cicera, præcipuè autē nigra & parua, lapides frangere potest. Id uerò magis eius ius, quod tamen uesicæ morbis supra cætera legumina officit. Cicera uerò rubra calidiora & crassiorū sunt partium quàm alba. Omnia autem urinam ducunt. Madefacta nocte una in aqua & sumpta, lumbricos eijciunt, sed qui utitur sex ieiunet horas oportet. Imposita ut cataplasma parotidibus, molliunt & discutunt tumorem. Farina horum aceto subacta, & scabiosis inuncta prodest. Ius corundem ictericos iuuat, & urinam albam reddit. Oportet uerò ijs neque ante cibum, neque post uti, sed in medio.



CICER
NIGRUM.

Schwartz Jßern.

Z₂

NOMINA.

Buglossum syl-
uestris.
Echion quare
dictum.



EXION, ἡ ἀλκυωνίδιον Græcis, Echion & Alcibiacū Latinis dicitur. Offici-
nis ignotum. Vulgares herbarij syluestre Buglossum nominant, quos
sequentes Germani wild Schsenzungen appellant. Echion autem di-
ctum uolunt, quod contra ferarum ictus sit utile. Alij quod florescit ca-
pitulis uiperæ similibus. Rectius Dioscorides, quod semina uiperino capiti similia
habeat.

FORMA.

Folia obtinet oblonga, aspera, tenuia, Anchusæ proxima, minora tamen & pin-
guia. Habet & aculeos exiles folijs adiacentes. Cauliculos tenues multos, & utrin-
que foliola tenuia, pennata, nigra, minora proportionem ad cacumen caulis. Iuxta fo-
lia flores purpureos, in quibus semē est uiperino capiti simile. Radix digito exilior,
subnigra. Ex qua sanè deliniatione sole clarius fit, herbam cuius picturam hic exhi-
bemus esse Echion. Folia enim habet prælonga, hirsuta, tenuia, ad Anchusam acce-
dentia, minora tamē pinguiorē, tenuibus spinis horridula, cauliculos tenues, nume-
rosos, minutaq; folia utroq; latere dependentia, nigra, in summo caule minuscula,
inter quæ purpurei flores emicant, in quibus semina uiperarum capitulis similia in-
sident, à ceruice paulatim in rostellum extenuata, tumidiore superna parte, in qua
quædam prominulæ quasi sedes oculorū apparent, id quod ego hisce oculis non
semel, sed iterum atq; iterum conspexi. Radix digito tenuior nigricat.

LOCVS.

Vbiq; ferè ad itinera, & in asperis locis nascitur.

TEMPVS.

Iunio mense floret.

D

TEMPERAMENTVM.

Calidum esse citra tamen insignem siccitatē inde coniicitur, quod lactis procrea-
tricem facultatem obtinet. Medicamenta enim, Galeno libro quinto capite uigesimo
de Simpl. med. facul. teste, quia pituitosos humores calefacientia in sanguinem
uertunt, lac procreare solent.


VIRES.

EX DIOSCORIDE.

Radix non solum ijs qui à serpentibus morfi sunt succurrit pota cum uino, ue-
rūmetiam præsumentes eam ne feriantur facit. Idem præstant folia & semen. Se-
dat etiam dolores lumborum, & cum uino aut sorbitione sumpta lac proritat.

EX PAULO.

Echion spinosa herba est, quæ non modo à serpente commorsis cum uino pota
auxiliatur, sed præsumentes quoq; percuti non patitur.



ECHION

Wild oxsenzungen.

Eugenia, am Sylvestre minor, Pin. 255
ATA.

1. SION -
2. LAVER.
APIVM
PALVSTRE. *falsu*

Wasser eppich.



NOMINA.



ἈΒΟΣΕΛΙΝΟΝ, ἢ ὕδρῳσέλινον Græcis, Apium palustre & rusticum Latinis, Germanis Wasser epff/oder Eppich/oder bauren eppich nominatur. Sic dictum Græcis, quod in paludibus & aquosis locis proueniat.

Apium palustre
Eleoselinon unde dictum.

FORMA.

Apio satiuo maius est, caule tenero, concavo, folio molli, raro nec hirsuto, simile Apio sapore, odore, floribus, semine & radice.

LOCVS.

Nascitur in paludibus & aquosis locis.

TEMPVS.

Iulio mense floribus & semine prægnans est.

TEMPERAMENTVM.

Idem quod Apium satiuum temperamentum obtinet.

VIRE. EX DIOSCORIDE.

Eadem omnia quæ satiuum potest.

EX PLINIO.

Eleoselino uis priuata contra araneas.

DE ELLEBORO ALBO CAP CIIII

NOMINA.



ἈΛΕΒΟΡΟΣ λευκός Græcis, Elleborus candidus, & Veratrum album Latinis, officinis pariter Latinis Elleborus albus, Germanis weiß nießwurz appellat. Elleboron autem Græci dictum uolunt, quod cibum corporis eripiat. Album à radice uocarunt, quæ nigri respectu candida est.

Elleborus citharidius.
Albus quare cognominatus.

FORMA.

Plantagini similia folia obtinet, aut Betæ syluestris, breuiora tamen, nigriora, & colore rubentia. Caulem palmi altitudine, cauum, quum sicari incoeperit corticibus seu tunicis inuolutum. Radices illi subsunt numerosæ, tenues, ab exiguo & oblongo capite ceparum modo prodeuntes. Quod autem Dioscorides dicit colore rubere folia, id de costis eorum intelligendum erit.

LOCVS.

Nascitur in montanis locis frigidis & asperis.

TEMPVS.

Radices eius per messem legendæ sunt.

TEMPERAMENTVM.

In tertio ordine est excalescentium & exiccantium.

VIRE. EX DIOSCORIDE.

Optimus habetur qui mediocriter extensus est & albus, fragilis, carnosus, non acuminatus, iunceusque, aut quum frangitur puluerulentus, exilem interiorem medullam habens, gustu non admodum feruens, neque saluam confertim ciens. Huiusmodi autem strangulat. Purgat uomitionibus, uaria educens. Miscetur collyrijs, quæ claritati oculorum officientia purgare possunt. Menses ducit, & foetus in utero appositus enecat. Sternutamenta cit, & mures interficit, cum melle & polenta subactum. Carnes simul coctum minuit. Datur ieiunis per se & cum Sefamo, aut Pti-fane succo, aut Alicæ, aut mulsæ, aut pulte, aut lenticula, aut alia sorbitione. Pani conspinfitur & torret. Apparatus & uictus ratio ab ijs tradita est, qui de ratione & modo dandi eius, dicato priuatim opere, scripserunt. Potissimum autem Philonidi Siculo ab Enna subscribimus. Longum enim esset ei qui de medica materia agit, curandi quoque rationem docere. Dant autem aliqui cum copiosa sorbitione, aut suc-



ELLEBORVS
ALBUS.

Weiß nießwurz.

co multo, aut modicum cibum dari præcipientes, statim Elleborum offerunt, præsertim ijs in quibus suspecta timendaue erit strangulatio, aut corporis imbecillitas imminet: tuto enim ea sic peragitur purgatio, quod non intempestiue medicamentum corporibus cibo munitis accedat. Sedi etiam balani ex Elleboro subditæ cum aceto, uomitiones eliciunt.

EX GALENO.

Elleborus extergentis simul & excalfacientis facultatis est. Quamobrem ad alphas, impetigines, scabies, leprasque accommodus est. Quinetiam si in fistulam callo indurata infundatur duobus tribusue diebus, callum detrahit. Dentibus si cum aceto colluantur prodest.


EX PLINIO.

Candidum ueratrum uomitione, causasque morborum extrahit: quondam terribile, postea tam promiscuum, ut plerique studiorum gratia ad prouidenda acrius quam commentabantur, sæpius sumptitauerint. Carneadem responsurum Zenonis libris: Drusum quoque apud nos, tribunorum popularium clarissimum, cui ante omnis plebs adstans plausit, optimates uero bellum Marficum imputauere, constat hoc medicamento liberatum comitali morbo in Anticyra insula. Ibi enim tutissimè sumitur, quoniam, ut diximus, Sesamoides admiscet. Italia ueratrum uocat. Farina eius per se & mixta radiculae qua lanas diximus lauari, sternutamentum facit, somnumque. Leguntur autem tenuissimæ radices breuesque ac ueluti decurtatae etiam hæ. Nam summa quæ est crassissima, cepis similis, canibus tantum datur purgationis causa. Antiqui radicem corticemque carnosissimum eligebant, quò tenuior eximeretur medulla. Hanc humidis spongijs opertam turgescerentemque, in longitudinem sindebant. Deinde fila in umbra siccabant, ijs utentes. Nunc ramulos ipsos à radice sua grauissimi corticis, ita dantes. Optimum quod acre gustu, feruensque in frangendo puluerem emittit. Optimum præterea quod celerrimè mouet sternutamenta, sed multo terribilius nigro, præcipue si quis apparatus poturorum apud antiquos legat, contra horrores, strangulatus, intempestiuas somni uires, singultus infinitos, aut sternutamenta, stomachi dissolutiones, tardiores uomitus aut longinquiores, exiguos aut nimios. Sed antiquorum uitium erat, quod propter hos metus parcius dabant, cum celerius erumpat, quo largius sumitur. Themison binas non amplius drachmas donauit. Sequentes & quaternas dedere, claro Herophili præconio, qui Elleborum fortissimi ducis similitudini æquabat. Concitatis enim intus omnibus, ipsum in primis exire. Præterea mirum inuentum est, quod incisum forficulis, cortex remanet. Hoc inanito, medulla cadit. Hæc in nimia purgatione data, uomitiones sistit. Cauendum est felici quoque cura, ne nubilo detur die, quippe impatientes cruciatus existunt. Nam æstate potius quam hyeme dandum, non est in dubio. Corpus septem diebus præparandum cibus acerbis, abstinentia uini, quarto & tertio die uomitionibus, pridie coenæ abstinentia. Album è dulci datur, aptissimè uero in lacte aut pulte. Nuper inuenere dissectis raphanis inferere Elleborum, rursusque comprimere raphanos, ut transeat uis, atque eo lenimento dare. Reddi post quatuor fere horas incipit. Totum opus septenis peragitur horis. Medetur in morbis comitialibus, uertigini, melancholicis, insanientibus, lymphaticis, elephantique albæ, lepris, tetano, tremulis, podagricis, hydropicis, incipientibusque tympanicis, stomachicis, spasticis, clinicis, ischiadicis, quartanis quæ aliter non desinant, tussi ueteri, inflammationibus, torminibus redeuntibus. Vetant dari senibus & pueris. Item mollibus & foeminei corporis animeque exilibus, aut teneris, & foeminis minus quam uiris. Item timidis, aut si exulcerata sint præcordia, uel tumeant, minimeque sanguinem excreantibus, uel latere uel faucibus. Medetur extra corpus eruptionibus, pituitæ cum axungia illitum. Item suppurationi ueteri. Mures polenta admixtum necat. Muscæ quoque necantur albo trito, & cum lacte sparso. Eodem & phthiriasis emendatur.



ELLEBORVS NIGER ADVL
TERINVS HORTENSIS.

Christmurtz.



falsa

ALLEBORVS NIGER
VLTERRINVS SYLVESTRIS

Consilijo magis per Cronis dicauit iudicat Rudolp

Reißkraut.

Galli uocat Marsili
topice in burgundia
punit

NOMINA.

Elleborus niger
adulterinus cur
dictus.



HERBAM hanc cuius picturam damus non esse uerum Elleborum facile constabit, si eam ad descriptionē referas. Verum quum magna pars hodie medicorum pro Elleboro nigro, neq; tamen citra summam efficacitatem, utatur, adulterinum nigrum Elleborum appellare placuit. Germanis *Christwurz* dicitur, non alio sanè nomine quàm quod circa seruatoris nostri *CHRISTI* natalem diem flores, modo calido in loco sita sit herba, producat. Cæterum etsi genuinus Elleborus non sit, tamen non admodum ab illo abludit descriptio, nec uiribus multo inferior est, ut in alterius inopia huius usus citra errorem esse possit.

GENERA.

Duo eius esse genera deprehendimus. Vnum quod officinæ hodie Elleborum nigrum, Germani uerò *Christwurz* / ut diximus, nominant. Nos certioris discriminis causa, Elleborum nigrum adulterinum hortensem appellauimus, quod scilicet sua sponte, & nisi plantatum sit, in hortis non proueniat. Alterum quod syluestre sit, & sponte sua nascitur, Elleborum nigrum adulterinum syluestrem nuncupauimus, Germanis *Leüßtraut* dicitur.

FORMA.

Hortensis caulem, uel potius pediculum, habet oblongum & folijs nudum, nisi in summo, ubi folia oblonga, angusta, pluribusq; diuisuris incisa, atque adeò in ambitu serrata producit. Florem habet herbacei coloris. Radices tenues, nigras, ueluti à capitulo ceparum pendentes. Syluestris priori non admodum dissimilis est, nisi quia caulem obtinet crassiores, foliaq; minora. Florem etiam etsi herbaceum habeat, tamen è medio eius, folliculi, aut siliquæ duæ aut tres, in quibus semen est, exeunt.

LOCVS.

D Hortensis, ut dictum est, passim in hortis nunc prouenit: syluestris in montibus asperis, lapidosus ac sublimibus.

TEMPVS.

Hortensis hyeme, circa *CHRISTI* nimirum natalem, ut comprehensum est, floret. Syluestris autem uere & initio æstatis.

TEMPERAMENTVM.

Quum experientia testetur Elleborum nigrum adulterinum, potissimū hortensem, eandem quam genuinus habere facultatē, idem etiam obtineat temperamentum necesse est. Calidus itaq; & siccus in tertio ordine erit.

VIRE S.

Purgat perinde atq; genuinus inferiorem uentrem, pituitam & flauam bilem ducens. Prodest comitiali morbo laborantibus, melancholicis, insanientibus, articulorum doloribus correptis, & resolutis. Menses in pello subditus trahit. Foetus necat. Porrò cum illis etiam insit extergendi uis, alphas, impetigines, scabiem, leprasq; curant. Erodentibus medicamentis cōmiscantur. Ideoq; syluestris non temerè, quod pediculos interficiat, *Leüßtraut* à Germanis meis dicitur. Non uero pediculos tantum, uerum etiam oues & alia animantia comestus necat.

Consiliginis munimur Plinius, Ruell, Clusula, Vigorius. E.

DE HEL-



HELXINE

Tag vnd nacht.

C

NOMINA.



Helxine unde dicta.

Perdicion.

Vrceolaris.

Muralis.

Parietaria.

ΛΞΙΝΗ, ἡ ἀπὸ δίνου græcè, Helxine & Vrceolaris latinè nominatur. Officinæ uocant Parietariam, & dempta una litera Paritariã. Vulgus Muralium & Muralem. Germani Tag vnd nacht/S. Peterstrant/oder Glasstrant. Helxine autem ab aspero semine quod tenaci nexu uestibus adhæret, dicta est. Perdicion uerò, quod ea perdices præcipuè uescantur. Vrceolaris autem, quod detergendis uitreis, urceolis uasisq; efficax sit. Muralis & Parietaria, quod muros ac parietes natales locos sibi fecerit.

FORMA.

Cauliculos habet tenues, subrubentes, folia Mercuriali similia, hirsuta, circa caules ueluti exigua semina, aspera, uestibus adhærentia. Hæc sanè pictura sic plantæ illi respondet, ut nulla prorsus sit nota quæ illi non adamussim conueniat. Est enim fruticosa, cubitalis, cauliculis tenuibus, leniter rubescentibus, folijs Mercurialis herbæ, hirsutis, floribus purpureis minutissimis, exili per ambitum eius semine, aspero, uestibus adhærente, radice subrubra, fibris capillata.

LOCVS.

Nascitur in sepibus, muris, macerijs, parietibus & uinetis. Nunc in hortis etiam plantata prouenit.

TEMPVS.

Iulio mense floret.

TEMPERAMENTVM.

Facultas Perdicio inest abstergendi & cōstringendi cum humiditate subfrigida.

VIRES.

EX DIOSCORIDE.

Folia refrigerandi cōstringendiq; uim obtinent. Quare illita sacros ignes sanant, condylomata, adusta, incipientes panos, inflammationes omnes, & cedemata. Succus eius cerussæ mixtus, ignibus sacris & ijs quæ serpunt malis utiliter illinitur. Inungitur podagris cum cerato Cyprino, uel seuo hircino. Diuturnas tusses adiuuat, cyathi mensura absorptus. Contra inflamas tonsillas gargarissatus & illitus prodest. Aurium quoq; dolores cum rosaceo infusus iuuat.

EX GALENO.

Vim habet abstergendi & paulatim cōstringendi ac refrigerandi. Quare phlegmonas omnes inter initia, & in augmento usq; ad statum sanat, maximè calidas. Quinetiam incipientib. phygethliis cataplasmatibus ritu illinitur. Succus quoq; eius ad dolores phlegmonosos mediocriter profuerit. Gargarizandū item nonnulli exhibent ad paristhmia. Aliqui etiam medicorum ijs qui diutina tussi uexantur, illam exhibuerunt. Certè euidentis extergendi experimentum præbet & in uasis uitreis.

EX AETIO.

Exterit alopecias & impetigines priuatim assiduè illita. Sedis hæmorrhoidas aperit, fistulis medetur, & sinus cohibet trita & cum modico sale apposita.

EX PLINIO.

Hæc inficit lanas, sanat ignes sacros, tumores, collectionesq; omnes & adusta. Panos succus eius cum psimythio, & guttura incipientia turgescere. Item ueterem tussim cyatho hausto. Et omnia in humido. Sicut tonsillas & uarices cum rosaceo. Imponitur & podagris cum caprino seuo ceraq; Cypria.

APPENDIX.

Monendi sunt hoc loco medici ut rectum Helxines usum discant. Nam hætenus non rectè eam in frigidis uitijs pro fomento usurparunt, cum refrigerandi cōstringendiq; uim habeat. Cæterum cum abstergendi quoque illi facultas insit, potest etiam calculosis, & ijs qui difficultate urinæ laborant exhiberi, potissimum si aliquid

Aliquid consimilem facultatem obtinens ei admisceatur. Sic Aëtius sedis hæmorrhoidas aperire tradit, si trita cum sale, cui etiam abstergerendi uis inest, apponatur. Quare qui calculosis hanc herbam propinant, curent ut aliquid quod abstergerendi facultatem habeat, commisceant.

DE ERYTHRODANO CAP. CVII

NOMINA.



ΠΥΡΡΟΔΑΝΟΝ græcè, Rubia latinè uocatur. Officinæ Rubeam tinctorum appellant. Germanicè Rôte nominat. A rubore radice, quod lanæ & coria tinguntur, factum illi utrunq; nomen est.

Rubia cur uocata.

GENERA.

Dioscoridi & alijs duo Rubiæ sunt genera. Altera enim satiuæ est, altera uerò sponte prouenit, & syluestris existit: nec esse uidetur alia quàm quæ à nostris Stel- laria uocatur.

Satiua.

Syluestris.

FORMA.

Caules satiuæ quadranguli, longi, asperi, similes Aparinæ, multo tamē maiores robustioresq; folia per interualla in singulis geniculis habentes, stellarū modo in orbem circūiacentia. Fructus rotundus, per initia uiridis, mox ruber, postea cum maturuit niger. Radix tenuis, longa, rubra. Syluestris itidem caules quadrangulos, ut diximus, emittit, folia per interualla in singulis geniculis stellarum instar in orbem circumiacentia, flores candidos, radicem tenuem, longam & rubram, adeo ut suo colore tingere etiam uideatur.

LOCVS.

Nascitur in plerisq; nunc Germaniæ locis, agro potissimum Argentoracensi & Spirensi. Seritur autem propter emolumentū quod ex ea questuosissimū sentitur.

TEMPVS.

Aestate colligitur fructus, & subinde etiam effoditur radix.

TEMPERAMENTVM.

Calida est in secundo ordine, & sicca in tertio.

VIRE. EX DIOSCORIDE.


Radix urinam ciet, qua de causa regio morbo laborantibus cum aqua mulsa auxiliatur: item ischiadicis & resolutis. Urinam multam & crassam ducit, nonnunquam etiam sanguinem. Bibentes quidem quotidie lauari oportet, & excrementorum quæ redduntur differentiam spectare. Aduersus uenenatorū morsus succum cum folijs bibere prodest. Semen ex oxymelite potum, lienem absumit. Apposita radix, fetus, menses, & secundas trahit. Albas uirilignes ex aceto illita sanat.

EX GALENO.

Rubia tinctorum radix acerbæ & gustu amara est. Itaque quæcuncq; agere diximus ubi eiusmodi coierint qualitates, ea omnia in hac radice luculenter conspicias: quippe quum & lienem & iecur expurget, & urinam crassam copiosamq; ac nonnunquam etiam sanguinolentam moueat. Quin & menses ciet, ac mediocriter quæ extersionem postulant, extergit: proinde uirilignes albas cum aceto illita iuuat. Sunt qui eam ischiadicis & resolutis in potu cum melicrato exhibeant.

EX PLINIO.

Erythrodanum, quam nos Rubiam uocamus, qua tinguntur lanæ, pellesq; perficiuntur, in medicina urinam cit, morbum regium sanat ex aqua mulsa, & lichenas ex aceto illita: & ischiadicos & paralyticos, ita ut bibentes lauentur quotidie. Radix semenq; trahunt menses, aluū sistunt, & collectiones discutiunt. Contra serpentes rami cum folijs imponunt. Folia & capillum tingunt. Inuenio apud quosdam morbum regium sanari hoc frutice, etiam si adalligatus spectetur tantum.



RUBIA
SATIVA.

Röte die zam.




RUBIA
SYLVESTRIS.

Röte die wild.

C

NOMINA.

Semen cur di-
sta Zea,
Ζείδιωπος
ἀγροα.



EIA Græcis, Zea & Semen Latinis, uulgo & Italis Spelta dicitur. Semen autem Latini à præstantia frugis appellarunt. Hinc est quod Homerus etiã hanc celebrauerit dicens, Ζείδιωπος ἀγροα. Quib. sanè uerbis innuit aruum Zeam largiens, non ut nonnulli arbitrantur quod uitam donet, Plinio autore.

GENVS.

Duo Zeæ Dioscorides facit genera. Vnum cuius grana in singulis tunicis seu glumis gemina, quod Græcis eã ob causam Δίνωνος cognominatur. Germanis hoc genus Speltz/oder Dinkelkorn uocatur. Alterum simplicis est grani, & germanice nominatur Einkorn/oder S. Peters Korn.

FORMA.

Primum genus. Primum genus culmo, geniculis & spica tritico simile est, duobusque utriculis iunctis duo grana simul fert. Alterum. Alterum culmo & spica est breuioribus, grana singula in singulis tunicis duplici ordine seu uersu dispositis proferens, ac in summitate aristis suis planè hordeum refert.

LOCVS.

Lætum pingueq; solum desiderat.

TEMPVS.

Iunio mense floret, Iulio autem maturitatem consequitur.

TEMPERAMENTVM.

Zea mediã quodammodo est inter triticum & hordeũ, quatenus ad calefaciendi & refrigerandi facultatem attinet, placide uero exiccat.

VIREs.

EX DIOSCORIDE.

D Zea magis nutrit quàm hordeum. Ori suauis est. Digesta in panificia minus quàm triticum alit.

EX GALENO.

Zea uniuerſa ſua facultate quodammodo in medio eſt tritici & hordei: itaq; ex illis cognoscatur.

EX PLINIO.

Zea farina efficacior hordeacea uidetur, trimestris mollior. Ex uino rubro ad ſcorpionum iſtus tepida, & ſanguinem excreantibus. Item arteriæ. Tuſſi cum caprino ſeuo aut butyro. Ex Fœnogræco molliſſima omnium. Vlcerà manantia ſanat, & furfures corporis, ſtomachi dolores, pedes & mammas cum uino & nitro cocta.


EX SYMEONE SETHI.


Zea facultatem habet proximam tritico, Eſt uero facilis concoctionis, boniq; ſucci: ad hæc etiam emplaſtica exiſtit.

ZEAE PRI.
MVM GENVS.

Spelz.

a 4





ZEAE ALTE-
RVM GENVS.

Einforn.

NOMINA.



EPIREPON Græcis, Senetio Latinis, officinis inusitata, Germanis Grindttrant dicitur. Græcis autem Erigeron quasi uernus senex nominatur, seu citò uel uere senescens, quod celeriter in pappum & lanuginem abeat. Itaque compositione nominis, tempus simul quo floret, & floris mox deflorescentis euentum, indicare uoluerunt Græci, ut quo tempore quærenda, & quibus notis inuenienda esset omnes scirent. Non igitur senectutis ratio aliqua in ea est, sed canescentes humani capilli modo post florem eius pappi, ut à senectute denominaretur, effecerunt. Eam etiam ob causam Romani Senetionem illam uocauerunt.

Erigeron cum dicta.

Senetio.

FORMA.

Herba est cauliculo cubitali, subrubro, folijs continuis, in extremitatibus Erucae modo incisuris diuisis, sed minoribus multo: floribus luteis, celeriter scissis dehiscentsue, & in pappos deflorescentibus: unde & Erigeron dicta est, quod uere scilicet capilli modo flores canescant. Radice inutili. Omnes hæ Dioscoridis notæ, herbæ quam Germani Creuzwurß & Grindttrant nominant, respondere deprehenduntur. Siquidem cauliculus est illi cubitalis, subruber, folia continua habens, per extremitates Erucae instar laciniosa, minora tamen. Flores lutei, qui scissi statim in lanuginem abeunt. Errant toto cœlo qui Senetionem Nasturtium esse garriunt.

Senetio non est Nasturtium.

LOCVS.

Nascitur passim in sepibus, & circum oppida.

TEMPVS.

Vere erumpit, quo etiam tempore, ut dictum est, canescit, & durat ferè tota æstate eius herbæ prouentus.

TEMPERAMENTVM.

Erigeron, Paulo Aegineta autore, mixtam temperaturam obtinet; refrigerat enim & modicè discutit.

VIRE. EX DIOSCORIDE.

Folia cum floribus refrigerandi uim obtinent, quapropter cum exiguo uino, aut per se illita folia, testium sedisq; inflammationes sanant. Cum manna, tum reliquis uulneribus, tum neruorum quoque medentur. Idem præstant pappi per se ex aceto illiti, uerum recentes epoti strangulant. Totus autem caulis in aqua decoctus, & cum passo potus, stomachi dolores à bili contractos perfanat.

EX PLINIO.

Lanugo eius cum croco & exiguo aquæ frigida trita illinitur epiphoris. Tosta cum mica salis strumis. Erigeron quoque cum farina thuris & uino dulci, testium inflammationes sanat.



SENETIO

Creutzburg.

NOMINA.



HEDYOSMOS, ἡ μένῃ græcè, Menta latinè dicit̃. Officing nomen latinum retinuerunt. Germanicè Mūñg uocatur. Hedyosmon Græci, quod sua uem spiret odorem, nominauerunt. Menta autem dicta est, quod odore suo mentem excitet, aut quod grato, ut ait Plinius, odore mentis percurrat.

Hedyosmon una
de dictum.
Menta.

GENERA.

Mentæ in uniuersum duo sunt genera. Vna enim satiuæ & hortensis est: altera syluestris & fera. Satiuæ iterum quatuor præcipua sunt genera. Vna est quam Germani Deyment simpliciter, uel krauß Deyment uocant. Altera, quam idem krauß Balsam. Tertia, quæ ipsdem Balsammūñg appellatur, & vnser Grauwen mūñg / oder spiz mūñg: à nostræ ætatis herbarijs Romana uel Saracenica. Quartam Germani quidam Herzkraut / nonnulli Balsamkraut uocant. Per me tamen licebit has species, quandoquidem facultatibus similes sint, ut cuius placuerit nominare. Nobis autem ut certius discernerentur prædictis nominibus appellare placuit. Syluestris, quæ Latinis Mentastrum uocatur, & uulgo equina Menta, germanicè Rosmūñg / wilder Balsam / oder wild mūñg dicitur. Non ignoramus plures esse Mentæ species, nos tamen eas duntaxat quas uidimus, pictas exhibemus.

Satiuæ genera.

FORMA.

Satiua prima caulem habet quadrangulum, à radice lentè punicantem, & lanugine pubescentem, folium ferè rotundum, ferratum, molle & odoratum, flosculos purpureos internodia geniculatim coronantes, uerticillato semper ambitu. Altera priori per omnia similis est, nisi quod illi subpurpureus flos circa cauliculorum fastigia spicatur. Tertia folio longiore & acutiore constat, flosculis purpureis coliculorum cacuminib. spicatim insidentibus. Quarta itidem longioribus folijs est, floribusq̃ purpureis internodia geniculatim, haud secus quàm in prima, caules coronantibus. Mentastrum uerò folijs lanugine canescentibus, atque hirsutioribus, Sisymbrio procerius, odore magis uiroso, flosculis spicatim coliculorum fastigia coronantibus.

Prima.

Secunda.

LOCVS.

Satiuæ passim in hortis proueniunt. Amant apricum locum, nō pinguem, non stercoreatum, humidis facilius adolescunt. Syluestris autem, quæ Mentastrum alio nomine appellat̃, uliginosis gaudet locis, passimq̃ irrigua hoc Mentastro pubent.

TEMPVS.

Florent omnes mense Augusto.

TEMPERAMENTVM.

Vtraq̃, tam hortensis scilicet quàm syluestris, gustu acris, & facultate calida est, ex tertio ordine excalefacientium. Infirmior tamen est hortensis, minusq̃ calefacit. Exiccat autem in secundo ordine: illi enim ex cultura aliquid humiditatis accedit.

VIRE.

EX DIOSCORIDE.


Calefaciendi, adstringendi atque exiccandi uim habet Menta hortensis. Proinde sanguinem sistit succus eius cum aceto potus. Lumbricos rotundos enecat. Venerè concitat. Singultus, uomitiones, choleraq̃ sedant duo aut terni furculi cum acidi granati succo poti. Cum polenta illita abscessus discutit. Imposita fronti, capitis dolores mitigat. Mammas quæ tendunt, aut lacte turgent, compescit. Cum sale canum morsibus illinitur. Aurium doloribus eius succus cum aqua mulsa subuenit. Mulieribus ante coitum admota, conceptioni resistit. Linguae scabritiem confricata leuigat. Lac coire densariq̃ in caseum non sinit, immersis in eo folijs. In summa, stomacho utilis est, & in condimentis peculiarem usum habet. Syluestris in fanitate deterioris usus est quàm satiuæ.

EX GA-



MENTA

Krauß deymment.



MENTA HORTENSIS
SECVNDA.

Krauß balsam.

b



MENTA
HORTENSIS TERTIA

Unser frauen münz.



MENTA
HORTENSIS QVARTA

Gertzfrant.



MENTASTRUM

[Rosmaring.]

EX GALENO.

Menta fatiua ad uenerem mediocriter excitat, id quod omnibus inest quæ humiditate semicocta & flatuosa participant. Denique in abscessibus aliqui eam cum polenta imponunt. Habet etiam quiddam amarum in se & acerbum: illo quidem lumbricos interficit, acerbitate uero si cum oxycrato bibatur, recentes sanguinis excretaiones reprimat. Substantia est, ut si qua alia herba, tenuium partium. Aëtius addit, potum eius decoctum tribus seriatim diebus, colicos omnino sanare.

EX PLINIO.

Mentæ hortensis odor animū excitat, & sapor auiditatem in cibis: ideo in mamarum mixtura familiares ipsæ accessere, ut coire densariq; lac nō patiantur. Quare lactis potionibus additur, ne huius coagulati potu strangulentur. Data in aqua & mulso, eadem uī resistere & generationi creditur, cohibendo genitalia densari. Aequè maribus & foeminis sanguinem sistit, & purgationes foeminarum inhibet. Cum amylo ex aqua pota, cœliacorum impetus, Syriation & uomicas uulua curauit. Ille & iecinorum uitia ternis obolis ex mulso datis. Item sanguinem excreantibus in sorbitionem. Ulcera in capite infantium mirè sanat. Arterias humidas siccatur, siccas adstringit, pituitas corruptas purgat in mulso & aqua, Voci succus sub certamine utilis duntaxat, qui & gargarisatur uua tumente, adiecta ruta & coriandro ex lacte. Vtilis & contra tonsillas cum alumine, linguæ asperæ cum melle. Ad cōuulsa intus per se, uitijq; pulmonis. Singultus & uomitus sistit cum succo granati, ut Democritus monstrat. Recentis succus narium uitia * spiritu subducto emendat. * Alijs spiritus subductos. Ipsa trita choleras in aceto quidem pota. Sanguinis fluxiones intus. Ileum etiam imposita cum polenta, & si mammae tendantur. Illinitur & temporibus in capitis dolore. Sumitur & contra scolopendras, & scorpiones marinos, & ad serpentes. Epiphoris illinitur, & omnibus in capite eruptionibus, item sedis uitij. Impetigines quoq; uel si teneant tantum, prohibet. Auribus cum mulso instillatur. Aiunt & lieni mederi eam in horto gustatam, ita ne uellatur. Arida quoq; farinam tribus digitis apprehensam, & stomachi dolorem sedare in aqua, & similiter aspersa in positionem, uentris animalia pellere.

APPENDIX.

Animaduertendum, ea quæ Plinius Mentastro tribuit, Calaminthæ deberi, ut satis liquet Dioscoridem legenti. Neq; sanè mirum, quandoquidem autores societate quæ est inter Mentam, Mentastrum & Nepetam decepti, tum species, tum nomina confundunt.

APPENDIX ALTERA.

Cæterum appendicis etiam uice hic annotandum erit, Aristotelem sectione xx. proble. secundo, cum asserit Mentam refrigerare posse corpora, non pugnare cum Galeno alijsq; medicis qui illam esse calidā affirmant. Per se nanq; calida est Mentat: at quia esa libidinem proritat, & hæc cum immodica fuerit corporis uires deijcit, atq; adeò animum & corpus refrigerat, ideo eam ex accidente, quia uidelicet ut in uenerem immodice ruamus efficit, refrigerare dixit Aristoteles.

EX SYMEONE SETHI.

Iuuat iccur frigidum, & uentrem corroborat ac stomachum, coctionem facit, uomitum sedat & singultum. Prodest etiam ad cordis morsus, & appetitionem suscitatur. Flatus discutit, & lumbricos interimit, potissimum syluestris Mentæ ius. Venerem stimulat, & iecinoris obstructions tollit. Verum hoc uesci ad satietatem non oportet, quoniam sanguinem extenuat, & serosum facit, & ipsum in flauam bilem mutat: dein efficit ut sanguis qui maxime est tenuium partium discutiatur, & crassus ac melancholicus relinquatur, atq; idcirco oportet biliosos ab ea abstinere. Cōtrita cum sale, & morsui rabiosi canis imposita, medicamentum fit salubre. Arida uero



HEMIONITIS

Hirslingen.

A trita, & post cibum sumpta, ad cōcoctionem facit, & lienosos iuuat. Cum uino pota difficulter parienti succurrit. Ferunt etiam quod mansa lippienti imposita, fiat remedium: quodq; eius decoctum absorptum, confestim sanguinem è faucib. eijcien-
tes sanet. Huius semen uentrem purgat, & pulmonem lædit.

DE HEMIONITIDE CAP. CXI.

NOMINA.



HEMIONITIS, ἡ ἀπλωϊοῦ Græcis, Hemionitis Latinis, Plinio Teucrion, officinis & herbarijs Scolopendria & lingua ceruina, Germanis Hirszung nominatur. Alia tamen est à Dioscoridis Scolopendrio, quæ Asplenon alio nomine dicitur.

Scolopendria
officinarum.

FORMA.

Folium Dracunculo simile profert, lunatum. Radices uero illi multæ subsunt, tenues. Neq; caulem, neq; semen, neq; florē fert. Ex qua descriptione satis liquet, eam herbam quā uulgus Scolopendriā uocat, esse Hemionitin, quod tota illi Dioscoridis pictura, nulla reclamante nota, conueniat. Sunt enim illi folia Dracunculi seu Ari, instar lunæ corniculantis falcata. Et si enim interdum in altū surgant, tamen inter initia potissimum incurua, & lunæ crescentis modo falcata sunt. Radicibus etiam cohæret multis exilibus, nunquam florens, nec caulem, nec semen proferens. Non esse autem Phyllitim in primis folia docent, quæ in ea sunt recta, & minime sicut in Lingua ceruina lunata. Dein in tergo ueluti uermiculi, qui in Phyllitide pensiles, in Lingua ceruina autem sessiles & nequaquā propendentes, sed liratim digesti sunt. Tertio natales ipsi: Phyllitis enim in umbrosis opacisue, & hortis nascitur, Scolopendria uero seu Hemionitis in petrosis. Quarto, quod me omniū maxime mouet, Phyllitidi nulla prorsus lienem liquandi facultas inest, quam tamen Scolopendriæ uulgaris adesse præter cōmunem consensum, quotidiana etiam experimenta demonstrant. His itaq; de causis Phyllitis, Scolopendria uulgaris esse aut dici non debet. Dato enim quod descriptio per omnia conueniret, facultates tamen ipsæ, quæ diuersæ sunt, aliam à Scolopendria esse manifeste docerent.

Scolopendria est
Hemionitis.

Scolopendria nō
est Phyllitis.

LOCVS.

Nascitur locis umbrosis, montosis ac petrosis, copiosissime autē iuxta montem haud procul à Tubinga situm, quem Germanico uocabulo Sarnberg nominant, prouenire solet. Nunc passim in hortis habetur.

TEMPVS.

Æstate usq; ad autumnum abunde nascitur.

TEMPERAMENTVM.

Adstringens simul & parum amara est, unde credibile est in primo ordine esse calidam, & in secundo siccam.

VIRE.

EX DIOSCORIDE.

Herba gustu adstringit. Hæc autem cum aceto pota lienem liquat.


EX GALENO.

Hemionitis simul & adstrictionē & amaritudinem possidet: quamobrem cum aceto pota, lienosis auxilio est.

EX PLINIO.

Medetur lienibus. Constatq; sic inuentum: cum exta super eam proiecta essent, fertur adhæsisse lienī, eumq; exinanisse. Ob id à quibusdam Splenion uocat. Nar-
rant suos qui radicem eius edunt, sine splene inueniri.

Splenion unde
dictum.



ERYNGIVM.

Wanstrew.

NOMINA.

IRYNGION Græcis, Eryngiū Latinis, officinis corrupto uocabulo Iringus uocatur. Pleriq; etiā Centumcapita nominant, à numero nimirum capitum quæ in summo obtinet. Plinij tamen Centumcapita, ab Eryngio est diuersa, ut etiā Serapionis. Si quis enim diligenter eius descriptio- nem excutiat, eam planè esse deprehendet, quæ Dioscoridi Aster Atticus & Inguinalis appellatur. Vtriusq; enim picturæ sic sibi respondent, ut planè una esse herba uideat. Germanis Eryngiū nominatur *Wanfstrew/Brachendistel/& Raddistel*.

Iringus.

Centumcapita.

Serapionis Cen-

tumcapita est

Aster.

FORMA.

In genere aculeatarum stirpiū est Eryngium, cuius folia initio sale condita oleum modo comeduntur. Sunt aut̃ lata, & in ambitu aspera, gustu odorata. Quum uero adoleſcunt, in multis caulium eminentijs spinis aculeant̃: in quorum summitatibus globosa capita, durarū acutissimarumq; spinarum ambitu stellæ instar circumuallantur, quorum color modo uiridis aut candidus, interdum ceruleus inuenitur. Radix illi oblonga, lata, foris nigra, intus alba, pollicis crassitudine, & odorata. E qua nimirum deliniatione omnibus perspicuū fit, spinam cuius picturā nunc exhibemus, esse Eryngium: aculeatis enim folijs & per extrema spinosis conspicitur, odoratis, caule cubitali, in cuius uertice coacta in globum capitula, durorum & acutissimorum spiculorum uallo, stellæ instar radiantur, quorum color in pubertate uiridis, adultæ cœruleus, flaccescenti candidus conspicitur: radice pollicari, intus candida, foris nigra, sed odorata.

LOCVS.

Nascitur in campeſtribus & asperis locis. Prope Argentoratum eius magna est copia.

TEMPVS.

Colligi hanc quidam, ut Plinius tradit, cum sol Cancrī hospitium tenet, hoc est, sub solstitio, iussere.

TEMPERAMENTVM.

Eryngium caliditate aut parum aut nihil ea quæ moderata & temperata sunt superat. Siccitatem uero in tenui essentia consistentem non exiguam obtinet.

VIRE.

EX DIOSCORIDE.

Vim habet calefactoriam radix. Pota menses & urinas pellit. Tormina & inflationes discutit. Cum uino iecinorosis, uenenatorum morsibus, & ijs qui letiferum hauserunt succurrit. Bibitur aduersus plurima cum Staphylini semine pondere drachmæ unius. Appensa & illita tubercula discutere proditur. Radix cum hydro- melite pota, opisthotonicis & comitialibus medetur.

EX AETIO.

Potum radice decoctum colicis medetur. Mulso addito calculos, stillicidia, difficultates urinæ, & renum uitia sanat: quod per quindecim iugiter dies, & ieiunos, & in lectum ituros bibere oportet. Quod si cum eo Sium quoq; decoxeris, magis proficies. Affirmabat quidam assiduo Eryngij usu, nunq; postea minxisse calculos, cum prius eo morbo frequentissime uexaretur.


EX PLINIO.

Clara in primis aculeatarum Eryngion est, contra serpentes & uenenata omnia nascens. Aduersus ictus morsusq; radix eius bibitur drachmæ pondere in uino: aut si plerunq; tales iniurias comitatur febris, ex aqua. Illinitur plagis, peculiariter efficac contra chersydros ac ranas. Omnibus uero contra toxica & aconita efficacior. Heraclides medicus, in iure anseris decoctam, arbitratur. Apollodorus aduersus toxica cum rana decoquit, cæteri in aqua.

C

NOMINA.

Lactuca unde dicta.



ΠΙΔΑΞ Græcè, Lactuca Latinè: officinæ latinum nomén retinuerunt: Germanicè *Lattich*/oder *Lactuct* nominat. Dicta autem Lactuca est, quòd copia lactis, quod credebatur leniter mouere uentrem, exuberet: unde apud ueteres in primis epulis ueniebat, quod Martialis etiam ijs testatur uerbis:

Prima tibi dabitur uentri Lactuca mouendo Vtilis.

GENERA.

Lactuca primum in satiuam & syluestrem deducitur. Satiuæ tria sunt genera, crispa nimirum, rotunda, & capitata. Nos una icone duo complexi sumus genera. *Crispa Lactuca.* Folium enim quod statim à radice erumpit, eam Lactucam refert quæ Latinis crispa, à folijs crispissimis, Germanis *trauser Lattich*/appellatur. Columella lib. xi. cap. iiij. Cecilianam & Beticam à regionibus in quibus crescit, nominat. Reliqua folia eam quæ Rotunda à folijs rotundis uocatur, præ se ferunt. Germanicè *breiter Lattich* nominatur. Tertij generis Lactuca, quæ Capitata dicitur, à folijs suis, quæ ubi parum à terra attolluntur, mæli cuiusdam speciem rotundam obtinent, & instar Brassicæ capitatæ, in capitis ferè formam extuberant. Germanis *grosser Lattich*/ uel *weisser Lattich* à semine candido nominat. Syluestris Lactuca satiuæ opponitur, sponte enim sua in aruis nascitur. Germanis *wilder Lattich* nuncupatur.

FORMA.

Satiua prima, cuius imaginem hic damus, folia Intybo satiuo haud dissimilia habet, in rectumq; surgit, caulibus in summo brachiatum, in quorum cacumine flores sunt lutei. Altera folijs, quæ crispa admodum sunt, duntaxat à priori uarietate, aliàs per omnia similis. Sic etiam capitata non nisi folijs suis, idq; dum paululum creuerunt, à prioribus differt. Ideoq; duab. picturis, quæ omnes referunt, contenti fuimus. *Lactuca syluestris.* Syluestris similis est satiuæ Lactucæ, radice tamen breuior, proceriore caule, candidioribus folijs, gracilioribusq; asperioribus, & gustu amaris, quæ, ut addidit Theophrastus, ubi cōsummata sunt aculeantur. Ex qua deliniatione abunde constat, Lactucam syluestrem esse eam herbam, quæ passim nunc ab officinis & herbarijs, nō sine magno errore, Endiuia dicitur. Ea enim in aruis & uinearum limitibus sponte nascitur, folio Lactucæ, & cum adoleuit per oras aculeato, & laciniatim serrato, caulibus bicubitali proceritate consurgentibus, spinulis inhorrescentibus, quibus succus inest lacteus, amarusq; flore ut Lactuca satiuæ luteo. Desinant itaq; deinceps ea herba pro Endiuia uti medici, si modo recte consultum ægris cupiunt.

LOCVS.

Satiua in hortis prouenit, Syluestris in aruis & uinearum hortorumq; macerij sua sponte nascitur.

TEMPVS.

Florent Iulio mense, atq; subinde semen proferunt.

TEMPERAMENTVM.

Lactuca satiuæ humidum est frigidumq; olus, non tamen extremè: siquidē edendo non foret: uerum maxime secundum aquæ, ut sic dicam, fontanæ frigiditatem. Symeon Sethi frigidam & humidam in tertio ordine statuit. Syluestris autem minus refrigerat & humectat.

VIRES. EX DIOSCORIDE.

Satiua Lactuca stomacho accommodata est, refrigerat, somnū conciliat, aluum mollit, lactis abundantiam facit. Elixæ magis alit. Illota autem comesta stomachicis prodest. Semen eius potum uenerem assidue somniantibus opitulatur, & concubitum arcet. Ipsæ tamen frequentiores in cibo, claritati oculorum officiunt. Condiuntur muria. Quum in caulem prodierunt, uim quandam nanciscuntur succo aut




CTVCA SATIVA CRI-
PA ET ROTVND.

Krauser vnd breiter laticy

300

LACTUCA
CAPITATA.

Grosser lattich.





LACTUCA
SYLVESTRIS

Wild lattich.

c aut lacti syluestris Lactuce similem. Syluestris uirib. in totum Papaueri similis est, unde aliqui eius succum Meconio permiscuerunt. Aquosa per aluum purgat potus in posca liquor obolorum duorum pondere. Exterit argema & caliginē. Cum lacte muliebri inuncta ad ambusta prodest. In uniuersum soporifera est, & dolorem leuat. Menses trahit. Contra scorpionum ictus, & phalangiorum morsus bibitur. Semen haud secus quàm fatiue libidinum imaginationes in somno, ac uenere rem arcet. Succus ad eadem ualet, sed uiribus infirmior. Reponitur succus eius in fictili uase, antea, ut in alijs liquaminibus moris est, insolatus.

EX GALENO.

Lactuca ad calidas phlegmonas accommodata est, & ad parua & leuia erysipelata, maioribus tamen satisfacere minime idonea est. Est etiam edulium sitim arcens. Semen potum genituræ profluuium cohibet: quamobrem etiam ijs qui libidinosis somnijs uexantur, datur. Sic & syluestris Lactucæ semen. Cuius quoque succus colligitur, argema & caliginem expurgans. Ad adustiones cum lacte mulierum inungitur. Omnibus alijs oleribus paucissimum sanguinem & uitiosum generantibus, ex sola Lactuca non multus quidem, nec uitiosus, haud tamen omni ex parte laudabilis gignitur. Vt plurimum cruda ipsa uescuntur. Æstate autem cum in semen iam proruptura est, in aqua dulci præcoquentes, cū oleo, garo & aceto assumunt, aut cum aliquo ex condimentis, obsonijsue, præsertim ijs quæ caseo constant; Plerique etiam antequam excaulescat, in aqua elixa utuntur: uti ego iam facio, ex quo dentes mihi deteriores esse coeperunt. Nam amicus quidam meus, quum olere hoc à longo tempore me ut familiari cibo usum fuisse sciret, uideretque post mandicam me citra magnam molestiam non posse, cocturæ rationem indicauit. In iuuentute enim, quoniam assiduo os uentriculi bile efferuescebat, æstus moderandi gratia Lactucis utebar. Quum autem ad prouectam ætatem peruenissem, olus hoc contra quam in iuuentute, somnum iam studio & industria accersenti mihi, auxilio fuit: quippe qui etiamnum iuuenis uigilijs dedita opera me assuefeceram, declinante iam ætate, ipsa ex se in somni, grauius hoc incommodo molestabar. Aduersus quod unicum mihi præsentissimum remedium Lactuca uespere cōmanducata semper fuit. Frigidum ergo humidumque succum profert, haudquaquam tamen uitiosum. Itaque sicut alia olera à iusta concoctione non excidit, neque aluum cohibet, uti neque impellit. Atque hæc illi non immerito accidunt, quum nec austera, nec acerbata sit, quibus facultatibus in uniuersum aluus sistitur, quemadmodum à falsis, acribus, & omnino abstergerendi uim habentibus ad excretionem concitatur, quorum nihil Lactuce inest.

EX PLINIO.

Est quidem natura omnibus refrigeratrix, & ideo æstate gratæ à stomacho fastidium auferunt, cibi que appetentiam faciunt. Diuus certe Augustus Lactuca conseruatus in ægritudine fertur, prudentia Musæ medici, cum priores eam ob religionem minimè cōmanducarent, in tantum recepta commendatione, ut seruari etiam in alienos menses eas oxymelite repertum sit. Venerem inhibent, æstum refrigerant, somnumque faciunt. Cruditatem ipsæ nequaquam faciunt, nec ulla res maiorem in cibis auiditatem incitat inhibetque. Ambustis profunt recentibus, priusquam pustulae fiant, cum sale illitæ. Ulcera etiam quæ serpunt, coercunt initio cum aphronitro, mox in uino tritæ. Igni sacro illinuntur. Conuulsa & luxata caulibus, tritis cum polenta ex aqua frigida leniunt. Eruptiones papularum ex uino & polenta. In cholera quoque coctas patellis dederunt, ad quod utilissimæ quammaximi caulibus & amaræ. Quidam lacte infundunt. Deferuefacti ij caules & stomacho utilissimi traduntur, sicut somno, & fatiua maxime Lactuca, & amara lactensque, quam Miconidem uocauimus. Hoc lac & oculorum claritati cum muliebri lacte utilissimum esse præcipitur, dum tempestiuè capiti inunguntur. Semen fatiuarum contra scorpiones dari. Se-

ari. Semine trito ex uino potō & libidinum imaginationes in somno compesci. Tentantes aquas non nocere Lactucam edentibus. Quidam tamen frequentiores in cibo officere claritati oculorum tradiderunt.


DE THYMBRA

CAP. CXIII

NOMINA.

ΘΥΜΒΡΑ Græcis, Thymbra, Cunilæ Latinis, Kunel Germanis appellat.

GENERA.

HYMBRA seu Cunilæ duæ sunt species. Vna hortensis seu fatiua, *Hortensis.* quæ quia minori est acrimonia, in cōdimentario genere edulijs cōcoquitur: hinc à saturando Satureia dici cœpit. Alij tamen à Satyris nomē traxisse putāt, *Satureia unde dicta.* quod scilicet marcescentes coitus stimulet. Germanicè Saturon/Hünersül/ Jose plen/ Swibel oder Gartenhyssop/ oder Sergentkraut nominatur. Altera agrestis *Syluestris.* siue rustica Cunila est, quæ peculiariter Thymbra nuncupatur.

FORMA.

Thymbra similis est Thymo, sed minor atq; tenerior, ferens spicam floribus plenam, coloris uiridis. Satureia pedali altitudine surgit, fruticosa, furculosis utrinq; *Satureia.* cauliculis, folio Hyssopi, flosculis per interualla ex purpura candicantibus, odore saporeq; gratissimo.

LOCVS.

Thymbra in tenui solo, & asperis locis nascitur. Satureia in hortis feritur passim.

TEMPVS.

Æstate utraq; Cunila floret.

TEMPERAMENTVM.

Thymbra calida & sicca in tertio ordine.

VIRES. EX DIOSCORIDE.

Thymbra eadem quæ Thymus præstat si consimiliter sumatur. Vtilis etiam in sanitate eius usus. Est etiam fatiua Thymbra, in cunctis syluestri minor: ad cibum uero utilior, propterea quod non adeò efficax illi sit acrimonia.

EX PAVLO.

Thymbra syluestris eadem quæ Thymus præstat. Hortensis autem omnibus quidem imbecillior, sed ad cibum laudatior.

EX PLINIO.

Nusquam utrunq; Thymbrae genus additur, quippe similis effectus.

EX HERBARIO ANTIQVO.

Farina eius ex uino pota, medetur pulmonis, thoracis, & uesicæ uitijs. Ciet urinas, menses pellit. Herba ipsa cum floribus Lethargicos excitat calfactu, aut corone modo capiti imposita. Succus cum rosaceo auribus infunditur. Cum triticea farina coxendicibus illinitur. Satureiæ usus marcescentes coitus stimulat, quare à Satyris traxisse nomen putant. Stomachi concoctiones adiuuat, fastidia discutit, hebetes oculos exacuit.



SATVREIA
SATIVA.

Joseplen oder Satureon.

NOMINA.



ΛΑΣΠΙ, ἢ θλασπίδιον, ἢ σίνυπι ἄγειον Græcis dicitur: Thlaspi, Capsella, & Scandulaceum Latinis. Sunt huius temporis herbarij qui Nasturtium tectorum, & Sinapi rusticum, quod digitis friatum sinapim suboleat, appellent. Alij Bursam pastoris uocant, non sanè quod sit reuera eius herbæ species, sed quod ad formam illius quamproximè accedat. Sic antiquo herbario Bursam pastoris appellare Thlaspin placuit. Thlaspi autem Græcis à fructus forma dictum est, qui Nasturtio similis est, sed latior, & uelut infractus & contusus. ολαδα enim ipsdem contundi est & infringi, infringendoq; quod globosum tumidumue erat malleo, lapide, pedèue cum dilatatione exequare.

Nasturtium tectorum.
Sinapi rusticum.
Bursa pastoris.

Thlaspi unde dictum.

GENERA.

Duo Thlaspis genera damus. Vnum latioribus folijs, quod ad Dioscoridis descriptione proximè accedit. Hoc germanicè *Baurnsenff* / oder *Kress* nominatur. Alterum folijs angustioribus constat, & germanicè *Besemtraut* / quod scoparum uices suppleat uocatur. Quare si quispiam hæc duo genera ab inuicem distinguere certis appellationibus uoluerit, primum Thlaspi maius aut latifolium, alterum uero minus aut angustifolium appellet. Dioscorides etiam duo Thlaspios genera facit, unum latifolium, alterum angustifolium.

FORMA.

Herbula est angustis folijs ad digiti longitudinem, in terram uersis, in extremitatibus incis, subpinguibus. Caulem tenuem, duorum dromantum emittit, adnascens sibi paucos ramulos habentē, & per totum eius ambitū fructus est in summo modicè latus, in quo semen exiguum Nasturtio simile, disci figura, ueluti conquassatum, unde & nomen inuenit. Florem obtinet album, semenq; acre. Ex ea sanè descriptione satis constat, herbam hanc quam pictam damus esse Thlaspin, angusta enim folia habet, potissimū suprema eius parte, digitali longitudine, in terram se conuertentia, per extrema leniter incisa, caulem duūm dodrantum, agnatis in eo paucis calycibus, breui pediculo nitentibus, quadam ligularum uel cochleariorum effigie, in quibus semen continetur Nasturtio simile, sed latius & ueluti conquassatum, quod acerrimi esse gustus deprehenditur, ita ut mansum Sinapis modo os & linguam uellicet.

LOCVS.

In fossis, semitis, & sepibus prouenit.

TEMPVS.

Maior & Iunior mensibus floribus & semine prægnans inuenitur.

TEMPERAMENTVM.


Semen calfacit & exiccat in quarto ordine.

VIRE S. EX DIOSCORIDE.

Calefacit, bilem per superna & inferna purgat acetabuli mensura potum. Ischiadicis in clystere infunditur. Potum sanguinem ducit, & interiores abscessus rumpit, menses cit, & foetus necat.

EX PAULO.

Semen Thlaspi facultatē habet acrem, adeo ut internos abscessus potum disrumpat. Menses cit, & foetus enecat. Per sedem infusum sanguinolenta euacuans ischiadibus prodest. Potest enim alioqui tum superne, tum inferne biliosos uacuare humores acetabuli mensura epotum. Infunditur & contra coxendicū dolores. Quintiam potum sanguinem trahit, & internos abscessus rumpit.



THLASPI
LATIFOLIUM.

Baurenseff.



THLASPI
ANGUSTIFOLIUM

Beseu

C

EX GALENO.

Thlaspi semen facultate acre est, adeò ut internos abscessus potũ rumpat. Men-
ses mouet, & foetus necat. Per sedem infusum sanguinolenta euacuans ischiadibus
prodest. Est enim alioqui tum inferne, tum superne biliosorum humorum euacua-
torium, acetabuli mensura potum.

EX PLINIO.

Semen asperi gustus, bilem & pituitam utrinq; extrahit. Modus sumendi aceta-
buli mensura. Prodest & ischiadicis infusum, donec sanguinem extrahat. Menses
quoq; cit, sed partus necat.

DE THERMIS CAP. CXV.

NOMINA.



ΕΡΜΟΣ *hermos* Græcis, Lupinus satius Latinis: officinæ latinum no-
men retinuerunt: Germanis *Seigbon* appellatur.

FORMA.

Vnicum caulem obtinet Lupinus, folium quinquefariam aut septi-
fariam dissectum, florem candidum, siliquas in quibus quina senaue intus grana,
dura, lata, rufa q; continentur. Radicem luteam capillamentis fibratam.

LOCVS.

Exilem amat terram, arenosam & rubricam præcipue. Limoso agro non exit,
culturamq; reformidat.

TEMPVS.

D Ter floret, primum Maio, deinde Iunio, & tertio Iulio mense. Post unumquem-
que florem siliquas producit.

TEMPERAMENTVM.

Immensa amaritudo euidenter calidum & siccum esse monstrat.

VIRE. EX DIOSCORIDE.

Farina eius cum melle linctâ lumbricos pellit. Ipsi quoq; macerati, & amari ad-
huc comesti idem efficiunt. Decoctum eorundem cum Ruta & Pipere potũ idem
facit: unde & lienosis prodest. Eodem gangrænas, ulcera tetra, incipientē scabiem,
alphos, maculas, exanthemata, & achoras perfundere utile. Menses & foetus idem
decoctum cum myrrha & melle subditum trahit. Farina eorum cutem liuoremq;
expurgat. Inflammationes cum polenta & aqua mitigat. Ischiades & tubercula cum
aceto lenit. In aceto cocta & illita strumas dissipat, & carbunculos rumpit. Decocti
pluuiali aqua donec in succũ liquefiant faciem abstergunt. Cum radice nigri Cha-
mæleonis ouium scabiei medentur, si tepido decocto abluantur. Radix cum aqua
cocta & pota cit urinam. Vbi autem edulcati fuerint, triti cum aceto & poti stoma-
chi fastidium leniunt, & cibi auiditatem excitant.

EX GALENO.

Lupinus editur coctus, multis antè diebus maceratione in aqua amaritudinem
deponens, fitq; tunc nutrimentum crassi succi. Cæterum ut medicamen ita præpa-
ratus ex genere est emplasticorum. Qui uero natiuam amaritudinem habet, huic
extergendi & digerendi uis inest. Lumbricos occidit illitus, & cum melle linctus,
aut cum posca potus. Quin & decoctum eius lumbricos ejicere potest. Foris iden-
tidem perfusum, alphos, achoras, exanthemata, scabies, gangrænas, ulceraq; mali-
gna iuuat, partim extergendo, partim digerendo, citraq; mordacitatem siccan-
do. Expurgat iecur & lienem cum Ruta & Pipere suauitatis gratia assumptum.
Elicit menses ac foetus cum myrrha & melle adpositum. Porrò Lupinorum etiam
farina sine mordacitate digerit: nec enim liuida tantum, sed & strumas & tuber-
cula curat: atqui tunc in aceto, aut oxymelite, aut posca hanc decoquere oportet,
pro



LUPINVS

Feigbon.

C pro laborantis nimirum temperamento, & affectus diuersitate, quod ex usu est inueniendo. Digerit item quæ liuida sunt, & quæcunq; modo dictum est præstare decoctum, eadem omnia efficit & farina. Sunt uero etiam qui Ischiadicis cataplasmatibus modo illinunt.

EX PLINIO.


Ex omnibus quæ eduntur sicco nulli minus ponderis est, nec plus utilitatis. Mitescunt cinere aut aqua calidis. Colorem hominis frequentiores in cibo exhilarant. Amari cōtra aspidas ualent. Vlcera atra, aridi decorticatiq; triti, supposito linteolo, ad uiuum corpus redigunt. Strumas, parotidas in aceto cocti discutiunt. Succus decoctorum cum ruta & pipere, uel in febris datur ad uentris animalia pellenda, minoribus triginta annorum. Pueris uero impositi in uentrem ieiunis profunt. Et alio genere tosti, & in defruto poti, uel ex melle sumpti, lidem auiditatem cibi faciunt, fastidium detrahunt. Farina eorum aceto subacta, papulas pruritusq; in balneis illita cohibet, & per se siccatur ulcera. Liuios emendat. Inflammationes cum polenta sedat. Si ad mellis crassitudinem decoquant, uirilgines nigras & lepras emendant. Rumpunt carbunculos impositi, panos & strumas minuunt, aut maturant. Cocti ex aceto cicatricibus candidum colorem reddunt. Si uero cœlesti aqua decoquantur, succus ille smegma fit, quo solent fouere gangrænas, eruptiones pituitæ, ulcera manantia, utilissimum. Expedit ad lienem bibere, & cum melle menstruis hærentibus. Lieni crudi cum fico sicca triti ex aceto imponuntur. Radix quoq; in aqua decocta, urinas pellit. Medentur pecori cum Chamæleonte herba decocta, aqua in potum collata. Sanant & scabiem quadrupedum omnium in amurca decocti, utroq; liquore postea mixto. Fumus crematorum culices necat.

D

DE IO

CAP. CXVI

NOMINA.



Ion quare dicta.

viola unde uocata.

ION πορφυρεῶν Græcis, Viola muraria uel purpurea Latinis, blaw Veiel oder Wergzen violen Germanis dicitur. Officinæ simpliciter Violam nominant. Nicander Ion Græcis dictam credit, quod Nymphæ quædam Ionæ, florē illum Ioui primum dedere muneris. Alij Græci Ion uocatum putant, quod cum Io in uaccam à Ioue conuersa esset, terra florem illum pabulo bouis eius fuderit. Latini quoq; detrिता t littera, Violam quasi uitulam imitatione græca uideri possunt appellasse.

FORMA.

Folium habet minus tenuiusq; quàm Hedera, nigrius tamen nec dissimile. Cauliculus statim à radice medius profilit, in quo flosculus suauiter olens, purpureus. Humilis præterea est, statimq; à numerosa radice orbiculata folia sine ramis exeunt. Semen quoq; minutum in folliculis uasculisue rotundis, ut pictura indicat, extrema ferè æstate producit.

LOCVS.

Nascitur in opacis & asperis locis, ad radices maxime murorum, hortorum marginibus, & sepibus.

TEMPVS.

Viret hæc perpetuò, Theophrasto teste, si cultus adhibeat; tamen uere, & Martio mense floret, quo potissimum tempore colligi flores eiusdem debent. Semina uero in æstate, ut dictum est.

TEMPERAMENTVM.

Violæ folia aqueam & subfrigidam substantiam superantem possident. Frigide autem sunt primo ordine, humidæ uero secundo.

VIRES.



VIOLA
PURPUREA

Herzen viel.

C VIRES. EX DIOSCORIDE.

Refrigerandi uim obtinet. Folia eius per se & cū polenta illita, stomacho æstuant, oculorum inflammationibus, sedisq; procidentijs auxiliantur. Præterea id quod in flore purpureum est cum aqua potum, angina correptis, & puerorum comitialibus mederi affirmant.

EX GALENO.

Folia per se, aut cum polenta illita, calidas phlegmonas mitigant. Imponunt & ori uentriculi æstuant, & oculis.

EX PLINIO.


Purpureæ uiolæ refrigerant. Contra inflammationes illinuntur stomacho ardent. Imponuntur & capiti in fronte. Oculorū priuatim epiphoris, & sede procidente, uuluæ. Et contra suppurationes. Crapulam & grauedines capitis impositis coronis olfactuæ discutunt. Anginas ex aqua potæ. Id quod purpureum est ex ijs comitialibus medetur, maxime pueris, in aqua potum. Semen scorpionibus aduersatur.

EX SYMEONE SETHI.

Profunt ad intestinorum dolores, cor uero offendunt. Dolores capitis qui fiunt à flaua bile sopiunt potæ & odoratæ. Ventriculū irritant, & flauā in eo inuentam bilem. Caput siccum humectant, calidumq; refrigerant suo odoratu. Somnum inducunt. Humida capita destillationibus obnoxia reddunt.

DE VIOLA MATRONALI CAP. CXVII.

NOMINA.

D  Eteribus Græcis & Latinis cognitæ fuerint nec ne Violæ quæ hodie, quod eas matronæ colere soleant, matronales uocantur, nondum comperit habemus. Quare uulgari & usitato nomine, donec rectius inuentū fuerit, utemur. Germanicè, quod raræ adhuc in Germania dum ista scriberemus fuerint, welsch Weiel appellare uoluimus, ut nimirum hac nomenclatura à Leucoijs, de quibus suo dicemus loco, segregaremus. Possent etiam haud inepte Frauenweiel / ad imitationem latini nominis appellari.

GENERA.

Tria Violarum matronalium damus genera. Primi enim generis candida est, alterius punicea, tertij purpurea: nec differre admodum nisi solis floribus uidentur.

FORMA.

Fruticosa est herba, cubitali altitudine, ramosa, caule & folijs lanuginosis, oblongis, angustis, mollibus ac canescentibus, floribus aut albis, aut puniceis, aut purpureis quadrifolijs, semine in oblongis siliquis lato ac tenui, radice longa, lignosa, subrufa & acri.

LOCVS.

In hortis & cultis locis proueniunt.

TEMPVS.


Iulio & Augusto mensibus florent.

TEMPERAMENTVM.

Admodum calidas esse sapor foliorum & radicis, qui acris est, abunde docet. Humiditatem autem multā, Galeno lib. 4. cap. 18. de simpli. medi. facul. teste, eo quod amaræ non sint, admistam habent.

VIRES.

Incidendi & digerendi per halitum uim obtinent. Ideoq; radix aut folia decocta in aqua, cōuulsis, difficultate spirandi laborantibus, & ueteri tussi auxiliantur. Vrinam & menses ducunt, sudoresq; ciendi facultatem habent.



VIOLA
MATRONALIS ALBA

Weißwelsch Veiel.

d



VIOLA MA-
TRONALIS PVNICEA

Rotwelsch Veiel.



VIOLA MA-
TRONALIS PURPUREA.

Braunwelsch Veiel.

d 2

C

NOMINA.



Iris unde dicta.

Causa vulgaris erroris.

PIZ Græcis, Iris Latinis appellatur: officinis suam appellationem retinuit. Germanis blaw Gilgen/ blaw Schwertel/ Veielwurcz dicitur. A cœlestis arcus similitudine, quam flores eius repræsentant, ut paulò post dicemus, nomen accepit Iris. Sunt qui non sine pudendo errore aliam assignent herbam recto, aliam casui paterno, ita ut Iris ab Ireos, tanquã purpureus color à niueo, distingui putetur imperitis herbarijs. Pro manasse autẽ hunc errorem ex græca uoce *λῑειον*, qua Liliũ, quod candidos profert flores, genti illi significatur, parum per unius literæ abiectiõnem deprauata, uerisimile est. Primam nanque literam abijcientes, ultimam uerò in *σ* uertentes, *ειον* dixerunt pro *λῑειον*. Sed hæc opinio indigna est quæ explodatur, cum Dioscoridem & alios ueteres omnes seorsim de Iride & Lirio siue Lilio agere constet.

FORMA.

Folia Gladiolo similia fert, maiora tamen, latiora & pinguiora. Flores in caule æqualibus inuicem spacijs distantes, inflexi, uarij. Aut enim candidi, aut uirides, aut lutei, aut purpurei, aut cœrulei conspiciuntur. Vnde ob hanc uarietatem arcui cœlesti assimilata est. Radices subsunt geniculatæ, solidæ, odoratæ: quæ simulatq; fuerint dissectæ, siccantur in umbra, & filo traiectæ recondunt. Hæc Dioscoridis pictura tota huic herbe, quam Irim hodie herbarij & officinæ uocant, suffragat. Si quidem ea radicibus nititur solidis, geniculatis & odoratis, ad cò ut uiolarũ purpurearũ odorem prorsus referre uideatur, & hoc nomine à Germanis nostris Veielwurcz/ hoc est, Violacea radix, sit appellata. Folia Gladioli faciem simulant, maiora duntaxat, latiora & pinguiora. Caule recto sesquipedali, è cuius fastigijs pari intervacante spatio flores erumpunt, inflexis mutuò foliorũ labris, qui nitent uaria colorum mistura, instar cœlestis arcus. Quemadmodũ enim aquarius ille arcus, qui est imago malè expressi solis, caua nube recepta, uarios mentitur colores, sic ut cœruleas, uirides, luteas, purpureasq; lineas ducat, ita cauo calyculi sinu uersicolores lituras flores ostendunt, qua diuersa specie cœlestem æmulantur arcum. Falluntur itaque qui in toto floris ambitu huiuscemodi uarietatem perquirunt, cum inflexa foliorum labra uel purpureus, uel cœruleus semper color inficiat.

LOCVS.

Pasim in hortis & macerijs uinearum prouenit. Laudatissima tamen est quæ in Illyrio & Macedonia nascitur, & melior inter has quæ densa & breui radice constat, quæque frangenti contumax est, colore subruffa, admodum odorata, gustuq; feruida.

TEMPVS.

Floret uere, Maio potissimũ mense, quo sanè tempore flores colligi debent. Radices autem suo tempore, hoc est, autumnò.

TEMPERAMENTVM.

Iris in altero calefacit ordine, in tertio aut desiccatur. Abstergit quoq; & maturat.

VIRES. EX DIOSCORIDE.

Irides omnes calefaciendi extenuandiq; uim obtinent. Contra tussim efficaces, humoresq; nõ facilè excreabiles extenuant. Biles ex hydromelite drachmarum septem pondere potæ purgant. Somnum conciliant. Lachrymas cient. Torminibus medentur. Cum aceto potæ uenenatorum morsibus, lienosis, conuulsis, refrigeratis, rigentibus, & quibus genitura effluit, auxiliatur. Menses cum uino potæ ducunt. Decoctũ earum ad muliebria fomenta utile, molliens aperiensq; locos. Ischia- dicis infunditur. Fistulas & sinus carne explent. Quinetiã glandis modo cum melle appositæ, foetus extrahunt, Strumas ueteresq; durities coctæ & illitæ emolliunt.

Aridæ



C Aridae ulcera explent, & cum melle purgant. Nudata ossa carne operiunt. Doloribus capitis cum aceto & rosaceo utiliter illinuntur. Lentigines, cutis in facie uitia cum Elleboro albo, & duabus mellis partibus illitæ emendant. Pefsis, malagmatis & acopis miscentur. In uniuersum magni usus sunt.

EX PAVLO.

Iris tussi utilis. Humores in thorace nō facile excreabiles extenuat. Torminibus medetur, ulceraq; sordida expurgat. Cum mulla pota aluum ducit.

EX PLINIO.

Infantibus eam circumligari salutare est. Dentientibus præcipua est & tussientibus, tinearūque uitio laborantibus, instillari. Cæterum ulcera purgat, capitis præcipue, suppuraciones ueteres. Aluū soluit duabus drachmis cum melle. Tussim, tormina, inflationes, pota. Lienes ex aceto. Contra serpentiū & araneorū morsus, ex posca ualet. Contra scorpiones, duarum drachmarū pondere in pane uel aqua sumitur. Contra canum morsus ex oleo imponitur. Et contra perfrictiones. Sic & neruorū doloribus. Lumbis uerò & coxendicibus cum resina illinitur. Vis ei concafactoria, Naribus subdita, sternutamenta mouet, caputq; purgat. Dolori capitis cum Cotoneis mālīs aut Strutheis illinitur. Crapulas quoq; & orthopneccas discutit. Vomitiones cit, duobus obolis sumpta. Ossa fracta extrahit, imposita cum melle. Ad paronychias farina eius utunt. Halitus oris cōmanducata abolet, alarumq; uitia. Succo duritias omnes emollit. Somnum conciliat, sed genituras cōsumit. Sedis rimas & condylomata, omniaq; in corpore excrecentia sanat.

DE HIERACEO CAP. CXIX

D

NOMINA.



HIERAKION, ἱεράκιον Græcis, Hieraceum Latinis dicitur: officinis inusitatum. Germanicè, quum aliud nomen expiscari non potueramus, *Habichtraut* appellauimus, ad græcam alludentes appellationem: neque enim alia ratione Græci hanc herbam Hieraceū nominarunt, nisi quod accipitres, quos illi *ἱερακας* dicunt, scalpendo eam, succoq; oculos tingendo, obscuritatem cum sensere discutiant. Sonchites autem dicta est, quod Soncho nō admodum dissimilis sit, maximè quod ad eius circumferentiam & extremam partem, in qua caules & flores sunt, attinet. Hæc enim & illa cōcauo, & lacteum succum emittente caule, luteisq; floribus est. Apuleius Lactucam syluaticam appellat. Plinius quoque libro uigesimo, cap. septimo, ut alij omnes ferè, in Lactucarum sponte nascentium numero, propter similitudinem, Hieraceon hoc habet. Quàm autem inuicem similes sint Hieraceum & Lactuca syluestris, utriusq; icones & effigies colatae monstrabunt.

GENERA.

Hieraci duo sunt genera, maius nimirum & minus. Maius germanicè *groß Habichtraut*, minus autem *klein Habichtraut* nominatur.

FORMA.

Hieraceum maius.

Hieraceum maius caulem habet asperum, modicè rubentem, spinosum, concauum. Folia per interualla rariuscule diuisa, Soncho per circumferentiam similia. Flores in oblongis capitulis luteos. Quæ designatio prorsus hanc quam pictam damus herbam exprimit. Siquidem caulem emittit scabrum, subrubrum, spinulis horrentem, cauum, folia ex interuallis & rarè laciniata, Sonchi folijs non dissimilia. Flores in longiusculis capitulis luteos. Minus Hieraceum folia ex interuallis per

Hieraceum minus.

lis per

Hieraceum un-
de dictum.

Sonchites.

Lactuca sylu-
atica.



HIERACEVM
MAIVS.

Groß Habichtkraut.



HIERACEVM
MINVS.

Klein Habichtkraut.

Alis per ambitum diuisuris scissa obtinet. Caules de se emittit cauos, teneros & uirides, in quibus flores lutei circulum circumscribentes. Quę itidem notę omnes herbę illi, cuius picturam exhibemus, conueniunt.

LOCVS.

Vtrunq; in quibusdam pratis prouenit.

TEMPVS.

In fine Iulij mensis, & per uniuersum Augustum floret Hieraceum. Succus eius carpitur per messes inciso caule.

TEMPERAMENTVM.

Maius Hieraceum planę Sonchi temperamento constare uidetur, refrigerat itaque & mediocris adstrictionis est particeps. Minus in gustu paulo maiorem amaritudinem refert.

VIREs. EX DIOSCORIDE.

Vim habet Hieraceū maius refrigerandi, & modicę adstringendi, ideoq; æstuantis stomacho, & inflammationib. illitum prodest. Succus erosionem eiusdem in forbitione mitigat. Herba ipsa cum radice illita scorpionum ictibus auxiliatur. Minus facultates habet superiori easdem.

EX PLINIO.

Succus sanat omnia oculorum uitia cum lacte mulierum. Arcet nubeculas, cicatrices, adustionesq; omnes, præcipuę caligines. Imponitur etiam oculis in lana contra epiphoras. Idem succus aluum purgat, in posca potus ad duos obolos. Serpentium ictibus medetur in uino potus. Et folia tosta, thyrsiq; triti ex aceto bibuntur. Vulneri illinuntur, maximę contra scorpionum ictus. Verum contra phalangia, commixto uino ex aceto.

APPENDIX.

Sunt qui tantam inesse huic herbę uim contra oculorum uitia credant, ut radicem etiam à collo suspensam caliginem oculorum sanare posse dicant.

DE HIPPVRI CAP. CXX.

NOMINA.



ἵππουρις Gręcis, Equisetum, herba aut salix equinalis Latinis, recentioribus herbarijs uerbum uerbo reddentibus Cauda equina, Germanis Rosschwanz / Pferdtschwanz / Rosswadel / Katzenwedel / Katzenzägel / Kantenkraut / Schaffthorn nominatur. Nomen tam Gręcum quàm Latinum à caudę equinę imagine, quam comę illius præ se ferunt, accepit.

Equisetum.
Cauda equina.
Hippuris cur
dicta.


GENERA.

Eius duo sunt genera. Vnum longius, quod nonnulli ætatis nostrę herbarij ab asperitate quam obtinet Asprellam uocant. Hinc est quod materiarij fabri ligneę pectinum & aliorum minorũ operum ruditatem huius herbę scabritia in nitorem expoliant. Germanicę groß Rosschwanz dicitur. Alterum breuius est, ad abstergenda uasa aptum. Germani klein Rosschwanz appellant.

FORMA.


Primum Equiseti genus cauliculos habet inanes, leniter rubentes, subasperos, solidos, geniculis qui inuicem inferuntur dissectos, in quibus folia iunceæ, crebra, & tenuia. In altitudinem adsurgit, scandendo proximas stipites comis circumfusa dependet multis, nigris ut equorum cauda. Radix illi est lignosa, dura. Alterũ comas per interualla habet breuiiores, candidiores & molliores.

LOCVS.



EQVISETVM
LONGIVS.

Groß Rospfagel.



EQUISETUM
MINUS.

Klein Rosschwanz

C

LOCVS.

Longius Equisetū in aquosis locis & scrobibus prouenit, nec eo in fossis prope
 καρδάμανον. aquas & umbrosis locis alia planta frequentior est, ut hoc nomine καρδάμανον Græ-
 ἐφιδροον. cis dictum sit. Neq̃ enim καρδάμανον aliud est illis nisi terre rima & fissura, ἐφιδροον etiam
 non alia ratione, quàm quod in aquosis produceretur, nominauerunt. Alterum in
 pratis inuenitur, nec ferè frequentius occurrit, inuisa scenifecis.

TEMPVS.

Vtrunq̃ æstate suis in locis copiose prouenit.

TEMPERAMENTVM.

Adstringentem cum amaritudine facultatem, ac proinde ualenter simulq̃ citra
 mordicationem exiccantem, obtinet.

VIRE.

EX DIOSCORIDE.

Herba ipsa adstringit, quapropter succus eius sanguinem ex naribus erumpen-
 tem sistit. Dysentericis cum uino potus confert. Vrinam cit. Folia cruenta uulne-
 ra glutinant trita & inspersa. Herba & radix tussientibus, orthopnoicis, ruptisq̃ suc-
 currit. Quinetiam intestinorum diuisiones, uesicæ dissectionem, & intestinorum
 ramicem coalescere cogitq̃ folia in aqua pota feruntur.

EX GALENO.

Vulnera maxima conglutinat, etiamsi præfectos esse neruos contingat: præte-
 rea intestinorum ramices cogit. Cæterum ad sanguinis reiectionem, ad fluxū mu-
 liebrem, potissimum rubrum, ad dysenterias, & ad alia uentris profluuiâ genero-
 sum est medicamentum herba ipsa aut ex aqua, aut ex uino epota. Sunt qui de ea
 scriptum reliquerunt, quod nonnunq̃ etiam uesicæ, & tenuium intestinorum uul-
 nera succus ipsius sanauerit. Prodest etiam profluuiō sanguinis ex naribus, tum
 D fluxu obnoxij in uentre affectibus ex austerorum quopiam uinorum potus, ac si
 febre teneatur ex aqua.

EX PLINIO.

Vis eius spissare corpora. Succus sanguinem ex naribus fluentem inclusus sistit,
 item aluum. Medetur dysentericis in uino dulci potus cyathis tribus. Vrinam
 cit. Tussim, orthopnoeam sanat: item rupta, & quæ serpunt. Intestinis & uesicæ fo-
 lia bibuntur. Enterocclen cohibet.

DE HIBERIDE CAP. CXXI.

NOMINA.

Nasturtium
 agreste.




Agriocardamon
 cur dicta.

ΛΕΠΙΣ, ἢ καρδάμαντις, ἢ ἀγριοκάρδαμον Græcis, Galeno & Paulo alio nomi-
 ne Lepidion: Hiberis, Nasturtium agreste Latinis appellatur. Offici-
 nis nostris incognita. Germanis Gauchblum/ non alia ratione quàm
 quod plerosq̃ qui in illius notitiam nondum peruenerunt, infatuet.
 Potest etiam cōmodè dici wilder Kress. Cardamantice, & Agriocardamū Græcis
 appellata, quod radici odor insit Nasturtij: uel quod eius folia partim Nasturtio a-
 quatico, quod à Dioscoride Sisymbrium cardamine dicitur, partim etiam hortensi,
 quod Cardamon Græcis nominat, similia sint: uel quod gustu Nasturtiū referant.

FORMA.

Folia Nasturtio similia habet, uerno tempore uirentia, cubitali longitudine, aut
 minore, flore lacteo, radicibus duabus, sed una apud nos frequentius, nititur, odo-
 re Nasturtij quamacerrimo. Ex qua nimirum descriptione omnibus perspicuum
 fit, herbam cuius picturam exhibemus esse Hiberida: caulem enim cubitalem ob-
 tinet, foliaq̃ Nasturtio similia. Quæ enim à radice statim exeunt, aquatici, quæ ue-
 ro in supremo caule emicant hortensis Nasturtij folia referunt. Verno quoq̃ tem-
 pore uirent, flos deniq̃ lacteus est, hoc est, in albo purpurascens: hunc enim Diosco-
 ridem



NASTURTIVM
AGRESTE.

Sauckblum.

ridem uocare lacteum florem, satis testatur quarta Ranunculi species, cuius etiam florem, qui colore huic similis est, lacteum esse scribit. Semen quoque in siliquulis tam exiguum producit, ut, Plinio etiam teste, uix aspici possit: radicem autem exilem atque acrem, cui inest Nasturtij odor.

LOCVS.

Nascitur incultis locis, circa itinera & prata.

TEMPVS.

Verno tempore apparet, Aprili potissimum mense & Maio, duratq; ad æstatis initia, quo potissimum tempore lacteum florem fundit: initio enim purpureo colore maculatus uidetur: efficaciorēq; usum obtinet, quod tum semen etiam in siliquulis proferat.

TEMPERAMENTVM.

Ex quarto est ordine calefacientium, ut Nasturtium, minus tamen eo desiccet.

VIRE.

EX DIOSCORIDE.

Radix calefacit & adurit. Vtilis est ad coxendicis dolores cum suillo adipe falso, emplastri modo quaternis horis illita. Deinde in balneū descendatur, & oleo cum lana locus perungatur.

EX GALENO.

Similis Nasturtio tum odore, tum gustu, tum uiribus.

EX PLINIO.

Coxendicibus & articulis omnibus cum axungia modica utilissima, uiris plurimum quaternis horis, sceminis minus dimidio adalligata, ut dein in balneum descendatur in calidam, & postea oleo & uino corpus perungatur, diebusq; uicenis interpositis idem fiat, si qua admonitio doloris supersit. Hoc modo rheumatismos omnes sanat occultos. Imponitur in ipsa inflammatione, sed imminuta. Adalligata capiti cum Quinquefolio, epiphoras & si qua in oculis uitia sunt, emendat.

APPENDIX.

Recentiores herbarij eius herbæ cuius picturam damus usum probant contra pediculos si lixiuio incoquatur. Vnde colligere licebit, eam exiccandi & ex alto euo candi trahendiq; facultatem, haud secus atq; Nasturtiū aut Sinapi, habere. Nam, Galeno lib. i. de composit. med. secundum locos, cap. vii. teste, medicamenta quæ phthiriasi medentur necessariò exiccant atq; ex alto trahunt. Vt iterum euidentissimum sit hanc herbam, eo quod Nasturtij facultates obtineat, esse ueram Hiberi- da, non obstante quod rarò aut nunquā duabus, sed una potius & exili nitatur.

DE HIPPOSELINO CAP. CXXII

NOMINA.

Officinarum
error.

Hipposelinū un-
de dictum.


Olus atrū quare
appellatum.



ΠΡΟΣΕΛΙΝΟΝ Græcis, Olus atrum Latinis dicitur: officinæ eius se- mine perperam pro Petroselino macedonico utuntur. Germanis groß Epffich/oder groß Eppich appellatur. Hipposelinon autem à magni- tudine dictum est: siquidem Græci magnis & amplis rebus hippo præ- ponere solent, adeò ut Hipposelinū Latinis nihil aliud nisi grande Apium sit. Olus autem atrum uel pullum à folijs, quæ atro colore nitent, appellatum esse uidetur.

FORMA.

Maius est hortensi Apio, caule cauo, alto, tenero, ueluti lineas habente, folijs la- tioribus, subpuniceis, Libanotidis coma, plena flore, in corymbos antequā deflo- reat cōgesta, semine nigro, oblongo, solido, acri, odorato, radice odorata, intus can- dida, ori grata, pro caulis magnitudine non admodū densa. Porrò ne mireris quod picturæ non ex omni parte respondeat descriptio: neq; enim Hipposelinum inte- grum, & quod ad perfectam peruenit ætatem, floresq; & semen produxit, damus, sed id



HIPPOSELINUM

Gros Eppich.

C sed id tantum quod primo erumpit. Radicem itaq; tantum & folia depingi curauimus, ut quæ Oleris atri, cuius sæpè fit apud Dioscoridem mentio, forma, saltem in folijs & radice, esset, cerneret. Annitemur tamen ut aliquando integram eius herbæ picturam exhibeamus.

LOCVS.

Nascitur in umbrosis, & iuxta paludes.

TEMPVS.

Satum tardè prouenit, ideoq; factum ut integrè depictum dare nobis haud licuerit. Floret, Plinio teste, æstate.

TEMPERAMENTVM.

Calidum est in secundo ordine, ut Apium, & siccum in medio tertij.

VIRE. EX DIOSCORIDE.

Estur olerum modo ceu Apium. Radix etiam cocta & cruda estur. Quinetiam folia & caules cocti manduntur, & per se aut cum piscibus præparantur. Crudaq; ad salgama condiuntur. Semen potum in mulso menses ducit. Rigore concussos calfacit potum & illitum. Vrinæ stillicidio auxiliatur. Radix eadem præstat.

EX GALENO.

Hippofselini similis Apio uis est, ualidior tamen. Mensium autem & urinæ cindæ potissimum facultatem habet, ut liquet ex capite eiusdem de Smyrnio.

EX PLINIO.

Olus atrum quod Hippofselinum uocant, aduersatur scorpionibus. Poto semine torminibus interaneis medetur. Itemq; difficultatibus urinæ semen eius decoctum ex mulso potum. Radix eius in uino decocta calculos pellit, & lumborum ac lateris dolores. Canis rabiosi morsibus potum & illitum medetur.

D

DE IXO

CAP. CXXIII

NOMINA.



Ξ ο ζ Græcis, Viscum Latinis & officinis, Germanis Mistel / oder Affolter nominatur.

FORMA.

Planta est fruticosa, lenta, semper uiuens, intus porracei coloris, extrâ subflaua, folijs buxi, acinis exiguis, sine flore.

LOCVS.

Nunq; in terra, sed semper in arbore, quercu præsertim, pyro, mâloq; prouenit.

TEMPVS.

Autumni initio cum suis acinis decerpitur.

TEMPERAMENTVM.


Calefacit cum acrimonia: ex plurima enim aëria & aquea, paucissima terrena constat. Igitur acrimonia in eo amaritudinem excellit.

VIRE. EX DIOSCORIDE.

Discutit, emollit, attrahit: tubercula, parotidas, ceterosq; abscessus cum resina & pari cæra mixtum, maturat. Epinyctidas in splenio curat. Cum thure antiqua ulcera, & malignos abscessus mollit. Lienes cum calce, aut gagate lapide, aut alio coctum & impositum minuit. Cum auripigmento aut sandaracho illitum, ungues extrahit. Mixtum cum calce & face, uim suam intendit.

EX GALENO.

Valenter ex alto humores extrahit: nec tenues tantum, sed & crassiores, eosq; diffundit ac digerit. Est autem ex eorum genere quæ non protinus admota calfaciunt, sed quæ tempus requirunt, uelut Thapsia.



VISCUM

Mistel.

NOMINA.

Guadum.
Nilech.
Indicum.
Ofatis.



ISATIS Græcis, Isatis Latinis uocatur. Gallis, ut in cōmentarijs suis testatur Cæsar, Glastum olim dicebatur, nunc Guadum. Germanis autem ad hoc nomen alludentibus, Weydt nominat. Arabibus Nil, Nilech, & Indicum, ut lib. i. Paradox. cap. uigesimosexto monstrauius. Barbari deprauata uoce Ofatim appellant.

GENERA.

Duo Isatidis sunt genera. Vna enim satiuæ, qua tingendis lanis infectores utuntur. Altera uerò syluestris, qua lanarum infectores haud utuntur. Priorem Germani simpliciter Weydt/alteram uerò cum adiectione wild Weydt nominant.

FORMA.

Satiua. Satiua folia habet Plantagini similia, sed pinguiora, nigrioraq; caulē duobus cubitis altiorē. Hec Dioscorides, qui reliquas notas, quæ syluestri similes per omnia sunt, cōmemorare noluit. Ex syluestris tamen effigie faciliè quales sint æstimare poteris: hæc em̄ teste Dioscoride, satiuæ similis est, folia tamē maiora obtinet, ad Lactuæ folia accedentia: caules etiā tenuiores, multifidos, rubicantes, qui in cacumine folliculos linguarū figura multos dependentes habent, in quibus semen. Flos ei luteus & tenuis.

LOCVS.

Isatis satiuæ copiose in Germania prouenit, præsertim agro Erphordiano, cui magnum quæstum adfert. Viridem enim herbam trusatilibus molis premunt, ut herbaceā saniem excludant: dein abactō liquore digerunt in magnos globos, quos tabulatis cōputrescere in æstate feruente sinunt. Hos cortinis infectoriæ coquunt officinæ, & laneos pannos, ac uellera demergunt, ut cœruleū imbibant colorem. Syluestris sua sponte in quibusdam Germaniæ locis nascitur, ut Tubingæ, ubi omnes uinearum maceries hac herba septæ uidentur.

TEMPVS.

Maior & Iunior mense florent, ac subinde semen proferunt.

TEMPERAMENTVM.

Isatis satiuæ ualenter admodum exiccantis, nondum tamen mordentis facultatis est: amara enim simulatque adstringens existit. Syluestris uerò acre quiddam, tum gustu, tum actione præfert: proinde ualentius quàm satiuæ desiccatur.

VIRE.

EX DIOSCORIDE.

Isatidis satiuæ folia omnia cedemata & tubercula illita discutere possunt. Cruenta uulnera glutinant. Sanguinis profluvia sistunt. Vlceræ phagedænica, herpetas, erysipelata, & putrescentia sanant, Syluestris eadem quæ satiuæ potest. Lienosis etiam pota & illita auxiliatur.

EX GALENO.

Satiua magna ulcera durorum corporum glutinat, etiam si in capitibus musculorum fuerint, & sanguinis profluuio laborantibus partibus utiliter illinitur. Tumores cedematodes mirificè discutit, simul & reprimat, omnibusq; ulceribus malignis mirabiliter resistit, etiam si putrescant, etiam si erodantur. Quod si quando laborantis natura ualidior appareat, folijs eius tritis aut panem, aut hordeaceā farinam, aut triticeam, aut polentam, pro uincente in unoquoq; affectu, miscere oportebit. Syluestris uerò potentissimè humidis putredinib. obstitit, ad cetera uerò iam comprehensa deterior: immoderatus enim & cum mordacitate desiccatur, talia namque irritantur hoc pacto, & phlegmone grauari incipiunt. Cæterum ob facultatis robur lienosis quoq; utilis est, quum altera prodesse nondum possit.

EX PLINIO.

Isatidis folia trita cum polenta, uulneribus profunt. Sanguinem sistit. Phagedænas & putrescentia ulcera, & quæ serpunt, sanat. Item tumores ante suppurationē. Contra ignem sacrum, radice uel folijs prodest, uel ad lienes pota.



ISATIS
SATIVA.

Weyde.



ISATIS
SYLVESTRIS.

W. Weydt.

NOMINA.



TEA Græcis, Salix Latinis, Weiden/ oder Selber Germanis appellatur. Salix uerò à saliendo dicta est, quod ea celeritate crescat, ut quasi salire uideatur. Sic etiam Iteam quasi Salicem uocauerunt Græci.

Salix cur dicta.

Itea unde uocata.

GENERA.

Tria Salicis genera Theophrastus lib. iij. cap. xij. de historia plantarū recenset. Primā nigram nominari dicit, quod nigro aut puniceo cortice obducta sit. Secundam candidam, quod candido obducatur cortice. Tertiā coactę breuitatis ac pumilam, Helicen Arcadibus appellari scribit. Plinius etiam lib. xvij. cap. xxxvij. tria Salicis nomina cōmemorat: Viminalē, eandemq; purpurē: Vitellinā à colore luteo, graciliorē priore: Gallicā, quæ sit tenuissimā. Lucius Columella lib. iij. cap. xxx. eiusdem quoque tria facit genera, Græcā, Gallicā, & Sabinā, quam etiam Amerinā uocari à plurimis scribit. Græcā flauī coloris, Gallicā obsoleti purpurei, tenuissimāq; uiminis, Sabinā gracilibus uirgis atq; rutilibus esse asserit. Quæ sanē singula pulchrē cum ijs quæ Theophrastus tradit, conuenire uidentur. Nam primā Salicis speciem, quam Theophrastus nigram aut puniceā uocat, Plinius Viminalē, Columella uerò Sabinā & Amerinā appellat, Germani rot Weiden nominant. Secundam speciem, quam Theophrastus candidam, Plinius Vitellinā, Columella autem Græcā uocat, Germani geel Weiden. Tertiā, quæ Theophrasto Helix dicitur, Plinius & Columella Gallicā appellant, Germani uerò à tenuitate klein Weiden.

Salix nigra.

Candida.

Pumila.

Viminalis.

Vitellina.

Gallica.

Græca.

Sabina.

Prima Salicis species.

Secunda.

Tertia.

FORMA.

Salix breuī caudice confurgit, ramis longis, è trunco extremo ueluti à capite prodeuntibus, lentis, flexilibus: folijs longis, subtus incanis, supernè uirentibus: flore seu nucamento squamatim compactili, lanuginoso, propendente, fructu qui facile ante maturitatem euanescat.

LOCVS.

Aquosis latatur, ideoq; auctu perquam facilis.

TEMPVS.

Floret primo statim uere. Ocyssimè amittit fructum, antè quā omnino maturitatem sentiat, ob id dicta Homero ὠλεσίκαρπος, hoc est, frugiperda, Odyss. κ. ubi sic canit: μακρὰ δ' αἰγυροὶ καὶ ἰτέαι ὠλεσίκαρποι. Fructum siquidem fert, Plinio autore, abeuntem in araneam antequam percoquatur.

TEMPERAMENTVM.

Salicis tum folia, tum flores, citra mordacitatem exiccantis sunt facultatis, ac modicè adstringunt. Cortex tamen eius siccior.

VIRE.

EX DIOSCORIDE.


Adstringunt Salicis folia, fructus, cortex & succus. Folia trita cum exiguo pipere & uino pota ileosis conueniunt. Per se etiam cum aqua sumpta, præstant mulieribus ne concipiant. Fructus potus sanguinē expuentibus prodest. Cortex eadem præstat. Vltus & cum aceto subactus, clauos & callos illitus tollit. Ex folijs & cortice succus in putamine māli punici cum rosaceo calfactus, aurium doloribus auxiliatur. Decocto eorum podagras foueri optimū. Furfures exterit. Excipitur etiam è Salice succus exciso cum floret cortice: in interiore enim eius parte concretus inuenitur. Vim autem habet exterendi quæcunq; pupillæ claritati obstant.

EX GALENO.

Salicis folijs ad cruenti uulneris glutinationē quis uti posset. Verū floribus eius maximè propè omnes utunē medici ad exiccantis emplastri preparationē: est enim uis eorum desiccatoria: habent etiam quandam adstrictionē. Sunt qui succum ex ea expressum, medicamen seruent mordacitatis expert & exiccatorium, ad multas res uti-


res uti-

334



PRIMUM SA-
LICIS GENVS.

Rot Weiden.



ALTERVM SALI-
CIS GENVS.

Geel Weiden.



TERTIVM
SALICIS GENVS.

Klein Weiden.

A res utile. Haud enim inuenias quid ad plures res utilius medicamento citra mordacitatem exiccante, quod paulum etiam adstringat. Porro arboris cortex similem facultatem obtinet, tum floribus, tum folijs, nisi quod temperaturæ sit siccioris, uelut omnes cortices. Sed hunc quidam comburunt, eiusq; cinere utuntur ad ea omnia quæ ualenter desiccare oportet. Nam clauos quos uocant, callos, myrmeciasq; tollunt, aceto ipsum macerantes acri. Nonnulli autem dum floret Salix, corticem eius incidunt, & succum quendam colligunt, utunturq; ad ea quæ pupillas obfuscant, extergente uidelicet simulq; tenuium partium medicamine. Vti uerò illo ad multa alia quis posset, siquidem talis sit.

EX PLINIO.

Salicis fructus ante maturitatem in araneam abit. Sed si prius colligatur, sanguinem reijcientibus prodest. Corticis è ramis primis cinis, clauum & callum aqua mixta sanat. Vitia cutis in facie emendat, magis admixto succo suo. Est autem hic trium generum. Vnum arbor ipsa exudat gummi modo. Alterum manat in plaga cum floret, exciso cortice trium digitorum magnitudine. Hic ad purganda quæ obstant oculis, item ad spissanda quæ opus sunt, ciendamq; urinam, & ad omnes collectiones intus extrahendas. Tertius succus est detruncatione ramorum à falce destillans. Ex ijs aliquis cum rosaceo in calyce mali punici calfactus, auribus infunditur: uel folia cocta, & cum cera trita imponuntur. Item podagricis. Cortice & folijs in uino decoctis fouere neruos utilissimum. Flos tritus cum folijs furfures purgat in facie. Folia trita & pota intemperantiam libidinis coercet, atque in totum auferunt usum sæpius sumpta.

DE CAPNO CAP. CXXVI.

NOMINA.



APNOS Græcis, Fumaria Latinis: officinis Fumus terre, Germanis *Erdrach*/Danbentropff/*Kagentörbel* appellatur. Fumaria uerò hæc herba dicta est, propterea quod succus eius oculis inditus, ueluti fumus lachrymas mouet, oculosq; mordicat.

Fumus terre.

Fumaria unde dicta.

FORMA.

Fruticosa herbula est, Coriandro similis, tenera admodum: folijs candidioribus, cineracei coloris, undiq; numerosis: flore purpureo.

LOCVS.

Nascitur in segetibus hordeaceis, hortis, uineis, sepibus, & macerijs, alijsq; locis incultis atque pinguibus.

TEMPVS.

Carpitur in fine Maij mensis & Septembris.

TEMPERAMENTVM.

Capnos calida & sicca in secundo esse uidetur ordine, id quod ex gustu patet: acris enim & amara est.

VIRE. EX DIOSCORIDE.


Huius succus acris est, uisum acuit, lachrymas ducit, unde & nomen traxit. Illitus cum gummi duplices palpebrarum pilos renasci non sinit. Cōmanducata herba biliosam urinam trahit.

EX GALENO.

Capnos acris simul & amaræ qualitatis est particeps, nec tamen planè expers est acerbæ. Quamobrem biliosam urinam multam prouocat, sanatq; iecinoris obstructions & debilitates. Succus eius oculorum aciem acuit, non parum lachrymarum trahens, uelut ipse fumus: nam hinc ei appellatio indita. Plebeius quidam ea uti solebat ad stomachum roborandum, unaq; uentrem lubricandū. Siquidem herbam

f

primum



FUMARIA

Edrauch.

primum desiccata condebat: dein cum uti uolebat subductionis quidem gratia melicrato inspergebat: roborandi uerò causa, uino nimirum diluto.

EX PLINIO.

Claritatē facit inunctis oculis, de lachrymatione mēq; ceu fumus, unde nomen accepit. Eadem euulsas palpebras renasci prohibet, Bilem per urinam trahit.

DE CICI CAP. CXXVII

NOMINA.

KΙΚΙ, ῥιόνω Græcis, Ricinus Latinis, Mauritanis Kerua, officinis nonnullis Cataputia maior, quibusdā etiam Pentadactylon & Palma Christi, quod scilicet eius folia in humanæ manus effigiem articulantur: Germanis Wunderbaum/oder Creugbaum dicitur. Croton autem & Ricinus à similitudine animalis, quod semen eius referre uidetur, nominata est. Sunt enim Græcis ῥιόνωες, & Latinis Ricini, insecta animantia, quæ canibus præsertim adhærent, quibus cibi nullus exitus est, colore liuido, nullis discreta membris, in globum continuè crescentia, donec plenius saginata, post aliquot dies sponte sua decidunt. Hinc est quod à Germanis nostris Zectentörner nominentur.

FORMA.

Arbor est parue ficus magnitudine, folia Platano similia habens, maiora tamen, læuora & nigriora. Caudices uerò & ramos arundinis modo concavos. Semen in uuis racemisue asperis, quod cortice nudatum, Ricino animali simile est. Quæ descriptio ita picturæ quadrat, ut nihil magis.

LOCVS.

Nascitur nusquam in Germania nostra, nisi satum fuerit. Satum autem semel copiose prouenit. Sine difficultate etiam passim iam in hortis prouenit.

TEMPVS.

Carpitur Autumno dum semine abundat.

TEMPERAMENTVM.

Ricinus in secundo uel summum tertio ordine calefacientium & siccantium esse apparet.

VIRES. EX DIOSCORIDE.

Ex semine Ricini oleum nomine Ricinum exprimitur, ad edendum minimè aptum: alioquin tamen lucernis & emplastris utile. Grana triginta numero putaminibus purgata, trita & pota, pituitam, bilem, & aquam per aluum deiciunt. Vomitiones etiam mouent. Est uerò iniucunda admodum & laboriosa huiusmodi purgatio: stomachū enim ualidè subuertit. Tusa & illita uaros, maculasq; sole cōtractas purgāt. Folia trita cum polenta, oculorū cedemata & inflammationes sedant, mammasq; turgentes cohibent. Per se aut cum aceto illita ignes sacros restinguūt.

EX GALENO.

Semen Ricini, quod etiam purgat, extergendi & digerendi facultatem obtinet. Sic uerò & folium, sed unde quaq; debilius. Oleum quod ex semine cōficitur, tum calidius, tum tenuiorum partium, quàm est oleum commune, ac proinde quoque digerit.



RICINUS

Wunderbaum.

NOMINA.



IPΣION græcè, Spina mollis, Buglossum magnum latinè nominatur: Buglossa.
officinæ, necnon herbarij Buglossam uel Linguam bouis uocant. Cir- Cirfion cur dicta
fion autem eò quod uarices, quos Græci *υερός* nomināt, sanet, dicta est.
Germanis *Schsenzung* appellatur.

GENERA.

Nos duo damus genera, quorum unum Germanicum, alterum uerò Italicum est, in quo omnia sunt maiora.

FORMA.

Caulis est tener, duūm cubitorum, triangularis. Ab inferiore parte foliolis roseorum figura, angulos spinosos per interualla, sed molles habentibus. Folia Buglossi similia, modicè hirsuta, longiora, albicantia, extremitatibus aculeata obtinet. Cacumen in caule orbiculatum, hirsutum, in quo capitula in summo purpurea, quæ in lanugines euanescent. Hæc sanè descriptio satis monstrat, Cirfion esse Buglossam hodie uocatam, cum ei deliniationes omnes, nulla ferè reclamante nota, conueniant. Siquidem caulis ei tener, bicubitalis, triangularis, spinosis per interualla angulis, sed mollibus & innoxijs aculeis. Folia Buglossi similia, longiora tamen, aut lege, *μικρότερα*, hoc est, minora, cum Plinio: subcandida, leniter hirsuta, in extremis partibus aculeata. Cacumen quoque caulis circinatum, hirsutum, in quo capitula purpurea. Et si uero reliqua omnia conueniant, tamen capitula purpurea non abeunt in pappos neq; in nostra, neq; in Italica. Buglossa nostra. Locis Dioscoridis emendatur.

LOCVS.

Producitur locis cultis & incultis, arenosis potissimum & petrosis. Italicū etiam hodie in multis hortis magna copia nascitur.

TEMPVS.

Carpitur Iunio & Iulio mensibus.

TEMPERAMENTVM.

In primo calefacere & humectare ordine apparet.

VIRE. EX DIOSCORIDE.

Radicem Cirfij laboranti loco adalligatam, dolores uaricum sedare Andreas scripsit.

EX PLINIO.

Hanc herbam radicēque eius adalligatam, dolores uaricum sanare tradunt.


APPENDIX.

Non plures iam cōmemoratis facultates Cirfio, Dioscorides & ueteres alij tribuunt. Videant igitur nostrę ætatis medici, ne temerè Buglossæ suæ quas non obtinet uires adscribant.



CIRSIVM
GERMANICVM.

Deütsch Gchsenzung.



CIRSIVM
ITALICVM.
Welsch Ochsenzunge.

C

NOMINA.

Coriandrum.
Corion quare uo-
catum.



κόρυς.

id genus est, quod Latinis cimex dicitur.

ΟΡΙΟΝ, ἢ κορίαννον Grecis: Corion seu Coriannon Latinis, uulgo & officinis Coriandrum, Germanis, qui latinam seu officinarum appellatio- nem imitantur, Coriander nominatur. Corio nomen fecisse cimices uerisimile est, quos folia & caules eius olent: κόρυς enim Græcis insecti

FORMA.

Caulis Corianno exilis, sesquicubitalis, ramosus. Folium dum primū erumpit Adianti, dein Fumariæ, odore graui. Flores candidos. Semen rotundū ac nudum, firmum & diutinum. Radicem breuiusculam, ligneam, neq; admodum fibratam.

LOCVS.

Amat terram pinguem, Palladio teste, sed & macro solo nascitur. Nunquam au- tem nisi satum prouenit.

TEMPVS.

Autumno dum semine prægnans est carpitur.

TEMPERAMENTVM.

Coriandri temperamentū minimè frigidum ac simplex est, sed uariè coalitum & compositū. Est enim copiosæ quidem amaritudinis particeps, quæ in tenui simul ac terrestri substantia fundat: sed & aquosæ humiditatis tepidæ ei nō parum inest. Ha- bet etiā adstrictionis nō nihil, sicut paulò post ex Galeni uerbis clarius innotescet.

VIREs.

EX DIOSCORIDE.


Hæc Dioscoridis
uerba paulò post
Galenus exhibet

Vim refrigeratoriā habet Coriandrum, unde illitum cum pane aut polenta ery- sipelatis, & herpetibus medetur. Epinyctidas, testium inflammationes, carbuncu- losq; cum melle & uua passa sanat. Cum lomento strumas & tubercula discutit, Lumbricos semen cum passo potū pellit, genituramq; auget. Largius tamen sum- ptum, mentem non sine periculo mouet, quapropter copiosiorē & cōtinuum eius usum cauere oportet. Succus cum cerussa, aut argenti spuma, necnon aceto & rosa- ceo illitus, ardentes in summa cute inflammationes iuuat,

EX GALENO.

Dioscorides res
prehenditur.

Coriannon siue Corion, aut utcunq; uocare lubet. Vetusiores Græci Corian- non nominabāt, ac recentiores omnes medici Corion appellitant, sicut & Diosco- rides refrigeratoriā esse herbam dictitans, sed perperā. Siquidem ex contrarijs con- stat facultatibus, plurimū habens amaræ essentia, quam ostendimus esse tenuium partium, & terrenam, nec modicum etiam aqueæ humiditatis obtinentē, quæ est fa- cultatis tepidæ. Habet autem & adstrictionis pauxillum. Ex quibus omnibus ua- riè quidem agit ea quæ scribit Dioscorides, & non tantum ex refrigeratione. Cæte- rum ego cuiusq; particulatim actionis causam enarrabo, tametsi propositum fue- rat mei unius duntaxat hoc in libro sententiā expromere. Sed fortè nihil obstabit, imò si uerum fatendum est, proderit nō nihil superiores methodos, quæ in paucis medicamentis sunt dictæ, hunc in modum repetere. Primum ergo nō Dioscorides tantum, sed & alij complures medicorū indeterminatè & citra limitationē de mor- bis pronunciant, sicut sanè hac quoq; tempestate non paucos reperias medicos insi- gnes, præter alia, hac in re maximè hallucinantes. Interdum enim atra, liuida, frigi- daq; reddita parte quæ erysipelas habuit, nec amplius refrigerantia poscente medi- camenta, ceu antea, sed ea quæ infixum parti præter naturam humorem euacuent, ij tamen refrigerare perseverant. Aliquando autem ad digerentiā quidē transeunt, cæterum erysipelas sanare dicunt. Et sanè scribunt incipientibus etiamnum & cre- scentibus erysipelatis alia cōuenire medicamenta, aliaq; declinantibus. Verum res ita non habet. Neq; enim erysipelas etiam uocari debet posteaquam inflammatio eius



CORIANDRUM

Coriander.

c eius & feruor, ac biliosum illud abierint: neq; quæ facultate sunt frigida, neq; quæ illa sanant, remedio esse putandum est, sed uelut si uel initio protinus aut percussis, aut alia de causa quauis tumor in parte quapiã aut liuidus, aut niger extiterit, eum frigidum esse affectum existimabis, & quæ digerant excalfaciantq; poscere: ad eundem modum si calida affectio in frigidam reciderit, negligenda quidem prior est, sed secunda alio nomine appellanda. Aut si displicet nominis mutatio, saltem sicut aliqui alia scribunt principij, alia declinationis remedia, haud frigida esse autumantes declinationis remedia, concedendū sanè est, si cui ita placet, ut talis affectio etiam erysipelas uocetur: sed eam etiam calidā dicere ubi iam refrigerata est, id uerò ne utquam concedendum. Itaque ne quod tunc ei auxilio est, refrigeratorium esse credamus, sicut Dioscorides Coriannon, quod, ut ipse ait, cum pane aut polenta illitum erysipelas sanet. Nam quod exquisitum est erysipelas, & iam utique inflammatum & flauum est, nequaquam cum pane sanabit Coriannon, sed illud quod iam refrigeratum est. Proinde nos superioribus uoluminibus, quum determinata ac definita experientia cuiusq; medicamenti facultatem explorandam censuimus, quammaximè fieri posset simplicissimum eligi affectum consulimus. At plerique medici, neq; quod uel plurimi morborum protinus ab initio compositi inuadant, norunt, neque quod alius affectus sit erysipelas exactum, alius uerò is qui uocatur ab omnibus nobis usitatè, ut à ueteribus quoq; phlegmone. Alij autem inter hos medij plurimi, partim ut sic dicam erysipelata phlegmonode, partim phlegmonæ erysipelatodes. Ac inuenias nōnunquam ubi neutrum uincat, sed ad unguem paria sint. Quinetiam nōnunquam cedematodes esse erysipelas cōspicitur, sicut aliud scirrhomodes, ut compositorū morborum haud paruus aceruetur numerus. De quibus

Libro xliij. bus copiosius cum alibi disseruimus, tum in libris de curandi ratione. Dicitur autem *Exquisitum erysipelas.* tem & nunc, quoad saltem eorum meminisse necesse est, quod exactum erysipelas haud unquā ab antedicto cataplasmate curari possit. Voco autem exactum, quum à biliosa fluxione pars impleta fuerit. Porro quod longè à refrigeratione absit Coriandrū, uel ex ijs quæ ipse scripsit Dioscorides discere licet. Nam strumas, inquit, cum lomento discutit. Quod uerò nullum refrigerantiū medicamentorū idoneum sit discutiendis strumis, uel ipsum Dioscoridē non dubitare arbitror, ut qui sexcenta scripserit medicamenta strumas sanare potentia, quæ omnia temperie calida, & actionibus digerentia esse cōfessus est. Hactenus Galenus: cuius quidē, etsi prolixa sint, uerba ideo recensere placuit, ut uulgi & nōnullorum etiam medicorū errorē detegeremus, qui præter ueritatē Coriandri temperamentū esse frigidum asserunt. Deniq; ut ex hoc loco discerent studiosi, quā periculosum sit Dioscoridis ac aliorū ueterum scripta sine limitatione sequi. Admonitos quoq; lectores esse uolumus, hoc caput ex eorum esse numero, in quo Galenus à Dioscoride dissentit.

Periculosum Dioscoridis scripta sine limitatione legere.

EX PLINIO VALERIANO MEDICO.

Non dubitanter Coriandro refrigeratrix potestas datur, nō tamen simplex, ut prudentissimè Galeno uidetur, sed cui quædā portio austeritatis immixta sit, inde quod quædā ex eo uitia curantur, quæ nunquā omnino curaret, si sola uirtute frigida niteret. Cum melle & uua passa tritū & impositū, omnes tumores collectionesq; compescit. Præcipuè tamen isto genere medicaminis doloribus testium subueniunt. Succo mālī granati et oleo in potione permixtum, animalia interaneis innata persequitur. Semen ex aqua potum solutionē uentris stringit. Scriptū à multis legitur tria Coriandri grana tertianas excludere ante accessiōē si fuerint deuorata. Iisdē quoq; repellendis efficax est ipsum Coriandrū ante solis ortum ignoranti cervicali uiride subiectū. Mirum est quod Xenocrates tradit, si unum feminis granū foemina biberit uno die menstrua cōtineri, biduo si duo, & totidē diebus quot grana sumpserit.

Eadē ferè sunt quæ alter Plin. lib. naturalis histo. xx. cap. xx. scribit, ideoq; omittere placuit. Tantū addit, Marcum Varronē putare Coriandro subtrito cum aceto, carnem incorruptā æstate seruari.

APPENDIX.

Non transeundum silentio erit quod Dioscorides hic diligenter monet, Coriari dri copiosum & cōtinuum usum esse fugiendum. Ideoq̃ errare uehementer recentiores medicos, qui eo tam frequenter, potissimum ad caput roborandū, cui infensissimum est, utuntur, manifestius est quā ut probatione indigeat. A quo sanè errore uel id saltem reuocare eos deberet, quod idem Dioscorides, libro sexto, Coriandrum inter uenena connumeret.

Coriandro nō copiose & cōtinuò utendum.

EX SYMEONE SETHI.

Stomacho bonum est, & eundem corroborat. Cibos in uentriculo donec probè cōcoquantur retinet. Tostum igne uentrem sistit. Prodest ad phlegmonas & calidas temperaturas. Sanguinis profluuiū potum, & si imponatur, compescit. Cum uino potum, lumbricos educit: immodicus tamen eius usus delirium facit. Huius etiam succus potus uenenum est & occidit. Qui enim hunc bibunt, muti fiunt, & desipiunt.

DE CASSVTHA

CAP. CXXX.

NOMINA.

KΑΣΣΥΘΑ recentioribus Græcis: Cassutha, y litera in u transeunte, ut sæpè fieri solet, Latinis appellatur: officinis & herbarijs nostræ ætatis hinc deflexa quadam pristini nominis umbra, Cuscuta dicitur, cum primum Cassutha, dein cōuersa Cascutha, postremo Cuscuta cœperit appellari. Sunt qui podagram lini uocant, quod quasi compedibus id cui infederit illi get, nec uinctum eo facile possit extricari. Germanis *Silgstraunt/oder Glachßseiden/oder Todtern* dicitur. Errant qui Dioscoridis Androsacen esse putant, cum ueteres Græci, quod sciam, de Cuscuta hodie dicta, nihil memoriæ prodiderunt. Plinius tamen lib. xvi. cap. ultimo, eius uidetur meminisse ijs uerbis: Est & in Syria herba quæ uocatur Cassythas, non tantum arboribus, sed ipsis etiam spinis circumuoluens sese: Cassytas enim legendum non Cadytas: sic enim codices aliquot Pliniani, ut in suis annotationibus doctissimus Hermolaus admonet, ijq̃ emendatiores, habent. Iam igitur memoria Plinij Cassytas herba suo nomine Syriaco uenerat in Latium, quod multis postea seculis usurpantes tam Pœni quā Arabes, suis scriptis protriuerunt. Quod autem Plinius sine spiritu protulit, id librariorum culpa factum esse suspicor, qui inuertentes mutarunt Cassythas in Cassytas.

Podagra lini.

Androsace non est Cassutha.

Plinij locus emendatus.

FORMA.

Herbosis fruticibus adnascitur, earum adminiculo fulta: radice nulla, sed uelut ab alarum sinu prodeunte cirro capillamentoue miræ longitudinis, statim ab eius ortu sese ramulis conuolvente. Quæ iam ueluti clauiculis nixa, sensim proserpens herbarum fastigia scandens, & crebris uolutionibus opere topiario per uertices rotata, comas herbarum complectitur: tam uolubilis illi natura est. Folijs uidua cernitur. Florem fundit album, semine quoq̃ scatet tenui. Cirri dilutiore rutilant purpura, nōnunquam ex rubro rufescunt, fidibus lyrarum crassitie pares.


LOCVS.

Non in terra, sed in herbis arboribusq̃ passim nascitur Cassythas, quas tam spisso sæpius irretit cōtextu, ut tentorij modo herbosum cespitem à sole uindictet. Non nunquam cacuminib. impendens stirpes humi deturbat, propriamq̃ parentē suis laqueis strangulat, aut continuò materni alimenti succtu perducit ad tabem.

TEMPVS.

Æstate, Iulio potissimum & Augusto mensibus, maximus illius in Germania prouentus esse solet: hoc enim tempore tanta eius est luxuria, ut mole sua stirpes oneratae ferè procumbere uideantur.

TEMPERA-



CASSVTHA

Flachs seiden.

TEMPERAMENTVM.

In primo calefacientium abscessu seu ordine, & desiccantium secundo statuen-
dum: quandam enim resipit amaritudinem.

VIRE S.

Abstergendi naturam obtinet, & cum quadam adstrictione roborandi faculta-
te prædita est. Iecinoris impedimenta laxat, infarcti & obstructi lienis expedit ui-
tia, uenas pituitosis atq; biliosis exonerat humoribus, pellit urinam. Regio morbo
subuenit qui iecinoris obstructionibus contrahitur. Febribus ijs auxiliatur quæ
pueros malè habent: sed usu nimio stomachum sua astrictione grauat: uerum no-
xa tollitur, si Anisi momentū adijciatur. Natura eius flauam bilem per aluum exi-
gere, sed efficaciorē cum Absinthio præbet effectum. Hæ quidem ex Pœnorum
ac Arabum sententia facultates Cassuthæ tribuunt, qui utiq; uires illius longè ma-
gis gliscere pollicentur, si parentis ingenium ei patrocinetur. Hinc est quod hanc
forsitan ueteres Græci, quamuis triuialem, eo nomine subticuerunt, quod natiuas
suæ merito parentis dotes adsciuiisset, è sinu cuius uernaculum ebibens humorem
aleretur. Nam ut testatum iisdem Arabicæ factionis medici reliquerunt, si calidæ
insidet herbæ arboriue, calidam sortietur facultatem, & si decubuerit frigidæ, uim
sibi frigidam uendicabit.

DE CESTRO CAP. CXXXI.

NOMINA.

KESTPON græcè, Betonica seu Vetonica latinè: in officinis antiquū no-
men retinuit, Braumbetonick germanicè appellat. A uarietate autem
& copia remediorū, Cestron à Græcis dicta est: hac siquidem uoce opus *Cestron unde*
interpunctū, ac uicè pictum nominauere. Libri etiam à uarietate subie- *dicta.*
cti, ab aliquot Græcis hoc titulo inscripti sunt. Plinius quoque aliquando Ebur ce-
strum, id est, picturatum dixit. Betonica uerò ab inuentoribus Vetonibus, Hispa- *Betonica.*
niæ populis, nominata est.

FORMA.

Herba est caulem tenuem obtinens, cubiti altitudine, aut maiorem, quadrangu-
lum. Folia longa, mollia, quernis similia, per ambitum incisuris diuisa, odorata, pro-
pe radicem maiora. In summo caulium semen ueluti Thymbræ spicatum inest. Ra-
dices subsunt tenues ut Ellebori.

LOCVS.

Nascitur in pratis, syluis, montosis, frigidis & opacis locis, ideoq; Græcis *Ψυχότρο- Ψυχότροφον.*
φον uocata est.

TEMPVS.

In Maio & Iunio mensibus floribus abundat.

TEMPERAMENTVM.

Calida & sicca in primo ordine completo, aut in medio secundi.

VIRE S. EX DIOSCORIDE.

Folia Betonicæ carpunt & siccantur plurimos ad usus. Radices cum hydromeli
te potè, pituitosam uomitionē eliciūt. Folia dantur ruptis, cōuulsis, uulua affectio-
nibus, & eiusdē strangulationib. drachmę unius pondere cum hydromelite. Ternę
in uini sextarijs duobus cōtra serpentiū morsus ebibunt. Herba ipsa illita uenena-
torū morsib. prodest. Aduersus etiā uenena drachma ex uino pota cōuenit. Hanc
si quis præsumpserit, letale hauitū uenenū nihil nocebit. Vrinā cit. Aluum subdu-
cit. Medet comitialibus & furiosis cum aqua pota. Iecinoris & lienis uitijs drachmę
pondere cum aceto mulso pota succurrit. Concoctionē adiuuat, si quis à ccena eam

g fabæ



BETONICA

Betonick.

A fabæ magnitudine cum melle cocto deuorauerit. Eodem modo & acida ructantibus propinat. Stomachicis eam manducare, & succum deuorare proderit, si postea dilutum uino sorbeatur. Datur sanguinem excreantibus trium obolorum pondere cum diluti uini cyatho uno. Ischiadicis, renum & uesicæ doloribus, ex aqua. Hydripicis autem binis drachmis, febrientibus cum hydromelite, non febricitantibus, cum mulso. Regio morbo laborantes recreat. Menses ducit drachmæ pondere cum uino pota. Aluum purgant drachmæ quatuor cum hydromelitis cyathis decem potæ. Cum melle tabidis, purulentis auxiliatur. Folia cum inaruerint trita ad hos effectus fictili uase reponuntur.

EX GALENO.


Vim habet incidendi, ut gustus indicat. Amariuscula enim est, & subacris ipsa herba, id quod & particulatim edita ostendit actio. Nam consistentes in renibus lapides rumpit, & pulmonem & thoracem & iecur expurgat, abstergitque. Menses mouet, & comitialibus prodest. Rupta atque conuulsa curat, & omnibus bestiarum moribus illita ulceri auxiliatur. Acidum ructantibus & ischiadicis bibita succurrit.

EX PLINIO.

Moribus serpentum imponitur Betonica præcipue, cui uis tanta perhibetur, ut inclusæ circulo eius serpentes, ipsæ sese interimant flagellando. Datur & ad ictus semen eius denarii pondere cum tribus cyathis uini, uel farina drachmis tribus sexta rio aquæ imponitur. Obolis tribus in aqua, contra purulentas, contraque cruentas excreationes facit. Faciles præstat uomitiones radix eius Ellebori modo quatuor drachmis in passo aut mulso. Ischiadicos dolores & spinæ leuat eiusdem farina ex aqua mulsa. Aluum soluit drachmis quatuor, in hydromelitis cyathis nouem. Folia siccantur in farinam plurimos ad usus. Fit uinum ex ea & acetum, stomacho & claritati oculorum. Paralyfin sanare dicitur. Eadem torpentibus membris prodest. Ad lateris & pectoris dolores farina eius bibitur.

DE BETONICA ALTERA CAP. CXXXII.

NOMINA.

 VAS esse Betonicæ species præter Paulum Aeginetam lib. vii. Plinius etiam lib. xxv. cap. viij. abunde docet: & in aliquibus Dioscoridis codicibus huius quoque secundæ Betonicæ mentio fit. Hanc itaque posteriorem, tam officinæ quam herbarij medici Tunicam, detractis à Betonica duabus literis prioribus, nominant. Germanis Grasblumen & Negelblumen/ quod flores eius garyophyllorum odorem referant, appellare placuit.

Herba Tunica.

GENERA.

Duū est generum. Vna siquidem syluestris est, quam Germani wild Negelblumen/ hoc est, syluestrem Garyophylleam, & Dondernegele/ Seldnegele/ & Bistropsfle. Altera altilis est, quæ alio nomine Betonica seu Vetonica coronaria, quod illius in coronis nimius usus sit, dicitur. Germani heymisch Negelblumen/ quasi domi natam Garyophylleam appellant.

Syluestris.

Altilis.

FORMA.

Specie multum à priore Betonica differt. Radicem enim totam rubram, odoratamque habet. Folia porracea, oblonga, stamine quo medium diuiditur puniceo ac rubente, cum recto calamo triangula, floribus in uertice purpureis. Hæc Dioscoridis delinatio utriusque generi communis est: priuatim tamen syluestris Betonica herba fruticosa est, folijs porri, oblongis, angustis, per extremum mucronatis, cæsijs, concoloribus calamis, teretibus, geniculatis, cubitalibus, floribus speciosis, simplicibus, qui quinis, senisue folijs constant, lentè simbriatis, magna ex parte purpureis, quamuis & interdum niuei conspiciant. Altilis seu coronaria, folijs est porraceis,


Syluestris Betonica.

Altilis seu coronaria Betonica.



BETONICA
SYLVESTRIS VNA.

Dondernegele.
Friedr. Gu Bern



BETONICA
SYLVESTRIS ALTERA.

Wildnegele.

52 3

354



BETONICA
ALTISS.

Nagelblüm. *Simon Nagel*

oblongis, per extremum mucronatis, cōcoloratu cæsijs, teretibus cauliculis sesquicubitalibus, geniculatis, coeuntibus pyxidatim internodijs, floribus omnium speciosissimis, Garyophyllorum odoratu, sed longè suauissimo, quandoquidem alius cocco rutilat, alius saturata nitet purpura, alius candido, alius emaculato blanditur colore, alius uersicolore uariatur cōmistu. Omnibus teres longiusculusq; calyx spectatur, orbiculo superiore denticulatus, à quo quina senaue folia prodeunt, lentè quidem fimbriata. Nonnulli tamen flores frequentiore coma stipantur, geminis utrinque emicantibus stamineis apicibus.

LOCVS.

Syluestris in pratis, montibus, nitidisq; locis nascitur. Coronaria uerò passim in fictilibus uasis alitur, neq; facillè aedes inuenies, ante quas non expositam intuearis.

TEMPVS.

In æstate utriusq; magna est copia. Coronaria tamen longiori tempore durat, atq; æstiuas, autumnales, hyemalesq; sruuit coronas.

TEMPERAMENTVM.

Calidam & siccam esse tum amaritudo, tum odor & alia multa declarant.

VIRE.

EX DIOSCORIDE.


Animas hominum & corpora custodit. Contra nocturnas peregrinationes, loca insidiosa, & difficiles somnos cōmendatur. In totum, ad omnem medendī rationem celebrata. Recens trita uulneribus capitis indita dolorem finit. Vulnera glutinat. Fracta ossa extrahit, & hoc quotidie efficit, donec persanescat. Dolori capitis medetur, si decocta ea ex aqua caput perfundatur, aut temporibus cum bitumine illinatur, aut radix eiusdem suffiatur.

EX INCERTO.

Farina eius tam aduersus toxica quàm serpentū & scorpionū ictus ex albo uino bibitur. Quartanæ reliquarumq; febrium horrores discutit. Comitibus opitula tur sub ipsam accessionem propinata. Eadem per se carcinomatis inspergit, quæ tamen præstiterit herbæ succo prius abluisse. Estur contra uentris tineas. Succus pestis arcet contagia, atque etiam haustus, si iam morbus inuaserit, liberat. Fit ex flore oleum ad canis rabiosi morsus, ad fistulas & parotidas, quibus illitu medetur. Visus aciem exacuit. Ieiuno sumpta dolorem dentium sedat, iure decocti colluto ore. Discutit grauedines. Partum, qui sine febre sit, accelerat. Neruorū uulneribus imponitur. Præsumpta ebrietatem arcet. Intertriginem in itinere faciundo non sentient qui ex uino biberint. Fastidia cum aceto mulso discutit. Iis qui ex morbis sese recolligunt aluum ex aqua calida deijcit. Vomitiones cohibet. Dolores podagræ ac inflationes uentris sedat. Venena rabiosi canis morfu impressa elicit plagæ diutius illigata.


APPENDIX.

Recentiores syluestris Betonice succum mirificè cōmendant in atterendo & educendo calculo, & medendis comitialibus. Altis autem radicem contra pestis contagia utilem esse tradunt. Hanc ob causam ex floribus etiam eiusdem, medicamentum conficiunt, quod Conseruam hodie uocant, quod ad eundem usum adhibent.



COLCHICVM

Zeitlosen mit den blümen.



COLCHICI
FOLIA ET SEMEN.

Zeitlosen mit blettern vnd samen.

C

NOMINA.

Hermodactylus.

Colchicum cur
dictum.

Ephemerum.



ΟΛΧΙΚΟΝ, ἢ ἐφῆμερον Græcis, Bulbus agrestis Latinis, officinis & herbarijs Hermodactylus dicitur. Germanis Zeirlosen. Colchicum à Colchide ueneni ferace, in qua nascitur, nomē desumpsit. Dictum uerò est Ephemerum, quoniam uno die sumptum interficiat, atque adeo ab altero Ephemero, quod minimè letale est, & de quo suo loco diximus, non solum figura, uerum etiam facultatibus differt. Et si uerò Ephemerum Colchicum etiam significet, tamen præcipuè id Ephemerum quod ueneno caret, hoc nomine intelligitur.

FORMA.

Autumni exitu florem subcandidum, crocino similem profert. Post florem folia Bulbo similia, pinguiora tamen. Caulem palmo altum, ruffum ferentē semen. Radicem habentem corticem in nigro rufescentem, quæ cortice suo nudata, alba, tenera, succo plena, & dulcis inuenitur. Habet Bulbus eius in medio rimam fissuramue unde flos erumpit. Huius descriptionis in uniuersum notæ omnes ita Hermodactylo nostro conueniunt, ut nemo, nisi Tiresia cæcior sit, Dioscoridis esse Colchicū ambigere possit. Exitu enim autumnii in pratis florem ædit albicantem, croci floribus similem. Posterius, Februario nimirū mense & primo statim uere, folia Bulbi, sed pinguiora. Caulem palmeū ferentem semen rufum. Radicem cortice in nigro, colore rufescente, quæ decorticata candicat, tenera quæ, succo plena, & dulcis apparet. Bulbus etiam eiusdem diuisionē in medio obtinet, ex qua flos erumpit, ut pictura exquisitè tibi monstrat. His accedit, quod Serapio Arabs sub nomine Hermodactyli, Dioscoridis Colchicon prorsus depingat. Alium tamen esse à nostro Hermodactylo illum putamus, quem Aëtius, Paulus Aegineta lib. vii. & Actuarius peculiariter & priuatim articulorum doloribus conducere scribunt. Paulus enim separatim tanquam diuersorum mentionē fecit, & de Colchico & Ephemero diuersa ab Hermodactylo capita constituit.

Hermodactylus
recentiorum graecorum.

LOCVS.

Magnus Colchici in Messenia, & apud Colchos prouentus. Nascitur & passim in omnibus pratis Germaniæ nostræ.

TEMPVS.

Flores in Autumni exitu, ut diximus, apparent. Folia autem post flores generantur, & primo statim uere è terra erumpunt. Semen in æstate Iunio potissimū mense producitur.

TEMPERAMENTVM.

Calidum & siccum nonnulli Colchicum in secundo ordine seu à medio recessu statuunt.

VIRE.

EX DIOSCORIDE.

Radix eius comesta fungorum modo strangulando enecat. Hanc autem depinximus ne pro Bulbo deuorata aliquem lateat. Mirum est enim quantum ignaros propter suauitatē inuitet. Hæc Dioscorides. Proinde satis liquet Hermodactyli huius nostri usum minimè tutum esse: uenenum enim est, & usque ad sanguinis excretionem per inferna subducit. Eius tamen, radicis potissimum & foliorum, ad enecandos ac abigendos pediculos usus esse potest.

REMEDIA CONTRA COLCHICVM.

Remedio sunt edentibus quæcunque contra fungos opem ferunt. Bubulum etiā lac potum, adeo ut quoties hoc affuerit, nullum præterea quærendum præsidium sit.

EX PAULO.

Ephemerum, quod nonnulli Colchicon, eò quod in Colchide nascatur, uocant, aut Bulbum agrestem, epotum protinus totum corpus prurire facit, uelut urtica & scilla

scilla tactum irritatumq̃: interiora erodit, stomachum urit cum ponderosa grauitate. Inualeſcente autem malo, cruenta ſtrigmentis miſta per aluum egeruntur. Succurrendum, ut Salamandræ, uomitionibus & clyſteribus. Sed antequam uires ſibi adſciſcat uenenum, dari debet foliorum quercus, aut glandiũ, aut malicoriũ, aut ſerpylli decoctum cum lacte bibendum: aut Polygoni ſuccus, aut ſurculorum uitis, aut rubi, aut tenerarum ferularum medullæ, aut myrti cum uino. Benefacit etiam caſtanearum interior tunicula, ſi cum aliquo è ſuccis, quos prædiximus, aſſumatur. Origanum quoq̃ cum lixiuia potum, in idem efficax eſt. Adeò uerò exactum præſidium eſt lac uaccinum calidum potum, & ſimul in ore contentum, ut hoc præſente nullum aliud deſideretur.

DE CLEMATIDE DAPHNOIDE CAP. CXXXIIII.

NOMINA.

KΛΗΜΑΤΙΣ ΔΑΦΝΟΕΙΔΗΣ Græcis, Clematis Daphnoides Latinis, Peruinca officinis, Vincaperuinca uulgo nominatur. Germanis, eò quod ſemper uireat, Yngrün/ uel Syngrün. Clematida Græci, quoniam κλη- *Clematis unde dicta.* ματα, hoc eſt, ſarmenta ſeu uiticulas per terram ſpargat, dixerunt. Daphnoida uerò à foliorum Lauri, quam eius folia habent, figura. Plinius lib. xxiiij. *Daphnoides.* cap. xv. Clematida Ægyptiam nominat: libro autem xxi. cap. xi. Vincamperuin- cam, alioq̃ nomine Chamædaphnen dici tradit, quod ſcilicet humilis uideat Lau- *Chamædaphne.* rus, ut nomen ſonat. Non eſt autem cur eam Chamædaphnen putes quæ Romanis Laureola aut Laurago dicta eſt: hæc enim à Vincaperuinca genere & facultatibus diuerſa eſt, & ſeorſim illam Chamædaphnen depingit Plinius lib. xxiiij. cap. xv. ut hinc maniſeſtiſſimũ ſit Plinio duplicem eſſe Chamædaphnen. Vnam quam *Plinio duplex Chamædaphne.* ſic appellant Dioſcorides, Galenus & alij Græci. Alteram quam priuatim Vincamperuinca alio nomine uocat Plinius. Sic autem, quod humi ſerpat, & ſe in modum funiculi porrigat uicina quæq̃ uinciens, appellat.

FORMA.

Sarmenta oblonga habet, iuncæ craſſitudinis. Folium exiguum, Lauro figura & colore ſimile, multo tamen minus. Iam ſi quis imaginem & effigiem Clématidis daphnoidis exquisitiuſ exploret, ea deprehendeſ eſſe quæ hodie uulgò Vincaper- *Vincaperuinca.* uinca nominatur. Hæc enim humiles & graciles ſpargit iuncos, foliaq̃ Lauri figura & colore obtinet, multo tamen minora: flore hyacinthino ſeu in purpuram cœruleo, inodoro, rotundo, folijs quinque ſed continuis diſtincto. Ea etiam, ut Plinius ait, ſemper uiret, in modum lineę folijs geniculatim circundata. Hybernas ſua perpetua fronde textit coronas.

LOCVS.

Gignitur pingui, umbroſo, lætoq̃ ſolo, ſed inculto, in agrorũ uinearumq̃ marginibus.

TEMPVS.

Hæc etſi nunquam non uireſcat, uere tamen duntaxat floreſcere uidetur, Martio potiſſimum menſe & Aprili.


TEMPERAMENTVM.

Siccitas in Clematide, Paulo Aegineta teſte, cæteris qualitatibus præualet. Id quod guſtus etiam oſtendit: guſtanti enim adſtrictionem quandam & amarorem habere uidetur. Adſtringit autem modicè, ſed fortiter amara eſt. Siccat itaque, at citra mordicationem.

VIRE.

EX DIOSCORIDE.

Huius caules ac folia in uino pota, alui profluuiæ & dyſenterias finiunt. Vteri dolores cum lacte & roſaceo, aut cyprino in peſſo appoſita ſanant. Commanducata *dentium*



CLEMATIS
DAPHNOIDES.

Syngrün.

dentium dolorem mitigant. Venenatorum moribus imposita profunt. Feruntur & aspidum moribus cum aceto pota auxiliari.

EX GALENO.

Clematis daphnoides nequaquam est exulceratoria, neque acris, imò alui profluuijs & dysenterijs cum uino pota prodest, dentiūq; dolores mansa mitigat. Vteri doloribus in pello admotum usui est, tantum abest ut urat aut ulceret.

EX PAULO.

Clematis quibusdam Daphnoides, alijs Myrsinoides, nōnullis Polygonoides, sarmenta habet praelonga, crassitudine iunci, folium uerò Lauri. Siccandi facultate pollet, qua alui fluores, difficultates intestinorum, & dentium dolores finit. Contra uenenatorum morsus prodest.

APPENDIX.

Iam cōmemoratae facultates satis ostendūt Clematida daphnoida esse Vincam-peruincam: nam codex antiquus manuscriptus, quem in rebus dubijs lubens cito & sequor, easdem prorsus uires Peruincæ tribuit. Sanguinis enim è naribus profluuiō mirū in modum prodesse tradit. Item ijs qui sanguinē uomunt aut spuunt. In summa omnem sanguinis fluxum folia eius sistere asserit, ita ut euidentissimum sit Peruincam officinarum eandem esse cum Clematide hac nostra. Quibus etiam accedit pictura & descriptio eiusdem, quæ utraque adamussim Peruincæ nostræ respondent.

DE CARDAMO CAP. CXXXV

NOMINA.

KAPΔAMON græcè, Nasturtiū satium latinè dicitur. Officinis latinum nomen retinuit, Barbari nostræ ætatis herbarij Cressionem hortensem uocant. Germanicè *Gartenkress* dicitur. Cardamū uerò Græcis nonnulli dictum esse arbitrantur, ἀπὸ τοῦ καρδίας, quod cor foueat, & in syncope illa, quam Cardiacam nominant, plurimum ualeat. Alij diuersa ratione usi, sic dictum quod caput edomet, quasi καρπιδαιον, putant. Nam arcem mentis obsidens suo ferit acremento, & ignea ui præditum caput tentat. Sunt è Græcis qui καρὰ τὸ νόσος μύειν, id est, quod pupillas oculorum coeuntibus unā palpebris abscondat, ita dici censeant. Nam luminibus admotum subinde cogit conniuere. A quo, ut uolunt, euentu καρδιανίτης uerbum declinarunt, quod conniuere nostra lingua dicimus. Nasturtium autem appellatum est, Varrone & Plinio testibus, à naribus torquendis, quod odore & seminis acrimonia sternutamenta prouocet.

Cressio hortensis

Cardamum una de dictum.

καρδιανίτης

Nasturtiū quare appellatum.

FORMA.

Nasturtium caulibus assurgit sesquipedalibus, statim à radice minorū foliorum pediculo, floribus candidis, semine per ramorum latera copioso, firmo, calyculis orbicularibus contento, acris sapore.

LOCVS.

Pasim in hortis satum prouenit.


TEMPVS.

Floret æstate, Iunio potissimū mense. Sequenti tempore semine prægnans est.

TEMPERAMENTVM.

Nasturtij semen calefacit & desiccatur ordine quarto. Herba quoque sicca similem femini facultatem possidet. Humida autem adhuc & uiridis propter aqueæ humiditatis admistionem multo inferior est, adeoq; sic mordacitas eius moderata est, ut cum pane ea uti liceat ceu obsonio.

h VIRES.



NASTURTIVM
HORTENSE.

Gartenkress.

VIRE. EX DIOSCORIDE.

Omniū semen calefacit, acre est, & stomacho inimicum. Aluum turbat. Lumbricos pellit. Lienem imminuit. Foetus in utero enecat. Menses cit. Venerem excitat. Sinapis & Erucae semini simile est. Lepras & impetigines abstergit. Lienem illitum cum melle extenuat & reprimat, & fauos expurgat. Sorbitionibus incoctum ea quæ in pectore sunt educit. Potum serpentibus aduersatur. Suffitu easdem fugat. Capillos deciduos continet. Carbunculos rumpit ad suppurationem ducens. Ischiadicis cum polenta & aceto illitum confert. Oedemata & inflammationes discutit. Furunculos cum muria illitū ad suppurationes ducit. Herba omnia eadem, sed minore effectu, potest.

EX GALENO.

Nasturtij semen adurentis est facultatis particeps sicut Sinapi. Proinde coxendicis & capitis dolores, atque adeo quodcunque rubrificationē postulat, eo perinde atque Sinapi excalefaciunt. Miscetur quoque remedijs quæ exhibentur asthmaticis, tanquam id quod crassos humores ualenter incidere ualet, uelut & Sinapi. Nam per omnia ei simile est.

EX PLINIO.

Nasturtium Venerem stimulat, animum exacuit, aluum purgat. Detrahit bilem potum in aqua decem denariorū pondo. Cum lomento strumis illitum, operitque Brassica, præclare medetur. Capitis uitia purgat, uisum clarificat. Comotas mentes sedat ex aceto sumptū. Lienem ex uino potum, uel cum fico extenuat. Tussim ex melle, si quotidie ieiuni sumant. Semen ex uino omnia intestinorū animalia expellit, efficacius addito Mentastro. Prodest & contra suspiria cum Origano & uino dulci. Pectoris doloribus decoctum in lacte caprino. Panos discutit cum pice, extrahitque corpori aculeos. Et maculas illitum ex aceto. Contra carcinomata adijcitur ouorum album. Et lienibus illinitur ex aceto. Infantibus uero ē melle utilissimè. Sestius adijcit hoc serpentes fugare, scorpionibus resistere. Capitis dolores contritum, & alopecias emendare addito Sinapi: grauitatē aurium trito imposito auribus cum fico. Dentium dolores infuso in aures succo. Porriginem & ulcera capitis cum adipe anserino. Furunculos concoquit cum fermento. Carbunculos ad suppurationē perducit & rumpit. Phagedænas ulcerum expurgat cum melle. Coxendicibus & lumbis cum polenta ex aceto illinitur. Item licheni & unguibus scabris: quippe natura eius caustica est.

DE CRINO CAP. CXXXVI.

NOMINA.



PINON καὶ λείων Græcis, Liliū siue Iunonis rosa Latinis, Liliū album officinis, weiß Lilgen/ oder Gilgen Germanis dicitur. Veteres Græcorū poëtæ fingunt ē Iunonis lacte respersa terra natum Liliū.

Iunonis rosa quare dictum Liliū.

Namque cum Hercules puer, quem ex Alcмене sustulerat Iupiter, Iunonis dormientis uberibus admotus esset, & lacte se repleisset, post suctum digressus mamma lacte copiose profluxit. Quod in cælo à puero uago & incerto suctu perflusum est, lacteam effecit uiam: quod humi sparsum est, Liliū lacteo flore nitentē creauit, unde rosa Iunonis dictum.

FORMA.


Liliū caule simplici, raro duplici, tricubitali, comoso, folijs longis, Satyrj effigie, ex herbaceo nitentibus, flore eximij candoris, folijs foris striatis, & ab angustijs in latitudinem se paulatim laxantibus, forma calathi, resupinis per ambitum labris, luteis emicantibus ex fundo calycis apicibus, alterius quam flos odoris, constat.

h 2 Flos



LILIVM

Weiß Lilgen.



LILIVM
CROCEVM.

Goltdgilg.

- C Flos ille languido semper collo est, nō sufficiente capitis oneri. Radix bulbosa. Hęc descriptio planē huic Lilio cōuenit, quod hodie candidum uocamus. Nos alterius etiam generis pīcturam adiecimus, quod Croceum appellauimus, à flore eius, qui non, ut in priore, candidus, sed croceus est. Folia quoq; eius angustiora sunt quā prioris, aliās simile, ut pīctura luculenter ostendit.

LOCVS.

Pasim apud nos in hortis prouenit.

TEMPVS.

Floret initio mensis Iunij.

TEMPERAMENTVM.

Lilij flos temperaturā mīstam obtinet, partim ex tenui, partim ex terrena essentia, ex qua utiq; in gustu amaritudinē habet, partim ex aquea, eaq; temperata. Radix autem & folia primi ordinis sunt exiccantiū & abstergentium. Plus tamen inest abstergentis facultatis in radice quā in folijs.

VIREs.

EX DIOSCORIDE.

Lirinum oleum. Ex Lilij flore unguentū fit quod ab alijs Lirinum, ab alijs Susinum appellatur, ad emolliendos neruos, priuatimq; uuluarum durities aptum. Folia herbę illita, serpentium moribus subueniunt. Feruefacta ambustis profunt. Eadem in aceto condita uulneribus opitulantur. Succus foliorum cum aceto & melle in æreo uase coctus, cōtra uetusta ulcera, & recentia uulnera medicamentū fit. Radix assa, aut cum rosaceo trita ambustis medetur, uuluam emollit, menstrua ducit, & ulceribus cicatricem inducit. Cum melle subacta neruorum præcisionibus & luxatis auxiliatur. Alphos, lepras, furfuresq; emendat. Achores abstergit, faciemq; emendat & erugat. Testiculorū inflammationes trita cum aceto, aut Hyoscyami folijs, & farina triticea demulcet. Semen contra serpentū morsus potum ualet. Illinuntur sacris ignibus semen & folia cum uino trita.

EX GALENO.

Quod ex flore Lilij conficitur oleum & unguentum, citra mordicationem digerendi simulq; emolliendi facultatem obtinet. Vnde fit ut uteri duritiēbus sit aptissimum. Porro radix foliaq; per se trita desiccant & abstergunt & digerunt moderatē: proinde quoque ambustis competunt: siquidem hęc quoq; moderatē desiccantem extergentemq; facultatem postulat. Radicem ergo assam tostamue, ac deinde cum rosaceo cōtritā, ambustis quoad obducatur cicatrix imponunt: quippe cum alioqui & aliorum ulcerum omniū bonum sit inducendæ cicatrici remediū. Quin etiam uteros emollit, mensesq; prouocat. Folia uerò præcoquentes, & ipsa ad obductam usq; cicatricem imponunt, non in ambustionibus duntaxat, sed alijs quoq; uulneribus. Sed sunt qui aceto ea cōdientes ad uulnera suo tempore utant. Quum alphos, aut pforam, aut lepram, aut achoras, aut aliquid id genus extergere uolumus, cōmiscemus illi aliquid aliorum medicamentorū ualidius extergentiū, cuiusmodi mel est. Cæterū si id moderatē illi ac cōuenienter admisceatur, & ad neruorū diuisiones competit, & ad alia uniuersa quæ ualenter exiccari postulant absq; morfu. Imposuimus uerò etiam quandoq; & foliorū succum cum aceto & melle coctū. Quinque partibus succi plus utroq; erat, atq; insigne medicamen ad omnia ea quæ exiccari postulant absq; morfu fuit, ceu uulnera omnia ingentia, & maximē quæ in capitibus musculorū eueniunt, & quæcuncq; humida flaccidāue, diuturna & ægrē ad cicatricem perducuntur.

EX PLINIO.

Lilij radices multis modis florem suum nobilitauerunt, contra serpentium ictus ex uino potæ, & contra fungorum uenena. Propter clauos pedum in uino decoquantur,

A quuntur, triduoq̃ non soluuntur. Cum adipe aut oleo decoctæ pilos adustis reddunt. Emulso potæ inutilem sanguinem cum aluo trahunt. Lienî & ruptis & uulsis profunt. Et menstruis sceminarum in uino decoctæ. Impositæq̃ cum melle neruis præcisis medentur. Lichenas, lepras & furfures in facie emendant. Erugant corpora. Folia in aceto cocta uulneribus imponuntur. Epiphoris testiũ in melle cum Hyoscyamo & farina tritici. Semen illinitur igni sacro. Flos & folia ulcerum uetustati imponuntur. Succus qui flore expressus est ab alijs mel, ab alijs syrium uocatur, ad emolliendas uuluas utilis. Sudores mouet, suppurationes concoquit.

EX SYMEONE SETHI.

Odoratum frigido capiti prodest. Oleum uerò quod ex ipso paratur, uim habet discutiendi & emolliendi. Huius autem radice quidam utuntur ad uulnerum sanationem.

DE CUCURBITA SATIVA. CAP. CXXXVII.

NOMINA.



ΚΑΛΟΚΥΝΘΑ ἰσώδιμοι Græcis, Cucurbita Latinis uocatur; officinæ

latinum nomen retinuerunt. Germanis Kürbß. Græci ex aduerso uocabulum imposuere, καλοκύβηρ nominantes, quod scilicet pumili bre-

καλοκύβηρ quare nominata.

uesq̃ sint partus, quos ipsa pascim enititur, cum tamen corporis mole omnes herbarum arborumue fructus uideantur superare. Cucurbitā uerò Latini à concuruatu haud dubiè dixerunt, quod facile si quid obstiterit aut fuerit impedimento quo minus extendatur, incuruescat.

Cucurbita curdita.

GENERA.

B Plinius lib. xix. cap. v. duo satiuæ Cucurbitæ genera facit. Vnam camerariā uocatam, quæ facili & admodū flexibili ramorū curuitate, tecta, pergulas & testudines operit. Alterā plebeiam, quæ scilicet suis flagellis humi repit. Nos ad formā respicientes tria eiusdem genera fecimus. Vnam maiorē, altera uerò minorem. Maiorem uocauimus sic à floribus & fructu, quos maiores habet. Minorem contrā, quæ prædicta minora obtinet. Tertiam longiorē, à fructu oblongiore diximus.

FORMA.

Cucurbita amplexicaulis est, reptantibus flagellis in altum scandens, in ramosq̃ uitis modo se diffundit; tamen ob caulis infirmitatē, humi spargitur, ni propius adsit cui caducus innitatur: folio rotundo, Personatiæ aut Afari folijs haud dissimili; flore candido, fructu coloris herbacei primum, flauī paulò post, pyri forma turbinato, qui aut in longum prorogatur, aut in orbem collectus intumescit, aut in breue crassamentū cogitur. Cortex recenti tener, inueterato durus, quo carne prius exinanito peregrè proficiscentes urceorū uice frequenter utuntur in co uina condentes, quo per iter se à sitis iniuria uindicare possint.

LOCVS.

Amat rigua & aquosa loca Cucurbita, nec nisi fata prouenit.

TEMPVS.

Tardius in Germania ob soli frigiditatem fructus Cucurbitæ maturefcit, ideoq̃ uix ante exactum autumnū maturum eius fructum inuenies. Cibus autem quotidianus, donec lignescat, esse potest.


TEMPERAMENTVM.

Cucurbita frigida & humidaq̃ temperaturæ est, utraq̃ qualitate secundi ordinis.


VIRES. EX DIOSCORIDE.

Cucurbita cruda trita & illita, oedemata, abscessusq̃ mitigat. Ramenta eius

h 4 infan.



CUCURBITA
MAIOR.
Grosß Kürbis.




CUCURBITA
MINOR.
Klein Kürbis.

370

CUCURBITA
OBLONGA.

'Lang Kürb.'.



A infantibus contra capitis ardorem, quam siriasin uocant, in sincipite utiliter illinuntur. Oculorū inflammationes, podagrasq; similiter iuuant. Succus è ramentis contusis per se, & cum rosaceo instillatus, aurium doloribus auxiliatur. Aduersiones cutis inunctus adiuuat. Totius Cucurbitæ elixæ & expressæ succus cum exiguo melle & nitro potus, aluum leniter soluit. Si quis in Cucurbitā crudam excavatā uinū infundat, & sub dīo habeat, temperatumq; ieiunus bibat, aluum leniter molliet.

EX GALENO.

Succus ramentorū Cucurbitæ ad aurium dolores cum phlegmone iunctos, cum rosaceo utentibus prodest. Sic tota quoq; illita calidas phlegmonas mediocriter refrigerat. Comesta humida est, & sitim arcet. Cruda cibo insuauis est, stomacho perniciofa, & concoctu planè inexpugnabilis, adeò ut si quis alterius cibi inopiaingere eam cōpellatur, ceu quidam iam ausus est, pondus cum algore uentriculo incumbere sit sensurus, stomachumq; euertet, & ad uomitionē concitabit, quæ una eum ab urgentibus symptomatis liberare potest. Hanc igitur, aliāq; ex fugacibus cōplura, aut mox quā elixata est, aut frictam in sartagine, aut assam omnes homines esse consueuerunt. Ipsa quantum in se est, humidū frigidumq; corpori alimentū præbet, acidipsum ea de causa exiguum, sed leuiter per aluum subit, cum ob suæ substantiæ lubricitatem, tum ob cōmunem omnium humidorū ciborū rationem, qui scilicet citra adstrictiones tales sunt. Nec sanè infeliciter cōcoquitur, modo non anteuertat corruptio. Plura lib. ij. de aliment. facult. Galenus.


EX PLINIO VALERIANO.

B Veteres medici de Cucurbita ita senserunt, ut eam aquam dicerent coagulātā. Galenus humidæ putat uirtutis & frigidæ, idq; ex eo probat, quod ipsa in cibo sumpta stomachū relaxat, bibendi desideria non excitat. Cætera etiam in Cucurbita talia ut apertè frigidæ potestatis exempla demonstret. Crudæ & tritæ leniunt omnē tumorem. In cibo sumptæ molliunt uentrem. Succus earum, ut Galenus ait, ad cōpescendum uelociter auriculæ dolorem tepesfactus infunditur. Idem succus & dolorem dentiū mitigat, si diutius in ore teneatur. Sed & rosaceo mixtus, & unctioni corporis admotus, febriū restinguit ardores. Cinis aridæ corticis efficaciter potest combusta sanare. Eundem cinerē didicimus ab expertis uulnera in ueretro iam in putredinem uersa purgare, & ad cicatricem usq; perducere. Semini sicco illa uis traditur, ut in puluerem tusum & inspersum impleat uulnera quæ cauata sunt. Quidam illud in uino bibendum dedere, ut solutiones alui fluentis inhiiberet. Viticulæ quoq; Cucurbitæ iam senescentes cum passo & aceto dysentericis datæ, miro modo faucia intestina componunt.

EX SYMEONE SETHI.

Concoctu facilis, boniq; succi est, & admodū nutrit. Sitim sedat, urinā cit, & uentrem mouet. Calidis & siccis tēperaturis prodest, & inflāmationes uentris & iccoris sedat. Pituifosos autem lēdit, colicosq; affectus. Si malos humores assequitur, ab ijs corrumpitur, & malum succum generat. Semen genitale minuit, & Veneris appetentiam extinguit. Sanguis ex ea procreatus, consistentia tenuis est. Thoraci, pulmonī & uesicæ prodest. Succus ramentorum eius, cum rosaceo impositus, ad aures inflammatione laborantes confert. Integra uerò illita, calidas inflāmationes refrigerat.

DE CO-



NOMINA.



ΚΟΛΟΚΥΝΘΙΣ Græcis, syluestris Cucurbita Latinis, Coloquintida *Coloquintida.*
 barbaris & officinis, Germanis wilder Kürbß/ uel Coloquint appellatur. Sic autem nominata est, quasi parua Cucurbita. Nam si eius fructum cum fructu satiuæ contuleris, quantitate longe minor erit, ac pilæ *Colocynthis una de dicta.*
 forma in orbem coactus.

FORMA.

Vitulas foliaq; per terram strata emittit, satiuo Cucumeri, ei nimirum quem Citrulum hodie officinæ uocant, similia, diuisuris scissa, fructum rotundū, medio-cri pilæ similem, uehementer amarum, fungosa candidaq; intus medulla: flores, quod Dioscorides omisit, pallescentes ac luteos, Cucumeri iam nominato similes.

LOCVS.

In Germania sua sponte non nascitur, sata tamen prouenit, sed rarissimè perfectionem attingit, quod frigidior sit eius terra quàm quod in ea fructum proferre possit. In orientalibus enim & calidioribus locis nata ad nos defertur.

TEMPVS.

Eius flores in fine ferè æstatis, fructus autem extremo autumnno apparent, qui primum quidem herbacei, mox pallidi fiunt. Legendi uerò sunt cum cœperint in pallidiorem colorem demutari. Et durat integris natura & uiribus ad quinque annos.

TEMPERAMENTVM.

Calefacit & desiccant in tertio ordine.

VIRES. EX DIOSCORIDE.


Medulla fructus purgandi uim habet, quatuor obolorum pondere cum mulla aqua sumpta, & cum nitro, myrrha & melle coacta in catapotium. Arefactæ pilæ *B* tritæ, utiliter miscentur clysteribus ischiadicorum, resolutionis neruorum, & colico dolore affectorum, pituitam, bilem & strigmenta, interdum etiam cruenta educētes. Appositæ fœtus enecant. Dentium dolores, si quis repurget hanc, & luto oblinat, & in aceto nitroq; inferuescat, & ad colluendos dentes det, tollit. Si uerò quis aquam mullam aut passum in ea decoxerit, & sub dio refrigeratum bibendum dederit, crassos humores & strigmenta purgat. Stomacho supra modum aduersatur. Sed etiam ex ea balani subiiciuntur, ad excrementa eijcienda. Quinetiā uirentis succo, ischiadici utiliter perfricantur.

EX GALENO.

Colocynthis gustu amara est. Sed quæ amarissimo dum potatur adsunt opera medicamento, ea euidenter efficere nequit, ob purgatoriam facultatem quam ualidam in se continet, nimirum cum ijs quæ expurgat, per aluum & ipsa excerni præuertens. Viridis ipsius succus intritus ischiadicis prodest.

EX PLINIO.

Herbacea arefacta per se inanit aluum. Infusa quoque clysteribus intestinorum omnium uitij medetur, & renū, & lumborum, & paralyti eiecto semine. Aqua mulla in ea decoquitur ad dimidias, sic tussienti infunditur obolis quatuor. Prodest & stomacho, farinæ aridæ pilulis cum decocto melle sumptis. In morbo uerò regio utiliter semina eius insumuntur, & protinus aqua mulla. Carnes eius cum ablinthio & sale dentium dolorem tollunt. Succus uerò cum aceto calefactus mobilis sistit. Item spinæ & lumborum ac coxarum dolores, cum oleo si infricetur. Præterea, mirum dictu, semina eius si fuerint pari numero adalligata febribus, sanare dicuntur quas Græci periodicas uocant.



COTONEA
MALV. S.

Küttenbaum.

A

NOMINA.



ΚΥΔΩΝΙΑ *μυλέα* Græcis, Mâlus Cotonea & Cydonia Latinis, officinis Citonia, Germanis *Küttenbaum* nominatur. Cydoniam uerò Græci à Cydone Cretæ oppido, unde primum aduecta est, dixerunt. Cotonia uerò à Sidonte Corinthi uico nominata est. Sunt tamen qui sic uocatam uelint, quod mâla eius lana quadam tegi uideantur, quæ coton dicitur. At qui in re non admodum magni momenti, parum refert utram amplectaris sententiâ.

*Cydonia unde dicta.
Cotonea.*

GENERA.

Cotoneæ arboris mâla Dioscoride & Galeno autoribus duum sunt generum. Alia enim minora, rotunda, odoratiora quæ sunt, quæ uera Cotonea appellantur. Alia autem maiora, dulciora, ac minus acerba, Galeno in fine libri sexti de tuenda sanitate teste, Struthea nuncupantur.

Struthea.

FORMA.

Arbor notior est quam ut debeat representari. Mâlo uulgari haud dissimilis est, nisi quod infra magnitudinem illius subsidet, fructu scilicet incuruatos deprimentes ramos, prohibenteque parentem crescere. Folium quoque eius angustius à terra albicat. Poma tenui lanugine pubescunt, & incisuris crispantur, ut pictura affabre ostendit.

LOCVS.

In cultis & hortis prouenit. Locum tamē peculiariter & frigidum & humidum desiderat. Si in calido statuitur, assidua irrigatione illi succurri opus est: fert tamen mediocris situs, inter frigoris & caloris naturam, statum. Planis & decliuis gaudet.

TEMPVS.

Autumno poma eius maturescunt.

B

TEMPERAMENTVM.

Mâla Cotonea frigido & terrestri temperamento donata sunt, propterque uincen-tem adstrictionem minus cæteris mâlis humida existunt. Frigida itaque sunt primo ordine, & sicca secundo.

VIRE. EX DIOSCORIDE.

Cotonea stomacho accommodata sunt, urinam mouent. Tosta mitiora fiunt. Cœliacis, dysentericis, purulenta excreantibus, cholericis prosunt, præsertim cruda. Maceratorum liquor potus stomachi atque alui fluxionibus opitulatur. Succus crudorum assumptus orthopnoicis auxilio est. Decocto eorum sedes & uulvæ procidentibus proluuntur. Quæ melle condiuntur, urinam cient, mel autem naturam eorum induit: quippe adstringens & conspissans obstruensue fit. Quæ autem cum melle coquuntur, stomacho utilia sunt, & gustu iucunda, minus autem cōstringunt. Cruda cataplasmatibus miscentur ad cohibendam aluum, contraque stomachi subuersionem & ardorem, mammarum inflammationes, lienes induratos & cōdylomata. Fit uinum ex ijs tuis & expressis, sed quo perduret, sedecim sextarijs succi, unus mellis adijcitur, alioqui acefcit. Prodest autem ad omnia quæ dicta sunt. Vnguentum etiam ex ipsis cōficitur, quod Melinum appellatur, quo utimur quando adstringenti oleo opus est. Eligi oportet uera, quæ parua, rotunda & odorata sunt. Struthea autem uocata & magna, minus utilia. Flos & uiridis & siccus cataplasmatibus utilis, ijs potissimum quæ adstrictionem desiderant conueniens. Inflammationibus oculorum, sanguinis reiectionibus, alui fluxionibus, mensiumque impetui cum uino potus prodest.

Vnguentum melinum.

EX GALENO.

Eximium quid Cotonea præ alijs mâlis possident: nam & plus adstringunt, & durabilem succum habent, si cocta cum melle asseruare quis cupiat. Aliorum succus

i 2 repositi-

C repositus acescit, utpote frigida humiditate multa redundans. Strutheorum quoque succus perennare potest ubi recte fuerit prae paratus, quemadmodum & Cotoneorum: uerum hic minus suauis & iucundus est, maximeque adstringit, ita ut huius quoque aliquando usus sit idoneus ad uentris maiorem in modum dissoluti robur restituendum.

EX PLINIO.

Cotonea cocta suauiora. Cruda tamen duntaxat matura, profunt sanguine excreantibus, ac dysentericis, cholericis, coeliacis. Non idem possunt decocta, quoniam amittunt costringentem illam uim succi. Imponunt & pectori in febris ardoribus, & tum decoquuntur in aqua, ad eadem quae suprascripta sunt. Ad stomachi autem dolores cruda decoctaue cerati modo imponuntur. Lanugo eorum carbunculos sanat, cocta in uino, & illita cum cera. Alopecij capillum reddunt. Quae ex ijs cruda in melle condiuntur, urinam mouent. Mellis autem suauitati multum adijciunt, stomachoque id utilius faciunt. Quae uero in melle condiuntur cocta, quidam ad stomachi uitia trita cum rosaceo folijs decoctis dant pro cibo. Succus crudorum lienibus, orthopnoicis, hydropicis prodest. Item mammis, condylomatibus, uaricibus. Flos & uiridis & siccus, inflammationibus oculorum, excreationibus sanguinis, mensibus mulierum. Fit & succus ex ijs mitis, cum uino dulci tusus, utilis & coeliacis & iecinori. Decocto quoque eorum fouentur, si procidant uuluae & interanea. Fit & oleum ex ijs, quod Melinum uocauimus, quoties non fuerint in humidis nata. Minus utilia Struthea, quamuis cognata.

EX SYMEONE SETHI.

Stomachum adstringunt & corroborant, & ante cibum sumpta uentrem cohibent, urinam prouocant. Si ad satietatem edantur, difficulter decoquuntur. Dulcia minus adstringunt, acida uero magis, uomitumque compescunt. Post cibum sumpta uentrem mouent: sed quibus est imbecilla facultas uentris retentrix, & excretrix ualida, plus cibi accipiant. Mansa a potu, uini uapore in caput distribui prohibent. Si qua praegrans, ut fertur, crebrius haec comedat, puerum industrium & uersutum pariet.

DE CASTANEA CAP. CXL

NOMINA.



Castaneae unde dictae.

Sardianae glandes.

KASTANA, ἡ διὸς βάλαν, ἡ σαρδανία βάλαν, ἡ λόπιμον Græcis: Castanea, Sardiana glans, Iouis glans, Nuxque castanea Latinis appellatur. Germanis nostris Castani/uel Kesten uocant. Castaneae autem a Castano Magnesiæ oppido, unde primum aduectae sunt, nominatas esse constat. Sardianae uero glandes, quoniam in Sardinia optimae nascantur.

FORMA.

Arbor est uulgo cognita, Iuglandi haudquaquam dissimilis, folio tantum uenoso fiore & fimbriato. Nux quam producit intus solida, & plurimum plana, triplici tegminis ambitu septa, membrana primum amara, mox lento cortice, demum echinato calyce.

LOCVS.

Puram & resolutam terram desiderat, opacoque & septentrionali cliuo læta. Montes & ualles diligit. In plerisque Germaniæ locis copiosissima prouenit.


TEMPVS.

Ineunte uere germinat, seriusque Vergiliarum occasu fructificat.

TEMPERAMENTVM.

Adstringit & exiccat Castanea haud secus quam aliae glandes. Calida uero & sicca est primo ordine,

VIREs.



CASTANEA

Resten.

C

VIREs. EX DIOSCORIDE.

Castaneæ adstringunt, eademq; quæ glandes possunt. Potissimū autem quæ inter carnem & corticem membrana est. Caro his qui Ephemeron, hoc est, Colchicon, biberunt, accommodata est.

EX GALENO.

Castaneæ inter omnes glandes principatum tenent, solæq; syluestrium fructuū alimentum memorabile corporibus præbent.

EX PLINIO.

Castaneæ uehementer sistunt stomachi & uentris fluxiones, sanguinē excreantibus profunt, carnes alunt.

EX PLINIO VALERIANO.

Castaneæ ex omnibus fortissimū quidem cibum corpori præstant, sed qui difficile concoquatur. Coctæ autem in carbonibus, uel in fictili uase sicco assatæ, & cum melle ieiunis datæ, tussientibus profunt. Aqua in qua cum suo cortice decoquuntur, coeliacis, dysentericis, sanguinemq; excreantibus bibenda haud inutiliter propinat. Interior membrana quæ corticē fructumq; discernit, ad tertiam partem decocta in aqua & potui oblata, mirè aluum fluentē refrenat, adeò ut Dioscorides putet etiam cathartico dato, per hanc potionem iri obuiam posse, si plusquā necesse sit, purget.

EX SYMEONE SETHI.

Copiosum corpori alimentum præbent, tardè transeunt, & difficulter coquuntur. Crassum humorē, capitis dolorem, & flatu efficiunt, uentremq; sistunt. Si torreantur, aut siccentur, multum nocementi deponunt.

APPENDIX.

Capitis dolores creant. Inflationes pariunt, cōcoctu difficiles. Tostæ tamen crudis innocentiores sunt. Arefactæ multum noxæ remittunt. Tritæ cum melle & sale rabiosorum canum moribus imponuntur. Mammarū duritias discutiunt, cum hordeaceo polline & aceto impositæ, ijsq; uino maceratis, & cum farina subactis, pessi uice utuntur ad suppressendos menses.

DE CARYO BASILICO CAP. CXLI

NOMINA.

Caryon unde
Græci appellat
larint.



Basilica & Persica
cur dicta.

Iuglans.

ΚΑΡΥΟΝ βασιλικόν Græcis, Regia nux & Persica, Iuglansq; Latinis: officinis Nux simpliciter, Germanis Welschnuß appellatur. Καρυον autem Græcis à capitis grauedine uocatam esse notissimum est. Nam folia arboris huius grauē expirant halitū, uiresq; eius in cerebrum penetrāt, atque adeo eos sopore tentans lædit qui sub arbore decubuerint. Basilicā uerò, Regiamue & Persicam, eò quod è Perside primum in Græciam à regibus delata sit, dictam esse constat. Iuglandem à iuuando & glande nominatam existimant.

FORMA.


Umbra Iuglandis
arboris infat
lubris.

Arbor est pregrandis, multis prælongisq; nixa radicibus, procero caudice, multis summatim ramis ingentibus brachiato, ad binū ternūue cubitorū complexus sæpius crassescente, cortice hiulco, & in rimas altas dehiscente, folijs latis, oblongis, è iucundo grauius subolentibus, patulamq; iaculantibus umbram & infatubrem, per autumnum deciduis. Verni temporis initio ueluti quodam gestiente foliorum conceptu, panicula prælonga, callo squamatim compactili protracta, ordine nucis pineæ protuberat, dehiscitq;. Flauescens statim quàm frondem facere coepit, nutans caducaq; prolabitur. Tum super ramenti huius pediculū flos erumpit, totidemq; calyculacea tegumenta quot flores petiolo contrahuntur, singulisq; ijs singulæ includuntur nucs, multis munitæ inuolucris, primum herbaceo cortice, mox ligneo putamine, dein tenui tunica. Crispi intus nuclei quadripartitò digerun-

IVGLANS

Welschnuß.

i 4



C geruntur, lignosa intercedente membrana.

LOCVS.

Montibus læta, aquasque odit. Passim in omnibus, ferè Germaniæ hortis provenit.

TEMPVS.

Germinat post afflatum Fauonii, non cacumine, ut maxima pars arborum, sed lateribus impulso priore pullulo. Fructificat autumnus.

TEMPERAMENTVM.

Huius temperamentum ex uirium enarratione patebit. Virides uerò nuges primo ordine siccae, secundo uerò calidae censentur.

VIRES. EX DIOSCORIDE.

Nuges iuglandes difficiles cōcoctu, stomacho inutiles, bilem augent, capitis dolorem faciunt, tussientibus inimicæ. Ad uomitiones ieiunis in cibo utiles. Præsumptæ & à cibo comestæ cum caricis & ruta letalibus uenenis aduersantur. Largius esitata latos lumbricos pellunt. Illinuntur mammarum inflammationi, abscessibus, luxatisque cum exiguo melle & ruta. Cum cepa uerò, sale & melle, canis hominisque morlui conferunt. Tormina cum putamine suo crematæ & umbilico admotæ sedant. Cortex combustus, tritusque in uino & oleo, infantibus inunctus capillos elegantes efficit, alopeciasque replet. Sistit menses crematum tritumque, & cum uino admotum quod intra nuges clauditur. Vetusarum autem nucum nudei illiti, gangrænas, carbunculos, ægilopas & alopecias cōmanducati & impositi celeriter sanant. Fit etiam ex ijs contusis & expressis oleum. Recentes nuges stomacho minus nocent, dulciores enim sunt. Quam ob causam alijs miscentur, ut acrimoniam auferant. Illitu liuores quoque tollunt.

EX GALENO.

D Arbor tum in germinibus, tum in folijs adstrictionem quandam possidet. Cæterum euidentem & plurimam in nucis putamine recenti & sicco: proinde eo fullores quoque utuntur. At nos ea exprimentes, succo similiter ut mororum & ruborum decocto in melle, ut stomatico medicamento utimur, & ad omnia reliqua ad quæ modo dicti succi cōueniunt. Porro nucis ipsius quod edendo est, oleosum est & tenuium partium, ideoque etiam facile† exprimitur: & quo diutius reconditum fuerit, magis tale efficitur. Quamobrè oleum ex eo inueterato exprimere licet: tunc sanè admodum discutiens fit, ut eo nonnulli gangrænas, & carbunculos, & ægilopas sanent: nonnulli uerò etiam ad neruos uulneratos utuntur. Cæterum si recens sit adstringentis nonnihil qualitatis quoque obtinet. At quod imperfectum est etiamdum, & nondum siccum, ueluti reliqui fructus omnes qui uirides sunt, plenum est semicoc-
tæ humiditatis. Cortex tamen eius ubi inaruit, tenuium partium & exiccatorium est medicamentum, morsus expers.

† Aliàs ἐκχολῶται, in bilem uertitur.

EX PLINIO.

Arborum ipsarum foliorumque uires, in cerebrum penetrant, hocque minore momento, sed in cibis, nudei faciunt. Sunt autem recentes iucundiores, siccae unguinosiores, & stomacho inutiles, difficiles cōcoctu, dolorè capitis inferentes, tussientibus inimicæ, & uomituris ieiunis aptæ in tenasmo solo: trahunt enim pituitam. Eadem præsumptæ uenena hebetant. Item anginam cum ruta & oleo. Item aduersantur cepis, leniuntque earum saporem. Auriū inflammationi imponuntur cum mellis exiguo. Item cum ruta mammis & luxatis. Cum cepa autē & sale & melle, canis hominisque morlui. Putamine nucis iuglandis, dens cauus inuritur. Putamen combustum tritumque in oleo aut uino, infantiū capite peruncto, nutrit capillum: & ad alopecias sic utuntur. Quo plures quis nuges ederit, hoc facilius tineas pellit. Et quæ perueteres sunt nuges gangrænis & carbunculis medentur. Item sugillatis. Cortex iuglandiū lichenum uitio & dysentericis prodest. Folia trita cum aceto, aurium dolori. In sanctuarijs Mithridatis maximi Regis deuicti, Cn. Pompeius inuenit in peculiari cō-
menta-

A mentario ipsius manu compositionē antidoti, duabus nucibus siccis, item ficis totidem, & rutæ folijs uiginti simul tritis, addito salis grano: & qui hoc ieiunus sumat, nullum uenenum nociturum illo die. Contra rabiosi quoque canis morsus, nuclei à ieiuno homine cōmanducati illitiq̃, præsenti remedio esse dicuntur.

EX PLINIO VALERIANO.

Nux uiridis, utpote adhuc aquatoris humoris, styptica & frigida uirtute censet̃. Potest deniq̃ & stomacho aliquid uigoris acquirere, & uentrē cum garo sumpta mollire. Noces autē siccae, durę, cum caricis duabus, & uiginti rutæ folijs addito salis grano simul cōteruntur, nullisq̃ uenenis opprimi poterit ea die quisquis ieiunus acceperit. Inter Calendas & Idus Iulij centum numero noces statim ut arbori demptæ sunt cortice adhærente quassantur: his admiscuntur aluminis scissi libræ tres, & in nouo fictili uase ponuntur: super hæc infunduntur olei boni libræ tres, & diligenter in loco neq̃ humido, neq̃ nimium sicco obruunt̃, post nonaginta dies dabunt oleum, quod fluentium capillorum damna restituit.

EX SYMEONE SETHI.

Virides uentrem mouent, quamobrē quidam ante cibum cum sapo comedunt. Facilius etiam quàm amygdalæ concoquuntur. Aridæ in ore inflammationes & plagas efficiunt. Stomacho meliores fiunt, si cum caricis edantur. Ferunt etiam eum qui noces cum caricis & ruta ante reliquos cibos esitauerit, non magnopere à uenenatis medicamentis lædi. Cōcoquuntur facilē noces in frigidis uentriculis, in calidis uerò in bilem magis mutantur. Faucium & capitis dolorem afferunt, & tussēs augent. Ante alios cibos sumptæ, uomitum adiuuant. Ad satietatem comestas, lumbricos educere scimus. Ad dentium pruritus utiles sunt.

DE CALTHA CAP. CXLII

NOMINA.



VO nomine Græci plantam hanc appellauerint, fateor ingentē mihi nondum constare. Latinis autem dicta uidetur Caltha uel Calthula, quam uocē deinde corrumpentes officinę, in Calendulam immutarūt. Quamquam uerisimile etiam sit, sic nominatam esse, quod omnibus mensium Calendis fruticare comperiatur. Atque hinc sit quod nonnulli florem omnium mensium appellent. Germani *Ängelblumen* uocant, ab intorto, & in circulum acto semine.

Calendula quæ dicta.

Flos omnium mensium.

FORMA.

Herba est fruticosa, caule dodrantali, lignoso, folijs longiusculis, in angustum desinentibus, floribus speciosis, croceis luteisque, non ingrati, quamuis grauis, odoris, qua dote in coronamenta uenit: semine, cuius uagina corpionis caudam imitatur: radice simplici, multo capillitio fibrata. Cur autem hanc herbam Caltham esse credam, facit in primis Plinius, qui lib. uigesimo primo, capite sexto, Caltham odore grauem esse scribit. Dein Virgilius qui *Ægloga* secunda sic canit: *Mollia luteola pingit uacinia Caltha*. Luteolam, à luteo florū haud dubiē colore, nominans.

LOCVS.

Prouenit in cultis, atq̃ uix hortum inuenies in quo non copiose nascatur.


TEMPVS.

Singulis ferē mensium Calendis, ut diximus, florere deprehenditur, Maio incipiens mense. Magis autem autumnus eiusdem emicant flores.

TEMPERAMENTVM.

Calidam & siccam esse statuunt, neq̃ id immeritò, quandoquidē dulcedine modica cum amaritudine coniuncta participet.

VIRES



CALTHA

Ringelblüm.

A

VIRESEXRECENTIORIBVS.

Herba ipsa adhibetur condimentis & acetarijs. Flos ex uino potus ciet menses: item herbæ succus, quo in dentium dolore os presentaneo remedio colluitur. Non parum etiam eius flos ad flauos reddendos capillos conducit. Idem, perinde atque ipsa herba, secundas educit mirificè, si aridus suffitibus admotus fuerit.

DECARYOPHYLLATA CAP. CXLIII.

NOMINA.



VALITER Græcis & antiquis Latinis scriptoribus hæc herba nominata sit, nondum compertum habeo. Cur enim Dioscoridis Lagopum *Caryophyllata* non esse credam, etsi paniculum pedi leporino prorsus similem habeat, *nō est Lagopus.* facit quod in manuscripto & peruetusto herbario seorsim descriptā & depictā utranq; herbam uiderim. Pictura autem Lagopi longè aliam herbam, quæ in segetibus nascitur, quàm sit Caryophyllata, exprimit: de qua suo loco dicemus. Neq; desunt qui herbam hanc de qua agimus, Geum Plinio dictam uelint, quorū certè sententia periculo uacat, quod eadem facultas utrisq; radicibus sit. Sed ad institutum reuertamur. Herbam quam recentiores Latini Caryophyllatam, ab odoris suauitate quam radices de se præbent, nominant, uulgus herbam Benedictam, *Benedicta.* à diuina sua efficacia, & Sanamundam appellant. Germani *Sanamunda.* Benedictenwurz.

GENERA.

Duo esse eius herbæ genera animaduerti, non tamen multum à se dissidentia. Primum genus Caryophyllatam hortensem uocauimus, cui ex cultura aliqua te- *Caryophyllata* neritas accedit in folijs, floribus & paniculis. Flos huic paulò minor & pallidior *hortensis.* quàm syluestri. Germanicè *garten / oder heymisch* Benedictenwurz appellari potest. Alterum huius herbæ genus Caryophyllatam syluestrem diximus, quod *Caryophyllata* scilicet citra culturam proueniat. Flores eius multo maiores, magisq; ad croci colo- *syluestris.* rem accedunt. Germanicè *wild* Benedictenwurz nominari cōmodè potest. Differentiam tamen nemo rectius quàm ipsa pictura demonstrabit.

FORMA.

Caulis illi sesquicubitalis, geniculatus, angustus, terna è pediculo longo folia articulatim exeuntia, per ambitum serrata, bina etiam prioribus minora, singula genicula cingunt. E medio alarum sinu ramuli funduntur tenues, quibus in summis flos luteus emicat, quo succusso caput extuberat circinatis acinulis cumulatè stipatum, quasi rudimentum eluceat naturæ fragum inchoantis. Radix multis luteis capillamentis fibrata, Caryophyllon olet.

LOCVS.

Primum in hortis plantatum prouenit. Alterum in montanis, opacis, & iuxta sepes nascitur.

TEMPVS.


Floret Maio & Iunio mensibus.

TEMPERAMENTVM.

Recentiores, & peruetustus etiam herbarius, calidam & siccam esse in secundo ordine statuunt. Folia sanè in gustu non mediocrem adstrictionem ostendunt. Radix itidem haud paruum adstrictionem obtinet.


VIRESEXRECENTIORIBVS.

Radix eius luto & sordibus eluta siccatur, & imbre aceti respersa arceas & uestes iucundo cōmendat odore. Decoctum huius sumitur ad perficiendas concoctiones, sedandosq; coli dolores. Radix eius pectoris laterisq; dolores & cruditates iucundo sapore discutit. Manuscriptus herbarius facultatem habere dissoluendi, digerendi, & obstructions tollendi scribit, Fomentū item ex uino decoctionis eius menses



CARYOPHYLLATA
HORTENSIS.

Garten Benedictenwurz.



CARYOPHYLLATA
SYLVESTRIS.

Wild Benedictenwurz.

k

centes ciere. Contra uenena tritam cum uino sumptam ualere. Cōcoctionem prætereâ roborare, dolorem uentriculi & intestinorū à frigidityte aut flatibus ortum, decoctam in uino sanare ait. Mirificè etiam ad interna uulnera huius herbæ decoctum confert. Externa uerò ex ea collui debent.

DE CENTAVRIO MINORE CAP. CXLIH.

NOMINA.

CENTAVRION μικρόν, ἢ λιμνίστιον, καὶ λιμναῖον Græcis, Febrifuga & Fel terræ Latinis, officinis Centauria minor, Germanis Klein Tausendtguldenkraut / Sieberkraut / Erdgall / & Biberkraut appellatur. Centaurium, quod ea curatus dicit Chiron Centaurus, cum Herculis excepti hospitio pertractanti arma sagitta excidisset in pedem. Limnesion & Limnæum, quod secundū aquarum scatebras ac paludes, quas Græci λίμνας dicunt, nascatur. Febrifuga, eo quod febres fugat, & procul è corpore pellat. Fel terræ, ob summam quam habet amaritudinem.

Centaurium unde dictum.

Limnesium.

Febrifuga.

Fel terræ.

FORMA.

Herba est Hyperico Origanoue similis, caulem habens altitudine supra dodrantem, angulosum. Flores in puniceo colore subpurpurascens, ad Lychnidis flores accedentes. Folijs paruis & oblongis ueluti Rutæ. Semen tritico simile. Radicem exiguum, inutilem & leuem.

LOCVS.

Propter lacus & rigua loca, Dioscoride autore, nascitur. Apuleio uerò teste in solidis & fortibus quoque locis prouenit, id quod non raro in Germania nostra accidere compertum habeo.

TEMPVS.

Floret æstate & autumnò, quo maximè tempore, quia semine est prægnans, colligitur.

TEMPERAMENTVM.

In folijs & floribus uincit qualitas amara paululum obtinens adstrictionis, atque propter eiusmodi temperamentum admodum exiccatorium est medicamentum, expers mordacitatis.

VIRE.

EX DIOSCORIDE.

Herba ipsa adhuc uirens tusa & illita uulnera glutinat. Vlcera uetera purgat, & cicatrice obducit. Biliosa & crassa per aluum ducit. Decoctum eiusdem ischiadicis cōmodè infunditur, sanguinem educens, & à dolore leuans. Succus ad oculorum medicamenta perutilis, cum melle quæ pupillas obtenebrant expurgans. In pello ad motus menses ac foetus educit. Priuatim potus neruorum affectibus succurrit.

EX GALENO.

Centaurij minoris radix prorsus inefficax est. Rami uerò & potissimum folia quæ in ijs sunt atque flores, utiliora. Vlcera magna herba ipsa adhuc recens illita glutinat. Vetera quoque & quæ ægrè ad cicatricem perducì possunt eodem modo utentibus cicatrice obducuntur. Arefacta glutinatorijs & desiccatorijs miscetur facultatibus, ijs uidelicet quæ sinus & fistulas sanare sunt natæ, & ueteres durities emollire, tum ulcerum maligna sanare. Miscetur etiam ijs quæ rheumaticis affectibus medentur, in quibus ea medicamenta optima sunt quæ uehementer desiccantia cum quadam adstrictione nullam habent mordacitatem. Decoctum herbæ quidam ischiadicis infundunt, ceu biliosa ac crassa ducens: nam & talia purgat. Quamquam quum adeò uehementer operabitur ut cruenta euacuet, tunc magis proderit. Suc-



CENTAVRIVM
MINVS.

Klein Taufendgulden.

k 2

Crit. Succus porrò eius quum adsimilis sit facultatis, hoc est, exiccatoriae & absterforiae, & reliqua iam dicta pulchrè efficere potest. Cum melle etiam oculis illinitur, mensesq; & foetum appositus in pello euocat. Sunt qui ipsum præbeant & ijs quibus nerui affecti sunt, ut qui euacuet & desiccet innoxie quæ impleta sunt. Optimū etiam medicamentum est ad iecinoris obstructions soluendas. Bonum quoq; lie-
Dni indurato foris impositum, & nihilo secius si quis bibere sustinuerit.

EX PLINIO.

Purgat aluum succus Centaurij minoris drachma in hemina aquæ cum exiguo salis & aceti, bilem q; detrahit.

DE CYAMO CAP. CXLV.

NOMINA.



YAMOS Græcis, Faba Latinis dicitur. Officinæ Latinum nomen re-
tinent, Germanis Bonen appellatur.

FORMA.

Sola Faba inter legumina sine adminiculo nititur, folio carnosio, Por-
tulacæ simili, flore cristato, uersicolore, partim albo, partim purpureo, atris quibus-
dam maculis notato, quas M. Varro lugubres uocat literas: siliqua plerunque se-
mipedali, fructu intus lato humani unguis effigie, colore non simplici, sed aut ful-
uo, aut nigro, iam uerò etiam herbaceo & coccineo: radice singulari, lignosa, & ca-
pillata fibris. Quæ hic à quibusdam, quasi nostra non esset uera Faba, afferuntur
argumenta, non tanti momenti sunt ut confutatione indigeant: constat enim no-
stram, eas quas ueteres illi adscripserunt, habere notas & facultates. Non tamen ne-
Dgamus in diuersis terris maiorem aut minorem produci posse.

LOCVS.

Pasim in hortis sata prouenit, Latatur loco pinguisimo & stercoreato.

TEMPVS.

Floret æstate.

TEMPERAMENTVM.

Faba in refrigerando & exiccando ad mediā temperaturam propinquissimè
accedit. Est itaque frigida & sicca in primo ordine.

VIRES. EX DIOSCORIDE.

Spirituosa, inflans, concoctu pertinax, insomnia tumultuosa faciens. Tussi ta-
men confert, carnesq; generat. Decocta in posca, & cum cortice comesta, dysente-
rias & coeliacas fluxiones sistit. Vtilis contra uomitiones in cibo sumpta. Minus
inflat priore aqua in decoctione effusa. Viridis magis stomacho nocet, plusq; in-
flat. Farina eius per se & cum polenta illita, ex plaga inflammationes mitigat, & ci-
catrices ad reliqui corporis colorē reducit. Mammis in quibus lac in grumos cogi-
tur, & inflammatione laborantibus auxiliat, lacq; extinguit. Cum melle & fœnigræ-
ci farina furunculos, parotidas ac sugillata oculorum discutit. Cum rosa, thure, &
oui albo, procidentes oculos, staphylomata & cedemata compescit. Macerata in ui-
no suffusiones & ictus oculorum sanat. Ad sistendas fluxiones sine cortice com-
manducata fronti imponitur. Testium inflammationes in uino decocta sanat. Pue-
rorum pubi illita diu impuberes seruat. Alphos exterit. Euulsos pilos ut non nu-
triantur & graciles fiant, cortices illiti efficiunt. Cum polenta, alumine & oleo ueteri
illiti strumas discutiant. Decoctum illorum lanas tingit. Factas ab hirundinibus
sanguinis eruptiones, cortice ablato, Faba qua parte cohæret diuisa, si dimidia ap-
ponatur, compescit.

EX GALE-



F A B A

Bonen.

C

EX GALENO.

Caro Fabæ paulum quid abstergentis facultatis cōtinet, sicut cortex adstringentis: idcirco medicorum nonnulli totam Fabam cum polenta decoctam dysentericis, coeliacis & uomentibus exhibuerunt. Porro ut edulium flatulenta est, & coctu difficilis, ut si quid aliud. Excreationibus quidem ex thorace & pulmone idonea. Vt medicamentum uerò foris imposita sine molestia exiccat. In podagricis ea sæpenumero usi sumus ex aqua decocta, deinceps adipem suillum admiscentes. Ad neruorum tum contusiones, tum uulnerationes, farinam eius cum oxymelite imposuimus. Ad eos qui ex ictu iam phlegmone occupabantur, cum polenta. Sed & testium & mammarum bonum est cataplasma. Nam hæ partes cum phlegmone tenentur, moderatè refrigerari amant, maximè cum mammæ ex lacte in ipsis concreto phlegmonen patiantur. Quin lac quoque ab eo cataplasmate extinguitur, sicut puerorum pubes farina fabacea illita plurimo tempore glabra permanet. Manifestè fabacea farina cutis sordes detergere conspicitur, quod intelligentes mangoles, ac mulierculæ, in balneis quotidie hac utuntur. Illinunt præterea & hac faciem quemadmodū ptisana: nam quæ in summa cute eminent lentes exterit, & maculas uelut ex sole contractas.

EX PLINIO.

Faba hebetare sensus existimata, insomnia quoque facere. Solida fricta, feruensque in acri aceto coniecta, torminibus medetur. In cibo fressa, & cum allio cocta, contra deploratas tusses suppurationesque pectorum, quotidiano cibo sumitur: & commanducata ieiuno ore, etiam ad furunculos maturandos discutiendosue imponitur, & in uino decocta ad testium tumores & genitalium. Lomento quoque ex aceto decocto, tumores maturat atque aperit. Item liuoribus, combustis medetur. Voci eam prodesse, autor est M. Varro. Fabalium etiam siliquarum cinis, ad coxendices, & ad neruorum ueteres dolores, cum adipis suilli uetustate prodest. Et per se cortices decocti ad tertias sistunt aluum.

DE CONSOLIDA MEDIA CAP. CXLVI.

NOMINA.

Consolida
media.

INTER multas alias herbas quibus uulnera glutinandi facultas inest, & hæc cuius picturam damus cōnumeratur. Hinc est quod uulgus herbariorum illam Consolidam mediam nominet. Qua etiam appellatione nos uti uoluimus, quod nobis quo nomine ueteribus Græcis aut Latinis appellata sit nondum constaret. Rectius tamen Solidago diceretur. Germanis Gulde gunzel nuncupatur.

FORMA.

Caulem habet quadrangulum, lanuginosum, ex quo per interualla folia bina ex singulis geniculis in extremitatibus laciniata, Menthæ similia emicant. A medio caulibus ad fastigium usque ex singulis foliorum alis, flores sex aut septem in purpureo cœrulei exeunt. Radix illi subest lignosa, quæ multas à se exiguas radices capillamentorum instar per terram latè serpentes propagat.

LOCVS.

Pasim in pratis nascitur.

TEMPVS.

Floret copiose Maio mense.

TEMPERAMENTVM.

Gustu adstringit & amara est, ut calidam & siccam esse nemo dubitare possit.


VIRE S.

Vulnera glutinat, Sanguinis grumos ex casu, uel cōtusionibus, coactos in corpore dissijcit

CONSOLIDA
MEDIA.

Guldeguntzel.

k 4



c dissijcit & dissoluit. Præsens remedium est aphthis & ulceribus in ore serpentibus. Decoctum eius tumoribus illitum eos dissipat. Vfus etiam eius ad intertrigines, ulcera pudendorum, & intestinorum exulcerationes prodest.

DE CANNABE CAP. CXLVII

NOMINA.

CANNABIS Græcis, Cannabis Latinis, Barbaris & uulgo Canapus dicitur, Germanis autem Hanff.

GENERA.

χοινοσποφ.



Cannabis duo sunt genera. Vna enim satiuæ est, quam Græci χοινοσποφον, quod magni in uita usus sit ad robustissimos funes texendos. Germanis zammer Hanff dicitur. Altera syluestris, quam Latini Terminalem uocant, Germani wilden Hanff.

FORMA.

Satiua Cannabis

Syluestris.

Satiua Cannabis folia fert fraxino similia, grauis odoris, caules longos, inanesq̃, semen rotundum. Syluestris uerò uirgas fundit Altheæ similes, nigriores, asperiores & minores, cubitali altitudine. Folia satiuæ similia, asperiora & nigriora. Flores subrubeos, Lychnidi similes. Semen & radicem Altheæ similia. Eius effigiem uidere nobis nondum licuit.

LOCVS.

Satiua, in locis cultis fata prouenit. Syluestris in syluis & asperis locis, Apuleioq̃ teste, iuxta semitas & sepes nascitur.

TEMPVS.

Herba ad usus medicos carpitur dum maxime uiret. Semen autem eius, Plinio autore, cum maturum est, id quod prope autumnæ æquinoctium accidit.

TEMPERAMENTVM.

Admodum calefacit & exiccat.

VIRES. EX DIOSCORIDE.

Satiuæ maiori copia sumptum genituram extinguit. Ex uiridi autem succus expressus, contra aurium dolores utiliter instillatur. Syluestris radix decocta illitaq̃, inflammationes mitigat. Tumores discutit, & callos dissijcit. Huius cortex texendis funibus utilis est.

EX GALENO.

Cannabis semen flatus extinguit, adeoq̃ desiccat, ut si plusculum edatur genituram exiccet. Sunt qui ex uiridi succum exprimentes, ad aurium dolores ab obstructione, ut mihi uidetur, natos utuntur. Semen etiam cannabinum difficulter concoquitur, stomacho & capiti aduersatur, prauosq̃ humores creat. Admodum excalefacit, ideoq̃ caput æstuoso ac medicamentofo halitu sursum misso tentat.

EX PLINIO.

Semen Cannabis extinguere genituram uirorum dicitur. Succus ex eo uermiculos aurium, & quodcunq̃ animal intrauerit, eicit, sed cum dolore capitis. Tantaq̃ uis ei est, ut aquæ infusa, coagulare dicatur, & ideo iumentorum alio succurrit pota in aqua. Radix cōtractos articulos emollit in aqua cocta. Item podagras & similes impetus. Ambustis cruda illinitur, sed sæpius mutatur priusquam arescat.

EX SYMEONE SETHI.

Semē Cannabis comestum idem nocumentum quod Coriandrū affert: immodicè enim si estur, ut illud, deliriū facit. Folia uero arida pota, ueluti farina, aut magis pro potione hæc farina exiccata, ebrietatem quandam hospitalem facit, & quæ ab hauriente non sentiat. Apud Arabas enim pinsitur, subigitur pro uino, & inebriat. Desiccat uerò semen genitale ut Caphura.



CANNABIS
SATIVA.

Jamer Gauff.

C

APPENDIX.

Quum ex iam dictis cōstet Cannabinum semen caput facile tentare, atque adeo lādere, imprudenter faciunt, qui uulgi errorē sequentes, in morbis, ijsq; maximis, capitis, ex hoc semine confecta iuscula ægrotantib. magno eorum malo exhibent.

DE CARDIACA CAP. CXLVIII.

NOMINA.

Cardiaca cur
dicta.



VO nomine herba hæc ueteribus sit appellata, nondum nobis constat. Nostri tamen temporis herbarij Cardiacam uocant. Germani *Hergspan/ oder Hergspanz*. Cardiaca uerò haud dubiè à recentioribus nominata est, quod cordis palpitationi, quam illi perperam καρδιακήν appellant, mirificè conferre uideat. Alia est hæc à Ballote, de qua suo loco diximus.

FORMA.

Cardiaca caulem ex se mittit quadrangulum, geniculatum, nigrum: folia laci- niata, nigra, per interualla in caule ex singulis geniculis prodeuntia: flores in can- dido purpureos orbiculato ambitu caules circumiacentes: radicem luteam, intor- tam, capillamentis fibratam.

LOCVS.

Pasim in ruderibus & circa sepes nascitur.

TEMPVS.

Iulio mense floribus abundat.

TEMPERAMENTVM.

Amara admodum existit, ut hoc nomine calidam esse in secundo ordine, & sic- cam in tertio constet.

D


VIRES.

Recentiores recte contra cordis palpitationem, conuulsionem & resolutionem cōducere tradunt: potest enim quum amara sit herba, sua caliditate & siccitate cras- sos humores qui in uenis & alijs partibus, neruosis potissimum, sunt, incidere, ex- tenuare & discutere. Hac etiam ratione morbo comitiali confert, urinas mouet, & menstrua educit, aliasq; facultates quas Galenus libro quarto de simpl. med. facult. cap. xviij. amaris tribuit, obtinet.

DE CARO.

CARDIACA
Lycopus lupi pos

Hertzspan. *Lysolus Romarso Germanus*
remediū unde non fortita d





CAROS

Feldkümmel.

A

NOMINA.



ΑΡΟΣ Græcis, Caron uel Careum Latinis, officinis Carui nominatur. *Carui.*
Germanis *Wattümich* / oder *Wysentümel* dicitur. A Caria forte *Careum unde dictum.*
regione, in qua laudatissimum nascitur, appellationem accepit.

FORMA.

Caules emittit quadrangulos ab una radice multos, folia Staphylini, flores candidos, & in caulium summo semen angulosum ac copiosum, radicem oblongam & luteam.

LOCVS.

Pasim in pratis Germaniæ nostræ prouenit. Optimum tamen est quod in Caria, ut diximus, nascitur.

TEMPVS.

Iunio mense floribus & semine prægnans est.

TEMPERAMENTVM.

Cari semen calfacit & exiccat tertio quodammodo ordine, moderatè acrem qualitatem possidens.

VIRE. EX DIOSCORIDE.

Semen Cari calfacit, urinam cit, stomacho & ori gratum accommodumq̃. Concoctiones adiuuat. Antidotis & oxyporis utiliter miscetur, Aniso proportionem respondens. Radix elixa Pastinacæ syluestris modo edendo est.

EX GALENO.

Flatus extinguit & urinas ciet, non semen tantum sed & planta.

DE CARYO PONTICO CAP CL

B

NOMINA.



ΑΡΥΑ *πυλινὰ, ἢ λεπτοκάρυα* Græcis: Auellanæ nuces, & Prænestinæ Latinis, *Haselnus* Germanis nominantur. Ponticæ autem uocantur, *Ponticæ quare uocate.*
quod in Asiam Græciamq̃ è Ponto uenerunt. Paruæ, quod Iuglandibus minores sint. *Paruæ.*

GENERA.

Duo eius sunt fastigia. Vna enim est syluestris, quam priuatim Germani nostri *Haselnus* nominant. Altera uerò urbana seu domestica, quam iidem *Kotnus* / oder *Kürnus* appellant.

FORMA.

Corylus arbor in qua Auellana nux prouenit, caudice est multis internè stolonibus fruticante, supernè ramis brachiato, uirgis breuibus, sine alarum sinu enodibus, crassiq̃ nōnullis, folijs ab una parte nigris, altera uerò subalbis, per ambitum ferratis, materia admodum lenta, cortice summo tenui, pingui, maculis albis uario, medulla tenui & flaua. Non floret, sed floris uice quidam in eo peculiare compactili callo racematim coherentes, & ueluti prelongi uermes singulari pediculo penfiles iuli erumpunt, qui ineunte uere dehiscunt ac defluunt cum folia profiliunt, ac iuli. *Corylus.*
tum calyculacea tegumenta totidem summatim fimbriata, quot iuli supra pediculum exeunt, eorumq̃ singulis nuces singulæ insunt. Domestica non differt à syluestri, nisi quod eius folium maius, & caudex procerior, melior fructus, rubra membrana inclusus. *Domestica.*

LOCVS.

Gaudet argillosis & uliginosis locis: nascitur itaque in plano. Nemora etiam & montes Corylis uestiuntur.

TEMPVS.

Autumno leguntur Auellanæ nuces.


I


TEM-

398

AVELLANA NVX
SYLVESTRIS.

Haselnuß.





399

AVELLANA
DOMESTICA.

Cotinus.

1 2

TEMPERAMENTVM.

C

Tum cortex, tum planta, tum fructus gustanti aufterior quàm Iuglans apparet, plus itaque habet effentiae terreſtris & frigidae. Symeon Sethi calidas & humiditas eſſe Auellanas aſſerit.

VIRE S. EX DIOSCORIDE.

Stomacho aduerſantur Auellanae. Tritae in aqua mulſa, & pote ueterem tuſſim ſanant. Toſtae uerò & cum exiguo pipere comeſtae deſtillationem maturant. Totae crematae, tritae cum axungia aut ſeuo urſino & inunctae alopecias explent. Ferunt aliqui uſta earum putamina, & in puluerem redacta cum oleo caſiorum oculorū pupillas infantibus denigrare, perſuſo ſyncipite.

EX GALENO.

Valentiores ſunt Auellanae quàm Iuglandes; nam denſior ſtrictiorq; his eſt ſubſtantia, ac minus oleoſa. Caetera magnae nuci ſimilia ſunt.

EX AETIO.

Auellana, quae & Nux pontica nuncupatur, quod in Euxino ponto frequens ſit, praeter quod frigidiſior, auſterior, terreſtriorq; eſt, in reliquis Iuglandi aſſimilatur. Comeſta dolorem capitis inuehit.

EX SYMEONE SETHI.

Magis nutriunt quàm Iuglandes nuceſ, difficiliuſq; cōcoquuntur. Inflationeſ faciunt, & ut quidam aiunt, ieiuſum inteſtinū laedunt. Faciliuſ autem cōcoquuntur, minusq; uentrem ſiſtunt, ſi interior earum cortex abiiciat. Dicitur quod ſi quis ante reliquos cibos cum ruta ſumpſerit, huic neq; morſus, neq; uenena officere illo die poſſe, & ſcorpioneſ ab ipſo fugere. Sumptae cum caricis, iam à ſcorpione iſtoſ diuuant. Ad aciditatem à nigro humore excitatam omnino confert,

DE CENTVM MORBIA CAP. CLI.

NOMINA.

Centummorbia
unde dicta.



Nummularia.

HIC herbae, ut alijs multis, nomē aliud imponere non licuit, quàm, quo uulgò hodie appellari ſolet, Centummorbiae. Sic autem haud dubiè à chirurgis, qui illa quotidie utunt, à mirifica ſua quam in plurimis ulceribus medendis obtinet facultate, dicta eſt. Sunt qui à foliorū ſimilitudine, quae nummi ſpecie referūt, Nummulariā uocant. A nonnullis Hirudinaria, quod paſſim terrae hiruſinis inſtar affixa ſit, dicitur. Nec deſunt qui Serpentariam appellent, quod compertum ſit ſerpenteſ hac herba ſi uulnerentur ſibi mederi. Germanicè *Egeltraut/oder Klein Waternzung/oder Pfennigtraut* nominatur.

FORMA.

Serpit per terram, exiguiſq; radiculiſ e coliculiſ latiſ prodeuntibuſ nititur. Folia habet ex utroq; caulis latere rotunda, pinguiſq; floreſ luteoſ.

LOCVS.

Prouenit in lociſ humidis, potiſſimum uerò circa fluenta.

TEMPVS.

Maio meſe apparet, Iulio autem floret.

TEMPERAMENTVM.

Gutuſt admodum adſtringit, ut hinc conſtet ſecundi aut tertij ordinis exiccantiuſ eſſe herbam.

VIRE S.

Huiuſ floreſ & folia trita adeò deſiccāt adſtringuntq; ut quauis ulcerā glutinare ualeant. Ideoq; pota cum uino dyſenteriaſ, uentriſ imbecillitateſ, fluxuſq; ac humiditateſ ſanant. Cataplaſmatiſ ritu illita ulcerū putredinoſa iuuant. Proſunt etiam ad ſan-

CENTVMORBIA

Graminæ Parnassii vulgæ Gallos appellat.

Egelkraut.



C ad sanguinis reiectiones, profluuia muliebria, & ad omnia interanea uulnera & ulcera, potissimū pulmonis. Externis etiam ulceribus summè confert, si uino in quo herba hæc decocta est, lauentur atque abstergantur.

DE COCCIMELEA CAP. CLII

NOMINA.



OKKIMHAEA Græcis, Prunus Latinis & officinis, Germanis eius arboris fructus Pflaumen/oder Prumen dicuntur.

GENERA.

Satiua Pruna.

Pruneola.

Duo sanè Prunorū habentur genera. Vnum satiuorū, in quo genere sunt nigra, candicantia, uersicoloria, cerea, hoc est, ex candido in luteum pallescens, purpurea, Damascena, & si qua sunt alia. Alterum syluestriū, quæ Galeno lib. ij. de alimentorum facultatib. ἀγριοκλυμιά, & in Asia πρῶνα, Pruneola siue Prunula uulgo nominant, Germanicè Schlehen. Caue eorum amplectaris sententiam, qui Poterium esse putant: neque enim facultates, neq; notæ Prunulis respondent.

FORMA.

Prunus arbor est radicibus summo cespite uagantibus paucis, caudice subrecto, scabro, multis brachiato ramis, folio ex oblongo ferè rotundo, per oras minutim serrato, flore candido, foliato, pomo carne cuteq; uestito, osse intus duro in quo nucleus includitur.

LOCVS.

Satiua Prunus in hortis nascitur. Damascena in Damasco Syriæ, à quo cognominata sunt, Syluestris autem passim in sepibus reperitur.

TEMPVS.

D Satiua in æstate poma sua profert, syluestris autem autumnus.

TEMPERAMENTVM.


Satiuæ Pruni fructus mediocriter humectant & refrigerant. Syluestris adstringunt, ut fusius ex eorundem facultatibus innotescet.

VIRE. EX DIOSCORIDE.

Eius pomum estur, stomacho tamen aduersatur. Aluum mollit. Syriaca autem pruna, & præsertim in Damasco genita, exiccata stomacho utilia sunt, & aluum cohibent. Folia in uino decocta & gargarissata columellam, gingiuas & tonsillas fluxione laborantes reprimunt. Præstant idem & syluestrium Prunorū fructus cum maturuerunt siccati. Cum sapa decocti stomacho utiliores, & ad cohibendam aluum aptiores redduntur. Gummi Prunorū glutinat. Potum in uino calculos conterit. Ex aceto illitum, impetigines infantium sanat.


EX GALENO.

Pruni fructus uentrem subducit, recens quidem plus, aridus uerò minus. Cæterum Dioscorides, haud scio cur, Pruna Damascena siccata uentrem sistere ait, quum tamen & ipsa palàm etiam subducant, minus tamen ijs quæ importantur ex Iberia. Damascena quidem magis adstringunt: at quæ Iberia fert, dulciora sunt. Quin & ipsæ arbores fructibus proportionem respondent: minus enim adstringunt quæ in Iberia nascuntur, magis uerò quæ Damasci. Porro ut in summa dicam, quarum in folijs aut germinibus adstrictio quædam inesse apparet manifesta, ijs decoctis phlegmonæ in columella aut tonsillis existentes colluuntur. Syluestriū fructus euidenter adstrictorius est, uentremq; sistit. Gummi autē arboris sunt qui dicant cum uino potum lapides confringere, cum aceto uerò puerorū sanare impetigines. Ac si id præstat, clarum est incidendi tenuandiq; illi facultatem inesse. Raro fructum hunc austerum aut acidum, aut omnino iniucundum inuenias, ubi exactam maturi-



PRUNUS
SATIVA.

Pflaumenbaum.



PRUNUS
SYLVESTRIS.
Schlehen.


A maturitatem fuerit affecutus. Priusquam enim eò perueniat, nullus est fermè qui non acorem, aut acerbitem præ se ferat: est qui & amaritudinem. Proinde ex hoc fructu minimum alimenti corpus accipit. Verum quum humectare & refrigerare mediocriter uentrem statuemus, utilis erit: quem subducit humiditatis & lentoris sui gratia. Prunis porrò æque ac ficibus concessum est, ut uel exiccata utilia permaneant. Damascenis prima laus bonitatis magna hominum opinione defertur. Proxima ijs quæ in Iberia & Hispania proueniunt. Probatissima in Damascenis sunt, quæ cum mediocri adstrictione magna laxa quæ sunt. At parua, dura, acerba quæ & in cibo permolesta, & uentri subducendo minus idonea, cui officio Iberica maximè cōueniunt. In melicrato plus mellis habente, abundè uentrem molliunt, etiam si sola comedantur, & multo magis si melicratum ipsum subforbeatur.

EX PLINIO.

Pruni folia decocta tonsillis, gingiuis, uuæ profunt in uino decocta, & subinde ore colluto. Ipsa Pruna aluum molliunt. Syluestriū quidem Prunorum bacca, uel è radice cortex, in uino austero si decoquat, ita ut triens ex hemina supersit, aluum & tormina sistunt. Satis est singulos cyathos decocti sumi. Et in ijs & satiuis Prunis est limus arborum, quem Græci Lichena appellant, rhagadijs & condylomatibus mirè utilis.

DE CONIO CAP. CLIII.

NOMINA.

B  **K**NEION græcè, Cicuta Latinis & officinis, Germanis *Wurgerling*/ *Wundtscherling*/ *Schirling*/ oder *Wüterich*/ quasi tyrannus dicitur, quod scilicet hominē interficiat, si intra corpus sumatur. Hinc est quod Athenienses eius succo in interimendo sapientissimo philosopho Socrate, quem falso Anytus & Melytus quasi parum recte de Dijs sentiret, accusarunt, uși sunt.

FORMA.

Caulem profert geniculatum Fœniculi modo, magnum. Folia ferulæ, uel, ut Plinius ait, Coriandro similia, angustiora tamen & graueolentia. In cacuminibus adnascentes ramulos & umbellā. Florem subalbum, semen Aniso simile, albidius tamen. Radicem concuam nec profundam.

LOCVS.

Pasim in pratis, locis incultis & umbrosis nascitur.

TEMPVS.

Iulio mense flores & semina profert.

TEMPERAMENTVM.

Summam habet refrigerandi uim Cicuta, atque adeo uenenum est.

VIRES. EX DIOSCORIDE.

Inter letalia connumeratur Cicuta, sua frigiditate enecans. Remedio est meraci uini potus. Succus exprimitur ex eius cacuminibus contusis, priusquam semen & coma areseat, expressus quæ in sole densatur. Multus aridi ad medendi rationem usus est. Miscetur utiliter collyrijs, quæ leuandi doloris gratia adhibentur. Herpetas & erysipelata illitus restinguit. Herba cum coma trita & testibus circumlita, libidinum in somno imaginationibus auxiliatur, sed genitalia illita resoluit, languida quæ reddit. Lac extinguit, mammas in uirginitate crescere prohibet. Puerorum testiculos tabescere facit.

EX PLINIO.

Cicuta uenenum est, publica Atheniensium poena intusa, ad multa tamen usus non omittendi. Semini & folijs refrigeratoria uis, quæ si enecat, incipiunt algere



CICUTA

Wüterich.

A algere ab extremitatibus corporis. Remedio est, priusquam perueniat ad uitalia, uini natura excafactoria. Sed in uino pota, irremediabilis existimatur. Succus exprimitur folijs floribusq; tunc enim maximè tempestiuus est & melior. Semine trito expressus, & sole densatus in pastillos, necat sanguinè spissando. Hæc altera uis. Et ideo sic necatorū maculæ in corporibus apparent. Ad dissoluenda medicamenta utuntur illo pro aqua. Fit ex eo ad refrigerandū malagma. Præcipuus tamen est ad cohibendas epiphoras æstiuas, oculorumq; dolores sedandos circumlitus. Miscetur collyrijs, & alios omnes rheumatismos cohibet. Folia quoq; tumorem omnem doloremq; & epiphoras sedant. Anaxilaus autor est, mammas à uirginitate illitas, semper staturas. Quod certum est, lac puerperarum mammis imposita extinguit, ueneremq; testibus circa pubertatem illita.

DE CYNOGLOSSO OFFICINARVM

CAP. CLIIII.

NOMINA.



CYNORANSEON græcè, latinè *Lingua canina*: officinæ græcam appellationem retinuerunt, Germanicè *Hundszung* appellat. Animaduertendum tamen nos non temerè adiecisse officinarum; neque enim *Dioscoridis* damus *Caninam linguam*, quæ uidua caule est, & uiribus etiam ab hac nostra diuersa.

*Lingua canina.**Dioscoridis Cynoglosson.*

FORMA.

Caulem obtinet cubitalem, & interdum longiorem, hispidum, furculosum: folia angusta, prælonga & lanuginosa, non uenosa, molliaq; florem primum purpureum, dein cœruleum, stamina habentē purpurea; radicem oblongam, & profundè de terram penetrantem.

LOCVS.

Pasim circa itinera prouenit.

TEMPVS.

Iunio & Iulio mensibus floret.

TEMPERAMENTVM.


Recentiores herbarij frigidam & siccam esse statuunt in ordine secundo.

VIRE S.

Oris & alijs maleficis ulceribus medetur. Dysenteria etiam prodest. Debet itaque illius herbe usus esse in omnibus ulceribus, uulneribus, scabie Hispanica, & similibus morbis. Auxiliatur etiam gonorrhœæ & destillationibus: atque hinc est quod catapotiorum compositioni, quorum nomenclatura est ad omnes morbos catarrhi, aut de Cynoglossa, admisceatur.


Catapotia de Cynoglossa.

DE CNICO.



CYNOGLOSSUM
OFFICINARVM.

Hundszung.



CARTAMVS

Wilder gartensaffran.

m

C

Cartamus.
Crocus horten-
sensis.



NOMINA.
ΝΙΚΟΣ græcè, Cnicus & Cnecus latinè nominatur. Officinæ Cartamum & Crocum hortensem appellant. Germani Wilden gartensaffran / ad differentiam Attractylidis, de qua suprà dictum est.

FORMA.

Folia habet oblonga, incisuris diuisa, aspera, aculeata. Caules cubitales, in quibus capita oliuæ magnitudine, Florem similem Croco, semen candidum & rufum, oblongum, angulosum.

LOCVS.

Nascitur in hortis & agris satus.

TEMPVS.

Floret Iulio & Augusto mensibus, ac subinde semen etiam profert.

TEMPERAMENTVM.

Tertij est ordinis excalescentium eius semen, si quis foris eo uti uolet.

VIRE. EX DIOSCORIDE.

Huius flore utuntur in obsonijs. Semen tundit & ex eo exprimit succus qui cum hydromelite aut gallinaceo iure datus aluum purgat. Stomacho tamē aduersatur. Fiunt etiam placentæ quæ aluum emolliunt, si succus eius amygdalis, nitro, aniso, & melli cocto misceatur. Oportet autem ante coenam in partes quatuor diuisas Iuglandis nucis quantitate duas aut tres sumere. Eas hoc modo conficere oportet. Sumatur Cnici candidi sextarius, amygdalarū tostorum & decorticatarū cyathi tres, anisi sextarius unus, aphronitri drachma una, caricarum triginta carnes. Seminis succus lac cogit, & ad soluendum aluum efficacius efficit.

EX GALENO.

¶ Cnici semine duntaxat ad purgationes utimur.

DE CENCHRO CAP CLVI

NOMINA.

Milium un-
de dictum.



ΕΙΧΡΟΣ Græcis, Milium Latinis & officinis, Germanis Hirß appellatur. Nomen, Festo autore, à miliaria summa deriuatum.

FORMA.

Frumenti genus stipula cubito altiore, geniculata, folio arundinaceo, semine in iuba tereti & pendulo, folliculo concluso, radice numerosa, capillata, ac multiplici fruticante culmo.

LOCVS.

Satum in aruis prouenit. In frigido & aquoso solo prius ferendum, postea in calido præcipiunt. Gaudet solo limoso uliginosoq̃.

TEMPVS.

Augusto mense demetendum.

TEMPERAMENTVM.

Milium primo ordine refrigerat, exiccat autem tertio exoluto, aut certè secundo intenso. Paululum etiam tenuium est partium.

VIRE. EX DIOSCORIDE.

Minus cæteris frugibus alit. In panes autem coactum, aut tanquam puls confectum aluum sistit, urinam autem mouet. Tostum uero saccis inditum & fomenti loco appositum, torminibus & alijs doloribus auxilio est.

EX GALENO.

Milium ut ferculum comestum inter omnia frumentacea edulia minimū nutriti menti confert. Sed & uentrem desiccat. Porro foris impositum in sacculis idoneum est fo-



411

MILIVM

Gies.

m 2

C est fomentum ijs quæ citra morsum exiccare postulant. Cataplasmatibus etiam modo illitum exiccare potest, attamen admodum friabile est, proinde difficilis est eius in *Panis ex milio.* cataplasmatibus usus. Panis ex milio exigui est alimenti & refrigerantis. Constat insuper pregaridum & instar arenulæ aut cineris friabilem esse: caret enim penitus glutinoso pingui: iure itaque aluum humentem desiccatur. Milium tamen ad omnia panico præstantius, nam & suauius editur, facilius concoquitur, uentremque minus cohibet, ac magis nutrit. Huius farinam lacti incoctam esitant, ueluti triticeam agricolæ: clarumque est id edulij tanto quàm illa quæ per se sola sumuntur melius esse, quanto lac milij natura ad boni succi procreationem, aliaque omnia eminentius habetur. Dico autem alia omnia, concoctionem, uentris subductionem, in totum corpus distributionem, adeoque ipsam in edendo suauitatem ac uoluptatem.

EX PLINIO.

Milio sistitur aluus, discutiuntur tormina, in quem usum torretur antè. Nervorum doloribus & alijs feruens in sacco ponitur, neque aliud utilius, quoniam leuissimum mollissimumque est, & caloris capacissimum. Itaque talis usus eius est ad omnia quibus calor profuturus est. Farina eius cum pice liquida, serpentium & mulipedæ plagis imponitur.

EX SYMEONE SETHI.

Difficulter concoquitur, uentrem sistit, parumque nutrit. Iuuat eos qui refrigeratione & exiccatione uentriculi indigent. Sumptum cum lacte, uel amygdala thasia facilius concoquitur, & humidius fit.

DE CRAMBE SATIVA CAP. CLVII.

NOMINA.

D




PAMBH ἡ ἡμφοῦ græcè, Brassica sativa latinè, officinis & uulgo Caulis, Germanicè *Köl* appellatur. Crambe Græcis dicta censetur quasi *κράμβη*, quod pupillas oculorum, quas Græci *κράς* uocant, obtundat, hebetetque. In qua certè sententia fuisse Columellam hoc eius de cultu hortorum carmen testatur:

Nuncueniat quamuis oculis inimica Cramble.

Attici integro nomine *κράμβη* protulerunt, alio sed potiore etymi sensu, quasi *κράμβη*, uel rectius *κράμβη*, id est, crapulæ satietati que contraueniat. Nam uino aduersatur, ut inimica uitibus. Antecedens in cibis ebrietatem arcet, & postea sumpta crapulam discutit.

GENERA.


Brassica leuiss. Etsi plurima sint Brassicæ genera, ut ex ueteribus rei rusticæ scriptoribus liquet, quatuor tamen duntaxat, quæ hodie usitatæ sunt, producemus: quarum una Græcis *λέα*, hoc est, leuis nominatur, grandibus & latis folijs, caule magno: Germanis *breiter oder grosser Köl* uocatur. Altera crispa, quæ à similitudine apij *σελινοειδής*, id est, Apiana nuncupatur. Vulgo crispus caulis, Germanicè *trauser Köl*. Tertia proprie uocatur Crambe, minutioribus caulibus, & tenuioribus folijs, flore luteo, Germanicè *kleiner Köl* / ut ab alijs discernatur, nominari potest, aut simpliciter & sine adiectione *Köl*. Quarta sessilis est, folio & capite patula. Vulgus caputos caules, quasi capitatos appellat, quoniam in capitis formam extuberant. Folia enim horum in orbem glomerantur, exterius callosa & per ambitum rugata, multis intus carinarum uoluminibus, externis semper interiora complectentibus. Huc alludentes Germani *Cappistrant* uocant. Nonnulli à candore foliorum Brassicam albam, & caules albos appellare maluerunt. Hoc genere Brassicæ in plerisque Germa-



BRASSICAE PRIMVM
GENVS.

Breiter Køl.

m 3



BRASSICAE SE
CVNDVM GENVS.

Krauser Röl.



BRASSICAE TER
TIVM GENVS.

Kleiner Kól.

m 4



BRASSICAE QVAR
TVM GENVS.

Rappisstraut.

A Germaniæ partibus, Boioaria potissimum, per integrum anni curriculum quotidie uictitant, quod illic eius prouentus sit uberrimus.

FORMA.

Caule est Brastica leuiter rubente, crasso, folio prægrandi, carnosio, ex cæsis candidante, in latus utrinque diffuso, prominulis uenarum toris fruticante, cyma patula, flore tum luteo, tum albo, semine in siliquis.

LOCVS.

In hortis hodie passim proueniunt Brasticæ. Frigidis uero & pluuijs regionibus positio earundem optima.

TEMPVS.

Augusto mense potissimum florent, ac subinde semen etiam proferunt.

TEMPERAMENTVM.

Brastica tum manducata, tum foris imposita exiccat, Sicca uero & calida primo ordine.

VIRE. EX DIOSCORIDE.

Brastica satiuæ aluo est idonea, si leuiter feruefacta edatur. Percocta uero aluū sistit, & multo magis bis cocta, & in lixiuio decocta. Æstiuæ stomacho nocet & acrior est. In Aegypto propter amaritudinē nō estur. Obscuritate uisus laborantib. & tremulis comesta auxiliat. A cibo sumpta ex crapula & uino noxas restinguit. Cyma eius stomacho utilior, sed acrior, & ad ciendā urinā ualidior. Cōdita sale stomacho inimica est, aluumque cōturbat. Crudus eius succus cū iride & nitro deuoratus aluū mollit. Cū uino potus uiperarū morsib. succurrit. Cum Fcenigræci farina, podagricis & articulorū doloribus correptis, ulceribusque sordidis & uetustis illitus prodest. Caput purgat per se naribus infusus. Menses ducit cum loliacea farina inditus. Folia per se aut cum polenta trita, omnibus inflammationibus & oedematis cōferunt. Erysipelatis, epinyctidis & lepris medent. Cum sale carbunculos rumpunt. Capillorum in capite defluxū retinent. Cocta autem & melli mixta gangrænarū pascen-
B tibus malis opitulant. Cruda ex aceto comesta lienosis prosunt. Mansa uero deuorato succo uocem amissam restitunt. Decoctū eius potum, aluum & menses mouet. Flos post conceptionē in pello subditus sterilitatē facit. Semen eius, præsertim quæ in Aegypto nascitur, potum lumbricos pellit. In antidota coeliacorū additur. Faciem lentiginesque expurgat. Cauliculi uirides cum radice cremati, & adipe porci uetusto excepti, diuturnos laterum dolores impositi mitigant.

EX GALENO.

Brastica esculenta desiccandi uim habet tum esca, tum foris imposita, non tamen etiam admodum acrem. Alioqui & ulcera glutinat, & maligna ulcera sanat. Præterea phlegmonas iam induratas, ac ægrè solubiles, & id genus quoque erysipelata. Eadem facultate epinyctidas & herpes sanat. Habet quiddam etiam in se absterforium, quo lepras curat. Porro semen eius potum lumbricos interficit, maxime Brasticæ Aegyptiæ, quanto ea scilicet temperatura siccior est. Sanè amaræ qualitatis particeps semen est, sicut uidelicet omnia alia medicamenta quæ ad lumbricos idonea sunt. Secundū eandem facultatem ephelidas, lentigines, & quæcunque alia modicā absterfionē postulant, adiuuat. Caules Brasticæ combusti, cineres efficiunt admodum desiccantes, ut uidelicet iam & adurentē uim participent. Hac ratione ei ueterem adipem cōmiscen-
tes, ad inueteratos laterum dolores, & si quid eius fuerit generis, adhibent. Nam ualenter digerens medicamentum efficitur. Brasticæ quoque succus purgandi quandam uim obtinet: contrā solidum eius corpus siccitatis ratione cohibere magis quàm incitare deiectionem potest. Proinde quum expellere alui excrementa propositum erit, aheni in quo elixa unā cum aqua fuit, propius admoto, ipsam eximere confestim, uasculoque in quo paratur, oleum cum garo iniice.

C inijcere oportebit. At humentē aluum siccare uolentes, quum mediocriter buliſſe uidebitur, priore aqua effuſa repente aliam calentem inijcimus, ac ita rurfus in ea diſcoquimus uſquedum tenera flaccidaq; euaserit.

EX PLINIO.

Cato criſpam maximè probat, dein leuem grandibus folijs, caule magno. Prodeſſe tradit capitis doloribus, oculorū caligini, ſcintillationibusq; uel ſtomachi doloribus, crudam ex aceto & melle, coriandro, ruta, mentha, laſeris radícula, ſumptā acetabulis duobus matutino. Tantamq; eſſe uim, ut qui terant hæc, ualidiores fieri ſe ſentiant. Ergo uel cum uino tritam, ſorbendam, uel ex olei intinctu ſumendā. Podagræ autem, morbisq; articularijs illini cum rutæ, coriandri & ſalis mica, hordei farina. Aqua quoque eius decocta, neruos articuloſq; mirè iuuari. Si foueantur uulnera & recentia & uetera, etiam carcinomata, quæ nullis alijs medicamentis ſanari poſſunt. Fouerī prius aqua calida iubet, & bis die tritam, imponi. Sic etiam fiſtulas eluxatas, & tumores reuocari, quæque diſcuti opus ſit. Inſomnia etiam, uigilijsq; tollere decoctam, ſiieiuni edant quamplurimam ex oleo & ſale. Tormina, ſi decocta iterum decoquat, addito oleo & ſale, cumino, polenta. Si ita ſumatur ſine pane, magis profuturā. Inter reliqua bilem detrahit per uinum nigrum pota. Quin & urinam eius qui Braſſicā eſitauerit, aſſeruari iubet, calefactamq; neruis remedio eſſe. Auribus quoq; ex uino ſuccum Braſſicæ tepidum inſtillari ſuadet. Idq; etiam tarditati audientium prodeſſe aſſeuerat. Et impetigines eadem ſanari ſine ulcere. Græci biles detrahare non percoctā putant. Item aluum ſoluere, eandemq; bis coctam ſiſtere. Vino aduerſari, ut inimicam uitibus. Antecedente in cibis caueri ebrietatem. Poſtea ſumpta crapulam diſcuti. Hunc cibum & oculorū claritati conferre multum, ſucco uerò crudæ angulis uel tantum tactis cum Attico melle, plurimū.

D Hippocrates cœliacis, dyſentericis bis coctā cum ſale dari iubet. Item ad tenaſmon, & renum cauſas. Lactis quoq; ubertatem puerperis hoc cibo fieri iudicans, & purgationem ſceminis. Crudus quidem caulis ſi edatur, partus quoq; emortuos pelli. Inuenio & à podagra liberatos edendo eam, decoctaq; ius bibendo. Hoc & cardiaccis datum & comitialibus morbis addito ſale. Item ſpleneticis in uino albo per dies quadraginta. Contra uerò ſingultus cum coriandro, & anetho, & melle, ac pipere, & aceto. Illitam quoque prodeſſe inflationibus ſtomachi. Item ſerpentiū icribus, & ſordidis ulceribus & uetuiſtis, uel ipſam aquam cum hordacea farina. Succū ex aceto, uel cum Fœnogræco. Sic aliqui & articulis, podagrisq; imponunt. Epinyctidas ac quicquid aliud ſerpit in corpore, impoſita leuat. Item repentinas caligines: has & ſi mandit ex aceto. Sugillata uerò & alios liuores pura illita. Lepras & pſoras cum alumine rotundo ex aceto. Sic & fluentes capillos retinet. Epicharmus teſtium & genitalium malis hanc utiliſſimè imponi aſſerit. Efficacius eandem cum faba trita. Item conuiſis cum ruta. Et muris aranei morſus, foliorum aridorum farina alterutra parte exinanit. Stirpiū Braſſicæ aridorum cinis, inter cauſtica intelligitur. Ad coxendicū dolores cum adipe peruetuſto. Plura de Braſſicæ uiribus uide apud Catonem de re ruſtica, cap. clvij.

EX SYMEONE SETHI.

Malum & melancholicū ſuccum procreat. Viſum hebetat, & ſomnū per contraria inſomnia interturbat. Succus eius aliquatenus purgat: corpus uerò eius uentrē ſiſtit. Quapropter in quibus humectā aluum exiccare uolumus, ipſam modicè decoquentes, aquamq; primam abiicientes, conſeſtim alteri aquæ ſeruenti indimus: nihil enim neque aëris, neque frigida aquæ quod bis coquitur tangere debet. Aſtiua Braſſica peioris ſucci eſt quàm hyberna. Cit uerò urinam, lumbricos interficit, & ijs qui ex uino crapula laborant auxiliatur. Fertur autem quod ab humiditate ortam hebetudinem ſanet. Cocta cum pingui carne, plurimum noxæ atque uitij amittit.

A amittit. Flos eius proprietate quadam semen genitale corrumpit, utero impositus, & mulieres concipere prohibet. Pulmonem lædit. Tradunt quoque si ante alios cibos assumpta fuerit, ebrietatem arcere. Et quod eius succus cum melle sumptus, magnificè defectiones uocis iuuat. Vulneribus imposita, ea conglutinat, & malefica ulcera, & induratas inflammationes sanat.

DE CRUCIATA CAP. CLVIII.

NOMINA.



VO nomine ueteres hanc herbam appellauerint nondum compertum habeo. Neque enim Isatis est, quam uulgius Saponariam uocat, ut suo loco docebimus, ideoq; nomen quo illam nominaremus fingendum fuit. Ad imitationem autem Germanicæ nomenclaturæ Cruciatam diximus, quod eius radix in modum crucis transfossa sit. Vt hoc etiam nomine græcè *σαυρότυνον* dici posset, Germanicè *Creuzwurz* / *Sperensich* / & *Wadelgeer* *σαυρότυνον*. *Ex facultate eius, Gentianæ spiritum se colligere licet.*

FORMA.

Caulem rotundum obtinet, dodrantalem, in summo rubentem, alas multas habentem, è quibus singulis bina folia crassa, angusta & oblonga, floresq; orbiculatim purpurei è filiquis coloris herbacei prodeunt. Radicem albam, longam, crucis instar ab utroq; latere perforatam, à qua illi nomen inditum est.

LOCVS.

Nascitur locis incultis.

TEMPVS.

B Floret Iulio mense.

TEMPERAMENTVM.

Admodum amara est, unde facilè colligere licet calidam & siccam esse.

VIRES.

Recentiores eius esse magnum contra pestilentiae uenena usum tradunt. Item quod ea quæ in thorace sunt educere ualeat. Quæ sanè singula præstare posse amarus sapor qui illi inest abundè docet. Abstergunt enim expurgantq; amara, & quæ in uenis est crassitiem incidunt, Galeno libro quarto de simpl. medicamentorū facultatib. cap. decimo septimo, autore. Quamobrè menses etiam mouet, comitiali morbo competit, & alia quæ amaris ab eodem tribuuntur, præstare potest.

Vulneribus etiam glutinandis mirificè conducit.



CRUCIATA
Species Gentiana

Wadelgeer.



ΚΙΣΣΟΣ græcè, Hedera latinè, Ephew Germanicè dicitur. Athenienses Cissos cur nomina
Bacchum appellarunt Citton, quo nomine rigens Hedera quæ sine ad nata.
miniculo stat, sola omnium generum ob id uocata est Cissos: è diuerso
nunquã nisi repens humi Chamæcissos. Sic Dionysia, hoc est, Bacchica Dionysia.
nominata est à Baccho, qui primus ex Indis in Græciam Hederam asportauit: uel
quod in tutela eius fuerit. Nam ut ille iuuenis semper, ita hæc uiret. Nec secus omnia,
sicut ille mentes hominum, illigat. Hedera uerò dicta est, quod uetustis parietibus hæreat: uel
potius quia edita petat, & altè diuagetur: uel quia id cui adhæscit, edat atque corrumpat. Hedera unde appellata.

G E N E R A.

Plurimas, Dioscoride autore, sigillatim habet species, sed maximè generales tantum tres. Candida enim quædam dicitur, eo quod candidū fert fructū: hæc scemina Candida.
à Plinio uocat. Germanis weisser Ephew nominari cōmodè potest. Altera nigra, Nigra.
quæ nigrum producit fructum: hæc Plinio mas nominatur. Germanis schwarzer Ephew. Hæc etiã parietibus obrepit, murisq; pertinacius hæret quàm ut possit abire, hinc Maurephew Germanis uocatur, & Baumephew / quod scilicet arbores suo complexu strangulet. Tertia priuatim Helix, id est, clauicula, & hederula Helix.
la nuncupatur. Germanis Klein Ephew / oder Erdephew.

F O R M A.

Nigra, quæ in Germania nostra prouenit, arbores & parietes radicosis amplectitur brachijs, in totum fruticosa, folia primū cum pubescit angulosa, complurimum in triangulam faciem exeuntia habens. Vetustiori rotundantur, pingua, dura, immortali uirgine: flore exili, uirgineo, non inodoro: baccis primum herbaceis, B
mox atris, & nonnunquã croceis, longiori pediculo in uua modum dependentibus, sparsioribus racemis non in globum candidæ modo coeuntibus, sed in acinos discretis. Radice numerosa, densa, flexuosa, cōtorta, ac furculosa, nec admodū profunda. Candida inter media folia emittit brachia, quibus arbores complectitur, maximè ramosa & robusta, corymbis, hoc est, racemis in orbem circumactis, aut folio albicat. Helix quantum uis diu uiuat, Theophrasto autore, nunquã fert fructum, adeoq; sterilitate à cæteris distat. Parua tenuiæ huic folia, angulosa & rubra, uiticulæq; tenues sine corymbis. Candidæ. Helicis.

L O C V S.

Hedera aquis gaudet. Nigra passim circa muros crescit. Helix uerò in syluis humi serpit.

T E M P V S.

Nusquam non uiret Hedera.

T E M P E R A M E N T V M.

Hedera ex contrarijs cōposita est facultatibus: habet enim quiddam adstringentis substantiæ, quæ terrena & frigida est. Habet etiam nō nihil acris, quæ calida est. Nec deest tertia, aqueam nanq; substantiam quandam tepidam obtinet, certè si uiridis sit. Siquidem dum arefcit, hæc prima exhalet necesse est, manetq; quæ terrea est & frigida adstringensq;, & ea quæ calida & acris.

V I R E S. E X D I O S C O R I D E.


Hedera omnis acris & adstringens est. Nervos tentat. Flores trium digitorum carptu, in uino bis die poti, ad dysentericos faciunt. Ambustis cum cerato illiti profunt. Tenera folia ex aceto cocta, aut cruda cum pane detrita, lienes sanant. Foliorū & corymborum succus cum irino unguento, melle, aut nitro naribus infunditur. Et contra ueteres capitis dolores ualet, atque eo perfunditur caput cum aceto & rosaceo. Dolentibus & purulentis auribus cum oleo medetur. Nigræ hederæ succus,


n aut

422

HEDERA
NIGRA.

Maurepchem.





HEDERA
HELIX.

Klein Ephew.

C aut e poti corymbi imbecillitatē pariunt, mentemq; turbant largius sumpti. Pilulae quinque corymborū tritae calefactaeq; in malicorio cum rosaceo si instillentur in contrariā aurem, dolorem dentium mitigant. Denigrant capillum illiti corymbi. Folia in uino decocta, omnium ulcerum generi, etiam si cacoëthe sint, illinuntur. Vicia cutis in facie & ambusta, uti iam diximus decocta, sanant. Mouent menses triti & subditi corymbi. Idem poti post purgationes foeminarū drachmę pondere sterilitatem faciunt. Pediculus foliorū melle irrigatus, ac uulua inditus, menstrua & foetus extrahit. Succus instillatus in naribus, graueolentiā & putredines expurgat. Lachryma eius depilat, pediculosq; illita necat. Radicum succus cum aceto potus, phalangiorum morfibz succurrit.

EX GALENO.


Viridis, folijs eius in uino decoctis, ulcera grandia conglutinat, quæque maligna sunt, ad sanitatem reducit. Igne etiam factas exulcerationes cicatrice includit. Cum aceto decocta folia lienosis prosunt. Flores autem quodammodo ualidiores sunt, ut ad leuorem redacta cum cerato ambustis conueniant. Præterea succus medicamentū est, quod naribus infusum capiti purgando idoneum existit. Vetustas aurium fluxiones sanat: ad hæc ulcera uetera tum in auribus, tum in naribus. Porro si acrior appareat, aut rosaceo, aut dulci oleo misceatur. Lachryma eius pediculos interimit, pilis nudat, usque adeo calidæ potestatis ut obscurè adurat.

EX PLINIO.

Natura omnium Hederarū in medicina anceps. Mentem turbat & caput purgat largius pota. Neruis intus nocet, si eisdem neruis adhibita foris prodest. Eadem natura quæ & aceto, ei est. Omnia genera eius refrigerant. Vrinam ciunt potu, capitis dolorem sedant, præcipuè cerebro: continentiq; cerebrū membranæ utiliter

D mollibus folijs impositis, cum aceto & rosaceo tritis & decoctis, addito postea rosaceo oleo. Illinuntur autem fronti, & decocto eorū fouetur os, caputq; perungitur. Lienī & pota & illita prosunt. Decoquantur & contra horrores febrium, eruptionesq; pituitæ, aut in uino teruntur. Corymbi quoque poti uel illiti lienem sanant: iccinora autem illiti. Trahunt & menses appositi. Succus Hederæ tædia nariū graueolentiāq; emendat, præcipuè albæ satiuæ. Idem infusus naribus caput purgat, efficacius addito nitro. Infunditur etiam purulentis auribus, aut dolentibus cum oleo. Cicatricibus quoque decorem facit. Ad lienes efficacior albæ est, ferro calefactus: satisq; est acinos sex in uini cyathis duobus sumi. Acini quoque ex eadem alba terni, in aceto mulso poti, tineas pellunt: in qua curatione uentri quoque imposuisse eos utile est. Hederæ quam chrysocarpon appellauimus, baccis aurei coloris uiginti, in uini sextario tritis, ita ut terni cyathi potentur, aquā quæ cutem subierit, per urinam educit Erasistratus. Eiusdem acinos quinque tritos in rosaceo oleo, calefactosq; in cortice punici, instillauit dentium dolori à contraria aure. Acini, qui croci succū habent, præsumpti potu, à crapula tutos præstant. Item sanguinē excreantes, aut torminibus laborantes. Hederæ nigræ candidiores corymbi poti steriles etiam uiros faciunt. Illinitur decocta in uino omnium ulcerum generi, etiam si cacoëthe sint. Lachryma Hederæ psilothrum est, phthiriasimq; tollit. Flos cuiuscunq; generis trium digitorū carptu, dysentericos & aluum citam emendat, in uino austero bis die potus. Et ambustis illinitur utiliter cum cera. Denigrant capillum corymbi. Radicis succus in aceto potus, contra phalangia prodest. Huius quoq; ligni uase spleneticos bibentes sanari inuenio. Et acinos terunt, moxq; cōburunt, & ita illinunt ambusta, prius perfusa aqua calida. Sunt qui & incidant succi gratia, eoq; utantur ad dentes erosos, frangi q; tradunt, proximis cera munitis ne ledantur.

Gummi etiam in Hedera quarunt, quod ex aceto utilissimum dentibus promittunt.



CERASVS

Kirschen.

n 3

C

NOMINA.

Cerasus unde
dicta.

ΕΡΑΣΟΣ Græcis, Cerasus Latinis, Germanis Kirschenbaum dicitur. Cerasum autem arborem, ut Athengus refert lib. ij. Dipnosoph. à Cerasunte Pontica ciuitate, primus in Italiam Lucullus intulit, debellato Mithridate. Ille idem est qui etiam fructum cognomine ciuitatis appellauit Cerasium.

GENERA.

Multa Cerasiorum sunt genera, in Germania tamen tria, quod sciam, duntaxat proueniunt. *Primum.* Primi enim generis sunt rotunda, ac maxime rubent, suarū uoce illis dicuntur *Amarellen*. *Secundum.* Alterius generis, quod ad figuram attinet, prioribus similia sunt, differunt autem colore, qui illis ad nigredinem accedit. Vocantur autem horum lingua *Weichsel*. *Tertium.* Tertij generis prædictis minora sunt ac longiora, partimq̃ rubent, partim nigricant: à nonnullis priuatim *Kirschen* uel *Kerschen* appellantur. Nos una icone omnia tria complexi sumus. Quæ in utroq̃ genere nigra sunt, ea uescentiū manus & labra succo suo, qui sanguineus est, mororū instar inficiunt.

FORMA.

Cerasus folio ferè Mespili, duro, latiore, & in ambitu serrato cōstat, cortice leuo, in candido nigricante, flore albo racematim congesto, fructu rubro aut nigro, magnitudine fabæ.

LOCVS.

Frequens est in omnibus hortis Cerasus. Quæ tamen posterioris generis Cerasia profert, in syluis nonnunquam & nemoribus etiam reperitur. Gaudet autem aquosis montibus.

TEMPVS.

D Iunio ac Iulio potissimum mensibus fructus maturitatem consequitur, Flores primo statim uere apparent.

TEMPERAMENTVM.

Cerasorum non unum idemq̃ est temperamentum, quod ex eorundem facultatibus perspicuum fit. Symeon tamen Sethi frigida & humida esse tradit.

VIRE. EX DIOSCORIDE.

Cerasia quidem ipsa si uiridia sumantur, uentri utilia sunt. Eadem siccata aluum sistunt. Gummi Cerasorum cum uino diluto sumptū, uetustæ tussi medetur. Colorem commendat. Visum exacuit. Appetentiam inuitat. Idem ex uino potū calculosis auxilio est.

EX GALENO.

Cerasus arbor fructū fert non paris adstrictionis in omnibus particulatim plantis participem. Nam & in horum, sicut etiam malorum granatorum, & malorum, quibusdam austera qualitas, in quibusdam uero dulcis, in nonnullis autem acida exuperat. Quinetiam ipsorum dulcium ea quæ nondum concocta sunt ac matura, quædam admodū acerba sunt, quædam similiter moris acida. Sed in moris immaturis acida qualitas acerbā exuperat, in Cerasijs non semper. Ergo quæ dulcia sunt, magis quæ in intestinis sunt subducunt, sed minus apta stomacho sunt. Contrā austera. Quæcunq̃ uero acida sunt, ea pituitosis excrementosisq̃ stomachis conueniunt. Siquidem austeris magis exiccant, & nonnihil etiam incidunt. Porro ipsius arboris gummi cōmunem omnibus uiscosis & mordacitatem expertis medicamentis facultatem obtinet, quæ & ad arterias exasperatas accōmoda est. Proprie autem (si quidem uerum est quod quidam scribunt) calculis uexatos cum uino potum adiuuat. Nam sic illi tenuium partium quædam facultas inest.

EX PLINIO.

Cerasa & aluum molliunt, stomacho utilia. Eadem siccata aluum sistunt, urinā ciunt.

A ciunt. Inuenio apud autores, si quis matutino roscida deuoret cum suis nucleis, in tantum leuari aluum, ut pedes morbo liberentur.

EX SYMEONE SETHI.

Cerasia mali succi sunt, uentrem subducunt, humidum uentriculū ledunt, praefertim cum non sunt matura. Profunt autem calidis & siccis uentriculis ac temperaturis. Gummi uerò arboris cum uino sumptum calculosis auxiliatur.

APPENDIX.

Sunt qui tradunt gummi quod ex arbore destillat ueteri tussi mederi, ex quo uino sumptum gutturis lenire asperitates, fastidia discutere, & ciborum appetentiam moliri. Colorem cutis facere gratiorem, & oculis afferre claritatem. Lichenes infantium ex aceto sanare.

DE CYANO CAP. CLXI

NOMINA.



YANOS Græcis, Plinio & Latinis alijs Cyanus appellatur. Nonnullis Baptifecula, quod secantibus & metentibus officiat, retusa in eius ocBaptifecula. cursu falce. Nam & seculam ueteres falcem dixerunt. Rectius tamen Blaptifecula uocaretur, quod *βλαπτεν* Græcis nocere significet. Nostri florem frumentorum, Germani autem *blaw Kornblumen* nominant, quod scilicet in frumentario nascatur agro. Cyanos uerò dicta est hæc planta, ob florem quem Flos frumentorum profert cœruleum, aut quod honorem nomenque dederit cœruleo colori. Hinc est quod pueri in hodiernum usque diem barbulas calycibus erutas, ex candido ouiliquo terant, quo in pingendis grandioribus literis cœrulei nitorem mentiantur. Cyanos cur dicta

FORMA.

B Caulis illi est angulosus, folia angusta & oblonga, calyces rosarum, sed squarosi atque tristes, quos plurimæ cœruleæ stipant barbulae. Radix oblonga, lignosa, fibris quibusdam capillata.

LOCVS.

Triuius flos est, passim in frumentis nascens.

TEMPVS.

Iunio potissimum mense floret, nec parum gratiæ suo cœruleo colore frumentis adfert. Hinc est quod rusticorum etiam coronis inseratur, quanquam inodorus prorsus sit.

TEMPERAMENTVM.

Frigidæ est temperaturæ atque adeo repellentis, id quod gustus etiam facile indicat, uiscositatem manifestam, & nullum prorsus caloris indicium præ se ferens.

VIRE S.

Recentiores rectè tradunt huic herbæ facultatem inesse, qua oculis alijsque partibus inflammatione laborantibus proffit.




CYANVS

*Inuenit et aliud genus quod
a natali solo Montanum
appellare libuit*

Blaw Kornblumen.

A

NOMINA.



POMMYON Græcis, Cēpa, & in neutro Cepe, Latinis dicitur. Officīe genuīnum nomen retinuerunt. Germanis Zwibel appellatur: quod sennē uocabulum à Gallico detortum esse uidetur: quandoquidem Galli sua lingua Cēpam uocent Siboulam. Crommyon autem, Aristotele in problematis autore, dictum est, quod oculi pupillam comprimi cogat. Nam oculos uellendo expressis subinde lachrymis contrahi pupillas certum est. Itidem libro nono Dipnosoph. testatur Athenæus. Cēpa uerò à capitis magnitudine,

*Crommyon un-
de dictum.
Cēpa quare uo-
cata.*

FORMA.

Folia habet ferè porracea, intus concaua: caulem teretem rotundumq̃, per cuius fastigium flores primùm candidi, ac subinde semen, in orbem sparguntur: radicem capitatam pluribus compactā tunicis, quę summātim prætenuibus rufisq̃ uestitur membranīs, uertice nigricantē, à quo fibrę capillitij modo fruticant.

LOCVS.

Terram Cēpæ amant pinguem, uehementer subactam & irriguam, passimq̃ hodie in omnibus plantantur hortis.

TEMPVS.

Floret Iulio potissimū mense, & deinceps semen profert, quod non antè legendum, quàm cum nigrum colorem præ se feret. Siquidem eo colore perfectionem fatetur, nigritiaq̃ maturitatis index est.

TEMPERAMENTVM.

Ex quarto est ordine excalefacientiū, essentiaq̃ eius crassarum est partium. Si succum eius exprimas, quod reliquum est admodum terreæ substantiæ est, eiusq̃ calidæ: at succus aqueæ aëriæq̃ caliditatis.


VIRE.

EX DIOSCORIDE.

Cēpa longa acrior est quàm rotunda, item flaua quàm candida, sicca quàm uiridis, & cruda quàm cocta, aut sale condita. Omnes tamen mordicant, flatu gignunt, appetentiam inuitant, extenuant, sitim excitant, fastidium pariunt & expurgant. Alio utiles sunt. Detractis tunicis inq̃ oleum coniectæ, ac pro glandibus subditæ, hemorrhoidas, reliquasq̃ excretiones aperiūt. Succus cum melle illitus, oculorum hebetudinibus, argemis, nubeculis, & incipientibus suffusionibus auxiliatur, anginaq̃ laborantibus. Suppressos menses mouet. Caput purgat naribus infusus. Canis moribus cum sale, ruta & melle illinitur. Cum aceto autem in sole inunctus alphos sanat. Cum pari spodio, scabras lippitudines sedat. Varos cum sale reprimat. Contra calceamentorum attritus, cum gallinaceo adipe utilis est. Alui fluoribus prodest. Aurium grauitati, ac sonitui confert. Ad purulentas aures, & eliciendam aquam in ijs interceptam ualet. Alopeciæ earum succo utiliter perfricantur: celerius enim quàm Alcyonium pilos euocat. Largior Cēparum cibus capitis dolores ciet. Cocta uehementius urinam pellit. In morbis, cocta etiam, copiosius comesta, lethargū efficit. Cum passis uuis, & fico illita, tubercula cōcoquit & rumpit.

EX GALENO.

Hemorrhoidas aperit, tum apposita, tum cū aceto inuncta. In sole alphos abstergit, & alopecijs attrita pilos Alcyonio citius restituit. Porrò succus eius ijs qui suffusione oculorū laborant, aut aciem oculorū obtusam præ crassitudine humorū obtinent, inunctus prodest. Tota Cēpa manducata flatuosa est. Itaq̃ quę temperatura sunt sicciore, minus flatuū generant. Crassos corporis humores extenuat, glutinososq̃ incidit. Bis tamen aut ter in aqua decocta, acrimonia spoliatur, quanquam ne sic quidem uim perdit extenuandi: uerum facultatē quandam obscurissimā alendi corporis.



CEPA

Zwibel.

A corporis exinde acquirit, cuius antea quàm decoqueretur, nihil prorsus obtinebat.

EX PLINIO.

Cepæ olfactu ipso & delachrymationi, & caligini medentur, magis uero succi inunctione. Somnum etiam facere traduntur, & ulcera oris sanare, commanducata cum pane. Et canis morsus uirides ex aceto illitæ, aut sicce cum melle & uino, ita ut post diem tertium soluantur. Sic & trita sanant. Tostam in cinere epiphoris multi imposuere cum farina hordeacea, & genitalium ulceribus. Succo & cicatrices oculorum, & albugines, & argemas inunxere, & serpentium morsus, & omnia ulcera cum melle. Item auricularum cum lacte mulierum, & in ipsdem sonitū ac grauitatem emendantes, cum adipe anserino, aut cum melle stillauere. Et ex aqua bibendum dederunt repente obmutescensibus. In dolore quoque ad dentes colluendos instillauere, & plagis bestiarum omnium, priuatim scorpionum. Alopecias fricuere & psoras tulsis cepis. Coctas dysentericis uescendas dedere, & contra lumborum dolores. Purgamenta quoque earum cremata in cinerem, illinentes ex aceto serpentium moribus, inter ipsas quoque multipedes ex aceto. Reliqua inter medicos mira diuersitas. Proximi inutilia esse præcordijs & concoctioni, inflationemque & sitim facere dixerunt. Asclepiadis schola ad ualidum quoque colorem profici hoc cibo. Et si succum ieiuni quotidie edant, firmitatem ualetudinis custodiri, stomacho utilia esse, ac spiritus agitationi, uentrem mollire, hæmorrhoidas pellere subditas pro balanis, succum cum succo sceniculi contra incipientes hydropises mirè proficere. Item contra anginas, ruta & melle. Excitari eisdem lethargicos.

EX SYMEONE SETHI.

B Cepa lotium cit, & semen genitale gignit. Cibi appetentiam excitat. Capitis dolores facit, & stomacho officit. Rationem etiam, ut aliqui ferunt, lædit. Si uero coquatur, plurimum malignitatis deponit, & utilis fit ad thoracis asperitates, & tussis. Hæmorrhoidas imposita aperit, & cum aceto inunctum alphas extergit. Et si autem crassarum partium substantiā habeat, humores tamen crassos & lentos extenuat. Ventriculum uero inflat. Si crebrius quis ea utatur, in lienis uitia incidit.

DE CAMPANULA CAP. CLXIII.

NOMINA.



VVM nobis non constet quo nomine ueteribus appellata sit hæc herba, placuit illam Campanulam, à florum similitudine, qui campanā planè referunt, nominare. Germanis Halskraut, hoc est Ceruicaria, dicitur, quod scilicet ad oris, & ceruicis, fauciumque mala mirifice conferat.

*Campanula una
de dicta.
Ceruicaria.*

FORMA.

Caulem profert quadrangularem, hirsutum, rubescentē, folia oblonga, hirsuta, in extremitatibus incisa & serrata, ad Vrticam proxime accedentia, flores purpureos campanæ aut calathæ similes, in medio luteum quid prominens obtinentes, quibus emarcescentibus in rotundis capitulis semen prouenit. Radicem multifariam intortam, & candidam.

LOCVS.

Gignitur in pratis siccis, in quibus dumeta plurima existunt. Propemodū enim nunquam nisi in dumetis reperiri potest.

TEMPVS.


Floret Iunio & Iulio mensibus.

TEMPERAMENTVM.

Gustu adstringit, ut hinc exiccandi illi uim esse quisque conijcere queat.

VIRES.

Adstringendi habet facultatem, ideoque decoctum illius unicè ad oris exulcerationes,



CAMPANULA

Gelbtraue.

ationes, aliâque eiusdem mala quæ ad strictione indigent, confert. Vtilis etiam haud dubiè ad alia quæuis ulcera, ob insignem quam obtinet in exiccando facultatem.

DE CALAMINTHA CAP. CLXIII.

NOMINA.



KALAMINTH Græcis, Calamintha Latinis, officinis Calamentum nominatur. Germanicas appellationes paulò post indicabimus. Calamintha uerò dicitur quasi uel bona, uel utilis mentha: namque nidore suo serpentes fugat. Quod testatur etiam Aristophanes ijs uerbis: *σὺ δὲ ὄζεις καλαμίνθης, ὅφρα εἰλασθῇς*. Nisi quis existimet à *κάλω*, hoc est, ligno, quasi lignosam appellari mentham.

GENERA.

Calaminthæ Dioscorides tria facit genera. Primum amat montes, ideo huius generis Calamintha montana uocatur. Germanis *Stein oder Katzenmünz* dicitur. Alterum Latini propriè Nepetam, uulgius eò quod Pulegio simile sit, syluestre Pulegium nominat. Germani etiâ uulgi opinionem sequentes, *wilden Poley & Katzenmünz* uocant. Officinæ pro Calamento hoc solo genere utuntur. Tertium Mentastro simile est, Germanicè *Geelmünz* commodè appellatur.

Primum.

Secundum.

Pulegium sylue-

stre.

Tertium.

FORMA.

Primum Calaminthæ genus folia Ocymo similia habet, subalba, ramulos angulosos, florem purpureum. Alterum Pulegio simile est, maius tamen, propter quod quidam, ut dictum est, syluestre Pulegium nominant, quoniam & odorem illius æmuletur. Tertium Mentastri similitudine est, longioribus folijs, caule & ramis prædictis maius, sed minus efficax; flore luteo.

LOCVS.

Primi generis Calamintha in montibus & asperis gignitur, unde & montana dicta est. Alterius in campestribus & agris. Tertij in aquosis locis.

TEMPVS.

Florent Iunio, potissimum uerò Iulio, mense.

TEMPERAMENTVM.

Calamintha essentia est tenui & calida, siccaque in tertio quodammodo ordine. Horum manifesta sunt indicia, partim gustu apparentia, partim experientia cognita. Gustu quidè acris & palam calida est, ac paulum omnino amaritudinis obtinet.


VIRE. EX DIOSCORIDE.

Omniū folia gustu feruentia admodum & acria. Radix inutilis. Pota aut illita demorsis à serpente opitulatur. Decoctum eius potum urinas & menses expellit. Ruptis, conuulsis, orthopnoeæ, torminibus, cholerae, rigoribusque auxiliatur. Præsumpta in uino uenenis resistit. Regium morbum expurgat. Lumbricos & ascaridas cum sale & melle pota, enecat. Nec secus cocta crudaque si terat. Elephanticos esitata adiuuat, si postea serum lactis bibatur. Folia trita & apposita, menses ducunt, & foetus interimunt. Accensa aut substrata serpentes fugant. Nigris cicatricibus candorem reddunt, in uino cocta & illita. Sugillata tollunt. Ischiadicis imponitur, ut humorem ex alto euocet, meatusque transmutet, summam cutem exurens. Vermes necat succus auribus instillatus.

EX GALENO.


Periclitantibus & corpori admouentibus extrinsecus imposita, primū quidem ualde excalfacit & mordicat, cutemque laniat, postremo etiam ulcus efficit. In corpus autem intrò assumpta, tum ipsa per se sicca, tum etiā cum melicrato, perspicuè calfacit, & sudorem ciat, omneque corpus tum digerit, tum exiccat. Ea ratione ducti quidam ipsam contra rigores per circuitū repetentes adhibuerunt, foris quidem oleo

○ inco-



CALAMINTHAE PRI
MUM GENVS.

Ragwortmüntz.



CALAMINTHAE SE
CVNDVM GENVS.

Wilder Polch.

436

CALAMINTHAE
TERTIVM GENVS.

(ONICA *tertia* c)

Gele Müntz.



A incoctam toti corpori inungentes cum frictione non segni, intrò uero assumentes, sicuti est dictum. Quinetiā & coxendicibus eam quidam in ægritudinibus ischiadicis tanquā strenuum remediū illinunt; trahit enim quæ in profundo hærent, totumq; adeo articulum excalfacit, cutemq; non obscure adurit, mensesq; tum pota, tum apposita admodū efficaciter prouocat. Bonum etiam elephantiorū remediū, non eò tantum quod strenuè tenues humores digerat, uerumetiā quia extenuet & incidat ualenter crassos, quales sunt qui hunc morbū procreant. Sic & cicatricibus atris candorem reddit, & sugillata digerit. Sed ad talia recentem magis quàm aren-tem adhibere præstat. Quippe arefacta uehementior redditur, & ad urendū prom-
B ptior. Porro talis cum sit, ad uenenatarū bestiarū morsus assumitur, uelut etiā caut-
 eria, & quæcunq; medicamenta calida sunt & acria, tenuiumq; partiū, quæq; facile
 ex alto ad sese circumiacentē omnem humiditatē possunt attrahere. Cæterū quæ il-
 li inest amaritudo, planè exigua est, uerum ad quædā ita efficaciter agit, ut quæ ua-
 lentissima est, nimirū quum cōiuncta sit uehementi calori cum tenui essentia. Qua-
 re & ascaridas & lumbricos succus eius infusus aut potus enecat. Eadem ratione au-
 rium uermes, aut si alicubi in parte corporis sinuosa aut implicata quæ putredine
 tentetur, talis prouenerit affectus. Sic & conceptū seu pota, seu admota interimit &
 eiicit. Igitur incidendi quidem ei uis adest propter calorem eius, tenuitatem, & amari-
 tudinē; abstergerendi uero propter unicam amaritudinē. Itaq; asthmaticis ob omnia
 antedicta prodest. Ictericis uerò potissimum ob amaritudinē, sicut alia ferè omnia
 amara, utpote abstergentia & expurgantia in iecinore prouenientes obstructio-
 nes. Ad omnia iam dicta efficacior est montana.

EX PLINIO.

Decocta in aqua ad tertias discutit frigora. Mulierū menstruis prodest. Aestate
 sedat calores. Vires quoq; contra serpentes habet. Fumū ex ea nidoremq; fugiunt,
 quam & substernere in metu obdormituris utile est. Tusa ægilopis imponitur, &
 capitis doloribus recens, cum tertia parte panis temperata aceto illiniť. Succus eius
 instillatus naribus supinis, profluuiū sanguinis sistit. Item radix cum myrti semine
 in passo tepido gargarizata, anginis medetur.

DE CRITHE CAP. CLXV.

NOMINA.



PΙΟΗ Græcis, Hordeū Latinis & officinis dicitur. Germanis Gersten.
 Ex eo polenta, quam Græci ἀλκυον nominant, & Ptisana, medicamen-
 ta ueteribus usitatissima, conficiuntur. Polenta.

GENERA.

Rustici duo esse Hordei genera tradunt. Vnum Polystichū, quod sic dictum est
 quia in multos uersus spicatur. Sunt enim ex hoc genere quæ spicam tribus, interdū
 quatuor, nunc sex, nunc octo uersibus distinctā proferunt. Germanis groß Gerst/
 hoc est, Hordeū magnum uocatur. Alterum Distichū nominatur, quod scilicet in
 duos duntaxat uersus spicetur. Germani klein Gersten/id est, Hordeum exiguum
 appellant. Hordeum poly-
stichum.
Distichum.

FORMA.


Culmum habet tritici, fragiliore tamen minoremq; quinque, sex, & interdum
 pluribus geniculatū articulis, simplici in stipula folio, & eo quidem scabro ac lato.
 Grana ferè nuda, longiore capillamento, mordaciq; arista. In uersus spicatur, radice
 frequenti, capillis fibrata.


LOCVS.

Hordeum pinguisimum amat agrum.

HORDEVUM
POLYSTICHVM.

Grosse Gerst.





HORDEVN DI
STICHVM:

Kleine Gerst.

C

TEMPVS.

Erumpit à primo fatu die septimo, & caput alterum grani in radicem exit, alterũ in herbam, Metitur Augusto mense.

TEMPERAMENTVM.

Hordea primi sunt ordinis in exiccando & refrigerando.

VIRE S. EX DIOSCORIDE.

Hordeum optimũ est candidum, purumq̃. Minus quàm triticum nutrit. Pti-
fana tamen ob cremorem in elixatione redditum, plus alimenti præbet quàm po-
lenta ex hordeo facta. Contra acrimonias atq̃ faucium scabritias, exulcerationesq̃
pollet, quibus etiam triticea ptifana præsidio est, sed plus alit, magisq̃ urinam mo-
uet. Lac abundè suppeditat, si cum Fceniculi semine decocta sorbeatur. Abstergit,
urinam ciet, inflat, stomacho aduersatur, & cedemata concoquit. Farina hordeacea
cum fico in mulla aqua decocta, cedemata & inflammationes discutit. Duritias cū
pice, resina & fimo columbino concoquit. Cum meliloto autem & papaueris caly-
ce dolores finit qui latus excruciant. Aduersus intestinorum inflationes, cum lini
semine, fcenogræco & ruta illinitur. Strumas cum pice liquida, cera, oleo, & impu-
bis pueri urina, ad concoctionem perducit. Cum Myrto autem, aut uino, aut syl-
uestribus pyris, aut rubo, aut malicorio, alui profluuia sistit. Podagricis inflamma-
tionibus cum cotoneis, aut aceto prodest. Decocta in acri aceto, modo quo hordea
ceum cataplasma, & calida imposita, lepris medetur. Liquata eadem cum aqua, atq̃
cum pice & oleo decocta, pus excitat. Cum aceto autem liquata, & cum pice deco-
cta, contra articulorum fluxiones prodest. Farina ex ijs aluum cohibet, inflam-
mationesq̃ mitigat.

EX GALENO.

D Hordea pauxillum etiam absterisionis habent. Paulò etiam plus desiccant quàm
farina fabacea, cui non insint cortices. Cetera uerò similia sunt foris utentibus. In ci-
bo autem hoc præstant fabis, quod flatuosam naturã exuant: fabis quantumcunq̃
que coxeris, flatuosa natura remanet: sunt enim crassioris essentiae quàm hordea,
quamobrem ijs plus etiam nutriunt. Quoniam uerò ambo paulum à medio reces-
serunt, multo sunt usui. Nam talia medicamenta multis alijs miscentur ceu mate-
riæ quædam: itaque etiam cera & oleum paucis medicamentis coniunguntur. Po-
lenta uerò multo plus hordeo desiccet. Plura de hordeo, ptifana & polenta apud
Galenum libro primo de alimentorũ facultatibus offendes.


EX PLINIO.

Farina ex hordeo & cruda & decocta, collectiones impetusq̃ discutit, lenit & con-
coquit. Decoquitur aliàs in mulla aqua, aut fico sicca. Ad iecinoris dolores eam in
posca positam cõcoqui opus est, aut cum uino. Cum uero inter coquendum discu-
tiendumq̃ cura est, tunc in aceto melius, aut in fece aceti, aut cotoneis pyrisue deco-
ctis. Ad multipedũ morsus cum melle, ad serpentium in aceto & contra suppuran-
tia, ad extrahendas suppurationes ex posca, addita resina & galla. Ad concoctiones
uero & ulcera uetera cum resina. Ad duritias cum fimo columbino, aut fico sicca,
aut cinere. Ad neruorũ inflammationes, aut intestinorũ uel laterum uel uirilium
dolores, cum papauere aut meliloto, & quoties ab ossibus caro recedit. Ad stru-
mas cum pice & impubis pueri urina. Cum oleo & fcenogræco contra tumores
præcordiorum, uel in febribus cum melle, uel adipe uetusto. Suppuratis tri-
ticea farina multo lenior. Neruis cum Hyoscyami succo illi-

nitur. Ex aceto & melle lentigini.

*De Elipsantia lib. 8 cap -
mgt. pto. reuerentia. mifficant. Hordei succo*

DE CRO-



CROCI FLÖRES

Saffranblimen.

CROCI FOLIA,



Saffranbletter.

C

NOMINA.

Crocus unde
dictus.

POKOS Græcis, Crocus Latinis appellatur. Officinæ antiquū nomen retinuerunt. Germani Saffran uocant simpliciter, aut cum adiectione, zamer Saffran. Sic uerò uocatus à Croco iuvene, qui propter amorem Smilacis uirginis, in florem sui nominis uersus est; quod Ouidius testatur, qui sic scriptum reliquit:

Et Crocum in paruos uersum cum Smilace flores.

FORMA.

Crocus folio est angusto adusque capillamenti penè exilitatem; flore purpureo Colchici floribus non admodum dissimili, in quo flammea Croci stamina; radice bulbosa, copiosaq; ac uiuaci.

LOCVS.

Nascitur in Coryco monte Ciliciæ optimus. Proxima nobilitas ei qui in Olympo Lyciæ monte prouenit. Dein ei qui ex Aegis Ætoliciæ urbe affertur. Nunc in plerisque Germaniæ locis plantari coepit haud infelicitè, quod uiribus è locis iam cōmemoratis allatis haud cedat.

TEMPVS.

Florem ante folium ædit: per autumnū nanq; Vergiliarum occasu floret, neque ultra mensis spacium flores durant. Postquā autem hi decidunt, statim folia angusta & oblonga prodeunt, uirentq; tota hyeme.

TEMPERAMENTVM.

Crocus paulum quid adstringens obtinet, quod terreum frigidumq; est: sed superat in eo calefaciens & qualitas & facultas, ut tota essentia secundi sit ordinis excalescentium, & primi exiccantium.

D

VIRES. EX DIOSCORIDE.

Crocus emollit, concoquit, leniter adstringit, urinam cit, & coloris bonitatē efficit. Arcet crapulam cum passo potus. Fluxiones oculorū cum lacte muliebri inunctus sistit. Potionibus quæ pro interaneis parantur, utiliter miscetur: item ijs quæ uulvæ sediq; subiiciuntur & illinuntur. Venerē stimulat. Inflammationes erysipelatofas inunctus lenit. Aurium remedijs utilissimus est. Letalem sanè dicunt hunc si trium drachmarū pondere cum aqua bibat. Radix eius cum passo pota, urinā cit.

EX GALENO.

Crocus concoquendi uim quandam habet, adiutante scilicet in hoc & pauca adstrictione. Quippe quibus medicamentis, quum non admodū excalfaciāt, paucula adest adstrictio, ea parem facultatē habent essentijis emplasticis nominatis, quas cum iunctas caliditati non uehementi contigerit, concoquentes esse constat.

EX PLINIO.

Discutit inflammationes omnes quidem, sed oculorū maximè ex ouo illitū. Vuluarum quoq; strangulatus. Stomachi exulcerationes, pectoris & renum, iecinorū, pulmonū, uesicarumq; peculiariter inflammationi earum uehementer utile. Item tussi & pleuriticis. Tollit & pruritus. Urinam cit. Qui Crocum prius biberint, crapulam non sentient. Ebrietati eo resistunt. Coronæ quoq; ex eo mulcent ebrietatē. Somnum facit. Caput leniter mouet. Venerē stimulat. Flos eius igni sacro illinitur cum creta Cimolia. Ipsum plurimis medicaminibus miscetur.

EX SYMEONE SETHI.

Stomacho bonus est, ciborumq; concoctionē efficit. Obstructiones tollit. Pituitosa & lethargica uitia iuuat. Discutiendi quoque uim obtinet, & uisceribus utilis est, ad spiritusq; difficultatē conducit. Si quis illo mediocriter utatur, bonum colorem habebit: sin uerò citra modum, pallorem contrahet, & capitis dolorem, cibiq; inappe-

A inappetentiam faciet. Cum opio & lacte & rosaceo pedum doloribus impositus ubi dolent, summopere prodest, superpositis Betæ folijs.

DE CYNOCRAMBE CAP. CLXVII

NOMINA.



YNOKPAMBH, ἡ κυνία, ἡ λινόζωσις ἄγρια ἄρβωλα Græcis, Canina Brassica, Cynia, & sylvestris mercurialis mas Latinis, wild Bingelkraut das memle/Hundstöl Germanis appellatur.

FORMA.

Caulem ex se mittit dodrantalem, tenerum & subalbidū. Folia Mercuriali similia, albescentia ex certis interuallis. Semen prope folia paruum, rotundum. Ex qua quidem deliniatione sole meridiano clarius est, herbam cuius picturam damus esse Cynocramben. Siquidem ea caulem binūm palmorum altitudine habet, mollem & subcandidum. Folia Mercuriali similia admodum, certis interstitijs, subalbida. Semen item iuxta folia exiguum, rotundum, geminorū instar testiculorum connexum: & in summa, nihil est quod non in ea descriptioni adamussim respondeat.

LOCVS.

In syluis copiose prouenit.

TEMPVS.

Semen ueris initio, nempe Aprili mense, profert, maturescit autem Maio.

TEMPERAMENTVM.

Quum gustu nihil à satiuā Mercuriali distet Cynocrambe, colligitur hinc idem quod illa obtinere temperamentum.

B


VIRE. EX DIOSCORIDE.

Caulis & folia pota, & olerum modo comesta aluum cicut. Ius uero decoctiorū bilem & aquosa detrahit.

APPENDIX.

Alia est Cynocrambe ab hac nostra, ea cuius mentionem facit Galenus, Paulus & alij, adde etiam Dioscorides, uerum sub nomine Apocyni: quod lectorem, ne diuersas herbas unam esse putaret, monere uolui.

DE COLY-



CYNOCRAMBE

Wild Bingelkraut.

A

NOMINA.



COLYTEA Græcis, Colytea & Colutea Latinis dicitur: à nullo tamen, quod sciam, ueterum, quàm à Theophrasto lib. iij. de plant. hist. cap. xviij. celebrata.

GENERA.

Duo eius sunt genera. Vnum quod priuatim Colytea uocatur, officinis incognitum. Germani welsch Linsent appellant. Alterum officinis cognitum & frequentius usu à medicis usurpatum, Mauritano sermone Sena nominatur. Germani ad eam alludentes appellationem, Senet nuncupant. Differunt autem inter se magnitudine: siquidem primum genus maius est altero, utpote quod quadriennio, Theophrasto loco paulò antè citato teste, se in arborem efferat. Siliquæ etiam illius magis turgido spiritu distenduntur, Sena uerò siliquas profert lunatas, nec ita prætumidas. Semen denique Colyteæ rotundum, lentis obtinens similitudinem; Senæ autem oblongum, cordisq; humani instar acuminatum.

FORMA.

Frutex est ramis exilibus, folio fœcnigraci, flore genistæ aut pisi luteo, membra-
neo folliculo, pellucente, prætumido, & ueluti quodam spiritu distendente turgi-
do, ita ut digitis si prematur, crepitans disiliat, in quo semen atrum, durum, latum,
lentis magnitudine, pisi gustu, in ordinemq; digestum clauditur.

LOCVS.

Satum utrunque in hortis prouenit.

TEMPVS.

Floret Colytea Maio & Iunio mensibus, ac subinde in siliquis oblongis semen
B profert.

TEMPERAMENTVM.


Arabes calidam in principio secundi, & siccam in primo ordine statuunt.

VIRE. EX ACTVARIO.

Sene siliquosus quidam fructus à barbaris appellatur, qui citra noxam drachmæ pondusculo potus, pituitam & bilem deiecit: post hos reliquos humores modestissimè purgat, retorridam atramq; bilem, eiusq; suffusiones ex gallinaceo iure depellit. Vetusto capitis dolori, scabiei, comitialibus, impetigini succurrit. Sed feruefacti ius potius quàm triti farina propinatur. Interaneorum obstructions tollit.


APPENDIX.

Quum non forma tantum, imò etiam sapore duo hæc Colyteæ genera sibi similia sint, facile etiam hinc colligitur facultate inter se minimè differre. Quare utrunque citra molestiam atram bilem retorridamq; educit, caputq; ac cerebrum, & instrumenta sensuum à noxijs purgat humoribus. Quid multa? aduersus omnia uitia ab atra bile nata ualet.



COLYTEA

Welsh Linen.



S E N A

Genet.

p 2

NOMINA.

Pes Cornicis.

Coronopus unde dicta.

Sanguinaria.

Herba stellæ.

Cornu ceruinum



ΟΡΩΝΟΡΟΥΣ, ἡ ἀσπίς Græcis, Pes Cornicis & Sanguinaria Latinis dicitur. Officinis incognita herba. Germanis cōmodè Kräen oder Rappensüss appellari potest. Coronopus enim non alia ratione dici cœpit, quàm quod Cornicis pedem effigie repræsentet. Sanguinaria autem Sanguinalis uocata est, quod sanguini sistendo apta sit herba. Sunt qui herbam Stellæ nominant, alludentes haud dubiè ad græcam appellationē astrion. Nonnulli quod folium eius multipartitò confectum in ceruini cornu imaginem effigietur, Ceruinum cornu uocarunt.

FORMA.

Herbula est oblonga, per terram strata, folijs fissis, radice gracili & adstringente. Ex qua quidem descriptione, etsi concisa admodum, satis liquet, herbam hanc cuius picturam damus esse Coronopum. Herbula enim est folijs oblongis & scissis ac in multas partes laciniatis, atque adeo cornicis pedem effigie referentibus, humi quoque semper sparsa proserpit radice denique tenui admodum & adstringente prædita. Quibus omnibus id quoque accedit, quod Dioscorides Psyllium folia Coronopo similia habere scribit: quod si uerum esse ex utriusque herbæ collatione experiri uolueris, senties Coronopi huius nostri folia planè Psyllij folijs simillima esse, potissimum ubi primum è terra erumpunt: imò quod ad folia, flores & semina attinet, omnia in utrisq; sibi similia deprehendes, in eoq; solo distare comperies, quod Psyllium folia non fissa habeat, & in altum surgat, singulaq; iam dicta maiora producat: contrà Coronopus humi repat, minoraq; omnia proferat. Vtraq; igitur herba luteos obtinet flores, & semina in capitulis pulicibus similia. Capitula uerò in Coronopo sunt multo quàm in Psyllio tenuiora ac longiora, id quod pictura graphicè monstrabit. Ex ijs quoque manifestum fit errare illos toto cœlo, qui gramen aculeatum & Coronopum unam & eandem herbam esse contendunt, cum tamen forma non parum distare uideantur. Atque hinc est quod omnes ueteres tam Græci quàm Latini utranque herbam seorsim, & in diuersis locis descripserint. Plinius siquidem lib. xxiii. cap. xix. aculeatum gramen in cacumine aculeos plurimum quinos habere, atque adeo Dactylon uocatum esse hoc nomine, quod scilicet digitorum speciem referat, scribit. Coronopus uerò neque quinos, neque in cacumine aculeos obtinet, sed tantum folia fissa, uel si aculeos placet appellare has fissuras, non in cacumine, sed in ambitu passim foliorum eas reperiēs: ut certum sit Coronopum non esse aculeatum gramen.

LOCVS.

Dioscorides in incultis, semitis, & iuxta domicilia nasci tradit. In Germania tamen, quod sciam, nusquam nisi sata prouenit.

TEMPVS.

Floret Iunio mense, ac subinde in oblongis capitulis semen profert.

TEMPERAMENTVM.

Ex adstrictione ipsa satis constat radicem ipsam siccandi ui præditam esse.

VIRES. EX DIOSCORIDE.

Herba cocta estur olerum modo. Radicem habet in cibo adstringentem, quæ cœliacis conducat.


EX GALENO.

Coronopodis radix comesta cœliacis prodesse creditur.

EX PLINIO.

Seritur interim Coronopus, quoniā radix cœliacis præclarè facit in cinere tosta.

DE CYCLA-



CORONOPVS

Kräutfuß.

P 3

C

NOMINA.

Cyclaminus una
de dicta.

Ichthyotheron.

Rapum terræ.

Tuber terræ.

Umbilicus terræ.

Panis porcinus.

Panis terræ.

YKΛAMINOS, ἰχθυόθηρον Græcis, Rapum & tuber umbilicusq; terræ Latinis, Cyclamen officinis mutata uoce, Panis porcinus & terræ, atq; Arthanita à nostræ ætatis herbarijs, Germanis Erdwurz oder Apffel/Schwein oder Sewbzot dicitur. Cyclamino Græci nomen fecerunt, circumactâ in orbem eius circinationē contemplati, ὡς τὸ κύκλος, quasi ab orbe Cyclaminon, hoc est, orbicularē dixerunt. Fuitq; hæc prior & antiquior plantæ huius appellatio. Ichthyotheron uerò idem, quod pisces ea necantur nominauerunt. Romani Rapum terræ, quoniam eius radix in terra uelut Rapum extuberat. Quæ sanè ratione terræ tuber, quod in molem quandam intumeat: aut umbilicum terræ, quoniam ut umbilicus circinata forma emergit, sic & Cyclaminus sub terra conspicitur, etiam appellarunt. Panem porcinum haud dubiè primum uocarunt subulci, qui pecori suo radicem huius gratam pabulis cognouerunt. Cæteri antiquum Cyclamini nomen ignorantes, quod sæpius radicem in orbem circumactâ intuerentur, quæ non in globum intumescens, sed ueluti pressa sese in latitudinem explicaret, qua forma quotidiano usu panes uisuntur, terræ panem cceperunt appellare.

Colossimus, cui refert roborum Cyclamini

FORMA.

Folia Hederæ habet, purpurea, uaria, suprâ infraq; albicantibus maculis. Caulem longitudine quatuor digitorū, nudum, folijsq; carentem, in quo flores rosarum effigie purpurei. Radicem nigram, rapo similem, in latitudinem se pandentem.

LOCVS.

Nascitur in umbrosis & uepribus, maximè sub arboribus.

TEMPVS.

Cyclaminus ad finem Augusti folia sua quæ per integrū retinuit, amittit, & subinde noua emittit, atq; statim inter ea flores ostendit, qui integro durant autumno.

TEMPERAMENTVM.


Clarum est ex particularibus operationibus, quas statim subiiciemus, Cyclaminum esse calidam & siccam in tertio ordine.

VIRE. EX DIOSCORIDE.

Radix Cyclamini cum hydromelite pota, pituitam, aquamq; per inferna trahit. Menses pota & apposita cit. Tradunt si prægnans mulier radicem transgrediatur, abortum fieri. Partum appensa accelerat. Bibitur & in uino contra letalia, præsertim leporē marinum. Illita contra serpentium ictus remedio est. Immista uino ebrietatem facit. Regium morbum sistit tribus drachmis pota cum passo, aut diluta multa. Sed oportet eum qui bibit cubiculo calido reclinare, multis uestibus cōtectum, quod sudet. Eiectus uerò sudor felleus colore inuenitur. Succus eius ad purgandum caput, naribus instillatur. Sedi etiam deijcienda excrementa in lana subiicit. Umbilico, imo uentri & coxæ illitus succus aluū mollit, uerum abortū efficit. Suffusis & hebetibus oculis inunctus cum melle succus prodest. Medicamentis abortū inferentibus admisceat. Sedem procidentē cum aceto inunctus succus cōpescit. Exprimitur tusa radice succus, & ad mellis crassitudinē decoquit. Radix cutem extergit. Exanthemata reprimat. Vulneribus per se ex aceto aut melle medeat. Illita lienē minuit. Vitia cutis in facie à sole & alopecias emendat. Decocto eius luxata, podagra, & capitis ulcuscula, pernionesq; utiliter fouent. Ipsaq; in uetere oleo feruefacta, ad cicatricem perducit quæ oleo illo inuncta fuerint. Cauata radix oleo expleat, & cineri feruenti imponit, adiecto interdū thyrrhenicæ ceræ modico, ut strigmenti crassitudinem contrahat unguentū, cum primis utile pernionibus. Radix Scillæ modo concisa reponitur. Narrant ad amatoriam assumi cōtusam, & in pastillos conformatā.

EX GALENO.

Cyclaminus uarias uires obtinet, nam & extergit, & incidit, & ora uenarum aperit, & attrahit, & discutit. Clarum uerò id est ex particularibus operibus. Nam succus eius



CYCLAMINVS
Schweinbrot.


Cus eius hæmorrhoidas referat, uiolenterq; ad recessum prouocat in floccis appositus. Sic etiam medicamentis tubercula, strumas, aliasq; durities discutientibus commiscetur, ac suffusis cum melle illitus competit: ad hæc quoq; per nares expurgat. Adeò est uehemens eius facultas, ut abdomine illito uentrem subducatur, & fœtum interimat. Nam & alioqui ualidum interimendo conceptui medicamen est, in pefso addita. Tota uerò radix succo imbecillior est, quanquam & ipsa uehemens sit. Nam & menses siue epota, siue apposita euocat, & regio morbo prodest, non modo ipsum uiscus expurgans, sed etiam quæ in toto corpore bilis fuerit, eam per sudorem excernens. Proinde à potione omnibus modis sudoris adiuuanda prouocatio est. Modus eius bibendi est drachmarum trium, siue cum melicrato, siue cum passo. Cutem extergit cum in alijs, tum quod alopecias, ephelidas, omniaq; exanthemata curret. Lienem quoque induratum iuuat illita, tum recens, tum arida. Sunt qui radicem siccam asthmaticis exhibeant.

EX PLINIO.

Cyclamini radix contra serpentes omnes bibitur. In omnibus ferenda domibus, si uerum est, ubi sata sit, nihil nocere mala medicamenta: amuletum uocant; narrantq; ea ebrietatem repræsentari, addita in uinum radice. Et siccata Scillæ modo concisa reponitur, decoquiturq; eadem ad crassitudinem mellis. Suum tamē uenenum inest ei, traduntq; si prægnans radicem eam transgrediatur, abortum fieri. Radix denique tribus drachmis bibitur in loco calido, & perfrictionibus tuto: sudores enim felleos mouet.

DE CYPERO CAP. CLXXI.

NOMINA.

D  **ΚΥΠΕΡΟΣ** Græcis, Cyperus & Cypirus Latinis dicitur. Quum enim Græci quandoq; diphthongo, ut Theophrastus, quandoq; uocali breui, quemadmodum Dioscorides, Galenus & alij quidam, penultimam scribant, sit ut aliqui c, alij uerò i retineant. Poëtæ qui e ex diphthongo retinuerunt, meritò penultimam in Cypero produciunt. Officinæ latinum nomen retinuerunt. Germanis wilder Galgan uocatur.

FORMA.

Cyperus porri folia habet, longiora tamen, graciliora & solidiora. Caulem cubitalem, & nonnunquam altiorē, angulosum, scœno similem, in cuius cacumine minorum foliorum ac seminis productio est. Radices illi subsunt, quarum usus est, oblongæ, oliuarum modo sibi inuicem commissæ, aut rotundæ, nigræ, suauiter olentes, & amaræ: uel, ut Theophrastus deliniat, inæquales, partim crassæ, carnosæq; partim graciles atq; surculosæ. Ex qua descriptione omnibus esse perspicuum arbitramur, stirpem cuius nunc picturam damus esse Cyperum. Siquidem folia fert porracea, longiora exilioraq; caulem altitudine cubiti, aut altiorē, angulosum, in cuius cacumine minuta folia prodeunt, inter quæ semen residet. Radices huic sunt oblongæ, oliuarum modo inter se connexæ ac inuicem implexæ, aut rotundæ, nigræ, iucundè spirantes, gustu amaræ. Præterea magna inæqualitate notantur, quod pars quædam crassa carnosaq; quædam gracilis atque lignosa sit. Nemo enim non uidet radicis tenuitatem surculosam protinus in oliuaria tubercula uerticillari. Nascitur quoque è latere huius radícula, quod Theophrastus etiam notauit, unde caliculus erumpit alius, ut pictura affabre monstrat.

LOCVS.

Nascitur in locis cultis & palustribus. In Germania certè non nisi cultus in hortis prouenit.


TEMPVS.

Minuta folia in cacumine cum semine Iunio & Iulio mense producit.

TEMPE-

CYPERVS

Wilder Galgan.



C

TEMPERAMENTVM.

Cyperi radices maximè usui sunt, excalfacientes pariter & exiccantes citra mordacitatem.

VIRE. EX DIOSCORIDE.

Radici Cyperi calefaciendi uis inest, urinamq; mouendi. Calculosis & aqua inter cutem correptis pota succurrit. Aduersus scorpionū ictus remedio est. Refrigerationibus uuluae & preclusionibus fotu auxiliatur. Pellit menses. Arida trita oris ulceribus, etiam si depascant, prodest. Malagmatis calefacientibus miscetur, & unguentorum spissamentis accommodatur.

EX GALENO.

Cyperi radices maximè usui sunt, excalfacientes pariter & exiccantes citra mordacitatem. Itaq; ulceribus quæ præ nimia humiditate cicatricem difficulter admittunt, mirificè profunt: habent enim quiddam etiam adstringens, quapropter ulceribus item oris conueniunt. Quin & incidendi uim quampiam illis inesse testificandum, qua & calculo uexatis congruunt, & urinam mensesq; mouent.

EX PLINIO.

Cypero uis in medicina psilothri. Illinitur pterygijs, ulceribusq; genitalium, & quæ in humore sunt omnibus, sicut oris ulceribus. Radix aduersus serpentium ictus & scorpionum præsertim remedio est. Vuluas aperit pota. Largiori tanta uis, expellit eas. Urinam ciet & calculos: ob id utilissima hydropicis. Illinitur & ulceribus quæ serpunt, sed his præcipuè quæ in stomacho sunt, ex uino uel aceto illita. Iunci radix in tribus heminis aquæ decocta ad tertias tussi medetur. Semen tostum & in aqua potum, sistit aluum & foeminarum menses, capitisq; dolores facit.

D

DE LATHYRI CAP. CLXXII

NOMINA.

Cataputia minor
quare dicta



ΑΟΥΡΙΣ Græcis, Lathyris Latinis, officinis Cataputia minor, quod in pilulis quibusdam, seu potius catapotijs, semen ferat: aut, quod uerisimilius est, quia granis eius ad aluum subducendam pro catapotijs utantur. Germani *Springer* aut *Springkörner* oder *Treibkörner* appellant, quod semen scilicet nisi in tempore auferatur, sua sponte ex loculamenti saliendo excidat.

FORMA.

Cataputia minor

Caulem profert cubitalem, uacuum, digiti crassitudine: in eius cacumine sunt alæ. Folia in caule oblonga, amygdalinis similia, latiora tamen & læuiora. Quæ uerò in summis sunt ramulis, minora, Aristolochiæ aut oblongæ Hederæ figura. Fructum fert in summis ramis tribus loculamenti distinctum, rotundum ceu Capparin, in quo terna sunt semina putaminib; inuicem discreta, rotunda, maiora eruis, quæ quum corticibus exuunt, candida sunt, & gustu dulcia. Radix illi tenuis & inutilis. Totus autem frutex lacteo liquore, Tithymali modo, plenus est. Hanc certè descriptionē, si singula comparare uelis, ita Cataputiæ minori quadrare inuenies, ut nulla prorsus sit nota, quam non pictura referat. Nam hæc caulem cubitali emittit longitudine, & digitali crassitudine. Gignunt in fastigio alæ, & folia in caule oblonga, amygdalæ proxima, latiora & læuiora. Quæ autem in summis emicant ramulis, minora ijs quæ caulem ambiunt conspiciuntur, Aristolochiæ aut longioris Hederæ figura. In cacuminibus fructum gerit triplici cellula conceptaculoue distinctum, ceu Capparin rotundum, in cuius uentriculis grana tria intercurfantibus membranis diuisa continentur, eruis maiora, rotunda, quæ corticibus exuta alba spectantur, gustatu dulcia.

LOCVS.



LATHYRIS

Springkraut.

C

LOCVS.

Nascitur locis cultis & fabulosis.

TEMPVS.

Carpitur autumnō dum fructu prægnaus est, semenq; eximitur dum tuniculæ quibus includitur, inaruerunt.

TEMPERAMENTVM.

Calidam in tertio, & in primo ordine humidam statuunt.

VIRE. EX DIOSCORIDE.

Purgant aluum grana eius sex uel septem sumpta in catapotio, aut comesta, aut cum caricis aut palmulis deuorata, frigida superpota aqua. Ducunt autem pituitam & bilem, & aquas. Succus Tithymali modo exceptus, eundem effectum præstat. Folia cum gallinaceo aut oleribus decoquuntur ad eosdem effectus.

EX GALENO.

Sunt qui Lathyrin dicant Tithymali esse speciem, tum quod similiter illis succum habeat, tum quod eodem modo purget, uniuersaq; illis facultate similis sit, nisi quod semen gustantibus uideatur dulce: quod sanè etiam maximè purgatoriam uim obtinet.

EX PLINIO.

Grana uicena in aqua pura aut mulsâ pota, hydropicos sanant. Trahunt & bilem. Qui uehementius purgari uolunt, cum folliculis ipsis sumunt ea, nam stomachum lædunt: itaq; inuentum est, ut cum pisce, aut iure gallinacei sumerentur.

DE LEVCOIO DIOSCORIDIS

CAP. CLXXIII.

NOMINA.

D
Viola alba.
Cheiri.



ΕΥΚΟΙΟΝ Græcis, Viola alba, uel Viola simpliciter Latinis, officinis Mauritana uoce Cheiri uel Keirim appellatur, Germanis Weiel. Non autem temerè adiectū est Dioscoridis: hac enim uoce à Leucoio Theophrasti, de quo suo loco dicemus, segregare uoluimus.

GENERA.

Et si Leucoij nomine Viola significetur candida, tamen & pro lutea, & cœrulea, & purpurea solet usurpari. Quatuor itaque Violæ huius sunt genera, quæ sola florum diuersitate inter se differunt. Alia enim candida, alia lutea, alia purpurea. Non est tamen quod per purpuream hic intelligas eam quæ Græcis ἰορ, & Latinis propriè Viola dicitur: nam eius alia ab ea de qua hic agimus familia est, huicq; tum qualitate tum facultate, adde etiam forma, contraria. Ea enim quæ ἰορ Græcis uocatur, humilis est, ob id à nonnullis Sessilis dicta, & latiore folio. Contrà nostra illa, ut mox dicemus, cubitali est altitudine, & minimè sessilis. Idem de candida dictum putes, nam ea quoq; duplex est: una de qua hic fit sermo, alia sessilis, de qua in præsentia nihil dicemus. Nos tria duntaxat genera picta damus: cœruleas enim uidere non licuit. Quare supposititium hoc uerbum in Dioscoride puto, maximè cum Plinius lib. xxi. ubi de satiuis Violis loquitur, purpurea scilicet, lutea & alba, nullam de cœrulea mentionem fecerit.

Viola purpurea
duplex.

Viola candida
duplex.


FORMA.

Cubitali altitudine profiliunt, ramosæ, caule Brassicæ exiliore, folio longo, molli, canescente, flore quadrifolio, Violæ syluestris odorem referente, non unius coloris, nam alij candidi, alij lutei, alij purpurei. Semen foliaceum tenuibus quidem, sed quincuncialibus siliquis continetur.

LOCVS.


Vbiq; ferè in hortis & cultis reperiuntur, Non enim nascuntur magna ex parte nisi satae fuerint.

TEMPVS.




LEVCOION

Weiß Weiel.



VIOLA
LUTEA.

Seel Deich.



VIOLA
PURPUREA

Braun Veich.

TEMPVS.

C

Primo uere & Maio potissimū mense, inter flores emicat Leucoion. Hoc itaque tempore flores carpenti, Semen inter æstatis initia profert.

TEMPERAMENTVM.

Leucoion abstergentē facultatem possidet, & tenuium est partium, Galeno auctore, proinde ut calidum sit necesse est.

VIRES. EX DIOSCORIDE.

Lutea in medicina præcipui usus est. Huius flores aridi efferuefacti in defelsionibus, contra uulvæ inflammationes ualent, & menstrua educunt. Cerato excepti rimas sedis sanant: cum melle oris ulcera. Semen eius duūm drachmarum pondere ex uino potum, aut cum melle appositum, menses, secundas & foetus educit. Radices cum aceto illitæ, reprimunt lienem, & podagricos iuuant.

EX GALENO.

Leucoij frutex uniuersus extergentē facultatem obtinet, ac tenuiū partium est, plus tamen flores, & inter hos qui sunt sicciores magis etiam quam uirides, ad eō ut & oculorum crassas cicatrices extenuent. Tum menses quoque decoctū eorum mouet, & secundas, foetumque emortuum elicit, & si bibatur, abortum facit. Est ergo id medicamentū, ut si quod aliud, amarum. Quod si quis uirium eius uehementiam multa aqua admista mitiget, aut certē id genus aliquo, habebit & ad phlegmonas bonum medicamentū. Sic decoctum eius si non merum fuerit, uteri phlegmonas identidem perfusum sanat, potissimum quæ diutino tempore ad scirri modum induruerit. Sic cum cerato ulcera ægrè ad cicatricem peruenientia curat. Sunt uerò etiam qui cum melle ad oris ulcera adhibeant. Semen quum eiusdem sit facultatis, aptissimum est duarum drachmarū mensura potum, tum mensibus ciendis cum melle appositum conuenire creditur, foetumque uiuentem interficere ac mortuum ejicere. Radices similis quoque facultatis, nisi quatenus crassioris sunt essentia, & magis terrenæ, cum aceto lienes induratos sanant. Nonnulli uerò & phlegmonas induratas ijs curant.

EX PLINIO.

Extenuant, menstrua & urinā ciunt. Minor uis est recentibus, ideoque aridis post annum utendū. Lutea dimidio cyatho in aquæ tribus, menses trahit. Radices eius cum aceto illitæ sedant lienem. Item podagram, oculorū inflammationes, cum myrrha & croco. Folia cum melle purgant capitis ulcera, cum cera rimas sedis, & quæ in humidis sunt. Ex aceto uerò collectiones sanant.

DE LAPATHO CAP. CLXXIII.

NOMINA.

Lapathum unde dictum.

λαπάριον.



ΑΠΑΘΟΝ Græci, Rumicem Latini, barbari Lapatium uocant. Lapatium autem ab effectu nomen accepit, quod scilicet exinaniat: etenim λαπάριον uacuare uel exinanire Græcis est: omnium siquidem generum folijs decoctis alius mollitur.

GENERA.

- Primum.** Huius quatuor genera facit Dioscorides. Primum oxylapathon Græcis & Latinis dicitur. Officinæ Lapatium acutum, Germani Wengelwurz / Grindwurz / Streiffwurz / Zitterwurz / Wildampffer nominant. Oxylapathū, quamuis anceps in acidum saporē uel acutam figurā uideatur significatio, tamen nomen hoc à folijs quæ in mucronē desinunt accepisse uidetur. Secundū genus hortense priori dissimile, non quidē in uniuersum, sed duntaxat in folijs, quæ Serapione teste, multo sunt latiora. Hoc genus haud dubiè est Rhabarbarū monachorum, quod passim hodie in hortis plantatur: Oxylapatho enim per omnia ferè simile est, folia tamen latiora obtinet, & ob cultū paulò tenerius est. Cum autem primū erumpūt folia, **Tertium.** purpurea ferè sunt, dein quotidie uiridiora fiunt, ut pictura ipsa monstrat. Tertium sylue-



OXYLAPATHVM

Mangelwurzel.

RVMICIS SE
CVNDVM GENVS.


Münch Xhabarbatum.





RVMICIS
ERTIVM GENVS.

Güter Heinrich.



OXALIS

Saur Ampfer.

A syluestre, paruum, plantagini simile, molle & humile est, quod uulgate nomine bonus Henrichus, germanicè *güter Heinrich* dicitur, id quod ex forma primùm colligitur: folia enim eius oxalidi, nisi quod ampliora sunt, atque adeo ad plantaginis nōnihil accedunt folia, similia sunt. Flores autem eius & semen sic Oxylapathū referunt, ut uix ab inuicē discerni queant. Dein uires etiam cōueniunt: uulneraria enim herba est Bonus Henrichus, ac mirificè ad sordida purganda, ac glutinanda ulcera confert, sic ut appensa etiam, ac trita uulnerib. imposita, uermes qui in ijs nati sunt excidere faciat. Quartū genus Græci *ἑκαλίδα*, Latini Oxaliden, officinæ Acetosam, *Quantum.* Germani Saur Ampffer nominant. Oxalis autem ideo dicta est, quod in gustu *Acetosa.* acorē planè respiciat, unde etiam uulgus Acetosam uocauit. Hanc propriè Romani appellarunt Rumicē, forsitan quod ab ea succus non aliter atq; mamma, quam Ru *Rumex unde dicta.* men ueteres dixerunt, sitientibus exugī soleat. Galenus tria tantum genera Lapathi facit, Oxaliden, Oxylapathon & Hippolapathon, quod sic Græci quasi grande Lapathum dicunt, magnis amplisq; rebus hippo præponere soliti, ab equo excel- *Hippo.* lentis amplitudinis animali magnitudinem mutantes.

FORMA.

Oxylapathū folijs duris & in cacumine acutis, semine herbaceo acuminato ex mi *Oxylapathi.* nutissimis pediculis dependente, radice longa & lutea uel potius crocea. Secundū genus Oxylapatho perquā simile est, folijs tamē latioribus ac teneriorib. constat, caule bicubitali interdum, striato, floribus exiguis, luteis, semine ut Oxylapathon triangulari, radice longa & lutea seu crocea. Tertiū genus, quod uulgus hodie Bonum Henrichū uocat, foliū Oxalidi, latius tamē, aut Aro, uel ut Dioscorides inquit, *Oxalidis.* plantaginiue simile obtinet. Aliqua enim Ari, aliqua autē plantaginis folia referūt. Caulē prioribus duobus humiliore, in quo flores & semina racematim multa dependent. Radicē uerò longam & subflauā. Oxalis autē folia syluestri & paruo humilīue Rumici similia habet. Caulis eius nō adeò grandis est, sesquicubitū altus. Semen acuminatum, rubrum, quod foliaceo uestitur inuolucro, sapore acri, quod in caule & adnascantibus coliculis nascitur.

LOCVS.

Oxylapathon in palustrib. & circa fossas potissimū nascitur. Secundū genus hodie in multorū hortis consitum prouenit. Tertiū passim in arcis, sepibus & circa itinera crescit. Oxalis in omnibus pratis copiosissimè prouenit.

TEMPVS.

Æstate antequam prata demetantur omnium copia haberi potest.

TEMPERAMENTVM.

Recentiores Acetosam statuūt esse frigidā & siccā in secundo. Atqui quale huius & reliquarū Rumicū sit temperamentū, ex facultatibus earundem, quas mox dicemus, facile deprehendent studiosi. Secundi generis Rumex in folijs manifestissimā aciditatem ostendit, ut hinc etiam conijcere liceat esse Rumicem, utcunq; monachi & cum ijs multi quoq; medici, Rhabarbarum esse contendunt.

VIRE. EX DIOSCORIDE.

Omnium Rumicū olus decoctū aluum mollit. Crudum illitū cum rosaceo aut croco melicerides discutit. Semē syluestris & Oxylapathi & Oxalidis cum aqua aut uino utiliter contra dysenterias, celiacos affectus, stomachi fastidia, scorpionumq; ictus bibit. Si quis etiā in potu præsumat, nihil ictus patiet. Radices ipsarū ex aceto & crudæ illitæ, lepras, impetigines, scabrososq; ungues sanāt. Sed antea locus aceto & nitro in sole perfricandus est. Pruritus decoctū earum sedat, si eo foueantur. Coctæ in uino si cum iure colluant, aurium dentiumq; dolorē mulcent. Strumas parotidasq; discutiunt si cum uino decoctæ illinant. Lienes autē cum aceto. Aliqui utuntur radicibus contra strumas, uinculo collo eas appendentes. Tritæ & appositæ foeminarū fluxiones sistunt. Decoctæ cum uino & potæ regio morbo correptos emendant. Calculos uesicæ cōminuunt. Menses cient. Scorpionum ictibus auxiliantur. Hippolapathon eadem antedictis Rumicum generibus uires obtinet.

EX GA-

EX GALENO.

C

Lapathum moderatè digerentē facultatem habet, oxylapathum uerò mistam: nam simul cum eo quod digerit, nōnihil quoq; reprimendi facultate participat. Semen eorum manifestam quandam adstrictionē obtinet, adeò ut & dysenterias, & alui profluvia sanet, potissimum autem oxylapathi. Hippolapathon easdem dictis facultates obtinet, sed imbecilliores.

EX PLINIO.

Syluestria Lapatha scorpionū ictibus medentur, & ferire prohibent habentes. Radix aceto decocta si coletur, succus dentibus auxiliatur: si uerò bibatur, morbo regio. Semen stomachi inextricabilia uitia sanat. Hippolapathi radices priuatim ungues scabrosos detrahunt. Dysentericos, semen duabus drachmis in uino potum, liberat. Oxylapathi semen lotum in aqua celesti, sanguinem reſcientibus, adiecta acacia lentis magnitudine, prodest. Præstantissimos pastillos faciunt ex folijs & radice, addito nitro & iure exiguo. In usu aceto diluunt. Sed satiuū in epiphoris oculorum illinunt frontibus. Radice melicerias & lepras curant. In uino uerò decocta, strumas & parotidas & calculos. Poto uino & lienes, coeliacos æque & dysentericos & tenasimos. Ad eademq; omnia efficacius ius Lapathi, & ructus facit, & urinā ciet, & oculorum caliginem discutit. Item pruritus corporis, in folia balnearū additum, aut prius ipsum illitum sine oleo. Firmat & cōmanducata dentes. Eadem decocta cum uino, sistit aluum. Folia soluunt adiecto sale.

APPENDIX.

Rhabarbari monachorum facultas.

Alterius generis Rumicis, qui Rhabarbarū monachorū uocatur, radix purgandi etiam uim obtinet, si in puluerem redacta drachmæ pondere sumatur. Neq; id mirum admodum, cum etiam Dioscorides ipse omnium Rumicum olus decoctū aluum mollire, atq; decoctas eorundem radices cum uino, regio morbo correptos emendare, ob bilis nimirum per inferna educationem, testetur.

DE LIMONIO CAP. CLXXV

NOMINA.



Beta sylvestris unde dicta.

Tintinabulum terræ

Pyrola.

LIMONION Græcis, Limonion, Beta sylvestris & Tintinabulum terræ Latinis, uulgo Pyrola, Germanis Wintergrün / Holzmangolt / Waldmangolt / oder Waldföl appellatur. Beta autem sylvestris hæc herba dicta est, quod in syluis & locis muscosis, hortensi Betæ primum erumpenti haud dissimilis, proueniat. Tintinabulum, à floribus eius tintinabulo similibus, Pyrola, quod eius folia arboris pyri folio similia sint.


FORMA.

Folia Betæ similia habet, tenuiora tamen & minora, decem, aut plura. Caulem tenuem, rectum, lilio æqualem, semine rubro, gustuq; adstringente plenum. Ex qua siquidem descriptione abundè liquet, herbam quam uulgo Pyrolam uocat esse Limoniū. Folijs enim Betæ similis est, uerum tenuioribus & minoribus (legendum enim in Dioscoride μικρότερα, & non μακρότερα, Plinio libro uigesimo, capite octauo, teste) decem, interim pluribus. Caule tenui, recto, lilio simili, pleno seminis rubri, quod gustu adstringit. Quibus accedit quod germanicè Waldmangolt / id est, Beta sylvestris nominatur. Neque uires discrepant: adstringit enim, uulnerariaq; herba est Pyrola, haud secus atque Limonium. Flores denique tintinabulo similes sunt, ut citra ullum discrimen Pyrolam Dioscoridis esse Limonium asseuerare liceat.

LOCVS.

In umbrosis & syluestribus prouenit locis.

TEMPVS.



LIMONIUM

Wintergrün.

C

TEMPVS.

Iunio mense floret.

TEMPERAMENTVM.

Folia & semen gustu uehementer adstringunt, ita ut in tertio ordine siccitatis illud recte recentiores collocent.

VIRES. EX DIOSCORIDE.

Semen tritum in uino potum acetabuli mensura, dysentericis ac coeliacis auxilia tur. Rubrum foeminarum profluuium sistit.

EX GALENO.

Limonij semen utpote austerum, coeliacis, dysentericis & sanguinem spuentibus cum uino exhibent. Iuuat & profluuium muliebri. Satis autem est acetabuli mensura.

EX PLINIO.

Huius folia ambustis utilia, guttantia adstringunt. Semen acetabuli mensura dysentericis prodest. Aquæ e radice coctæ maculas uestium eluere dicuntur, itemq; membranarum.

EX RECENTIORIBVS.

Pyrolæ decoctum interna & externa uulnera potum sanat. Item fistulis ac alijs malignis ulceribus medetur.

DE LAMIO CAP. CLXXVI.

NOMINA.

Archangelica.

D

Vrtica mortua
quare dicta.

LAMIVM Plinio lib. xxi. cap. xv. & lib. xxij. cap. xiiij. uocatur. Vulgo Vrtica iners & mortua. Sunt qui albam Vrticam nominent, & Archangelicam. Officinis inusitatum, germanicè Todtnessel/ oder Taubnessel dicitur. Iners & mortua cognominata, quod folijs non mordentibus sit, & mitissima.

GENERA.

Vrticæ mortuæ tria inueniuntur genera. Vnum albis, quod propriè Lamium dicitur: alterum luteis, & tertium purpureis floribus constat. Nos, quia solis floribus differunt, nec in eorum folijs aliquod discrimen apparet, una icone omnia tria complexi sumus genera.

FORMA.

Folijs constat Vrticæ pungentis, minoribus, fimbriatis, candidioribus, lanugine nequaquã mordaci, caule quadrangulo, flore albo, purpureo, aut purpureo, radice ex interuallis cincinnis capillata. Graui odore tota fragrat. Innoxia est & morfu caret. Semen in caulibus per interualla copiosum & nigrum profert.

LOCVS.

Pasim circa semitas & sepes nascuntur.

TEMPVS.

Vere primo, Maio potissimum mense, floribus abundat, & tota ferè æstate.

TEMPERAMENTVM.


Calidum & siccum est Lamium, ueluti etiam alia Vrticæ genera, id quod ex gustu, eiusq; facultatibus deprehenditur.

VIRES. EX PLINIO.

Medetur cum mica salis contusis inculsisq; inustis & strumis, tumoribus, podagris, uulneribus. Album habet in medio folio, quod ignibus sacris medetur. Quidam e nostris tempore discreuere genera. Autumnalis Vrticæ radice alligata in tertianis, ita ut ægri nuncupentur cum eruitur ea radix, & dicatur quæ, & cui, & quorum filio eximatur, liberari morbo tradiderunt. Hoc idem contra quartanas polle-
re, lidem

LAMIUM

Taub Nessel.



C re. Idem radice urticae addito sale, infixæ corpori extrahi. Folijs cum axungia strumas discuti, uel si suppurauerint, erodi compleriq̃.

EX RECENTIORIBVS.

Recentiores hac inertæ Vrticæ utuntur sistendo ruentis è naribus sanguinis impetu, imæ ceruici uel scapulis alligando, inde sperant in aduersum trahi cruoris manantis impetum. Vlceribus denique, putredinibus & fistulis mirificè conferre, ac mederi tradunt.

DE LINO CAP. CLXXVII

NOMINA.



INON Græcis, Linum Latinis & officinis, Germanis *Lein* / oder *Flachß* appellatur.

FORMA.

Herba est tenui caule, folijs angustis, oblongis, & in summo acuminatis, floribus cœruleis, speciosis, quibus decidentibus folliculus enascitur in quo semina continentur fulua.

LOCVS.

*Linum agris
noxum.*

Gaudet pingui solo & modicè humido. Agris autem noxiū est, deteriores enim eos facit, id quod ijs carminibus in Georgicis significauit Virgilius:

Vrit enim lini campum seges, urit auenæ,

Vrunt letheo perfusa papauera somno.

TEMPVS.

D Vellitur æstate ubi maturitatē consecutum fuerit, quæ sanè duobus argumentis intelligitur, intumescete semine, uel flauescete colore.

TEMPERAMENTVM.

Est in primo ordine calidū, ac humiditatis & siccitatis quodāmodo in medio sitū.

VIRE. EX DIOSCORIDE.

Semen Lini eandem Fœnogræco facultatem obtinet. Omnem intus forisq̃ inflammationem discutit & emollit, cum melle, oleo, exiguaq̃ aqua decoctum, aut melle cocto exceptū. Vitia cutis in facie crudum, uarosq̃ cum nitro & ficu illitum. Cum lixiuia autem parotidas, duritiesq̃ discutit. Herpetas in uino decoctū, & fauos purgat. Ungues scabros cum pari modo Nasturtij & mellis eximit. Cum melle uice eclegmatis sumptum, ea quæ in thorace sunt educit. Tussim lenit. Venerem stimulat si cum melle & pipere mixtū pro placenta largius sumatur. Huius decoctū intestinorum utriq̃ erosionibus iniectum medetur, adq̃ excrementorū educationem prodest. Ad uulvæ inflammationes in deselsionibus haud aliter quàm Fœni-græci perquam utile est.

EX GALENO.

Lini semen esum flatuosum est, etiam si frigatur, adeò sanè excrementitia humiditate plenum est. Visceribus tamen quæ circa hypochondria sunt, ut si quid aliud, gratum existit. Quidam hoc tosto instar obsonij non secus ac factitio sale cum garo utuntur. In usu est & melle conspersum. Inferunt nonnulli panibus quoque. Stomacho & concoctioni repugnat. Tenuiter corpus alit. Quod spectat ad deiectionem, nec laudandum, nec uituperandum, per exiguam tamen uim mouendæ urinæ tenet, quæ in tosto efficacior est. Idem quoque aluum magis sistit. Rustici sæpe numero torrefacto adiecta portione mellis utuntur.

EX PLINIO.

Lini semen cum alijs quidem in usu est. Et per se mulierum cutis uitia emendat in facie. Oculorum aciem succo adiuuat. Epiphoras cum thure & aqua, aut cum myrrha. Cum uino sedat parotidas. Cum melle, aut adipe, aut cera, stomachi solutiones

LINUM

Flachsp.

r 2



C tiones inspersum polentæ modo. Anginas in aqua & oleo decoctum, & cum aniso illitum. Torretur ut aluum sistat. Cœliacis & dysentericis imponitur ex aceto. Ad iecinoris dolores estur cum uua passa & ad phthisin utilissimè. Semine fiunt & ecligmata. Musculorum, neruorum, articulorum, ceruicū duritiās, cerebri membranas mitigat farina seminis, nitro aut sale, aut cinere additis. Eadem cum fico item concoquit ac maturat. Cum radice uero cucumeris syluestris extrahit quæcunque corpori inhaerent. Sic & fracta ossa. Serpere ulcus in uino decocta prohibet. Eruptiones pituitæ cum melle emendat. Vngues scabros cum pari modo Nasturtij, & testium uitia & ramices cum resina & myrrha, & gangrænas ex aqua. Stomachi dolores cum Fcenogræco sextarijs utrisq; decoctis in aqua mulsa. Intestinorum & thoracis pernicioſa uitia, clystere in oleo & melle.

DE LICHENE CAP. CLXXVIII

NOMINA.

Hepatica.
Lichen quare
dicta.



Hepatica quare.

ΕΙΧΗΝ Græcis, Lichen Latinis, officinis & herbarijs Hepatica, Germanis Stein oder Brummenlebertraut dicitur. Lichena autem Græci & Latini nominauerunt, quod cōtra Lichenas omnibus remedijs antepōnatur: aut à re ipsa nomen dederunt, quoniam saxa quibus hæret linguæ modo lambat. Hepaticam uerò recentiores uocarunt, quod iecinorum fibris similis conspiciatur.

FORMA.

Folio succi pleno, crasso & oblongo constat, rorulentis petris adhærente, sub quo cauliculi, pediculorum forma, capitula stellata habentes, exeunt.

LOCVS.

D Nascitur in roscidis & grauiter olentibus faxis.

TEMPVS.

Iulio mense ea qua picta est forma decerpitur.

TEMPERAMENTVM.

Abstergentem ac modicè refrigerantem facultatem, utranq; uetò resiccantem habet. Abstergentem quidem atq; exiccantem à petra, refrigerantem autem ab aqueo humore.

VIRES. EX DIOSCORIDE.

Lichen illitus sanguinis eruptiones sistit, & inflammationes compescit. Impetigines sanat. Inunctus cum melle regio morbo affectis prodest. Oris & linguæ defluxiones arcet.

EX GALENO.

Lichen qui in petris nascitur, est ueluti muscus quidam, sed recte ex plantarum genere censeripotest. Sic nominatus uidetur, quod lichenas scilicet impetigines curet. Extergentem & mediocriter frigidam facultatem obtinet. Porro quod ex talibus substantijs cōponitur, aduersum esse inflammationi nihil mirum est. An uerò sanguinis eruptiones sistat, ut Dioscorides ait, id neutiquam dicere queo.

EX PLINIO.

Sanguinem sistit uulneribus instillatus, & collectiones illitus. Morbum quoq; regium cum melle sanat ore illito & lingua, Stigmata etiam delet.

DE LINO



LICHEN

Stein Leberkraut.

C

NOMINA.

Mercurialis.

Mercurialis cur
dicta

INOZΩΣΤΙΣ, ἢ ἐμὲ βοτάνιον, ἢ πρῶτα Græcis, Mercurialis Latinis & officinis dicit. Germanis Bingeltraut / Mercurius traut / oder Künwurz. Mercurialis dicta est, quod à Mercurio inuenta sit.

GENERA.

Duo eius genera, mas & femina, quæ facile ex eorundē descriptionibus discerni poterunt. Folia uerò maribus nigriora, fœminis candidiora.

FORMA.

Mercurialis folia Ocimo similia habet, ad Helxines foliorum figuram accedentia, minora tamen. Ramulos geniculatos, alarū caua multa & densa habentes. Fœmina semen fert racemosum & multum. Mas uerò iuxta folia exiguum, rotundū, geminorum testiculorum modo connexum, Totus frutex dodrantalis, & nonnunquam maior.

LOCVS.

Nascitur in campestribus cultis, uinetisq̃, aliquibus locis tam copiosa & efficax, ut sapore suo uina etiam inficiat, & bibentibus ingrata reddat.

TEMPVS.

Augusto mense semine prægnans est.

TEMPERAMENTVM.

Calidam & siccam in primo ordine esse asserunt.

VIRE. EX DIOSCORIDE.

Utraq̃ aluum mouet olerū modo comesta. Cocta in aqua & epota aqua, bilem & aquosa ducit. Creduntur præterea fœminæ folia trita & pota, aut post purgationem pudendis apposita, ut fœminæ concipiantur efficere, Masculæ uerò similiter adhibita, mares prognerare.


EX GALENO.

Mercuriali omnes duntaxat ad uentris purgationes utuntur. Verumenimvero si quis eius facere periculum uolet in cataplasmate, sanè digerentis admodum facultatis esse experietur.

EX PLINIO.

Mirum est quod de utroq̃ eorum genere proditur: ut mares gignantur hunc facere, ut fœminæ illam. Hoc contingere si à conceptu succus protinus bibatur in passo, edanturue folia decocta ex oleo & sale, uel cruda ex aceto. Quidam decoquunt eam in nouo fictili cum heliotropio, & duabus aut tribus spicis, donec decoquantur. Decoctum dari iubent & herbam ipsam in cibo altero die purgationis mulieribus per triduū, quarto die à balneo coire eas. Hippocrates miris laudibus in mulierum usu prædicauit illas. Easq̃ ad hunc modum adhuc medicorū nemo nouit. Ille eas uulua cum melle, uel rosaceo, uel irino, uel lirino admouit. Item ad ciendos menses, secundasq̃. Hoc idem præstare potu fotuq̃ dixit. Instillauit auribus surdis succum, inunxitq̃ cum uino uetere. Aluo folia imposuit, epiphoris, stranguriæ & uesticæ. Decoctum eius dedit cum myrrha & thure. Aluo quidem soluendæ, uel in febris, decoquitur quantum manus capiat, in duobus sextarijs aquæ ad dimidias, bibitur sale & melle admixto: necnon cum ungula suis, aut gallinaceo decoctum salubrius. Purgationis causa putauere aliqui utranq̃ dandam, siue cum malua decoctum. Thoracem purgant, bilem detrahunt, sed stomachum lædunt,

DE LIBA-



MERCVRIALIS
M A S.

Bingelkrautmennle.



MERCVRIALIS
FOEMINA.

Bingelfraut weible.

NOMINA.



LIBANOTIS Græcis, Rosmarinus Latinis & officinis, Germanis Rosmarin appellatur. Libanotis uerò dicta est, quod odorem thuris reddat. Libanotida autem nō eam quæ simpliciter sic nominatur à Græcis intellige, sed eam quæ cum adiectione, coronaria Libanotis appellatur.

Rosmarinus.

Libanotis cur
dicta.Libanotis coe
ronaria.

FORMA.

Rosmarinus qua nectentes coronas utunt, uirgas habet tenues, circa quas sunt folia tenuia, crebra, oblonga & gracilia, intus candicantia, exteriori autem parte uiridia, grauiter odorata. Florem, quod Dioscorides omisit, in candido cœruleum, radicem nigram, multis fibris capillatam.

LOCVS.

Hodie passim in hortis & scitilibus uasis plantatur. In Narbonensi autem Gallia sua sponte prouenit tam copiose, ut eius incolæ aliud lignum non urant.

TEMPVS.

Carpitur Maio mense & deinde usque ad Septembris medium. Floretq; bis annuatim, uere & autumnō.

TEMPERAMENTVM.

Calida & sicca est, id quod ex gustu & uiribus conijcere quisq; poterit.

VIRE. EX DIOSCORIDE.

Calfacit. Regium morbum sanat, si quis eam in aqua decoxerit, & ante exercitia bibendam dederit, dein post exercitia lauerit, & uino potauerit. Miscetur etiam acopis, & musteo oleo.

EX GALENO.

Libanotidis, quæ ad coronas est utilis, quam Romani Rosmarinū nuncupant, decoctum regio morbo laborantes potum adiuuat. Omnes enim Libanotides abstergentis & incidentis facultatis sunt participes.

APPENDIX.


Recentiores Rosmarinum suffitu tussim & destillationem sedare tradunt. Et quod in primis nobile, tutam præstare in pestilentia domum crematam, nidore improbam aëris diluentem perniciem. Adijciunt & alias facultates, eas nempe: Rosmarinus corroborat cerebrum, sensus interiores, memoriā & cor. Succurrit tremori, resolutioniq; partium. Loquelam amissam reparat, & alia multa potest, quæ cōmemorare superuacuum est.



ROSMARINVS

Rosmarin.

NOMINA.



LIGVSTRUM Plinio alijsq̃ Latinis nominatur. Officinis inusitatum, Germanis Beinhölzlin / Mundtholz / Rein oder Schilweiden dicitur. Quo autem nomine Græcis appellatum sit, nondum certo nobis constat: neque enim ut ferè omnes hodie putant Cypros est, quæ Pli-
 nio libro duodecimo teste, semen habet Coriandri, peregrinaq̃ existit arbor. At Li-
 gustrum semen non Coriandro simile, quod rotundum ac subflauum est, sed po-
 tius atrum, & altera parte latum modiceq̃ cōcauum in racemis profert. Nec arbor
 est peregrina, sed sponte in sepibus & senticetis ubiq̃ prouenit. Mea tamen senten-
 tia Phillyrea potius apud Dioscoridem erit, quod hæc Cypro congener ac similis
 sit, easdemq̃ quas Ligustrum facultates habeat, Iudicium tamen penes prudentem
 lectorem esse uolumus.

Ligustrum non
est Cypros.

Phillyrea uide-
tur esse Ligustrum

FORMA.

Ligustrum arbor est parua, folijs Oleæ similibus, floribus paruulis, candidis &
 odoratis, racematim florentibus, fructibus initio uirentibus, processu temporis ni-
 gris, uuarum more congestis.

LOCVS.

Nihil frequentius Ligustro in uepibus occurrit, nihilq̃ crebrius in dumetis in-
 uenitur, ita ut hoc nomine contemptui habeatur. Quapropter huc respiciens Vir-
 gilius in Bucolico carmine, eius flores negligi à pastoribus, ac inutiliter perire ca-
 nit, dicens:

Alba ligustra cadunt, uacinia nigra leguntur.

TEMPVS.

B Maio mense floret, autumno autem cum maturis baccis nigrescit.

TEMPERAMENTVM.

Etsi forma nōnihil à Cypro distet Ligustrum, temperamento tamen eodem est
 præditū. Eius enim folia & surculi mixta qualitate constant: discutiens enim quid-
 dam cum aquea substantia, modicè calida, & quiddam etiam adstrictorium ex ter-
 rena substantia frigida, & sine morfu siccante, obtinent.

VIRE. EX PLINIO.

Succus eius neruis, articulis, algoribus, folia ubiq̃ ueteri ulceri cum salis mica,
 & oris exulcerationibus profunt. Acini contra phthiriasin, item contra intertrigi-
 nes, foliâue, Sanant & gallinaceorum pituitas acini.

APPENDIX.

Recentiores Ligustri succum ulcera oris, ueretriq̃ sanare tradunt. Idem etiam
 posse folia in uino decocta adiiciunt: ut hinc euidentissimū sit, folijs Ligustri, haud
 secus atque Cypri aut Phillyreæ, adstrictoriam inesse uim, propter quam cōman-
 ducata & decocta, oris potissimum ulceribus opitulantur.



LIGVSTRUM

Beinhölzlin.
Fennert &

NOMINA.



IV multumq; de huius herbæ nomenclatura fuimus solliciti, at utcun-
que multos interrogauerimus, tamen aliud nomen quàm idipsum quo
nunc appellamus expiscari haud potuimus. Vocetur itaque Lunaria *Lunaria minor.*
minor, donec certiozem appellationem habere contigerit. Germanicè
Klein Monttraut/ut sit ad Latinam nomenclaturam allusio quedam, nuncupetur.

FORMA.

Rotundo est caule, cui folia utrinq; septem annexa, cordis ferè humani formam
habentia: in summitate caulis semen Betæ simile profert.

LOCVS.

Nascitur in montibus. Copiosissimè autem Tubingæ in pede montis Austria-
ci prouenit. Prope hanc nunquam nō Ophris, de qua suo dicemus loco, inuenitur.

TEMPVS.

In fine Maij & Iunio mense inuenitur, dein statim euanescit.

TEMPERAMENTVM.

Terrestre quid præ se fert gustata, atque parum adstringit, ut hinc mediocriter
frigida & sicca esse uerisimile sit.

VIR ES.

Vis foliorum eius haud dubiè uulneribus efficax, glutinandi nanque facultate
prædita est. Chymicorum nugæ, quibus eius herbæ usus frequentissimus est, lu-
bens prætereo. Cōstat autem experientia, ad supprimendos menses, & album mu-
liebre profluuium, mirificè conferre hanc herbam.



LVNARIA
MINOR.

Klein Kontraut.

A

NOMINA.



LEPIDION Græcis, Lepidium Latinis appellatur. Vulgus herbariorū Piperitim nomināt. Quam denominationē sequentes Germani nostri *Piperitis.* pfefferēraut uocant. Nomen uerò hoc à pipere traxit, cuius acrimoniā herba hæc gustata refert. Diuersa est uerò, ut obiter parum attentos moneam, ab ea planta quam Plinius Piperitim nuncupat, de qua suo loco dicemus copiose. Sunt qui Lepidium alio nomine raphanum nomenclant, quod non alia *Raphanus cur dicitur Lepidium.* fit ratione, quàm quod herba hæc quod ad folia attinet, raphano syluestri, quem Amoraciam alio nomine dicunt, admodum similis sit. Lepidium uerò appellatū, *Lepidium unde dictum.* quod λεπίδιος, hoc est, squamas & maculas in facie deleat & repurget.

FORMA.

Fruticosum est, in cubitalem altitudinem surgens, folijs laurinis, sed mollibus, & maioribus. Sic quidem Lepidion depingit Plinius & Paulus. Vnde sole clarius fit, herbam cuius picturam damus esse Lepidion: cubitalis enim & interdum bicubitalis est, caule solido & rotundo, folijs oblongis & laurinis, maioribus tamen & mollioribus, gustu piper referentibus & acribus, magnopereq; linguam uellicantibus, floribus candidis exiguis admodum, semine paruo, radice oblonga. In summa, forma totius herbæ raphano, ut diximus, syluestri similis est.

LOCVS.

In hortis potissimum prouenit, in quibus uiuacitatem suam usque ad multos annos prorogat.

TEMPVS.

Floret Iunio & Iulio mensibus, deinde semen profert.

TEMPERAMENTVM.

B In ordine quarto calefacit, ut Nasturtium, exiccat autem ipso minus.

VIRE. EX DIOSCORIDE.

Salgamorum more, sale cum lacte conditur. Foliorum uis acris & exulceratrix est. Quapropter ischiadicis præsentī remedio illinitur, tritum cum radice Inulæ, & quarta unius horæ parte impositum. Similiter & lienosis prodest. Lepras idem pel lit. Radix collo adalligata, dentium dolorem leuare creditur.

EX GALENO.


Facultate Nasturtio simile est.

EX PLINIO.

In facie cutem emendat exulcerando, ut tamen cera & rosaceo facilè sanetur. Sic lepras & pforas tollit semper facilè, & cicatricū ulcera. Tradunt in dolore dentium adalligatum brachio quā doleat, compescere dolorem.

APPENDIX.

Lepidion crassos & glutinosos cibos & humores extenuare, & incidere ualet: ideoq; culinaria est herba, & salsamentis idonea.



LEPIDIVM

Pefferkraut.

NOMINA.



ΕΥΚΟΙΟΝ Theophrasti hoc loco describimus, quod planè diuersum est à Leucoio Dioscoridis, quod suprà depinximus, id quod tamen plerique etiam docti uiri non animaduenterunt. Latinis Viola alba dicitur. Germanicè weiß Hornungsblumen/oder Mergenblumen. Non autem ab re Viola alba dici cœpit; flos enim huius herbæ colorem album, & Violarum odorem refert.

Viola alba.

Viola alba cur
dicta.

FORMA.

Folia habet Porro similia, tenuiora tamen & molliora, ex radice bulbosa prodeuntia. Pediculum etiam profert dodrantalem, tenuem ac ferè iunceum, in quo candidus flos est, in medio croceus, Violarum purpurearū odorem referens, quo decidente, capitula Nucis auellanæ quantitate erumpunt, in quibus semen Sinapi haud dissimile continetur. Quod si ad hanc descriptionem adhibeas ea quæ de Viola alba Theophrastus libro sexto & septimo de stirpium historia tradit, certè sole manifestius erit herbam hanc cuius picturam damus esse eam, quam λευκόιοι Theophrastus uocat. Nam hæc prima florum se ostendit. Emicat ubi cœlum clementius statim, etiam non hyeme exacta: ubi uerò immitius, postea. Celeriter quoque euanescit. Radicem denique bulbosam & florem odoratum obtinet. Quæ singula etiam de hac nostra herba uerè dici possunt. Prima siquidem florum, hyeme etiam nondum exacta, Februario nimirum mense, & die diuo Valentino sacro, ubi cœlum clementius fuerit, apparet. In Aprili, ubi appropinquare iam cœperit Maius, euanescit. Flos item eius, Violarum purpurearum prorsus odorem refert. Radix etiam ad Bulbi similitudinem orbiculata existit, ut hoc nomine nemini dubium esse debeat, quin sit Viola alba Theophrasti.

Theophrasti alba
uocata.Flos Februarij
uocatus.

LOCVS.

Prouenit in umbrosis syluis & locis, qualis est non procul à Tubinga paulò suprà & infrà monasterium Bebenhusum uocatum, ubi copiosissimè nascitur. Plantatur nunc etiam passim in hortis.

TEMPVS.


In Februario statim hæc erumpit, ut diximus, herba, & inter initia Martij ad perfectionem uenit. Semen in Aprili ostendit in capitulis, ut in altera pictura uides.

TEMPERAMENTVM.

Folia ferè qualitatis omnis expertia, radix autè dulcis & glutinosa est, ut hoc nomine adstringat & exiccet, ut reliqui bulbi.

VIRE S.

Digerentem leuiter, & cum hoc adstringentē facultatem, sicut reliquos bulbos, habere ex ijs quæ cōmemorauimus satis constat, Tamen nunc nullus, quod sciam, eius stirpis usus est.



VIOLA ALBA

Hornungsblüm.



VIOLAE ALBAE FOLIA
CVM SEMINE.

Weiß Hornungsblüm mit dem samen.

C

NOMINA.

Miliū solis.

Lithospermon
unde dictum.

ΙΘΟΣΠΕΡΜΟΝ Græcis, Lithospermum Latinis, officinis & medicis hodie omnibus Miliū solis appellatur. Germanis Weerhirs/oder Steinsomen. Nomen à lapidea seminis duritia accepit: neque enim Lithospermon aliud sonat Græcis, quàm lapideum semen. Quum itaque semina tanquam calculos ferat, candore & rotunditate margaritarum, duritia uerò lapidea, cōmodissima uoce Lithospermon dictum est. Miliū uerò solis recentioribus nominatum puto, quod semen eius candore solis & lucis splendore fulgeat.

FORMA.

Folia habet Oleæ similia, longiora tamen & latiora, & quæ in ima parte sunt, humi iacent. Ramulos uerò rectos, tenues, crassitudine Iunci acuti, solidos, lignososq̃. In quorum cacumine bifidi diuaricatiq̃ exortus, cauliculorum speciem exhibent longa habentes folia, inter quæ semen lapideum, rotundum, paruum, eruo equale. Plinius graphicè candore & rotunditate margaritas referre dixit. Nostrium autem Lithospermon multo minus quàm Dioscorides & Plinius tradiderunt semen profert, quod soli diuersitati acceptum referendum erit. Radix etiam Lithospermi, quod adiiciendum esse arbitror, exteriori sui parte rubore perfunditur.

LOCVS.

Lithospermon asperis & sublimibus locis gaudet, Satum etiam in hortis prouenit.

TEMPVS.

Floret Iunio & Iulio mensibus, eoq̃ tempore semen etiam profert.

D

TEMPERAMENTVM.

Semen Lithospermi, cuius maximè usus est, calidum & siccum esse facile ex eiusdem facultatibus conijcitur. Omnia siquidem urinam cientia, Galeno lib. v. de simpl. medicam. facult. cap. xij. teste, calida & sicca sunt.

VIRES. EX DIOSCORIDE.

Semen cum uino albo potum, calculos frangit, & urinam ducit.

EX PAULO.

Semen cum uino albo potum, calculos conterit, & urinas pellit.

EX PLINIO.

Lapillis eius drachmæ pondere potis uino albo calculos frangi pelliq̃ constat, & stranguriam discuti.

DE LYSI-



LITHOSPERMUM

Weckhuf.

C

NOMINA.

Lysimachia unde appellata.



Salicaria.

pugna, non ineptè *Lysimachia* uidebitur nominata. *Salicaria* uerò quod folia falicis, aut quod inter falices nascatur, dicta est.

GENERA.

Lysimachia duo esse genera ex Dioscoride & Plinio satis liquet. Plinij enim purpureum florem habet, hinc nos illam purpuream appellauimus, Germanicè *braun Weiderich*. Dioscoridis uero rufos, hoc est, aureos, ut metipse interpretatur, flores obtinet, ideoque luteam nominauimus, Germanicè *geel Weiderich*. Et hæc quidem altera magis adstringit, inque usu medico hoc nomine eidem præferenda.

FORMA.

Caules profert cubitales, aut etiam maiores, tenues, fruticosos, quorum à geniculis folia exeunt gracilia, falici similia, gustum adstringentia, flores rufos, aut ad auri colorem declinantes. Ex qua pictura nulli non notum fit, plantas quas pictas damus esse *Lysimachias*. Caules enim emittunt cubitales, & multo quoque longiores, tenues & fruticosos. Folia etiam habent falicis, cum lentore quodam adstringentia. Flores hæc rufos, illa autem purpureos habet, ut non contemnendus autor est Plinius. His accedit locus natalis, & alia quæ referre non attinet.

LOCVS.

Nascuntur palustribus locis, & prope aquas, potissimum ubi falices proueniunt.

TEMPVS.

D Iunio & Iulio mensibus florent, ac subinde purpurea in siliquis oblongis semen producit, lutea uerò decidentibus floribus, semen exiguum, Coriandro haud dissimile profert, quod gustum non secus atque folia adstringit.

TEMPERAMENTVM.

Superantem adstrictoriam qualitatem, adeoque exiccatoriam uim obtinent.

VIRES. EX DIOSCORIDE.

Succus foliorum eius, cui adstringendi facultas est, ad sanguinis excreationes & dysenterias potus & infusus confert. Sistit & mulierum fluxum appositus. Contra erumpentem è naribus sanguinem herba ipsa utiliter inseritur. Vulneraria etiam est, & sanguinem compescit. Incensa acerrimum habet fumum, ut serpentes quidem abigat, & muscas enecet.

EX GALENO.

Vulnera glutinat, erumpentemque ex naribus sanguinem emplastri modo illita sistit: quin & reliquas sanguinis eruptiones compescere tum ipsa, tum succus eius multò magis potest. Pota dysenterias, sanguinis reiectiones ac muliebrem fluxum sanat.

EX PLINIO.

Vis eius tanta est, ut iumentis discordantibus iugo imposita, asperitatem cohibeat. Pota uel illita, uel naribus indita, sanguinis profluuium sistit. Vulneribus ijs priuatim quæ calceamento facta sunt contrita & arida infricata efficax est.

DE LAGO-



LYSIMACHIA
PURPUREA.

Rot Weidenich.



LYSIMACHIA
LUTEA.

Geel Weiderich.

A

NOMINA.



ΑΓΓΡΟΥΣ Græcis, Leporinus pes Latinis, Trifolium humile & Tri Trinitas.
nitas à tribus folijs herbarijs dicitur. Officinis nostris ignota est her-
ba. Germanis Hasenfuss/oder Kagentlee/oder Kagle nominatur.
Sic uerò Græci atque Latini hanc herbam appellarunt, quod Lepo-
rino pedi similem paniculam habeat. *Lagopus cur*
dicta.

FORMA.

A nullo, quod sciam, Lagopus describitur. Herba autem quam pro eo exhibe-
mus, caules habet rotundos, hirsutos, folia Loto trifoliæ quæ in pratis gignitur si-
milia, semen in paniculis muscosis lanuginosisq, leporino pedi similibus admodum,
adstringentis gustus. *Quidā (ariophyllata) Lagopo posuerunt*

LOCVS.

In segetibus, Plinio etiam auctore, & in hortorum arcis, ut testatur Dioscori-
des, gignitur.

TEMPVS.

Iulio & Augusto mensibus potissimum apparet.

TEMPERAMENTVM.

Exiccandi facultatem obtinet, Galeno teste, Lagopus.

VIRES. EX DIOSCORIDE.

Vim habet Lagopus herba sistendi aluum cum uino pota. Febrientibus autem
cum aqua danda. Alligatur eadem contra inguinum inflammationes.

EX GALENO.

Fluxus alui probè exiccat.


EX PLINIO.

B Lagopus sistit aluum è uino pota, aut in febre ex aqua. Eadem inguini adalliga-
tur in tumore.

APPENDIX.

Ex his omnibus abundè constat, herbam eam quam depictam damus esse Lago-
pum, siquidem & nomen & forma illi aptissimè respondent. Locus etiam conue-
nit: nascitur enim copiosissimè in segetibus. Nec temperamentum abhorret, quod
illi est adstrictorium & exiccans. His omnibus accedunt uires: uulgò enim
omnes hac planta in dysenteria, & alui profluuiò utuntur.

494



LAGOPUS

Ratzenflee.

NOMINA.



APIE Græcis, Larix & Larex Latinis, officinis & uulgò Larga, Ger. *Larix seu Larex* manis *Lôrchbaum* appellatur.

FORMA.

Larix arbor est magna, Piceæ similis, crassior, læuioriꝫ cortice, folio uilloso pectinum modo, pingui & denso, molliꝫ flexu, materia præstanti, rubente, odore acri. Hinc erumpit nonnihil liquoris melleo, Dioscoride ac Plinio testibus, colore atque lento, nunquam durescentis. Est autem resina quam Larignam, aut certè Laricinam uel Lariceam uocant, qua hodie omnes ferè officinæ pro terebinthina, non sine errore utuntur. Terebinthina enim candida est, pellucida, & in modum coloris uitri cœrulea & odorata. Lignum eius propèmodum ignibus inuictum, neꝫ flagrat, neꝫ in carbones recidit: nec alio modo ignis ui consumitur, quàm saxum in fornace ad calcem coquendam adhibitum, quod quidem nec flammam recipit, nec carbonē remittit, sed longo spacio tardè comburitur. E ramis eius panicularum modo nucamenta dependent, quod pictura affabre ostendit.

Resina laricina hodie pro terebinthina utuntur officinæ.

LOCVS.

Larix, ut autor est Vitruuius, circa ripam fluminis Padi, & litora maris Adriatici nascitur. Copiosissimè autem in Silesia prouenit, unde Illustrissimus Princeps GEORGIVS Marchio Brandenburgensis dominus meus clementissimus, plures arbores Onoltzbachiũ transferre curauit, à quo sanè hanc etiam cuius hic damus picturam ad me Tubingam transmisit. In Silesia ex eius arboris ligno hypocaustra construuntur, tantus illius ibidem prouentus est.

GEORGIVS Marchio Brandenburgensis.

TEMPVS.

Larix nullo exhilaratur flore, sed turgens tantum ædit germina.

TEMPERAMENTVM.

Minimum in eius temperamento ignis & aëris, humoris autem terreni plurimum. Hinc cum non habeat spacia foraminum quæ possit ignis penetrare, fit ut eius uim, quemadmodũ paulò antè diximus, reiiciat, nec patiatur ab eo citò lædi. Adstrictoriam itaque facultatem, haud secus atque piceæ, eius folia & cortices, ut statim dicemus, obtinent.

VIRE. EX DIOSCORIDE.

Cortex eius adstringit, ac intertriginib. tritus & illitus prodest, & ulceribus summam cutem occupantibus, ambustisꝫ cum lithargyro & manna thuris. Vlcerata in teneris corporibus cerato myrtino exceptus ad cicatricem perducit. Tritus cum atramento sutorio, serpentina cohibet. Fœtus & secundas suffitu eiicit. Potus aluum sistit, & urinam mouet. Folia eius trita illitaꝫ inflammationes leniunt, & uulnera ab inflammatione uindicant. Trita uerò & in aceto cocta, calida collutione dentium dolorem mulcent. Resina eius, ut omnes aliæ, emollit, calefacit, discutit, expurgat. Tusientibus ac tabidis in ecligmate per se aut cum melle conuenit. Thoracis uitia expurgat. Vrinam etiam cit, maturat, & aluum mollit. Pilos in palpebris glutinat. Cōtra lepras cum ærugine, atramento sutorio, & nitro inungitur. Auribus saniem stillantibus cum melle & oleo, & in genitalium pruritu. Miscetur etiam emplastris, malagmatis & acopis. Lateris doloribus per se inuncta & imposita auxiliatur.


EX GALENO.

Cortex eius uincentem habet adstrictoriā facultatem usque adeo, ut & intertrigines bellissimè sanet, & uentrem potus sistat. Sed & ambustis cicatricem inducit. In folijs arboris, ut quæ multo sunt cortice humidiora, uis inest uulnerum glutinatoria. Resina eius desiccatur & calefacit.

EX PLINIO.

Laricis folia trita & decocta in aceto, dentium dolori profunt. Cinis corticum

t 2 inter-




LARIX

Löschbaum.



MELISSOPHYLLVM
VERVM

Melissen.



MELISSOPHYLLVM
ADULTERINVM.

Wanzenkraut.

C enim magis gaudent flore. Copia istius examina facillimè continentur. Idem præsentissimum est contra ictus earum uesparumq̃, & araneorum, item scorpionum, remedium. Item contra uuluarum strangulationes addito nitro. Contra tormina è uino. Folia eius strumis illinuntur, & sedis uitijis cum sale decocta. Succus fecminas purgat, & inflationes discutit, & ulcera sanat. Articularios morbos sedat, canisq̃ morsus. Prodest dysentericis ueteribus, & celiacis, orthopnoicis, lienibus, ulceribus thoracis. Caligines oculorum succo cum melle inungi eximium habetur.

EX SYMEONE SETHI.

Ad stomachi ex frigiditate morsus, & à nigra bile tristitias & timores qui sine ratione ex illa fiunt, confert. Hilaritatem efficit, & ad melancholicū ac pituitosum humorem prodest. Fertur quod industriam afferat, & quod ante somnum sumptum, bona somnia faciat, contraria ratione cum Brassica, quæ mala insomnia affert, Bubbles lædit.

DE MARATHRO CAP. CX.

NOMINA.

Marathrum cur
appellatum.

Fœniculum.



ΑΡΑΘΡΟΝ græcè, Fœniculum latinè, officinæ antiquum & latinum nomen retinuerunt, Germanicè Fenchel dicitur. Marathrum Græcis dictum putant à marcescendo, quod ad cōdienda plurima cum inaruerit cōmendatissimum sit. Fœniculum autem dici existimant, quod satum magno cum fecnore semen reddat.

FORMA.

D Fœniculum ferulacei generis est, hominisq̃ plerunq̃ proceritatem superat, caule geniculato, fungosa intus medulla, leui exteriori cortice & herbaceo, folia Abrotoni, sed longiore mollioriq̃, iucundo odore, umbella rotunda, ampla, lutea, in orbem radiatim circinato, in qua semen nudum dependet, radice candida, longa & odorata.

LOCVS.

Pasim in hortis satum prouenit. Sua etiam sponte interdum ceu Anethum nascitur.

TEMPVS.

Colligitur caule turgescente. Floret Iunio & Iulio mensibus.


TEMPERAMENTVM.

Fœniculum tam ualenter excalfacit, ut ex tertio ordine excalefacientium censeripot sit. Exiccat uerò non æquè, sed ipsum quispiam in hoc primi esse ordinis posuerit. Proinde lac procreat, quod, si admodum desiccaret, non sanè efficeret.

VIRE. EX DIOSCORIDE.

Fœniculi herba comesta mammas lacte replet. Idem potest semē potum, aut decoctum cum ptisana. Comæ decoctum subditum impositumue, renum & uesicæ uitijis utile: quippe quod urinam ciere potest. Contra serpentium ictus in uino potum prodest. Menfes ducit. In febribus nauseam, & stomachi ardorem ex aqua frigida potum, sedat. Radices contritæ & cum melle illitæ, morsibus canum medentur. Succus caulibus & folijs expressis in sole siccatus, medicamentis quæ ad excitandam oculorum aciem cōficiuntur, utiliter adijcitur. Extrahitur etiam succus ex semine uiridi, folijs, ramulisq̃, ad eadem utilis. Radix in prima germinatione exprimitur. In occidentali Iberia liquorem gummi similem reddit. Caulem medium dum herba floret incolæ demetunt, igniq̃ admovent, quo facilius ui caloris exudans gummi remittat. Hoc efficacius succo est ad medicamenta oculorum.

EX GALE-



FOENICVLVM

Fenchel.

C

EX GALENO.

Fœniculum lac procreat. Suffusis auxiliatur. Vrinās mensesq; cit. In condimentis assiduus Anethi usus, Fœniculi uerò & in obsonijs. Apud nos in hoc reponunt, non secus ac Pyrethrum & Terebinthum condientes, ut in totum annum usui sit, quemadmodum & cepas & rapas & alia huiusmodi quædam in solo aceto, alia in oxhalmæ asseruantes.

EX PLINIO.

Ad scorpionum ictus & serpentium, semine in uino potu ualet. Succus & auribus instillatur, uermiculosq; in his necat. Id ipsum condimentis propè omnibus inseritur. Oxyporis etiam aptissimè. Quin & crustis subditur panis. Semen stomachum dissolutum adstringit. Nauseam ex aqua tritum sedat. Pulmonibus & iecinoribus laudatissimum. Ventrem sistit cum modicè sumitur, urinam excitat, & tormina mitigat decoctum, lactisq; defectu potum mammas replet. Radix cum pti sana pota renes purgat, siue decocto succo, siue semine sumpto. Prodest & hydro-picis radix ex uino cocta; item conuulsis. Illinuntur folia tumoribus ardentibus ex aceto. Calculos uesicæ pellunt. Genituræ abundantiam quoquo modo haustum facit. Verendis amicissimum, siue ad fouendum radice cum uino cocta, siue contrita in oleo illitum. Multi tumoribus & sugillatis cum cera illinunt. Et radice in succo uel cum melle contra canis morsum utuntur. Et contra multipedē ex uino.

EX SYMEONE SETHI.

Lac procreat, & suffusis remedio est. Vrinam cit, & menses ducit.

DE MELANTHIO. CAP. CXCI.

D

NOMINA.

Nigella.
Melanthion unde dictum.



ΕΛΑΝΘΙΟΝ Græcis, Papauer nigrum, Nigella & Gith Latinis dicitur. Officinæ omnes Nigellam appellant. Melanthion autem & Nigella, à nigro seminis colore hæc herba haud dubiè dicta est.

GENERA.

Et si apud Dioscoridem aliosq; ueteres una duntaxat Nigellæ species reperiatur, nobis tamen domesticas & hortenses tres uidere contigit, quarum duæ quidem habent semina nigra, tertia uerò subflauum. Inter eas quæ habent semina nigra, primā schwarz Komnich germanicè appellauimus, alteram autem schwarz Coriander / quod folia eius Coriandri folijs non dissimilia sint. Tertia, quod ad folia & flores attinet, primæ per omnia similis est, in semine tantum quod flauescit, ut diximus, diuersa. Herbarij huius temporis Nigellam citrinam nominant. Præter has tres iam cōmemoratas est quarta, quæ syluestris Nigella dicitur, quod scilicet sua sponte in aruis nascatur. Germanis wild schwarzer Coriander nominatur. Videtur autem esse potius tertium genus Cumini syluestris.

FORMA.

Melanthion.


Melanthion frutex est pusillus, ramulis tenuibus, altitudinē palmorum duorum uel amplior, folijs paruis Senetionis herbæ similibus, multo tamen exilioribus, capitulo in cacumine, exiguo ceu Papaueris, oblongo, intercurfantibus internè distinctionibus loculosis quinque aut sex, in summitate extrinsecus corniculatis, quibus semen nigrum, acre, odoratum includitur. Syluestre alteri hortensi ferè simile est, folia siquidem anethi habet, flores primo similes, nisi quod colore sint elegantiores. Capitulum planè Aquileiæ respondet, atque in se semina nigra & odorata continet.

LOCVS.



MELANTHIVM HOR
TENSE PRIMVM.

Schwarz Kominich.



NIGELLA HORTENSIS
ALTERA.
Schwarz Coriander.



MELANTHINUM
SYLVESTRE.

Wilder schwarzer Coriander.

C

LOCVS.

Melanthion domesticum non nisi in hortis solum prouenit. Syluestre autem, ut dictum est, in agris sua sponte prouenit.

TEMPVS.

Melanthion floret Iunio mense, Iulio autem & Augusto semine pragnans est.

TEMPERAMENTVM.

Melanthium excalefacit atque desiccatur tertio ordine.

VIRE. EX DIOSCORIDE.

Capitis doloribus illitum fronti Melanthiū, & incipientibus suffusionibus cum irino tritum & naribus infusum prodest. Tollit lentigines, lepras, oedemata uetusta, duritiesq; cum aceto illitum. Circumscarificatos clauos excutit cum uetere uino impositum. Dentium doloribus cum aceto & teda decoctum, si eo colluantur, succurrit. Rotundos uentris lumbricos expellit, ex aqua umbilico illitum. Tritum autem & in linteo colligatum & olfactum, destillatione laborantes adiuuat. Pluribus diebus potum, urinam, menses & lac prouocat. Difficultatem spirandi cum uino potum finit. Phalangiorum moribus drachmæ pondere cum aqua haustum auxiliatur. Suffitu serpentes fugantur. Tradunt largius epotum enecare.

EX GALENO.

Tenuium est partium Melanthium, unde destillationes sanat calidum in linteo admotum, atque assiduò olfactum. Quinetiam si intrò in corpus sumatur, uel maxime flatus extinguit. Hinc constat essentiae ipsum esse tenuis, & ad unguem à caliditate elaboratae. Propterea sanè etiam amarum est. Itaque mirum non est si lumbricos interimat non esum modo, sed etiam foris impositum. Neque sanè etiam mirandum si lepras, clauos, myrmecias eiciat. Sic uerò etiam orthopnoeam iuuat, & menses prouocat, qui ob crassitiem aut uiscedinem retenti fuerint. In summa, ubi incisione, extersione, desiccatione, excalefactione est opus, praestantissimum id remedium est.

EX PLINIO.


Melanthion medetur serpentium plagis & scorpionum. Illini ex aceto & melle reperio, incensoq; serpentes fugari. Bibitur drachma contra araneos. Destillationem narium discutit tulum in linteolo olfactum. Capitis dolores illitum ex aceto, & infusum naribus mitigat. Cum irino oculorū epiphoras & tumores lenit. Dentium dolores coctum cum aceto. Ulcera oris tritum & cōmanducatum. Lepras & lentigines ex aceto tritum emendat. Difficultates spirandi addito uino potum. Duritias tumoresq; ueteres & suppurationes illitum. Lac mulierum auget continuis diebus sumptum. Colligitur succus ut Hyoscyami. Oculos purgat, urinam & menstrua ciet. Similiter largius uenenum est, quod miremur, cum semen gratisimè panes etiam condiat. Quinimo linteolo alligatis tantum granis triginta, secundas trahi reperio. Aiunt & clauis in pedibus mederi tritum in urina. Culices suffitu necare; item muscas.


EX SYMEONE SETHI.

Est tenuium partium, lumbricos in uentre necat, flatus discutit, pituitamq; incidit. Ad orthopnoeas & defluxus capitis facit odoratum, praesertim postquam calefactum fuerit. Dicitur uerò quod si teratur, & cum aceto uentri imponatur, etiam sic lumbricos necare. Et si cum melle fermentetur, & calida aqua hauriatur, calculos in renibus & uesica minuit, urinam cit, menses ducit, & ueluti remedium contra uenena est, si quis ipsum ieiunus assumat.

MALVA
HORTENSIS.


Erntrosen.





MALVA SYLVE
STRIS PYMILA.

Genspappel.



MALVA SYLVESTRIS
ELATIOR.

Rosspappel.

C

NOMINA.

Malua quare
dicta.
μαλάχη.



ΑΛΑΧΗ græcè, Malua latinè, officinis latinum nomen retinuit, Germanicè Pappel dicitur. Malua autem Græcis ab emollienda aluo nomen traxit: μαλάχη enim mollire significat. Quinetiam Latinis Varro Maluam quasi moluam, quod aluum molliat, dictam esse contendit.

Antiqui enim ea utebantur in acetarijs cum Lactuca ad subducendam aluum. Vnde de Martialis libro decimo ait:

Exoneraturas uentrem mihi uillica maluas

Attulit, & uarias quas habet hortus opes.

GENERA.

Maluarū genera esse duo Dioscorides & Galenus tradunt. Vna enim hortensis, altera syluestris Malua dicitur. Hortensis, quæ in hortis sata prouenit, Germanis *Malua*. *Römische Pappel* / uel *Erntros* / quod scilicet messis tempore floreant, uel *Herbstros* nominatur. Huius iterum uaria sunt genera: alia siquidem rosas purpureas, & has uel simplici uel multiplici foliorū textura constantes, ut pictura monstrat: alia candidas & iterum foliorū textura differentes producit. Nos una pictura quatuor *syluestris*. hæc hortensis Maluæ genera complexi sumus. Syluestris non quæ in syluis, aut asperis locis, sed quæ in incultis locis sua sponte nascitur, intelligi debet: id quod *χρυσάια*. græca uox *χρυσάια*, qua Dioscorides utitur, maximè docet. Hæc enim Græcis incultam & inelaboratā terram significat, qualis in semitis, pratis, alijsq; huiusmodi ruris & agri partibus est. Erratica hæc seu syluestris Malua itidem in duas distribuitur species: quædam enim pumila est, & humi serpens, hanc Germani *Gens*. *pappel* / *Kass* oder *Nasenspappel* uocant. Quædam altius attollitur, & ferè arborescit, hanc germanicè *Rospappel* nominant.

D

FORMA.

Hortensis. Hortensis Malua grandescit in arborem, eiusq; scapus tanta magnitudine proficit, ut baculi usum præbeat. Folia huic ampla, circinata rotunditatis, multis in ambitu segmentis. Caudex simplex, luxuriosæ proceritatis attollitur, à medio ferè ad uerticem pulcherrimis floribus decoratus, breui admodum pediculo dependentibus, qui uenustate rosas non cedunt, & si suppeteret odor, de principatu certarent. Colore constant purpureo, uermiculatoue & candido. Capitula quædam breuibus innixa petiolis, & leuiter in mucronem fastigiata primùm è caule prosiliunt, ipsæ paulatim intumescuntibus, prægnantia florū inuolucra fatiscunt, in quibus dehiscen-
syluestris pumila. tes rosæ sese pandunt, & explicant in folia quinq; interdum structili quadam serie, ut diximus, numerosa, calycibus apices paucos cõplexis, qui lutei medijs emicant, quibus deciditibus erumpunt purpurea stamina. His foetus succrescit multipliciter tunicatus, atq; in umbilici formam numerofo semine coagmentatus, in quibus cum decussa sunt folia, reliquarum Maluarū modo semina recluduntur. Sylue-
syluestris procerior. stris pumila & humi repens, folio rotundo, pingui, & in ambitu serrato constat: caule magno, floribus ex candido purpurascens, radice candida. Syluestris altior folio magis laciniato nascitur, floribus ex cœruleo purpureis, radice candida.

LOCVS.

Hortensis in hortis sata prouenit. Syluestris autem locis incultis, pinguibus potissimum, & humidis.

TEMPVS.

Hortensis floret Iulio & Augusto præsertim mensibus: neque enim flos is ut rosa fugax est, sed diu uigor uitæq; durat. Syluestris pumila per totam æstatem, & in maximam autumnī partem durat. Arborescens autem Iunio & Iulio mensibus, floribus quammaximè abundat.

TEMPERA-

TEMPERAMENTVM.

A Malua syluestris digerentis paululum, & emollientis leuiter est facultatis. Hortensis uerò quanto plus habet aqueæ humiditatis, tanto facultate imbecillior est. Fructus eius tanto ualidior est, quanto & siccior. Inter Lactucā, Betam & Maluam id est discriminis, nempe quod sicciora sint syluestria, satiuia humidiora. Permistū est Maluæ succo aliquid glutinosum, quo Lactuca caret. A refrigerandi facultate manifestè abest, ut ante sumptionē cernere licet, si ex ambobus particulatim oleribus, quemadmodū factitare homines consueuerunt, cataplasma ad calidum quempiam affectum, qualis est erysipelas, componas, molliuscula folia diligenter tundens donec ad leuorem redacta sint exactissimum. Tum nanque cognosces Lactucam manifestè refrigerare, Maluam uerò modicum, & quasi tepidum quendam calorem obtinere. Facile hoc olus deorsum labitur, non tantum quia humidum est, sed etiam quia glutinosum. Si horum trium olerum succos inter se compares, tenuis & absterforius Betæ, crassior glutinosiorq; Maluæ, in utriusq; medio Lactucæ statuetur. Hæc Galenus lib. ij. de alimentorū facultatibus.

VIRE. EX DIOSCORIDE.

Esui aptior hortensis multò quàm syluestris. Stomacho noxia, aluum bonam efficit, præsertim caules, intestinis & uesicæ utiles. Folia cruda illita, & cum modico sale addito melle cōmanducata, egilopas sanant. Verum in inducenda cicatrice, ea sine sale utendum est. Contra apum uespærumq; ictus illita prodest. Et si cruda tritaq; cum oleo antea se inunxerit aliquis, non feritur. Achoras, furfuresq; cum urina illita sanat. Sacris ignibus & ambustis decocta folia tritaq; utiliter cum oleo imponuntur. Eius decoctum uulvas infusione mollit. Prodest erosionibus intestinorum, uulvæ sedisq; clystere infusum. Ius decoctæ cum radice sua omnibus letalibus uenenis auxiliatur, si continuò à bibentibus reuomatur. Contra phalangiorum morsus remedio est. Lac proritat. Semen eius admixto Loti syluestris semine potum cum uino uesicæ dolores lenit.

EX PLINIO.

Maluæ contra omnes aculeatos ictus efficacior uis, præcipue scorpionū, uespærum similiūq; & muris aranei. Quin & trita cum oleo qualibet earum peruncti antè, uel habentes eas non feriuntur. Folium impositum scorpionibus torporem affert. Valent contra uenena. Aculeos omnes extrahunt illitæ crudæ, aut cum anetho potæ. Decoctæ uerò cum radice sua, leporis marini uenena restringunt: & ut quidam dicunt, si uomatur. De eisdem mira & alia traduntur, sed maxime, si quotidie quis succi ex qualibet earum sorbeat cyathum dimidium, omnibus morbis cariturum. Ulcera manantia in capite sanant, in urina putrefactæ lichenas, & ulcera oris cum melle. Radix decocta furfures capitis & dentium mobilitates. Eius quæ unum caulem habet, radice circa dentem qui doleat punge, donec desinat dolor. Eadem strumas & parotidas panósque, addita hominis saliuæ, purgat citra uulnus. Semen in uino nigro potum, à pituitis & nauseis liberat. Radix mammærum uitijis occurrit, adalligata in lana nigra. Tussim in lacte cocta, & sorbitionis modo sumpta, quinis diebus emendat. Stomacho inutiles Sextus Niger dicit. Olympias Thebana, abortiuas esse cum adipe anseris. Aliqui purgari feminas, folijs earum manus plenæ mensura, in oleo & uino sumptis. Vtique constat parturientes substratis folijs celerius solui, protinus à partu reuocanda, ne uulua sequatur. Dant & succum bibendum parturientibus ieiunis, in uino decocta hemina. Quin & semen tritum adalligant brachio, genitale non continentium. Adeoque eæ Veneri nascuntur, ut semen unicaulis aspersum genitali, feminæ auaritates augere ad infinitum Xenocrates tradat. Item tres radices iuxta


C adalligatas, tenasmo & dysentericis utilissimè infundi. Item sedis uitijis, uel si fo-
ueantur. Melancholicis quoque succus datur cyathis ternis tepidus, & insanienti-
bus quaternis. Decoctæ comitialibus heminae succi. Hic & calculosis, & inflatione,
& torminibus, aut opisthotonico laborantibus tepidus illinitur. Et sacris ignibus
& ambustis decocta in oleum folia imponuntur, & ad uulnerum impetus cruda
cum pane. Succus decoctæ neruis prodest, & uesicæ, & intestinorum rosionibus.
Vulvas & cibo & infusione mollit in oleo. Succus decoctæ pori meatus suaues facit.

EX SYMEONE SETHI.

Ventriculum facilè subit, non solum propter humiditatem, uerum etiã glutino-
sitatem, atq; in primis si cum oleo & garo offeratur, uino quo editur tempore irro-
rata. Vesicam, thoracè, pulmonemq; iuuat, & raucam uocem lenit. Syluestris mal-
ua, ut ferunt, comesta, dolores ex uespariū morfu tollit. Si quis morsus à uespis aut
apibus, succo Maluæ, præsertim syluestris, perungatur, confestim dolore leuatur.
Dicitur etiam quod huius decoctum potum, lapides conterit, somnum conciliat,
facilemque partum præstat, si mulier ea crebrius utatur. Illita inflammationes lenit,
eaq; quæ indurata sunt emollit. Illud Maluæ peculiare est, ut imposita ictibus ue-
sparum & apum, dolores leuet.

DE MYRICE CAP. CXCI.

NOMINA.

Tamariscus.  *ΥΠΙΚΗ* Græcis, Myrice & Tamarix Latinis, officinis Tamariscus, Ger-
manis Tamarisc & Porst nominatur.

GENERA.

D Dioscorides duo Tamaricis genera facit, Vna enim syluestris est,
qualis est ea quæ in plerisque Germaniæ locis prouenit, quamq; hic pictam damus.
Altera satiuæ, quæ priori in cæteris similis est, nisi quod fructifera est, & minimè, ut
illa, sterilis.

FORMA.

Syluestris arbustum frutæxue humilis est, ramis ex herbaceo fuluoq; colore ua-
riegatis, folijs Sabinæ aut Ericæ, flore muscoso, qui demum in pappos euolat. Sa-
tiuæ cætera similis est syluestri, fructum tamen gallæ non dissimilem profert, qui
gustu inæqualiter adstringit.

LOCVS.

Proxime paludes, residues stagnantesq; aquas nascit. Syluestrisq; copiosa in Ger-
mania ad Rhenum & Isarum, insignes fluuios, prouenit. Satiua in Syria & Ægy-
pto, ubi procerissimas æquat arbores, gignitur.

TEMPVS.

Perpetua coma frondet.


TEMPERAMENTVM.

Myrice abstergentis est ac incidentis facultatis, absq; perspicua desiccatione: ha-
bet uerò etiam adstrictionē nonnullam. Cæterum fructus & cortex non paucam
sortita est adstrictionē, adeò ut gallæ omphacitidi seu immaturæ proxima sint, nisi
quod acerbitas euidentis est in galla, sed Myricæ fructui temperatura inest inæqua-
lis: immista est enim naturæ eius multa partium tenuitas, atque uis abstergendi,
quod sanè gallæ haud inest. Porro Myricæ combustæ cinis admodum desiccato-
riæ facultatis est, plurimam abstergendi facultatem habens, pauxillam adstrin-
gendi.

VIRES.

EX DIOSCORIDE.

Fructu uice gallæ in oris oculorumq; medicaminibus utuntur, Cruentis sputis in
potu



TAMARIX

Tamarisch.

C potu, cœliacis, fœminarū fluxionibus, morbo regio, & phalangiorū morſibus prodeſt. Oedemata illitus reſſimit. Cortex eadem quæ fructus poteſt. Decoctum foliorum cum uino potum, lienem minuit. Ad dolorem dentium in collutionibus ſalutare eſt, & mulierum fluxionibus in deſeſſionibus. Aptè his in quibus pediculi & lendes abundant circumfunditur. Cinis lignorum eius appoſitus profluuiū ex utero ſupprimat. E trunco eius nonnulli potorios calices fabricant, quibus in lienocalices potorij ex trunco tamaricis. ſis pro poculo utuntur, quò datus in ijs potus proficiat.

EX GALENO.

Myrice prodeſt admodū lieni indurato, decoctis cum aceto aut uino radicibus, ſiue folijs, ſiue extremis ramulis. Sanat uerò etiam dentium dolores.

EX PLINIO.

Lenæus ſanari ea carcinomata in uino decocta tritaq; cum melle dicit. Ad lienem præcipua eſt, ſi ſuccus eius expreſſus in uino bibatur. Adeoq; mirabilem eius antiſpathiam cōtra ſolum hoc uiſcerum faciunt, ut affirmant, ſi ex ea alueis factis bibant ſues, ſine liene inueniri. Et ideo homini quoque ſplenetico cibum potumq; dant in ualiſis ex ea factis. Lignum & flos & folia & cortex in eoſdem uſus adhibent, quam remiſſiora. Datur ſanguinem reiſcientibus cortex tritus, & contra profluuia fœminarum, cœliacis quoq;. Idem tuſus impoſitusq; collectiones omnes inſibet. Folijs exprimitur ſuccus. Ad hæc eadem & in uino decoquuntur: ipſa uerò adiecto melle gangrenis illinuntur. Decoctum eorum in uino potum, uel impoſitum cum roſaceo & cera ſedat. Sic & epinyctidas ſanant. Ad dentium dolorem auriumq;, decoctum eorum ſalutare eſt. Radix ad eadem, ſimiliter & folia. Hæc amplius ad ea quæ ſerpunt imponuntur cum polenta. Semen drachmæ pondere aduerſus phalangia & araneos bibitur. Cum altilium uerò pingui furunculis imponitur. Efficax & contra ſerpentium ictus, præterquam aſpidum. Necnon morbo regio, phthiriaſi, lendisq; decoctum infuſum prodeſt, abundantiamq; mulierum ſiſtit. Cinis arboris ad omnia eadem prodeſt.

DE MEONE RHOEADE CAP. CXCIII.

NOMINA.

Papauer rubeū.



Rheas unde dictum.

ΗΚΩΝ ροιὰς Græcis, Papauer rheas, hoc eſt, fluidum aut erraticum Latinis, Papauer rubeum officinis & herbarijs, Germanis à ſtrepitu quem ludentes pueri harum folijs concavo pugno impoſitis, altera palma incuſſa ædunt, Klapperroſen/ quaſi dicas crepitaculares roſas, & Glitſchen/ & wild Maen/ ac Kornroſen appellant. Rheas autem à flore, qui ei protinus decidit, dictum eſt.

FORMA.

Folia Erucae, aut Cichorio ſimilia, & incifa habet, longiora tamen & aſpera. Caulis lanuginosus, rectus, aſperus, cubitalis. Florem puniceum, & aliquando candidum, ſimilem ſylueſtris Anemones flori. Caput oblongum, minus tamen quàm Anemones. Semen ruſum. Radicem oblongam, ſubalbam, minoris digiti craſſitudine, amaram. Ex qua deliniatione omnibus perſpicuū ſit, herbam quam Papauer rubeum hodie uulgò nominant, eſſe Rheada, quod ſit folio Erucae, laciniato, ſcabro, & longiore: caule lanuginoso, recto, aſpero, cubitali: flore ſylueſtris Anemones puniceo, nonnunquā albo, oblongo capite: ſemine ruſo, radice longa, ſubalbida, minoris digiti craſſitudine, guſtu amara. Errant itaque qui Anemonem eſſe arbitrantur, quod folia eius, quæ Coriandri ſunt, euidentiffimè reclamant. Nos Rheadis utriuſque picturas damus, Vnius, atque adeo primi, quod Erucae folia habet, alterius quod Cichorij.

Papauer rubeū nō eſt Anemone.

LOCVS.



515

PAPAVER ER
RATICVM PRIMVM.

Claypoppen.



PAPAVER ERRATI
GYM ALTERVM.

Roinrosen.

A

LOCVS.

Nascitur in aruis & segetibus passim.

TEMPVS.

Vere & æstate dum frumenta messem appetunt, floret: quo etiam tempore decerpitur.

TEMPERAMENTVM.

Refrigerat, ut alia genera Papaueris.

VIRES. EX DIOSCORIDE.

Huius Papaueris quinque sexue capita cum tribus uini cyathis decocta donec ad duas reducantur, potui dabis quibus somnum accersere uolueris. Semen acetabuli mensura cum aqua malsa potum, aluum leniter emollit. Ad idem præstandum mellitis & dulciarijs immiscetur. Folia cum calycibus illita inflammationes sanant. Eorundem perfusione & fotu somnus allicitur.

EX GALENO.

Papauer quoddam Rhœas nuncupat, quod scilicet celeriter flos eius defluat. Huius semen ualidius refrigerat, ita ut nequaquam eo quis innoxie solo uti possit, ueluti satiuo melli admiscens. Admodum uero ita sumptum somnum conciliat. Sed & pusillum eius inspergunt ijs quæ ex melle conficiuntur bellarijs, placentis & panibus.

EX PLINIO.

Aluum exinaniant capita quinque decocta in uini tribus heminis: pota somnum faciunt.

EX RECENTIORIBVS.

Sacro igni medetur. Mulierum menstrua profluua compescit. Sanguinem e naribus fluentem iecori impositum sistit. Lingua ex decocto eius lota, ardorem faucium sanat. Pudendorum tumores detumescere facit. Temporibus illitum, phreneticis somnum conciliat. Calidos oculorum dolores linteo impositum mitigat. Unde rursus omnibus liquet, Papauer hoc rubrum non esse Anemonem, quod scilicet hæc ipsa contrarias plane facultates obtineat.

DE MECONE SATIVO CAP. CXCV.

NOMINA.



ΗΚΩΝ ἡμῶν & græcè, Papauer satiuum latinè dicitur. Officinæ antiquum nomen retinuerunt. Germanicè Wagsomen oder Wân uocatur. Dictum autem Græcis μέλαινα ἀ μινιστράω, hoc est, non ministrando, quod

*Mecone quare ap-
pelleitur.*

suis fungi munijis uescentes non patiatur.

GENERA.

Satiui Papaueris duplex genus, album uidelicet, cuius flos & semen candidum: & nigrum, quod semine nigro constat. Nos utrunque genus una pictura complexi sumus.

FORMA.

Folijs constat longis, per ambitum serratis, nulloque pediculo cauli adherentibus: floribus uel candidis, uel ex candido leniter purpureis: capitibus oblongis, in quibus semen atrum uel candidum.

LOCVS.

Passim in hortis satum prouenit.

TEMPVS.

Æstate floret, ac subinde semen profert.

TEMPERAMENTVM.

Refrigerat, sicut omnia alia Papaueris genera, in quarto ordine.

VIRES. EX DIOSCORIDE.

Communis ipsis refrigerandi uis est: proinde folia & capita in aqua decocta fotu

x

somnum



PAP AVER
SATIVVM.

Wagsomen.

A somnum accersunt. Bibitur & decoctum contra uigilias. Capita trita & cum polenta cataplasmatibus mixta, ignibus sacris & inflammationibus profunt. Oportet autem uiridia ipsa tundere, & in pastillos conformare, siccatosque reponere ac uti. Capita per se etiam ad dimidias in aqua decocta, dein iterum cum melle dum humor densetur crassescatque decocta, eclegma medicamentum efficiunt, dolorem mitigans in tussi, fluxionibus arteriarum & coeliacis affectionibus. Efficacius redditur adiecto Hypocistidis succo & Acacia. Papaueris nigri semen tritum cum uino bibitur contra fluxiones alui & foeminarum profluvia. In peruigilijs fronti temporibusque cum aqua illinitur. Eiusdem liquor plus refrigerat, inspissat, siccaturque. Erui quantitate sumptus dolorem leuat, somnum conciliat & concoquit. Tussi atque coeliacis affectibus auxiliatur. Maiores autem copia haustus nocet, lethargicos efficiens, & interimit. Ad dolores capitis cum rosaceo perfusus facit. Aures dolentibus cum amygdalino, myrrha & croco instillatur. In oculorum inflammationibus cum tosto oui luteo & croco. Igni sacro & uulneribus cum aceto, podagris cum lacte mulieris & croco sed pro balano subditus, somnum allicit.

EX GALENO.

Satiui Papaueris semen panibus utiliter ceu dulciarium inspergitur, non secus ac Sesamum. Candidius nigriore praestat, uimque refrigerandi habet, ideoque somnificum est. Si uero liberalius sumatur, soporem etiam inducet, aegreque concoquetur. Tussim praeterea ex thorace & pulmone compescit. Confert aduersus tenues ex capite destillationes. Corpori nullum notatu dignum exhibet nutrimentum.

EX PLINIO.

B Candidi semen tostum in secunda mensa cum melle apud antiquos edebatur. Calyx ipse teritur & bibitur somni causa. Semen elephantis medetur. E nigro Papauere lacteus succus scapo inciso exprimitur, qui densatur, & in pastillos tritus in umbra siccatur, non ui soporifera modo, uerum si copiosior hauriatur, etiam mortifera per somnum: opion uocant. Semine eius trito in pastillos, è lacte utuntur ad somnum. Item ad capitis dolores cum rosaceo. Cum his aurium dolori instillatur. Podagris illinitur cum lacte mulierum. Sic & folijs ipsis utuntur ad sacros ignes. Item uulnera cum aceto. Ego tamen damnauerim collyrijs addi, multoque magis quas uocant lexypyretas, quasque pepticas & coeliacas. Nigrum tamen coeliacis in uino datur.

EX SYMEONE SETHI.

Melius est album quam nigrum. Somnificam uim habet, & difficilis est concoctionis, parumque nutrit. Si autem cum melle edatur, semini genitali adhaeret. Prodest & thoraci, & asperae arteriae, ac tussi. Ventrem sistit, etsi quidam falso putauerunt ipsum mouere, cum contrariam habeat uim. Laedit caput, si copiosius sumatur, idemque aggrauat. Sunt qui ipsum conterunt, & uigilanti fronti imponunt, in hoc ut somnum conciliet. Caeterum nigrum Papauer frigidius est, & magis somniferum, adeo ut si quis eo immodice utatur, somno profundo similiter lethargicis capiatur.

Cum rosaceo impositum capiti, eiusdem dolores à calore ortos sanat. Dicitur etiam quod illitum cum lacte muliebri & croco, podagricos iuuat. Huius lachryma uenenum est. Nigri autem succus est uocatum opium.



PAP AVER
CORNICVLATVM.

Gelb ölmagen.

A

NOMINA.



ΗΚΩΝ κεράτις Græcis, Papauer corniculatum Latinis, officinis Papauer cornutum, Germanis Gelb ölma gen appellatur. Corniculatum à fructu, quem producit, cornu modo inflexo nominatum est.

Papauer cornutum.

FORMA.

Folia habet candida, hirsuta, Verbasco similia, per ambitū Papaueris syluestris modo serrata: caulem etiam similem, florem luteum pallidumue, fructum paruum ut cornu inflexum, scenigræci corniculo similem, unde & nomen inuenit. Semen pusillum, nigrum quale Papaueris. Radicem in superficie terræ herentem, nigram, crassam.

LOCVS.

Dioscorides in maritimis & asperis locis prouenire ait. In Germania tamen nostra non nisi satum fuerit nascitur.

TEMPVS.

Iunio floret mense, Semen autem circa messes legitur.

TEMPERAMENTVM.

Calidum & siccum esse, facultates eius, & in gustu nitrositas, satis ostendunt.

VIRE. EX DIOSCORIDE.

Radix ad dimidias cocta in aqua & pota, ischiadas, & iecinoris affectus sanare potest. His etiam qui crassas & arancosas faciunt urinas prodest. Semen acetabuli mensura cum aqua mulsa potum, aluum leniter purgat. Folia præterea floresq; cum oleo illita crustas emarginant. Eadem inuncta iumentorum argema ac nubeculas emendant.

EX GALENO.

Papauer corniculatū nominatum quidem est à fructu leuem inuersionē habente, ueluti & scenum græcū, ut bouis cornu simile esse uideatur. Vim habet incidendi & abstergendi. Proinde radix herbæ in aqua decocta ad dimidium, iecinoris affectus adiuuat. Folia & flores, sordida admodum & maligna ulcera iuuant. Sed ab his abstinere oportet ulceribus iam purgatis: adeo enim abstergere ualent, ut & puræ quoque carnis non nihil eliquent. Hoc facultatum robore non sordes duntaxat, sed & crustam ulceribus detrahit.

EX PLINIO.

Semen aluum purgat dimidio acetabulo in mulso. Folia trita cum oleo, argemas iumentorū sanant. Radix acetabuli mensura cocta in duobus sextarijs ad dimidias, datur ad lumborum uitia & iecinoris. Carbunculis medentur ex melle folia.

DE MORO CAP CXCVII

NOMINA.




ΟΡΕΑ, ἢ συνελανέα Græcis, Morus Latinis, officinis & uulgaribus herbarijs Morus celsi, Germanis Maulberbaum appellatur.

Morus celsi.

FORMA.

Morus arbor notior est quàm ut describi desideret. Folia autem rotunda ferè habet, nisi quod in summo sint acuminata, in extremitatib. serrata, & ad Menthæ hortensis primi & secundi generis folia accedentia. Flores lanugineos, fructum statim ab ortu candidum, cum pubescit rubrum, ubi maturuit atrum. Non est certè silentio transeundum, quod Mori folijs quadraginta ferè diebus à Vergiliarum exortu usq; ad solstitiū pasti uermiculi, qui σήφοι Græcis, Latinis bombyces ac Seres nominantur, sericeū uellus, quo turget uterus, pedibus explicantes faciunt: nulla enim in re alia natura sagacior deprehendit, nec ars aliquid ab ijs accipisse uidebitur, in quo ingeniosius laborauerit, si tam multas dum id uellus perfici-

Seres uermiculi unde nutriantur, & eorundem miranda metamorphosis.



MORVS

Maulberbaum.

A tur naturæ mutationes, & artis dum ad uitæ usum disponitur labores æstimemus. Appetente siquidem uere oua, piscium ouis haud dissimilia, linteolo chartæ uel adhærescentia, quæ proximo autumno prodixerunt, radijs solis exponuntur, aut calido in loco, hypocausto nimirum, seruantur. Quo fit ut uermiculi excludantur exigui, qui mox Mori folijs nutriuntur, quoad grandiores facti fuerint: tum statim penulæ cuiusque chartaceæ, uel potius inuolucra conficiuntur, quibus inclusi mirabili naturæ opere lanitio sese inuoluunt, ac congesto glomeri se condentes, postquam suum nendi obierunt munus emoriuntur, adeò ut semestris tantum illis apud nos uita sit. Mortuis testacea subinde tunica inducitur, qua aliquot diebus obducti reuiuiscunt, ac ascitis sibi alis in uolucres papiliones degenerant, qui assidue inuicem insidentes coeuntesque, tandem relictis ouis milij forma & colore, quibus sua rediuiua proles sequente anno renascitur, iterum moriuntur, atque adeo cum nullius præterea sint usus abijciuntur. Oua autem ad ueris usque initia seruantur. Hanc mirificam metamorphosin quam non raro summa cum admiratione ac delectatione sum contemplatus, non potui non commemorare, quò studiosis uermiculorum istorum qui Mori folijs pascuntur natura prorsus perspecta esset.

LOCVS.

Nascitur in hortis quibusdam. Amat autem in primis loca calida sabulosaque. Gaudet fossione & stercore.

TEMPVS.

Nouissima urbanarum germinat, nec nisi exacto frigore, ob id dicta sapientissima *Morus sapientissima arborum.* Proinde cum hanc germinare uiderimus, frigus minimè timendum erit.

TEMPERAMENTVM.

B Immaturus Mori fructus ubi exaruerit admodum adstringit. Maturus autem mediocriter adstringit. Cortex radice arboris amaritudinis cuiusdam & purgantis facultatis particeps est. Folia & germina quodammodo media temperie inter adstrictionem & purgatoriam facultatem sunt prædita.

VIRE. EX DIOSCORIDE.

Mori fructus aluum soluit. Facile corrumpitur. Stomacho inimicus est. Præstat hoc idem eius succus. Decoctus autem æreo uase, aut insolatus, magis adstringit. Admixto mellis exiguo, ad fluxiones, nomas & tonsillarum inflammationes facit. Augetur uis eius adiecto scissili alumine, galla, croco & myrrha, item tamaricis semine, iride & thure. Mora uerò immatura sicca tusaque, Rhœis uice obsonijs miscetur, & cœliacos iuuant. Radicis cortex decoctus in aqua & potus aluum soluit. Latos uentris lumbricos expellit: his quoque auxiliatur qui aconitum hauserunt. Folia trita & cum oleo illita, ambustis igne medentur. Decocta in aqua cœlesti cum uitis & nigræ fici folijs capillos tingunt. Succus foliorum cyathi mensura potus, phalangiorum moribus auxiliatur. Corticis & foliorum decocto colluuntur utiliter in dolore dentes. Colligitur per messem succus, circumfossa & secta radice arboris: inuenitur enim post die concretionem, qui in dolore dentium utilis est. Tubercula discutit, & aluum purgat.

EX GALENO.

Mori fructus maturus uentrem quidem subducit: immaturus arefactus medicamentum fit satis constringens, adeò ut ad dysenterias & cœliacos affectus, aliosque omnes qui ex fluxionum sunt genere efficax sit. Contunditur autem & obsonijs miscetur, ueluti Rhœis fructus: aut si cui ita uideatur, ex aqua aut uino bibitur. Porro quod maturorum succus ad stomatica medicamenta sit utilis, propter eam uidelicet quæ inest illi adstrictionem, neminem latet. Præterea ad alia complura particularia, quæ mediocre poscunt adstrictionem, competit. At immatura præter acerbitatem aciditatem etiam participant. Tota quoque arbor in omnibus suis partibus mistam aliquam obtinere facultatem ex constringente & purgante compositam uidetur. Attamen in radicis cortice purgatoria cum quadam amaritudine exuperat, adeò ut & latum

Cumbricum interficiat. In alijs autem partibus constringens uincit. In folijs tamen & germinibus media quodammodo cōprimētis & subducentis facultas est. Cæterum Mora ubi in uentriculum purum, & prima fuerint ingesta, citissimè per intestina transeunt, & alijs cibis suo ueluti ductu uiam struunt. Verum secundo loco assumpta, aut prauum in uentre humorē inuenientia, celerrimè alijs unà cum cibis corrumpunt, extraneā quandam atq; inexplicabilem corruptelam inducentia similiter Cucurbitis. Tametsi enim fugacibus hæc omnia sint esculentis innocentiora, corruptione tamen nisi uelociter deorsum concedant, non secus ac Pepones, uitiantur. Porro quando uentriculi os squalidum calidumq; erit, tum sicut peponibus, ita & Moris utendum. Tale nanq; iecur etiam tunc esse necesse est. Immatura Mora ab arbore decerpta, siccataq; in hyemem reponunt, ut sibi medicamē ex ijs parent, utile ad dysenteriam, aluiq; diuturnum fluorem persanandū. Quod quidem facile descendant fortè eis usuuenit sola substantiæ humiditate & lubricitate, fortè etiam admistione acrioris facultatis, quæ stimulantē ad excretionem aluo sit satis. Nam adstringens qualitas adeò nihil ad deiectionem opitulatur, ut etiam reprimere stipareq; sit nata. Proinde Moris exiguum quandam eius facultatis portiunculam inesse cōhicio, cuius permagna in purgantibus medicamentis habetur: quæ facit non solum ut facile deiciantur, uerumetiā ut diutius morata in uentre corrumpantur. Quod si corruptionem effugiant, omnino quidem humectant, sed non planè refrigerant, nisi frigida accipiantur. Parcissimè corpus alunt, similiter ut Pepones, haud tamen uomitum cient, nec stomacho ut illi aduersantur.

DE MYRRHIDE CAP. CXCVIII.

D

NOMINA.

Cicutaria.

Error de duplici
Cicuta.

ΥΠΡΙΣ *ἡμύρρα* Græcis, Myrrhis Latinis, uulgaribus herbarijs Cicutaria, quod scilicet caule & folijs Cicutæ simillima sit. Hac similitudine quidam decepti, ueram esse Cicutam putauerunt, cum tamen ab ea, uiribus potissimū, diuersissima sit. Germanis Wilderkorffel appellatur.

FORMA.

Cicutæ caule & folijs similis est, radicem obtinet longam, teneram, rotundam, odoratam, in cibo non insuauem. Hæc tota Dioscoridis deliniatio, nulla prorsus reclamante nota, herbæ cuius effigiem damus pictam suffragatur. Siquidem caule striato, folijs & flore Cicutæ simillima est, adeò ut eam nonnulli à Cicuta discernere nesciant. Radicem etiam habet longam, teneram, rotundam, cibo iucundam & odoratam.

LOCVS.

Pasim in hortis & pratis nonnullis prouenit.

TEMPVS.

Maior mense loca in quibus nascitur huius floribus quasi candicant.

TEMPERAMENTVM.

Ex secundo est ordine exalfacientium, adiuncta partium tenuitate.

VIRES. EX DIOSCORIDE.

Phalangiorū morsibus radix Myrrhidis succurrit cum uino pota. Menses purgat & secundas educit. Cocta in sorbitione tabidis utiliter datur. Ferunt præterea aliqui eam bis térue die potam ex uino in pestilentialibus constitutionibus, à morbo seruare incolumes.

EX GALENO.

Radix eius menses mouet, quæq; in thorace & pulmone sunt expurgat.

EX PLINIO.

Cit menstrua & partus cum uino. Aiunt quoque eandem potam in pestilentia salutarem



MYRRHIS

Widloffel.

- C salutarem esse. Subuenit & phthificis in sorbitione. Auiditatem cibi facit. Phalangiorum morsus restringit. Vlcera quoque in facie aut capite succus eius in aqua triduo macerata sanat.

DE MELILOTO CAP. CXCI X

NOMINA.

Sertula cur
dicta.
Corona regia.



ΕΛΙΑΝΤΟΣ Græcis, Melilotus, Sertula campana, & Corona regia Latinis dicitur. Meliloti nomen officinæ retinuerunt. Sertulam uero dixerunt, quod flos eius coronamentis dicatus sit, & quia ex ea antiquitus coronæ & ferta factitata sint. Coronam autem regiam, quoniam luteis floribus supernè coronetur.

GENERA.

- Vulgaris Melilotus. Tria Meliloti hodie faciunt genera. Primum uulgarè, statim à radice fruticosam, cubitalem, folio scenigræci minuto ac lentè simbriato, flosculo luteo, odoris suauis, tereti per ramos diffuso semine. Hoc quanquam tertio generi, quod nos uerum esse putamus, folijs & floribus simile sit, tamen cum nullam gustu præ se ferat adstrictionē, quam summè requirunt Dioscorides, Galenus & alij ueteres medici, & præter amaritudinē haud exiguam acrimoniā habeat, sit ut inter Melilotos, meo quidem iudicio, rectè cōnumerari non possit. Hinc est quod nos infra, hanc alio nomine dignati sumus, Saxifragam quæ luteam appellauerimus. Alterum aspectu cano, Croci flore, folijs Trifolij, minutissimis, ut paulò post fusius dicemus. Hoc sanè genus nos Melilotum germanicā uocauimus, quod illa, & non prior, in Germania nostra pro uera Meliloto sit usurpanda, ob adstrictionem illam manifestam quam gustu præfert. Accedunt folia quæ pingui sunt, & flores Croci colorē referentes, quos Dioscorides requirit. Sententiā nostram confirmat antiquus manuscriptus herbarius, qui hanc pro Meliloto pingit. Neque obstat quod hæc herba non admodum odorata sit: fatemur enim non esse laudatissimam Melilotum, sed eam quam Germania nostra profert. Nam quum Plinio lib. xxi. cap. xi. teste, Melilotus ubique nascatur, suam quæuis habeat ferè regio necesse est. Nihil igitur mirum si huic herbæ non adsint singulæ notæ, quas illi ueteres Græci & Latini attribuunt. Satis autem est ei mistam quandam, nempe adstringentē & digerentem inesse facultatem, haud secus quàm optimæ. Germani hanc herbā nominant Unser frauen schüchlin / uel wilden klee. Tertium genus nos optimam & legitimam esse arbitramur Melilotū, quam nos maioris discriminis causa Italicam nuncupauimus, quod mos sit patrius Germaniæ nostræ, omnia ferè peregrina uocare Italica. Germanicè itaque haud ineptè welscher Stein klee nominabitur.
- Germanica Melilotus.
- Italica Melilotus.

FORMA.

- Melilotus Germanica. Vulgaris Meliloti descriptionē inuenies suo loco. Germanica, herba est humilis, palmi altitudine, folio pratensis Trifolij, pingui & cano, flore pisi, minore tamē, luteo, semine in siliquis, radice rufa. Italica, quam è Campania allatam in Germaniam arbitror, caulem habet subrufum, rotundū, folium scenigræci, in ambitu serratum, flore luteo, odorato, semine in siliqua lunata, ut pictura luculenter ostendit. Tota etiam herba odorata est, ut hinc etiam conijcere liceat ueram esse Melilotum.
- Italica.

LOCVS.

Germanica passim in pratis Germaniæ, montosis potissimum, nascitur. Italica in Germania, nisi sata fuerit, non prouenit. In Campania uero circa Nola, Dioscoride teste, copiose nascitur.

TEMPVS.


Floret ferè per integram æstatem utrunque genus. Siliquas tamen in fine Iulij & Augusto mense proferunt.

TEMPE-



MELILOTVS
GERMANICA,

Unser frauen schüchlin.



MELILOTUS
ITALICA.

Welscher Steinklee.

TEMPERAMENTVM.

A

Mixta est facultatis: habet enim quiddam adstringens, sed & discutit & maturat: copiosior enim in ea est substantia calida quam frigida.

VIRE. EX DIOSCORIDE.


Melilotus adstringendi facultatē obtinet. Mollit omnes inflammationes, precipue autem oculorū, uteri, sedis & testium in passo decocta & illita. Aliquando autē addito oui luteo affato, aut scenigræci farina, aut lini semine, aut polline molario, aut capitulis Papaueris, aut Intybo, Recentes meliceridas per se cum aqua, & achoras cum creta Chia & uino aut galla illita sanat. Stomachi dolorē cum uino cocta, & cruda cum antedictis leuat. Aurium etiam dolores crudæ expressus succus, & cum passo instillatus sedat. Capitis dolorem lenit, cum aceto & rosaceo inspersa.

EX PLINIO.

Melilotos oculis medetur cum lacte, cut cum lini semine. Maxillarū quoque dolores lenit, & capitis cum rosaceo: item aurium è passo, quæque in manibus intumescunt uel erumpunt. Stomachi dolores in uino decocta, uel cruda tritaque. Idem effectus est ad uulvas. Testes uerò & sedem prociduam, quæque ibi sunt uitia, recens ex aqua decocta, uel ex passo. Adiecto rosaceo illinuntur ad carcinomata. Deferuescit in uino dulci. Peculiariter & contra meliceridas efficax.

DE MANDRAGORA CAP. CC.

NOMINA.

B  *ANΔPATOPAZ*, ἡ κνίλαι Græcis, ἀνθρωπίμορφος Pythagoræ, Latinis canina aut terrestris mālus, officinis Mandragora, Germanis Alraun dicitur. Qui Circæam uocarunt, nomen illi à Circe fecerunt, quoniam creditur radix eius ad amatoria conducere. Pythagoras haud dubiè ab humana forma, quam radix eius referre uidetur, Anthropomorphon appellauit. Hinc sumpta occasione, agyrtae & impostores illi circūforanei radices humana effigie insignitas circunferunt, quas Mandragoras esse testantur, cum tamen constet eas esse fictitias, & manu factas ex cannarum radicibus humana specie sculptis, postea plantatis. Nascuntur autem subinde radiculæ parua, quæ repræsentant capillos, barbam, pectinis pilos, & ex terra eum acquirunt colorem, ut radices esse appareant. Sunt & alia multa quæ nebulones illi fabulantur ut pecuniam ab imperitis extorqueant, quæ cōmemorare in præsentia nihil attinet. Terrestris mālus Romani dixerunt, quod mālā proferat, nec in altum ut reliquæ arbores surgat.


GENERA.

Duo Dioscoridi & Plinio Mandragoræ sunt genera. Mas candida est, *μῶεον* Mas. Græci uocant. Huius hic effigie, citra tamen poma, quæ habere non potuimus, damus. Fœmina nigra, Græcis *θεοφράστειος* à similitudine foliorum appellata. Theophrastus tamen lib. vi. de historia plantarū, cap. ij. tertium quoddam genus Mandragoræ constituere uidetur, cuius fructus sit *μέλας, καὶ ῥαχιδύς, καὶ ὀνώδης τῷ χυμῷ*, hoc est, niger, acinosus, & sapore uinosus. Et nisi hoc genus à priorib. diuersum esse statuas, discrepare inter se non leuiter Theophrastū & Dioscoridē necesse est fatearis. Nam Dioscorides palam asserit poma priorum duorū generum uitellis ouorū esse similia, & pallida: contra Theophrastus nigra, acinosa, ut diximus, & sapore uinosa esse tradit. Accedit quod idem Theophrastus eodē loco Mandragoræ caulem tribuat, perinde atque Plinius, quem Dioscorides penitus aufert: ut hoc nomine necesse sit hæc omnia ad tertium hoc genus Mandragoræ referre, quod nos tamen infra inter Solani genera recensebimus, ubi etiam eius picturam offendes.

FORMA.

Fœmina angustiorib. & minoribus quam Lactuca folijs est, grauiter odoratis & uirosis,

y



MANDRAGORA
MAS.

Alraun mennele.

A uirosis, per terram sparsis, iuxtaq; folia pomis uitellis oui similibus, pallidis, odoratis, in quibus semen quale pyri, radicibus magnis, binis ternisue, sibi inuicem implicitis, in superficie nigris, intus candidis & crassi corticis. Caulem uerò non fert. Maris folia sunt magna, candida, lata, læuia ut Betæ. Mâla duplo maiora quàm fœminæ, croci colore, cum aliqua grauitate odorata, quæ comedentes pastores quadantenus soporantur. Radix supradictæ similis, maior tamen candidiorq;. Orbata & hæc est caule.

LOCVS.

Prouenit in syluis & umbrosis locis. Nunc in hortis etiam plantatur.

TEMPERAMENTVM.

Mandragora uincentem habet facultatem refrigeratorem, adeò ut tertij sit ordinis refrigerantium. Veruntamen nonnihil etiam caloris inest, & in pomis humiditatis, Radicis cortex non tantum refrigerat, sed & desiccatur.

VIRES. EX DIOSCORIDE.

Succus colligitur è cortice recentis radice tuso & prælis subiecto, quem insolutum cum iam cōcreuerit, in fictili uase reponere oportet. Colligitur itidem è pomis succus, ignauior tamen. Delibratur radice cortex, & traiectus lino ad usum suspenditur. Quidam Mandragoræ radices in uino ad tertias decoquunt, & traiectum per colum ius seruant, utentes cyathi unius mensura in peruigilijs, & doloribus, & in his quos sine doloris sensu secare aut urere uoluerint. Potus obolorum duorum pondere cum multa aqua Mandragoræ liquor, pituitam, nigramq; bilem ueratri modo purgat. Verum maiore copia potus uitam adimit. Misceat medicamentis ocularibus, & ijs quæ dolores finiunt, pessis quoq; emollientibus. Per se semioboli pondere appositus, menses & fetus trahit. Sedi pro balano subditus somnū facit. Radix ebur emollire fertur, si senis horis cum eo decocta sit, & in quam uoluerit aliquis formam fingi & formari facilem reddere. Folia recentia, oculorum & quas ulcera excitarunt inflammationibus cum polenta illita profunt. Discutiunt eadem omnē duriem, abscessus, strumas, tuberculaq;, quinq; aut sex diebus leniter cōfricata. Stigmata sine ulceratione delent. Folia condita sale seruantur in eodem usus. Radix autē trita ex aceto ignibus sacris, & serpentium ictibus ex melle aut oleo medetur. Strumas atque tubercula ex aqua dissicit. Articulorum dolores cum polenta sedat. Conficitur citra coctionē uinū è cortice radice. Ternæ minæ in uini dulcis metretā coniunguntur. Dantur ex eo terni cyathi, ijs qui secari, aut uri debent, ut antè dictum est. Siquidē nullo tunc afficiuntur dolore, eò quod somno quodam pressi torpescant. Mâla olfactu, & comesta soporem afferunt. Potest idem & corū succus. Nîmius tamen eorundem usus obmutescere facit. Semen mâlorum potum uterum purgat, appositumq; cum sulphure ignem non experto rubra fœminarum profluvia sistit. Colligitur ex radice liquor, ea scarificata multifariam, & eo quod erumpit, in cauum uas recepto. Est autem liquor succo efficacior. Sed non ferunt omnibus locis liquorem radices, idq; experientia ostendit.

EX GALENO.

Soporem conciliandi uim habent Mandragoræ poma. Radicis cortex ualentissimus est, reliquum quod intus est imbecillum existit.

EX PLINIO.

Succus fit & è mâlis & è caule, deciso cacumine, & radice punctis aperta aut decocta, utilis hæc uel surculo. Concisa quoque in orbiculos seruatur in uino. Succus non ubiq; inuenitur, sed ubi potest, circa uindemias quaritur. Odor grauis eius, sed radice & mâli grauior. Mâla matura in sole siccantur. Succus ex ijs sole densatur: item radice tusa, uel in uino nigro ad tertias decoctæ. Folia seruantur in murijs efficacius, aliàs recentium succus pestis est: sic quoque uires noxiæ. Grauedinem

C afferunt etiam olfactu, quanquā mala in alijs terris mandantur, nimio tamē odore obmutescunt ignari. Potu quidem largiore etiam moriuntur. Vis somnifica pro uiribus bibentium. Media potio cyathi unius. Bibitur & contra serpentes, & ante sectiones punctionesq̃, ne sentiantur. Ob hæc satis est aliquibus somnū odore quæsisse. Bibitur & pro Elleboro duobus obolis in mulso. Ad strumas radix Mandragoræ ex aqua bibit̃. Articulis profunt folia cum polenta, uel radix recens tusa cum cucumere syluestri, uel decocta in aqua. Cum cerato apostemata & ulcera tetra, folia Mandragoræ recentia sanant. Radix uulnera cum melle aut oleo.

DE MALIS INSANIS CAP. CCI

NOMINA.



VAE māla insana hodie appellantur, & à Neapolitanis Melanzana, ab alijs amoris poma, à Germanis uerò *Melanzen*/num ueteribus cognita fuerint asseuerare non ausim. Non latet tamen Hermolaum in Corollario suo in ea esse sententia, ut putet esse tertiā Mandragoræ speciem, quam Morion uocant. Quam tamen sententiam cur non probem, facit in primis Theophrastus, qui lib. vi. de historia stirpium cap. ij. eius fructum esse nigrum, acinosumq̃ scribit, qualia mala insana non sunt. Dein quod Morij fructus letalis sit, mala insana cur dicta. mala uerò insana minimè, ut paulò post dicemus. Mala autem insana dicta sunt, nō quod letalia sint, sed quod difficulter concoquantur. Amoris autem poma, quod propter elegantiam & pulchritudinem digna sint quæ amentur. *Nimij Gor & belle Philoſophari*

Amoris poma
quare uocata.

GENERA.

Duo sunt malorum insanorum genera. Aliqua enim purpurea ferè tota, aliqua uerò lutea, aut candorem aliquem præ se ferentia. Primi generis poma germanicè *braun Melanzen*/alterius autem, *geel Melanzen* uocantur.

FORMA.

Mala insana in frutice nascuntur, qui Personatiam propèmodum caule & folijs refert. Differunt autem huius folia à Personatiæ, quod longiora, magisq̃ laciniata sint. Flores habet purpureos, speciosos, sex folijs è calatho stellatim radiatis, fructus oblongi mali forma & magnitudine, in quibus semen siliquaestro non dissimile. Radicem multis capillatam fibris luteamq̃.

LOCVS.

In hortis apud nos feruntur, sed frequenter in fictilibus & pensilibus fenestrarū hortis. Et eodem cultu quo cucumeres & melones gaudent.

TEMPVS.


Floret Augusto & Septembre mensibus, ac subinde fructum profert.

TEMPERAMENTVM.

In his malis haud dubiè ut in cucumere esculento, aut fungo, frigida & humida temperies superat.

VIRE S.

Nullum, quod sciam, in medicina usum habent. Eduntur autem à nonnullis ex oleo, sale & pipere fungorū modo cocta. Alij ubi paululum inferbuerunt igni, in orbiculos uel taleolas digerunt, & in acetarijs ex oleo, uel pipere & aceto comedunt. Salgamarij in muria acida seruant, cibo per hyemem & uer ori grato, sed tamen qui ægrius concoquatur. Quid multa: delicatiorum & omnia degustare uolentium cibus est malum insanum. Quare qui sanitatis studio aliquo tenentur, ij statim nomine ipso territi, usum illorum euitabunt.



MALA INSANA.
 Galli uocat Pome Samours
 quod libidine exitem

Melastoma.

Y 3

C

NOMINA.

Nenuphar.

Nymphaea cur
diſſa.

Y M Φ A I A Græcis, Nymphaea Latinis, officinis Nenuphar bar-
bara uoce nominatur. Germanis Seeblüm / Waſſermâhen.
Nymphaea autem nomen ſibi uendicaſſe uidetur, quod aquoſa
amet loca: uel, ut ex ueteribus aliqui fabulati ſunt, à Nympha,
quæ zelotypia Herculis intabuit & mortua eſt, inq̃ paluſtrem
hanc plantam mutata.

G E N E R A.

Candida. Duo eius genera. Vna enim à flore candido, Liſij ſimili, candida appellatur.
Lutea. Germanicè weiſſ Seeblüm. Altera itidem à floribus, qui lutei ſunt, lutea no-
minatur. Germanicè geel Seeblüm. Poſſent etiam radicibus diſcerni, cum prior
nigra, altera uerò candida cōſtet, adeò ut hoc nomine prima candida, altera autem
nigra diceretur. Multò uerò conſultius eſt à floribus, quàm radice diſcrimen ſume-
re, quòd illi nunquam non oculis expoſiti ſint, radices autem non niſi effoſſæ in-
tueri poſſint.

F O R M A.

Prima, folia Ciborio ſimilia habet, minora tamen & longiora, quadantenus ſu-
per aquam eminentia, aliqua tamen etiam ſub aquis, plura ab una radice prodeun-
tia. Flos candidus, Liſio ſimilis, in medio quod croceum ſit obtinens. Hic cum de-
floruerit rotundus, & mâlo circumferentia, aut Papaueris capiti ſimilis, colore niger
fit. In quo ſanè ſemen clauditur nigrum, latum, denſum, guſtu glutinoſum. Caulis
illi læuis, minimè craſſus, niger, Aegyptiæ fabæ ſimilis. Radix nigra, aſpera, clauæ
perſimilis. Hæ ſingulæ notæ alteri Nenuphari uocato quadrant. Folio enim con-
ſpicitur orbiculato, læui, herbaceo, amplo, in ſtagnantibus aquis ſupernatante; flo-
re candido, Liſio ſimili, in medio croceum habente, & cum defloruerit capite Papa-
ueris, in quo ſemen latum, amarum, pingue. Caulis gracilis eſt & læuis. Radix ni-
gra & ampla, dulcis, nodosa, clauæ formam repræſentans. Altera folia antediſc-
ſimilia habet, ſed radicem albam & aſperam: florem luteum, ſplendentem, roſæ ſi-
milem. Quæ itidem notæ in uniuerſum omnes alteri Nenuphari, quæ luteis eſt
floribus, reſpondent.

L O C V S.

Nascitur in paludibus & aquis ſtagnantibus.

T E M P V S.

Flores in fine Maij & Iunio menſe colliguntur. Radices autem in autumno ef-
fodiuntur.

T E M P E R A M E N T V M.

Nymphaea tum radix, tum ſemen refrigerandi & citra morſum deſiccandi uim
obtinet.

V I R E S. E X D I O S C O R I D E.

Radix prioris ſicca cum uino pota, coeliacis & dyſentericis prodeſt. Lienem ab-
ſumit. Stomachi ueſicæq̃ doloribus illinitur. Alphos ex aqua exterit. Alopecias
cum pice impoſita ſanat. Eadem contra Veneris inſomnia bibitur, ſiqui dē ea com-
peſcit. Paucis diebus, ſi quis continuò bibat, genitale infirmat. Idem ſemen potum
efficit. Alterius quæ lutea dicitur, radix & ſemen contra muliebria profluuiâ ex ui-
no nigro bibuntur.


E X G A L E N O.

Nymphaea radix & ſemē, uentris profluuiâ cohibent, ſemenq̃ genitale ſiue per ſo-
mnia, ſiue alio pacto immodicè profluens retinēt. Iuuât dyſentericos. Ceterū Nym-
phaea quæ candidâ radicē habet, potentioris eſt facultatis, ut & muliebri profluuiio
medea-



NYMPHAEA
CANDIDA.

Weiß Seebäumen



NYMPHAEA
LUTEA.

Geel Seebliemen.

A medeatur. Verum & hæc, & ea quoque quæ atram habet radicem, ex uino nigro austero bibitur. Porro nonnullam etiam abstergerendi uim obtinent, ita ut alphas & alopecias sanent. Ad alphas uerò macerantur aqua, ad alopecias pice liquida. Sed ad hæc aptior est ea cuius radix nigra est, sicut ad alia, cuius alba.

EX THEOPHRASTO.

Nymphæa trita plagæ imposita sanguinem sistere traditur. Vtilis & ad difficultates intestinorum pota.

EX PLINIO.

Venerem in totum adimit Nymphæa, semel in quadraginta dies pota. Insomnia quoque Veneris à ieiuno pota, & in cibo sumpta. Illita quoque radix genitalibus, inhibet nō solum Venerem, sed effluentiam genituræ: ob id corpus alere, uocemq; dicitur. Semen cum uino potum dysentericis auxilio est. Tenesmo radix eiusdem ex uino bibitur. In uino quoque pota lienem consumit. Dolores uesicæ sedat ex uino. Manantia sanat ulcera. Maculas omnes emendat. Trita plagis imponitur. Viceribus, priuatim ijs quæ calceamento facta sunt, prodest arida infricata.

DE NAPHY CAP. CCIII

NOMINA.



NAPHY, *ἡ σινάπι* græcè, Sinapis & Sinapi latine uocatur. Officinæ nomen retinuerunt. Perperā tamen faciunt, quod altero genere pro Eruca, quam suo loco depinximus, utunt. Germanicè *zam oder Gartensenff* nominatur. Sinapis autem nomen è Græcia uenit in Latium, censetq; dictum Athenæus lib. ix. Dypnosoph. Sinapi, *ὅτι σινετοῦ τὸς ὠπας γὰρ τὴν ὀδὸν μὲν*, hoc est, quod olfactum luminibus officiat. Pleraq; Græcia Napy nominat quasi Naphy, ut idem eodem in loco interpretatur, quoniam non sine natura sit, sed acri & proinde incommoda donetur. Alij Napy per priuationem uidelicet *νῆπιον*, quasi immitè dici uolunt, quoniam acrimoniæ uehementis particeps sit.

Officinæ error.

Sinapis unde dicta.

Napy cur uocatum.

GENERA.

Sinapis duo inueniuntur genera, folijs, floribus & semine distantia. Primum siquidem genus rapitiam frondem exprimit, floremq; luteum obtinet, ac semen album profert. Nos à floribus luteis germanicè *geelen Gartensenff* nominauimus. Alterum in Erucae folium laciniatur, floreq; albicante, & semine uesco pulloq; constat. Nos genus hoc ab albicantibus floribus *weissen Gartensenff* appellauimus, ut esset huius aliqua ab Erucae nomenclatura diuersitas, quam Germani simpliciter *weissen Senff* uocant.

FORMA.

Primum caulem habet hirsutum, longum, ramosum, folia rapi, minora tamē & asperiora, flores luteos, siliquas rotundas ac hirsutas, plenas semine candicante. Alterum genus itidem hirsuto caule præditum est, minore tamen, folijs Erucae, maioribus tamen ac latoribus, laciniatis, floribus albicantibus, crucisq; effigiem referentibus, siliquis teretibus & oblongis, semine pullo rufescenteue refertis.

LOCVS.

Utruncq; in hortis satum prouenit. Et quamuis nullo cultu pleruncq; germinet, terram tamen aratam & congestitiam magis amat.

TEMPVS.

Floret utrunq; Iunio ac Iulio mensibus, eodemq; tempore semen in siliquis suis profert.

TEMPERAMENTVM.

Sinapi calefacit & desiccatur quarto ordine.

VIRES. EX DIOSCORIDE.

Calfaciendi, extenuandi & extrahendi uim habet. Cōmanducatū capitis pituitā elicit.



SINAPI PRI
MYM GENVS.

Geeler gartensenf.



SINAPIS ALTE
RVM GENVS.

Weiß Gartensenf.

Cit. Succus eius hydromeliti mixtus contra tonsillarum præduros tumores, ac ueterem callosamq; arteriæ scabritiē conuenienter gargarizatur. Tritum naribus admotum, sternutamenta ciet. Comitibus quoq; auxiliatur. Foeminas uulvæ strangulatu oppressas excitat. Lethargicis, derafo capite, illinitur. Ficis ammistum & impositum donec rubescat locus, ad coxendicum cruciatus, lienes, & omnis generis diuturnos dolores confert, cum permutandæ passionis causa ex alto in cutis superficiem aliquid trahere uoluerimus. Alopecij illitum medetur. Faciem purgat. Sugillata cum melle, aut adipe, aut cerato delet. Ex aceto contra lepras, & feras impetigines perungitur. Aridum contra febrium circuitus bibitur, aut potui polentæ modo inspersum. Extrahentibus emplastris, scabiemq; extenuantibus utiliter ammiscetur. Grauitati aurium & sonitui, tritum cum fico impositum prodest. Succus ad hebetudines oculorum & palpebrarum scabritiem illinitur. Exprimitur autem ex uiridi adhuc semine succus, & in sole siccat.

EX PLINIO.

Sinapi Pythagoras principatum habere ex his, quorum sublime uis feratur, iudicauit: quoniam non aliud magis in nares & cerebrum penetret. Ad serpentium ictus & scorpionum tritum cum aceto illinitur. Fungorum uenena discutit. Contra pituitam tenetur in ore donec lique scat, aut gargarizatur cum aqua mulsa. Ad dentium dolorem manditur. Ad uiam gargarizatur cum aceto & melle. Stomacho utilissimum contra omnia uitia, pulmonibusq;. Excreationes faciles facit in cibo sumptum. Datur & suspiriosis. Item comitibus tepidum cum succo cucumerum. Sensus atque sternutamenta capitis purgat, aluum mollit, menstrua & urinam ciet. Et hydropicis imponitur. Cum fico & cumino tusum ternis partibus comitali morbo. Et uuluarum conuersionē suffitum excitat odore aceto mixto. Item lethargicos: & si uehementior somnus lethargicos premat, cruribus aut etiam capiti illinitur cum fico & aceto. Veteres dolores thoracis, lumborum, coxendicum, humerorum, & in quacunque parte corporis ex alto uitia extrahenda sunt, illitum caustica ui emendat pustulas faciendo. At in magna duritia sine fico impositum: uel si uehementior urigo timeatur, per duplices pannos. Utuntur ad alopecias cum rubrica, psoras, lepras, phthiriales, tetanicos, opisthotonicos. Inungunt quoq; scabras genas aut caligantes oculos cum melle. Succusq; tribus modis exprimitur in fictili, calefcitq; in eo in sole modice. Exit & e cauliculo succus lacteus, qui ita cum induruit, dentium dolori medetur. Semen ac radix cum immaduere musto, conteruntur, manusq; plenæ mensura sorbentur ad firmandas fauces, stomachum, oculos, caput, sensusq; omnes. Mulierum etiam lassitudines, saluberrimo medicinæ genere. Calculos quoque discutit, potum ex aceto. Illinitur & liuoribus sugillatisq; cum melle & adipe anserino, aut cera Cypria. Fit & oleum ex semine madefacto in oleo expressoq;, quo utuntur ad neruorum rigores, lumborumq; & coxendicum perfrictiones.

EX SYMEONE SETHI.

Sinapi uim habet dissoluendi & discutiendi humiditates quæ in capite & stomacho sunt. Confert etiā lienis affectib. à humiditate & flatu procreatis. Item quartanis morbis, qui ex adusta pituita contracti sunt: ad hæc & podagris à pituita factis. Officit uerò uisui, & calido capiti, aciecori. Aduuat concoctionē & distributionē ciborum crassarum partium. Minuit quæ in uentriculo sunt humiditates. Illitum lepris, eas in melius mutat. Linguas etiam humiditate grauatas siccat. Si cum melle sumatur, tusses resoluit. Cum caricis uerò ischiadicis illitum, & lienosis utile est: trahit enim quæ intus sunt ad corporis superficiem, Suffitum uerò & incensum, serpentes fugat.



NERIVM

Oleander.

z

C

NOMINA.

Oleander.
Rhododaphne
cur dicta.



Rhododendros
quare.

HPION, ῥόδονδρον, ῥόδονδρος Græcis, Nerion & Rhododendron Latinis, officinis & barbaris Oleander, Germanis Dlander dicitur. Rhododaphnen autem Græci dixerunt à rosæ floribus & lauri folijs, quæ fruticis huius præcipuæ sunt notæ. Nec refert quod Dioscorides amygdalæ folijs eius folia cōparauerit, lauro enim & amygdalæ nō dissimilis magnopere foliorū figura est. Fecit idem rosæ flos & arbor, ut eadē gens Rhododendrū nominauerit.

FORMA.

Notus frutex, amygdalæ longiora & crassiora folia habens, florem rosarum figura, fructum amygdalæ similem, ueluti cornu, qui dehiscens lanea natura plenus est, pappis acanthinis simili. Radix illi est acuminata, longa, lignosa, gustanti salsa.

LOCVS.

Nascitur in hortis, maritimis, & secundum amnes locis.

TEMPVS.

Quo mense floribus & fructu prægnans sit Nerion, non satis constat: neque enim uel flores uel fructus eius nobis uidere licuit. Hinc est quod etiam pictura quam exhibemus ipsam careat.

TEMPERAMENTVM.

Neriū Arabes calefacere in principio tertij ordinis, & in secundo siccare tradunt.

VIRE. EX DIOSCORIDE.

Flores & folia canes, asinos, mulos & quadrupedes plurimos enecant: hominū uerò cum uino pota contra uenenatorū morsus præsidia salutaria sunt, præsertim si rutæ cōmiscueris. Infirmiora uerò animantia, ut oues, caprasq̃, si aquam biberint in qua folia eius maduerint, moriuntur.

D

EX GALENO.

Nerium aut Rhododaphne notus omnibus est frutex. Foris quidem illitus discutiendi uim obtinet. Intrò autem in corpus assumptus, perniciosus ac uenenosus non tantum hominibus, uerumetiam plerisq̃ pecudibus.

EX PLINIO.

Rhododendros ne nomen quidem apud nos inuenit latinum: Rhododaphnen uocant, aut Nerium. Mirum, folia eius quadrupedum uenenum esse, hominī uerò contra serpentes præsidium, ruta addita, & è uino pota. Pecus etiam & capræ si aquam biberint in qua folia ea maduerint, mori dicuntur.

DE OXYACANTHA CAP. CCV

NOMINA.

Berberis.



Oxyacantha un
de dicta.

ΞΥΑΚΑΝΘΑ Græcis, Oxyacantha Latinis, officinis Berberis, Germanis Paisselbeer / Saurich / Erbsel / Versich uocatur. Hauidubiè Græci à spinarum acuminatis cuspidibus Oxyacanthan dixerunt.


FORMA.

Syluestri pyro similis arbor est, sed minor & nimis spinosa. Fructum fert Myrto similem, plenum conferctūmue, rubentem, fractu facilem, intus nucleos habentem. Radicem multifidam & altam. Huius deliniationis notæ, nulla prorsus reclamante, arbori quam uulgò Berberim barbara uoce nominant, adamussim respondent. Nanque arbuscula est pyri syluestris aspectu, sed humilior, ramis ex interuallo spinosis, folio lentè per ambitum aculeato, acinis rubentibus, in pediculo iuxta & racemo pendulis, gustu acido & subaustero, duobus intus granis, radice numerosa,

LOCVS.

OXYACANTHA

Verfich.
Griffin
Lith. Enn. (2)



C

LOCVS.

Multis nascitur locis, syluis nempe, frutetis, campestribus, montanis, siccis & aquosis.

TEMPVS.

Germinat ineunte uere, ab occasu autem Vergiliarū fructifera. Per Septembrē itaque ac Octobrem menses carpitur, campos syluasq; exornans.

TEMPERAMENTVM.

Oxyacantha adstringit & desiccatur, atque adeo quorundam sententia frigida & sicca in secundo est ordine. Fructus tamen tenuium est partium, & paululum quidam incisium habet.

VIRE. EX DIOSCORIDE.

Huius fructus potus & comestus, alui profluuium, & muliebrem fluxum sistit. Radix trita & illita aculeos & spicula extrahit. Abortum facere tradunt, si sensim uenter ter radice feriat aut perungatur.

EX GALENO.

Oxyacanthus arbor ut pyro syluestri similem habet speciem, ita & facultates minimè dissimiles. Quin & ipsi fructus. Pyri quidem syluestris prorsum atq; absolute austerus est, Oxyacanthus autem tenuium partium est, & modicè incidit. Porro arboris huius fructus, pyri syluestris similis non est, sed Myrti potius fructui, rubens scilicet & rarus. Habet uerò & nucleos. Cæterum non tantum esus, sed & bibitus omnes fluxionum affectus cohibet atque sistit.

† *ῥαφὸς* uidetur legendum, ut est apud Dioscor.

EX RECENTIORIBVS.

E baccis uinum exprimitur eodem ferè usu, quo uinum ex mælo punico. Condiuntur item acini uel melle uel saccharo ad restringendā sitim, depellendamq; febricitantium malaciam, quorū morosum nimis palatum cibum ferre quemcunq; respuit. Elanguescens appetentia grato huius acore recreatur.

DE OSYRIDE CAP. CCVI.

NOMINA.



Linaria quæ
dicta.

ΣΥΡΙΣ Græcis, Osyris Latinis, officinis Linaria, nonnullis herba urinalis appellatur. Germanicè *Glachstraute* / *Lyntraute* / *Harntraute* / *Unser frawen flachß* / *Wildflachß* / *Krotensflachß* / *Nabeltraute*. Linariam autem dixerunt recentiores à folijs quæ Lini faciē referre uident.

FORMA.

Virgultum sarmentumue nigrum est Osyris, tenues uirgas lentasq; habens. In quibus foliola sunt terna & quaterna, modo quina, interim & sena, ceu Lini nigra initio, dein colore mutato subrubescencia. Iam si rem diligenter expendas, nullam deliniationis notam Osyridi traditā, in Linaria dicta hodie deesse reperiēs. Siquidē hæc cauliculis fruticat nigricantibus, & qui ob suum lentorem haud facile franguntur, tenuibus, atris quoque folijs, Lini faciē. Concolori denique semine tantisper dum maturefcit, postquam ematuruit rubescence. Senescentes quoque ramuli nigritiam in ruborem uertunt. His accedit antiqui & manuscripti herbarij testimonium, qui Linariam eam esse herbam tradit, quæ Dioscoridi Osyris dicitur, floremq; habere luteum inquit. Respondet etiam per omnia pictura.


LOCVS.

Pæssim in campestribus prouenit.

TEMPVS.

Floret æstate tota & autumnō.

TEMPER-



OSYRIS

Garnkraut.

C

TEMPERAMENTVM.

Osyridi amara inest qualitas, & obstructions aperiendi, adeoque ut calida sit necesse est. Amara namque Galeno lib. iij. cap. x. de simpl. medicament. facult. teste, qualitate praedita, omnia calida sunt. Sic etiam eodem autore lib. v. cap. xi. eiusdem tractationis, singula quae poros & meatus expurgant, ab infarctuque liberant medicamenta, calida sunt & tenuium partium. Vehementer itaque errant, qui Linariam frigidam & humidam esse asserunt. Et certe praeter ea quae iam dicta sunt, uel hoc uno argumento erroneam illorum sententiam confutare omnium maximè licebit. Cum etenim Linariae urinam mouendi facultatem inesse scribant uulgares etiam herbarij, colligitur illam non esse frigidam & humidam, quando Galeno libro iam citato cap. xij. attestante, omnia quae urinam ducunt ex acrium atque adeo calidorum & siccorum sint genere.

Linaria non est
frigida.

VIRES. EX DIOSCORIDE.

Huius decoctum potum morbo regio affectos iuuat.

EX GALENO.

ὄσυρις enim
non solum scopas,
ut quidam arbit-
ratur, uerume-
tiam ὄσυρις,
Suida & Phari-
no testibus, hoc
est comptoria &
uenustantia facie
medicamenta gra-
eci dixerunt: quo-
rum sane nume-
ro Osyris est, quae
cum amara sit, ex-
tergere cità quo
sunt in corpore,
facie potissimum,
maculas potest.
Hinc recte Plini-
us ex eius folijs
mulieribus, ut po-
te quae plus alijs
comere & uenustare
faciem so-
lent, smegmata
fieri tradit.

Osyridi, ex qua medicamenta ad exterendam leuigandamque cutem, Graeci ὄσυρις uocant, fieri solent, amara inest qualitas, & obstructions expediendi facultas. quare & in iccinore consistentes obstructions adiuuat.

EX AETIO.

Osyris est herba subfruticosa, tenuibus uirgulis, fractioni renitentibus, folijs Linariae similibus, nigris primo, postea subrubescuntibus, gustu amaris, unde regio morbo conferunt.

EX PLINIO.

Smegmata mulieribus ex Osyridis folijs faciunt. Radicum decoctum potum, sanat arquatos. Eadem priusquam maturescit semen concisae, & sole siccatae, aluum fistunt. Post maturitatem uero collectae, & in sorbitione decoctae, rheumatismis uentris medentur, & per se tritae ex aqua celesti bibuntur.

DE OCIMO CAP. CCVII.

NOMINA.

OCIMON Graecis, Ocimum Latinis, recentioribus Graecis βασιλινός, id est, regium appellatur, quod nomen apud omnes nostrae aetatis herbarios & officinas usurpatur. Sunt tamen quibus Ocimum gariophyllatum nominetur. Germanice Basilien/uel Basilgram dicitur. Ocimum autem quibusdam a nascendi celeritate dictum est, siquidem a satuto tertio statim die emicat. Quod uerius Ocymo uidetur conuenire, quod pabuli & farraginis quoddam genus est, sic nominatum ab ὀκνός graeca dictione, quae cito significat. Proinde sunt qui significantius per ζ scribendum ducant Ozimum, ab ὀζω, quod redolere denotat, quoniam herba tota suauissimum spiret odorem. Ab eodem odore, quod basilica & regia domu dignum sit, Basilicum hodie nuncupatur.


Ozimum cur
dictum.

Basilicum.

GENERA.

Sunt qui duo Ocimi comminiscantur genera: unum latiora folia habens, quod priuatim Basilicum: alterum angustiora, quod Ocimum gariophyllatum appellant. Nos tria tibi exhibemus ex uno promiscue semine nobis nata. Primum maioris discriminis ratione Ocimum exiguum, Germanice Klein Basilien/nominauimus. Alterum mediocre, Germanice mittel Basilien. Tertium magnum, Germanice groß Basilien uocauimus. Neque enim nisi folijs solis distare uidentur, quae in primo genere exigua admodum sunt, in altero uero paulo latiora, in tertio primi respectu latissima. Odor autem omnibus tribus unus idemque est.

FORMA.



OCIMUM
EXIGVVM.

Klein Basilien.



OCIMUM
MEDIocre.

Witdel Basilien.

OCIMUM
MAGNUM.

Groß Basilien.



C

FORMA.

Ocimum pedali altitudine profilit, surculosum, ramulis rotundis, folio Mercurialis, diluti uiroris. Floret particulatim, primò parte inferiore, demum superiore: flosculo candido, semine pullo nigròue, cui cortex obducitur. Radix una descendit in altitudinem, crassior & lignosa, cæteræ à lateribus funduntur exiles ac prolixæ.

LOCVS.

Passim in figulinis uasis mulieres extra fenestras ædium fouent Ocimū. In hortis etiam satum prouenit.

TEMPVS.

Iunio & Iulio mensibus floret, dein semen producit.

TEMPERAMENTVM.

Ocimum ex secundo est ordine calcfacientium, cum excrementitia quadam humiditate.

VIRE. EX DIOSCORIDE.

Copiose comestum oculorum aciem hebetat, aluum emollit, flatus mouet, urinam cit, lac euocat, ægreq; in uentre mutatur. Illitum cum polentæ farina, rosaceo & aceto, inflammationibus, mariniq; draconis & scorpionis ictibus auxilio est. Per se autem cum uino Chio oculorū doloribus. Oculorum caligines succus eiusdem abstergit, eorundemq; fluxiones exiccat. Semen potum quibus atra bilis gignitur, difficultati urinæ, inflatisq; conuenit. Olfactu per nares attractum, copiosa sternutamenta mouet. Quod idem herba efficit. Porro instante sternutamento oculos comprimere oportet. Sunt qui Ocimum cauent minimeq; comedunt, quandoquidem manducatū, & in sole positum uermes gignat. Libyes autem adiecerunt, quod si feriantur à scorpione qui Ocimum ederint, nullo dolore conflictari.

D

EX GALENO.

Ocimum excrementitiā humiditatem habet, proinde nec cōmodum est quod in corpus sumatur. Cæterum foris illitum, ad digerendum & concoquendū utile est. Pleriq; hoc etiam ut obsonio utuntur, ex oleo & garo offerentes. Vitiosioris autem succi est. Admentriuntur ob hoc quidam dicentes, si tritum fictili nouo indatur, celerimè intra paucos dies scorpiones gignere, præsertim ubi quis quotidie ollam soli expositam calfecerit. Sed hoc sanè à uero abest. Id porro uerè de eo dixeris, prauī succi, stomacho inimicum, & concoctu pertinax olus esse.

EX PLINIO.

Ocimum Chrysippus grauiter increpuit, inutile esse dicens stomacho, urinæ, oculorum quoq; claritati. Præterea insaniam facere, & lethargos, & iecinoris uitia, ideoq; capras id aspernari: hominibus quoq; fugiendum censet. Adhuc quidam, tritum si operiatur lapide, scorpionē gignere: cōmanducatum, & in sole positum, uermes afferre. Alij uerò, si eo die feriatu quispiam à scorpione qui ediderit Ocimum, sanari non posse. Quinimò tradunt aliqui, manipulo Ocimi cum cancris decem marinis uel fluuiatilibus trito, cōuenire ad eum scorpiones à proximo omnes. Diodotus in empiricis, etiam pediculos facere Ocimi cibum. Secuta ætas alacriter defendit, nam id esse capras, nec minus quàm mentham & rutam scorpionū terrestrium ictibus, marinorumq; uenenis mederi cum uino, addito aceto exiguo. Vsu quoq; cōpertum, deficientibus ex aceto odoratum salutare esse. Item lethargicis, & inflammatis refrigerationi. Illitū capitis doloribus cum rosaceo, aut myrteo, aut aceto. Item oculorum epiphoris impositum ex uino. Stomacho quoq; esse utile, inflationes & ructum ex aceto dissoluere sumptum. Aluum sistere impositum. Vrinam ciere. Sic & morbo regio & hydropicis prodesse. Choleras eo & destillationes stomachi inhiberi. Ergo etiam coeliacis Philistio dedit, & coctum dysentericis & colicis Plistonius. Aliqui & in tenasmo, & sanguinē excreantibus, in uino. Contra duritiam præcordiorū illinitur mammis. Extinguit quoq; lactis prouentum. Auribus utilissi.

A utilissimū infantium, præcipue cum adipe anserino. Semen tritum & haustum naribus, sternutamenta mouet, & destillationes capiti quoque illitum. Vuluas purgat in cibo ex aceto. Verrucas mixto atramento futorio tollit. Venerem stimulat.

EX SYMEONE SETHI.

Basilica ocima olfacta cor & caput iuuant. Si aqua irrigantur, humidiora fiunt, & somnum conciliant. Semen eorum cardiacis affectibus succurrit. Animi mœrorem ex atra bile ortam, in hilaritatem & lætitiā mutat.

APPENDIX.

Vides in referendis Ocimi facultatibus non parū inter se dissentire Dioscoridē, Galenū & Plinium, ita ut uix pugnantes illorum sententias conciliare possis. Quare cōsultum erit ut hic, quemadmodū in alijs etiam, Galeni amplectaris opinionē, qui quodammodo inter hos medius interiectus, cōmendat exteriorem eius usum in ijs quæ σύμπεψιν καὶ διαφύρσιν, id est, concoctionem & discutionē desiderant: damnat uerò internum, ob excrementitiū humorem quo grauatur & lædit interanea. Et ad hunc etiam scopum respiciens, plerasque alias Dioscoridis & Plinij contradictiones tollere poteris.

DE ORIGANO CAP. CCVIII.

NOMINA.



ΠΙΤΑΝΟΣ Græcis, Origanus uel Origanum Latinis, officinis nomen suū retinuit, Germanis Wolgemut/Dosten/Braundosten/uel Bergmünz nominatur. Origanum uerò quod montibus gaudeat appellationem apud Græcos inuenit, ὀρεῖον, id est, monte, & χαρῆς, gaudio.

Origanum unde dictum.

B Herodianus quod uisum exacuat nomen duxisse testatur, ab ὀρεῖον uidere, & γένω clarifico, quasi aciem oculorum illustrans. Theodorus grammaticus nomen ex aduerso datū putat, à γένω, quod est algeo, fieri γένω, quasi rigens, censet, & tandem ascita litera principe, o, in Origanum esse confectum, contrario tamen sensu, quod minimè refrigeret.

GENERA.

Origani genera seu rectius cognomina quatuor esse constat. Est enim Heracleoticum, Onitis, Tragoriganū, & syluestre. Primum ab Heraclea Ponti dictum, cætera à pecoribus cognomenta desumpserunt. Onitis, quod ab asinis impeteretur, ac in cibo gratum esset. Tragoriganū, quasi hircinum Origanum, non alia forsitan ratione quàm quod eius pabuli uoluptate animal hoc caperetur. Syluestre, quod sine cultura, & sua sponte proueniat, cognominatum fuit. Cæterum quum in tanta cum nomenclationū tum historiæ ambiguitate uarietateque tam Græcorum quàm Latinorum nō facile sit quicquam in solidum de his statuere, satis sit unum genus, syluestre nimirum & uulgare, pro omnibus pictum exhibere, quòd, ut Paulus ait, utcunque nominibus distinguantur, una tamen omnium sit facultas, adeoque in re admodum incerta, multum operæ aut laboris temerè insumere minimè necessarium putauī.

Heracleoticum.

Onitis.

Tragoriganum.

Syluestre.

FORMA.


Origanum uulgare fruticulus est, tam folijs quàm ramis Serpyllo syluestri similis, comante supra cacumen umbella, in qua flores haud secus quàm in Serpyllo in albo purpurei, odore iucundo præditi emicāt. Ex qua sanè deliniatione satis liquet, Origanum hoc uulgare, Tragoriganū, uel saltem eiusdem speciem quandam esse, quod hoc ut Dioscorides refert, folijs & ramulis syluestri Serpyllo simile existat.

Vulgare.

LOCVS.

Montibus cliuosisque locis gaudet Origanum nostrum, passimque in his propter sepes nascitur.

TEMPVS.



ORIGANVM SYLVESTRE
SEV VVLGARE,

Wolgemüt.

TEMPVS.

A Floret Iulio mense.

TEMPERAMENTVM.

Omnes Origani species, Galeno & Paulo testibus, calefaciunt & exiccant in tertio ordine.

VIREs. EX DIOSCORIDE.

Heracleoticū excalfacit, unde decoctum eius cum uino potum uenenatorū mor-
sibus prodest: cum passo autem ijs qui cicutam, aut meconiū: cum oxymelire ijs
qui gypsum aut ephemerū hauerunt. Ruptis, conuulsis, hydropicis cum fico man-
ditur. Aridū acetabuli mensura potum cum aqua mulsa, atros humores per aluum
ducit, mensesq̃ ciet. Linctū ex melle tussibus medetur. Prurigines itidem, scabies,
regiumq̃ morbū, decoctum eius cum in balnea descensum est, iuuat. Succus eius-
dem adhuc uirentis, tonsillas, columellas, orisq̃ ulcera sanat. Per nares cum oleo iri-
no infusus trahit. Cum lacte aurium dolores mitigat. Conficitur ex eo & cepis, &
rhu obsoniorū uomitorium medicamentū, omnibus ijs in greCyprio sub Canis ar-
denti æstu per quadraginta dies insolatis. Herba uerò substrata serpentes fugat.
Onitis eadem quæ Heracleoticū Origanum præstat, non tamen eadem efficacia.
Syluestre priuatim folijs & floribus cum uino potis, uenenatorū moribus auxilia-
tur. Omnia autem Tragorigani genera calefaciunt, urinā mouent, bonam faciunt
aluum, si decoctū eius bibatur: biliosa enim deiciunt. Lienosis cum aceto pota uti-
lia: cum uino autem his qui Ixiam hauerunt. Menses ducunt. Tussientibus, peri-
pneumoniciis, ex melle in eclegmate dantur. Est & efficax potio, quare cibum fasti-
dientibus, & stomacho malè affectis, & acida ructantibus datur. Item ijs quibus t̃a
maris iactatione nausea, & hypochondriorū calor excitatur. Oedemata cum po-
B lenta illita discutiunt.

EX GALENO.

Origanus Heracleotica efficacior est Onitide. Syluestris uerò utraq̃ ualentior.
Omnes autem incidendi, extenuandi & calfaciendi facultatem obtinent. Tragori-
ganus quippiam etiam adstrictionis assumpsit.

EX PLINIO.

Origani priuatim usus contra torsiones stomachi in tepida aqua, & cruditates.
Contra araneos scorpionesq̃ in uino albo. Luxata & contusa in aceto & oleo & la-
na. Tragoriganū urinam ciet, tumores discutit, contra uiscum potū uiperæq̃ ictum
efficacissimū, stomachoq̃ acida ructanti & præcordijs. Tussientibus quoque cum
melle datur, & pleuriticis, & peripneumoniciis. Heracleium serpentes fugat. Percus-
sis esui datur decoctū. Potu urinā ciet. Ruptis, conuulsis medetur cum Panacis ra-
dice. Hydropicis cum fico, aut cum hyssopo, acetabuli mensuris decoctū ad sextā.
Item scabiem, pruriginē, p̃foras, in descensione balnearū. Succus auribus infundi-
tur cum lacte mulieris. Tonsillis quoq̃ & uuis medetur. Capitis ulceribus. Vene-
na opij & gypsi extinguit decoctū, si cum cinere & uino bibatur. Aluum mollit ace-
tabuli mensura. Sugillatis illinitur. Item dentiū dolori, quibus etiā & candorē facit
cum melle & nitro. Sanguinē narium sistit. Ad parotidas decoquitur cum hordea-
cea farina. Ad arterias asperas cum gallo & melle teritur. Ad lienem folia cum mel-
le & sale. Crassiores pituitas & nigras extenuat coctum cum aceto & sale sumptum
paulatim. Regio morbo tritum cum oleo in nares infunditur. Lassi perungun-
tur ex eo, ita ut ne uenter attingatur. Epinyctidas cum pice sanat. Furunculos ape-
rit cum fico trita. Strumas cum oleo & aceto & farina hordeacea. Lateris do-
lores cum fico illitum. Fluxiones sanguinis in genitalibus tu-
sum ex aceto illitum. Reliquias purgatio-
num à partu.




ORCHIS MAS LA
TIFOLIA.

Ungesprenzt Knabenkraut männle.

ORCHIS MAS
ANGUSTIFOLIA.

Gesprenge Knabenkraut
männle.

aa 2






ORCHIS FOE
MINA MAIOR.

Das grösser Knabenkraut
weiblin.

ORCHIS SIVE CYNOSORCHIS
FOEMINA MINOR.

Knabenkraut weiblich
das kleinere.



aa 3

C

NOMINA.

Testiculus
canis.
Orchis cur
dicta.
Cynosorchis.



ΠΥΞΙΣ ἡ κυνὸς ὄρχις Græcis, Orchis & Cynosorchis Latinis, Testiculus canis officinis, Germanis Knabentrant uocatur. Orchis dicta hæc herba est, quod radices sibi inuicem haud secus atque duo testiculi cohæreant. Cynosorchis uerò, quod canum testiculis similem radicem habeat.

GENERA.

Orcheos duo esse genera animaduertimus, marem nimirum & fœminam. Mas in uniuersum maior quàm fœmina proceriorq; est, ut pictura ipsa pulchrè declarat. Estq; duorum generum. Vnum latioribus folijs & candicantibus ferè floribus, quod Orchin marem latifoliam uocauimus. Alterum quod angustioribus folijs, & maculosis magis, floribusq; purpureis constat. Nos maioris discriminis rationem habentes, Orchin marem angustifoliã nuncupauimus. Fœmina itidem duorum est generum: una enim maior, altera minor est, ut pictura satis demonstrat.

FORMA.

Folia habet circa caulem & ima eius parte per terram strata, oleæ molli similia, angustiora tamen, leuia & longiora. Caulem dodrantali altitudine, in quo purpurei flores. Radicem bulbo similem, oblongam, duplicem, in modum oliuæ angustam, superiorem alteram, inferiorem alteram: & hanc quidem mollem ac rugosam, illam uerò plenam.

LOCVS.

Nascitur locis, Dioscoride autore, petrosi & arenosi. In Germania certè nostra in hortis & pratis, locisq; sabulosis copiose prouenit.

TEMPVS.

In Maio & Iunijs principio carpitur.

TEMPERAMENTVM.

Radix eius maior calida & humida est, gustantibusq; dulcior esse apparet. Minor admodum elaborata est, ad calidius sicciusq; tendit.

VIRE. EX DIOSCORIDE.


Radix editur ut bulbus cocta. Fertur de ea, si maiorem edant uiri, mares generari: minorem uerò fœminæ, fœminas. Addunt etiam in Thessalia mulieres paruum cum caprino lacte bibendam dare, ut ad uenerea excitent: aridam uerò ad inhibenda atque dissipanda. Alterum etiam alterius potu resolui.

EX GALENO.

Radix maior Orchios multam uidetur habere humiditatem excrementitiã & flatuosam: quapropter pota Venerem excitat. Altera uerò, minor uidelicet, contrà non modo non stimulat ad coitum, sed planè cohibet ac reprimat. Eduntur bulborum more assæ.


EX PLINIO.

Tumores & uitia partium earum erumpentia, cum polenta illita radix sedat, uel per se trita. Eadem ex lacte ouillo neruos intendit, & ex aqua remittit.



TRIORCHIS SERA
PIAS MAS.

Knabenkrautmennle das kleiner.



TRIORCHIS
FOEMINA.

Ragwurtz weible.

NOMINA.



ΠΧΙΞ *σεράπιαις, ἢ τριόρχις*, Paulo & Aëtio testibus, Græcis dicitur. Orchis
sive testiculus Serapias Latinis. Officinæ eius cognitionē non habent.
Germanicè *Agwur* dicitur. Serapias autem ab Andrea medico ob
multos radicis usus, ut inquit Dioscorides, appellata est. Sunt qui à Sa- *Serapias quare*
dicta.

rapi Alexandrinorū deo nominatā uelint, propter lasciuiā impudentē, qua is deus
Canopi, ubi templum & cultu & religione excellens habebat, colebatur: de quo
Strabo in xvij. suæ Geographiæ libro. Triorchis uerò, manifesto ex ea appellatio- *Triorchis cur*
ne argumento, quod non duabus, sed tribus testiculatis radicibus in terra nitatur, *dicatur.*
Qua una quidem re facilè à prioribus discriminantur Orchibus.

GENERA.

Duo esse Orchis Serapiadis seu Triorchis genera, res ipsa satis monstrat. Et si
enim in folijs ac radicibus nihil aut parum discriminis habeant, tamen in floribus
manifestè differre uidentur. Nam alterum genus, quod nos marem uocauimus, *Triorchis mas.*
floribus constat purpureis, & parumper albicantibus. Alterum uerò, quod nos ut
certius à priori discerneretur, foeminam nominauimus, flores obtinet diuersis co- *Triorchis foem.*
loribus distinctos, purpureo uidelicet, candido, uiridi ac nigricante, inferioreq; par- *min.*
te fuci planè effigiem exhibent.

FORMA.

Folia habet Porro similia, oblonga, latiora & pinguia, in alarū cauis inflexa. Cau-
liculos dodrantaes, subpurpureos flores. Radicem minimis testiculis similem.

LOCVS.

Prouenit in pratis & campestribus.

TEMPVS.

In fine Maij mensis & initio Iunij hoc genus apparet, dein nusquam inueniri
potest.

TEMPERAMENTVM.

Valentius quàm primo ordine exiccat.

VIRE. EX DIOSCORIDE.


Radix illita tumores disijciendi uim obtinet, atque ulcera expurgat. Herpetas
cohibet. Fistulas abolet, inflammatione laborantia illita mitigat. Sicca nomas com-
pescit, ulceraq; putrescentia & maligna oris sanat. Cum uino pota aluum sistit. Fe-
runtur de hac etiam quæcunque de Cynosorche dicta sunt.

EX GALENO.

Orchis Serapias ad Venerem nō similiter accōmodus est. Oedemata illitus dis-
cutit, & ulcera sordida purgat, & herpetes sanat. Siccatus multò magis desiccat,
adeò ut & putrescentia contumaciaq; ulcera fanet. Habet etiam quippiam subad-
stringens, ac proinde uentrem in uino potus sistit.

EX PLINIO.

Eius radices sanant oris ulcera, thoracis vituitas, aluum sistit, è uino potæ.



OENANTHE

Rot Steinbrech.

NOMINA.



INANON, λευκάνθος Græcis, Oenanthe Latinis, Filipendula officinis, & Saxifraga rubra, Germanis rot Steinbrech nominatur. Oenanthe autem dicta haud dubiè est quod cum uino floreat. Leucanthos uerò à floribus quos producit candore. Filipendulam à numerosis illis & rotundis in radice capitibus tuberibusque, quæ quasi ex filo quodam pendere uidentur, appellatam esse constat.

Saxifraga rubra
Oenanthe quare dicta
Filipendula.

FORMA.

Folia Pastinacæ sylvestris habet, flores candidos, caulem crassum, dodrantalem, semen Atriplicis, radicem magnam, multa habentem capita rotunda. Ex qua descriptione palam apparet, Oenanthem eam esse herbam quam ætas nostra Filipendulam uocat, quod nulla prorsus sit nota quæ illi non conueniat. Folijs enim Pastinacæ erraticæ est, quæ planè eius herbæ quæ uulgò Petroselinon hodie appellatur folijs similia sunt. Hinc est quod in uulgaribus herbarijs scribatur folia Petroselino similia habere: quamuis Staphylino legendum esse putem. Manuscriptus etiam herbarius Filipendulam folia Dauci agrestis habere tradit. Flores denique illi albi, caulis crassus, dodrantalis, Atriplicis semen. Radices quoque multa, quinque interdum aut sex, nonnunquã etiam plura capita rotunda, tanquam à filo pendencia, ut ait antiquus herbarius, habentes: ita ut hinc esse Oenanthem abundè constet. Sed demus non esse, nihil tamen inde periculi erit, quod scilicet Oenanthe eadem quas Filipendula, sicut ex paulò post dicendis patebit, facultates obtineat.

LOCVS.

Nascitur in petris & montibus asperis. Tubingæ certè in monte Auftriaco nominato copiosissimè prouenit, & in sylua non procul ab arce eius oppidi distante.

TEMPVS.

Iunio mense floret, quo sanè tempore quia facilè ex floribus agnoscitur, carpi potest. Radices tamen inter autumnii initia colligendæ erunt.

TEMPERAMENTVM.

Amara admodum est Filipendula, ita ut non temerè hanc recentiores calidam & siccam in tertio ordine statuant.

VIRE. EX DIOSCORIDE.

Oenanthes semen, caulis & folia cū mulso ad secundas eijciendas bibuntur. Radix cum uino contra stranguriam conuenit.

EX PAVLO.

Oenanthe secundas eijcit, urinæ stillicidio, morboq; regio medetur.


EX PLINIO.

Caulis eius & folia cum melle ac uino nigro pota, facilitatem pariendi præstant, secundasq; purgant. Tusim è melle tollunt. Vrinam cient. Radix uesicæ uitij medetur.

EX RECENTIORIBVS.

Filipendula in lotij stillicidio & urinæ remoratu, neque non renum doloribus, atque lapide eorundem, cōuenit. Eadem stomachi inflationes discutit, medetur & suspiriosis & anhelantibus, & omnibus morbis quos causa frigida concitauit. Farinam eiusdem cibus comitialium inspergunt.

DE OXY.



OXYIS

Santal Alce.

NOMINA.



ΞΥΞ græcè, Oxys Plinio & Latinis, Trifolium acetosum & Alleluya officinis, uulgo Panis cuculi, uel quod cuculus auis eo uescatur, uel quia hoc erumpente, cuculus uocem suam edere incipiat. Germanis Sauerflec/Büchflec/Büchanpffer/Büchbrot/Gauchflec/Guckgauchflec & Nasenflec appellatur. Oxys uerò ab acido sapore dicta est.

Trifolium acetosum.

Alleluya.
Panis cuculi.

Oxys quare dicta.

FORMA.

Humilis herba est, longis tantum pediculis, tria summatim folia perinde atque Trifolium proferens, exigua, & in cacumine laciniata, sapore acido. Florem habet candidum, in simplici stylo inter folia prosilientem: rufum in lunatis siliquis semen. Radicem in transversum longam, geniculatā ac rufam. Antiquus & manuscriptus herbarius putat hanc herbam esse Lotum satiuā, cuius certè sententiā, quod à Dioscoride non describatur Lotus, neq; probo neq; improbo. Cur tamen non sequar, facit quod herba quam Alleluya barbari uocant, non sit satiuā, sed passim in syluis & alijs locis umbrosis nascatur futuræ tempestatis prænuncia. Siquidem appropinquantē aliqua tempestate, arrigitur contrā tanquam tempestati colluctatura.

LOCVS.

Multis locis prouenit: nam in syluis circa petrosa & aquea loca nascentem conspeximus. Nullibi autem copiosiore quam Tubingæ in primo statim conscensu montis Austriaci ad dextram prouenire uidimus.

TEMPVS.

Aprili atque interdum Maio mense floret, dum scilicet cuculi uox primū exauditur, atq; hinc Cuculi panem dictam esse puto, ut dictum est antea. Obseruatū autem est à nobis, atque adeo multorum aliorum experientia cognitū, quod eius herbae copiosi flores, crebras illius anni pluuias, & aquarum inundationes certò portendant: pauci contrā siccitatem.

TEMPERAMENTVM.

Quum acidum in gustu saporem præ se ferat, idem cum Oxalide habere temperamentum, frigidum nempe & siccum, euidentissimum est.

VIRE. EX PLINIO.

Datur ad stomachum dissolutum: edunt & qui enterocelen habent.

EX RECENTIORIBVS.

Vlceribus, uulneribus & fistulis, potissimum autem oris, medetur. Sitim arcet, & ut summatim dicam, easdem quas Oxalis, acetosam nostri nominant, facultates obtinet.

DE OPHRI CAP CCXIII

NOMINA.



OPHRIN hanc herbam nominare placuit, quod inuenerim plantā binis duntaxat folijs constantem hac appellatione insigniri. Germanicum nomen nullum extorquere potuimus: neque enim ea est quæ Durchwachs/hoc est, Perfoliata uocatur, ideoq; hanc à geminis folijs Zweyblatt nominauimus.


Ophris.

FORMA.

Caulem à radice singularem ac rotundū emittit, per bina quæ tantum habet folia penetrantem, à cuius medio ad summum usque calyculi multi sunt, & in his ueluti linguæ dissectæ nutantes flosculi. Radix uerò illi subest tenuis, adnascentes sibi radículas multas, obliquas & odoratas obtinens.

bb

LOCVS.



LOCVS.

Nascitur in montibus, & nullibi maiori copia quàm Tubingæ in pede montis Austriaci prouenit.

TEMPVS.

Maius & Iunio mensibus floret, dein statim euanescit. Quapropter hoc potissimum tempore colligenda.

TEMPERAMENTVM.

Gustanti glutinosa esse apparet, & quodammodo dulcis, ideoque calidam & siccam esse coniungere licebit.

VIRES.

Iuxta dictarum qualitatum missionem contrahendi & constringendi facultate præditam esse nemini non constat. Hinc est quod ad rupta, & uulnera cōglutinanda hac herba cōmodè utantur recentiores.

DE ORMINO CAP. CCXIII.

NOMINA.



ORMINON Græcis, Orminum & Geminalis Latinis, Gallitricum officinis, Germanis Scharlach appellatur. Orminon autem Græcis haud dubiè dictum est, quia Venerem extimulat.

Gallitricum.
Orminon cur
dictum.

GENERA.

Ormini duo sunt genera. Vnum satium, quod Gallitricum simpliciter nominant, & germanicè Scharlach. Alterum syluestre, quod alio nomine Saluiam syluestrem herbarij uocant. Germani wilden Scharlach/oder wilde Salbey.

Salvia syluestris.

FORMA.

Orminum satium herba est folijs Marrubio similis, caule quadrangulo, semicubitali, circa quem eminentiæ siliquis similes prodeunt, ad radicem uersus nutantes, in quibus semen est. Ex qua deliniatione abundè liquet herbam quam hodie Gallitricum uocant esse Orminum satium: hæc enim folijs Marrubio similis est, nisi quod sunt maiora & mirificè odorata: caule semicubitali, quadrangulo, ab imo rufescente, calyculis circa caulem siliquarum effigie prominentibus, & ad radicem deorsum spectantibus, in quibus semen nigrum & oblongum includitur: flosculis in candido purpureis, aut in dilutum ruborem inclinat. Syluestre priori non admodum dissimile est, folijs satis ad Saluiam accedentibus, rugosaque asperitate præditis: caule sesquipedali, leniter hirsuto, in quadrangulum striato: floribus è cœruleo in purpureum uergentibus, ad aquilini rostri effigiem falcatis, calyculis pluribus in terram inclinat, in quibus ad summum quatuor semina, parua, rotunda & fuluescentia reperiuntur.

Orminum satium.

Syluestre.

LOCVS.

Satium nusquam non in hortis satum prouenit. Syluestre autem passim omnia prata exornat, suaque sponte in ijs nascitur.

TEMPVS.

Vtrunque Iunio mense floribus & semine prægnans est.

TEMPERAMENTVM.

Orminum calidum & mediocriter siccum est, id quod amaritudo atque adstrictio in gustu satis monstrant.

VIRES. EX DIOSCORIDE.

Creditur semen satii cum uino potum Venerem stimulare. Cum melle argema & oculorum albugines purgat. Illitum cum aqua cœdemata discutit. Surculos extrahit. Herba ipsa illita eadem potest. Syluestre uehementiorem facultatem habet, quare unguentis miscetur.



ORMINUM
SATIVUM.

Scharlach.



ORMINUM
SYLVESTRE.

Wilder Scharlach.

C

EX PAVLO.

Orminon Venerem stimulat, oculorum crassities cum melle repurgat, cedemata discutit, & extrahit aculeos. Sylvestre domestico est ualentius.

EX PLINIO.

Semen ad Venerem stimulam, & ad oculorum argema & albugines ualet. Vtroque genere tuso extrahuntur aculei ex corpore, per se illito ex aqua. Folia ex aceto imposita, panos per se uel cum melle discutunt. Item furunculos, priusquā capita faciant, omnesq; acrimonias.

EX RECENTIORIBVS.

Recentiores etiam easdem facultates suo Gallitrico attribuunt: potissimum autem conferre ad albugines & oculorū caliginem tradunt, ut hinc etiam colligi possit, herbam hanc Orminon esse Dioscoridis.

DE OROBO CAP. CCXV

NOMINA.



POBOS Græcis, Eruum Latinis dicitur. Officinæ græcam appellationem retinuerunt. Germanis Eruen / ad imitationem latini nominis, appellari possunt.

GENERA.

Duo sunt genera Erui: unum enim candidum, alterum autem rufum inuenitur. Nec inter se nisi floribus & radicibus differunt, quemadmodū pictura affabre monstrat. Rufum uerò sylvestre est, suaq; sponte in aruis, & inter dumeta prouenit.

FORMA.

D Exiguus frutex est, tenuis, angustis folijs, floribus uel candidis, uel in candido cœruleis aut puniceis, seminibus in siliquis sine septo cylindræis, quemadmodū pisa, se inuicem tangentibus.

LOCVS.

Lætatur loco macro, non humido, quia plerunque luxuria corrumpitur.

TEMPVS.

Floret Iunio & Iulio mensibus, iisdemq; semina profert.

TEMPERAMENTVM.

Desiccat quidem Eruum excessu secundo intenso, calefacit uerò primo.


VIRE. EX DIOSCORIDE.

Capitis grauitatē facit Eruum, uentrem turbat, sanguinemq; per urinā ducit si comedatur. Coctum tamen appositū boues saginat. Farina eius bonam facit aluū, urinam cit, corporis colorem cōmendat. Frequentior in esu aut potu sanguinē cum torminibus per aluum & uesicam ducit. Vlcera cum melle purgat, & lentigines, & aspredinē cutis in facie, eiusdemq; maculas & reliquū corpus. Nomas, gangrenasq; cohibet, & mammarū duritias emollit. Fera ulcera, carbunculos, fauosq; rumpit. In uino macerata canum, hominū, uiperarumq; morsus illita sanat. Cum aceto autem difficultates uring, tormina & tenesmos lenit. Prodest etiā ijs qui cibo non nutriuntur, nucis magnitudine frixa & cum melle sumpta. Decoctum eius fouendo perniones, & in corpore pruritus sanat.

EX GALENO.

Orobus quatenus amaritudinis est particeps, catenus incidit, extergit, atq; obstructions expedit. Cæterū si sumatur copiose, sanguinē per urinas euocat. Hominum cibis prorsus hoc semen damnat: est enim & inluauissimū & prauis succi. Eruo autem instar lupini præparato ex melle utimur, ut medicamento crassos pulmonis thoracisq; humores expurgante. Candidum minus est medicamentosum, quā id quod ad flauum aut pallidum colorem tendit.


DE ORO-



ERVUM
SATIVUM.

Weiß Erben.

bb 4



ERVUM
SATIVUM.

Koroderwild Eruen.

NOMINA.



ΠΕΟΣΕΛΙΝΟΝ, ἢ πετροσέλινον ἄγριον Græcis, Syluestre Petroselinum, & Apium montanū Latinis, officinis & barbaram sectantibus medicinā *Apiū montanū.* Petroselinum dicitur. Id quod hinc accidisse puto, quod linguæ græcæ & *Petroselinū officinarum.* inscitia, Oreoselinum dictionem in Petroselinum mutauerint: uel quia *Petroselinum syluestre.* simpliciter enunciauerint quod cum adiectione nominandum erat Petroselinū syluestre, ad differentiā nimirum Macedonici, quod uerè est Petroselinum ueterum. Germani Petersilgen uocant. Nos tentsch Petersilgen/oder Peterlin nominauimus, ut discerneretur à Macedonico, de quo suo dicemus loco.

FORMA.

Caulē habet unum dodrantalem à radice tenui exeuntem, circa quem ramuli & capitula Cicutæ similia, multò tamen tenuiora. In his semen oblongum, acre, tenue, odoratū, Cumino simile. Ex qua sanè descriptione sole clarius apparet, Petroselinum officinarum esse Oreoselinum ueterum: caule enim uno prouenit dodrantali ex radice pertenui, qui per ambitum ramulos spargit capitulis Cicutæ, tametsi multò tenuioribus: in ijs semen, acrimoniā gustu præferens, odoratum, tenue, Cumino proximum. Neque obstat quod in plerisque exemplaribus Dioscoridis capitulorum Papaueris fiat mentio: error enim haud exiguus subest, quod scilicet non *μικρονίω περιμεφρῆν*, hoc est, Papaueri similia, sed *κωνείω*, id est, Cicutæ legendum sit. Id quod in primis confirmant ea quæ scribit Plinius libro xix. capite octauo, in hunc modum: Oreoselinum est Cicutæ folijs, radice tenui, semine Anethi, minutiore tamen. Quod si tamen hæc sententia minus arriserit, nihil moror quin dicas Petroselinum germanicum, cum forma parum admodum à uero Petroselino distet, ut palam fit utriusque picturas intuenti.

LOCVS.

Nascitur in locis petrosis & montanis, unde etiam nomen accepit. In Germania uerò nostra in hortis passim plantatur.

TEMPVS.

Iunio & Iulio mense floribus & semine prægnans est.

TEMPERAMENTVM.

Calidum est in secundo gradu extenso, siccum uerò in medio tertij.

VIRES. EX DIOSCORIDE.

Semen & radix in uino pota urinam cient. Menses etiam ducunt. Miscetur antidotis, necnon medicamentis urinam cientibus & excalfacientibus. Non hallucinari nos oportet, existimantes Oreoselinum esse quod in petris prouenit: aliud enim ab hoc est Petroselinum.

APPENDIX.

Vt cunque autem diligenter hoc monuerit Dioscorides, tamen cauere non potuit quin posteritas medicorum Oreoselinum esse Petroselinum certò crediderit.

EX GALENO.

Oreoselini similis Apio uis est.

EX PLINIO.

Oreoselinum urinæ & menstruis efficax. Eo etiam purgantur sceminæ è uino.



OREOSELINUM

Deutsch Petersilg.

A

NOMINA.



In Græcis, Sorbus Latinis, est arbor cuius fructus Græcis *ἡ ἀγκύρα*, Ga. *Sorbus*.
leno teste, Latinis uerò Sorba appellantur. Officinæ latinam nomen *Sorba*.
claturam retinuerunt. Germanis *Speierling*/ uel *Sporöpffel* corru-
pta puto uoce pro *Soröpffel* nominantur. Vel sic ab austeritate uo-
cata sunt, quasi mæla austera.

GENERA.

Sorborum duo genera tradit Theophrastus lib. iij. de historia stirpium, cap. xij. *Duo sunt genera*
fœminam fructiferam, & masculam sterilem. Differre quoque fructibus idem scri- *Sorborū Theo-*
bit, quod aliæ orbiculatum, aliæ ouatum ferant. Fructus autem orbiculati dulcio- *phrasto.*
res sentiuntur, ouati sæpenumero acidi; minusq; odorati. Plinius lib. xv. cap. xxi. *Plinius quatuor*
in Sorbo quatuor differentias Latinos nosse memoriæ prodidit: alijs enim eorum, *differentias Sora-*
ait, rotunditas mæli est, alijs turbinatio pyri, alijs ouata species ceu mælorum. Quar- *borum ponit.*
tum genus torminale appellant. Nos picturam eius generis damus, quod turbina-
tum pyri instar fructum ædit, qui Germanis *Spörbirn*/ corrupta uoce pro *Sor-
birn*/ aut quasi austerum pyrum dicitur.

FORMA.

Sorbus arbor est procera, recto caudice, cortice leui, pinguiusculo, colore ad fla-
uum albicante, cuius folia pediculo singulari, proluxo, neruaceoq; in uersus condi-
ta, alæ modo à lateribus exeuntia, tanquam ex omnibus unum fiat, ad neruum us-
que laciniatum, uerum ampliusculo interuallo distantia. Omnibus ramulis in ex-
tremo pediculi folium impar prominet, cuius accessione impar numerus efficitur.
Figura laurum tenuifoliam imitantur, uerum ambitu serrata, breuioraq; sunt, nec
B in extremum acutum mucronata, sed in rotundius orbiculata. Flos racematim sin-
gulari petiolo, è multis minutis & candidis constans. Fructus uel orbiculatus, ut di-
ctum est, uel ouatus, uel pyri instar turbinatus. Radices haud multas, nec altè de-
scendentes, ualidas tamen & crassas & incorruptibiles agit.

LOCVS.

Loca amat humida, montana & frigida, eodem Theophrasto autore.

TEMPVS.

Autumno fructus suos Sorbus ostentat.

TEMPERAMENTVM.


Adstringentē obtinet qualitatē Sorbus, sed multò imbecilliorē q̃ Mespilus.

VIRE. EX DIOSCORIDE.

Sorba mælorum colorem referentia, necdum matureſcentia, dissecta & in sole sic-
cata, cum manduntur aluum sistunt. Farina eorum cum mola teritur, polentæ lo-
co in eundem usum sumitur. Potest idem & decoctum eorum.

EX GALENO.


Sorba quidem adstringunt, sed multò fortius Mespila quàm Sorba. Quamob-
rem aluo fluenti in cibo accommodatissimè exhibentur. Sorba maiori cum uolupta-
te sumuntur: prorsus enim initio nihil acerbi uti Mespila habent, sed succus eorum
citra acerbitatē duntaxat austerus est. Illud porrò neminem puto latere, hæc omnia
parcè, non largè ut ficus, uuasq; esse comedenda. Nequaquam enim eis
ut cibis, sed magis ut medicamentis egemus.



576

SORBVM
OVATVM.

Speierling.



OPHIOGLOSSVM

Waterzünglin.

C

NOMINA.

Ὀφιογλωσσὸν
cur diſta.Lingua serpen-
tina.

HERBA hæc appositissima uoce græcè Ὀφιογλωσσὸν appellari potest, non quod sic eam ueteres aut recentiores græci nominauerint, sed quod cum germanica nomenclatura optimè quadret. Neq; enim certò constat an Græcis, & sub quo nomine herba illa cognita fuerit. Quapropter ut no- uam ei inderemus appellationē necessum erat: meliorem uerò hac ipsa quam retu- limus, inuenire haud potuimus. Latine Ophioglossum, aut lingua serpentina dici potest: germanicè enim *Watersünglin* uocatur, à forma & figura quam refert. E singulis nanque folijs singulari pediculo prodit, quod ligulam serpentis forma sua referre uidetur, ut pictura affabrè monstrat.

FORMA.

Folium unicū obtinet pingue, digiti longitudine, Plantagini aquaticæ uocatæ haud dissimile, è cuius sinu inferiore pediculus exit, cui quippiam herbacei coloris insidet, quod serpentinae linguae uocati lapilli similitudinē refert.

LOCVS.

Copiose in monte prope Tubingā Austriaco nominato prouenit. Amat & alia prata in montanis sita.

TEMPVS.

Maior mense reperitur, subinde autem euanescit, ac nusquam apparet.

TEMPERAMENTVM.

Citra caliditatem insignem exiccat, id quod gustus satis docet.

VIRES.

Vulneraria est herba, maligna siquidē & curatu difficilia uulnera sanat. Tumor- res etiam discutit, & ferè Symphyti facultates obtinet.

DE XANTHIO CAP. CCXIX

NOMINA.

Lappa inuersa.
Xanthion unde
dictum.

ΑΝΘΙΟΝ, ἡ φάσγανον græcè, Xanthium latine nominatur. Ab her- barijs nostræ tempestatis Lappa minor & Lappa inuersa uoca- tur. Germanicè *Bettlersleuß / oder Bribenleuß*. Xanthion di- ctum, quod ξανθὰς, hoc est, flauos capillos faciat.

FORMA.

Caulem habet cubitalem, pinguem, angulosum, & in ipso alas multas. Folia Atriplici similia, incisuras habentia, odore Nasturtij. Fructū rotundū ceu grandem oliuam, aculeatum ut Platani pila, contactu uestibus adhærentē. Ex qua quidem deliniatione nemo non uidet herbam cuius picturā damus esse Xan- thion, quod illi omnes notæ ad amussim respondeant. Caule enim est cubitali, pin- gui, anguloso, crebras fundente alas, folijs Atriplicis incisuras habentibus, Nastur- tium manifestissimè olentibus, fructu magnæ oliuæ modo rotundo, ut Platani pila spinoso, contactu uestes apprehendente. Nucleus qui in echinata pilula clauditur à pueris estur dulci & grato cibo.

LOCVS.

Nascitur lætis & pinguibus locis, & lacubus paludibúsue exiccatis.


TEMPVS.

Fructus Autumno maturescit, quo sanè tempore colligi debet.

TEMPERAMENTVM.

Cum discutiendi uires habeat, facile colligitur temperamento esse calido & sicco præditum, id quod ex sapore etiam, qui est amarus & subacris, deprehendi potest.

VIRES.



XANTHIVM

Bettlersleuß.

C

VIRE. EX DIOSCORIDE.

Potest fructus antequam penitus inarescat collectus, tusus, & in fictili uase reconditus, capillos flauos reddere, si quis cum usus exigit trybli pondus ex eo sumens, tepidaq; aqua madefaciens, nitro prius capite præparato illinat. Alij cū uino tufum ipsum reponunt. Fructus etiam cōmodè tumoribus illinitur.

EX GALENO.

Xanthion uocatur etiam Phasganion, Fructus discutiendi facultatē obtinet.

DE XYLO CAP. CCXX

NOMINA.

Gossipion.

Cotum.

Cotonium.

Cotonum.

Xylinae ue-

fles.

Lana lignea.



YLON & Gossipium Plinio & alijs Latinis dicitur. Græci, quod sciam, eius nusquam meminerunt. Barbaris ac Arabibus Cotum & Bombax seu Bombasum, Germanis Baumwoll appellatur. Linum eius cottonium uulgò uocatur, sicut lanugo ipsa cottonū. Ab huius generis planta uestes xylinae, & lina xylina nominata sunt. Iurisconsulti lanam hanc ligneam nuncupant.

FORMA.

Frutex est exiguus, folio uitium, sed minore, floribus luteis in medio purpurascens, fructu barbatae nuci simili, lanugine pleno, quæ netur in linum candidissimum, mollissimumq;. Nux autem ipsa cum hiascens fatiscit, lanuginis globos repræsentat.

LOCVS.

Superior pars Ægypti in Arabiam uergens, Plinio lib. xix. capite primo teste, fruticem hunc gignit. In Creta etiam nascitur, & in Apulia, ac Maltha prope Siciliam insula. Nunc in Germaniæ nostræ hortis plantatur, ut plurima alia peregrina, nobis antea prorsus incognita.

TEMPVS.

Tam fertilis hic frutex est, ut simulatque adoletrit, quod duorum mensium spacio accidit, nunquam desinat florem & fructum proferre, donec asperitate & inclementia hyemis impediatur.


TEMPERAMENTVM.

Arabes, ut annotauit Serapion, fruticis huius lanuginem calidam & humidam esse statuunt.

VIRE. EX ARABIBVS.

Foliorum succus medetur infantium alui profluuiio atque torminibus. Semen tussi & thoracis uitij. Oleo seminis emaculantur lentigines & faciei pustulae. Semen etiam eius genitale semen procreat.

DE PARTHE-



XYLON

Baumwoll.

C

NOMINA.

Cauta.
Cotula foetida.

APΘENION, ἀμάρων, χαμαίμηλον Græcis: Partheniū, Amaracum, Solis oculus, Millefoliū Latinis: Thuscis Cauta, officinis & herbarijs Cotula foetida dicitur. Germanis Krottendill / Hundsbilim / wild Chamillen. Cæterum cogitabunt hoc loco studiosi, Amaracum de quo nunc agimus diuersum esse ab eo quem alio nomine Sampfychon Græci uocant, ut suo loco fusius dicemus.

FORMA.

Folia Coriandro similia habet tenuia. Flores per ambitū candidos, in medio luteos, odore graui & subuiroso, gustuq; amaro. Hæc Dioscoridis descriptio pulchrè & per omnia herbæ illi quæ hodie uulgò Cotula foetida nominatur, respondet. Si quidem ea folijs est Coriandri tenuibus, flore per ambitum albo, intus luteo, odore graui, & sapore amaro. Folijs autem Coriandri, non quidem iam erumpentis & paulò antè enati, necdum maturescents, quæ sunt quadantenus lata & subrotunda, atque in extremitatibus incisa: sed maturi, cuius quidem in alto folia ad Chamæmeli aut Fœniculi foliorum formam accedunt, capillataq; sunt, constare scias. Sic enim utriusque folia similia sunt, ut Coriandrum Parthenij, & rursus Parthenium Coriandri prorsus referre folia uideatur. Quod ut disertè innueret Dioscorides, φύλλα λεπτά, id est, folia tenuia dixit, ut scilicet hac uoce latiora, quæ in infima sunt Coriandri parte, secluderet. Quod autem de ijs folijs Dioscorides locutus sit, extractandi ordine abundè liquet. De tribus siquidem herbis, Chamæmelo, Parthenio & Buphthalmo, quæ sanè inter se congeneres, atque folijs admodum similes sunt, ordine agit, quod nunquā fecisset si nulla inter has similitudo intercederet foliorum, adde etiam florum. Buphthalmū tamen folijs ad Fœniculi formam propius quàm reliquæ duæ accedit. Sententiam hanc nostram confirmat, quod aliqui Parthenium, ob similitudinē quam habet cum Anthemide, Chamæmelon dixerint. Tam similis enim est Chamæmelo, ut frequenter etiam ab imperitis pro illa carpatur. His accedit & hoc, quod ob foliorum tenuitatem nonnullis Millefolium appellatum sit Parthenium, quod fieri minimè potuisset si ad latiora Coriandri folia Dioscorides respexisset. Præterea esse Parthenium Cotulam, nomen quod illi Thusci indiderunt satis declarat: Cautam enim appellauerunt, unde diminutiū Cautula deductum est, & tandem corrupta uoce Cotula. Foetidam autem esse, grauis odor qui in ea omnium maximè sentitur, euidenter declarat. Nequaquā itaq; ea esse herba potest, quam Matricariā uulgò uocant, ut Hermolaus, & alij multi docti uiri hunc sequentes putant: quòd huius folia latiora sint, quàm ut cum Chamæmeli, Buphthalmi aut Coriandri tenuibus folijs cōparari queant, tantum abest ut similia sint. Huc accedit, quod omnium maximè euertere uidetur aduersariorū sententiam: nemo unquam ex recentioribus Matricariæ herbæ bilis & pituitæ per inferna tractricem facultatem tribuit, quam tamen Parthenio Dioscorides, Paulus & alij ueteres assignant, ut etiam hoc nomine Parthenium non possit esse Matricaria herba dicta uulgò.

Cotula uox unde
deducta.Parthenium nō
est Matricaria.

LOCVS.

Nascitur inter segetes & iuxta semitas, intermixta ferè semper Chamæmelo. In hortorum etiam sepibus, Plinio teste, prouenit.


TEMPVS.

Primo statim uere, Maio potissimū mense, erumpit, ac totam æstatem durat.

TEMPERAMENTVM.

Haud instrenuè, Galeno autore qui Amaracum uocat, calefacit, non autem uehementer desiccat. Itaq; in caliditate tertij est ordinis, in siccitate uerò secundi.

VIRES.



PAR THENIVM

Krottendill.

C VIRES. EX DIOSCORIDE.

Sicca cum oxymelite, aut sale pota, non secus atque Epithymum bilem atram & pituitam per inferna ducit. Asthmaticis & melancholicis prodest. Herba ipsa floribus demptis à calculosis & asthmaticis utiliter bibitur. Decoctum eius ad insidendum prodest in uuluae duritia & inflammatione. Illinitur cum floribus sacris ignibus, & inflammationi.

EX PAVLO.

Parthenium aridum in potu sumptum atram bilem per inferna deducit.

EX PLINIO.

Siccatum cum melle & aceto potum, bilem trahit atram. Ob hoc contra uertigines utilis & calculosis. Ad insidendum decoctum in duritia uuluarum & inflammationibus. Illinitur & sacro igni, item strumis cum axungia inueterata. Magi contra tertianas sinistra manu euelli eam iubent, dicens cuius causa uellatur, nec respiceret; dein eius folium ægri linguae subijcere, ut mox in cyatho aquae deuoretur.

DE POLYGONATO CAP. CCXXII

NOMINA.

Sigillum Salomonis.
Polygonatum
cur dictum.



ΠΟΛΥΓΩΝΑΤΟΝ Græcis, Polygonatū Latinis dicitur. Officinis, item herbarijs & uulgo, sigillum Salomonis, Germanis Weiswurtz, hoc est, radix alba nominatur. Polygonatū autem à radice geniculorū frequentibus nodis ex interuallis tumente appellauerunt.

GENERA.

Duo eius genera damus. Vnum uerum, latioribus folijs; alterum multò angustioribus, quemadmodum pictura graphicè ostendit. A folijs utriusque nomina sunt indita.

FORMA.

Sigillum Salomonium.

Frutex est cubito altior, folia lauro similia habens, latiora tamen & leuiora, sapore mæli cotoneæ aut punicæ; gustatum enim adstrictionē quandam resipit. Per singulos foliorum exortus candidos flores promit numero maiore quàm folia, supputatione à radice facta. Radicem habet candidā, mollem, longam, geniculis plenam, densam, graueolentem, digiti crassitudinē obtinentem. Iam si singulas Salomonij sigilli notas libeat prosequi, omnes, ne una quidem reclamante, adesse comperies. Nanque in montibus gignitur, frutice cubito proceriore, folijs lauri latioribus, & læuioribus, quæ gustata quendam mæli cotoneæ aut punicæ saporem referant cum aliqua adstrictione. Flores per singulas foliorum eruptiones exiliunt candidi, qui folia numero longè superent, à radice ad cacumen supputata. Siquidem bini, terni, aut plures ab unoquoque foliorum sinu prodeunt. Radix illi candida, mollis, longa, crebris nodis articulata, densa, grauiter olens, digitali crassitudine. Floribus excussis baccae pisi ferè magnitudine dependent, ex uiridi nigricantes, & in quandam ordinem digestæ.

LOCVS.

Nascitur in montibus.

TEMPVS.

Maior mense floret, quo etiam tempore carpi debet.


TEMPERAMENTVM.

Polygonatum mistam habet qualitatem. Est enim in eo adstrictionis pariter & acrimonie quippiam, necnon fastidiosæ cuiusdam amaritatis explicatu difficilis.

VIRES. EX DIOSCORIDE.


Radix illita uulneribus auxiliatur. Quinctiā uultus maculas delet & aufert.

EX GALE



POLYGONATVM
LATIFOLIUM.

Weißwurz.



POLYGONATUM AN
GVSTIFOLIUM.

Schmale Weiswurz.

EX GALENO.

A Radicem Polygonati quidam uulneribus illinunt. Sunt etiā qui illo nauios maculasq; in facie detergant.

APPENDIX.

Hodie quoq; mulieres sigillo Salomonis sibi faciem extergunt & fucant, ut planè nullum subfit dubium, quin Polygonatum esse constanter credamus.

DE POLYPODIO CAP. CCXXIII.

NOMINA.



ΠΟΛΥΠΟΔΙΟΝ græcè, Polypodiū, Filicula latinè, officinæ græcam appellationem retinuerunt, Germanicè Engelsfuß/ Baumfarz/ Dropffwurz uocatur. Polypodio nomen à radice quæ polyporum modo circum

Polypodium una
de dictum.
Filicula.

ros obtinet inditum est. Filiculam autem Latini à similitudine foliorū cum Filice nuncupauerunt.

FORMA.

Herba est palmi altitudine, Filici similis, subhirsuta, incisuris diuisa, non tamen adeò tenuibus. Radix illi est hirsuta, cirros polyporum modo habens, minimi digiti crassitudine. Derasa hæc intus uiridis est, acerba, gustu subdulcis. Parte auersa folia fuluis maculis notata, sine semine.

LOCVS.

Gignitur in muscosis petris, & in agrestibus quercuum truncis.

TEMPVS.

Radix in fine Augusti carpenda.

TEMPERAMENTVM.

B Polypodium dulcem simul & austeram habet uincientem qualitatem, ut facultatis sit admodum desiccantis, citra morsum tamen.

VIRE. EX DIOSCORIDE.

Purgandi uim obtinet. Coquitur autem cum gallina, aut piscibus, aut Beta, aut Malua ad purgationem. Arida aquæ mulsæ insparsa, bilem & pituitam ducit. Radix trita & illita luxatis confert, & ad fissuras quæ inter digitos sunt.


EX PAVLO.

Polypodiū exiccat admodum citra morsum, & potum per inferna purgat.

EX PLINIO.

Radix in usu. Exprimitur succus aqua madefacta, & ipsa concisa inspergitur olei, & Beta, & Maluæ, uel salsamento, uel cum pulicula coquitur ad aluum leniter soluendam, uel in febrī. Detrahit bilem & pituitam. Stomachum offendit. Aridæ farina indita naribus Polypum consumit. Illita luxatis medetur.

DE PRASIO.



POLYPODIUM

Engelsfuß.

A

NOMINA.



PAZION Græcis, Marrubiū Latinis, Prasium officinis uocatur. Ger. *Marrubium*,
manis Andorn das weiblin / weiß Andorn / Warobel / Gottsvergeß. *Prasium*.

FORMA.

Frutex est ab una radice ramosus, subhirsutus, albicans, uirgis quadrangulis. Folium pollicis æquale, subrotundū, hirsutū, rugosum, gustu amarū. Semen per interualla in caulibus est. Flores asperi uerticillorū figura. Hæc deliniatio adamussim Marrubio hodie dicto respondet. Siquidem singulari radice, angulosis ramulis fruticat, lanuginosum: folijs ferè orbiculatis, pollicis magnitudine, incanis, hirtis, amaris, lacteo flore, uerticillato cinctu caulem ex interuallo amplectente, cui succrescit teres & asperum semen.

LOCVS.

Nascitur circa domicilia collapsa, & inter rudera.

TEMPVS.

Colligitur herba in æstate, Iulio potissimū mense, dum semine est prægnans.

TEMPERAMENTVM.

Marrubiū in caliditate quidem secundi ordinis iam completi est, in siccitate uerò tertij mediij aut completi.

VIRE. EX DIOSCORIDE.

Huius folia arida cum semine decocta in aqua, aut uiridium expressus succus, datur cum melle asthmaticis, tussientibus & tabidis. Crassa è thorace cum iride sicca ducunt. Datur mulieribus quæ non purgantur, ut menstrua & secundas pellant. Item difficile parientibus, his qui à serpentibus morfi sunt, & qui letale quid biberunt. Vesicæ tamen & renibus nocent. Folia cū melle illita sordida ulcera purgant, pterygia nomasq; cohibent. Dolores laterum mitigant. Ad eadem pollet ex folijs contusis expressus succus & sole coactus. Cum uino & melle illitus, oculorum claritatem exacuit. Morbū regium per nares expurgat. Aurium doloribus per se, aut cum rosaceo instillatus prodest.

EX GALENO.


Prasium ut gustu amarum est, ita si quis utatur consentientē huic saporī actionē habet, iecur ac lienem obstructione liberans, & thoracem pulmonemq; expurgans, ac menses promouens. Sed & illitum detergit ac discutit. Succo eius cum melle ad aciei oculorum claritatem utuntur. Quinetiam & per nares morbum regium purgant, & ad aurium dolores inueteratos adhibent, in quibus utique obstructionem dissolvere, meatumq; ipsum & explantationes membranarū expurgare necesse est.

EX PLINIO.

Huius folia semenq; contrita prosunt contra serpentes, pectorum & lateris dolores, tussim ueterē. Iis qui sanguinē eijciunt eximiē utile, scapis eius cum panico aqua decoctis, ut asperitas succi mitigetur. Imponitur strumis cum adipe. Sunt qui uiridis semen, quantum duobus digitis capiant, cum farris pugillo decoctū, addito exiguo olei & salis, sorbere ieiunos ad tussim iubeant. Alij nihil cōparant. In eadē causa Marrubij & Fœniculi succis ad sextarios ternos expressis, decoctisq; ad sextarios duos, si cochlearij mensura in die sorbeatur in aquæ cyatho. Virilium uitij tussim cum melle mirè prodest. Lichenas purgat ex aceto. Ruptis, conuulsis, neruorum contractionibus salutare. Potum aluum soluit cum sale & aceto. Item menstrua & secundas mulierū. Arida farina cum melle ad tussim siccam efficacissima est. Item ad gangrenas & pterygia. Succus uerò articulis, & è naribus morbo regio, minuendæq; bili cum melle prodest. Item contra uenena inter pauca potens. Ipsa herba stomachū & excreationes pectoris purgat. Cum iride & melle urinam ciet. Cauenda tamē exulceratæ uesicæ, & renum uitij. Dicitur succus claritatē oculorū adiuuare.

dd

DE PERISTE



MARRUBIVM

Weiß Andorn.

NOMINA.



ΕΡΙΣΤΕΡΕΩΝ, ἑρὰ βοτάνη græcè: Verbenaca, Verbena, Columbaris seu *Verbenaca.*
 Columbina, herba Sagminalis latine, herbarijs & officinis Verbena uo *Verbena.*
 catur. Germanicè Eifenkraut/ uel Eisernhart/ hoc est, ferraria, quod
 nomen ut olim, sic hodie quoq; habet. Peristereon nomen inditū à co- *Peristereon cur*
 lumbis, qui in ea uersari plurimum delectantur. Hierobotane autem, hoc est, sacra *dicta.*
 herba ideo dicta, quod ea olim apud Romanos domus purgabatur, familia lustra- *Hierobotane.*
 batur, Iouis mensa ad sacrificiū & epulas uerrebat, & œciales in sacris legationibus
 illa coronabantur, uel ut Dioscorides inquit, quod in expiationibus suspensa & alli
 gata mirè utilis sit. Sagminalis uerò, quod inter sagmina, hoc est, gramina ex loco *Sagminalis.*
 sacro, præsertim arce Capitolijs, cum sua terra cuilla, primum hæc honorē haberet.

GENERA.

Duo Verbenacæ & Græci & Latini fecerunt genera. Dioscorides & alij Græci
 à plantæ habitu rectam & supinam. Plinius à sexu marem & foeminam. Recta Dio
 scoridis, est Plinij mas, aliocq; nomine Crista gallinacea, à ferratis folijs quæ gallina *Crista galli*
 cæ cristæ formam referunt, dicitur. Recta autem nominata est, quod rectis ramu- *nacea.*
 lis affurgat. Supina autem Dioscoridis apud Plinium foemina est, Romanisq; Cin
 cinnalis uocatur. Supinam uerò uocarunt, quod semper humi supinè procumbat.
 Germani etiam per sexum genera illa distinguunt, uocantq; rectam Verbenacam
 Eifenkraut das mennle/ Supinam uerò das weible.

FORMA.

Recta siue mas herba est altitudinis palmi, aliquando etiam maioris. Folia huic *Recta.*
 incisa, subalbida, è caule prodeuntia, qui ei unus est magna ex parte, quemadmodū
 B & radix una. Flos luteus, quo solo ferè à foemina differre uidetur. Hæc descriptio
 pulchrè Verbenacæ mari respondet: est enim herba dodrantalis, interdum uerò
 procerior, quemadmodū ea est quæ in Germania nostra prouenit: nunquam enim
 aut rarissimè palmi altitudinē non excedit. Folia habet incisuris diuisa, albescentia,
 erumpentia è caule. Singularis denique illi, ut plurimum, caulis & radix una. Su- *Supina.*
 pina seu foemina ramos profert cubitales, aliquando etiam maiores, angulosos, cir-
 ca quos folia sunt per interualla quernis similia, angustiora tamen & minora, per
 ambitum incisa, colore subcæsi. Radicem habet oblongam, tenuem. Flores pur-
 pureos, tenues. Cuius iterum deliniationis notæ Verbenæ foeminæ adamussim
 conueniunt. Siquidem multis statim à radice angulosis coliculis constat, coma sub
 tus incana, folio querno non dissimili, nisi quod minus est & angustius, multis per
 ambitū incisuris: flosculo ex albore & purpura uersicolore. Quibus omnibus ma-
 nuscripti codicis, qui Peristereon interpretatur Verbenam, accedit testimonium,
 & communis omnium consensus, à quo sine manifestis coniecturis & rationibus
 nunquam est discedendum.

LOCVS.

Vtraque in planis & aquosis locis prouenit.

TEMPVS.

Mas citius quàm foemina apparet. Colligi debent, potissimū foemina, circa Ca-
 nis ortum, nam hoc tempore floret.

TEMPERAMENTVM.

Vtraque desiccet & adstringit.


VIRE. EX DIOSCORIDE.

Rectæ Verbenacæ folia cum rosaceo, aut adipe suillo recenti apposita, uulua-
 rum dolores finire putantur. Ignem sacrum cum aceto illita reprimunt. Putrescen-
 tia ulcera cohibent, Vulnera glutinant, ueteraq; ex melle ad cicatricem perducunt.



VERBENACA RECTA
SIVE MAS.

Æsentrautmennle.



ERBENACA SVPI
NA SIVE FOEMINA.

Eisenkraut weible.

C Supinae autem folia & radix in uino pota illitaq̃, aduersus reptilia serpentésue faciunt. Eadem drachmæ pondere cum thuris obolis tribus, & uini ueteris hemina, quadragenis diebus ieiuno contra regium morbum bibuntur. Vetera œdemata, & inflammationes illita mitigant. Sordida ulcera purgant. Tota autem herba in uino decocta tonsillarum crustas abrumpit, & oris nomas gargarissata cohibet. Fertur sparso aqua tridinio qua maduerit, lætiores conuiuas fieri. Datur potandum in tertianis febribus tertium à terra geniculum cum adiacentibus folijs: quartanis, quartum.

EX GALENO.

Vin habet adeò desiccantem ut uulnera glutinet.

EX AETIO.

Verbenaca recta ad capitis dolores summo præsidio esse testatur Archigenes, si ea coronetur patiens, aut si teratur cum aceto & rosaceo & illinat, aut oleo decoquatur, ac foueatur caput. Nec tantum capitis dolores sedat, sed capillos quoq̃ fluentes compescit. Radicis decoctum calidum ore retentum dentium dolores mitigat, ac mobiles firmat, orisq̃ ulceribus medetur. Ad colicos radices semicontusas in aqua ad dimidiam decoquito, & diebus quinque decoctum potandum dato: efficacissimum id esse experientia compertum est. Facit & ad calculos atq̃ ad inchoantem elephantiasim, si cum melle propinetur. Vtere itidem ad epilepticos, & ad quotidiana, quartanaue febre laborantes. Ad podagricos uerò & coxendicū morbo affectos uino decocta exhibetur. Succus è radice expressi collutio ad fistulas commodissima est. Et si mororum liquori ac melli mixtus exuratur, & acidus illinatur, fistulas sanat. Potest etiam melle assumi, & fistulae tanquam collyrium iniijci, ac mirum in modum prodest.

D

EX PLINIO.

Aiunt si aqua spargatur tridinio qua maduerit Verbenaca, lætiores conuictus fieri. Aduersus serpentes conteritur ex uino. Omnibus uisceribus medetur, lateribus, pulmonibus, iecinoribus, thoraci, peculiariter autem pulmonibus, & quos ab ijs phthisis tentat. Dysenterias emendat ex aqua data carentibus febre, aut ex uino aminæo cochlearibus quinque, additis in cyathis tribus uini.

EX SYMEONE SETHI.

Verbenaca recta facit ad capitis dolores & defluentes capillos inuncta. Dentiū dolores sedat, & motos atq̃ concussos cōfirmat. Oris ulcera sanat. Decoctum eius colicos & calculosos iuuat. Pota ijs qui primum elephantia laborare incipiunt, & comitiali morbo affectis succurrit. Item quotidiana & quartana laborantes similiter iuuat. Podagricos uerò & coxendicis morbo captos, uulneratosq̃ illita sanat.

DE PTERIDE CAP. CCXXVI

NOMINA.

Filix.
Pteris cur dicta.



ΤΕΡΙΣ, ἢ πτέρειον Græcis, Filix Latinis dicitur. Officinæ latino nomine utuntur. Germanicè Waldesfarz. Pteris autem & Pterion ab alis auiū, quarum formā in ramulis disposita eius folia referunt, Græcis dicitur: pennatus enim, & pennatis folijs frutex Filix est.

GENERA.

Pteris. Duo Filicis sunt genera, mas scilicet & fœmina. Mas Græcis simpliciter πτερις, Latinis Filix mas, Germanis Waldesfarz mennle dicitur. Fœmina Græcis θυλυπτερις, Latinis Filix fœmina, Germanis Waldesfarz weible appellatur.

FORMA.



FILIX MAS

Waldsarn mennle.

dd 4



FILIX
FOEMINA.

Waldfarn weible.

FORMA.

A Filix mascula folia habet sine caule, sine flore, sine semine, ex uno pediculo cubitali longitudine exeuntia, incisa, alarum autum modo explicita, odore subgrauia. Radicem in terræ superficie foris nigram, crassam, oblongam, adnascentias appendicisue multas habentem. Ex qua siquidem descriptione satis constat hanc quam sub hoc nomine pictam damus herbam esse Filicem masculam: hæc enim neque caulem (quod enim in ea supra terram extollitur, pediculi foliorum, non caulium rationem obtinet) neque florem, neque semen habet: folia ex uno pediculo cubitali à terra statim, aut ex stipite eius exeunt, utroque latere pinnata, subgravi odore. Radix denique illi est per summa cespitum nigra, & ut Theophrastus ait, crassa, oblonga, multis adnatis & capillamentis fibrata, atque, ut summatim dicam, omnes illi notæ adamussim respondent. Filix fœmina folia priori similia obtinet, non tamen uno singulariꝑ pediculo ut illa hærentia, sed adnascentes ramulos multos altioresꝑ habentia. Radix illi longa, obliqua, in nigro colore subflaua, aliquando uerò rubescens. Quæ descriptio iterum per omnia cum ea herba cuius picturam exhibemus ita conuenit, ut nulla prorsus sit nota quæ illi non respondeat.

Filix mascula.

Filix fœmina.

LOCVS.

Nascuntur ubiqꝑ, sed maximè in montibus, syluis & saxosis locis.

TEMPVS.

Effodiuntur Vergilijs occidentibus, hoc est, autumno.

TEMPERAMENTVM.

Amaræ sunt Filices, paululum habentes adstrictionis, ut euidentissimum sit has calefacere & exiccare posse.

VIRES. EX DIOSCORIDE.

B Filicis masculæ radix pellit latos lumbricos pondere drachmarum quatuor cum aqua mulsa pota. Melius autem si cum Scammonia, aut ueratri nigri quatuor obolis detur: ueruntamen oportet sumentes allia præsumpsisse. Lienosis ut restituantur prodest pota. Radix etiam cum axungia illita contra ictus ab harundine factos utilis est. Eius autem hæc probatio. Peribit Filix quam per ambitum copiosior harundo coronet: & contra euanescet harundo, quam obsepiens multa Filix in orbem cinxerit. Fœminæ radices cum melle in edegmate sumptæ, latos lumbricos pellunt. Cum uino autem pondere trium drachmarum potæ, rotundos lumbricos eijciunt. Mulieribus datæ sterilitatem faciunt. Et si prægnans sumat, abortum. Siccæ & in farinam tritæ, humidis & ijs quæ difficulter sanantur ulceribus insperguntur. Medentur iumentorum ceruicibus. Folia eius nuper prodeuntia oleum modo elixa comeduntur, aluumꝑ molliunt.

EX GALENO.

Filix mas radicem habet maximè utilem: latum enim lumbricum interficit, si quis eam quatuor drachmarum pondere in aqua mulsa sumpserit. Ad eundem modum fœtum quidem uiuum necare, mortuum autem eijcere mirum non est. Viceribus imposita ualenter desiccandi facultatem obtinet, nō tamen mordax est. Similem ei uim habet Thelypteris nominata.

EX THEOPHRASTO.

Thelypteris seu fœmina Filix, contra lumbricos uentris & latos & graciles utilis est. Contra latos quidem cum melle mixta, contra tenues autem in uino dulci cum polenta data. Quinetiam mulieri si detur, prægnanti quidem abortum: simpliciter autem fœminis sterilitatem facere affirmant.

EX PLINIO.

C

EX PLINIO.

Vfus radice in trimatu tantum, neque antè neq; postea. Pellunt interaneorum animalia. Ex his tineas cum melle, cætera ex uino dulci triduo potæ. Vtraque stomacho inutilissima. Alium soluit, primo bilem trahens, mox aquam. Melius tineas cum Scammoni pari pondere. Radix eius duum obolorum pondere ex aqua, post unius diei abstinentiâ bibitur, melle prægustato, contra rheumatismos. Neutra danda foeminis, quoniam grauidis abortum, cæteris sterilitatem facit. Farina earum ulceribus tetrâ inspergitur. Iumentorum quoque ceruicibus. Folia cimicem necant, serpentem non recipiunt, ideo substerni utile est in locis suspectis. Vstæ etiam fugant nidore.

APPENDIX.

Filix semine prorsus caret.

Falsum & cõmentitium haud dubiè est quicquid neoterici aliqui de Filicis semine fabulantur: quod scilicet una solstitiali nocte floreat, eademq; hora cum defloruit maturum in terram semen cadat, ideoq; nisi quispiam tunc affuerit, nec uideri florem, nec colligi semen posse, tum quia incredibilia sunt, tum quod omnes, Theophrastus scilicet, Galenus, Dioscorides, Plinius, sterilem & sine semine dixerunt. Neq; etiam medici uel Arabes uel Persæ ad magicas uanitates nati, seminis huius meminerunt. Quapropter omnia hæc agyrtarum cõmenta esse uidentur humanæ ignorantie ad quæstum impudenter illudentium, quæ certè uel una hac ratione abundè satis confutari possunt, quod cuncta illa fieri & obseruari natali nocte diui Ioannis Baptistæ præcipiunt, cum natalis ea nox & solstitialis illa duodecim dierum numero nunc inter se distent.

D DE PEUCEDANO CAP. CCXXVII

NOMINA.

Foeniculus porcinus.

Peucedanus unde dicta.

Pinastellus.



ΕΥΚΕΔΑΝΟΣ Græcis, Peucedanus Latinis, officinis & herbarijs nostræ ætatis Foeniculus porcinus dicitur. Germanis Harstrang/ Sewfenchel/ oder Schwefelwurz/ quod lachryma è radice sulphuri aut thuri similis exudet. Peucedanum autem nomen inuenit à pinu, quæ Græcis πινυς dicitur, cui folio par est. Hinc posteriores Latini Pinastellum eum uocauerunt.

FORMA.

Caulem emittit tenuem, macilentum, Foeniculo similem. Comam habet circa radicem copiosam & densam. Florem luteum, radicem foris nigram, intus albam, graui odore, crassam, liquore plenam. Hæc sanè omnes notæ, nulla prorsus reclamante, huic quam pictam exhibemus herbæ conueniunt. Officinæ, quæ non raro adulterinas pro genuinis uendunt herbas, Peucedanum ostendunt radice non succosa, sed lignosa, nec graui odore, sed iucundo: unde satis cõstare potest uerum non esse.

Officinarum Peucedanus non est genuinus.

LOCVS.

Gignitur in montibus opacis, potissimum in monte prope Tubingam, cui olim arx imposita fuit, in itinere uersus Rotenburgum sito.

TEMPVS.


Floret Iulio & Augusto mensibus, atque deinceps semen producit. Radix foditur exitu autumnii.

TEMPERAMENTVM.

Calefacit ordine secundo iam completo: desiccatur uerò tertio iam incipiente.

VIRE. EX DIOSCORIDE.

Radice adhuc tenera Peucedani cultello incisa liquor effunditur, profluensq; statim in umbra reponitur: in sole siquidem languescit. Facit cum colligit capitis dolores & uertigines, nisi quis antea rosaceo nares præungat, & caput irrigat. Radix affata inutilis



PEUCEDANVS

Garstrang.

C inutilis fit. Colligitur & ex caulibus & ex radice sicut è Mandragora liquor atq; succus. Minus tamen efficax succo liquor, & uelocius expirat. Interdū etiam cōcreta inuenitur lachryma thuri similis, caulibus radicibusq; adhærens. Ex aceto & rosaceo inunctus lethargicis, phreneticis, uertiginosis, comitialibus, diuturnis capitis doloribus, resolutis, ischiadicis, conuulsis; in uniuersumq; neruorū affectionib. ex oleo & aceto inungitur. Strangulatu uulua laborantes olfactus, soporeq; profundo correptos reuocat. Suffitu serpentes fugat. Aurium doloribus cum rosaceo instillatus prodest. Causis dentium erosio inditus eorundem dolores mitigat. Contra tussim in ouo sumptus facit. Difficultati spirandi, torminibus & inflationibus subuenit. Aluum leniter mollit. Lienem minuit. Difficiles partus egregiè adiuuat. Ad uesicæ renūq; dolores & distentiones potus confert. Aperit uuluam. Radix ad eadem utilis est, sed inefficacior. Eius decoctum bibitur. Sicca trita sordida purgat ulcera, ossiumq; squamas detrahit, ueteraq; cicatrice obducit. Ceratis malagmatisq; calefaciendi ui præditis miscetur. Eligi debet recens, non cariosum, solidum, odoris plenum. Succus ad potiones amaris amygdalis, aut ruta, aut pane calido, aut anetho dissoluitur.


EX GALENO.

Peucedani radice quidē maximè, sed tamen etiam succo & liquore utimur. Sunt autē hæc omnia eiusdē specie facultatis, sed ualentior liquor, admodū exalfaciens & digerens. Quare affectibus omnibus circa neruos consistentibus conuenire creditur, tum morbis in pulmone & thorace ex crassitudine atque uiscositate humorū factis. Et intrò quidem in corpus sumpta, sed tamen etiam olfactu profunt. Porro quod incīdat atque extenuet, sæpe etiam dentium perforatorū dolores cavitati impositus protinus sedauit, quia uidelicet est tenuiū partium, & exalfactorius. **D** etiam lienes induratos iuuat, nempe incidendo, digerendo & extenuando crassos humores. Sed & radice ad hæc uti licebit, quæ & squamas ab ossibus celerrimè detrahit, quia uidelicet ualidè desiccet, minus tamen quàm succus exalfaciens. Et ulceribus malignis arida illita optimum est remedium; ipsa enim expurgat, carnem generat, & ad cicatricem perducit.

EX PLINIO.

Peucedani radices conciduntur in quaternos digitos offeīs cultellis, funduntq; succum in umbra, capite prius & naribus rosaceo perunctis, ne uertigo sentiatur. Et alius succus inuenitur caulibus adhærens, incisq; manat. Probatur crassitudine mellea, colore ruffo, odore suauiter graui, feruens gustu. Et hic in usu & radix, & decoctum eius pluribus medicamentis. Succo tamen efficacissimo, qui resoluitur amaris amygdalis, aut ruta, bibiturq; contra serpentes, & ex oleo perunctos tueretur. Idem pectoris doloribus subuenit. Pituitam & bilem detrahit Peucedani radix. Eadem decocta lieni & renibus prodest. Perungunt & radicē sudoris causa eliciendi, quoniam caustica uis ei est. Peucedano ad recentia uulnera tanta uis est, ut faniem ossibus extrahat. Cum semine Cupressi bibitur, si sanguis per os redditus est, fluitq; ab infernis. Strangulatus uulua nidore uisum recreat, laxanturq; suffocationes eo; sed quidam ammiscent in uino semen Cupressi cōtritum. Potum cum coagulo uituli marini æquis portionibus comitiales sanat. Succus infantium ramici, & umbilicis eminentibus inungitur. Stranguriæ cum melle medetur.

Item semine lethargici excitantur, & ut perhibent ex euphorbio naribus tactis Peucedani succo,



60t

PERSICA

Pfirsichbaum.

cc

C

NOMINA.

Persica cur
dicta.

ΕΡΣΙΚΗ *μυλέα* Græcis, Persica mālus Latinis: antiquum nomen herbarij uulgares retinuerunt; Germanis *Pfersichbaum* appellatur, Persica fortè dicta, quod ex Perside primum aduecta sit.

FORMA.

Persica folijs amygdalæ maioribus constat: flore subpuniceo, pomo carnosissimo, succulento, foris lanuginoso, dura intus & scabra nuce, in qua nucleus qualis amygdalis.

LOCVS.

Pasim in hortis, uineis potissimū, nascitur. Gaudet autem aquosis.

TEMPVS.

Floret primo statim uere, fructus uerò eius autumnī ferè exitu maturescit, celerimè marcescens.

TEMPERAMENTVM.

Persica arbor in germinibus & folijs uincentem amaram qualitatem habet, ut hoc nomine calidam esse nemo dubitare possit. Fructus eius in secundo ordine frigidus & humidus existit.

VIRE. EX DIOSCORIDE.

Persica poma stomacho grata sunt, matura bonum faciunt aluum, cruda uerò aluum constringunt. Siccata uehementius adstringunt. Siccorum decoctum haustum stomachi & uentris fluxiones sistit.

EX GALENO.

Folia Persicæ trita & super umbilicum imposita lumbricos necant. Alioquinè etiam discutiens medicamentum est. Pomorum uerò eius succus & ueluti caro facile corrumpitur, omninoq; noxam infert, quapropter haud post alios cibos ultimoq; sicut nonnulli solent, illa offerri oportet: nam in summo natantia corrumpuntur. Huius uerò, quod omnibus comune est, meminisse oportet: quæcunq; uitiosi succi, quæ humida & lubrica sunt, facileq; descendunt seceduntue, præ alijs comedenda esse: sic enim & ipsa celeriter subeunt, & alijs præeunt, ac quasi iter muniunt. Postremò autem sumpta, unà secum alia quoq; in corruptionem trahunt.


EX PLINIO VALERIANO.

Persicorū cibus est quidem stomacho inutilis, eò quod citò succus eius inacefcat, & caro æque in digestionē uitietur, uerum minimè grauis, dum non diutius in intestinis moratur, & ad ima semper exitu celeri festinat. Persicorum cibus negatur à medicis membra nutrire. Sed & Galenus suadet nunquam omnino post cibum sumere, corrumpi affirmans si cibus cæteris innatent. Persicorū folia trita & imposita uentris animalia perimunt & expellunt. Eadem sicca & in puluerem tusa, recentes plagas cruentorū uulnere claudunt. Nucleus persicorum capitis dolori cum cico & aceto tritus illinitur: quamuis quidam cum solo rosaceo terere maluerint. Gummi gutta quam Persici truncus illachrymat, fluenti aluo medetur. Eadem mixta cum uino etiam in uesica lapillos frangit. Trita ex aceto impetigines reprimit. Decocta cum croco tumores faucium mitigat. Asperam arteriæ canalem leuiorem facit. Excreantibus sanguinem miro modo subuenit. Thoracis obstrictos sinus reserat: uitia pulmonis expurgat.

APPENDIX.

Flores Persicæ saccharo conditi, instar rosarum aut uiolarum, aluum haud leuiter mouent atque subducunt.

DE PEPLO.



603

PEPLOS

Wolffmilch.

cc 2

C

NOMINA.

Esula rotunda.



ΕΡΛΟΣ Græcis, Peplos Latinis, officinis & uulgo Esula rotunda, Germanis Teufelsmildh appellatur.

FORMA.

Exiguus frutex est albo liquore plenus: folijs paruis ut Rutæ, latioribus tamen. Tota eius coma dodrantalis, rotunda, humi fusa: semine sub folijs paruo & rotundo, minore quàm candidi papaueris. Radice una, ex qua totus frutex prouenit.

LOCVS.

Nascitur in hortis & uineis.

TEMPVS.

Colligitur melsibus, siccaturq; in umbra, & continuè uertitur.

TEMPERAMENTVM.

Idem cum Tithymallis habet temperamentū, atque adeo ex quarto calefacientium ordine est.

VIRE. EX DIOSCORIDE.

Herba ipsa multos habet usus, radix uerò inutilis. Semen eius tufum, feruidaq; aqua madefactū reconditur. Pituitam & bilem acetabuli pondere cum hydromelitis cyathopotū ducit. Obsonijs mixta herba aluū conturbat. Conditur in muria.

EX GALENO.

Peplos frutex liquorem similem Tithymallis habet, cum in alijs, tum quia purgat ceu illi.

EX AETIO.

Pituitam ac bilem ducit acetabuli mensura cum mulsæ cyathopotū bibitum Pepli semen. Sale etiam herba maceratur, flatusq; discutit, ut Hippocrates asserit. Summo pere igitur confert flatuosis affectibus, qui in melancholia dominantur, item diuturnis lienis & uteri & coli flatibus, tumefactisq; cedematibus in abdomine.

EX PLINIO.

Semine Pepli potio aluus soluitur, bilis ac pituita detrahitur. Media potio est acetabuli mensura, in aquæ mulsæ heminis tribus. Et cibis inspergitur obsonijsq; ad molliendam aluum.

DE PILOSELLA CAP. CCXXX

NOMINA.



Pilofella unde dicta.

VONomine ueteribus Græcis aut Latinis nominata sit hæc herba, ignuè fateor me ignorare. Neq; enim est *μυδός* Dioscoridis. Cum itaque græco & latino nomine destitueremur, barbaro uti nobis necesse fuit, nisi planè herbam hanc uulneribus glutinandis mirè utilem, præterire uoluissimus. Herbarij itaq; nostræ ætatis à copiosis pilis quibus uestitur, Pilofellam, Germani *Wenßörlein* uocant.

GENERA.

Maior. Duo eius herbæ genera reperiuntur, in nullo ferè nisi floribus distantia. Vnum genus maioribus folijs, & quæ se à solo sustollunt, floribusq; luteis, maior Pilofella nominatur, Germanis propriè *Tageltraut*. Alterū minoribus folijs, in terra sessilibus, floribus purpureis, & quasi in pappum euanescentibus, Germanis *Wenßörlein* oder *Nasenspätlin* peculiariter appellatur. Sic etiam suam Pilofellam manuscriptus herbarius in maiorem & minorem digessit.

FORMA.

Herba est folijs in terram graminis modo sparsis, pilosis, albicantibus à terra, superne



PILOSELLA
MAIOR.

Nagelkraut.

PILOSELLA
MINOR.

Neußerlin.



A supernè uirentibus, floribus luteis aut purpureis, radice in exilitatē multam extenuata. Ex qua descriptione sole clarius fit, eam herbam quæ à Græcis Myosotis, à Latinis autem Auricula muris dicitur, non esse Pilosellam: nam, ut reliqua taceam, neque maior neque minor Pilosella cœruleum flosculum uelut Anagallis obtinet: ut non parum errent herbarij nostri temporis qui Pilosellam alio nomine Muris auriculam appellari tradunt.

LOCVS.

Nascitur utrunque genus locis montosis & collibus terrenis. Maior autem inuenitur etiam in asperis & incultis agrorum limitibus.

TEMPVS.

Maior & Iunio potissimū mense florent. Minor tamen Pilosella paulò post initia Iunij mensis disperit, & nusquam subinde inuenitur.

TEMPERAMENTVM.

Esse calidas & siccas Pilosellas gustus palàm declarat: habent enim adstrictionē cum exigua quadam acrimoniā coniunctam, ut hoc nomine ad purificanda ac subinde glutinanda uulnera sint mirificè utiles.

VIRES EX RECENTIORIBVS.

Ferunt foliorum farinam uulnera mirum in modum glutinare. Herbæ recentis succum exprimunt ad cohibendos quartanæ febris horrores. Eodem tingunt gladiorum aciem, ut omne ferrum aliud domet, secetq̃: ferrum enim quod huius succo cōmaduit tantam contrahere duritiā, tamq̃ magnū induere robur produnt, ut chalybis aciem respuat. Has certè omnes facultates manuscriptus herbarius Pilosellæ adscribit. Recentiores huius herbæ radicem Maio mense effossam, siccata, & in puluerem redactam, ac subinde potam, aut in cibo datam, efficacissimū esse ad uersus ramicem remedium tradunt.

DE PIMPINELLA CAP. CCXXXI.

NOMINA.



T appellata sit Græcis aut Latinis herba hæc quam hodie uulgus herbariorum & officinæ Pimpinellam uocant, nondum nobis certò scire licuit. Sunt qui Pampinulam & Bipennulam nominent, Germani Babinellen & Bibernellen appellant.

GENERA.

Duū est generum Pimpinella. Vna maior, radice admodū longa, folijs multifariam scissis, Sisaro haud dissimilibus, caulibus angulosis, floribusq̃ in summo exiguis & candidis. Altera minor, caulibus rufescentibus, folijsq̃ minoribus, & non dissectis multifariam, sed serratis tantum, aliās priori per omnia similis.

FORMA.

Herba est folio mucronato, dissecto, aut in extremitatibus ferrato, caulibus ab eadem radice binis aut trinis, angulosis, & interdum rubentibus, in quorum summo nascuntur flores minuti & candidi, & ijs decidentibus semen exiguum Oreoselinī semini simile. Radice crassa, longa, & subrubente, acri admodum.

LOCVS.

Lucis & opacis locis minus, in pratis autem maius, affatim citra cultū erumpit.

TEMPVS.

Æstate in autumnum usque floret.


TEMPERAMENTVM.

Quum acrimoniam non exiguam in gustu præ se ferat, haud dubiè in secundo ordine calida & sicca erit, imò secundum calefaciendi ordinem excedere credibile est, & ad tertium ferè accedere.

PIMPINELLA
MAIOR.


Groß Bibinel.

SAXIFRAGA *maior* C.



PIMPINELLA
MINOR.

Klein Bibinell.



C

VIREs EX RECENTIORIBVS.

*Sanguisorba nō
est Pimpinella.*

Pimpinellæ succus bibitur contra serpentium morsus. Ex uino pota calculos terit. Stranguriā etiam decocta leuat. Succus eius potus omne uenenum discutit. Aqua eius ignis ui expressa oculorū caliginem discutit. Hæ sunt facultates quas illi antiquus herbarius tribuit. Alij tradunt succum eiusdem faciei maculas detergere posse. Est autem radicis Pimpinellæ tum usus præcipuus, quum sæuiantis populi-
tim pestilentiae contagia arcere conamur: unice enim uenenis aduersatur, & corpo-
ra ab hac lue uindicat, ut adfirmant, si tantum in ore teneatur. Quod certè non po-
test ea quam hodie Sanguisorbā uocant herba. Quare mirum in modū errant, qui
hanc cum Pimpinella confundunt, ut fusius suo dicemus loco.

DE PASTORIA BURSA CAP. CCXXXII.

NOMINA.

*Bursa aut pe-
ra pastoris cur
dicta.*



VO nomine herba quam uulgius Pastoriam bursam appellat græcis & latinis medicis dicta sit, ignorare me ingenuè fateor. Sunt qui peram etiam pastoris nomenclaturā, à folliculis in exiguae uulga similitudinem compressis, turbinata cordis effigie. Germanis Descheltraut & Hir-
tenseckel uocatur.

FORMA.

Herba raro pede altior, ramosa, Erucae folia habens, at minora. Flores exiguos, candidos. Semen in uulgis minutum & nigrum. Radicem candicantē & oblongā.

LOCVS.

Nascitur propter uias passim, & in parietinis.

D

TEMPVS.

Iunio & Iulio mensibus legitur.

TEMPERAMENTVM.

Refrigerat & adstringit.

VIREs EX RECENTIORIBVS.


Ex aceto trita collectionum inflammationes refrigerat, ac eò confluentes humores cohibet. Imponitur sacris ignibus, & quibus stomachus æstuat. Succus eius purulentis auribus infunditur. Cruenta sanat uulnera. Medetur dysentericis, sanguinem excreantibus, neq; non muliebri profluuiō. Manuscriptus herbarius addit hanc sanguinem enaribus profluentem sistere mirificè posse. Herbam quoque manu tantum gestatam, mox idem efficere tradit. Quid multa; mirè effica-
ficax est in comprimendis omnibus sangui-
nis eruptionibus.

DE PEDE



ASTORIA
BURSA

Deschelkraut.



PES LEONIS

Synon.

NOMINA.



VAM uulgus herbariorū Pedem leonis nominat, non est Dioscoridis Leontopodion, id quod descriptio satis monstrat. Quo uerò nomine Græcis & Latinis appellata sit, mihi nondum constat. Sunt ex barbaris qui Alchimillam, alij etiam qui plantam leonis nominant. Sic autem dicta, quod folia habeat instar leonini pedis lata & rotunda. Germanis *Synmaro/Löwentapen/Löwenfuß* & vnser fraven mantel uocatur.

*Leontopodion
Dioscoridis non
est Pes leonis her-
bariorum.
Alchimilla.
Pes leonis cur-
dicta.*

FORMA.

Dodrantal est herba, folia lata, crispa & rotunda octo ferratis incisuris distincta, non tamen ad pediculos usque, qui statim è radice exeunt, fissa habens. Flores item exiguos & luteos profert. Radicem digito crassiore, & sesquipalmo longiorem, subrubescens.

LOCVS.

Pasim in pratis, in alto potissimum sitis, nascitur.

TEMPVS.

Maior mense erumpit, ac inter Iunij initia floret.

TEMPERAMENTVM.

Folia & radix adstrictione uehementi participant, atque adeo exiccant. Recentiores id ipsum in secundo efficere ordine tradunt.

VIRESEXRECENTIORIBVS.

Vulneribus glutinandis aptissima est. Decocto enim illius lauantur utiliter omnia uulnera. Linteum quoque in eo madefactum illis comode imponitur. Mulierum mammas impenſe laxas linteum decocto eiusdem intinctum & impositum, duras solidasq; efficit. Decoctum denique hoc epotum interanea uulnera, rupturasq; glutinat. Et quod dictu mirum est, tanta eius plantæ in glutinando uis est, ut ramices intestinorum, in pueris potissimum, sanare possit.

DE POLYGONO MARE▶ CAP▶ CCXXXIII▶

NOMINA.



POLYGONON ῥέγγων græcè: Proserpinaca, Seminalis à feminis multitudine, & Sanguinalis à cohibendo sanguine nominatur. Officinis Corrigiola & Centumnodia. Germanicè *Weggras/Denngras/Wegdrutt* appellatur. Polygonon à geniculorum frequentia, & multitudine dictum est.

*Seminalis cur-
dicta.
Sanguinalis.
Corrigiola.
Centumnodia.*

FORMA.

Herba est ramis tenuibus, teneribus, copiosis, geniculis intersectis, in terra graminis modo repentibus. Folijs Rutæ similibus, longioribus tamen. Iuxta singula folia semine, unde masculum uocatur. Flore albo aut puniceo.

LOCVS.

Nascitur pasim, quotidieq; pedibus conculcatur, sua sponte in aggeribus & semitis proueniens.

TEMPVS.

Æstate floret, quo etiam tempore legitur.


TEMPERAMENTVM.

Vti adstrictione quandam obtinet Polygonum, ita sanè uincit in eo aqueum frigidum, ut uidelicet secundi sit ordinis medicaminum refrigerantium, aut etiam quodammodo in initio tertij. Est etiam exiccatorium.

VIRESEXDIOSCORIDE.

Vim habet adstringendi & refrigerandi succus Polygoni potus. Prodest sanguini ex-

ff



POLYGONVM
M A S.

Weggras.

nem expuentibus, &alui defluxionibus, cholericis & urinæ stillicidio. Vrinā enim euidenter ducit. Cum uino potus uenenatorū morsibus auxiliatur. Valet etiam ad febrium circuitus una hora ante accessiōē sumptus. Muliebri profluuium appositus sistit. Aurium doloribus, & purulentis auribus instillatus confert. Cum uino decoctus melle adiecto, eximiē ad genitalium ulcera facit. Folia contra stomachi ardorem, sanguinis reiectionem, herpetas, ignes sacros, inflammationes, cedemata, & uulnera recentia illinuntur.

EX GALENO.

Polygonū ijs sanē quibus stomachus aestu feruet extrinsecus illitum auxiliatur: ueluti etiam ignes sacros & calidas phlegmonas iuuat. Porrò tale cum sit, & fluxiones reprimat, & hac ratione uidetur exiccatorium esse. Quare cum herpetum, tum ulcerum, aliorumq; bonum est remedium: efficacissimū autem inflammatione & fluxione laborantium partium. Est & cruentorum uulnecum glutinatoriū. Sed & aurium ulceribus prodest: & si uel satis puris insit, hoc tamen etiam desiccet. Eisdem ob facultates & muliebri profluuium, & dysenteria, & sanguinis eiectiones, & undecunque aliunde immoderatiores impetus sistit. Refert Dioscorides quod & urinam prouocet exhibitum stillicidio affectis. Non tamen affectum exactē discriminat in quo dari ipsum expediat.

EX PLINIO.

Succus eius infusus naribus supprimit sanguinem, & potus cum uino, cuiuslibet partis profluuium excreationesq; cruentas inhihet. Vis eius spissare ac refrigerare. Semen aluum largius sumptum soluit, urinam ciet, rheumatismos cohibet: qui si non fuere, non prodest. Stomachi feruori folia imponuntur. Vesicæ dolori illinuntur, & ignibus sacris. Succus & auribus purulentis instillatur, & oculorū dolori per se. Dabatur & in febribus ante accessiones, duobus cyathis in tertianis quartanisue præcipuē. Item cholericis, dysentericis, & in solutione stomachi.

DE PEGANO CAP. CCXXXV

NOMINA.



PEGANON κινδύρον græcè, Ruta hortensis latinè: officinæ retinuerunt nomen latinum: & auten & Weinrauten germanicè uocatur. Peganon Græci, Plutarcho libro tertio sui symposij teste, à facultate, quod calore siccitateq; genituram coagularet, dixerunt: πηγνυθαι enim coagulare, & quasi in glaciem contrahere est. Hinc uterum gestantibus inimica etiam coronis inferta putatur.

FORMA.

Frutex est Ruta hortensis grauissimī odoris, semper ferē uiuens: folio exiguo, penē rotundo, cæsi coloris, denso, surculosis ramis: flore luteo, angulosis calycibus, in quibus semen album continetur.

LOCVS.

Prouenit passim in hortis, amat aprica & sicca loca.

TEMPVS.


Floret æstate, semen autem Autumno maturescit, quo etiam tempore carpendum uenit.

TEMPERAMENTVM.

Gustu non solum acris, sed & amaro est, ex tertio ordine excalfacientium, & strenuē desiccantium.

VIRES. EX DIOSCORIDE.

Vrit, calfacit, exulcerat, urinam mouet, menstruaque ducit. Aluum sistit pota
ff 2 & co.



RUTA HOR
TENSIS.

Weinraut.

A & comesta. Letalium uenenorū antidotum est, si semen acetabuli mensura in uino bibatur. Folia per se ante cibum sumpta, & cum nucibus iuglandibus, aridisq; ficis, inefficacia uenena reddunt. Contra serpentes similiter sumpta profunt. Geniturā tam in cibo quā potu extinguit. Coctum cum anetho sicco, tormina sistit. Facit etiam ad lateris thoracisq; dolores, difficultatē spirandi, tusses, pulmonis inflammationem, coxendicum, articulorumq; cruciatus, rigores circuitibus certis repetentiū febrium, uti prædictū est, pota. Ad inflationes colī, uteri & recti intestini, decocta cum oleo & infusa. Vūluæ strangulatu liberat trita cum melle, si à genitali usq; ad sedem imponatur. Feruesfacta cum oleo & pota, lumbricos excutit. Articulorū doloribus cum melle, aque inter cutem, quæ hyposarca dicitur, cum ficis illinitur. Eisdem pota auxiliatur, in uino decocta ad dimidias partes, & si ea abstergantur. Cruda, saleq; condita ac comesta, uisus aciem exacuit, & oculorū dolores cum polenta illita sedat. Cum rosaceo & aceto capitis doloribus succurrit. Sanguinis narium profluuia trita & imposita sistit. Testium inflammationibus cum Lauri folijs illita, & exanthematis cum myrto & cerato prodest. Cum uino autem, pipere & nitro conficta, albæ uirilgini medetur. Cum iisdem illita thymos & myrmecias tollit. Cum melle & alumine imposita lichenibus prodest. Succus in malicorio calfactus & instillatus aurium doloribus succurrit. Oculorū hebetudinibus cum succo Fœniculi & melle inunctus subuenit. Ignēs sacros, herpes & achores cum aceto, cerussa & rosaceo inunctus sanat. Ceparum & alliorum acrimoniam cōmanducata domat.

EX GALENO.

Ruta incidere atque digerere crassos lentosq; humores potest. Ob eam autem uim & urinas mouet. Quinetiā tenuium est partiū, flatuq; extinguit. Quare ad inflationes prodest, ac Veneris appetitum cohibet. Discutit atq; exiccat strenuē: est enim ex eorum medicamentorū numero quæ ualenter exiccant.

EX PLINIO.

Quęcunq; Ruta & per se pro antidoto ualeat, folijs tritis & ex uino sumptis. Contra aconitū maximē & ixiā. Item fungos, siue in potu detur, siue in cibo. Simili modo contra serpentū ictus, utpote quū mustelæ dimicaturæ cum his, Rutam prius edendo se muniant. Valent & cōtra scorpionū ictus, & araneorū, apum, crabronū, uesparū aculeos, & cantharidas, ac salamandras, canisue rabiosi morsus, acetabuli mensura si succus ē uino bibitur, & folia trita uel cōmanducata imponunt cum melle & sale, uel cum aceto & pice decocta. Succo uerò perunctos, aut etiā habentes, ne gant feriri ab his maleficijs. Serpentesq; si uratur Ruta, nidorem fugere. Efficacissima tamen est syluestris radix cum uino sumpta: eandem adiūciunt efficaciorē esse sub dio potam. Pythagoras oculis noxiam putauit falso, quoniam sculptores & pictores hoc cibo utuntur oculorū causa. Cum pane quoq; uel nasturtio satiuæ atq; syluestris propter uisum. Ut aiunt, multi succo eius cum melle attrito inuncti discusserunt caligines, uel cum lacte mulieris puerum enixæ, uel puro succo angulis oculorū tactis. Epiphoras cum polenta imposito. Lenit autem capitis dolores pota cum uino, aut cum aceto & rosaceo illita. Si uerò sint cephalæa, cum farina hordeacea, uel aceto. Eadem cruditates discutit, mox inflationes, dolores stomachi ueteres. Vūluas aperit, corrigitq; conuersas, illita in melle toto uentre & pectore. Hydropicis cum ficu, & decocta ad dimidias partes, potaq; ex uino. Sic bibitur & ad pectoris dolores laterumq; & lumborū, tusses, suspiria: pulmonū, iecinorū, renum uitia: horrores frigidus. Ad crapulæ grauedines decoquuntur folia poturis. Et in cibo uel cruda uel decocta conditaue prodest. Item torminibus in Hyssopo decocta, & cum uino. Sic & sanguinem sistit interiorem, & narium, indita: sic & collutis dentibus prodest. Auribus quoque in dolore succus infunditur, custodito ut diximus modo. E syluestri uerò contra tarditatē & sonitum cum rosaceo, uel cum lau-

reo oleo, aut cumino & melle. Succus & phreneticis ex aceto trita instillatur in tempora & cerebrum. Adiccerunt aliqui & Serpyllum, & Laurum, illinentes capita & colla. Dederunt & lethargicis ex aceto olfaciendū. Dederunt & comitialibus bibendum decoctae succum in cyathis quatuor ante accessiones, quarum frigus intolerabile est. Alsiosisq; crudam dari in cibo. Vrinam quoque uel cruentam pellit. Fecminarū etiam purgationes, secundasq; etiam emortuos partus, ut Hippocrati uidetur, ex uino dulci nigro pota. Itaque illitam & uuluarum causa etiam suffire iubet. Diocles & cardiacis imponit ex aceto & melle cum farina hordeacea. Et contra ileum decocta farina in oleo, & uelleribus collecta. Multi uerò & contra purulentas excreationes siccae drachmas duas, sulphuris unam & dimidiam sumi censent. Et contra cruentas, ramos tres in uino decoctos. Datur & dysentericis cum caseo in uino contrita. Dederunt & cum bitumine infictam potioni propter anhelitum. Ex alto lapsis seminis tres uncias, ex olei libra, uiniq; sextario. Illinitur cum oleo coctis folijs partibus quas frigus adusserit. Si urinam mouet, ut Hippocrati uidetur, mirum est quosdam dare uelut inhibentem potui contra incontinentiā urinae. Psoras & lepras cū melle & alumine illita emendat. Item uutiligines uel rugas, strumas, & similia, cum hircino & adipe suillo, ac taurino seuo. Item ignem sacrum ex aceto & oleo, uel psimmythio. Carbunculum ex aceto. Nonnulli laerpitiū unā illini iubent, sine quo epinyctidas pustulas curant. Imponunt & mammis turgentibus decoctam, & pituitae eruptionibus cum cera. Testium uerò epiphoris cum ramis laurae teneris, adeò peculiari in uisceribus his effectū, ut syluestri Ruta cum axungia ueteri illitos ramices sanari prodant. Fracta quoque membra semine trito cum cera imposito. Radix Rutae sanguinem oculis suffusum, & in toto corpore cicatrices aut maculas illita emendat. Ex reliquis quoque quae traduntur, mirum est, cum feruentem Rutae naturam esse conueniat, fasciculum eius in rosaceo decoctum addita uncia aloës, perunctis sudorē reprimere. Itemq; generationes impediri hoc cibo, ideo profluuiū genitali datur, & Venerē crebrò per somnia imaginantibus. Praeuidendum est grauidis, abstineant hoc cibo, necari enim partus inuenio. Eadem ex omnibus satis quadrupedū quoq; morbis in maximo usu est, siue difficilē spirantibus, siue contra maleficorum animalium ictus, infusa per nares ex uino: aut si sanguisugam exhauserit, ex aceto, & quocunque in simili morborum genere, ut in homine temperato,

EX SYMEONE SETHI.

Incidit crassos & tenaces humores, perq; urinam uacuat, & ad inflationes conducit, appetentiamq; Veneris compescit, ac strenuē exiccat. Ad inflatas aquas intercutem, & anasarcam, morsos à uipera, succum Papaueris aut aconitum bibentes, colicosq; pota & iniecta. Traditur quod comesta uisum acuet, ob id antiqui pictores hanc assidue degustabant. Nonnulli & succum eius melli cōmiscentes, medicamentum ad oculorū aciem acuendam cōficiunt. Succurrit difficultati urinae si cum oleo coquatur, & ea uesica foueatur. Item difficulter spirantes cum melle data, confestim iuuat. Lethargicis pota, & per clysteres iniecta remedium fit. Intestina corroboret, non solum caliditate, sed proprietate quadā. Fertur etiam quod si praegnans mulier ex eius succo bibat, abortiat. Et si in dies quindecim folia assumat, idem facit, Obstructiones iecoris & lienis tollit. Si ieiunus quisquam ipsam assumpserit, eo die à ueneno non laedetur.



POTENTILLA
Argentaria vulgaris gallica
 uocat

Genserich.

NOMINA.

Potentilla.
Tanacetum syl-
uestre.



VO nomine Græci & Latini hanc herbam appellarint, à nullo, quod sciam, adhuc proditum est. Recentiores herbarij Potentillam, aliqui ob similitudinē Agrimoniam & Tanacetum sylvestre nuncupant. Germani, quod herba illa anseres in cibo delectentur, Genferich uocant.

FORMA.

Herba Eupatorio, quod Agrimoniam hodie uocant, haud dissimilis. Caules ex una radice multos profert, humi stratos. Folia Eupatorio similia, supernè uiridia, infernè candicantia. Flores luteos singulari pediculo pendentes. Radicē extrinsecus rufescentem, intus candidam.

LOCVS.

Nascitur passim circa semitas & loca aquosa, atque in fluuiorum ripis ac marginibus.

TEMPVS.

Æstate floret, quo etiam tempore legi debet.

TEMPERAMENTVM.

Potentilla nō est
humida.


Quum folia eius & radix adstringant, temperamento à Pentaphyllo seu Quinquefolio nihil differre uidetur. Quare hæc, potissimum autem eius radix, ex tertio ordine desiccatoria est, minimumq; euidentis caliditatis habet. Errant itaq; mirum in modum recentiores, qui hanc humidam esse statuunt, nulla alia moti ratione quàm quod in humidis locis proueniat; quasi uerò Nasturtium aquaticum, quod Sisymbrium cardamine Dioscoridi uocatur, haud obstante quod in aquosis nascitur, non etiam in tertio desiccet ordine. Debuisset certè illos ab hac sententia deterere non leuis illa adstrictio, que certissimus est siccitatis index: adstringentia enim, Galeno libro quarto de simpli. medicament. facult. capite sexto teste, terrena sunt & crassa corporis consistentia, atque adeo sicca.

VIRE S.

Recentiores Potentillā fluxionibus & puncturis oculorū prodesse, recentia uulnera glutinare, & exedentia sanare, mulierū menstrua cōpescere, artus & membra cōfirmare, rectè tradunt: nam id ipsum posse, adstrictio, quæ in hac herba haud modica est, abundè docet. Et cum habeat Quinquefolij temperamentū, eius etiam facultates obtineat necesse est. Dentiū itaq; dolorē finit. Exedentia oris ulcera sanat. Dysentericis & alui profluuijs, coxendicis articulorumq; doloribus subuenit. Sanguinis eruptiones sistit, aliq; potest quæ à Dioscoride Quinquefolio tribuuntur. Quod uerò adiiciunt hanc etiā lumbricos exterminare posse, id minus rectè faciūt. Ea siquidem facultas non huic, sed illi inest herbæ quæ uerè Tanacetū dicitur, quæ

Herbarij Potentillam cum Tanacetum confuderūt.

quidem est tertia, ut suo diximus loco, Artemisiæ species. Proinde non sine magno errore, Potentillam cum ea quæ propriè Tanacetum uocatur herba confuderunt.



PRUNELLA
Symphoricarpos

Braunellen.

C

NOMINA.

Prunella.



ONDVM nobis constat quo nomine hæc herba ueteribus tum Græcis tum Latinis appellata sit. Vulgus tamen medicorū & herbariorū Prunellam nominant. Germani Braunnellen oder Gottheyl.

FORMA.

Caules habet in medio striatos, pingues & hirsutos; folia Ocimo similia, coloris herbacei, & acuminata. Flores in summis caulibus spicatos, Lauandulæ uocatę herba non dissimiles. Radicem tenuem, multis capillamentis fibratam.

LOCVS.

Nascitur passim in pratis.

TEMPVS.

Maior & Iunior mensibus floret.

TEMPERAMENTVM.

Calidam & siccam esse constat, id quod ex gustu patet; glutinosa enim admodū, & modicè amara est.

VIRE.

Vulnerariam esse herbam euidentissimū est. Succum eius cum aceto & rosaceo mixtum, uehementes capitis dolores sedare recentiores uno consensu tradunt, si tempora ex eo inungantur, Aphthas & oris ulcera, fauciumq; uitia succus eiusdem sanat.

DE PENTAPHYLLO CAP. CCXXXVIII

NOMINA.

Quinquefolium
unde dictum.

D



ΕΝΤΑΦΥΛΛΟΝ Græcis, Quinquefoliū Latinis & officinis, Germanis Fünffingerkraut/oder Fünffblatt appellatur. Nomen à numero foliorū habet: in unoquoq; enim pediculo quinque esse deprehendunt.

GENERA.

Maius Pentaphyllum.

Minus.

Et si Dioscorides unum duntaxat Pentaphylli genus faciat, tamē nos ad nostras respicientes terras tria eius genera in uniuersum produximus. Vnū quod maius appellauimus, prorsus ad Dioscoridis picturā accedēs, ut hoc nomine uerū esse Quinquefoliū putemus. Estq; duūm generū: unum quod pallidos seu candidos flores obtinet, hinc est quod Quinquefoliū maius candidum appellauerimus, Germanicè groß weiß Fünffingerkraut. Alterum floribus ornatur auri colorē æmulantibus, seu luteis. Nos ut discerneremus à priori, Quinquefoliū maius luteum nominauimus. Dioscorides etiā hæc duo genera innuere uidetur, cum inquit florem habere uel candidum uel auri æmulū. Tertiū minus diximus, quod priori haud dissimile est, non tamen passim ut illud quinque folia obtinens. Hoc, cum non haberemus aliud nomen quo ipsum appellaremus, inter Quinquefolij genera connumerare placuit. Videtur uerò Hippocrates etiam duo Quinquefolij genera nouisse, unū humilius, alterū procerius, ut hoc nomine nobis etiā liceat minus & maius statuere.

FORMA.

Maius Quinquefolium est uerum Pentaphyllum.

Ramulos habet festucarū instar graciles, dodrantes, & in ijs semen. Folia Menthae similia, in singulis pediculis quina, rarò plura, per ambitum serræ modo incisa: florem in candido pallidum, auri æmulū. Radicem subrubrā, oblongam, Elleboro nigro crassiorē. Ex qua sanè descriptione omnibus liquet, maius Quinquefoliū esse legitimum. Ex una siquidem radice subrubra & oblonga, ramulos profert tenues, ac prorsus festucaceos, & in ijs semen, folia Menthae, quina in singulis pediculis, per ambitum serræ modo crenata, florem luteum, aut aureum. Quibus accedūt natalis locus (in riguis enim nascitur) & inmensa adstringendi facultas: quæ quidem singula ue-




QVINQVEFOLIVM
MAIVS CANDIDVM.

Grosweiß Fünffingerkraut.

624

QVINQVEFOLIUM
MAIVS LVTEVM.

Groß Fünffingerkraut.





QVINQVEFO
LIVM MINVS

Klein Fünffingerkraut.

C gula uerum esse Quinquefoliū docent. Adeoq̃ mirari satis non possum, cur nonnulli adulterina hæc esse Pentaphylla sibi persuaferint.

LOCVS.

Prouenit aquosis locis, & iuxta aquæductus. Interdum etiam in incultis, siccis & arenosis locis.

TEMPVS.

Floret Maio & Iunio mensibus potissimum.

TEMPERAMENTVM.

Vtriusq̃ certè folia, flores & radices uehementer adstringunt: atque adeo, ut Galenus ait, radix, cuius multus est usus, ex tertio est ordine desiccantiū, minimum habens euidentis caliditatis.

VIRE. EX DIOSCORIDE.

Radici Quinquefolij decoctum ad tertias depressum deductūm ue, si in ore retineatur, dentium dolores sedat. Putrescentia oris ulcera collutione sistit. Arteriæ asperitates gargarizatum emendat. Contra alui profluvia, & dysenterias auxiliatur. Item articulorū & coxendiciū dolores potum sanat. Cocta in aceto & illita, herpetas cohibet. Strumas discutit, duritias, cedemata, aneurysmata, abscessus, erysipelata, digitorum pterygia, condylomata, scabiesq̃ sanat. Teneræ radici succus, contra iecinoris pulmonisq̃ affectiones & uenena prodest. Folia cum hydromelite, aut uino diluto, & exiguo pipere, contra febrium circuitus bibuntur: in quartana quidem quaternorū ramulorum folia, in tertiana uerò trium, in quotidiana unius. Tricenis diebus pota comitiali morbo medentur. Succus foliorū per dies aliquot triū cyathorū mensura potus, celeriter regiū morbum sanat. Vulneribus ac fistulis cum sale & melle illita medentur. Enterocelicis, id est, intestinorum ramice laborantibus succurrunt. Sanguinis eruptiones potum & illitum Quinquefoliū sistit. Inciditur ad expiationes lustrationesue, sanguinis profluvia & castimonias.


EX GALENO.

Pentaphylli radix desiccatur uehementer, minimum uerò acris est: quare in multo est usu, uelut alia quoque omnia, quæ quum sint tenuium partium, citra morsum desiccant.

EX PLINIO.

Quinquefoliū adhibetur purgandis domibus. Strumis medetur, & pectoris uitij. Idem ischiadicis bibitur & imponitur. Panos sanat. Impositū articulis utilissimum. Fistulis quæ in omni parte serpunt auxilio est cum sale & melle. Phalangio aduersatur, lichenas emendat. Succus de Quinquefolio potus cyathis tribus angine medetur. Idem iecinoris & pulmonis uitij, sanguinemq̃ reñcientibus, cuicunq̃ sanguinis uitio intus occurrit. Multi supra omnia laudant ad deploratos dysentericos Quinquefoliū, decoctis in lacte radicibus & potis. Item decoctum ad tertias in uino ictericis dari atq̃ illini utilissimū est. Eius folia ex aqua comitiales sanant. Item contrita ex uino sumpta triginta diebus in betonice farinæ pondo denariorū tredecim cum aceti scillitici cyatho, comitialibus morbis liberant. Celerrimè succus regio morbo medetur, tribus cyathis cum sale & melle potus. Quinquefolij folia quidam terna tertianis dedere, quaterna quartanis, plura cæteris, omnibus obolis tribus cum pipere ex aqua mulsa.

DE PISIS.



PISUM
Groß Erbs.

C

NOMINA.

Pisum quare dictum.



ISON, ἰσων, & ἰσων, græcè, Pisum latinè dicitur. Officinis hoc nomine notum. Germanicè Erbß/oder Erweyssen. Sic autem à Pisa loco in quo olim copiosissimè nascebatur, nominatum est.

GENERA.

Duo apud nos genera Pisorum reperiuntur. Vnum in aruis caducū, humi serpens, quod genus Germani flein feld Erweyssen nominant. Huius, utpote vulgaris, picturam haud damus. Alterum in altum scandit, arboribus aut palis quibus accubet adfixis, quibus sese capreolis uinciens illigat. Hoc Germani groß garten Erweyssen uocant. Genus hoc pictum exhibemus.

FORMA.

Caules in terram spargit concavos, ramososq; prætenui furculo: folio frequenti præter cæterorū morem longiusculo: flore papilionis forma, circa umbilicum purpureo: siliqua oblonga seu cylindracea: granis rotundis, & ut Plinius lib. xviij. capite xij. ait, angulos multos inæquales habentibus: radice imbecilla: ut mirari satis non possim, unde plerisque suspicio orta sit, ut Pisum nostrum legitimum esse dubitauerint. Scio autē esse qui legumen hoc quod hodie falsim Pisum appellatur, putent esse Cicer arietinū, quod scilicet ualuulæ seu siliquæ eius cornu arietini formā habeant. Quorum certè sententiam probare non possum, quod, Plinio teste, Cicer arietinū sic non sit dictum quia ualuulæ effigiē arietini cornu exprimant, sed quia legumen ipsum seu granum Ciceris arietino capiti simile sit. Eam autem formā legumen hoc quod Pisum nominamus non refert.

LOCVS.

D Apricis gaudet locis, frigorū nanq; impatientissimū. Tepidum itaque locum, & cœlum frequentis humoris desiderat.

TEMPVS.

Iunio & Iulio mensibus floret, & subinde etiā semina in traluulis profert.

TEMPERAMENTVM.

Quū Pisum simile quid tota substantia cum faba, ut testatur Galenus, obtineat, necesse est ut non multum à medio temperamento in refrigerando & exiccando recedat.

VIRESEXGALENO.

Simile quid tota substantia cum fabis obtinent Pisa, nec alio quàm illæ modo manduntur. In duobus autem euariant. Non enim similiter ac fabæ inflant, nec abstergendi facultatē habent, ideoq; segnius quàm illæ per aluum secedunt.

EXPAVLO.

Pisum molle quidem & laxum est, non tamen adeò inflat.

DE POLYTRICHO APVLEIANO

CAP. CCXL.

NOMINA.

Polytrichū Apuleij cur dictum.



NON temerè adiectū est Apuleij, ne scilicet quispiam Dioscoridis & aliorum Græcorum intelligeret Polytrichon, quod sanè forma ab eo quod nunc describimus alienissimū est. Germanicè à colore aureo quam habet, guldiner Widerthon uocatur. Officinis incognita est hæc herba. Polytrichon dicta est à ramulis, qui capillorum instar tenues sunt.

GENERA.

G E N E R A.

Duo Polytrichi Apuleiani damus genera. Vnum maius, alterum minus: neque enim differunt nisi sola magnitudine.

F O R M A.

Ramulos habet capillorum instar tenues, colore aurum referentes, circumque hos folia multa capillacea, in summo capitula lentis aquaticae ferè forma, eiusdem cum ramulis coloris.

L O C V S.

Maius nascitur in pratis humidis & uliginosis. Minus in petris ac muris humidis.

T E M P V S.

Mense Iulio utrumque reperitur.

T E M P E R A M E N T V M.

In caliditate & frigiditate symmetra sunt: desiccant tamen, extenuant & digerunt.

V I R E S.

Decoctum eorundem in aqua aut lixiuia capillorum radices firmat, ideoque in alopecia caput glabrum capillis uestit. Potum, uiscosorum crassorumque è thorace pulmoneque excreationibus non mediocriter confert: lapides frangit, & urinas ducit. Morbo regio correptis & lienosis auxiliatur. Strumas discutit, & in summa eadem quae Adiantum potest. Recentiores superstitione quadam ducti, illis multa ridicula & incredibilia tribuunt.

Maius Polytrichum Apuleij.

Das groß guldin Widerthon.



Minus Polytrichum Apuleij.

Das klein guldin Widerthon.





PERSICARIA

Flohkraut.

NOMINA.



ON clām me est quā uariē à multis diuinatum sit, quo nomine Persicaria uocata ueterib. sit. Sed mea quidē sententiā, in uniuersum omnes coniecturis usi non satis firmis, decepti sunt. Et ego quidem fateor ingenuē, nec mihi constare num à ueteribus descripta sit, tantum abest ut scire queam quo illam appellauerint nomine. Vulgus herbariorū uno consensu hodie, quod folia Persicæ habeat, Persicariā nominant. Germani *Glöhkraut*.

Persicaria.

Persicaria unde dicta.

FORMA.

Folia Persicæ arboris habet, fusca in medio macula plumbaginēue; caule geniculato, rubente, longo; flore spicaceo, primū candido, dehinc purpureo; semine minuto, radice lutea, numerosa.

LOCVS.

In humidis & palustribus locis frequentius prouenit.

TEMPVS.

Iulio & Augusto mensibus floribus ornatur.

TEMPERAMENTVM.

Frigidam & admodum siccam esse gustus abundē monstrat; mirificē enim gustata adstringit.

VIRE S.

Vulnerariam herbam esse temperamentū eius satis docet. Recte itaq; iuniores medici in uulneribus, & maximē fistulis curandis utuntur. Vtilis haud dubiē in dysenteria, alijsq; malis quæ refrigerationē & adstrictionem requirunt.

DE PERFOLIATA ▶ CAP ▶ CCXLII ▶

NOMINA.



Nhæc herba ueteribus cognita fuerit Græcis & Latinis, affirmare certō non possum. Ego planē Cotyledonem putarem Dioscoridis, nisi radix in diuersam me traheret sententiam, quæ oliuæ instar rotunda non est. Hodie tamen, quod caulis eius singula folia dissecat atq; penetrat, Per-

Perfoliata cū dicta.

foliata ab omnibus appellatur. Germanicē *Durchwachß* & *Büchwurß* dicitur.

FORMA.

Caulis illi rotundus, rubescens, folia singula penetrans, quæ Pisorum folijs haud dissimilia sunt, tenuia admodum & glabra. In summo coliculorum capitula, & in ijs flores lutei, & semina formam ferē Tithymalli, quam uulgo Esulam nominant, præ se ferentia. Radix candida, fibris capillata.

LOCVS.

Nascitur in hortis fata, & interdum sua sponte in arenosis locis prouenit.

TEMPVS.

Floret Iulio mense, & subinde semina producit.

TEMPERAMENTVM.


Amara modicē est & adstringit, ut hinc colligi liceat calidam & siccam esse.

VIRE S.

Vulneribus & ulceribus tam externis quā internis curandis aptissima est herba: hæc enim glutinat. Valet autem potissimum ad ramices puerorum sanandos. Auxiliatur etiam exulcerationibus & prominentijs umbilici. Plurimus huius apud chirurgos usus.

PERFOLIATUM

Durchwachs.



NOMINA.



PAΣON Græcis, Porrum Latinis & officinis, Germanis *Rauch* appellatur. Porrum autem dictum putant, quod porrò eat, & longè lateq; grassetur.

Porrum unde dictum.

GENERA.

Porri duo genera signauit antiquitas. Vnum capitatum, sic nominatum quod eius radix in caput increſcat atque extuberet. Alterum ſectiuum, cui frondens coma ſuper terram eminens auferitur amputaturue. Hoc Germani pulchrè ad nomen latinum alludentes, *Schnittlauch* nominant, & *Byßlauch*.

Capitatum Porrum.
Sectiuum.

FORMA.

Capitatū ſimplici capite ex albæ ceruicis anguſtijs extuberante conſtat, fronde ſuper terram carinata, & in angulum oblonga. Sectiuo uerò caulis eſt longus, intus cauus, multis in uertice floribus aceruatim collectis, & in ſpeciē abſoluti orbis conglomeratis, id quod in bimo accidit: quod etiam ſementefcit, ſparſo per eius cacumen ſemine, & emoritur. Radix candicans, craſſa, multis fibris capillata, ac tunicis quibuſdam uestita.

LOCVS.

Læto ſolo gaudet, odit rigua.

TEMPVS.

Duodeuigeſimo die à ſatu prorumpit, bimatumq; perfert.

TEMPERAMENTVM.

Calefacit & extenuat perinde atque cepa, ut ex eius facultatibus euidentius innotefcet. Symeon Sethi calidum & ſiccum in ſecundo facit ordine.

VIRE. EX DIOSCORIDE.

Porrum capitatum inflationē facit. Noxium ſuccum creat, difficilia inſomnia parit. Vrinam ciet. Aluo accōmodum. Extenuat. Oculorum obſcuritatē facit. Menſes pellit, ueſicam exulceratā, reneſq; lædit. Cum ptifana uerò coctum & comeſtū, ea quæ in thorace ſunt educit. Coma eius in aqua maris & aceto cocta, in deſeſionibus ad præcluſiones uulvæ & duritias, utilis habetur. Vna & altera aqua coctū, aut aqua frigida maceratum, dulceſcit, & multò minus inflat. Semen acrius eſt, & quandam adſtrictoriā uim habet. Quare ſuccus eius cum aceto, addito thure aut manna, ſanguinem, maximè è naribus prorumpentē, ſiſtit. Venerē ſtimulat. Contra omnia thoracis uitia pro delinctu efficax eſt, & ad tabem comeſtū. Purgat etiam arteriam. Sed ſi aſſiduè eſtur, uiſus obſcuritatē inducit. Stomacho aduerſatur. Succus ex melle potus, contra beſtiarū morſus auxilio eſt. Idem quoque illitus poteſt. Cum aceto, thure & lacte, aut roſaceo inſtillatus, aurium doloribus & ſonitui prodeſt. Varos tollunt folia, cum rhoë obſoniorum illita. Epinyctidi medentur. Cruſtas ex ſale illita rumpunt. Veteres ſanguinis reiectiones cohibent ſeminis drachmæ binæ cum æquali baccarum Myrti pondere potæ.

EX GALENO.

Corpus calefacit, & craſſos in eo humores extenuat, glutinofosq; incidit. Bis tamen aut ter in aqua decoctum, acrimonia ſpoliatur: quanquam ne ſic quidem uim perdit extenuandī.

EX AETIO.


Porri capitati acris ſaporis ueluti & cepe ſunt, cuius ratione corpus calefaciunt, craſſosq; humores attenuant, ac lentos incidunt, urinam prouocant, ſanguinē purgant. Præſtantiffimus uſus eorum qui bis coquuntur: ita enim acrimoniam depouunt, neque amplius deprauatum ſuccum retinent.


EX PAVLO.

Porrū mali ſucci eſt & acre. Vt autē Dioſcorides ait, grauia facit inſomnia, aluūq; bonam, urinā cit & extenuat. Habet & abſtergendi uim aliquā, cum ptifana: ſiquidem

PORRVM CA
PITATVM.

Rauch.





635

PORRVM SE-
CTIVVM.

Schnittlauch.
Habet & abied genus in alib. S. Joh.
Laternis Lantia

C dem coctum, ea quæ in thorace sunt educit. Semen uerò eius nephriticis miscetur medicamentis. Folia etiam non nihil adstringunt, ob eamque causam succus ipsorum sanguinem supprimit.

EX PLINIO.

Porro sectiuo profluvia sanguinis sisti in naribus, contrito eo obturatis, uel gal-
læ mixto, aut menthæ. Item ex abortu profluvia, potu succo cum lacte mulierum.
Tussi etiam ueteri, ac pectoris & pulmonis uitijis medetur. Illitis folijs sanantur am-
busta, epinyctides: ita uocatur ulcus aciem hebetans, & in angulo oculi perpetim
humor emanans. Quidam eodem nomine appellat pustulas liuentes, ac noctibus
inquietantes. Et alia ulcera cum melle trito. Vel bestiarum morsus ex aceto. Item ser-
pentium. Aurium uerò uitia cum felle caprino, uel pari mensura mulsi. Stridores
cum lacte mulieris. Capitis dolores, si in nares fundatur, dormiturusue in aurem,
duobus succi cochlearibus, uno mellis. Succus & ad serpentium scorpionumque ictus
in potu bibitur cum mero, & ad lumborum dolores cum uini hemina potus. Sangui-
nem uerò excreantibus & phthisicis, destillationibus longis, uel succus, uel ex ipso
cibus prodest. Item morbo regio, uel hydropicis. Et ad renum dolores, cum ptisa-
næ succo acetabuli mensura. Idem modus cum melle, uulvas purgat. Tostus uerò
editur & contra fungorum uenena, imponitur & uulneribus. Venerem stimulat,
sitim sedat, ebrietatē discutit. Sed oculorum aciem hebetare traditur, inflationē quo-
que facere, quæ tamen stomacho non noceat, uentremque molliat. Capitato maior
est ad eadem effectus. Sanguinem reiicientibus succus eius cum caule aut thuris fa-
rina, uel acacia datur. Hippocrates & sine alia mixtura dari iubet, uulvasque contra-
ctas aperiri putat. Fecunditatē etiam sceminarum hoc cibo augeri. Contritum ex
melle ulcera purgare. Tussim & destillationes thoracis. Pulmonis & arteriæ sanat
D uitia, datum in sorbitione ptisanæ: uel crudum, præter capita, sine pane, ita ut alter-
nis diebus sumatur: uel si purulenta excreentur. Sic uoci uel Veneri, somnoque mul-
tum confert. Capita bis aqua mutata cocta, aluum sistunt, & inflationes ueteres.
Cortex decoctus illitusque, inficit canos.

EX SYMEONE SETHI.

Vrinam cit, & mali succi est. Assidue comestum uisus hebetudinē efficit. Diffici-
lia inuehit somnia, & stomacho nocet. Semen genitale calefacit, & capitis dolores
excitat. Iecur, renes & uesicam lædit. Confert ad hæmorrhoidas. Bis uerò aqua
coctum, & aceto, garo & oleo, cuminoque conditum, salubre est ijs qui frigido sunt
stomacho.

DE PVLMONARIA CAP. CCXLIIII

NOMINA.

Pulmonaria cur
nominata.



Ueteribus Græcis & Latinis nominata sit hæc herba, nondum scire
licuit. Hodierni temporis medici & herbarij Pulmonariam uocant,
Germani Lungenkraut. Sic autem haud dubie appellari ccepit, quod
pulmonum uitijis, exulcerationibus potissimum eorundem, præsens
remedium sit.

FORMA.

Folia mollia habet, inuicem incumbentia, leniter laciniata, cauis multis prædita,
superiore parte uiridia, inferiore in luteo albicantia, ac ueluti punctis aut pustulis
quibusdā notata, atque hoc nomine aliquam pulmonis humani formam referentia:
unde etiam Pulmonariam dictam esse conijcimus.

LOCVS.

Prouenit in quercu arbore, & saxosis locis.

TEMPVS.



PVLMONARIA

Lungenkraut.

C

TEMPVS.

Tota æstate inuenitur locis iam monstratis.

TEMPERAMENTVM.

Recentiores frigidam & humidam esse, mea quidem sententia, falso statuūt: admodum enim adstringit, ut hoc nomine idem cum quercu in qua nascitur habeat temperamentum. Desiccatur itaque & paulò infra media calefacit, in genere eorum quæ tepida sunt.

VIRES.

Desiccandi & adstringendi facultatem obtinet, quamobrem uulnera recentia glutinat, potissimum autem pulmonis. Ad incipientes quoque ac crescentes phlegmonas utilis: nam quæ iam uehementes sunt, adstringentia respuunt. Confert autem haud dubiè etiam ad muliebri profluuio, & sanguinis expuitiones, & diuturnos alui fluores.

DE PTARMICE CAP. CCXLV

NOMINA.

Sternutamentaria.
Syluestre Pyrethrum.



Ptarmice curdilla.

PTARMIKH Græcis, Sternutamentaria Latinis dici potest. Sunt qui syluestre Pyrethrum nomenclant, quod scilicet Pyrethri modo, quanquam mitius, linguam uellicet. Atque hinc est quod nonnulli pro uero Pyrethro, seducti eius titillante acrimonia, descripserint. Germanis wilder Bertram appellari potest, Ptarmice dicta est, quod flores eius naribus obiecti sternutamenta eliciunt.

D

FORMA.

Breuis frutex est, paruis, multis, teretibus, & Abrotono similibus ramulis, circa quos folia multa, oblonga, oleaginis similia. In summo Chamæmeli capitulū, paruum, rotundum, olfactu acre, sternutamenta ciens, unde & nomen inuenit. Hactenus Dioscorides. Quod si itaq; naturam atque imaginem eius fruticis rectè expendas, undiquaq; ei plantæ cuius picturā damus, hæc descriptio quadrabit. Nam surculis fruticat exiguis, multis, rotundis, Abrotono non dissimilibus, lentè rufescentibus, qui folijs frequentibus, longiusculis, oleæ similibus, angustis, utrinq; leniter ferratis ambiuntur, cacumine Anthemidis umbellam obtinente, quæ acri suo odore nares feriens sternutamentum irritat.

LOCVS.

Inuenitur sæpius in montibus altis & saxosis locis.

TEMPVS.

Floret æstate: radix eius extremo effoditur autumno.

TEMPERAMENTVM.

Eius temperies est calida & sicca, uiridis etiam nū ordine secundo, siccata tertio.

VIRES. EX DIOSCORIDE.

Folia cum floribus illita sugillata emendare possunt. Flores sternutamenta efficacissimè mouent.


EX GALENO.

Ptarmices flores ciendæ sternutationis uim obtinent, unde & herbæ nomen. Sugillata & reliquas ecchymosas discutit.

EX PAVLO.

Ptarmices folia sternutamenta mouent. Totus autem frutex uiridis sugillata, liuoresq; alios dissipat.

DE PYRE-



PTARMICE

Wilder Bertram.

hh.

NOMINA.

Pyrethron cur
diftum.

Saliuaris herba
quare nominata.



TYPEOPON græcè, Saliuaris latinè dicitur. Officinæ græcam appellationem retinuerunt. Germanicè Bertram nominatur. Pyrethron autem à feruido, ac ignis simili, qui in eius radice est sapore, Græci dixerūt. Saliuaris uerò, quod mansa uel ore tantum detenta eius radix, copiosam saliuam eliciat, Romanis appellata est.

FORMA.

Pyrethrum nos-
trum Parmices
flores obtinet.

Herba est caulem foliaq; syluestris Dauici, & Fœniculi instar proferens. Umbellam Anetho similem orbiculatam. Radicem pollicis crassitudine, longam, sapore feruidissimā. Hæc Dioscorides. Vbi nobis monendus uenit lector, Pyrethrum nostri soli non ex omni parte huic descriptioni respondere. Non enim umbellam anetho similem, sed anthemidis potius orbiculatum capitulum, quod Parmici tribuit Dioscorides, habere deprehenditur. Cætera omnia adamussim respondent. Siquidem habet Pyrethrum caules & folia Dauici syluestris & Fœniculi, radicem pollicis crassitudine, gustus ardentissimi.

LOCVS.

In Germania nostra, quod sciam, non nisi plantatum prouenit.

TEMPVS.

Floret æstatis maxima parte.

TEMPERAMENTVM.

Excalfacit & siccatur in tertio ordine, uel ut aliqui putant, in quarto.

VIRES. EX DIOSCORIDE.


Pituitā elicit radix: ideoq; dentium doloribus decocta in aceto, colluto inde ore, auxiliatur. Mansa pituitam extrahit. Sudores ciet, inuncta ex oleo. Diuturnis rigoribus efficax. Contra refrigeratas partes corporis ac resolutas eximiè conducit.

EX GALENO.

Pyrethri radice potissimū utimur urentem facultatem obtinente, qua utiq; dentium etiam refrigerantium dolores mitigat. Et ad rigores ante circuitum cum oleo infricatur. Ad hæc stupidos & resolutos adiuuat.

EX PAVLO.

Pyrethri radix adurentem potestatem occupat, dentium qui frigori patuerunt dolores lenit. Item ad febrium rigores ante circuitum infricatur cum oleo. Ad hæc ijs quorum corpora ex refrigeratione stupent, & resoluta sunt, efficacissimè adhibetur.




PYRETHRUM

Bertram.

hh 3

642



BVXVS

Buchßbaum.

A

NOMINA.



ΒΥΞΟΝ Græcis, Buxus Latinis, Germanis Buchsbaum dicitur.

FORMA.

Arbor immortalis coma uirens: folio Myrti, exiguo, subrotundo; flore herbaceo; semine rufo & rotundo, omnibus animantibus inuiso.

LOCVS.

Gaudet frigidis & apricis, plurimamque ubique Buxus.

TEMPVS.

Perpetua fronde uiret, neque ei ullo tempore decidunt folia. Quo nomine potissimum hanc celebrat germanica illa cantilena, eiusdem ac Salicis contentionem continens.

TEMPERAMENTVM.

Recentiores temperatam eius arboris essentiam esse statuunt, id quod ob multas causas, quas recensere superuacuum est, non uidetur uerisimile. Haud dubie uero adstringit, atque adeo exiccat.

VIRES.

Non admodum magnus. Buxi in medicina usus est. Folio eius in lixiuio decocto rufant, aut flauescere efficiunt capillos. Scobem eius decoctam in aqua alui profluuium sanare tradunt. Somnum capere sub hac arbore, cerebro uehementer incommodat, quod eius odor naturæ prorsus aduersetur. Ferunt serpentes uulneratas eius radice degustata, statim sanitatem recuperare.

DE PETASITE CAP. CCXLVIII

B

NOMINA.



ΠΕΤΑΣΙΤΗΣ Græcis, Petasites Latinis appellatur. Officinis penitus ignota. Germanis Pestilenzwurz nominatur, quod nimirum eius radix præsentaneum sit contra pestilenciales febres remedium. Petasites autem à petaso, pileum significante, dicta est, quod folium eius pediculo superpositum, petasi modo amplum, ut fungus dependeat. Petasites quare dicta.

FORMA.


Pediculus est cubito maior, crassitudine pollicis, in quo petasi figura folium magnum, ut fungus dependet. Ex qua sanè descriptione satis perspicuum fit, herbam cuius picturam damus esse Petasiten. Hæc enim statim inter initia Martij, flores suos in albo purpureos, agglomeratos, & botri figuram referentes profert, citra quidem folia, quod Dioscorides omisit. Hi marcescentes sine fructu abeunt ac decidunt. Postea purpureos emittit pediculos, cauos, hirsutos, quibus folia superposita sunt magna, pilei ampli figuram obtinentia, supernè uiridia, infernè uerò candicantia: quæ in tantam crescunt amplitudinem, ut unum interdum, orbicularē mensam prorsus tegat. Radix illi crassa & longa, intus candida, uehementer odorata & amara. Quibus accedit quod uires huius herbæ à uiribus Petasites, ut ex sequentibus patebit, non discrepent: ut hoc nomine nihil euidentius sit, quàm eam herbam esse planè ueterum Petasiten.

LOCVS.

Nascitur copiosissimè in pratis humidis & iuxta riuulos sitis.

TEMPVS.

Initio Martij mensis, ut comprehensum est, floribus suis conspicua est herba, qui Aprili imminente statim citra fructum decidunt. Quo facto folia cum pediculis suis prodeunt.



PETASITES
Pestilenzwurtzel.

TEMPERAMENTVM.

A Ex tertio est ordine desiccantiũ, id quod amaritudo eius, quam gustu deprehendimus, facillè monstrat.

VIRES. EX DIOSCORIDE.

Facit ad maligna & phagedænica ulcera tritum & illitum.

EX GALENO.

Ad maligna & phagedænica ulcera, ea utuntur. Idem etiam de Petasite tradit Paulus.

APPENDIX.

Experimento comprobatũ est radicem hanc mirificè cõferre pestilentialibus febribus, quod sudorẽ uehementer moueat, si in puluerẽ redacta cum uino sumatur. Nec minori efficacia bibitur à mulieribus quas uteri tormina & præfocationes exercent. Valet etiam unicè ad enecandos lumbricos. Succurrit quoq; ijs qui spiritus difficultate laborant. Ducit urinã & menses. Efficax est ad uulnera præhumida, & ad reliquas cutis sceditates. Hec uerò posse, amaritudo eius euidentissimè docet, cuius quidem hæ sunt facultates, ut ex ijs quæ sæpe iam diximus, & Galenus lib. iij. de simpl. medi. facult. cap. xvij. fusius docet, manifestum est.

DE PERICLYMENO CAP. CCXLIX

NOMINA.



PERIKLYMENON Græcis, Volucrũ maius Latinis, Scribonio Largo Syluæ mater, uulgo Caprifoliũ & Mater sylua, & nonnullis Lilium inter spinas dicitur. Germanis Geyßblatt / Spect oder Waldegilgen / & Jeunling. Sic sanè dictum, quod circumuoluendo ad se uicinas ar-

Syluæ mater.

Caprifolium.

Lilium inter

spinas.

Periclymenon

unde dictum.

B bores aut frutices uocet.

FORMA.

Simplex frutex est, ex interuallis folia spargens ipsum amplectentia, subcandida, Hederę similia: flores candidos, Fabę similes, subrotundos, quasi in folium procumbentes: semen durum, & quod difficilè uellitur: radicem crassam, rotundã. Ex qua quidem descriptione perspicuũ fit, fruticem quem pictum exhibemus esse Periclymenon: siquidem caulibus suis uicina amplectitur, gemina per interualla umbilicata folia habens, à terra cæsijs, supernè herbosis, ad Hederę similitudinẽ: flores albos, Fabę non dissimiles, subrotundos, potissimum antequam dehiscant, baccas hederaceas aut Rusci, radicem crassam.

LOCVS.

Nascitur in aruis ac sepibus, conuoluens se uicinis fruticibus. Nunc in hortis etiam passim plantatur.

TEMPVS.

Floret Iunio & Iulio mensibus.

TEMPERAMENTVM.

Vehementer calefacit & desiccatur, id quod gustu etiam ipso deprehenditur. Folia siquidem acrimoniam quandam præ se ferunt gustata.

VIRES. EX DIOSCORIDE.

Huius semen postquã maturuit collectũ, & in umbra siccatur, drachmæ pondere datur in uino quadraginta diebus, ut lienẽ minuatur absumatur, & lassitudinẽ discutiat. Orthopnœę & singultui prodest. Urinã cit à sexto die cruentã. Partum accelerat. Habent easdem uires & folia: quæ triginta septem diebus pota, sterilitatẽ facere produntur. In periodicis febribus cum oleo inuncta, earũ horrores mitigant.


EX GALENO.

Periclymeni utilis est tum fructus, tum folia, ad eò uehementer incidentis & ex-

calefa-

646

PERICLYMENVS
Gilgim fauorth
Seppblatt.



A calefacientis facultatis, ut si plusculum bibantur, urinam sanguinolentā efficiant. Principio quidem urinam tantum mouent: porro foris cum oleo illita calfaciunt. Iuuāt & lienosos, & difficulter spirantes. Cōpetens potionis mensura est, drachmæ unius pondus cum uino. Cæterum desiccatur quoque semen. Et quidam aiunt, si copiosius bibatur, sterilitatē omnino bibentibus afferre. Sunt etiam qui certum dierum numerum ad talem potionem præfiniunt, quemadmodū Dioscorides, qui septem & triginta dies eos tradi refert. Hic quoque cruentam urinam reddi à sexto die memorat.

EX PLINIO.


Semen eius in umbra siccatur tunditur, & in pastillos digeritur. Hi resoluti dantur in uini albi cyathis tribus, tricenis diebus ad lienem, cumq; urina cruenta, aut per aluum absumit, quod intelligitur à decimo statim die. Urinam cient & folia decocta, quæ & orthopnoicis profunt.

APPENDIX.

Ex iam cōmemoratis facultatibus nemo non intelligit fruticem hunc esse Periclymenon: cum enim gustu acrimoniā præ se ferat, necesse est omnia hæc quæ ueteres Periclymeno tribuunt, possit. Quibus accedit, quod recentiores etiam herbarij suo Caprifolio easdem uires assignent. Exiccare enim ipsum tradunt ulcera humida & sordida, sanare impetigines, & alias cutis fœditates, lienem absumere, difficultati spirandi conferre, partus celeritatem facere, calculos pellere, faciei maculas abstergere, & alia posse quæ non attinet referre.

DE PYROCAP CCL

NOMINA.

B  **YPOZ** Græcis, Triticum Latinis dicitur. Officinæ antiquum latinum nomen retinuerunt. Germanis Weyssen appellatur. Triticum uerò dicitur, quod tritum ex spicis sit, ut autor est Marcus Varro. Triticum unde dictum.

GENERA.

Tritici summa genera tria obseruant qui frumentariæ rei periti sunt. Primum Primum. quod Robus dicitur, quoniam & pondere & nitore præstet. Germanis simpliciter Weyssen nominatur. Secundum Secundum. trimestre, & nonnullis Sitanium dicitur. Trimestre quidem, quod tertio ferè satum mense maturescat: id quod tamen nostro in orbe non fit, in quo Martio mense satum, quinto tandem, hoc est, Iulio mense metitur. Germanis Amelkorn dicitur, haud dubiè non alia ratione, nisi quod ex hoc genere tritici amyllum optimum conficiatur. Eius picturam dare hoc tempore non potuimus. Tertiū genus tritici, non undiquaq; notum, Germanis welscher Weyssen/ & Weyssenkolb dicitur. Tertium.

FORMA.

Primum tritici genus culmo est quàm hordeū altiore, tribus geniculis constante, folio arundineo, spica à folijs remotiore, incondita, & in nullos uersus disposita. Exeritur in area, ut alia quædā frumenta. Alterū culmo, geniculis, granisq; priori simile, nec ab eo differt, nisi quod spicam multis aristis uallatam, & in duos uersus dispositam obtinet. Tertiū genicula habet quaterna, aliàs præcedenti per omnia propèmodum simile.

LOCVS.

Pasim prouenit Triticum primū & secundū generis. Postremum in Alsatia, & agro Tubingensi gignitur.


TEMPVS.

Floret, ut alia ferè omnia frumenta, Iunio mense; in Iulio autem metitur.

TEMPERA-

TRITICI PRI
MVM GENVS.


Weyssen.



TRITICI TERTIVM
GENVS.

Welscher Weyssem

ii



C

TEMPERAMENTVM.

Triticum ut medicamentū foris impositum, primi est ordinis excalefacientiū, non tamen nec resiccare, nec humectare manifestò potest. Porro quod ex eo conficitur amyllum, eo tum frigidius est, tum siccus.

VIRE. EX DIOSCORIDE.

Optimum ad secundæ ualitudinis usum Triticum habetur quod recens & iam perfectè adultum, & colorem mālī refert. Crudum in cibis rotundos lumbricos gignit. Canum moribus prodest mansum & illitū. Confectus ex eius similagine panis, plus alit quàm cibarius, quem Græci συγνιμσδρ uocant. E Sitanij farina panis leuiorem cibum præbet, & qui facilè in membra demandetur. Farina eius cum hyoscyami succo illinitur aduersus neruorū fluxiones. Item contra intestinorū inflationes. Lentigines ex oxymelite tollit. Furfures autem acri in aceto elixi & calentes illiti, lepras pellunt. Incipientes etiam inflammationes omnes illiti leniunt. In Rutæ uerò decocto elixi, mammas turgentes sedant. Viperarū ictibus auxiliantur, & torminosis profunt. Confectū ex farina triticea fermentum calefaciendi extrahendiq̃ uim habet. Priuatim quæ in plantis pedum sunt extenuat. Cetera tubercula, furunculosq̃ ex sale concoquit, & aperit. Sitanij farina contra uenenatos ictus cum aceto aut uino cōmodè illinitur. Eadem si decocta in glutini modum delingatur, cruenta excreantibus succurrit. Contra tussim & exasperatam arteriam, cum menta & butyro decocta efficax est. Tritici pollen si ex aqua mulsā, aut hydrelæo decoquatur, omnē discutit inflammationē. Panis & cum melicrato coctus & crudus inflammationes omnes illitus mulcet, cum emolliat, & quadantenus refrigeret, mixtus herbis succisq̃ quibusdā. Vetus autem & aridus per se, adiectisq̃ alijs quibusdā, citam aluum cohibet. Recens muria maceratus & illitus, uetustas impetigines sanat. Glutinum ex similagine & polline, quo chartæ glutinantur, sanguinem excreantibus prodest, si liquidius ac tepidum cochlearis mensura detur sorbendum.


EX GALENO.

Triticum quiddam lentoris, & obstruentis naturæ habet. Quod uerò ex pane fit cataplasma, uim obtinet magis digerentem, quàm quod ex Tritico: nimirum quum & salem & fermentum panis adiuncta habeat: quippe cum fermentum uim habeat attrahendi digerendiq̃ ea quæ in alto resident. Plura de Tritico petenda erunt ex capite primo, libri primi de alimentorum facultatibus, quo in loco uarię panis species exponuntur.

EX PLINIO.

Grana Tritici ferro combusta, ijs quæ frigus ufferit præsentaneo sunt remedio. Farina ex aceto cocta, neruorū contractionibus auxiliatur: cum rosaceo uerò & fico sicca myxisq̃ decoctis. Item suppuratis neruis cum hyoscyami succo illinitur. Ex aceto & melle lentigini. Furfures tonsillis faucibusq̃ gargarizatione profunt. Sex Pompeius prætorij uiri pater, Hispaniæ citerioris princeps, quum horreis suis uentilandis præsideret, correptus dolore podagrę, merfit in Triticum sese super genua, leuatusq̃ siccatis pedibus mirabili modo, hoc postea remedio usus est. Vis tanta est, ut cados plenos siccet. Paleam quoq̃ tritici uel hordei calidam imponi ramicum incōmodis experti iubent, quaq̃ decoctæ sunt aqua foueri.

DE POTA-



651

POTAMOGETUM
Samskraut.

ii 2

C

NOMINA.

Potamogeton un
de dicta.
Stachyites.



POTAMOGEITON, ἡ σταχυίτης græcè, Fontalis & Potamogeton Latinis dicitur. Officinis ignota est herba. Germanis Samtraut uocatur. Potamogeton autem quasi fluminibus uicina dicta est: siquidem aquosis & palustribus locis nasci amat. Stachyites uerò quasi spicata, ob caulem quem ex se mittit floribus & semine spicatum.

FORMA.

Folium Betæ simile habet, densum, & paulum extra aquam eminentens. Ex qua quidem breui admodum deliniatione satis intelligi potest, herbam cuius picturam damus esse Potamogetona. Caulem namq; rotundum habet, geniculis intersectum, è quibus pediculi exeunt folijs Betæ aut Plantaginis uestiti, paulum supra aquam eminentibus. Flores etiam spicatos, Plantaginis instar, profert, ac subinde semē. Quid multa; folia huius herbæ planè referunt folium Indum uocatum officinis.

LOCVS.

Nascitur in lacustribus & aquosis locis.

TEMPVS.

Floribus prægnans est Iulio mense.

TEMPERAMENTVM.

Refrigerat & exiccat, ut gustus etiam abundè docet.

VIRE. EX DIOSCORIDE.

Refrigerat & adstringit; pruritibus, ulceribusq; uetustis, & ijs quæ pascendo ferunt, confert.

EX GALENO.

D Adstringit & refrigerat similiter Polygono, sed essentia eius crassior quàm Polygona est.

EX PLINIO.

Potamogeton ex uino dysentericis & coeliacis medetur. Peculiariter refrigerat, spissat. Vt in folijs, cruribus uitiosis utilia, & contra ulcerum nomas, cum melle uel acero.

DE PEDE ANSERINO CAP. CCLII

NOMINA.



Pes anserinus
cur dicta.


VO nomine ueteribus tum Græcis tum Latinis sit appellata hæc planta, nondum cognoscere potui: quapropter nouam ut illi nomenclaturam inderem necesse fuit. Aliam autem & commodiorem non licuit inuenire præter eam, quam alludentes ad germanicam appellationem imposuimus. Nam si folia eius spectes in ambitu laciniata, planè anserini pedis formam ac similitudinē repræsentant. Hinc appositissimè Germanis nostris uocata est Gensfuss/ oder Gensfussle. Quum uerò eadem herba suis inimica admodum sit, atque adeo mortem inferat, factum est ut à mulierculis etiam sit nominata Sewtod/ & Schweinstod. Etsi uerò in officinis eius herbæ nullus sit usus, tamen quia passim nascitur, & temerè fortassis à nonnullis uires eius ignorantibus usurpari posset, eam silentio transire nolimus, quò scilicet facultas tam uulgaris herbæ omnibus patefieret.

FORMA.

Caulem profert cubitalem, striatum: folia ad Halicacabi formam accedentia, in ambitu tamen laciniata, atque adeo anserini pedis speciem referentia: flores exiguos ruben-

PES
ANSERINVS.

Genßfuß.



C rubentes, semen racematim, ueluti in atriplice syluestri, singulis ramis insidens: radicem obliquam, multasq; adnascantias habentem.

LOCVS.

Pasim in hortis, alijsq; locis ubi finum reponitur, nasci solet.

TEMPVS.

Iulio mense potissimum floret.

TEMPERAMENTVM.

Haud dubie in secundo refrigerat ordine, non secus atque Solanum hortenſe.

VIREs.

Suibus exitium affert herba hæc comesta, id quod experientia cognitum est. In humano corpore idem potest quod Solanum hortenſe. Quare facultates eiusdem suo quæres loco.

DE PETROSELINO CAP. CCLIII.

NOMINA.

Apium saxatile.

Officinarum eruptum.



PETROSEAINON Græcis, Apium saxatile Latinis, & Petroselinum appellatur. Germanicè frembder Peterſilien nominari commodè, ad alterius quod Oreoselinum est, ut suo diximus loco, differentiam, potest. Officinæ eius herbæ cuius nunc picturam damus semine pro Amomo utuntur, non tamen sine magno errore, quum constet omnibus, modò conferre inter se utriusque historiam non pigeat, Amomum ab ea herba esse diuersissimum. Nos ut tandem sciremus è qua stirpe semen hoc decerperetur, terræ illud mandauimus, & hæc cuius pictura formā ostendit herba erupit, quam nos uerum esse Petroselinum, ut paulò post ostendemus, credimus.

FORMA.

Dioscorides negligens insinuat.

Petroselinum, inquit Dioscorides, semen Ammi simile obtinet: odoratius tamen, acre, & aroma olens. Breuis quidem delinatio hæc est, atque imperfecta, ut nihil mirum sit, nos hætenus quod uerum esset Petroselinum non potuisse cognoscere. Merito itaque hoc loco, ut compluribus etiam alijs, Dioscorides negligentiae insinulari potest, ut qui mancas ac mutilas plerasq; posteritati relinquere stirpium historias uoluerit. Si uerò quispiam paucas etiam has notas expendat, haud dubie herbam hanc cuius picturam oculis subieciimus, Petroselinum esse comperiet. Semen enim eius Ammi tam simile est, ut ab eo uix discerni queat: odoratius etiam existit, & acre, ac aroma olet. In summa, nulla est nota quæ illi nō respondeat, ut hoc nomine uerum Petroselinum esse credam. Quinetiam tota eius herbæ forma, quæ non multum à nostro & Germanico Petroselino abest, atque odor, Selini speciem esse docent, ut pro Petroselino usurpare hanc ipsam officinæ tutò possint: semen enim quo hodie utuntur, non Macedonicum Petroselinum, sed Hipposelinum, ut suo diximus loco, existit.

LOCVS.

In Macedonia frequens optimumq; nascitur, hinc Macedonicū dicitur: inq; faxis & præruptis potissimū locis, unde cœpit appellari Petroselinū. Nascitur & alijs in locis, ut lib. i. de antidotis testatur Galenus, at minus laudatum.

TEMPVS.

Floret Augusto mense, atque subinde semen profert.

TEMPERAMENTVM.

Petroselinum ut gustu acre est cum amaritudine, sic & in operibus calidū. Fuerit itaq; & ipsum tertij ordinis tum excalfacientium, tum desiccantium.

VIREs.

Makri tibi p. suavis



ETROSELINVM

Grembder Peterfilien

VIRES. EX DIOSCORIDE.

Vrinam cit, & menstrua ducit. Stomachi & coli inflationibus auxiliatur, & torminibus. Laterum quoque, renum & vesicæ doloribus in potu sumptum succurrit. Miscetur antidotis urinam cientibus.

EX GALENO.

Petroselini semen maximè usui est, quum tota etiam herba unà cum radice similem, sed imbecilliorē, facultatem sortiatur. Incidendi etiam uim habet: hinc menses & urinas largiter prouocat, Flatus quoque extinguit.

APPENDIX.

Sunt qui hanc herbam quam pro Petroselino damus, Sisona esse putent: quorū sententiæ cur non magnopere repugnē, facit in primis Dioscorides, qui Sisona perinde atq; Petroselinū suis notis haud descripsit. Dein quod uiribus nō discrepent, atque adeo in usu huius aut illius nullum sit periculū. Nos tamen nostram sententiam propter adductas paulò antè rationes deferere, nisi euidentibus conuicti argumentis, non possumus.

DE ROSA CAP. CCLIIII.

NOMINA.

Rhodon cur
dictum.



o Δ O N græcè, Rosa latinè, officinis eodem seruato nomine appellatur. Germanicè Rosen. Rhodon autem Græcis, Plutarcho auctore, nominatur, quod largum odoris effluuium emittat.

GENERA.

Theophrastus libro sexto, cap. vi. de plantarum historia, genera rosarum multa esse tradit, quæ foliorū multitudine, paucitate, asperitate, leuitate, colore & odore differunt. Plinius etiam lib. xxi. capite quarto, ex loci diuersitate multa rosarum genera colligit. Nos simpliciter duo duntaxat illarum genera faciemus, syluestres scilicet & domesticas. Syluestres, quæ etiā Caninæ rosæ uocantur, asperiores tum uirgis, tum folijs sunt, ac odore, colore, magnitudine à domesticis superantur. Germani Heydrosen/ & Wildrosen uocant. In utroque uerò genere duplices existunt, puniceæ nimirum & candidæ. Nos utrumque genus una pictura complexi sumus.

FORMA.

Vulgò omnibus nota est Rosa. Virgas siquidem fuscis maculis tinctas, & aculeis plenas emittit: folia incisuris diuisa, nigricantia & aspera. Germinat primum inclusa granoso cortice, quo mox intumescente, & in uirides alabastros fastigiato, paulatim rubescens dehiscit, ac sese pandit, in calycis medio sui stantis complexa luteos apices staminaq; capillamentis insidentia, quæ propriè flores dicuntur. Syluestris spongiolas etiam producit, quas pleræq; officinæ Germaniæ nostræ, non sine detestando errore pro Bedegar usurpant: fructum quoq; parit rotundū, initio uiridem, dein puniceū.

LOCVS.

Domestica passim in hortis prouenit. Syluestris etiam nusquam non in campestribus & dumetis nascitur.

TEMPVS.

Rosa ut nouissima inter uernos flores erumpit, ita etiā statim deficit, Decerpenda itaq; erit Iunio mense ubi primum erupit, ne mox nusquam compareat.

TEMPERAMENTVM.

Rosarum uis ex aquea calida substantia duabus alijs qualitatibus, adstringenti uidelicet & amaræ mista, composita est. Flos earū magis etiam ipsis Rosis adstringit, ac proinde sanè exiccatorius est.

VIRES.

Rose de Muscus D
odoris suauitate rari
quæ antirellit.

Rosa Miliam purpuream
robor ardens quodammodo
resistit



ROSA

Rosen.

C

VIRES. EX DIOSCORIDE.

Rosa refrigerat & adstringit, sed sicca magis adstringit. Succus recentibus folijs *Vnguis.* exprimendus, detracto forfice ungue. Sic appellatur quod candidū est in folio: reliquū mortario premi & teri debet in umbra donec densetur, & ita ad oculorū circumlitiones recondi. Siccantur etiam folia in umbra crebrò uersata, ne mucescant. Ex aridis rosis in uino decoctis expressus liquor, ad capitis, oculorum, aurium, gingiuarum, sedis, recti intestini ac uulue dolores penna illitus, collutus infususue, conducit. Eadem sine expressione contusa & illita, præcordiorum inflammationibus, stomachi humiditati, & sacris ignibus medentur. Siccae ac tritæ femoribus insperguntur. Misceri solent compositionibus quas antheras uocant, & uulnerarijs antidotis. Vruntur folia ad honestandas palpebras. Flos qui in medijs Rosis inuenitur siccatus, gingiuarum fluxionibus efficaciter inspergitur. Capita pota, aluum profluentem, & sanguinis reiectiones sistunt.

EX PLINIO.

Vfus succi ad aures, oris ulcera, gingiuas, tonsillas, gargarizatu: stomachū, uuluas, sedis uitia, capitis dolores. In febre per se, uel cum aceto ad somnos, nauseas. Folia uruntur in calliblepharum. E siccis femina asperguntur. Epiphoras quoque aridas leniunt. Flos somnum facit. Inhibet fluxiones mulierum, maximè albas, in posca potus, & sanguinis excreationes. Stomachi quoque dolores, quantum in uini cyathis tribus. Semen his optimum crocinum, nec anniculo uetustius, & in umbra siccatur. Nigrum inutile. Dentium dolori illinitur. Vrinam ciet. Stomacho imponitur. Item igni sacro non ueteri. Naribus subditum caput purgat. Capita pota, sanguinem & uentrem sistunt. Vngues Rosæ epiphoris salubres sunt: ulcera enim oculorū Rosa fordescunt, præterquàm in itijs epiphoræ, ita ut arida cum pane imponatur. Folia quidem uitijs stomachi, rosionibus, & uitijs uentris, & intestinorū, & præcordijs utilissima uel illita. Cibo quoque Lapathi modo condiuntur. Cauendus quoque in ijs situs celeriter insidens. Et aridis & expressis aliquis usus. Diapasmata inde fiunt ad sudores coercendos, ita ut à balneis inarescant corpora, dein frigida abluantur. Syluestris cum adipe ursino alopecias mirificè emendat.

EX SYMEONE SETHI.

Odorata calidis capitibus prodest, humida uerò offendit, eaq; destillationi obnoxia reddit. Sumpta uerò ad febres ex flaua bile procreatas iuuat, & roborat stomachum & iecur. Proprietate autem quadam testes lædit, prohibetq; acres exhalationes ne ad caput ferantur.

APPENDIX.

Spongiolæ ac fructus Cynorrhodi seu syluestris Rosæ mirificè ualent contra calculum, & urinæ difficultates, si leuigatæ in puluerem exhibeantur.

DE RAPHANO CAP. CCLV.

NOMINA.

Raphanus unde dictus.




Radix.


ΡΑΦΑΝΟΣ, ῥαφανίς Græcis: Raphanus, Radix, Radicula Latinis dicitur. Hæc autem generis sunt nomina, ideoq; errant non pauci nostræ ætatis medici & herbarij, qui Radiculæ nomen ad satiuū duntaxat Raphanum transferunt. Raphanus autem sibi nomen ἀπὸ τοῦ ῥα φανέω id est, quod facillè appareat, adsciuit: nam die tertio à satū profilit. Radicis uerò nomen sibi arrogauit, quod cæteras amplitudine corporis superet, uel quam paucissimis magnitudine cedat. Etenim plerunq; in tantam molem coalescit, ut frigidis locis quibus gaudet, sicut in Germania, Plinio lib. xix. cap. v. teste, infantium puerorum magnitudinē æquet. Et memini me stupendæ magnitudinis Raphanos Erfordię, Turingiæ celeberrimo oppido, uidisse. Aliud genus Raphani in Gallia q̃ longitudine germanicæ æquat, uerū nascitur alibi, uiribus tamen pollet. *p̃p̃ ut sinapi quodammodo uisum* GENERA.

RAPHANVS
SATIVVS.

Reich.



660



RAPHANVS
SYLVESTRIS.

Merretich.

G E N E R A.

A

Raphani Græci duo faciunt genera, satiui & syluestris. Satiuus officinis hodie peculiariter Raphanus minor dicitur, Germanicè *Rettich*, Syluestris Latinis *Armoracia* appellatur. Germani ad uocem Romanā alludentes, *Werrretich* & *Wren* nominant, Nostri hodie herbarij, sua potius quàm ueterum autoritate freti, Radicem simpliciter, generis nomine, uocant. Nonnulli Raphanū maiorem appellant, propter folia ipsa, quæ satiui folia magnitudine superant; aut quia acrimonia maiore, aut uiribus efficacioribus præditus est.

Raphanus minor.

Armoracia.

Raphanus maior

F O R M A.

Radix satiua caudice uno affurgit nonnunquā arboreo, radice ad Rapi similitudinē, folijs laciniatis, angulisq; horrida; floribus candidis, & semine in siliquis. Syluestris dicta Armoracia fronde copiosior quàm corpore, folia satiuae ferè similia habet, magis tamen ad Lampsanæ formā accedentia, longa & acuta; radicē gracilem, mollem, Sinapi instar acerrimā, adeò ut caput tentet, & lachrymas incitet.

Satiua radix.

Syluestris.

L O C V S.

Raphanus in hortis nascitur. Amat autem terram pinguem, Palladio lib. ix. cap. quinto teste, solutam & diu subactā. Syluestris etiam hodie in hortis habetur, sicq; translatus ad culta, edomita feritate mitescit meliorq; fit. Crescit aliàs circa margines itinerū, & loca arenosa, inq; pratis nonnunquā sua sponte copiose prouenit, ut fit in prato ad oppidum Tubingam sito, sacrificorū uocato.

T E M P V S.

Cum frigoris patientissimus sit Raphanus, non solum æstatē, uerum etiā hyeme colligi potest. Estq; illius usus quotidianus. Floret æstate.

T E M P E R A M E N T V M.

B Raphanis satiua excalefacit quidem ordine tertio, desiccatur uerò secundo. Syluestris autem in utroq; efficacior est. Quin & semen ipsum planta efficacius est.

V I R E S. E X D I O S C O R I D E.

Raphanus satiuius excalefacit, flatus gignit, ori suauis est, sed stomacho inimicus. Ructus & urinam cit. Bonam facit aluum. Si quis à cibo ipsum sumpserit, distributioni eius magis conferet. Præsumptus autem, cibum subleuat. Prodest ante cibum datus uomituris. Sensus exacuit. Decoctus contra ueterem tussim, & crassitiem in thorace natam prodest. Cortex eius cum oxymelite sumptus maiori efficacia uomitiones citat. Hydropicis utilis. Illitus lienosis etiam confert. Cum melle ea quæ serpendo pascunt sistit. Sugillata tollit. Contra uiperarum ictus auxiliatur. Alopecias pilis explet. Lentigines cum farina loliacea exterit. His qui à fungis strangulantur subuenit. Menses trahit. Semen eius uomitum proritat, urinamq; mouet. Cum aceto potum lienem extenuat. Coctum cum oxymelite calido angina laborantibus utiliter gargarizatur. Contra Ceraſtis morsum ex aceto potum auxilio est. Cum aceto illitum gangrænas efficaciter disrumpit scarificatur. Syluestris tam folia quàm radix olerum modo in cibo coquuntur. Excalefacit autem, urinam cit, æstuosus est.

E X G A L E N O.

Facultas inest Raphano discutiendi, itaque ad sugillata, & alios id genus liuores ob eam facultatem conducit. Radix eius ex eorum numero est quæ obsonij potius quàm nutrimenti nomine frequenter comeduntur. Vis illi extenuatoria, cum qua conspicuè unā excalefacit: acris enim in ea qualitas exuperat. Verno tempore caulem in altum affurgentem producere solet, ceu alia quæ nata sunt excaulescere. Hic elixus estur ex oleo, garo & aceto, ut Rapæ caulis, Sinapi & Lactucæ. Et sanè caulis hic magis quàm crudus Raphanus nutrit, ut qui acrimoniam in aqua deponat: quanquā minimam sanè & ipse alendi potestatem habeat. Quidam non solum cau-

kk lem, sed

Clem, sed unà Raphanos ipsos elixantes comedunt Raparū modo. Cæterum cum medicos, tum idiotas illos mirari subit, qui à cœna crudos eos concoctionis iuuanda gratia edunt. Ipsi quidem se experientia id abundè compertū habere dicūt, nullus tamen exemplum illorum sine damno imitari potuit. Hactenus Galenus, cuius equidem uerba eò libentius recitauimus, quod uulgi errorem Raphanos à cœna comedentis lepidè notare uideantur.

EX PLINIO.

Raphani decocti mane poti ad ternos cyathos, cōminuunt & eijciunt calculos. Idem in posca decocti, contra serpentū morsus illinuntur. Ad tussim etiam mane ieiunis prodest Raphanus cum melle. Semen eorum tostum, ipsumq; cōmanducatum ad lagonoponon: In aqua folijs eius decoctis, bibere uel succum ipsius cyathis binis. Contrà phlegmoni ipsos illinire tusos utile. Inchoantibus autem recentem corticē cum melle, ueternosis uerò quamacerrimos mandere. Semenq; tostū, dein contritū cum melle suspiriosis. Idem & contra uenena profunt. Cæterum cerastis, scorpionibus aduersatur, uel ipso semine infectis manibus impunè tractantibus. Imposito Raphano scorpionibus, moriuntur. Salutares & contra fungorū aut hyoscyami uenena equè, ut Nicander tradit. Et contra ixiam quoq; dari duo Apollodori iubent, sed Cicerius semen ex aqua tritum, Tarentinus succum. Lienem item extenuant, iecinori profunt & lumborum doloribus. Hydropicis quoque ex aceto & sinapi sumpti, & lethargicis. Praxagoras & iliosis dandos censet. Plistonius & colicis. Intestinorū ulcera sanant. At purulenta p̄cordiorū, si cum melle edantur. Quidam ad hæc coquere eos in luto illitos malunt, sic & fœcimas purgari. Ex aceto & melle sumpti intestinorū animalia detrahunt. Item ad tertias decoctio eorum poto cum uino enterocelis profunt. Sanguinem quoque inutilem sic extrahunt. **D** Medius ad hæc & sanguinē excreantibus coctos dari iubet. Et puerperis ad lactis copiam augendā. Hippocrates capillos mulierū defluos fricari Raphanis, & super umbilicum imponi, contra tormenta uulua. Reducunt & cicatricē ad colorem. Semen quoque ex aqua impositū sistit ulcera quæ phagedænas uocant. Democritus Venerem hoc cibo stimulari putat, ob id fortassis uoci nocere aliqui tradiderunt. Folia quæ in oblongis tantum nascuntur, excitare oculorum aciem dicuntur. Vbi uerò acrior Raphani medicina admota sit, Hyssopū dari protinus imperant. Hæc antipathia est. Et aurium grauitati succum Raphani instillant. Nam uomituris, summo cibo esse eos, utilissimū est, Syluestris urinæ duntaxat eijciendæ utilior.

DE RIBE CAP. CCLVI

NOMINA.

Ribes.




R AECIS cognitus fuerit nec ne frutex ille, nondum compertū habeo. Mauritanis & officinis hodie Ribes nominatur. Germanis **S. Johans treublin oder beerlin**/ quod scilicet circa diui Ioannis Baptistæ diem fructus eius fruticis ad maturitatem pertingant.

FORMA.

Frutex est nullis spinis horridus, sed topiarius magis, uitis pusillæ folijs, baccis rubentibus ex pediculis longis dependentibus refertus, ut pictura ipsa abundè docet. Vnde manifestum fit Mauritanorū Ribes à nostro diuersum esse, quod non uitis, sed lata potius, magna, rotunda & uiridia folia habeat. Quanquam non lateat Arabes etiam in Ribes descriptione non admodum concordēs esse.

LOCVS.



653

RIBES

S. Johans beerlin.

kk 2

C

LOCVS.

Pasim in hortis nascitur, ac eorundem puluinos & areas sepit.

TEMPVS.

Circa diui Ioannis Baptistæ natales ferias, & Iulio potissimū mense, baccis ac uis rubentibus frutex ille ornatur.

TEMPERAMENTVM.

Folia & fructus uehementer adstringunt. Mauritani frigidum & siccum faciunt in secundo ordine.

VIRESEXMAVRITANIS.

Baccæ acido sapore placent. Refrigerant æstuantē stomachū: sitim restinguunt, quæ cum alios, tum maximè febricitantes excruciat. Cibi fastidia discutunt, & appetentiam inuitant. Fœdam uentris proluuiem cohibent. Vomitiones sistunt, stomachum firmant. Alui profluuiū quod bilis attulit, retinent: erosiones & uellicationes eiusdem tollunt. Sanguinis feruorē demulcent, & bilis acrimoniā domant. Sepiasiarū succū eius fructus condiunt, ad anni totius usum, Rob de ribe appellantes.

DE RHODIA RADICE ▶ CAP ▶ CCLVII ▶

NOMINA.

Rhodiaradix
cur dicta.



ΡΟΔΙΑ ῥίζα græcè, Rhodia radix latinè nominatur. Officinis ignota, germanicè Rosenwurz uocatur. Rhodiam autem tam Græci quàm Latini dixerunt, quoniam contrita Rosas redolet. Quapropter Rosæ, quas Græci ῥόδρα nominant, non Rhodus insula, ut imperiti putant, huic ra-

di dici nomen fecerunt.

FORMA.

Radix rhodia Costo similis est, leuior tamen minorisq; ponderis, & inæqualis, odorem Rosarū cum teritur reddens. Reliqua eius facies Telephiū refert, nisi quod flore & semine carere uidetur, id quod Galenus etiā asserit, & in Corollario suo annotauit Hermolaus. Dioscorides etiam illorum nullam facit mentionem.

LOCVS.

Nascitur potissimū in Macedonia. Nunc in multis Germaniæ hortis plantatur.

TEMPVS.

Radix autumnō effodienda.

TEMPERAMENTVM.

Rhodia radix in calefaciendo secundi ordinis, aut certè tertij incipientis.

VIRESEXDIOSCORIDE.

Vtilis est capitis doloribus, si madefacta fronti & temporibus cum modico rosaceo imponitur.

EXGALENO.

Tenuium partium, & discutientis est facultatis.

DE SAMPVS.



63

RHODIA RADIX

Rosenwurtz.

kk 3

NOMINA.

Maiorana.

Duplex Amara-
cus.

AMVYXON, ἡ ἀμάρων Græcis: Maiorana, Amaracus Latinis: officinæ latinam appellationem retinuerunt, Germanis Maio-
ran / uel Meyran dicitur. Animaduertendū autem nos hic de
Amaraco ea loqui quæ iucundo placet odore. Duplex enim Græ-
cis Amaracus est. Vna quæ Dioscoridi alio nomiue Parthenium
dicitur, ingrato prorsus & uiroso odore prædita, meritoq; ea de
causa hodie Cotula foetida nominata. Altera de qua hic agimus, odorata, quam
Sampsuchon Græci priuatim nominant. Id, ne imperitis uox illa πολύσχηµα impo-
neret, monendum esse duximus.

FORMA.

Herba est Sampsuchum furculosa, per terram serpens: folijs hirsutis & rotun-
dis, Calaminthæ tenuifoliæ similibus, admodum odoratis. Hæc deliniatio adamus-
sim herbæ Maioranæ uulgò dictæ fauet: est enim furculis lentè rubentibus, folijs
pilosis, & rotundis, iucundo odore, semine copioso, quod bullulis quibusdam con-
tinet: flore candido & exiguo. Serpit etiam per terram: uerum id non ubiq; fit, inter-
dum enim rectà surgit in altum.

LOCVS.

Pæssim in hortis & fictilibus uasis prouenit. Gaudet autem locis umbrosis, aqua
& fimo.

TEMPVS.

Æstate dum floribus prægnans est carpitur.

TEMPERAMENTVM.

D Sampsuchum tenuium partium, & digerentis est facultatis: desiccatur enim & ca-
lescit ordine tertio.


VIRES. EX DIOSCORIDE.

Calefaciendi uim obtinet, & coronamenti apta. Decoctū eius potum, incipien-
ti aquæ inter cutē prodest, & ijs quos urinæ difficultas, & tormina discruciant. Ari-
da folia ex melle illita, sugillata tollunt. In pessa subdita menses ducunt. Cōtra scor-
pionis ictum ex sale & aceto illinuntur. Luxatis cerato excepta imponuntur. Simi-
liter & cedematis. Aduersus oculorum inflammationes cum polline polentæ illi-
nuntur. Miscuntur acopis & malagmatis calefaciendi gratia.

EX PLINIO.

Sampsuchum scorpionibus aduersatur ex aceto & sale illitum. Menstruis quo-
que multum confert impositum. Minor est eidem potio uis. Cohibet oculorum epi-
phoras cum polenta. Succus decocti tormina discutit. Vrinis & hydropicis utile.
Mouet & narium sternutamenta. Fit ex eo oleum quod Sampsuchinum uocatur,
aut Amaracinum, ad excalfaciendos emolliendosq; neruos. Vuluas calefa-
cit. Et folia sugillatis cum melle, & luxatis cum
cera profunt.

Oleum Amaraci-
num.



AMARACVS

Maiozan.

NOMINA.

*Spanachia cur
dicta.*



*Spinacia unde
uocata.*

Hispanicum olus

SPANACHIA Græcis recentioribus, Spinacia uel Spinaceum olus Latinis appellari potest. Arabicæ factionis principes Hispanach, hoc est, Hispanicum olus nominant. Germani *Spinet* / oder *Spinnat*. Spanachiam haud dubiè ab oleris raritate dixerunt Græci: rarò enim illo utebantur medici, quod cibo magis forsitan, quàm medicinæ nata esset, nec quicquam illustre sortita. Vel, quod etiam simile ueri est, ab alijs nationibus emendicato spinaceo nomine. Spinacia uulgò dicta est ab insigni seminis spiculatorum nota: etsi enim herba ipsa glabra & mollis sit, semen tamen in spinas occalescit. Hispanicum uerò olus nominauere, forsitan quod inde primum duxerit originē, ad cæteras tandem nationes translata.

FORMA.

Exit septem diebus à satū, folio primū triangulo, molli, mox intybi, plerunq; quā pediculo cohæret laciniato, inerti sapore, exigua radice, tenuibus capillamentis fibrata, caule cubitali, nonnunquā altiore, intus cauo: floribus in uertice rotundis, racematim coeuntibus, exiguis: semine spinulis horrido.

LOCVS.

Nullum solum respuit, sed ubicunque satum fuerit hic lætissimè prouenit.

TEMPVS.

Seritur Septembri mense, non horrens hyemis frigora, ut uerno tempore cibū suppeditare possit. Martio etiam mense seritur, Iunio autem & Iulio mensibus semen & flores profert.

TEMPERAMENTVM.

D Spinachia primi refrigerantium & humectantium ordinis est.

VIRES.


Aluum emollit. Melius Atriplice suppeditat alimentū, sed aluo parum hærens facile exigitur. Flatus colligit, & uomitiones concitat, nisi excrementitius humor abijciatur. Ventrem decoctæ ius proluuit. Stomacho inutile. Et cæteras ferè omnes Atriplicis uires sibi fertur arrogasse.

DE SANI-



SPANACHIA

Spinet.



SANICULA
FOEMINA.
Sanicle weible



SANICULA
M. S.

Sanicle menziesii.

C

NOMINA.

Diapensia.

Sanicula cur
dicta.

ERBA quam omnes hodie Saniculā uocant, à nullo, quod sciam, ueterum descripta est, sed à recentioribus inuenta, ut multæ aliæ uulnerariæ herbæ. Sunt autē qui Diapensiam nominent. Germanis Sanickel dicitur. Nomen Saniculam à sanandis uulneribus traxisse uulgò constat.

GENERA.

Duū est generū. Vna quæ propriè appellatur Sanicula, ideoq; marem, ut certius esse discrimen, appellauimus. Germanicè Sanickel memle. Altera ab omnibus ferè herbarijs pro specie Osteritij uulgò uocati habetur, sed falso, quando neq; in folijs, neque in radice ulla appareat acrimonia, sed perinde atque in mare Sanicula, amaritudo & adstrictio. Germanis errore etiā quodam die klein Weisserwurz nominatur. Nos eandem cum & forma & facultate ad ueram Saniculam, quam marem fecimus, proximè accederet, Saniculam foeminam nuncupauimus. Germanicè Sanickel weible.

FORMA.

Sanicula uera, atque adeo mas herba est folio uitis, atq; Apij, in quinque partes dissecto, rubentibus in fine sectionū maculis quibusdam: surculis quoq; rubris ad radicem, quæ multis ei capillamentis fibrata subest: capitulis in summis coliculis pusillis, herbacei coloris & subnigris. Foemina quod ad folia attinet priori similis, rubentibus tamen maculis caret, itemq; rubris ad radicem surculis, quod in ea hæc singula candida sint. Flores in summo candidos, ac subinde semen striatum & oblongum profert.

LOCVS.

Nascitur in syluis & umbrosis locis.

D

TEMPVS.

Carpenda cum suis capitulis Maio & Iunio mensibus.

TEMPERAMENTVM.

Non est simplicis nature, sed, ut indicio est gustus, adstringit simul & amara est, ut hoc nomine calefactoriam & exiccatoriam esse nulli dubium sit. Statuunt autem calidam & siccam ordine secundo.

VIRES.

Saniculæ herbæ succum uulneratis in potu mirificè conferre experientia compertum est. Tumores quoque reprimere decoctam herbam impositam, aut eius succum illitum tam in homine quàm in pecoribus constat. Neque enim aliud præsentius est auxilium, cum ad fauces uel pulmones uitium decubuit. Et in summa, omnia quæ Symphyton, præstat etiam Sanicula. Potissimū uerò sanguinis sputo, dysenteria, renumq; uitij medetur.

DE SONCHO.

NOMINA.



ο r x o z græcè, Sonchus, Cicerbita latinè dicitur. Sunt qui Lactucellā & Lacteronem appellent, quod scilicet caulis eius dissectus copioso diffuat lacte. Germanicè *Wosß/oder Genßdistel* uocatur. Sonchus autem sibi nomen uendicauit *ἐκ τοῦ ὠσίου χέου*, eò quod salubrem fundat succum, utpote qui sua sorbitione stomachi rosiones leniat, & lactis abundantiam nutritibus sumministret, genitalibusq; locis collectione laborantibus præsidio sit. Cicerbitę tamen uocabulū, quo omnis Hetruria adhuc utitur, recens esse adiectitiumq; & ex non multo tempore Dioscoridi accreuisse uidetur.

GENERA.

Sonchi duo sunt genera. Alterum syluestrius, aculeatius, & nigrius, quod *Genßdistel* germanicè uocatur. Alterū tenerius esculentumq; ac minus nigrum, Germanis *Wasenköhl* dicitur. Et Apuleio Lactuca leporina, quod cum leporē animus defecit æstu, hac sibi herba mederi soleat.

FORMA.

Cubitalis & angulosus Soncho caulis est, cauius & aliquando rubescens, & qui fractus copioso lacte manat. Folia habet per interualla in ambitu scissa. Florem luteum, qui, ut Senecionis, breui digestus abit in pappos, uanescitq; in lanugines.

LOCVS.

Vbiq; ferè in macerijis hortorum, potissimū autem in uineis Sonchus prouenit.

TEMPVS.

Floret Iunio & Iulio mensibus Sonchus uterq;.

TEMPERAMENTVM.

Temperamentū eius quodammodo mixtum est: constat enim ex aquea terreaq; essentia, utraq; leuiter frigida. Nam & adstrictionis cuiusdam est particeps. Et siue cataplasmati in morem imponatur, siue edatur, manifestè refrigerat. Postea uerò quā planè resiccatus fuerit, terrestre eius temperamentū redditur, modicam habens caliditatem.

VIRE. EX DIOSCORIDE.


Vis utrique Soncho refrigeratoria, modiceq; adstringens. Proinde stomacho æstuantī & inflammationibus illiti profunt. Succus eorum in sorbitione datus stomachi rosiones morsusue mitigat, & lactis abundantia efficit. In lana appositus, sedis ac uulue inflammationibus opitulatur. Tam herba quā radix illita scorpionum ictibus subuenit.

EX GALENO.

Sonchus ubi adoleuerit, ex spinosis plantis est. Cæterum uiridis etiamnū & tener estur perinde ut cætera olera syluestria.


EX PLINIO.

Albus qui è lacte nitor, utilis orthopnoicis Lactucarū modo. Erasistratus calculos per urinam pelli eo monstrat, & oris graueolentiam cōmanducato corrigi. Succus trium * cyathorū mensura in uino albo & oleo calefactus adiuuat partus, ita ut à potu ambulent grauidæ. Datur & in sorbitione. Ipse caulis decoctus facit lactis abundantia nutritibus, coloremq; meliorē infantū: utilissimus hys quę lac sibi coire sentiant. Instillat aures succus, calidusq; in stranguria bibitur, cyathi mensura: & in stomachi rosionibus cum semine Cucumeris, nucleisq; pineis. Illinit & sedis collectionibus. Bibitur cōtra serpentes scorpionesq; radix uerò illinitur. Eademq; decocta in oleo punici māli calyce, aurū morbis præsidium est. Hæc omnia ex albo. Cleompōrus nigro prohibet uesci, ut morbos faciente, de albo consentiens. Agathocles etiam contra sanguinem tauri demonstrat succo eius uti. Refrigeratoriā tamen uim esse cōuenit nigro, & hac causa imponendū cum polenta. Zeno radice albi stranguriā docet sanari.



SONCHUS
ASPERA.

Sensibil.



SONCHVS
NON ASPERA.

Glasneel.

C

NOMINA.




ΕΡΙΣ Græcis, Seris & Intubus Latinis uocatur. Reliqua quæ illi sunt nomina, in generum distinctione mox dicemus.

GENERA.

- Satiuus Intubus.** Intubum Latini in duo genera digesserunt, in satiuū & erraticum. Satiuū, qui non nisi cultu & humana diligentia prouenit. Erraticū uerò, qui suæ spontis & liber, sub nulla olitoris lege uagatur & errat, dixerunt. Satiuus Intubus, quem priuatim, Plinio lib. xx. cap. viij. teste, Serin nominarūt ueteres, in duas distrahitur species. Vna latiore folio constat, Lactucæ similior. Hæc corrupta ab Intybo uoce, in Hetruria passim Endiuia appellatur. Et debet in omnibus pro uera Endiuia usurpari officinis. Nam qua hodie sub hac uoce utuntur, non est uera Endiuia, sed Lactuca syluestris, ut suo diximus loco. Germanicè *Endiuien* uocari potest. Altera angustiora folia habet, & subamara est. Hæc diminutiuo à Seris nomine *Seriola* dicitur, quod deinde corrumpentes recentiores *Scariolam* fecerunt, germanicè *Scariol* appellari poterit. Erraticus iterum Intybus in duas species, Plinio loco antea citato auctore, degenerat. Vna, quæ Græcis ab insigni amaritudine *πικελς, ἢ λυχόειον* nominatur, Latinis autē *Ambubeia*. Vulgus herbariorū & officinæ *Cichoreā* uocant, Germani *Wegwarten*/quasi uiarum custodem, uel *Wegweiß*/quod peregrinis quasi uiam indicare uideatur. Altera, quæ latiore folio prodit, Plinio *Hedypnois* nominatur, haud dubiè non alia ratione, nisi quod suauiter dormire, somnumq; irrepere faciat. Vel, si paulò durior hæc uidetur interpretatio, quod flos eius præter alias *Serides* suauiter admodū spiret. Theophrasto libro septimo de plantarū historia, capite septimo, & Plinio lib. xxi. cap. xv. *Aphaca* alio nomine appellatur: diuersa tamen ab ea quam suprā descripsimus, & quæ aliàs *Vitia syluestris* dicitur. Vulgo *Dens leonis*. *Dens leonis*, quod folium sinuatim per lacinias denticulatū sit, & Rostrum porci. *Rostrum porci*, quod nominatur. Officinis nostris, quæ barbaris delectantur uocibus, *Taraxacon*, aut *Altaraxacon* dicitur, Germanis *Röhlraut*/ *Pfaffenrölin*/ *Pfassenblatt*.

FORMA.

- Satiuus Intubus.** Satiuus Intubus caulem edit magnum, rotundum, striatum, frequentibus furculis brachiātū. Germinat foliatu statim à radice uenoso. Flos illi in ramusculis cœruleus, & nonnunquam etiam candidus emicat. Prima autem eius species, ut diximus, folio latiore, altero angustiore constat. Erratici Intubi genus primum, quod **Cichorium.** *Cichorium* uocant, germinat à radice post *Vergilias*, folio *Betæ* laciniato, ferè semper in solo procumbente: caule magno, fistuloso, frangi cōtumace, multis ramulis brachiato, ad uinctum quoque lentis: flore cœruleo, interdum albo, particulatim usque in autumnū erumpente, qui nubilo etiam die solis exortu panditur, & cum eo circumagitur in occasum, noctu semper compressus, & interdiu hiscens. Hinc panditur rudissimus quorundā error, qui hanc herbā quam Germani *Wegwart* nominant, *Heliotropiū* esse cōtendunt, cum tamen primum folia repugnent, quæ non sunt *Ocimo* similia, neque candida, sed nigricantia magis. Deinde non candidum, sed magna ex parte cœruleū florem habet. Radix denique eius, ut *Heliotropij*, non inutilis, sed, experientia teste, mirè efficax. Quibus omnibus accedit manifesta cum alijs satiuis Intubis similitudo, quæ una satis docet Intubū esse syluestrē, & non *Heliotropiū*. Vt quorundam temeritatē non satis mirari queam, qui contra apertam ueritatem, & omnium medicorum cōsensum, secus pronunciare audent.
- Leonis dens.** Alterum, quod *Leonis dens* nominatur, folijs multis constat, utrinq; denticulatis, in terra sessilibus, cauliculis dodrantalibus, concauis, leuibus & enodibus, flore luteo, sti-




INTYBVM SATIVVM
LATIFOLIUM.

Endivier.




INTYBVM SATIVVM
ANGUSTIFOLIVM.

Scariol.



INTVBVM SYL-
VESTRE.

Wegwart.



HEDYPNOIS

Röhlkraut.

A teo, stipantibus in circulum foliolis coronato, qui senescens euanescit in lanuginē, quæ cum aura raptim fertur.

LOCVS.

Satius non prouenit nisi in hortis cultu & diligentia humana: haud tamen difficulter ubi satus fuerit, emergit. Erratici prima species passim iuxta itinera nascit̃. Altera in hortis, & passim ferè etiam sponte sua gignitur.

TEMPVS.

Satius Iunio & Iulio mensibus floret. Cichoriū eodem ferè tempore incipit florere, & in autumnum usque durat. Hedypnoidis in Martio erumpunt flores, & in æstatem usque perdurant.

TEMPERAMENTVM.

Seris olus est subamarū, & magis quod syluestre est, quod ob id ipsum Picrida quidam nuncupant, quidam uerò Cichorium appellant. Est autem ea sicca frigidaq̃ temperaturæ, utrunq̃ secundo abscessu. Porro domestica magis etiam quàm syluestris refrigerat. Sed & humiditatis multæ admistio siccitatem extinguit. Vtraque autem adstringentis qualitatis particeps est.

VIRE. EX DIOSCORIDE.

Omnes adstringunt & refrigerant, & stomachū adiuuant. Aluum sistunt cocti, si cum aceto assumantur. Syluestres autem stomacho meliores. Comesti imbecillū & æstuantem leniunt. Cardiacis per se, aut cum polenta utiliter illinuntur. Podagricis & oculorū inflammationibus succurrunt. Herba & radix illita, percussis à scorpione subuenit. Ignibus sacris cum polenta medetur. Succus eorum cum cerusa & aceto utiliter ijs quæ refrigerationem desiderant inungitur.

EX PLINIO.

B Intubi quoq̃ nō extra remedia sunt. Succus eorum cum rosaceo & aceto capitis dolores lenit. Idemq̃ cum uino potus, iecinoribus & uesicæ & epiphoris imponit̃. Cichoriū refrigerat. In cibo sumptum & illitum collectiones, succusq̃ decocti uentrem soluit. Iecinori & renibus, & stomacho prodest. Item si in aceto decoquatur, urinæ tormina discutit. Item morbum regium è mulso, si sine febre sit. Vesicam adiuuat. Mulierum purgationibus quidem decoctū in aqua adeò prodest, ut emortuos partus trahat. Adijciunt magi, succo totius cum oleo peruncios fauorabiliores fieri, & quæ uelint facilius impetrare. Hedypnois stomachum dissolutū adstringit cocta: crudaq̃ sistit aluum. Et dysentericis prodest magis cum lente. Rupta & conuulsa utroque genere iuuantur. Item quibus genitura ualetudinis morbo effluat. Seris utraq̃ stomacho utilissima, præcipuè quem humor uexat. Cum aceto in cibo refrigerant uel illitæ, discutiuntq̃ & alios quàm stomachi. Cum polenta syluestrium radices stomachi causa sorbentur, & cardiacis illinuntur super sinistra mammam ex aceto. Omnes hæ & podagricis utiles, & sanguinē reiicientibus. Item quibus genitura fluit, alterno dierum potu.

*Hedypnoidis fam
cultares.*

EX SYMEONE SETHI.


Stomacho bonum est Intubum, si cum aceto quis eo utatur. Postquam decoctū est, aluum sistit. Obstructiones auferendi uim habet, ut nullum aliud olus. Sanguinis feruorem sedat, & inflammationes iecoris discutit, & ictericos iuuat. Iecur proprietate quadā corroborat. Mediocriter somnū inducit. Tradunt quidā post uenæ sectionē, aut cucurbitas, si quis cum aceto utatur, iecinoris sanitatē conseruare. Veneris appetentiā extinguit, & semen genitale in ijs qui frigidam habent temperaturam, minuit. Vtile est ad sanguinis excreationē. Huius etiam decoctum iecinori admodum utile. Semen febres ex flaua bile ortas iuuat; at lienī nocet.



PASTINACA SATI
VA PRIMA.

Jam Pasteney.

ASTINACA SATI
VA ALTERA.
Seelrüben





PASTINACA ER
RATICA.

Wilde Pasteney.

A

NOMINA.



ΤΑΦΥΛΙΝΟΣ græcè, Pastinaca latinè dicitur, Germanicè Pastiney / oder Pastnachten. Pastinacæ uerò nomen à pascendo dictum uidetur: *Pastinaca unde dicta.* natura enim ei calens, sapor uehemens, alit corpus, & Venerem cit.

GENERA.

Duplex Pastinacæ genus. Vna enim satiuæ est, quæ iterum duorum est generū. Vnum genus quod uulgò Carota dicitur, Germanicè zam Pastiney / & rot Rûben. Alterū, quod quidam inter Rapa connumerant. Hinc est quod Germani geel Rûben uocant, Syluestris altera, quæ propriè Staphylinus Græcis nominatur, germanicè autem wild Pastiney / oder Vogelneß.

FORMA.

Folia Gingidij habet Pastinaca syluestris, latiora tamen & subamara. Caulem rectum, asperumq̃, umbellam Anetho similē obtinentē, in qua flores candidi, exiguum quiddam purpurei in medio habentes, & ferè ad crocē accedentis. Radix digiti crassitudine, dodrantalis, odorata, quæ cocta mandit̃. Hortenses syluestribus per omnia similes sunt, nisi quod flores in medio purpureū quiddam non habeant, & radix unius in suprema sui parte purpurea sit, alterius autē magis lutea.

LOCVS.

Pasim circa itinera, loca petrosa, & hortorū maceries sua sponte proueniunt erraticæ. Satiuæ in hortis nascuntur.

TEMPVS.

Iulio & Augusto mensibus flores & semina Dauco similia producit utraq̃.

TEMPERAMENTVM.

Calefacit & abstergit utraq̃, magis tamen syluestris.

VIRE. EX DIOSCORIDE.

B

Erraticæ semen potum aut appositū menses ducit. Vrinæ difficultatibus, hydro picis, & pleuriticis in potu confert. Contra uenenatorum morsus & ictus utile. Ferunt non lædi à uenenatis qui id præsumperint. Cōceptus adiuuat. Radix ipsa urinam cit, & Venerem stimulat. Fœtus ex utero pellit apposita. Folia trita cum melle imposita ulcera depascentia expurgant. Hortensis Pastinaca cibo aptior est, Ad eadem, sed minori efficacia, prodest.

EX GALENO.


Pastinaca satiuæ imbecillior, syluestris ad omnia potentior. Vrinas mouet, & menses prouocat cum herba quidem tota, tum maximè semen & radix. Habet porro etiam absterforium in se quippiam: quamobrem pascentia ulcera quidam folijs eius cum melle, quò pura reddant, illinunt.

EX PLINIO.

Pastinacæ erraticæ semen contritum, & in uino potum, tumentē aluum, & suffocationes mulierū doloresq̃ lenit in tantum ut uulvas corrigat. Illitum quoq̃ è passō uentri earū prodest. Viris uerò cum panis portione æqua tritum. Ex uino potum contra uentris dolores. Pellit & urinā, & phagedenas ulcerū sistit recens cum melle impositū. Vel aridæ faring inspersam radicē eius Dieuches cōtra iecinoris & lienis, ilium, lumborū & renū uitia, ex aqua mulsā dari iubet. Cleophrantus & dysentericis ueteribus. Philistion in lacte coquit, & ad stranguriā dat radicis uncias quatuor. Ex aqua hydropicis, similiter & opisthotonicis, & pleuriticis, & comitialib. Habentes eam feriri à serpentibus negantur, aut qui antè gustauerint, non lædi. Percussis imponit cum axungia. Folia contra cruditates mandunt. Orpheus amatorū inesse Staphylino dixit, fortassis quoniā Venerem stimulari hoc cibo certum est: ideo cōceptus adiuuare aliqui prodiderūt. Ad reliqua & satiuæ pollet, efficacior tamen syluestris. Semen satiuæ quoq̃ contra scorpionū ictus, ex uino aut posca salutare est. Radice eius circumscaipti dentes, dolore liberantur.

mm

DE STRYCHNO.



SOLANVM
HORTENSE.


Nachtschatt.




687.

HALICACABVM
VVLGARE.
Judendoeffer.

mm 32




HALICACABVM
PEREGRINVM.
Welsh Schlutten.



SOLANVM
SOMNIFERV.

Dollkraut.

mm 3



STRAMONIA.

Rauch öpfelkraut.

NOMINA.



ΤΡΥΧΝΟΣ græcè, Galeno per unius literæ abiectionem τρυχνο, Solanum latinè, officinis Solatrum, uulgo Cuculus, Vua lupina, Vua uulpis, Morellaq; dicitur. Germanicè Nachtschatt.

Solatrum.

Morella.

GENERA.

Quatuor, Dioscoride & Galeno autoribus, Solani sunt genera. Primū hortense dicitur, quod scilicet olim in hortis cum alijs oleribus quæ edendo sunt, seminabatur, Hodie sua sponte, & inuitis cultoribus prouenit. Nigrum alio nomine, à nigris nimirum folijs, aut in extrema maturitate fructu nigro, appellatur. Germanis simpliciter Nachtschatt uocatur. Secundum, quod priuatim Halicacabum nominatur. Vesicariā quoq; uocant à folliculis quos producit, uesicarum in animantibus speciem imitantibus, uel quod uesicæ caclulis medeatur. Officinæ Arabes secute, corrupto Halicacabi nomine, Alkakengi appellant. Germani nostri Judenhutlin/oder Doeklin/ Judentirschen/ Schlutten/ Boberellen/ Rot Nachtschatten. Est præterea alia Halicacabi species nuperrimè inuenta, & aliunde in Germaniam allata, cuius nemo antiquorum scriptorum, quod sciam, mentionem fecit. Nos discriminis gratia Halicacabū peregrinū nominauimus. Germanicè welsch Schlutten non ineptè nuncupauimus. Tertium Solanum somnificū, ab effectu scilicet nominant. Sunt qui Solatrum dormitoriū uel marinum dicant, quod rupibus non longè à mari inueniatur. Quartum Græcis μανιον, hoc est, furiosum nominatur, officinis Solatrum mortale.

Solanum hortense.

Halicacabum.
Vesicaria.

Alkakengi.

Solanum somnificum.

Solanum furiosum.

FORMA.

Solanū hortense frutex est esculentus, exilis, alas multas habens, folia nigra Ocio maiora & latiora, fructum rotundū, uiridem, cum autem maturuerit nigrum, aut rufum. Flos huic candicat. Halicacabū folijs priori simile, latioribus tamen. Caules eius postquam increuerunt in terram inclinant. Fructum fert in folliculis rotundis uesicis similibus, rufum, rotundum, leuem, uuarum acinis similem, quo coronarij utuntur texentes coronas. Peregrinum planta est pergulis operiendis aptissima: latissimè enim suis clauiculis sese diffundit. Folia habet oblonga, & lacinata. Flores candidos, uesiculas Halicacabo similes, in quibus semen includitur pisitis aut ciceribus simile, in cuius medio effigies ueluti cordis humani insculpta & incisa apparet. Somnificum frutex est ramos habens multos, densos & lignosos, difficile fragiles, folijs pinguibus refertos, mæli cotonei similitudine, florem rubrū, grandem. Semen in siliquis croceum. Radicem corticem habentem subrubrum, grandem. Furiosum folium obtinet Erucae simile, maius tamen, satis ad spinam quam Pæderota uocant accedens. Caules à radice proceros decem aut duodecim emittit, ulnarū cubitorū uel quatuor altitudine, capitulum effigie oliuæ insidens, sed hirsutum ut Platani pilulæ, maius tamen & latius. Florem nigrum, post hunc fructum racemosum, rotundum, nigrum, denis aut duodenis acinis constantem, Hederæ corymbis similibus, mollibus ut uuæ. Radicē candidam, crassam, cauam, cubitalem. Cæterum plantatur nunc in hortis Germaniæ herba Italica uocata Stramonium, & pomum spinosum, quam nonnulli inter Solani species numerant, non quod descriptioni respondeat, sed quod eius folia opij odorem referre uideantur. Quare ut alijs occasionem daremus cogitandi de hac planta, hoc loco eius picturam inferere placuit. Flores huius herbæ suauem Lilijs spirant odorem. Videtur uiribus parum à posterioribus generibus Solani distare. Germanicè à pomis appellare libuit, stehend oder rauch opffeltraut.

Hortense.

Halicacabum.

Somnificum.

Furiosum.

C

LOCVS.

Hortense passim in opacis locis, & semitis obuiū est. Nascitur & in hortis. Halicacabum in uineis copiosissimè prouenit. Somnificū in saxosis nec procul à mari locis producitur. Furiosum in montanis, ac uento perflatis locis, & ubi Platani nascuntur.

TEMPVS.

Hortense tota ferè æstate floret, autumnno autem fructus eius maturescit. Halicacabum uescas illas suas in fine Augusti, & inter initia Septembris mensis colore primum uiridi, mox paulatim rubescente profert.

TEMPERAMENTVM.

Hortense refrigerat & adstringit in secundo ordine, medium autem absolutè in humectando & exiccando, Galeno lib. v. simpl. cap. ix. teste. Idem faciunt Halicacabi folia. Somnificum tertij est refrigerantiū ordinis. Manici seu furiosi cortex radicis refrigerat secundo ordine incipiente, & desiccat in secundo iam completo, & tertio incipiente.

VIRES. EX DIOSCORIDE.

Hortense refrigerandi facultatē obtinet, quapropter folia ignibus sacris, herpetibus cum farina polentæ illita profunt. Per se autem trita & imposita ægilopas, capitiscq; dolores sanant. Stomacho æstuantia auxiliantur. Parotidas cum sale trita & illita discutunt. Succus eius ualet aduersus ignes sacros, & herpetas, cum cerusa, rosaceo & lithargyro. Ad ægilopas uerò cum pane. Infantium quoq; ardori, quem syriasin uocant Græci, cum rosaceo perfusus proficit. Miscetur collyrijs pro aqua aut ouo contra acres fluxiones ad inunctiones. Aurium dolori instillatus prodest. Muliebria profluua in lana appositus sistit. Succus fuluo gallinarum in domibus oberd rantium fimo subactus & linteo appositus ægilopis remedio est. Halicacabum uim usumq; hortensis Solani habet, uerum non comeditur. Fructus eius potus, eò quod urinā mouet, regium morbum expurgat. Vtrorumq; herba exprimitur, & succus siccatus in umbra reponitur, ad eadem utilis. Somnifici radicis cortex in uino drachmæ pondere potus somnificam facultatē obtinet Papaueris succo mitiorem. Fructus uehementer urinam cit. Corymbi eius ferè duodecim hydropicis dantur. Plures autem poti ecstasin faciunt. Remedio est aqua mulsa copiosa potui data. Succus eius medicamentis dolorem leuantibus & pastillis miscetur. In uino decoctus & in ore retentus dentiū doloribus succurrit. Radicis succus cum melle inunctus oculorū hebetudines tollit. Furiosi radix in uino drachmæ unius pondere pota non illepidas neq; iniucundas imagines speciēsue efficit. Duarū uerò drachmarum pondere pota, ad tres usq; dies ecstasin affert. Quatuor autē drachmæ haustæ interimunt. Remedio est aqua mulsa maiore copia pota, & uomitione reiecta.

EX GALENO.

Solanum esculentū quod in hortis nascitur, notū est omnibus, utunturq; illo ad omnia ea quæ refrigerari & adstringi postulant. Cæterorū uerò non esculentorum unum quidem nuncupatur Halicacabum, fructum habens rufum, acino uuæ tum figura, tum magnitudine adsimilem, quo etiam ad coronas utuntur. Alterū autem fruticosum, quod somnificū, & tertium quod furiosum dicitur. Halicacabum igitur in foliorū facultate hortensi simile est, fructum habens ciendæ urinæ idoneum: proinde multis compositis facultatibus quæ ad iecur, ad uescam & renes accommodantur, miscetur. Solani uerò somnifici cortex radicis si cum uino bibatur, somnū accersit drachmæ pondere sumptus. Sed & ad cætera Papaueris succo persimilis est, nisi quod eousq; imbecillior est, ut ipse tertij habeatur ordinis refrigerantiū, quum hic in quarto sit constitutus. Huius semen urinā mouendi facultatem habet. Si autem plus

Atem plus duodecim corymbis hauseris, dementiā furiāque adsciscet. Porro quod reliquum est ex dictis Solanis, ad medicationes quę intrō in corpus adhibentur, inutile est. Nam si quatuor eius drachmę sumantur, mortem inferent: si pauciores, insaniam. Vna certē innoxie offertur, cæterū nec ipsa utile quid obtinet. Verum si foris corpori illinatur, ulcera maligna & depascentia curat, Sed ad talia radicis cortex optimus est.

EX PLINIO.

Strychno, quam quidam Trychnon scripsere, utinam nec coronarij in Ægypto uterentur, quos inuitat Hederae florū similitudo, in duobus eius generibus. Quorum alterum cui acini coccinei, granosi folliculi, Halicacabū uocant. Nostri autem uesicariam, quoniam uesicę & calculis prodest. Frutex est furculosus uerius quā *vesicarias* herba, folliculis magnis latisq; & turbinatis, grandi intus acino, qui maturescit Nouembri mense. Tertio folia sunt Ocimi, minimē diligenter demonstranda. Remedia enim, non uenena tractamus: quippe insaniam facit paruo quoq; succo. Quamquam & Græci autores in iocum uertēre. Drachmę enim pondere lusum pudoris gigni dixerunt, species uanas imaginesq; conspicuas obuersari demonstrantes. Duplicatum hunc modum, legitimā insaniam facere. Quicquid uerō adijciatur pondere, repræsentari mortem. Hoc est uenenum quod innocentissimi autores simpliciter Dorycnion appellauere, ab eo quod cuspides in prælijs tingerentur illo passim nascente. Quin & alterum genus soporiferum est, atq; etiam opio uelocius ad mortem. Laudatum uerō à Diode & Euenore: quippe præsentaneum remedium ad dentes mobiles firmandos, si colluerentur: huic tamen exceptionem addidere, ne diutius id fieret: delirationem enim gigni eo. Cōmendatur & in cibis tertium genus, licet præferatur hortensis saporibus. Et nihil esse corporis malorum, cui non salutare sit Strychnos, Xenocrates prædicat. Somnifici radicem bibunt qui sunt uaticinandi callentes, quod furere ad confirmandas superstitiones aspici se uolunt. Remedio est (id enim libentius retulerim) aqua copiosa mulsa calida potui data. Nec illud præteribo, aspidum naturæ Solanū somnificum in tantum aduersum, ut radice eius propius admota soporentur, illud sopore enecante uim earum. Ergo trita ex oleo percussis auxiliatur.

APPENDIX.

Quod nos somnificum esse dicimus Solanum, aliqui hortense non sine maximo errore esse putant, plurimumq; suis conferre, ac easdem à letalibus morbis præseruare asserunt. Nos tamen non laboramus magnopere quomodo suis succurrat, sed quid in homine possit magis consideramus, quum constet pleraque alijs animantibus esse cibum, quæ homini uenenum sunt. Experientia uerō cognitum est, geminos pueros statim ex esu acinorum huius generis Solani mortuos esse. Quod sanè exemplum nos mouet ut somniferum esse credamus, potissimū cum in uniuersum ferē illi descriptio quadret, uno hoc dempto, quod semen non habet in siliquis croceum. Sunt autem notæ quædam in hortensis etiam deliniatione quę illi non conueniunt. Neque enim exilis est frutex, sed propemodum arborescens: neque etiam florem candidum, sed spadiceum obtinet. Quod uerō ad flores & fructum attinet, uidetur accedere ad historiā Solani furiosi, ut suspicio ferē sit duorum horum generum historias esse confusas: quam quidem augeat Theophrastus, qui in eorundē descriptione nonnihil à Dioscoride uariat. Quicquid uerō sit, certum est Solani esse speciem, quod forma ipsa foliorū abundē docet: atq; huic uehementē refrigerandi uim, maximē si paulō copiosius sumat, inesse, ut hoc nomine pro somnifero Solano eius usus medicis nullo periculo esse queat. Nos uulgi sententiā sequuti, appellauimus *Dollkraut*. Posset etiam germanicē uocari *Schlaff Nachtschatt*. Sunt qui *Sewkraut* nominant. Quod si tamē hæc nonnullis haud satisfecerint, certē necesse erit *Mandragoræ* speciem esse fateantur tertiā, quam pingit Theophrastus lib.

C fructus lib. vi. de hist. plant. cap. ij. ijs uerbis : ἡ δὲ οὐ κατὰ τὸ μανδραγόρε τῷ μέλει τε καὶ ῥα
 γώδῃ τε καὶ οἰνώδῃ ἐστὶν τῷ χυμῷ, hoc est, fructus Mandragoræ peculiaris, quia niger, aci-
 nosusq; & uinosus suo sapore sentitur. Hæ enim omnes notæ in fructu huius fruti-
 cis reperiuntur. Sed plura eade re in capite de Mandragora diximus.

DE SYMPHYTO MAGNO▷ CAP▷ CCLXV▷

NOMINA.

*Symphytum cur-
diatum.*



ΥΜΦΥΤΟΝ, ἡ συνφυττὴ μέγα Græcis, Symphytū & Solidago Latinis, officinis & herbarijs Consolida maior, Germanis Walwurg/Schwarz wurg/Schmerwurg/grosse beynwell. Nomen illi apud Græcos Latinosq; egregia constringendi & conglutinandi uis fecit.

FORM A.

Caulem emittit binum cubitorum, aut maiorem, leuem, crassum, angulosum, Sonchi modo inanem, circa quem folia sunt non magnis interuallis distantia, hirsuta, angusta, oblonga, ad Buglossi foliorum figuram accedentia. Habet caulis secundum angulos eminentias quasdam productas. Folium tenue ex singulis alis pro-
dit. Flores lutei, & semen Verbasci. Totus uero caulis & folia quandam lanuginem modice asperam, tactu pruritu mouentem, habent. Radices in superficie extrahuntur nigrae, intus candidae & glutinosae, quarum est usus. Haec siquidem delinatio ad-
mulsim huic herbae quae uulgo Consolida maior appellatur, competere uidetur, quod nulla prorsus sit nota quae illi non quadret. Sed obtrudet quispiam, florum co-
lorem non respondere, quem Dioscorides luteum esse dicit, quum in nostra Con-
solida alius sit. Cui ita responsum uolo. Coloris ista in floribus diuersitas non tan-
ti momenti est, ut aliud à Consolida maiori Symphyton esse, conuincere possit: ne-
que enim ubique terrarum, etiam earundem herbarum, flores similes sunt. Exem-
plo est Buglossum, quod Boraginem hodie officinae uocant: hoc enim interdum al-
bos, quos nos Norimbergae & Culmachij saepe uidimus: magna autem ex parte pur-
pureos producit flores. Sic quoque Symphytum frequenter flore subrubro, uel le-
niter purpurascente, ut Onoltzbachij, rarius candido conspicitur. Tubingae tamen
omnia flore albo uisuntur. Luteis floribus nullum in Germania uidisse me memi-
ni. Quod autem alios quam luteos nonnunquam proferat flores Symphytum, sa-
tis docet Apuleius in commentariolo illo quem de herbis conscripsit, qui illius flores
nigros esse tradit, subrubros aut subpurpureos haud dubie innuens. Nos una pi-
ctura utrosque flores exhibemus. Germani candidis floribus Symphytum foeminam,
subrubris uero marem appellant. Ceterum non est quod in Symphyti descri-
ptione te perturbet aut remoretur, quod idem caulis simul leuis & angulosus di-
citur: id enim sic intelligendum uenit, quod caulis non perpetuo leuis aut angulosus
sit, sed modo hunc, modo illum producat pro soli diuersitate.

LOCVS.

Locis aquosis, palustribusq̃ abundè prouenit.

TEMPVS.


Per integram æstatem floret. Radix tamen in autumnno carpenda uenit.

TEMPERAMENTVM.

Modicè, ordine scilicet secundo, calefacit, exiccat & contrahit.

VIRES. EX DIOSCORID'E.

Radices tritæ & potæ cruenta expuentibus, ruptisq; profunt. Recentia uulnera illitæ glutinant, Carnes si unâ coquantur cogunt, Inflammationibus, sedis potissimum, cum Senecionis folijs utiliter illinuntur,



MPHYTVM
MAGNUM.

Walwurtz.

C

EX GALENO.

Symphytū magnum similem petræo facultatem habet, non tamen gustantibus dulce, neq; odorantibus odoratum apparet, sed ijs sanè ab illo diuersum est. Cæterum quatenus uiscositatē quandam & mordacitatē obtinet, Scillæ simile est. Vti-
tor eo ad omnia quæ petræo. Potest autem petræum collectū in thorace, pulmo-
neq; pus expurgare. Habet etiam contrahendi uim, qua sanguinis eiectionibus au-
xiliatur. Enterocelijs imponitur, & ad conuulsa & rupta cum oxymelite bibitur.
In uino decoctum ad dysenteriam, & profluuium muliebri rubrum constringen-
dum exhibetur.

EX PLINIO.

Symphyti radix illita, enterocelas cohibet. Vulneribus sanandis tanta præstan-
tia est, ut carnes quoq; cum coquuntur, conglutinet addita, unde & Græci nomen
imposuere. Ossibus quoque fractis medetur.

SYMPHYTI PETRAEI VIRES.

Quum Dioscorides & Galenus ad Symphyti facultates lectorem in Symphyti
magni historia ablegent remittantq; necesse est ut illas ordine cōnumeremus mo-
re quidem nostro primum ex Dioscoride, deinde ex Galeno & Plinio.

EX DIOSCORIDE.

Decoctum in aqua mulsa & potum Symphytū petræum, quæ in pulmone sunt
expurgat. Sanguinē reiicientibus & renum doloribus cum aqua datur. Ad dysen-
teriam & rubra sceminarum profluvia in uino decoctum bibitur. Ad conuulsa &
rupta ex aceto mulso sumitur. Cōmanducatum sitim arcet. Gutturis asperitatibus
prodest. Recentia uulnera glutinat, & intestinorū ramices illitum coërcet. Carnes
D cum unā coquitur conglutinat.


EX GALENO.

Symphytū petræū ex contrarijs constat facultatibus: habet enim incidendi uim
quampiā, qua collectū in thorace & pulmone pus expurgare potest. Habet etiam
quandam contrahendi facultatem, qua eiectionibus sanguinis auxiliatur: & tertia
ad eas inest humiditas quædam non immodicè calida, per quam gustantibus dulce
apparet, & odoratu iucundum. Mansum sitim extinguit, & arteriæ asperitates sa-
nat. Porrò secundum omnium dictarū uirium mistionē simul digerere abundè po-
test, simulq; corpora contrahere & constringere. Proinde enterocelijs imponitur,
& ad conuulsa & rupta cum oxymelite bibitur. Cæterum qui ipsum in uino deco-
ctum ad dysenteriam, & rubrum muliebri profluuium exhibent, tanquam desic-
cante & contrahente utuntur. Qui uerò ad nephritin renūmue dolorem, tanquam
expurgante & incidente,

EX PLINIO.

Vtilissimū lateribus, lienibus, renibus, torminibus pectoris, pulmonibus, san-
guinem reiicientibus, faucibus asperis. Bibitur radix trita, & in uino decocta, & ali-
quando superlinitur. Quin & cōmanducata sitim sedat, præcipueq; pulmonem re-
frigerat. Luxatis quoque imponitur & cōuulsis, lienī, interaneis. Aluum sistit coa-
cta in cineres. Detractis quoq; folliculis trita cum piperis nouem granis, & ex aqua
pota, Vulneribus sanandis tanta præstantia est, ut carnes quoque cum co-
quuntur, conglutinet addita, unde & Græci nomen
imposuerunt. Ossibus quoq; fra-
ctis medetur.

DE SICX




CUCUMIS SATIVUS
VULGARIS.

Cucumern.

CUCUMIS TUR-
CICUS.

Türkisch Cucumer.






CUCUMER
MARINVS.

Beer Cucumber.


700



CUCUMER
CITRULLUS.
Citrullen.

PEPO
Pfeben.

nn 3



C

NOMINA.

Cucumer unde dictus.



Sicys.

Adagium.

Textrices magna ex parte impudicæ.

ΙΚΥΣ, καὶ σίκυς ἡμῶν Græcis, Cucumis & Cucumer Latinis dicitur. Officinæ latinam appellationē retinuerunt. Aëtius Anguriū etiam uocari tradit. Germani Cucumern uocant. Cucumer autem, ut Varroni placet, dicitur à curuore, quasi Curuimer. Sicyn uerò Græci ex aduerso nasse uidentur. Hinc celebratum Græcis prouerbiū est, ut ex Athenæo annotauit Hermolaus: Texens pallium mulier cucumerē deuoret. quòd textrices magna ex parte, si Aristoteli credimus, impudicæ sint, & opportunæ Veneri. Vt ergo hīs impetus infrenet & elanguescat, adagiū edendos cucumeres textricibus consulebat.

GENERA.

Pepones.
Melo-pepones.

Melones cur dicti.

Cucumis.

Anguria.

Citreoli aut Citruli.

Pepon.

Melon.

Cucumis.

Cucumerū genera sunt Pepones & Melo-pepones, in quos statim degenerant, figura tantum & quantitate inter se dissidentes. Siquidem qui magnitudine excedunt, aut in longitudinē procedunt, quales multis locis nascuntur, Pepones quondam uocati fuerunt. Sed qui formam & effigiē māli referunt, & humi rotundantur, Melo-pepones Græcis uocantur, factō ex Pepone & mālo nomine: neq; inter Pepones & Melo-pepones aliud quā quod sumitur ex figura quondam, ut diximus, discrimen fuit. Totum hoc genus Palladius Melones, quasi μίλωνας, id est, pomeos, à mālorum figura appellauit, quo nomine maior pars hodie medicorū simul cum officinis utitur. Sunt itaq; in uniuersum tria Cucumerū satiuorum genera. Primum genus absolutē Cucumis, à nostræ ætatis herbarijs, cum adiectione Cucumis citrinus, hoc est, flauus, à colore quem habet cum maturuerit, appellatur. Aëtius, quod equidem sciam, primus Anguria uocari tradit, quæ ueteribus σίκυα, id est, Cucumeres nominantur. Horum sanè plura sunt genera, nos quatuor potiora commemorabimus, quorū etiā picturas exhibemus. Primi generis est uulgaris Cucumer, fructū obtinēs oblongū & maculosum, germanicè uocat gemeyn Cucumern. Sunt qui illum priuatim Anguriā appellent. Ad quod sanè nomen alludentes Germani nostri, alio nomine Gurken nominant. Alterius generis Cucumer est peregrinus, quem uulgus Turcicū nuncupat, priori multò maior ac procerior folijs, floribus & fructu, qui ut in primo nō est maculosus, sed tamen oblongus etiā. Germani Türckisch Cucumern appellant. Fructus eius admodū flauus existit, hinc est quod multi eundē priuatim Citrulum & Citreolū, quasi citrinū, hoc est, flauū uocent. Huius semina alba & lata sunt. Tertiij generis Cucumer est qui marinus dicitur, Turcico, quod ad folia, flores & semina attinet, ferè similis, nisi quod in hoc omnia sint minora. Fructus uerò rotundus, ut pictura monstrat. Vulgus Zucco marinus uocat. Germani meer Cucumer. Officinis perinde atq; Turcicus ignotus. Quarti generis Cucumer est, quem officinæ hodie Citrulū uocant. Folia habet ferè Colocynthis, multifariā dissecta & incisa: fructū rotundū, herbacei coloris, & in eo semina lata, & colore spadicea, hoc est, in rufo atra. Nos officinas respicientes nominauimus hunc Cucumerē citrulū, germanicè Citrullen. Alterū genus Cucumeris est, qui nunc simpliciter Pepon, καὶ πεπαινδαί, hoc est, maturelcere dicit. Is enim mitis ac tener maturitate flaccescit. Germani Pseben appellant. Tertiū genus Cucumeris hodie Melon ab omnibus uocatur, Germani Meloun nominant. A priorē forma & suauitate differt: rotundior siquidē & māli cotonei quasi formā referēs, mitiorq; existit. Discrimen hoc sentientes posteriores Græci σίκω simpliciter dixerunt, quem nos priuatim modo Cucumerē uocamus. Adiecta autem Peponis uoce, hunc quem nostra ætas priuatim Peponē nominat, σίκω πέπων, id est, Cucumerē Peponē dixerunt, mitē scilicet & maturitate tenerū Cucumim innuentes. Sub quo eum etiam, quem à tereti ac rotunda māli effigie μίλωνας peculiariter dixerunt, complexi sunt.

FORMA.

Cucumis sarmentis uiticulisq; prælongis serpit, in ramosq; uitis modo se diffundit, ta-

A dit, tamen ob caulis infirmitatē humi spargitur, ni propius adsit cui caducus incumbat: folio anguloso, flore luteo, fructu cartilagineo, & interdum maculoso, coloris tum herbacei, tū citrini, tum nigri. Pepo uite serpit praelonga, flagellis ultro citroq̃ ^{Pepo.} reptantibus, uitigineis ferè frondibus, scabris, flore luteo, fructu cartilagineo, orbiculatim striato, prominulis puluinorū toris, strigilibus in uertice pomi & umbilico coeuntibus, ibidemq̃ stellatim decussatis, cute aspera uelut lentiginibus occupata, carne intus suauis, seminibus in utero liratim digestis.

LOCVS.

Pingui gaudet solo, locisq̃ apricis uberior prouenit Cucumis. Nascuntur & pepones bene cultis locis, eoq̃ lætius si subinde rigentur. Amant tamen apricā loca, & sole irradiata: ideoq̃ cum annus est pluuiosus & nubilus, non æquē ut in siccis annis proueniunt. Libertate etiam gaudent, qua possint ultro uagari. Magna copia Peponum & Melonum apud Norimbergam, celeberrimū Germaniæ nostræ oppidum, prouenit.

TEMPVS.

Æstatis fine, Iulio potissimū mense, maturescunt, Citius tamen Melones, quā priuatim Cucumeres dicti.

TEMPERAMENTVM.

In Cucumeribus superat humida & frigida temperies, non tamen uehementer, sed quasi in secundo censetur ordine. Attamen si quis aut semen aut radicem arefaciat, haud etiam humidæ fuerit naturæ, sed iam desiccantis, idq̃ in primo quodammodo ordine, aut in secundo incipiente.

VIRES. EX DIOSCORIDE.

B Satiuus Cucumis bonam facit aluum, stomachoq̃ accommodatus est. Refrigerat, nec corruptionē sentit. Prodest uesicæ. Olfactu animo deficientes restituit. Semen eius mediocriter urinā cit. Cum lacte aut passo uesicæ exulcerationibus subuenit. Folia eius cum uino illita, morsus canum sanant, cum melle uerò epinyctidas. Peponis autem caro comesta urinam cit. Inflammationes oculorum illita sedat. Superior eius cortex contra adustionem infantium, quam siriasin uocant, syncipiti imponitur. Fronti ut oculorū fluxiones auertat, imponitur. Mixtus farinæ, & cum semine in sole siccatus succus, smegma fit ad extergendā cutem, & nitorem in facie conciliandum. Radix sicca, & cum hydromelite drachmæ pondere pota, uomitiones mouet. Quod si quis modicè à ccena uomere cupiat, gemini oboli satis erunt. Sanat & ulcera in modum faui concreta, ceria uocant, cum melle illita.

EX GALENO.

Cucumis esculentus maturus quidē tenuioris essentiæ est, qui uerò immaturus est, crassioris. Sed & abstergendi & incidendi facultate participant, quare & urinā mouent, & corpus splendidum reddunt: at magis si quis semine arefacto contusoq̃ atq̃ cribrato, uice pulueris abstergentij utatur. In semine & radice maior abstergendi facultas, quā in fructus ipsius carne. Vniuersa Peponū natura frigidior cum larga humiditate existit. Habent & quandā abstergendi uim, ideoq̃ urinam cient, & deorsum expeditius quā Cucurbita & Melo pepones rapiuntur. Quod porro abstergant, discere licet sordidam cutem defricando. Quamobrē maculas etiam solis calore factas, & lenticulas faciem occupantes, & in superficie alphos extergere possunt. Semen quod in eorum ueluti carne continetur, ad hoc efficacius, adeo ut renibus etiam calculo infestatis sit accommodatum. Gignit in corpore uitiosum succum, potissimū quando non rectē concoquitur. Tum uerò morbū etiam qui cholera dicitur, inducere consueuit. Etenim priusquam ad corruptionem peruenit, uomitioni quoque idoneus est: largiusq̃ ingestus, nisi quis aliquid eorum quæ boni sunt succi supermandet, omnino uomitum concitabit. Melo pepones minus hu-

C midī quā Pepones sunt, nec adē prauī succi, segnius item prouocant urīnam, tardiusq; deorsum descendunt. Ad uomitū excitandum non eandem uim Peponibus obtinent, sicut nec celeriter in uentriculo, quando illic prauus humor coaceruatur, aut alia corruptionis causa illum infestauerit, corrumpunt. Ventriculo haudquam ceu Pepones efficiunt. Cucumeres autem urīnam mouendi facultatem, perinde atque Pepones habent, sed imbecilliorē: minus nanque substantia humidī, ideoq; nō facilē, ut illi, in uentriculo corrumpuntur. Inuenias quī hos ceu alia multa, quae bonae hominum parti concoqui non possunt, conficiant, ob totius scilicet naturae cum eis proprietatem.

EX PLINIO.

Pepones quī uocantur, refrigerant, maximē in cibo, & emolliunt aluum. Caro eorum epiphoris oculorum, aut doloribus imponitur. Radix sanat ulcera concreta in modum faui, quae ceria uocant. Eadem contra uomitiones siccatur, in farina tusa datur, quatuor obolis in aqua mulsā, ita ut qui biberit, quingentos postea passus ambulet. Haec farina & in smegmata adijcitur. Cortex quoque uomitionē mouet, faciem purgat. Hoc & folia cuiuscunq; satiui illita. Eadem cū melle epinyctidas sanant; cum uino canis morsus. Cucumis odore defectum animi.

EX SYMEONE SETHI.

Anguria, quae Cucumeres dicuntur, secundum uerō cōmunem sermonem Tetrangura, ob frigidū & humidum temperamentū noxia sunt, & mali succi. Ex ijs autem parua magnis anteferre oportet. Haec urīnā ducunt, & si in aceto macerentur, in acutis praesertim febribus, mitiorē calorem reddunt. Crebrior uerō horum usus semen genitale minuit, in Veneremq; impetū aufert. Semen autem horū deficcātū, caliditatem quandā possidet, contrariamq; his actionē efficit, urīnamq; magis prouocat. Pituitā glutinosā Tetrangura in uentriculo gignunt, quae cruda per uenas diffunditur. Propterea quī his crebrius utuntur, illi propter humores temporis spatio in uenis, & alijs corporis cavitatibus coactos, longis corripiuntur febribus. Semen uerō horum urīnā cit, sed minus quā Peponū, quoniam celerius in uentriculo corrumpuntur. Meliora in his sunt quae habent semen exiguū. Calidos autē & siccos stomachos iuuant, & si in ardente febre cum aceto porrigantur, ualde prosunt. Propriū uerō horum est nauseas uentriculi calore excitatas, sedare. Horum autem interiora esse oportet: nam quae foris sunt, mali succi existunt, & difficulter admodū concoquuntur, & ferē uenenata. Habent uerō & alias proprietates, ut animo deficientes propter excedentē calorē reficiant. Si autē pituitā in uentriculo nanciscant, nauseas faciunt, & colicos affectus, & hypochondriacas passiones.

DE SICY SYLVESTRI CAP. CCLXVII.

NOMINA.

CΙΚΥΣ ἄγριος, ἡ ἐλαττιον, sic autē propriē uocatur succus eius Græcis, Cucumis anguinus, syluestris & erraticus Latinis, officinis & barbaris Cucumer asininus, Germanis wild Cucumer / uel esels Cucumer appellatur.

FORMA.

Solo fructu à satiui Cucumere distat, quem multo minorē habet, glandibusq; longiusculis similem. Folia & sarmenta satiui similia, Radicem albā & magnā. Totus frutex amarus.


LOCVS.

Ruderibus sabulosisq; locis prouenit. Nusquā tamen in Germania, quod sciam, nisi satus nascitur.

TEMPVS.

Cucumis anguinus.
Cucumer asininus.





CUCUMIS SYL-
VESTRIS.
Wild Cucumber.

TEMPVS.

C

Augusto mense floret, atque subinde autumnno fructum tempestiuū producit, qui seminibus ac succo plenus est, qui decerpto pediculo confestim exilire solet.

TEMPERAMENTVM.

Calidus & siccus est Cucumis syluestris, ut ex uiribus latius patebit.

VIREs. EX DIOSCORIDE.

Foliorū succus instillatus aurium dolori conuenit. Illita ex polenta radix omne uetus oedema discutit. Imposita cum resina terebinthina, tubercula rumpit. Decocta ex aceto & illita podagras discutit. Ischiadicis infunditur eius decoctum, eoq̃ in dolore dentes colluuntur. Arida trita, alphas, lepras & impetiginē abstergit. Cicatrices nigras, & in facie maculas expurgat. Radicis succus sesquioboli pondere, & item cortex acetabuli quarta parte, bilem pituitamq̃ deiciunt, præsertim in hydro picis. Purgat uerò citra stomachi iniuriam. Radicis selibram accipere oportet, inq̃ duobus uini, præsertim Libyci, sextarijs conterere, ac dandi ex eo terni cyathi, donec tumor abundè subsederit. Quod uerò Elateriū uocatur, ex fructu huiusce Cucumeris paratur ad hunc modum. Eligito Cucumeres qui tacti saliendo succum ex se profundunt, ac nocte una repositos dimitte. Postridie cribrum rarius neque crebra foramina habens crateri superponito, supinoq̃ cultro sursum uersus aciem habente sigillatim Cucumeres utrisq̃ manibus prehensens diuidito, & per cribrum in subiectum craterem humorem exprimito, simulq̃ carnosum in eis quod iam cribro adhæret exprimito, ut & illud descendat. Quæ expressa sunt in paratā peluim cōijcito. Coaceruatis autem in cribro quæ antea dissecta fuerunt, ea dulci aqua perfundito, & cum expresseris abijcito. Humorē in pelui agitatū, & linteo opertum, soli exponito, dumq̃ steterit totam supernatantē aquam, cum humore cōcreto, percolato. Facitoq̃ id sæpius donec supernatans aqua subsidat, quam cum diligenter excolaueris, coniectum in mortarium sedimentū terito, & in pastillos conformato.

Elaterij confectio. Elaterium uerò à bimatu ad decenniū purgationibus utile. Integra quantitas obolus est, minima semiobolus, pueris chalci duo. Copiosius enim potum, periculū adfert. Pituitā & bilem per inferna pariter & superna trahit. Optima autem per ipsum difficulter spirantibus fit purgatio. Quod si itaque in animo est per aluum purgare, adiecto salis duplo, & stibij quod colorari sufficiat, ex aqua catapotia erui magnitudine dato. Postea cyathus unus aquæ tepidæ sorbeatur. Ad citandas uerò uomitiones aqua diluens Elaterium, subiectas linguæ partes penitissimè penna oblinito. Quod si quispiam difficilīus uomat, oleo aut unguento irino diluito. Somnum inhibeto. Porrò ijs qui supra modum purgantur, uinum cum oleo mixtum continuo dare conuenit: etenim uomendo emendantur. Quod si uomitiones non finiantur, aqua frigida, polenta, posca, poma, & quæ stomachum densare possunt offerenda sunt. Ciet Elateriū menses. Fœtus enecat in pello subditum. Morbo regio medetur, cum lacte naribus infusum. Diuturnos capitis dolores finit. Efficaciter angina laborantibus inungitur, cum uetere oleo, melle, aut felle taurino.

EX GALENO.

Cucumeris syluestris, & fructus ipsius succus, quem Elaterium uocant, & non minimè radicis ac foliorū, ad medicationes perutilis est. Elateriū itaq̃ menses ciet, & fœtum interimit appositum, ceu alia omnia amara & subtilium partiū, maximè si aliquam habeant caliditatē, ueluti Elaterium. Summè siquidem amarum est, leuiter calidum, ut ex secundo sit ordine calefacientiū. Porrò tale protinus quoq̃ digerendi uim obtinet. Sic igitur eo angina laborantes inungunt quidam cum melle, aut oleo uetere. Bonū item est regio morbo affectis fusum cum lacte in nares. Hoc etiam usu dolores capitis sanat. Atq̃ Elateriū quidem eiusmodi est. At radicis succus, ut & foliorum, licet similem uim habeat, imbecilliorē tamen. Sed & ipsa radix adsimi-

A ad similem facultatem possidet, abstergit nanque, digerit atque emollit, Porro cortex eo potentius desiccatur.

EX PLINIO.

Ex Cucumere syluestri fit medicamentū quod uocatur Elaterium, succo expresso ē fructu. Cuius causa nisi maturius incidatur, succus exilit, oculorū etiam periculo. Obscuritates & uitia oculorū sanat, genarumq; ulcera. Tradunt hoc succo tactis radicibus uitium, non attingi uuas ab auibus. Radix autem ex aceto cocta podagris illinitur, succoq; dentium dolori medetur. Arida cum resina impetiginē & scabiem, quam psoram & lichenas uocant. Parotidas & panos sanat, & cicatricibus colorem reddit. Et foliorum succus auribus surdis cum aceto instillatur. Nullum ex medicamentis Elaterio longiore aëuo durat. Incipit à trimatu. Melius autem quo uetustius erit, quod iam ducentis annis seruātū esse autor est Theophrastus. Et usq; ad quinquagesimū lucernarū lumina extinguit. Hoc enim ueri experimentum est, si ad motū prius quā extinguat, scintillare sursum ac deorsum cogat. Efficax est contra scorpionū ictus Elateriū, & ad purgandū uterum, aluumq;. Modus portione uirium à dimidio obolo ad solidū. Copiosius necat. Sic & contra phthiria sin bibitur & hydropises. Illitū, anginas & arterias cum melle, & oleo uetere sanat,

DE SMILACE HORTENSI

CAP. CCLXVIII.

NOMINA.




B MIAAΞ *μυρία* græcè, Smilax hortensis latinè, officinis inusitata: recentiores Græciacherbarij, & qui Arabum, præsertim Serapionis & Auicennæ, sectantur placita, Phasiolos uel Faseolos. Galenus & alij ueteres Græci Dolichos appellant. Germani *Jaselen / welsch oder wild Bonen* uocant, *Phasioli. Dolichi.*

FORMA.

Folia Hederæ similia habet, molliora tamen: caules tenues, & capreolos uicinis fruticibus se implicant, in tantum incrementos, ut tabernacula effingere possint. Fructum Fcenogræco similem profert, longiorem tamen maioremq;, in quo semina renibus similia, non unius coloris, sed ex parte subrufa continentur. Ex qua certè deliniatione sole clarius fit Smilacem hortensem Dioscoridis non esse nisi phaseolos uulgò uocatos, cum sint folijs Hederæ, mollioribus atque uenosis, cauliculis tenuibus, clauiculis propinquis fruticib. se implicantibus, ramis incremento suo tentoria & hortorū cameras fornicēsue facientibus, siliquis Fcenogræco haud dissimilibus, longioribus autem & maioribus, seminibus intus uersicoloribus, & renibus in uniuersum similibus. Quæ certè unica nota ad docendum Smilacē hortensem esse Phaseolos sufficere posset. Accedit quod Phaseolorū apud Serapionē descriptio non sit alia quā apud Dioscoridē Smilacis hortensis, id quod manifestè parebit utraq; conferenti. Caterum etsi duo Phaseolorū uideantur esse genera: sunt enim aliqui candidi, nonnulli uerò rubentes, tamen quia in folijs nulla est prorsus diuersitas, & Dioscorides quoque innuat semina hæc non esse unius coloris, sed ut Serapion interpretatur, quædam ad candorē, quædam uerò ad ruborem accedant, ideo sub unica pictura utriusq; coloris Phaseolos exhibemus: neq; enim distant alia ratione, quā quod albi producant flores candidos, rubentes uerò purpurascens. Licet non ad candidos & rubentes tantum hæc Dioscoridis uerba, *ἐκ ὑόχρωα*, referenda esse existimem, sed ad alios etiam: sunt enim nonnulli fusci, alij uerò gilui, cærulei & cæsi, alij maculis & orbibus atris uariiegati, nisi quis omnes iam dictos colores sub candido & rubro, ex quibus ij cōmixti esse uidentur, complecti uelit. *ὑόχρωα.*

LOCVS.



SMILAX HOR-
TENSIS.

Welsh Bonen.

LOCVS.

A Smilax de qua hic agimus, ut ex nomine satis constat, in hortis sata prouenit, & cum longis serpat flagellis, propè poni ridice paluue debent, quas capreolis suis, ubi increuerit, complectatur.

TEMPVS.

Æstate florent, ac subinde siliquas & in ijs semen producant.

TEMPERAMENTVM.

Symeon Sethi & Mauritanii in primo ordine calidos & humidos esse Phascolos statuunt. Galenus etiam in libro primo de alimentorū facultatib. humidiores natura esse asserit.

VIRE. EX DIOSCORIDE.

Olerū modo esui apta est siliqua cum semine Asparagi modo elixa. Vrinam pel-
lit, insomniacq̃ grauia & tumultuosa facit.

EX GALENO.

Dolichi non minus quàm Pisa nutriunt, similiter etiam flatu carent; sed quod ad suauitatē attinet & deiectionē, peiores sunt. Alibiles itaq̃ sunt, nisi quando integri & etiamnū uirides unā cum suis siliquis ex oleo & garo ab hominibus ingeruntur. Aliqui uinum etiam adhi-
cūt. Sed horum in repositione, ut Pisorū, nullus est usus: quippe quum natura sint humidiores, citò corrumpi cōsueuerunt. Attamen si quis hos tutò reponere cupiat, siccare prius diligenter & exactè oportebit. Siquidem eo modo & à putrefactione, & à corruptione tota hyeme uindicantur, eundem quem nobis Pisa usum exhibentes.

EX AETIO.

B Siliquæ seu Lobi qui nunc passim uocant̃, apud omnes antiquos Dolichi & Phasioli appellati, de genere Pisorum sunt, similes illis quantū ad minimam flatu gene-
rationem: quantum uerò ad iucunditatē cibi & egestionem, peiores. Peculiariter autem Lobi dicuntur, quoniam ferè isti tantum eorum omniū quæ siliqua uestiuntur, cum siliquis suis comeduntur.

EX SYMEONE SETHI.

Qui ex ijs magis rubri sunt, calidiores. Manifesta quoque in ijs humiditas, quod citò putrescant. Humorē generant crassum & pituitosum. Medium locum habent, ut ait Galenus, inter ea quæ facili & difficulter cōcoquuntur, celeriter & tardè transeunt, inflant & non inflant, parum & multum nutriunt. Ante alios cibos cum sapa sumpti, uentrem proritant. Cum sinapi oblati, plurimum noxæ deponūt. Albi igitur Phasioli crassiores, & difficilioris coctionis, ac humidiores sunt quàm rubri. Proprietate autem quadam turbulenta somnia facit, sed ad bonam habitudinē corporis conferunt, & urinas mouent. Et horum decoctum menses mouet.

DE SATYRIO TRIFOLIO CAP. CCLXIX.

NOMINA.



SATYRION τρίφυλλον Græcis, Satyrium trifolium Latinis, officinis nostris incognitum aut inusitatū: uulgo Testiculus uulpis aut sacerdotis, *Testiculi uulpis.*
Germanis Stendelwurx nominatur. Satyrio autem nomen fecerunt *Satyrium unde dictum.*
Satyri, qui primi syluestres dñj colludentes nymphis per syluas & antra, *Trifolium.*
ad firmiorem Venerem herbam hanc inuenerunt. Trifolium uerò, quoniam tria fert folia ad terram uersa.

FORMA.

Folia tria fert Rumici aut Lilio similia, minora tamen & rubentia. Caulem nudum, longum, cubitalem, Florem Lilio similem, album. Radicem bulbo similem,

oo mālī



SATYRION
TRIFOLIUM.

Stendelwurz.

A mālī modo extuberantē, foris rūfam, intus oui modo albam, gustu dulcē & ori gratam. Quod uerò hic dicimus Lilio similem, non sic intelligendū uenit quasi quantitate & tota figura Lilio similis flos sit, quando euidentissimū sit Lilium quantitate sua Satyrīj florem multis modis superare. Deniq; nec figura etiam per omnia respondet: quare hæc similitudo ad colorem & floris essentiam referri potius debet, quæ planè eadem est cum Lilij colore & essentia, id quod conferenti hos duos flores manifestum fiet.

LOCVS.

In montosis & apricis nascitur.

TEMPVS.

In Iunio mense potissimum compâret.

TEMPERAMENTVM.

Calidum & humidum est, quamobrem gustu dulce apparet.

VIRES. EX DIOSCORIDE.

Radix in uino austero, nigro, ad opisthotonū bibitur, Ferunt etiam hanc impetum ad Venerem excitare.

EX GALENO.

Satyrion excrementitiā & flatuosam humiditatē possidet, quocirca ad Venerē incitat. Hæc uerò & herbe ipsius radix præstare potest, Porrò ut nonnulli scribunt, cum uino nigro austero potum opisthotonum sanat.

EX PLINIO.

Radix cum Satyrio gemina sit, eius inferior pars & maior mares gignit, superior ac minor fœminas.

DE SATYRIO BASILICO

CAP. CCLXX.

NOMINA.



ATYPION βασιλικόν posterioribus Græcis, Satyriū regium Latinis, officinis Palma Christi, Arabibus Bucheiden, Auicennæ Digiti citrini, Germanis Kreuzblumen uocantur. Palmā Christi propter similitudinem quam eius radix cum humana habet manu, dixerunt.

Palma Christi.
Digiti citrini.

GENERA.

Duo eius sunt gênera, quorum alterum mas folia non maculosa, floresq; purpureos habet. Alterum fœmina maculosis est & paulò latioribus folijs, floribus in pureo albescens. Radicum etiam in colore est differentia, quod maris quidem radix flauescat citra albedinem, fœminæ autem cum albedine. Quam sanè differentiam Auicenna etiam expressisse uidetur, dum unam ex flauo & albo cōmistam esse colore, alteram uerò ex flauo sine albedine inquit.

Mas.
Fœmina.

FORMA.

Folia cum reliqua superficie Cynosorcho similia sunt. Radix tamen ei subest lutea aut flauescens, instar manus ramosa; modo enim quatuor, modo quinque, modo sex aut plures radices prodeunt, quæ ferè humanos digitos imitari uidentur.

LOCVS.

Prouenit in montibus, & locis soli expositis.

TEMPVS.


In Maio & Iunio mensibus inuenitur. Mas quidem Iunio, fœmina uerò Maio.

TEMPERAMENTVM.

Vtruncq; amarū est, magis tamen amarum quod maculosis constat folijs. Ideoq;

SATYRIVM BASI
LICVM MAS.

Kreuzblüm männle.





SATYRIUM BASILI
CVM FOEMINA.

Kreuzblümweible.

C non perperam censent Auicenna & alij quidam ex recentioribus medicis, qui calidum esse & siccum in secundo ordine tradunt.

VIRES EX RECENTIORIBVS.

Vfus eius ad erugandā cutem, ad neruorū dolores, & contra noxia medicamenta. Fertur & amuletum esse radix gestata. Semen ex uino sumptum nouem diebus, comitiales sanat. In eundem effectum uinum diluitur herbe decocto. Scobs radices propinatur in uino ad arcendam quartanā, quam & uomitione curat paulò ante accessionem pota. Plura in præsentia rescire de huius facultatibus non licuit.

DE SVCCISA CAP. CCLXXI.

NOMINA.

Succisa.



Morsus diaboli.

VO nomine ueteres aut posteriores Græci appellauerint hanc herbam, cognitamq; illam habuerint necne, nobis nondum constat. Nonnulli Geum esse arbitrant. Nos Succisam nominare uoluimus, partim quod id nominis latinum esset, & pulchrè huic herbe quadraret, cuius radices circumrosæ sunt, partim quod antiquus manuscriptus herbarius sic uocaret. Vulgus superstitione quadam motum credit cacodæmona, tantæ efficacæ radicem inuidere hominibus, atque hac ratione ubi succreuerit statim eam undiquaq; circumrodere. Hinc est quod Diaboli morsum appellitent, Quam etiam superstitionem plusquam muliebrem secuti Germani, *Tenffels abbiß*, hoc est, præmorsam à diabolo, nominant.

FORMA.

D Binum cubitorum fastigiatur altitudine, folijs Plantaginis minoris, aut Cirsij leuioribus, solidioribusq; leniter laciniatis. Floribus purpureis. Radicib. subnigris, succisis & circumrosis.

LOCVS.

Nascitur locis incultis & montanis, saltibus, ac interdū etiam pratis & dumetis.

TEMPVS.

In Augusto eius magna est passim in locis iam dictis copia.

TEMPERAMENTVM.

Supra modum amara est, unde calidam & siccam esse satis constare cuius potest.

VIRES.


Præsentaneo remedio ad maturandos, atque adeo sanandos carbunculos adhibetur, si herba uiridis trita imponatur, aut uinum in quo decocta fuerit bibatur. Radix per se estur, aut uinum eius decocti in uulug doloribus bibitur. Hæc manuscriptus herbarius. Hodie, cum habeat facultatem discutiendi & incidendi, utuntur ea ad dissoluendos sanguinis grumos.

DE SCABIO-



SVCCISA

Trenfelsabbiss.



SCABIOSA.

Apostemkraut.

NOMINA.



Thæc herba quo nomine Græcis uocetur, fatemur nos ignorare. Sunt qui Aëtio *Ψάρα* dictam uelint: uerum cum nomine tenus eam tantum prosequatur non adiecta descriptione, nihil certi constitui potest. Vultus Scabiosam uocat, quo nomine nobis utendum erit donec legitimū compertū fuerit. Germani *Scabiosen* / oder *Apostemil* aut nominant. Scabiosam uerò aut à scabro herbæ habitu, aut quod scabiei medeatur appellatam esse euidentissimum est: id quod etiam Psora uox prætereundum uidetur. Stœben Dioscoridis non esse multis argumentis constat, quæ prætereo.

Scabiosa.

Scabiosa unde dicta.

Scabiosa non est Stœbe.

FORMA.

Folia carnosæ, Erucae modo laciniata & multifida habet, subhirsuta, non tamen aculeis horrentia. Flores speciosos, diuturnos, coloris ex cæcio aut purpureo albicantis. Radicem crassam.

LOCVS.

Pasim in omnibus, potissimū autem humidis pratis prouenit.

TEMPVS.

In Iunio, antequā gramine denudentur prata, pasim floret.

TEMPERAMENTVM.

Quum sit uehementer amara, calidā & siccam esse nemo nescit, idemq; cum Succisa temperamentum habet.

VIRES.

Easde quas Succisa facultates obtinet. Potissimū autem scabiem & tussim sanat.

DE SMILACE ASPERA CAP CCLXXIII

NOMINA.



ΜΙΛΑΞ *τραχέα* Dioscoridi, *μίλαξ* Galeno, Smilax aspera Latinis dicitur, officinis nostris incognita, germanicè *groß stechend* oder *scharpff Windt* / ab aculeis quos habet, nominari aptè potest.

Smilax et Milax

FORMA.

Folia habet Peryclimeno similia, uel, ut Theophrastus ait, hederacea: ramulos multos, tenues, Paliuri aut Rubi modo aculeatos. Circumuoluitur arboribus sursum deorsum se circūagens. Florem candidū, fructum racemosum fert, cum maturuerit rubentem, gustu leuiter mordentē. Radicem crassam & duram.

LOCVS.

In palustribus & asperis nascitur, Plinio autem teste in conuallibus opacis.

TEMPVS.

Smilacē quidem asperam nascentem, non uidi: sicca enim aliunde ad me transmissa est, ita ut certò indicare quo tempore floreat aut fructum producat, haud possum. Id quod ideo referre uolui, ne nos calumniandi ansam habeat os peruersus, si non ex omni parte picturam natiuæ ipsius herbæ formæ respondere uiderit. Cogitet enim non uiridem, sed siccam nos pingendam tantum dedisse. Theophrastus tamen libro iij, cap. ult, de histor. plant. hanc uerno tempore florere scribit.

TEMPERAMENTVM.

Quale sit eius temperamentū, uires satis declarant, & folia ipsa atq; fructus, quæ singula in gustu lenem quandam mordicationē præ se ferunt, ut calidam esse & siccam haud dubium sit.


VIRES. EX DIOSCORIDE.

Huius folia & fructus si antè & post bibantur cōtra letalia uenena efficacia sunt. Traditum

718

SMILAX
ASPERA.

Groß stechend Windt.



A Traditum est, quod si quis tritum eorum aliquid nuper genito infanti bibendū derit, nullum illi postea uenenum nociturū. Conciditur etiam in alexipharmaca.

EX GALENO.

Milax aspera clauiculis plena est, ut arboribus sursum deorsum diuersimodè circumuoluatur. Folia gustata acrimoniā aliquam habent, & alioqui si illis utaris calescunt.

EX PLINIO.

Coronam ex ea factam impari foliorū numero, aiunt capitis doloribus mederi. Contra uenenata efficacissimi acinorū corymbi, in tantum ut acinorū succo infantibus saepe instillato, nulla postea uenena nocitura sint.

DE SMILACE LEVI CAP. CCLXXIII

NOMINA.



MILAX *λεία* Dioscoridi, *μίλαξ* Galeno & Paulo dicitur. Latinis Smilax leuis. Officinis & herbarijs Volubilis maior, à nonnullis Campanella, & Funis arborum, Germanis Windentraut / glatte Winden / oder weiß Glocken uocatur, Læuis autem non alia ratione, nisi quod aculeis careat, dicta est.

volubilis maior.
Funis arborum.
Smilax læuis cui nominata.

FORMA.

B Hederæ similia folia habet, molliora tamen, læuiora & tenuiora. Ramulos supra dictæ similes, aculeis carentes. Conuoluitur & hæc arboribus, ut prior. Fructū fert Lupino similem, nigrum, paruum, super quem semper flores albi, copiosi, & orbiculati per totam Smilacē exeunt. Æstate tabernacula per ipsam fiunt, autumno autem folia cadūt. Ex qua descriptione planum fit omnibus, herbam hanc quam uulgus herbariorū Volubilem maiorem uocat, esse Smilacem læuē, quod illi scilicet singulæ notæ à nobis cōmemorate conueniant. Id quod etiā pictura Smilacis asperæ, si cum hac cōferas, satis demonstrat, quam uno hoc nomine dedimus, ut ex eiusdem collatione manifestius leuis ipsa agnosceretur. His accedit antiqui & manuscripti herbarij testimoniū, qui Smilacem leuē, Volubilem maiorem interpretatur. Eius etiam pictura, Volubilem quam maiorem appellamus, penitus exprimit.

LOCVS.

Nascitur passim per fruteta, & sepibus sese inuoluit. Amat culta, & in ijs etiā potissimum gignitur.

TEMPVS.

Æstate floret, autumno semen profert.

TEMPERAMENTVM.

Modicam amaritudinem in gustu præ se fert.

VIRES. EX DIOSCORIDE.

Huius semen cum Dorycnio, & utrunq; trium obolorū pondere potum, somnia multa & turbulenta facere fertur.

EX GALENO.

Milax læuis facultate quodammodo prædictæ similis est.


EX PLINIO.

Nullius est effectus.

APPENDIX.

Empirici hodie succo Volubilis maioris ad calidas utuntur passiones, capitis potissimum & oculorum.

DE SISYM-



SMILAX
LEVIS.
Phim. Convolvulus &

Groß glatte Winde

NOMINA.



SISYMBRION Grecis, Sisymbriū Latinis appellatur. Sisymbriū dici putat Varro à Sisymbrio, quæ fuit ueteribus comædijs meretricula. Coronam etiam Veneris nonnulli dixerunt, uel quod ob odoris suauitatē quam præ se fert, eo iuuentus quæ amoribus gaudet coronata, in comestationibus suis blando odoris oblectamento suas illecebras cōmendaret. Vel potius, quod Sisymbrij caulis articulatim per internodia uerticillato florum ambitu concinnè coronetur.

Corona Veneris
cur dicta.

GENERA.

Sisymbrij duo sunt genera. Vnum quod simpliciter Sisymbriū dicitur: hoc seplarij Balsamitā, ut manuscriptus etiam testatur herbarius, uulgus autem Menthā aquaticam, Germani *Sischmüing/Wassermüing/oder Bachmüing* uocant. Alterum cum adiectione Sisymbriū cardamine nominatur. Officinis Nasturtiū aquaticum, Germanis *Brunnentres*. Sic uerò dictum, quod sapore Cardamum, hoc est Nasturtium, imitetur.

Balsamita
Mentha aquatica.
Nasturtiū aquaticum.

FORMA.

Sisymbriū hortensi Menthe simile, quadrato caule, quadantenus purpurascēte, folijs Menthæ, ferratis, latioribus & odoratoribus: floribus internodia geniculatim coronantibus, uerticillato semper ambitu. Sisymbriū cognomento cardamine folia inter initia orbiculata habet, cum autē creuerint ut Erucæ folium laciniatim finduntur. Caule prosilit cauo, sesquipedali, ima sui parte pluribus radicularum fibris subinde capillato, e cuius alarū cauis cirri frequentes sinuatim erumpunt. Flore candido. Semine Erucæ instar in siliquis acri & exiguo.

Sisymbrium.
Sisymbrium cardamine.

LOCVS.

Vtrunq; riguos tractus amat. Primum autem potissimū circa stagna & piscinas nascitur. Alterum nusquam non in aquatilibus.

TEMPVS.

Æstate, potissimū uerò Augusto mense, cum Mentha florent.

TEMPERAMENTVM.

Sisymbriū primū exalfacit atq; resiccat in tertio ordine. Alterū autē quum siccū est, itidem tertij est ordinis exalfacientiū & exiccantiū: quum humidū & uiride, secundū.

VIRE. EX DIOSCORIDE.

Sisymbrium primum uim calfaciendi obtinet. Semen eius ad strangurias & calculos cum uino potum prodest. Tormina & singultus sedat. Folia temporibus & fronti illinuntur contra capitis dolorem. Aduersus etiam apum & uesparum ictus ualent. Vomitiones potum sistit. Alterum cardamine cognominatū calefacit, urinam ciet. Comeditur quoq; crudum. Lentigines & cutis à sole nigriciem & asperitatem extercit tota nocte illitum, mane autem ablutum.


EX GALENO.

Sisymbriū primum tenuiū partium est, digerentis, calefacientis & exiccantis facultatis. Semen quoque eius tenuium partium est & calidum. Quocirca ipsum quidam cum uino exhibent singultientibus, & tormina patientibus. Sisymbriū quod quidā Cardaminen uocant, quandoquidē Cardamo, id est, Nasturtio simile quidam gustu præfert, eadem ferè potest.

EX PLINIO.


Vtrunq; Sisymbriū efficax aduersus aculeata animalia, ut sunt crabrones & similia. Sedant capitis dolorē, item epiphoras. Alij panē addunt. Alij per se decoquunt in uino. Sanat & epinyctidas, cutisq; uitia in facie mulierum intra quartum diem noctibus impositū, diebusq; detractū. Vomitiones, singultus, tormina, stomachi

pp dissolu-



SISYMBRIVM

Fischmüntz.



SISYMBRIVM
CARDAMINE,

Brunnenteeß.

C dissolutiones cohibet siue in cibo sumptum, siue in succo potum. Non edendū grauidis nisi mortuo conceptu. Quippe etiam impositum eiicit. Mouet urinam cum uino potum. Syluestre & calculos. Quos uigilare opus sit excitat infusum capiti cum aceto.

DE SIO CAP. CCLXXVI

NOMINA.



Sion unde dictū.

Anagallis aquatica.

Lauer.

ION, *ἡ ἀναγallis ὑδροφύλον* Græcis: Sion, Lauer & Anagallis aquatica Latinis dicitur. Officinis ignota herba. Germanis *Wasserpungen/ Bachpungen/ oder Pungen* appellatur. Sion autē nomen sibi adsciuit à concussu, quod Græci *σέσιον* dicunt: nam excutiendi uim nactum est, utpote quod à renibus calculos pellat, urinā & menses ducat. Anagallis aquatica, quod flores eius Anagallidis fœminæ floribus per omnia respondeant. Lauer nomen haud dubiè à lauando cōtraxit, quod sonantibus aquis enatū semper elui gaudeat.

FORMA.

Puillus est frutex, rectus, pinguis, folijs latis, Olusatro similibus, minora tamen, & odorata. Quæ deliniatio prorsus astipulatur huic herbæ quam Germani *Wasserpungen* nominant. Hæc enim riuulis gaudet, frutex puillus pinguisq; est, latis folijs, Hippofelino similibus, & digitis leniter friata iucundū expirantibus odorē. Floribus cœruleis, Anagallida fœminam referentibus.

LOCVS.

Inuenitur in aquis citato lapsu repentibus, aut etiam resedibus. Sæpe uerò intumescantibus demersum uidetur.

D

TEMPVS.

Iunio mense floribus prægnans est.

TEMPERAMENTVM.

Quum amara admodū sit hæc herba, ut calefaciat & exiccet necesse est. Atq; hinc iterum colligere licebit, ut patebit ex uerbis Aëtij, eam esse Sium.

VIRE. EX DIOSCORIDE.

Sij folia cocta crudaq; comesta calculos cōminuunt & excernūt. Vrinās mouent. Fœtus & menses educunt. Dysentericis utiliter comeduntur.

EX GALENO.

Sium quantum gustu odoratū est, tantum etiam calefacientis facultatis est particeps. Digerit autem & urinā mouet, & calculos renum frangit, & menses euocat.

EX AETIO.

Sium quatenus gustu odoratū est, eatenus calefacit, & exiccat. Discutiendi etiā uires habet, urinā mouendi, calculos in renibus dissoluendi, ac menses ciendi.


EX PLINIO.

Prodest urinīs, renibus, lienibus, mulierumq; mensibus, siue ipsum in cibo sumptum, siue ius decocti, siue semē è uino drachmis duabus. Calculos rumpit, aquisq; quæ gignunt eos, resistit. Dysentericis prodest infusum. Item lentigini illitum, & mulierum uitij in facie, noctu illitū momento cutem emendat, & ramices lenit, & scabiem equorum.

APPENDIX.

Veterinarij in hodiernū usq; diem hac herba in tumoribus discutiendis, & scabiē equorum sananda utuntur, ut hinc manifestū fiat illam esse Sium.

DE STRATIO-



~~SIVM~~

Wasserpungen.

DE STRATIOTE MILLEFOLIA

CAP. CCLXXVII.

NOMINA.

Millefolium.

Stratiotes unde
dicta.

ΤΡΑΤΙΩΤΗΣ ὁ χιλιόφυλλος Græcis, Stratiotes millefolia Latinis, officinis & herbarijs Millefolium, Germanis Garben/ Schafgarben/ Schafripp/ Tausendblatt / & Gerwel nominatur. Stratiotes uerò Græcis, id est, militaris dicta est, quod uulnera ferro facta sanet, atque adeo in militia & castris multus eius usus sit.

FORMA.

Frutex est exiguus, dodrantalis & maior. Folia habet pulli auium pennis similia. Suntq; foliorum exortus admodū breues, incisuris diuisi. Breuitate uerò & asperitate Cumino syluestri maximè asimilantur, & etiamnum breuiora. Huius denique umbella densior & plenior: surculos enim in cacumine paruos habet, in quibus Anethi modo umbellæ sunt. Flores illi candidi & exigui sunt.

LOCVS.

Nascitur in agris asperis, & præcipuè circa uias ac semitas.

TEMPVS.

Per integram floret æstatem.

TEMPERAMENTVM.

Nonnihil adstrictionis habet, atque adeo exiccat.

VIRES. EX DIOSCORIDE.

Eximiè utilis est herba ipsa ad sanguinis eruptionē, & ad ulcera tætera ac recentia; item ad fistulas.

EX GALENO.

D Vulnera glutinare potest, & ulcerib. utilis est. Sunt qui ea ad sanguinis eruptiones utantur, & ad fistulas.

EX PLINIO.

Hetruria Millefolium appellat herbam in pratis tenuem, à lateribus capillamenti modo foliosam, eximij usus ad uulnera. Boum neruos abscissos uomere, solidari ea, rursusq; iungi addita axungia affirmant.

APPENDIX.

Recentiores ad eosdem usus Millefolium suum adhibent, ad sananda nimirum omnis generis uulnera, dissoluendum sanguinem concretū, & ad constringendos menses. Vnde à Stratiote millefolia non esse diuersum omnibus perspicuū sit.

DE SARRA-



727

STRATIOTES
MILLEFOLIA.

Barben.

PP 4

SOLIDAGO
SARRACENICA.

Heydnisch Wundkraut.



NOMINA.



VVM nobis non constet quo nomine ueteribus nominata sit herba hec, placuit usitatā ac tritam nostri temporis herbarijs appellationē usurpare, donec ueriores comperire contingat. Non tamen latet à nonnullis corrupta uoce Cartafilaginē, uel magis deprauata Filaginem nominari, cum dicendum esset Ceratophylacē, quia nimirum partem oculorū ceratoida, hoc est, corneam, defendat, salutiq; percussam ac læsam restituat. Cur uerò hoc nomine non appellandā censeam, facit in primis quod descriptio Ceratophylacis illi non conueniat. Dein quod pictura eiusdē in manuscripto herbario illi herbe quam Fortem uocant, prorsus non respondeat. Herbam itaq; Fortem, uel ut alij habent Sortis, nominamus eam quæ Germanis heydnisch Wundkraut uocant, quod fortē à Sarracenis reperta putetur. Hinc, ni fallor, à quibusdā Consolida Sarracenicā dicitur, Fortis uerò à uehementi odore.

Herba Fortis nō est Cartafilago, seu ut rectius dicam, Ceratophyllus.

FORMA.

Caulem rubescentē, duūm triūmue cubitorum ac cauum habet, ē quo prodeunt folia oblonga, in extremitatibus serræ modo incisa, Saliciq; similia. Flores luteos in pappos euanescentes. Radicē multifidam, forisq; rubentem.

LOCVS.

Nascitur in syluis & in montibus altis. Copiose autem in monte post arcem Tübingensem, quem germanico nomine die öden burg uocant, prouenit.

TEMPVS.

Augusto mense floret.

TEMPERAMENTVM.

Gustu adstringit, modiceq; amara est, atque adeo siccare euidentissimū est.

VIRESEXRECENTIORIBVS.

Vulneraria herba est, id quod germanica appellatio abundē satis monstrat. Imposita itaq; uulneribus carnem primum generat, dein statim glutinat. Sicca in puluerem trita recentia uulnera, si inspergatur, celeriter sanat. Fistulis etiam medetur, malignaq; ulcera mundificat, ac confestim sanat.

DE SAXIFRAGA CAP. CCLXXIX.

NOMINA.



ΑΡΞΙΦΡΑΓΟΝ, ἢ σαξίφραγον, ἢ ἐμπετρον Græcis, Saxifragon & Saxifraga Latinis. Officinis quibusdam perperam Capillus Veneris dicitur, ut in Adianto docuimus. Rectius muraria ruta uocaretur. Sunt qui Saluiā uitam hodie nominent. Germanis Maurkraut & Steinkraut appellant. Saxifragon, quod calculos ē corpore pellat frangatq; Empetron uerò, quoniam in saxi proueniat. Officinę hodie alias præter hanc latinorū Saxifragas ostendunt, de quibus suo dicemus loco.

Officinarū error

Saxifragon cur dictum. Empetron.

FORMA.

Surculosus frutex saxi hærens, iuncis tenuibus, Epithymi non dissimilibus, nigris, breuibus, folijs Trichomanis, maioribus, interius leuibus, auersa uerò parte annexa puncta habentibus, sine flore, sine semine, radice nigra, superuacua.

LOCVS.

In saxi & asperis locis prouenit. Ideo eius magna copia inuenitur apud uetusta ædificia, in lapidum cōmissuris.

TEMPVS.



SAXIFRAGA

Fras come mir -

Waurauten.

TEMPVS.

Vere & æstate inuenitur, potissimum autem Iunio mense.

TEMPERAMENTVM.

Satis ex facultatibus eius gustuq; in quo manifesta quædam adstrictio apparet, colligitur hanc herbam calidam & siccam esse.

VIRE. EX DIOSCORIDE.

In uino cocta & pota, febricitantibus opitulatur, stranguriæ & singultui medetur, Lapides uesicæ frangit, & urinam mouet.

EX PAVLO.

Saxifraga urinam ciet, & calculos conterit.

DE SILIQVASTRO CAP. CCLXXX.

NOMINA.



SILIQVASTRVM conuenientissimo nomine à Plinio lib. xx. cap. xvij. dicta est herba hæc, à siliquis nimirum magnis & oblongis quas producit. Eadem etiam ab eodem Piperitis, quod semen eius gustatum piperis saporem & acrimoniã præ se ferat, nominatur. Alia tamen est ab ea quam uulgò Piperitim appellant, ut supra etiam monuimus. Sunt qui piper Hispanum, alij piper Indianum, nonnulli etiam piper ex Chalechut uocant. Auicenna uidetur appellare Zinziber caninum. Germanicè dici potest Chalechutischer oder Indianischer Pfeffer.

Siliquastrum.

Piperitis.

Piper Indianum.

Zinziber caninum.

GENERA.

Maius & minus est Siliquastrum. Maius siliquas producit maiores, & colore subnigras, aut fuscas. Minus contra minores profert, & colore puniceas. Nos tamen utrunq; genus una pictura complexi sumus, utq; hiantes duæ pingerentur siliquæ curauimus, non sanè quod sponte sua sic rumpantur, sed ut quale intus esset semen cerneretur. Præter hæc, genera alia sunt bina, quorum unum longissimas & colore puniceas, alterum uerò latiores multoq; breuiores producit siliquas. Damus itaq; quatuor Siliquastri distincta genera, ut ex pictura manifestissimè deprehendit. Horum primum discriminis gratia maius, alterum minus, tertium longum, quartum latum appellauimus Siliquastrum.

FORMA.

Herba est caule rubro & longo, crebris geniculis, folijs Lauri, floribus candidis, semine in siliquis oblongis & magnis albo, uel potius flauescente, tenui, gustu Piperis acerrimo. Radice unica, subalba, capillamentis fibrata. Ex qua nimirum delinitione satis constat herbam cuius picturam damus esse Plinij Siliquastrum seu Piperitim. Caule siquidem, ut ex Castore collegit Plinius, rubro & longo, densis etiam geniculis, unde folia Lauri folijs similia erumpunt, semine albo, tenui admodum, gustu piperis. Quibus omnibus etiã Siliquastri & Piperitidis nomenclaturæ, quæ huic optimè quadrant, accedunt.

LOCVS.

In Germania iam in fictilibus ac testaceis satum passim ferè prouenit. Per paucis antè annis Germanis incognitum fuit.

TEMPVS.

Æstate quidem floret, atque mox decidente flore siliquæ primum herbaceæ, dein puniceæ aut fusci coloris subnascuntur, plenæ semine. *Est vnde dicitur alio iu. & semine magis*

TEMPERAMENTVM.

Valenter excalfacit atque desiccatur, id quod seminis immensa acrimonia, & foliorum amaritudo euidentissimè monstrat: ut certè non temerè pleriq; hoc semine loco ueri


Poivre d'Inde ou de Guinée *Capsicum Siliquis longis*
propendentibus Inst. 152.



Piper Indicum
Vulgatissimum L. 103.
Pin 102

SILIQVASTRUM
MAIVS ET MINVS.

Calechutischer Pfeffer.




*Piper Indicum propendentibus
Siliquis, oblongis recurvis*
C.W. Pin. 102

SILIQVASTRUM

*Piper Calecuticum sive Capsicum
oblongius* L.B. 2. 943

Panger Indianischer Pfeffer.

Capsicum Siliqua
latiore & rotundiore
 J.B. v. 943.



Piper Indicum
propendentibus
Siliquis, rotundis
 C.B. Pin. 102

=SILIQVASTRVM
 QVARTVM.

Breyter Indianischer
 Pfeffer.

A co ueri Piperis utantur: easdem enim facultates haud dubiè habet, quas etiã ex Dio scoride sumptas subiiciemus.

VIRE. EX DIOSCORIDE.

Piper cõmuniter calefaciendi facultatē habet, urinā mouendi, cõcoquendi, extra hendi, discutiendi, & quæ pupillas oculorū obtenebrant exterendi. Prodest rigori- bus circuitu certo inuadentibus potū & inunctū. Venenatorū morsibus succurrit. Fetus ex utero ducit. Tussi & omnibus thoracis affectib. in eclegmate & potu sum- ptum auxiliat. Cum melle inunctū angina correptos iuuat. Tormina cum teneris Lauri folijs potū soluit. Pituitā ex capite purgat cum Staphysagria cõmanducatū. Dolores leuat, ualitudinemq̃ tuetur. Appetentiā mouet. Concoctionē adiuuat ad intinctus additū. Strumas cum pice exceptū discutit. Cum nitro alphas abstergit.

EX PLINIO.

Siliquastrū utile gingiuis, dentibus, oris suauitati, & ructibus.

APPENDIX.

Auicenna Zinziber caninum abstergere cutis & faciei maculas, lentesq̃ tradit. Item strumas aliosq̃ tumores, eius semen digerere scribit, ut hinc etiã easdem cum uero Pipere habere facultates colligere liceat.

DE SCORODO CAP. CCLXXXI.

NOMINA.



ΚΟΡΟΔΟΝ græcè, Allium latinè appellatur. Officinæ latinum nomen retinuerunt. Germanicè Knobloch/oder Knoblauch. Scorodon autē *Scorodon unde dictum.* dicūt, ut nōnullis placet, quasi σκαίου ῥόδου, id est, rudis Rosa, quod aspe- *Allium.* re supra modum redoleat, & olfacientiū nares offendat. Latini Allium à Græco fortassis uerbo ἀλλοδαί, id est, exilire, uocāt, quod nimirū exiliendo crescat.

GENERA.

Tria in uniuersum Allij sunt genera. Vnum hortense & satiuū domesticūue, *Allium hortense.* quod Germani garten oder heymisch Knoblauch uocant. Alterū syluestre, quod Græci ἰχθυόσχοδον, id est, anguinū Allium nominant, in aruis ac campestribus spon- *Anguinū Allium* te nascens. Cuius nos duo genera damus, quorum primū Germanis wilder Knoblauch dicitur, alterum uerò feldknoblauch. Tertium itidem syluestre, ursinum co- *Ursinum.* gnominant, in syluis proueniens, Germanis Waldknoblauch appellatur.

FORMA.

Allium hortense fronde uiret cepitia, caule tereti & inani. In cacumine flores in *Hortense.* globum circumaguntur, in quo semē emicat. Radicis bulbus tenuis, uelatur mem- branis, mox pluribus coagmentatur nucleis, & ijs separatim uestitis, in cuius uerti- ce complures fibræ cirrorum exemplo crispantur, tedioso habitu, & aspero sapore. Syluestre folijs constat prælongis, teretibus, intus concavis, iunceā speciem repræ- *Syluestre.* sentantibus, caule procero, leni, purpureos flores ostentante, cacumine tum colore tum forma conspicuo, radice bulbosa & capitata, nucleis spicatim cõpactilibus in- tumescente, summo uertice capillamentis fibrato. Ursinū odore molli, folijs gran- *Ursinum.* dibus, & Ephemerī non letalis folijs similibus, floribus in summo candidis, capite prætenui.

LOCVS.

Hortense passim in hortis satum & plantatū prouenit. Syluestre sponte in aruis, ut diximus, & campestribus nascitur. Ursinū autem in nemoribus.

TEMPVS.


Hortense & syluestre æstate florent. Ursinū autē uere, Aprili & Maio mensibus.

TEMPERAMENTVM.

Allia desiccant & calfaciunt quarto excessu.

VIRE. EX DIOSCORIDE.

Facultas Allio est acris, calfacit, flatus excernit, aluum turbat, stomachū exiccat.




ALLIVM
HORTENSE.

Gartenknoblouch.

ALLIVM SYLVE
STRE PRIMVM.

Ampelopraso vulgo galloxuoras

Wilder Knoblauch.



ALLIVM SYLVE
STRE ALTERVM,

Feldknoblouch.




739

ALLIVM VR-
SINV M.

Waldenblouh.

99 4



Legendū in Dio-
scoride, καὶ ἐπι-
φανείας σωμά-
των ἐλκωλίκου

C Sitim efficit. Inflationes permutat alteratue, & summam corporis cutem exulcerat. Eadem potest Anguinum allium. Comestū latos uentris lumbricos expellit. Vrinās ducit. Contra uiperarū morsus & hæmorrhoidū prodest, ita ut non aliud magis, si uinum iugiter sumatur, aut in eodem tritum bibatur. Contra rabiosorū morsus utiliter illinitur. Allium ipsum in cibo sumptum contra aquarū mutationes confert. Asperas arterias clarificat. Veterem tussim crudum & coctum comestū lenit. Cum Origani decocto potum, pediculos & lendes enecat. Vsum & cū melle subactum illitumq̃, hypopya & alopecias sanat. Exanthemata cum nardino unguento, sale & oleo curat. Alphos, impetigines, lentigines, achoras, lepras, furfuresq̃ eximit. Cum teda & thure decoctum, si in ore contineatur, dentium dolorem leuat. Contra muris aranei morsus cum ficulneis folijs, & Cumino illinitur. Comæ decoctum in infursionibus menses & secundas trahit. Eiusdem gratia suffitur. Factum ex eo & nigra oliua intritum, quod Græci *μυῖωνος* uocant, urinā cit, & obstructions aperit. Vtile etiam hydropicis.

EX GALENO.

Excalefacit corpus, crassos in eo humores extenuat, glutinososq̃ incēdit. Bis tamen aut ter in aqua decoctū, acrimonia spoliatur: quanquā nec sic quidem uim perdit extenuandi, uerum facultatē quandam obscurissimā alendi corporis acquirit, cuius antea quā coqueretur, nihil prorsus obtinebat. Cæterū Allium non modo ut obsoniū, uerum etiam ut medicamentū sanitati accōmodum, quod obstructa solueret & discutere posset, usurpatur. Est autem Allium ex eorum ciborū genere, qui & flatum discutiant, & minimè sitim inferant, Ophioscorodon domestico, uel reliqua omnia syluestria, ualentius est.

EX AETIO.

D Allium comestū flatus discutit, sitim reprimat, crassos & lentos humores incēdit. Habet tamen quidpiā uirosum, & mali succi, quod amittit si aqua elixetur. Ab eius assiduo usu præsertim calidas temperaturas cauere oportet.

EX PLINIO.

Allio magna uis, magnæ etiam utilitates contra aquarū & quorumlibet locorū mutationes. Serpentes abigit & scorpiones odore: atq̃, ut aliqui tradidere, bestiarum omniū ictibus medet̃, potu uel cibo, uel illitu. Priuatim contra hæmorrhoidas prodest, cum uino redditū uomitu. Ac ne contra araneorū murum uenenatū morsum ualere miremur, aconitū, quod alio nomine pardalianches uocatur, depellit: item Hyoscyamū: contra canū morsus, inq̃ uulnera cum melle imponitur. Ad serpentū quidem ictus potū cum restibus suis, efficacissimè ex oleo illinitur. Attritisq̃ corporū partibus, uel si uesica intumuerit. Quin & suffitu eo, secundas partus euocari existimauit Hippocrates: cinere eorū cum oleo, capitis ulcera manantia sanitati restituens. Suspiriosis coctum, aliqui crudum id dedere. Diocles hydropicis cum Centaurea, aut in fico duplici ad euacuandā aluum: quod efficacius præstat uiride, cum Coriandro in mero potum. Suspiriosis aliqui & tritū in lacte dederunt. Praxagoras & contra morbū regiū uino miscuit: & contra ileum in oleo & pulte, sicillinens. Strumis quoque. Antiqui & infanientibus dabant crudum. Diocles phreneticis elixum. Contra anginas tritum imponi & gargarizare prodest. Dentū dolorem tribus capitibus in aceto tritis imminuit: uel, si decocta aqua colluantur, addaturq̃ ipsum in caua dentū. Auribus etiam instillatus succus cum adipe anserino. Phthiriasis & prurigines potum, tusum item in aceto & nitro. Cōpescit & destillationes cum lacte coctū, uel tritum permixtum uel caseo molli: quo genere & raucitatem extenuat: uel phthisin, in fabæ sorbitione. In totum autē coctum utilius est crudo, elixumq̃ tosto, sic & uoci plus confert. Tineas & reliqua animalia interaneorū pellit, in aceto mulso coctū. Tenasmo in pulte medetur. Temporū doloribus illitum, elixum, & pustulis coctum cum melle, deinde tritum. Tussi cum adipe uetusto deco-

sto decoctū, uel cum lacte. Aut si sanguis etiā excreetur, uel purulenta sint. Et pituita sub pruna coctum, potum, & cum mellis pari modo sumptū. Cōuulsis & ruptis cum sale & oleo. Nam cū adipe tumores suspectos sanat. Extrahit fistulis uitia cum sulphure & resina, etiam harundines cum pice. Lepras, lichenas, lentigines exulcerat, sanatq; cum origano, uel cinis eius ex oleo & garo illitus. Sic & sacros ignes. Sugillata aut liuentia ad colorē reducit, cōbustum ex melle. Credunt & comitialē morbum sanare, si quis in eo cibo utatur aut potione. Quartanas quoq; excutere potū caput unum cum Laſerpitiij obolo. In uino austero tussim, & alio modo acceptum. Suppurationes quantaslibet sanat, fracta incoctū faba, atq; ita in cibo sumptum, donec sanitatē restituat. Facit & somnos, atq; in totum rubicundiora corpora. Venerem quoq; stimulat cum Coriandro uiridi tritum, potumq; ē mero. Ceterū contra pituitam & gallinā & gallinaceis prodest. Mixtum farre in cibo, iumentis urinam reddere, atq; non torqueri tradunt, si eo trito natura tangatur.

EX SYMEONE SETHI.

Cōmodissimū est crassum & tenacē, aut crudum humorē aggregantibus: eum enim incōdit, & obstructiones ab eo factas tollit. Habet uerò quippiam mali succi, quod decoctū aqua abijcit. In frigidis temperaturis saepe sanitatē praeſeruat. Temperatura uerò calidos, lādīt, & maximē oculos, caput, pulmonem, & renes eorum. Proprietate autem quadā sitim à falso humore factam sedat, & lumbricos eiicit, & flatus discutit. Etsi uerò sanum uisum offendat, nihilominus tamen eius hebetudinem propter humiditatē ortam sanat. Semen in calidis corporibus exiccat. In frigidis uerò & humidis corporibus idem calefacit, Veneremq; excitat. Est etiam remedium contra uenena, & morsus uenenatorū, perinde atq; theriaca: unde & Gale-nus hoc theriacam rusticorum uocat. Hoc ipsum fugiunt serpentes, tanquam Rutam. Quapropter Persa coquinas ipsorum Allijs replent. Non solum autem flatus discutit, sed etiam horum generationē prohibet. Colicos affectus à flatibus ortos, & diuturnos coxendiciū qui à pituita proueniunt dolores, iuuat. Alimentū & sanguinē extenuat, & faciem rubificat, asperamq; arteriam purgat. Si uerò affetur, & corrosis dentibus aut propter humiditatē dolentibus imponatur, prodest. Non solum uerò sumptum ad uenenatorū morsus confert, sed etiam postquā tritum est, superpositum. Lādīt praeſtantes & lactentes, mensesq; ducit.

DE SANCTI IACOBI FLORE

CAP. CCLXXXII.

NOMINA.



VM herba haec ueteribus Græcis & Latinis cognita fuerit, nondum certò affirmare aut inficiari audeo. Vulgus tamen herbariorū sancti Iacobi florem aut herbam nominat. Officinis incognita est. Germani S. Jacobs blīm appellant.

FORMA.

Herba est fruticosa, cauliculo rubente, multifariā striato, folijs exiguis, Erucae in star confectis, floribus luteis, forma Chamemeli floribus haud dissimilibus, radice adnascentias multas habente.

LOCVS.

Nascitur in agrorū marginibus, & aquarum ripis, locisq; arenosis.

TEMPVS.

Iulio & Augusto mensibus floret.

TEMPERAMENTVM.

Amara est & adstringit, ideoq; calidam & siccam esse constat.

VIRES.

742



S. IACOBI
HERBA.

G. Jacobs blum.

VIR ES.

Recentiorū medicorum experientia cognitū est, herbam hanc uulneribus mirificè mederi, & ad interanea prodesse. Fistulas quoque idem curare, & ne ultra serpant prohibere, impositam tradunt. Quæ sanè omnes facultates pulchrè eius temperamento respondere uidentur.

DE SELINO HORTENSI

CAP. CCLXXXIII.

NOMINA.



ΕΑΙΝΟΝ *ἑλινόριον* Græcis, Apium hortense aut satium Latinis uocatur. *Apium hortense*
Officinæ latinum retinuerunt nomen. Germanis *Epffich/oder Ep-*
pich nominatur. Selinon autem Græci uocant, quasi *ἑλινον*, hoc *Selinon quare*
est, paludibus impulsus: paludosis enim gaudet, & in ijs enatum læ- *dictum.*

tius exurgit.

FORMA.

Apium hortense sæpe cubitalem æquat altitudinē: caule rotundo, tenuiter striato, multisq; ramulis brachiato: folijs tripartitò dissectis, & leniter crispis, in extremis laciniatis: flosculis candidis, & quibus minores haud temerè reperiās: semine exiguo: radice singulari, longa, capillata. Hæc itaq; herba, cuius picturā damus, est uerum Apium, quod illi omnes respondeant notæ, adeò ut temerè nonnulli putent esse uulgare nostrum Petroselinum.

LOCVS.

In hortis satum prouenit: amat autem loca potissimū aquosa. Hinc est quod sua
B sponte nō procul à Canstadio Ducatus Vuirtenbergensis oppido in paludosis proueniat.

TEMPVS.

Iunio & Iulio mensibus floret ac semine prægnans est.

TEMPERAMENTVM.

Calidum est in secundo ordine, & siccum in medio tertij.

VIRE. EX DIOSCORIDE.


Ad oculorū inflammationes cum pane aut tenui polenta illitū prodest. Æstum stomachi mulcet. Mammæ grumis induratas dissolvit. Crudū aut coctum comestū urinā mouet. Decoctum eius radicūq; potum, letiferis medicamentis aduersatur, uomitū ciens. Aluum cohibet. Semen efficacius urinam cit. Succurrit & ferarū moribus, & ijs qui lithargyrū hauserunt. Inflationes discutit. Miscetur etiam utiliter medicamentis dolorem leuantibus, theriacis, & tussi medentibus.

EX GALENO.

Apium usque adeo calidū est, ut & urinas & menses cieat. Flatus quoq; discutit, & magis semen quàm herba ipsa. Ori, stomachoq; gratissimum.

EX PLINIO.

Rami Apij largis portionibus per iura innatant, & in cōdimentis peculiarē gratiā habent. Oculis illitū cum melle, ita ut subinde foueant feruenti succo decocti, alijsq; membrorū. Epiphoris per se tritum, aut cum pane, aut polenta impositū, mirè auxiliatur. Pisces quoq; si ægrotent in piscinis, apio uiridi recreantur. Verū apud eruditos non aliud erutum terra in maiore sententiarū autoritate est. Ad cibos non est admittendū, imò omnino nefas: nam id defunctorū epulis feralibus dicatū existimant. Ipsi quoq; uisus claritati inimicū. Eos qui ederint sterile scire mares fœminasq; tradunt. In puerperijs uerò ab eo cibo comitiales qui ubera hauriunt. Innocentiorē tamen esse marem. Ea q; causa est, ne inter nefastos frutices damnet. Mammæ duritiā impositis folijs emollit. Suauiores aquas potui incoctū præstat. Succo maximè radicis cum uino lumborū dolores mitigat. Eodem iure instillato grauitatem



APIVM
Epfich.

A uitatem aurium. Semine urinā ciet, menstrua ac secundos partus. Et si foueantur semine decocto sugillata reddit color, cum oui albo illitum. Aut ex aqua coctum potumq̃ renibus medetur. In frigida tritum oris ulceribus. Semen cum uino, uel radix cum ueteri uino uesicæ calculos frangit. Semen datur ex tribus cyathis ex uino albo.

EX SYMEONE SETHI.

Vrinam cit, obstructions tollit, non inflat, magis uerò flatus discutit, & menses ducit. Difficulus autem concoquitur, atq; ob eam causam oportet ipsum in medio ciborū sumi. Paululum quid uentrem sistit. Proprietate uerò quadam comitiales lædit, & oportet hos omnino abstinere. Sæpe enim quidam qui ferè ex hoc morbo conualuere, parati autem eum incidere, ex eius usu iterum comitiales facti sunt. Offendit etiam testes. Semen autem quàm folia ualidius & efficacius, & eo radix. Prodest ad singultus à crasis excrementis profectos. Abstergit renes & uesicā. Obstructions in uenis & arterijs factas aperit. Semen præsumptū, ebrietatem arcet. Confer etiam ad bonum * corporis odorem, multiq; crebriore huius usu grauem * cor- * al. oris
* oris
poris odorem abegerunt. Mulieres ad rem ueneream promptiores facit. Si in huius decocto calculosi desidant, calculos, ut ferunt, eijcit, & difficultatē urinæ sanat, & renes curat. Lactantes mulieres oportet ab eius usu abstinere; minuit enim lac.

S▷ BARBARAE HERBA▷

CAP. CCLXXXIIII.

NOMINA.

BEQVE huius herbæ aliud nomen, quàm quo uulgò appellatur, afferre potuimus. Superstitione enim quadam ducti prioris temporis herbarij, diuæ Barbaræ herbam nominarunt. Nec nos aliud nomen utcunque inuestigantes ex herbarij rei peritis extorquere potuimus. Germanis S. Barbara traut uocatur. S Barbara herba cur dicta.

FORMA.

Caulem habet rotundū, solidum, striatum, folia Erucae modo laciniata, flores luteos, siliquas teretes, semine refertos, radicem ex obliquo prodeuntē, & oblongam.

LOCVS.

Pasim in campestribus nascitur.

TEMPVS.

Maior & Iunior mensibus floret, ac subinde in siliquis semen profert.

TEMPERAMENTVM.

Gustanti primum subacris esse, dein parum etiam adstringere uidetur, ut calidā & siccam esse nemo dubitare debeat.

VIREs.

Vulnerariam herbam esse & temperamentū eius & experientia docet. His uerò potissimū ulceribus medetur quæ impura sunt, & in quibus caro supercrescens fuerit; nam quia ualenter siccatur, ideo sordes extergere, & carnes minuere potest.




S. BARBARAE
HERBA.

S. Barbara frut.

SAXIFRAGA MA
IOR SEV ALBA.

Hoher Steinbrech.



NOMINA.



Nueteribus Græcis & Latinis herba hæc cognita fuerit, nondum mihi constare ingenuè fateor. Vulgus herbariorū & officinæ Saxifragā maiorem, & albam, quod scilicet mirificam in cōminuendis frangendisq; calculis uim, ac flores albos habeat, hodie uocant. Germani hohen Steinbrech/uel weissen Steinbrech appellant.

FORMA.

Caulem habet lanuginosum, subrubicundū, folia exigua, rotunda, in extremitatibus incisa, flores candidos, radicem exilem, cui granula Coriandri seminis quantitatem referentia adhærent, partim alba, partim rubea, quibus officinæ pro semine eius utuntur.

LOCVS.

In pratis & montibus, potissimum siccis, prouenit.

TEMPVS.

Maior mense floret, dein statim euanescit.

TEMPERAMENTVM.

Quum flores, folia & radix gustanti amara sint, calidam & siccam in ordine tertio esse uerisimile existit.

VIRE S.

Vrinā mouet, calculos frangit & conterit. Stranguriæ itaque confert: abstergit enim expurgatq; & quæ in uenis est crassitiem, sicut omnia alia quæ amara sunt, incidit. Menses quoque cit, crassaq; ac glutinosa ex thorace educit.

D

DE SAXIFRAGA LUTEA

NOMINA.



Saxifraga cur
dicta.

OMEN hoc in præsentia fingere adlubuit, cum scilicet aliud quo herbam hanc appellaremus non occurreret, ut hac ratione à priori discerni posset. Saxifragā autem uocare placuit, quod nimirū calculos frangat. Ad quod sanè nomē alludentes Germani Steintlee nominant, quod idem ualeat, ac si Trifolium frangens lapidem dicerent. Alio nomine gulden oder geelertlee/&, quod sententiam nostram confirmat, Steinbrechen/à cōminuendo lapide appellant. Luteā uerò diximus à luteis floribus, uolentes eam ab alba discriminare Saxifraga. Cōmodissimè itaq; germanicè geeler Steinbrech uocabitur. Perperam ea officinæ nonnullæ pro Meliloto usurpant, ut suo etiam loco indicauimus.

officinarum
error.

FORMA.

Caulem cubiti ferè altitudine obtinet, folia scenogræco similia, in quouis pediculo tria: floribus pisi, multò tamen minoribus, luteis, odoratis, deorsum nutantibus, semine per ramulos diffuso rotundo, radice subcandida.

LOCVS.

Pasim in aruis & segetibus prouenit.

TEMPVS.

Floret tota æstate, potissimū autem Iulio mense, in quo semen etiam producit.

TEMPERAMENTVM.

Calidam & siccam esse gustus abundè docet: amara enim & subacris existit.

VIRE S.

Abstergit, expurgat, & quæ in uenis est crassitiē incidit, atque adeo obstructions iecinoris




SAXIFRAGA
LVTEA.

Grosser Steinklee.

Ciecinoris & lienis tollit. Vrinā mouet, menses cit, lapidem frangit, & quæ in thorace sunt glutinosa extenuat & educit. Rectè itaq; recentiores in obstructionibus renum & uesicæ, earundemq; partiū calculis hac herba utendum esse docent. Succus etiam eius herbæ ac florum eiusdem ad caliginē oculorum instillatus confert.

DE SISARO CAP. CCLXXXVII

NOMINA.

Sifer.  **ISAPON** Græcis, Sifer Latinis, uulgo Pastinaca, quod ei congener sit, appellatur. Sunt qui extritis priorib. literis diminutrice forma Serullū, aut Seruillam, aut Cheruillā, pro Siferculo nominent. Germani ad corruptam hanc appellationē respicientes, Gerlin & Geirlin uocant.

Serullum pro Siferculo.

GENERA.

Duo sunt Sifari, Plinio lib. xx. cap. v. autore, genera. Vnum satiuū, quod iterum duū est generum: unum enim magnum dicitur, Germanis *groß zam Mozen*. Alterū uerò minus, quod idem priuatim *Geirlin/weiß Mozen/Klein zam Mozen*/uel *Morchelen* nominant. Alterum erraticum, quod *wild Mozen* appellant.

Baucias. Officinis nonnullis Baucias dicitur.

FORMA.

Sifaron satiuum. Sifaron satiuū caulem habet angulosum, folia oblonga, & in extremitatibus incisa, flores magnū luteos, minus uerò candidos, semen latum & foliaceū, radices intus candidas, iucundi gustus, esuiq; gratissimas. Erraticū caule est bicubitali, folijs Pimpinellæ, sed maioribus, flore luteo & umbella Anethi, semine lato & rotundo, ut satiuum, radice tenui ac longa.

Erraticum.

D

LOCVS.

Copiose in Germania nostra prouenit: gaudet enim frigidis locis. Satiuum quidem in hortis, erraticū uerò passim in incultis, uberius autem in apricis pratis.

TEMPVS.

Vtrunq; æstate floret, atque subinde semen producit.

TEMPERAMENTVM.

Sifaron Paulus in tertio ordine, Galenus autem rectius in secundo calidum esse statuit. Satiuum autem siccum quidem simul in primo ordine, quandoquidē Venerem stimulat: erraticum uerò, quoniam adiectam habet amaritudinē quandā cum leuicula adstrictione, siccus existit.

VIRES. EX DIOSCORIDE.

Suauis ori elixa Sifari radix, stomacho utilis, urinā cit, & appetentiā excitat.

EX GALENO.

Sifari radix cocta, stomacho grata est, & urinam mouet.

EX PAVLO.

Sifari radix cocta, stomacho utilis est, & urinæ ciendæ. Semen tenue est & diffusorium, ualidumq; idcirco ijs quos singultus & tormina male habent, cum uiuo exhibetur.

EX PLINIO.

Sifer erraticum satiuo simile est & effectu. Stomachū excitat, fastidium discutit. Ex aceto laespitiato sumptum, aut ex pipere & mulso, uel ex garo, urinam ciet, ut Opion credit, & Venerem. In eadem sententia est Diocles. Præterea cordi conuenire conualescentiū, aut post multas uomitiones perquam utile. Heraclides contra argentum uiuum dedit, & Veneri subinde offensanti, agrisq; se recolligentibus. Satiui priuatim succus cum lacte caprino potus, sistit aluum.

DE SYCE.



SISARVM SATIVVM
MAGNVN.

Groszam Doren.



SISER
SATIVVM.

Gerleim.



SISER SYL-
VESTRE.

Wild Thyme.

Ficus.



ΥΚΗ *ἡμῶν* Græcis, Ficus sativa Latinis & officinis, Germanis Feigenbaum dicitur.

FORMA.

Ficus sativa arbor est non magnopere procera, quanquā amplissimæ quædam inueniantur, uel pyris emula magnitudine, caudice breui, cortice leui, medulla carnosa, folio perquam magno umbrosoq̃, profundè admodū laciniato, sine flore, pomo quod supra folij pediculū nascitur, tubinato, molli, intus granoso, succo cum maturescit lacteo, postea melleo; radicibus multis, obliquis ac longis.

LOCVS.

Iam in plerisq̃ Germaniæ nostræ hortis plantatur, at in paucissimis fructus maturos producit. Calidiora & aprica loca amat; arbor enim omnium ferè tenerrima & delicatissima, gelicidia & glacies horret.

TEMPVS.

Germinat sub Arcturum post uer, aut paulò ante solstitium.

TEMPERAMENTVM.


Ficus arbor calidæ temperaturæ est, tenuiumq̃ partiū, ceu indicant tum liquor eius, tum foliorum succus. Valenter enim eorum uterq̃ calidus est. Ficus quoque recentes & aridæ primo ordine completo calefaciunt, aut secundo incipiente; desiccant uerò in medio primi.

VIRE. EX DIOSCORIDE.

Fici mature, teneræ recentèsue stomacho noxiæ. Aluum soluunt, sed facilè ab eis contracta fluxio sistitur. Exanthemata & sudores prouocant. Sitim sedant, calorē restinguunt. Siccæ nutriunt, calefaciunt, sitim magis afferunt, bonam faciunt aluum. Fluxionibus tamen stomachi & uentris inutiles; arteriæ uerò, uesicæ & renibus utiles. Amicæ etiam ijs quos longa uoletudo decolorauit, asthmaticis, comitiali morbo laborantibus & hydropicis. Decoctæ cum Hyssopo & potæ, quæ in thorace sunt purgant. Veteri tussi, & diuturnis pulmonis affectibus prosunt. Aluum molliunt, tussæ cum nitro & croco manducatæ. Decoctū earum arteriæ & tonsillarum inflammationibus gargarizatu confert. Cum hordeacea farina cataplasmati miscetur, & in muliebria fomenta cum scenogræco, aut ptisana. Cum Ruta decoctæ, in torminibus infundunt. Coctæ, tritæ illitæq̃, duritias discutiunt, parotidas ac furunculos emolliunt. Panos maturant, maximè iride, nitro, aut calce addita. Crudæ cum antedictis tussæ, eadem efficiunt. Cum malicorio, pterygia purgant. Cum atramento sutorio difficiles curatu & maleficas tibiæ fluxiones sanant. Quin cum uino decoctæ, addito absinthio & hordeacea farina, hydropicis illitæ auxiliantur. Crematæ & cerato cōmixtæ, perniones sanant. Crudæ & tritæ sinapi humido exceptæ, ac auribus impositæ, sonitus & prurigines curant. Succus tam syluestris quàm satiuæ Fici, coaguli modo lac coagulat, concretumq̃ ut acetum dissoluit. Exulcerat corpora, ac uenarum ora aperit. Soluit aluum. Vterum laxat, cum Amygdala trita potus. Menstrua ciet cum luteo oui appositus, aut tyrrhenica cera. Podagricorū cataplasmati cum farina scenigræci & aceto utilis. Lepras, lichenas, discolorē à sole cutem, alphos, scabies, achoras, cum polenta expurgat. Instillatum plagæ percussis à scorpionibus, uenenatorū ictibus, & rabiosi canis moribus auxiliatur. Dentium doloribus lana exceptus prodest, & cauis eorum inditus. Myrmeciam tollit cum adipe circumlita in ambitu carne.

EX GALENO.

Fici arboris liquor, & succus foliorū eius non mordicat tantū, aut absterget uehementer, sed & ulcerat, & ora uasorū referat, & myrmecias eicit. Verum & purgare potest.



FICUS SA-
TIVA.

Feigenbaum.

C potest. Ficus aridæ tumores duros concoquunt, eosq̃ statim discutiunt. Atq̃ ipsæ per se illitæ eiusmodi uim obtinent. Sed & decoctū earum eiusdem utiq̃ nature est. Verum ubi magis cōcoquere consiliū est, miscenda est farina triticea: ubi uerò plus digerere, hordeacea. Panis horum in medio est. In præsentiarū hæc de caricis nouisse sufficiat. Scire uerò oportet, quod quæ pinguiore sunt, magis possunt concoquere: quæ uerò gustu acriores, magis tum extergere, tum discutere. Cæterū quod ex ijs plurimū in aqua coctis efficitur, simile est melli non solum consistentia, sed & facultate. Porro Ficus uirides comesæ propter admistam humiditatē facultatis sunt imbecillioris: subducunt tamen aluum utræq̃ tum humidæ tum siccæ. Præterea Ficus cōmeabiles sunt, & facile in totum corpus peruadunt, penetrantq̃. Nam & abstergendi ui pollent haud obscura: cuius gratia cōmansæ, è calculosis renibus arenularū uim propellunt. Caricę licet multiplici utilitate cōmendentur, si quis tamen crebrò largiterq̃ esitauerit, sentiet non esse innoxias. Non admodū enim probum sanguinē gignunt, quapropter pediculorū quoq̃ agmen eas comitatur. Incidendi extenuandiq̃ uim habent, quo nomine aluum stimulant ad excretionē, renesq̃ expurgant. Iecori autem leniq̃ inflammatione obseisis officiunt, uelut Ficus quoq̃, cōmuni ratione omniū dulcium epularū, non peculiari quadam eximia facultate. Obstructis autē illis, aut scirrhotentatis, ipsæ ex sese proprijs uiribus nihil profunt, nec obfunt: sed incidentibus, extenuantibus, & abstergentibus iunctæ, non medio criterauxilantur: ideoq̃ medici nonnulli in dictis lienis iecorisq̃ affectibus eas longè ante cibum cum thymo, aut pipere, aut zingibere, aut pulegio, aut fatureia, aut calamentha, aut origano, aut hyssopo dare soliti sunt. Ad eundē modum cum alio quouis acrem qualitatem, aut omnino incidendi extenuandiq̃ uim gerente caricas assumere, nō solum ita affectis, sed sanis quoq̃ ex usu fuerit. Siquidē iecoris meatus,

D per quos fertur alimentū, patentes apertosq̃ seruari non solis laborantibus, sed bene ualentibus etiam tutissimū est. Proinde hoc pacto Ficus extenuante sale, acetogaroq̃ conditas uulgò comedunt, experimento id utile esse cōpertum habentes.

EX PLINIO.


Fici succus lacteus, aceti naturā habet: itaq̃ coaguli modo lac contrahit. Excipitur ante maturitatē pomi, & in umbra siccat ad aperienda ulcera, cienda menstrua, appositus cum luteo oui, aut potus cum amylo. Podagris illinitur cum farina fœnigraci & aceto. Pilos quoq̃ detrahit, palpebrarumq̃ scabiē emendat. Item lichenas & psoras. Aluum soluit. Lactis ficulni natura aduersatur crabronū, uesparumq̃, & similitum uenenis, priuatim scorpionū. Idem cum axungia uerrucas tollit. Folia & quæ non maturuere Fici strumis illinuntur, omnibusq̃ quę emollienda sunt discutiendæ. Præstant hæc & per se folia. Et alij usus eorū, tanquam in fricando liene & alopecijs, & quæcunq̃ exulcerari opus sit, & aduersus canis morsus. Ramorū teneri cauliculi cuti imponunt. Idem cū melle ulceribus quæ ceria uocantur, illinuntur. Extrahunt infracta ossa cum Papaueris folijs syluestris. Canum rabiosorū morsus, folio trito ex aceto restringunt. Enigra Ficu candidi cauliculi illinuntur furunculis, muris aranei morsibus cum cera. Cinis earum ē folijs, gangranis, consumendisq̃ quæ excrecunt. Fici maturæ urinā ciunt, aluum soluunt, sudorē mouent, papulasq̃. Ob id autumno insalubres, quoniā sudantia huius cibi opera corpora refrigerant. Nec stomacho utiles, sed ad breue tempus. Nec uoci contrariæ intelliguntur. Nouissimæ salubriores quàm primæ. Medicatæ uerò nonnunquā iuuenum uires augment. Senibus meliorem ualetudinē faciunt, minusq̃ rugarū. Sitim sedant, calorem refrigerant: ob id non negandæ in febribus constrictis, quas stegnas uocāt. Siccæ Fici stomachū lædunt, gutturi & faucibus magnificè utiles. Natura ijs excalfaciendi. Sitim afferunt. Aluū molliunt, rheumatismis eius & stomacho contrariæ. Vesicæ semper utiles, & anhelatoribus, ac suspiriosis. Item iecinorū, renum, lienum uitijs. Corpus & uires adiuuant, ob id antè athletæ hoc cibo pascebantur.

Pythago.

A Pythagoras exercitator, primus ad carnes eos transtulit. Recolligentibus se à longa ualeitudine utilissimæ. Item comitialibus & hydropicis, omnibusq; quæ maturanda aut discutienda sunt, imponuntur. Efficacius calce aut nitro admixto. At coctæ cum hyssopo pectus purgant, pituitam, tussim ueterem. Cum uino autem ad sedem, & tumorē maxillarum, & furunculos, panos, parotidas, decoctæ illinuntur. Vtiles & decocto earum fouere foeminas. Decoctæ quoq; eadem cum fœnogræco utiles sunt pleuriticis & peripneumonicis. Cum Ruta coctæ, torminibus profunt. Tibiarū ulceribus cum æris flore. Pterygijs cum punico mælo. Ambustis, per nionibus cum cera. Hydropicis coctæ in uino, & cum absinthio & farina hordeacea, nitro addito. Aluum sistunt manducata. Scorpionū ictibus cum sale tritæ illinuntur. Carbunculos extrahunt in uino coctæ & impositæ. Carcinomati, si sine ulcere est, quampinguissimā Ficum imponi, penè singulare remediū est: item phagedænæ. Cinis non ex alia arbore aciem purgat acrior, conglutinat, replet, adstringit. Bibitur & ad discutiendū sanguinem concretū. Item percussis, præcipitatis, cōuulsis, ruptis, cyathis singulis aquæ & olei. Datur tetanicis & spasticis. Item potus uel infusus coeliacis, dysentericis. Et si quis eo cum oleo perungat, excalfacit. Item cum cera & rosaceo subactus, ambustis cicatricē tenuissimā obducit. Lusciosos ex oleo illitus emendat, dentiumq; uitia, crebro fricatu. Produnt etiam, si quis inclinata arbore, supino ore aliquem nodum eius morfu abstulerit nullo uidente, atq; in aluta illigatum licio è collo suspenderit, strumas & parotidas discuti. Cortex tritus cum oleo, uentris ulcera sanat. Crudæ grossi uerrucas & thymos nitro farinaq; additis tollunt, spodijsq; uicem exhibet fruticum à radice exeuntiū cinis. Bis tostus adiecto psimmythio digeritur in pastillos, ad ulcera oculorum & scabritiam.

EX SYMEONE SETHI.

B Ficus admodū nutriunt, non tamen adstrictam & robustam carnem efficiunt, ut panis ac caro, sed laxam. Ventrem flatibus implent, nisi probè coquantur. Minus uerò quàm cætera opora sunt mali succi, & uentrem proritant, & faciliè exeunt. Effatu dignā extergendi facultatē obtinent: proinde arenosa multa si edantur nephreticis excernuntur. Maturæ Ficus nihil ferè obsunt, proximeq; ad caricas accedunt, quæ multa utilia habent. Malum hoc illis inest, quod sanguinem non admodū bonum gignunt, unde & pediculi procreantur. Oportet autem post usum Ficuum, alimentum quod extenuet, ingerere. Ad hæc Fici pulmonem & thoracem iuuant. Aiunt insuper cōtra uenena facultatē habere, si quis singulis diebus ieiunus ijs utatur. Caricæ pectus iuuant, & tusses. Vrinam ciunt, satisq; nutriunt, corporis etiam bonam habitudinē efficiunt. Ante cibum sumptæ, uentrem irritant, sed nisi celerius uentrem pertranseant, non bonum sanguinē gignunt. Quapropter si ad satietatem usque eduntur, scabiem & pruritum excitant. Cibus autem bonus est, & aduersus uenena remediū, si cum nucibus aut amygdalis comedantur. Renes expurgant, & iecoris, lienisq; obstructions auferunt, uerum calefaciunt, & sitim inferunt, & flauam in calidioribus temperamentis bilem procreant. Impositæ parotidibus & reliquis abscessibus, emolliunt & concoquunt, potissimum in ijs quibus sunt carnes molliores. Podagricis cum fœnogræco & aceto impositæ, non parum iuuant.



SPARTVS

Pectinata.

NOMINA.



SPARTON, *ἡ σπάρτιον* Græcis, Spartum Romanis uocatur. Officinis incognitum. Germanis *Pfritzen* appellari potest. Sparton uerò dixerunt, quod funiculi ac uinculi usum in alligandis uitibus præbeat.

Spartum unde dictum.

FORMA.

Frutex est uirgas longas proferens, sine folijs, ualidas, difficulter fragiles, quibus uites ligant. Siliquas phaselorum modo fert, & in ijs semina lentis formam habentia. Florem luteum, ueluti Leucoion.

LOCVS.

Aridum solum amat, estq; ueluti terræ iuncus.

TEMPVS.

Floret circa Idus Iunias, ac subinde siliquas producit.

TEMPERAMENTVM.

Calidum & siccum esse, & gustus & uires indicant.

VIRE. EX DIOSCORIDE.

Sparti semen & flores in aqua mulsa pota quinque obolorum pondere, per superna cum intensione ueluti Elleborus citra periculum purgat. Semen per inferna purgat. Quinetiam maceratis in aqua uirgis eius, deinceps uerò tussis & expressis, si succus cyathi unius mensura ieiunis bibatur, ischiadicis & angina laborantibus auxiliatur. Quidam etiam muria, aut marina macerantes, ischiadicis clysterem infundunt. Strigmenta autem cruenta elicit.

EX GALENO.

Sparti, quo & uites apud nos alligant, tum semen, tum uirgarum succus, non instrenue trahentis est facultatis.

EX PAVLO.

Sparti, quo uites ligant, & semen & flos cum mulsa pondere quinque obolorum pota, per superiora purgant ueratri modo sine periculo. Semen per inferiora quoque purgat. Virgæ ipsius ad coxendicum dolores proficiunt.

EX SYMEONE SETHI.

Sparti, quo uites ligantur, semen & flores cum aqua mulsa si bibantur pondo obolorum quinque, per superna purgant, ut Elleborus albus, sine periculo. Semen autem per inferna purgat. Virgæ uerò ischiadicis profunt.

DE SMYRNIO CAP CCXC

NOMINA.



SMYRNION Græcis, Smyrnion Latinis, officinis Leuisticum, Germanis *Liebstöckel* dicitur. Smyrnion dictum, quod huic idem sit odor qui Myrrhae. Errant qui Leuisticum hodie nominatam herbam, eam esse putant quæ Dioscoridi Ligusticum appellatur. Neq; enim caulem geniculatum, neque etiam folia Meliloto similia profert. Tolerabilior est sententia eorum qui arbitrantur secundam esse Dauici speciem.

Smyrnion cur dictum.

Leuisticum non est Ligusticum.

FORMA.

Caulem habet Apio simile, adnascantias obtinentem multas. Folia latiora Apio, ad terram contrafacta, subpinguia, robusta, cum acrimonia odorata, medicataq; & colore sublutea. Umbellam supra caulem Anetho similem. Semen rotundum, nigrum, sapore acre. Radicem acrem, odoratam, teneram, succosam, fauces mordentem, foris nigram, intus pallidam, aut subalbidam. Cæterum si quis singulas has notas uelit expendere, facile perpendet Smyrniū eam esse herbam quam hodie Leuisticum nominant. Siquidem ea ut Apium caulem profert concauum, ac stolones multos. Folia quoque Apij,

Smyrnium esse Leuisticum.



SMYRNIVM

Liebstockel.

Soutstockel

Livocke gallia

A at latiora, ad terram confracta, subpinguia, firma, cum quadā acrimonia odorata, odore tamen medicato, colore in luteum languido: muscariū in capitibus caulium Anetho simile: semen rotundū, nigrum, acris sapore: radicem odoratā, acrem, gustu fauces mordentem, succosam, mollem, foris atram, intus subalbidam, aut pallidam. His accedit quod Leuisticū forma & odore Apio ualde simile est, ita ut nonnulli hac ratione moti putauerint esse Apī speciem quandā: ut congenerē esse herbam, quemadmodū testatur Galenus, nemini dubiū esse debeat. Vnde iterum liquidō colligi potest esse Smyrnion, quod certē statim ab Apio Dioscorides, tanquā similem congeneremq; herbam, idipsum describat. Conueniunt etiam utrarumque herbarum facultates, ut paulō post monebimus. Item Dioscorides scribit Pæoniam foeminā folia Smyrnij habere. Quid uerō folijs Pæoniæ foeminæ, quā folia Leuistici hodie nominati magis simile: ut nemo dubitare debeat subinde Smyrnion esse Leuisticum.

*Leuisticū forma
et odore Apio si-
mile.*

L O C V S.

Nascitur hodie passim in hortis. Humida autem loca amat.

T E M P V S.

Floret æstiuo tempore.

T E M P E R A M E N T V M.

Calidum & siccum in tertio ordine.

V I R E S. E X D I O S C O R I D E.

B Calefaciendī facultatem habent radix, herba & semen. Olerū modo comeduntur folia muria macerata, aluumq; sistunt. Radix serpentū moribus pota succurrit. Tussis & orthopnceas mitigat. Vrinæ difficultati medetur. Illita recentia cedemata, phlegmonas, & duritias discutit. Vulnere ad cicatricem perducit. Feruefacta & subdita, abortus facit. Semen eius lienis, renum & uesicæ uitijis prodest. Menses & secundas pellit. Cōmodē datur ischiadicis cum uino. Inflationes stomachi lenit. Sudores & ructus ciet. Potū peculiariter hydropicis, & febriū circuitibus prodest.

E X G A L E N O.

Smyrnion est eiusdem generis cum Apio & Petroselino: fueritq; Apio quidem ualidius, Petroselino autem imbecillius. Menses itaque & urinas mouet. Cilices in Amano monte natum Petroselinū uocant. Est quidem & ipsum Smyrnion, minus uerō Petroselino & Smyrnio acre est. Proinde & ulceribus imponi potest, quia uidelicet sine molestia desiccet. Sed & digerere quæ indurata sunt, ualet. Reliqua facultas eius Apio & Petroselino similis est. Quocirca & semine utimur ad menses, urinas & asthmata. Hæc Galenus. Ex ijs Galeni uerbis liquidō apparet duplex esse Smyrnion, unum quod alio nomine Hipposelinon, de quo suo diximus locō, dicitur; alterum autem quod in Amano nascitur monte, de quo hic nobis sermo est.

E X P L I N I O.

Vrinā & menses ciunt folia & radix. Aluum sistit semen. Radix suppurationes recentes, & collectiones discutit: item duritias illita. Prodest contra phalangia, ac serpentes, admixto cachry aut polline, aut apiastro in uino pota, sed particulatim, quoniam uniuersa uomitiones mouet, quæ de causa nonnunquā cum ruta datur. Partus adiuuat, & secundas pellit. Medetur tussi & orthopnceæ radix uel semen. Item thoracis, lienis, renum & uesicæ uitijis. Radix autem ruptis, conuulsis auxiliatur. Sudores ciet & ructus, ideo inflationem stomachi discutit. Vulnere ad cicatricem perducit. Datur ischiadicis in uino cum crethmo. Exprimitur succus radice, utilis foeminis, thoracis & præcordiorū desiderijis: calefacit enim, concoquit, & purgat. Semen peculiariter hydropicis datur potu, quibus & succus illinitur. Concoctiones facit. Sapore simillima piperi, ideo ad obsonia utuntur cum mulso, oleo & garo, maximē in elixis carnibus.

C

APPENDIX.

Confer cum iam dictis facultatibus eas quas Leuistico recentiores tribuunt, & comperies prorsus easdem esse. Tradunt enim eius semē mouere menses & urinas, inflationes tollere, serpentiū moribus mederi, calculos confringere, sudores ciere, uulnera conglutinare, lienisq; obstructions auferre: adeò ut hinc iterum constet, Leuisticum à Smyrnio non esse, saltem uiribus, diuersum.

DE SILPHIO CAP. CCXCI

NOMINA.



Ostritium cur
dictum.

IAΦION Græcis, Laser, & Laserpitium Latinis dicitur. Vulgo & officinis corrupta uoce, deflexa tamen quadam à Laserpitio pristini nominis umbra, Ostritiū uocatur. Primum siquidē, ut dictum est, Laserpitium, dein deprauata nomenclatura, Ostritiū, postremo Ostritium ccepit appellari. Qui sanè lapsus facilis admodum fuit. Abiecta namq; prima litera, Asteritium, & dein a mutato in o, Ostritiū, ac postremo magis concise Ostritium nominare imperiti ceperūt. Veteribus Germanis haud dubie *Laserwur* dicta est hæc herba, quam quidem uocem, utpote semilatinā, posterius non rectè intelligentes, in *Weyserwur* mutarunt, Qua quidem appellatio ne adhuc hodie omnes utuntur Germani,

FORMA.

D
Laserpitium ger
manicum.

Caulē ferulæ similem habet, folia uerò Apij, aurei coloris, semen latum, foliaceum, radicem quæ corticem nigrum obtinet, à qua liquor etiā modicè rubens, translucidus, myrrhamq; redolens, ac odoratus destillat. Ex qua quidē descriptio-
ne luce clarius constat, herbā hanc cuius picturā damus, esse Laserpitiū, saltem germanicū. Caulis enim ei sceniculaceus, seu ferulæ, hoc est, geniculatus, folia Apij in auri colorē languescētia, semen foliaceū & latum, nempe quod figura exile foliolū exprimit: radix crassa & multa, foris nigricans, intus candida, miraq; flagrans iucunditate, quæ si uulneratur, liquor profluit lentus, ac modicè rufus, suauissimumq; spirans odorem, & linguam sua acrimonia uellicans, ut sanè nulla sit prorsus nota quæ reclamare uideatur. His accedit quod facultates Ostritiij nominati à Laserpitij uiribus non discrepant, quemadmodum ex sequentibus patebit.

LOCVS.

Succus Cyrenaicus.
Belzuinum est
Laserpitium.
Asa foetida.

Nascitur in Syria, Armenia, Media & Aphrica. Quod ex Armenia & Aphrica affertur suauissimum odorem habet, præsertim Cyrenaicum, unde & *ὀνός*, id est, succus Cyrenaicus appellatur. Ne hoc Laserpitium aliud est quàm concretus ille succus, quem officinæ Belzuinum, uel Ben Iuinum uocant. Quod uerò ex Media & Syria affertur, Dioscoride teste, uirosū odorem obtinet, ac putrilaginē respicit, ideoq; uidetur esse id quod hodie officinæ passim Asa foetidam nominant. Quod etiam hinc colligi potest, quod in hodiernum usque diem ex Syria Alexandrina, & hinc Venetias deportatur. Nostrum in montosis locis prouenit, ac in omnibus ferè hortis nunc plantatur.


TEMPVS.

Iunio mense flores admodum exiguos ac candidos, instar Anisi, profert, atque subinde semen latum.

TEMPERAMENTVM.

Silphij liquor calidissimus est. Verumenimvero & folia, & caulis, & radix sat strenuè excalfaciunt. Nostrum etiam Laserpitiū in uniuersum calidius atq; acrius est pipere ipso, adeoq; calefacit & exiccat in tertio ordine. Radix autem & semen, folia & caulē superant, ut in eo etiam efficacissimus omnium aliarum partium sit liquor, secundo loco folia, postremo caulis.

VIRES.



ASERPITIVM
GERMANICVM.

Stecherwurz.

C

VIRES. EX DIOSCORIDE.

† πονδύραγμα
διγίτων λεγέ-
ται.

Lasertij liquor acris est, inflat. Inunctus cum uino, pipere & aceto, alopecias sanat. Oculorū aciem exacuit. Incipientes suffusiones cum melle inunctus dissipat. Cauernis dentium in eorundem dolore inditur, aut cum thure in linteo circumponitur, aut colluitur eo os cum Hyssopo, & Ficis coctis in posca. His prodest, quos bestia in rabie efferata momorderit, uulneribus impositum. Valet aduersus omnia animantia quæ uirus ei aculantur, uenenata tela, potus aut inunctus. Scorpionum plagis oleo dilutus circumlini. Gangrænis † antea scarificatis immittitur. Carbulisq; cum ruta, nitro & melle, uel per se. Clauos, callosq; prius circumscarificatos tollit, cerato, aut aridorū Ficum carne præmollitus. Recentes lichenas ex aceto sanat. Excrecentias carnis, polyposq; si aliquot diebus cū atramento sutorio aut erugine illinatur. Extuberantia cum forfice extrahit. Diuturnis asperæ arteriæ asperitatibus opitulatur. Vocem subito exasperatā irrauescentē muc, dilutus aqua & absorptus confestim restituit. Vuam cum melle inunctus reprimat. Angina laborantibus ex aqua mulsa utiliter gargarizatur. Coloris bonitatē ijs qui eo uescunt auget. In forbili ouo datus tussi auxiliatur, pleuriticisq; in sorbitionib. Suffusis felle, & hydropicis cum aridis Ficis utiliter exhibetur. Cum pipere, thure & uino potus, rigores soluit. Neruorum distentione laborantibus, opisthotonicisq; datur oboli pondere deuorandus. Hærentes gulæ hirudines, gargarizatū cum aceto deijcit. Ad lac intus in grumos concretū. Comitibus ex oxymelite sumptus succurrit. Menses ciet cum pipere & myrrha potus. Celiacos in acino uuæ sumptus iuuat. Cum lixi uio potus, repentinis conuulsionibus & rupturis prodest. Ad potiones dissoluitur amaris amygdalis, aut ruta, aut calido pane. Foliorū liquor eadem potest, sed multo minori efficacia. Cum oxymelite manditur ad expediendam asperam arteriam, præsertim amissam uocem. Utuntur eo cum Lactucis, pro eruca comedentes.

D

EX GALENO.

Omnes Silphij partes flatulentæ magis sunt essentiæ, ac proinde concoctū difficiles. Foris tamen impositæ corpori, efficaciores, & omnium potissimū liquor, admodum trahentē facultatē obtinens. Attamē excrecentias imminuendi, & liquandi uim quandam propter iam dictam temperiē habent. Liquor Cyrenæicus quidē omnes & caliditate & tenuitate exuperat, ac proinde etiam omnium maximè discutit.

EX PLINIO.

Folia Silphij ad expurgandas uulvas, pellendosq; emortuos partus, decoquuntur in uino albo odorato, ut bibatur mensura acetabuli à balneis. Radix prodest arterijs exasperatis, & collectionibus sanguinis illinitur. Sed & in cibis concoquitur ægrè. Inflationes facit & ructus. Urinæ quoque noxia. Sugillatis cum uino & oleo amicissima, & cum cera strumis. Verrucæ sedis crebriore eius suffitu cadunt. Liquor eius per se algores excalfacit. Potum neruorum uitia extenuat. Fœminis datur in uino. Et lanis mollibus ad mouetur uulvæ ad menses ciendos. Pedum clauos circumscarificatos ferro, mixtus ceræ extrahit. Urinam ciet ciceris magnitudine dilutus. Andreas spondet, copiosius sumptum nec inflationes facere, & concoctioni plurimum conferre senibus & fœminis. Item hyeme quàm æstate utilius, ueruntamen aquam bibentibus, cauendumq; ne qua intus sit exulceratio. Ab ægritudine recreationi efficax in cibo. Tempestiuè enim datus, cauterium obtinet: affuetis etiam utilius quàm expertibus. Ad externa corporum, indubitatas confessiones habet. Venena telorum & serpentium extinguit potus: ex aqua uulneribus his circumlini. Scorpionum tantum plagis ex oleo. Vlceribus uerò non maturescen-
tibus, cum farina hordeacea, uel fico sicca. Carbunculis cum ruta, uel cum melle, uel per se uisco superlitū ut hæreat. Sic & ad canis morsus. Excrecentibus circa sedem, cum tegmine punici mālī ex aceto decoctus. Clauis pedū, qui uulgò morticini appellant, nitro mixto, antè subactus. Carnes replet cū uino & croco, aut pipere, aut
murium

A murium fimo & aceto. Perniones ex uino fouet, & ex oleo coctum imponitur: sic & callo. Clauis pedum superrasis præcipuè utilitatis. Contra aquas malas, pestilentes tractus, uel dies. In tussi, uua, fellis ueteri suffusione, hydropicis, raucitatibus: confestim enim purgat fauces, uocemq; reddit. Podagras, in spongia dilutus posca lenit. Pleuriticis in sorbitione uinum poturis datur, contractionibus, opisthotonicis, ciceris magnitudine cera circumlitus. In angina gargarizatur. Anhelatoribus & in tussi uetusta, cum Porro ex aceto datur, atq; ex aceto his qui coagulum lactis forbuerint. Præcordiorū uitij, syntecticis, comitialibus in uino, in aqua mulsa linguae paralyti. Coxendicibus & lumborum doloribus cum decocto melle illinitur. Non censuerim, quod autores suadent, cauernis dentiū in dolore inditum cera includi, magno experimento hominis qui se eadem causa præcipitauit ex alto.

APPENDIX.

Laſerpitiū noſtrum ex traditione recentiorū unicè uenenis aduerſatur. Item pe- *Laſerpitiij germa-
nici facultates.*
ſtilentiae populariter graſſantis arcet contagia. Lentitiam pituitosorū humorum incidit ac diſcutit: quapropter tussi quam frigus attulit, medet. Craſſa quæ in tho- race coeunt, diſcutit. Coloris corporis bonitatē ijs qui eo ueſcuntur, efficit. Concre- tum in corpore lac & ſanguinem reſoluit. Stomachū eſu corroborat. Pituitam uen- triculi deſciit, & elanguelcentē appetentiam inuitat. Menſes & urinam ciet. Rabio- ſi canis morſu, aut ſerpentis icſtu liberat, ſi contrita folia uulneri indantur. Hypo- chondriorū uitij auxiliatur. Item lumborum doloribus. Carbunculos cum polen- ta tritum & impoſitū ſanat. Cum uino potum rigores diſcutit. Herba ipſa in uino & aqua cocta uulnera interna glutinat: & in ſumma, omnia quæ Angelica uocata herba, & maiori efficacia, poteſt. Vt hinc etiam conſtet Oſteritium à noſtris nomi- natum, eaſdem habere quas ueterum Laſerpitium, inefficaciores tamen, facultates.

B Quare cum metus ſit ne Laſerpitiū adulterinum, aut ſaltem non optimū ad nos aſ- feratur, præſtat noſtro uti, quod ſcilicet exigua admodū pecunia comparari poſſit, & uiribus ſatis efficax ſit. Nam eadem quæ Dioſcorides & Plinius Laſerpitio aſſi- gnant, recentiorum teſtimonio præſtare ualet.

DE STACHY CAP. CCXCII

NOMINA.



TAXYZ Græcis, Stachys Latinis dicitur, officinis ignota. Germanis rie- chender Andorn nominatur. Stachys uerò dicta, quod uerticillato flo- rum ambitu, & orbibus spicarum caules cingentibus coronetur.

*Stachys unde
dicta.*

FORMA.

Frutex est Marrubio similis, sed altior, folia ferens plura, sed rara, hirsuta, dura, odorata, incana. Virgas ab una radice plures emittit Marrubio candidiores. Ex hac descriptione perspicuum fit omnibus, herbam quam pictam damus, esse Stachyn: est enim fruticosa, Marrubijq; similitudinem refert, nisi quod altior est: folia quoq; plura, at rara obtinet, item hirsuta, dura, odorata & albicantia. Virgulas denique, et si pictura id ipsum non ostendat, ab una radice plures emittit, candidiores quam Marrubium. Quibus omnibus florum purpureorū uerticillatus accedit am- bitus, ac orbes spicarum, qui caules circundant.

LOCVS.

Asperis locis, montibus ac collibus prouenit.


TEMPVS.

Floret Iunio & Iulio mensibus.

TEMPERAMENTVM.

Stachys gustu acri & amaro est, tertijq; ordinis excalfacientium. Vnde iterū liquet hanc herbam esse Stachyn, quod gustata acris & amara uideatur.

VIREs.



STACHYS

Riechender Lindorn.

VIRES. EX DIOSCORIDE.

Vim habet excafactoriā & acrem. Ideoq; decoctum foliorum eius potum, menses & secundas pellit.

EX GALENO.

Menses prouocat, abortum facit, & secundas eijcit.

EX PLINIO.

Pellit menstrua.

DE SECALE CAP. CCXCIII.

NOMINA.



SECALE dicitur Plinio lib. xvij. cap. xvi. & Farrago, Germanis *Roßten* & *Rohn* nominatur. Magno in errore uersantur qui hoc frumenti genus Siliginem esse existimant. Siquidem ex hac, Plinio lib. xvij. cap. ix.

*Secale non est
Siligo.*

teste, lautissimus fit panis, tener, candidus, & primatum tenens: ex illo cibarius, ater, & pondere præcipuus, ad arcendam pauperum famem tantum utilis, qui ueterascens acorem etiam contrahit. Item Siligo habet spicam erectam, Plinio loco iam citato, cap. x. autore, nec rorem continet, quæ rubiginem faciat: hoc uerò procumbentē, & ideo quod imbres retineat, rubigini opportunū. Siligo præterea grano est candido, leui, & multipliciter tunicato: hoc contrà nigro, striato, & glumis ferè explicito. Deniq; Siligo sine arista est, hoc uerò aristis horret. Postremū ex Siligine pistrinarū opera fiunt laudatissima, ex Secale nullum ferè tentatū est. His itaque rationibus euidentissimū esse puto, hoc frumenti genus quod Germani nostri *Roßten* uocant, non esse Siliginem.

FORMA.

Secale frumenti genus uulgò notissimū, stipula est culmo triticeo, graciliore & proceriore, geniculis ut plurimū quatuor, spica innocentiorib. aristis horrente, non erecta, sed semper propemodum procumbente, grano glumis explicito, & ob id caduco, tristi, nigricante, strigoso. Plinius cap. xvi. libri xvij. scribit, Secale fecunda, sed gracili stipula esse præditū, nigritia triste, sed pondere præcipuū. Quæ singula satis monstrāt, frumentū quod *Roßten* uocant Germani, esse secalen, & nō siliginē.

LOCVS.

Gignitur qualicunque solo, ideoq; passim in Germania, præsertim Rhetia, & Vindelica seritur.

TEMPVS.

Floret Iunio mense, metitur autem Iulio.

TEMPERAMENTVM.


Magis uidetur excafacere quàm Triticum, minus tamen refrigerare quàm Hordeum. Magis item exiccare quàm Triticū, minus tamen quàm Hordeū aut Zea.

VIRES.

Habet aliquid lentoris & obstruentis naturæ. Hinc panis ex eo confectus, potissimum si à furfuribus non sit probè purgatus, stomacho grauis esse solet. Reliquæ uires ex capitibus de Tritico & Hordeo colligendæ.

DE SIDE-

768



SECALE

Rocken.

6
749



SIDERITIS
PRIMA.

Glidkraut.

-ss-

tt

NOMINA.

*Chamæpitys
adulterina.*

*Sideritis cur
dicta.*



ΙΑΗΡΙΤΙΣ Græcis, Sideritis prima Latinis dicitur. Magna officinarū pars hac herba pro Chamæpity uera utitur, non sine errore, cum satis ex forma illius constet, ut paulò post monstrabimus, non esse Chamæpityn. Germanis Glidtraut appellatur. Sideritis uerò nominata, quod glutinandis uulneribus apta, præcipuum in bello habeat usum.

FORMA.

Herba est folia Marrubio similia habens, longiora tamen, ad saluæ aut quercus figuram accedentia, uerum minora & aspera. Caules fundit quadratos, dodrantales, aut longiores, gustu non iniucundos, aliquo modo adstringentes, in quibus per interualla uelut in Marrubio uerticilli in orbem circumacti, & in his semen nigrum. Ex qua quidem deliniatione sole clarius cōstat, herbam cuius hic picturam exhibemus, esse Sideritin primam. Siquidē folia Marrubij habet, sed longiora, ad saluæ similitudinem aspera & rugosa, minora tamen. Caulem quadratum & hirsutum, non iniucundi gustus, aliquantum subadstringentis, quem per interualla uerticillati orbes coronant, ut in Marrubio uidere licet, in quibus flores subcandidi ac lutei, & subinde semen nigrum. Radicem exiguam & subluteam, quod silentio transiit Dioscorides. Non esse uerò hanc herbam Iuam arthriticam, nec Chamæpityos generibus posse annumerari, hinc conijcere licebit: primū, quod non sit pumila, sed in altum surgat, fruticis uerius quàm herbæ specie. Quod uerò neque primum neq; secundū genus Chamæpityos dici queat, hinc manifestū fit, quod utrumque folijs Semperuiui minoris sit, à quibus saluæ, qualia hæc habet, diuersissima sunt. Necq; etiam tertium, quia folia eius non sunt exilia.

LOCVS.

Nascitur asperis, petrosis & incultis locis.

TEMPVS.

Iunio mense florere incipit, nec desinit nisi in Autumni fine.

TEMPERAMENTVM.

Sideritis habet quandam abstergendi facultatē, id quod amaritudo eius satis indicat: & pauculam adstrictionem. Plurima tamen eius pars humida est, & mediocriter frigida.

VIRE. EX DIOSCORIDE.


Folia eius illita uulnera glutinare, & inflammationē arcere possunt.

EX GALENO.

Phlegmonem sedat, & glutinandi uim obtinet.

EX PLINIO.

Sideritis tantam uim habet, ut quamuis recenti gladiatoris uulneri illigata, sanguinem claudat.



771

SORGI

Welscher Hirß.

tt 2

DE SORGI CAP. CCXCV

NOMINA.



PEREGRINVM est hoc genus frumenti, & ex Italia ad nos allatū, ideoq; Germani welschen Hirß uocant. Alij Sorgsomen / quod scilicet in Italia Sorgi nominetur. Neq; constat quo nomine ueteribus sit appellatum, nisi farris genus sit, quod in Gallia nunc rubrum & barbatū frumentum nuncupant. Probè enim illi hæc nomenclatura uidetur couenire, quod nimirum eius spica rubra & barbata sit. Certò tamen nihil affirmare audemus, nam Panicum etiam referre, quamuis magnitudo repugnet, uidetur.

FORMA.

Culmos habet quatuor aut quinq; altos, crassos, geniculatos, rubicundos, folijs uestitos longis, latis, & in summitate acuminatis, harundini non dissimilibus: spicā quàm Panicū maiorē ac densiorē, rufam & barbatā, in qua semen rufum, rotundū, lentis magnitudine, & acuminatū. Florem luteum, Radicem multis fibris capillatā.

LOCVS.

Non prouenit nisi satum, & nunc in multorū hortis colitur ac plantatur, non tamen facile emergit.

TEMPVS.

Floret Iulio & Augusto mensibus, flore, ut diximus, luteo, nec nisi extrema ferè autumnii parte ad maturitatem peruenit.

TEMPERAMENTVM.

Semen dulce est, & Panicum planè in gustu refert, ideoq; temperamento ab hoc minimè differre putamus.

VIREs.

Tametsi de illius facultatibus nihil comperti habeamus, tamen quia Panicū gustu refert, easdem illi facultates obtinere existimamus, quas suo loco inuenies.

DE SERPENTARIIS OFFICINARVM

CAP. CCXCVI.

NOMINA.



Officinarum
erratum.

VO nomine ueteribus medicis Græcis & Latinis appellatæ sint, nemo hætenus, quod sciam, indicare potuit. Recentiores herbarij & officine non sine magno & intolerando errore Serpentarias uocant, non certè quod in nomenclatura tantum sit situm, sed quod forma & uiribus plurimum ab ea herba quam Græci *δρακύνιον*, Latini autem Dracunculū ac Serpentariam nominant, plurimum discrepent, ut suo loco latius demonstrabimus. Germani nostri has herbas *Watterwurß* sua lingua appellant.

GENERA.

Duo sunt Serpentariæ recentiorū & officinarū genera, forma non multum uariantes. Vnum quod leuibus admodū folijs, & radice in se contorta constat. Hinc *Bistorta*. est quod herbarijs nostri temporis Bistorta dicatur. Nos certioris discriminis gratia marem fecimus, germaniceq; *Watterwurß mennle* uocauimus. Alterum rugosioribus folijs, maioriq; radice, & minus intorta, ac multum capillata uidetur. Vulgares herbarij Colubrinā nuncupant. Nos fœminā cōstituimus, ideoq; germanice *Watterwurß weibele* uocauimus. Serpentarias uerò utrunq; genus dixerunt, propterea quod ubi primum è terra prodeunt, linguæ serpentinae pelle tenui uestitæ, formam obtinent.


FORMA.

Cauliculo constant tenui ac iunceo, glabrescente, per ima tantum foliato, spicoso florū uertice, quibus dilutioris purpuræ color inest: folio Rumicis à terra cæsis, superne

SERPENTARIA MAS
SEV BISTORTA

Waterwortz mennle.





COLUBRINA SEV SER-
PENTARIA FOEMINA.

Wasserwurz weiblich.

A perne uiridi & herbaceo: radice, mas quidem draconis modo inuoluta & contorta, foemina uerò oblonga, maiore ac capillata, extrà nigricante, intus rubescente.

LOCVS.

Nascuntur locis umbrosis & humidis, pratis potissimū Martianæ syluæ.

TEMPVS.

Florent Maio mense & Iunio, quo maximè tempore, ut omnes aliæ quæ floribus ornantur plantæ, dignosci ac inueniri possunt.

TEMPERAMENTVM.

Vtriusq; radix mirificè adstringit, ut refrigerandi ac exiccandi facultate præditas esse nemini sit dubium. Antiquus manuscriptus herbarius frigidas & siccas esse in tertio ordine censet.

VIRES.

Radices illarum glutinant uulnera, foetum in utero retinent, uomitū biliosum reprimunt, dysenteriam sanant. Hæc antiquus herbarius. Nostræ uerò ætatis medici, aliorū errata impudenter sectantes, ad longè diuersos usus Serpentariæ utriusq; radices adhibent, nempe ad eos ad quos Dioscorides, Galenus & alij ueteres suum Dracontium, cum tamen uiribus inter se maximè discrepent, quod gustus etiā abundè testatur, cum Dracontij radix acris sit, illarū uerò uehementer adstringat. Vt igitur errorē hunc relinquant, subinde medicos & seplasiarios hortor, nisi fortè perdere magis quàm sanare in delitijs habeant: sciantq; Serpentarias suas non alias quàm Britannicā habere facultates, adstringendi nimirum, priuatim ad ea quæ in ore & tonsillis sunt depascentia ulcera accommodatas, & ad omnia alia quibus adstrictione opus est. Folia etiam in farinam trita labiles dentes confirmant.

DE SCORDIO CAP. CCXCVII

B

NOMINA.



KOPAION Græcis, Latinis Trixago palustris dicitur. Officinis ferè omnibus incognita. Germanis allusione quadam ad Romanā appellationem aptè Wasserbatenig nominabitur. Scordion autem Græcis ab Alijs dicta est herba hæc, quod nimirū eius folia affricta, Allij, quod Græcis Scorodon uocatur, odorē referant. Ab hoc mali & ingrati odoris sensu, ipsæ etiam *δυσσμον* appellata est. Vt uerò Trixago dicta sit, similitudo fecit: Trixagini enim, quæ Græcis Chamædryos nominatur, similis est. Palustris autem, quoniam humilibus ac palustribus locis nascatur.


Scordion unde dictum.

Dysomon.
Trixago palustris cur uocata.

FORMA.

Folia Trixagini seu Chamædryi similia habet, maiora tamen, nec sic in ambitu incisa, odore aliquantū Allium referencia, gustu adstringentia & amara. Caules quadrangulos, in quibus flos subrubescens. Hæc delinatio sic refert herbā hanc, cuius picturā damus, ut ouum ouo non sit tam simile. Folio siquidem est Trixaginis, maiore, & per ambitum non ita profundè serrato & inciso, odore aliquatenus Allium reddente, adstringentis & amari gustus, quadrangulis caulibus: flore in caulibus, instar Chamædryos & Teucrij, subrubro, & minimè in summis caulibus, ut aliqui putant, quemadmodū pictura ipsa abundè docet. Hæc itaque herba in theriacos pastillos inferenda erit, & non syluestre Allium, ut maximo in errore uersentur seplasiarij institores, qui pro re tam salutari atq; omnibus putridis mar-

Seplasiariorum error.



SCORDIVM

Wasserbatenig.

A

LOCVS.

Nascitur in montanis & humentibus locis. Nec inter se pugnant Dioscorides & Plinius, dum hic in campis humidis pinguibusq; ille autem in montanis nasci scribit. Vterq; enim uerum dixit: in campestribus siquidem & montanis, non tamen omnibus prouenit, sed, quod Dioscorides etiam adiecit, humentibus tantum. Plantatum autem Scordium non difficulter nascitur, & possunt de uno duntaxat ramo complures prouenire, modò solo humido cōmittantur.

TEMPVS.

Iunio & Iulio mensibus floret, flos tamen non nisi diem unum durare uidetur, sic continuo unus alium sequitur.

TEMPERAMENTVM.

Tum ex saporibus, tum etiam facultatibus paulò post exponendis satis constat Scordiū calidum esse. Nam, Galeno etiam teste, amarum quid obtinet, & acre.

VIRE. EX DIOSCORIDE.

Herba uim calefaciendi habet, & urinam cit recens trita & pota. Arida quoque cum uino decocta contra serpentiū morsus, & letalia uenena bibitur. Ad stomachi rosiones, dysenteriā, & urinæ difficultatē pondere duarum drachmarū cum hydro-melite. Purgat crassa purulenta ē thorace. Facit ad ueterē tussim, rupta, conuulsa, cum nasturtio, melle & resina in ecligmate arida cōmixta. Hypochondriorū uetustas inflammationes excepta cerato lenit. Succurrit eadem podagris cum acri aceto circumlita, aut ex aqua illita. Menses supposita mouet, uulnera glutinat, uetusta ulcera purgat, & cum melle ad cicatricē ducit. Siccata carniū excrescentias reprimat, Succus præterea ex ea expressus ad prædicta uitia bibitur.

EX GALENO.

B Expurgat simulq; excalfacit uiscera, tum menses urinamq; mouet. Præterea conuulsa ruptaq; & laterū dolores ab obstructione & frigore natos sanat potum. Deniq; uiride illitum magna uulnera conglutinat: uerum sordida purgat, & maligna ad cicatricem perducit, illitum aridum.

EX PAVLO.

Scordium uarium existit, ut quod amarū, acerbū & acre sit. Purgat igitur simul & calfacit uiscera, urinas & menstrua cit, refrigerata omnia recalfacit, uulnera glutinat, repurgatq; aridum illitum cicatricem inducit.

DE STICHADE CAP. CCXCVIII.

NOMINA.



STIXAZ græcè, Stichas uel Stoechas latinè appellatur. Officinæ cognomento Arabicam uocāt. Germanis nominatur Stichastraut. Stichas uerò nomen accepit à Stoechadibus ex aduerso Mafsiliæ sitis Gallia infulis, in quibus prouenit. Arabę factionis autores patriam Stichada reliquis omnibus prætulerūt, hinc sequaces illorum gentili cognomento Arabicā nuncuparunt.

Stichas arabica.

Stichas unde dicta.

Arabica quare uocata.

FORMA.

Herba est tenuibus ramulis, comam similem Thymo habens, longiore tamen folio, & gustu acris, & aliquantū subamara. Haftenus Dioscorides, qui flores atq; spicam prorsus omisit. Sunt autem flores, ut pictura abundè monstrat, exigui & cœrulei, spica uerò flauescit, semine referta exiguo, triquetro, & coloris spadicei. Radix illi est tenuis & lignosa.

LOCVS.

Nascitur, ut antea est cōmemoratū, in insulis Gallia ē regionē Mafsiliæ, quę Stichades appellantur, à quibus etiam gentilitiam appellationē accepit. Prouenit etiā in Arabia, alijsq; cōpluribus locis, & in multis etiam Germania nostræ hortis.

TEMPVS.



STICHAS

Stichastrum.

T E M P V S.

A Floret eo quo Lauandula tempore, nimirum ante Solstitium æstiuum, hoc est, Iunio mense.

T E M P E R A M E N T V M.

Stoechadis qualitas gustu quidē amara est, & mediocriter subadstringens. Temperamentū uerò compositum ex terrena essentia frigida exigua, unde sanè adstringit: & ex tenui, altera, quæ terrena est, copiosiore, à qua utiq; amara est.

V I R E S. E X D I O S C O R I D E.

Decoctum eius, quemadmodum & Hyssopi, ad thoracis uitia efficax est, Miscetur antidotis utiliter.

E X G A L E N O.

Obstructione liberare, extenuare, extergere, roborareq; tum omnia uiscera, tum totum corpus est nata.

E X P L I N I O.

Menses cit potu, thoracis dolores leuat. Antidotis quoq; miscetur.

D E S T R V T H I O CAP. CCXCIX

N O M I N A.



TPOYΘION Græcis, Radicula, siue Lanaria herba Latinis, Mauritanis & officinis Condisi, nonnullis herba fullonum, uulgò Saponaria, Germanis Seyffentraut dicitur. Vnde uerò Græci hanc herbam Struthiū appellauerint, non satis constat, nisi fortè à foliorū positura, quæ auium alas quadantenus imitant, nomen illi indiderint. Nam gens ea *στρῦθιον* & *στρῦθιον* passerem, & minores alias aues appellat. Vel forsitan quod Venerem stimulet. Græci enim, ut dictum est, *στρῦθιον* passerem uocant, & ab eius auis salacitate lasciuos, & in Venerem procliuiores homines *στρῦθιοι*, quasi passerem uocant. Porro strutheum, ut est apud Festum, nuncupant obscenā uirilem partem. Qua imitatione Martialis & Catullus passerem pro uirili membro in suis uersibus usurpasse uidentur. Lanariam uerò dixerūt, quod ad candorem & mollitiem lanarū ea usa fuerit antiquitas. Nam cum succidæ lanæ cespypo spurcatae colores respuerent, prolutæ huius radice succo, ad quoscunq; suffectus imbibendos præparabantur, quibus cespypum erat impedimento. Sic sordescentes lanas ueteres hac herba eluebant, ad munditiē contrahendam, quæ primum ab infectioribus quærebatur, sordidis colores aspernantibus. Sic quoq; à præcipua & utiliore parte, Radicula Romanis est appellata. Saponaria recentiorib. dicta est, quoniam eluendis uestimentorū maculis, sordibusq; lanarum expurgandis, saponis uicem exhibet. Herba autem fullonū nominata est, quod ea interpollandis uestibus, & mangonio poliendis fullones utantur.

Radicula.
Lanaria.
Condisi.
Saponaria.
Struthium unde
nominatum.

στρῦθιοι.

Lanaria cur
dicta.

Radicula quare
appellata.
Saponaria cur
uocata.
Herba fullonum.

F O R M A.

Struthion herba est caule lanuginoso, folijs oleæ prodeuntib. ex interuallo quasi geniculatim, plerunq; quinis in unum coeuntibus, in summo coliculatorū floribus candidis: radice, quam summo cespite non in altum ultrò citroq; per longitudinem fundit, magna, tereti & oblonga, quæ conciditur purgandis lanis.

L O C V S.

Nascitur in Asia Syriaq; saxosis & asperis locis præcipuè. Nunc in hortis quibusdam plantatur.

T E M P V S.

Floret æstate, Iunio maximè mense, sed per duos cōtinuos menses floribus prægnans est.

T E M P E R A M E N T V M.

Calidum & siccum temperamento, ex quarto quodammodo ordine.

V I R E S.



STRUTHIVM

Geiffenkraut.

VIREs. EX DIOSCORIDE.

A Radix eius acris est, urinam cit, iecinorosis auxiliatur, tussi & orthopnoeis cum melle cochlearis mensura sumpta. Aluum subducit. Eadem cum Panace & Capparis radice sumpta, calculos frangit, & per urinam exturbat. Lienem induratum minuit. Subdita menses elicit, & foetum manifestè enecat. Cum polenta & aceto illita, lepras tollit. Cum farina hordeacea in uino elixa, tubercula discutit. Miscetur præterea collyrijs & malagmatis quæ ad claritatē oculorū conficiuntur, Sternutamenta cit, & trita cum melle naribus infusa, per os purgat.

EX GALENO.


Struthij radice potissimū utimur, gustu acri quidem existente. Sed & abstergit, & irritat, ideoq; sternutamenta mouet, ceu cætera omnia quæ gustu acria sunt, & temperamento calida.

EX PLINIO.

Medetur morbo regio ipsa radix decocta, & ius potum: item thoracis uitijis. Vri nam cit, aluum soluit, & uulvas purgat. Ea & ex melle prodest magnificè ad tussim orthopnoeæ cochlearis mensura. Cum polenta uerò & aceto lepras tollit. Eadem cum Panace & Capparis radice calculos frangit, pellitq; Panos discutit, cum farina hordeacea & uino decocta. Miscetur & malagmatis & collyrijs, claritatis causa. Ad sternutamenta utilis inter pauca. Lienī quoq; ac iecinori. Eadē pota denarij unius pondere ex mulsa aqua, suspiriosos sanat.

DE SCILLA CAP. CCC.

NOMINA.

B  **K** I A A A Græcis, Scilla Latinis, Squilla, exemplo Varronis, omnibus nunc officinis uocatur. Germanis autem Meerzwibel.

FORMA.

Scillæ radix cæpæ modo multipliciter tunicata corticosaq; ex qua prius, ut in croco, caulis profilit, tum ex eo flos in luteo candidus emergens insidit, qui cum senuerit folia demum multis post diebus emicant lata, nullo nixa pediculo, cæpitia quadam specie, & pleraq; ex ijs in terram deflexa.

LOCVS.

Scilla undique, ut cæpæ & allia, prouenit.

TEMPVS.

Scillam ter florere, triaq; tempora sationū ostendere, Theophrastus libro septimo capite duodecimo tradit. Primum enim florum prouentū, arandi primum tempus significare scribit, secundū medium, tertiū nouissimū. Quot enim fuerint isti, totidem & arari tempora fermè occurrunt. Scillæ præterea flos, ut est Berytius auctor, uirgata specie profiliens, modò celeriter nō emarcescat, largos frugum prouentus, ac uberem annonam nobis promittit.

TEMPERAMENTVM.


Admodū incidentem facultatē obtinet, non tamen admodū calidam, sed secundum hoc eam quispiam secundi ordinis censeat excalfacientī.

VIREs. EX DIOSCORIDE.

Vim acrem & feruentē habet. Assata uerò multiplicē obtinet usum. Pasta aut luto oblita, in clibanū conijcitur, aut carbonibus obruitur, donec circumlita pasta sufficienter tosta fuerit. Qua amota, si non emollescat, altera pasta aut luto circumlinitur, & eadem quæ prius fiunt. Nam quæ ita non assatur, noxia magis est, præsertim interaneis data. Torretur item in olla indito operculo, & in clibanū coniecta. Sumitur ex ea, abiectis extimis partibus, quod maximè mediū est, quod concisum, effusa priore aqua, coquitur, nouaq; superinfusa usq; dum nec amaritudinē, neque

uu acri-

782



SCILLA

Meerzwibel.

A acrimoniam habeat aqua. Siccatur autem in umbra dissecta, & lino traiecta, ita ut ne taleolæ inuicem se contingant. Sic igitur secta, ad oleum, uinum, acetumq; scilliti cum utimur. Ad rimas uerò pedum crudæ Scillæ interanea pars in oleo feruefacta, aut cum resina liquefacta imponit̃. Decocta in aceto demorsis à uipera cataplasma est. Assæ eiusdē pars una tosti salis partibus octo subigitur, daturq; ieiunis cochlearis unius duorūmue pondere ad emolliendā aluum. Additur potionibus & odoramentarijs medicamentis, & ijs cum quibus urinam ciere uoluerimus, hydropicisq; & stomachicis, quibus innatant cibi, & morbo regio, torminibus, in uetere tussis, asthmaticis, cruenta reiicientibus. Trium uerò obolorum pondus in delinctu ex melle sumplisse satis est. Coquitur eadem cum melle, sumiturq; in cibo ad eadem, maximè coctionē adiuuans. Strigmentitia per aluum ducit. Cocta & simili modo sumpta, idem potest. Cauendus Scillæ usus ijs, quibus interaneū aliquod exulceratum erit. Prodest uerrucis & pernionibus assam inungere. Semen eius tritum, cum caricis aut melle exceptum, si manditur, aluum emollit. Pro foribus domus suspensa tota amuletum est.


EX GALENO.

Præstat assam aut elixam sumere; sic enim uirium eius uehementia exoluitur.

EX PLINIO.

B Scillarum in medicina alba est quæ masculus, scemina nigra. Scilla quæ candidissima fuerit, utilissima erit. Huic aridis tunicis direptis, quod reliquū è uino est, confutum suspendit̃ lino modicis interuallis, postea arida frustra in cadum aceti quàm asperrimi pendentia immerguntur, ita ne ulla parte uas cōtingant. Hoc fit ante Solstitium diebus quadraginta octo. Gypso deinde oblitus cadus, ponitur sub tegulis, totius diei solem accipientibus. Post eum numerū dierum tollitur uas, Scilla eximitur, acetum transfunditur. Hoc clariorē aciem facit. Salutare est stomachi laterumq; doloribus, parum sumptum binis diebus. Sed tanta uis est, ut auidius haustum extinctæ animæ momento aliquo speciem præbeat. Prodest & gingiuis & dentibus, uel per se cōmanducata. Tineas & reliqua uentris animalia pellit ex aceto & melle sumpta. Linguae quoq; recens subiecta præstat ne hydropici sitim sentiant. Coquitur pluribus modis in olla, quæ coniiciatur in clibanum aut furnum, uel adipe aut luto illita, aut frustatim in patinis. Et cruda siccatur, deinde cōciditur, coquiturq; in aceto, tum serpentium ictibus imponitur. Tosta quoq; purgatur, & medium eius iterum in aqua coquitur. Vfus sic coctæ ad hydropicos. Ad urinam ciendam tribus obolis cum melle & aceto potē. Item ad spleneticos & stomachicos, si non sentiant ulcus, quibus innatet cibus. Ad tormina, regios morbos, tussim ueterem cum suspirio. Discutit & ex folijs strumas, quadrinis diebus soluta. Furfures capitis, & ulcera manantia illita, ex oleo cocta. Coquitur & in melle cibi gratia, maximè uti coctionem faciat. Sic & interiora purgat. Rimas pedum sanat in oleo cocta, & mixta resinæ. Semen eius lumborū dolori ex melle imponitur. Pythagoras Scillam in limine ianue suspensam, malorum medicamentorum introitum pel-
lere tradit.

784



STAPHIS AGRIA

Bismüntz.

N O M I N A.



ΤΑΦΙΣ ἀγρία Græcis, herba Pedicularis & Pituitaria Latinis, officinis Staphisagria, Germanis Bisimünz. Pedicularis autem Pituitaria & Latinis à uiribus quas habet, dicta est: erumpentibus enim è corpore pediculis ex oleo inuncta aduersatur, & cōmanducata feruore multam pituitam trahit.

Pedicularis quare dicta.
Pituitaria unde.

F O R M A.

Folia habet Labruscæ, incisuris diuisa, coliculos rectos, molles, nigrosq; flores Ifati similes, semen in uasculis uiridibus similibus Ciceri triangulū, asperum, in nigro subrufum, intus candidū, gustu acre. Hæc descriptio herbæ huic cuius hic effigiem damus per omnia quadrat, floribus tantum exceptis, qui minimè Ifati similes sunt, neq; in colore, neq; in quantitate. Ifatis enim flores lutei sunt, & exigui, huius contrà subcæsi, ac multò maiores, ut hinc ferè suspicer eam herbam non esse quam ueteres pingunt Staphida agrian. Cæterū cum proximè tamen ad picturam accedat, neque uiribus distet admodū, inter Staphidis agrias species rectè à plerisq; hodie herbarie rei studiosis cōnumeratur. Folia enim fert plerunq; septem, aliquando etiam paucioribus incisuris diuisa, coliculos rectos, nigros, & in folliculis herbaceis semen triquetrum, in nigro subrufum, intus candidum, gustu acre, ita ut illi omnes notæ, demptis floribus, respondeant.

L O C V S.

Nascitur, Plinio authore, in opacis. Ea cuius picturam exhibemus, nunc passim in hortis plantatur.

T E M P V S.

Floret æstate.

T E M P E R A M E N T V M.

Quum urendi uim habeat Staphis agria, consequitur eandem in quarto ordine esse excalfacientium & desiccantium.

V I R E S. E X D I O S C O R I D E.

Eius grana quindecim si quis trita in aqua mulla dederit, crassa per uomitū purgant. Sed qui biberint, ambulare debent. Quinetiam assidue attendere oportet, & aquam mullam potui dare, quod strangulationis pericula inferant, & fauces deurant. Trita eadem, & ex oleo inuncta, pediculationi, prurigini & scabiei auxiliatur. Plurimā cit pituitā cōmanducata. Decocta in aceto, dentium dolori, si ea colluantur, subuenit. Gingiuarū rheumatismū sistit. Vlceras oris, aphthas nominant, cum melle sanat. Miscetur præterea urentibus malagmatis.

E X G A L E N O.

Vehementer acrem obtinet facultatē, adeò ut ex capite purget pituitam, abstergatq; ualenter. Itaq; ad scabiē accōmodata est. Sed & urendi uim aliquam habet.

E X P L I N I O.

Nucleis eius ad purgationes uti non censuerim propter ancipitē strangulationē, nec ad pituitā oris siccandā: fauces enim lædunt. Phthiriasi caput & reliquū corpus liberāt triti. Facilius admixta sandaracha. Item pruritu & pforis. Ad dentiū dolores decoquuntur in aceto. Ad auriū uitia, rheumatismū gingiuarū, ulcera oris manantia. Flos tritus in uino contra serpentes bibitur. Semen enim abdicauerim, propter nimiam uim ardoris. Quidam eam Pituitariā uocant, & plagis serpentium utiq; illinunt. Item phthiriasi, qua Sylla dictator consumptus est. Nascuntur quoq; in sanguine ipso hominis animalia exesura corpus. Resistitur Staphidis agrias succo, cum oleo perunctis corporibus. Hæc quidem in aceto decocta, etiam uestes eo tædio liberat.

786



SESELI
MASSILIENS

Gesel.

A

CAP. CCCII.

NOMINA.



ΕΣΕΛΙ το μασσαλιωτικόν Græcis, Sefeli Mafsiliense Latinis, officinis Siler *Siler montanū.* montanū dicitur. Semen tamen quod à seplasiarijs hoc nomine uenditur, non Mafsiliensis, sed, si amaritudinē respicias, Æthiopici, uel, quod magis uero simile est, Peloponnesiaci (neutrius enim integram imaginē uidimus) Sefeli semen est: latius enim, odoratius, & carnosius Mafsiliensi existit. Germanis incognita hætenus planta fuit, ob id Sefel rectè illam appellabunt.

FORMA.

Folia gerit Fœniculi, crassiora tamen. Caulem uegetiorē, umbellam Anetho similem, in qua semen est oblongum, angulosum, & degustanti confestim acre: radicem longam, & odoratam. Ex qua Dioscoridis deliniatione satis constat stirpem, cuius picturam damus, esse Sefeli Mafsiliense, quod huic nimirum, nulla prorsus nota reclamante, tota descriptio suffragetur. Quid multa? dato etiam quod singulæ illi non responderent notæ, tamen cum eas quas ueteres Sefeli attribuerunt facultates obtineat, citra omne periculum pro eo usurparetur.

LOCVS.

Optimū iuxta Mafsiliam, teste Dioscoride, Galliæ urbem nascitur, unde etiam cognominatū est Mafsiliense. Prouenit autem alijs quoq; in locis calidioribus, & nunc in plerisq; Germaniæ hortis, sed non nisi satum & cultum.

TEMPVS.

Floret æstate, & semen subinde producit.

TEMPERAMENTVM.

Calefacit & desiccatur in secundo ordine.

VIRES. EX DIOSCORIDE.

Semen & radix calefaciendi uim obtinent. Stranguriæ, orthopnœæ, uteri suffocationibus & comitialibus pota medentur. Menfes & foetus ex utero ducunt. Interaneis omnibus profunt, & diutinas tusses sanant. Ipsum semen cum uino potum coctioni confert, tormina discutit, & epialis febribus utile est. Ad arcenda in itinere frigora cum pipere & uino bibitur. Datur capris alijsq; quadrupedibus bibendū, ut partus iuuat.

EX GALENO.

Sefeli & radix & semen usque adeo excalfacit, ut admodum urinā mouere queat. Sed & tenuium est partium, ut & comitialibus, & orthopnœis competat.

EX PLINIO.

Prodest homini ad tussim ueterē, rupta, cōuulsa, in uino albo potum. Item opisthotonicis, & iecinorū uitijis, & torminibus, & stranguriæ, duarum aut trium ligularum mensura. Sunt & folia utilia, ut quæ partus adiuuent etiam quadrupedum. Hoc maximè pasci dicuntur ceruæ parituræ. Illinitur & igni sacro. Multum in summo cibo concoctionibus confert, uel folio, uel semine. Quadrupedum quoque aluum sistit, siue tritum potui infusum, siue mandendo cōmanducatum est sale. Boum morbis medetur, uel si contritum infunditur.



SANGVISORBA
MAJOR.
Pimpinella

Groß Kölblekraut.

SANGVISORBA
MINOR.

Klein Rölbleskraut.



NOMINA.



Sanguisorba cur dicta.

Error eorum qui Pimpinella cum Sanguisorba confundunt.

VVM ignoraremus quo nomine stirpem hanc ueteres Græci & Latini, si modo ijs cognita fuit, appellarint, maluimus interea uulgari uti nomenclatura, donec aliud certius nomen inueniremus. Elatinen tamen esse iudicarem, si folia pusilla, pilosa, & rotunda obtineret. Nunc quum neque pusilla, neque pilosa, neque rotunda, sed mucronata esse uideantur, certi statuere nihil possum. Sanguisorba uero dicta est hæc herba, non quod uulneribus iniecta ferit & spicula facile & citra sensum doloris exigit, ut nonnulli arbitrantur: id ipsum enim non posse mirifica quæ illi inest adstringendi facultas abundè ostendit: sed potius quod ei in sistendo sanguine undecumque emanarit, mira admodum insit efficacia, adeo ut hunc ipsum quasi absorbere uideatur. Erroris autem huius nulla alia causa est, nisi quod hanc stirpem multi cum ea quæ hodie Pimpinella uocatur, confundant, quæ certè propter caliditatem quam obtinet haud exiguum, quandam etiam trahendi facultatem habere uidetur, adeo ut infixæ corpori extrahere facile queat. Quod uero cum Pimpinella confuderint non alio factum est nomine, quam quod huius folia proximè ad Pimpinellæ folia, quæ itidem ut hæc serrata sunt, accedere uidentur. Sed hæc confusio non caret errore, ut paulò post dicemus. Germanis hæc herba *Röblestrant* / à capitellis quæ rufescentibus punctis maculata sunt, dicitur. Nonnulli etiam Germanorum *Hergots bärtilin* nominant, Quidam etiam à sistendo sanguine *Blutstrant*.

GENERA.

Sanguisorba maior.

D Minor.

Duo sunt eius herbæ quæ Sanguisorba uocatur genera. Vna enim maioribus constat folijs ac longioribus, coliculis tamen tenuioribus, ideoque ab hac foliorum forma maior à nobis dicta est. Altera minoribus folijs, coliculis autem maioribus esseprehenditur, quare ab ista foliorum effigie rectè minor appellari potest, ut inter eas aliquod discrimen esse herbariæ rei studiosi hac ratione animaduertant.

FORMA.

Herba est à radice crassa & longa, statim foliosa, minor potissimum, coliculos habens plurimos rubentes, folia aspera, in extremitatibus latè crenata & serrata, in summo coliculorum capitella rufescentibus punctis maculata, quæ si hiant flores exeunt herbacei, in medio croceam comam ostendentes.

LOCVS.

Nascuntur locis incultis, aridioribus, & soli expositis. Vnde iterum colligere licebit non esse Elatinen, utcumque à facultatibus illius non discrepet, quòd Dioscoride & Plinio testibus, Elatine in cultis & segetibus proueniat.

TEMPVS.

Florent Maio & Iunio mensibus.

TEMPERAMENTVM.

Gustantibus adstrictione haud uulgarem ac uiscositatem herba præ se ferre uidetur. Quapropter siccam admodum consistentiam nata est, simulque corpora contrahere, & constringere potest, atque adeo emplasticam, eo quod glutinosa sit, facultatem obtinet.

VIRES.

Ex ijs quæ diximus abundè constat utranque Sanguisorbam in restringendis ac supprimendis sanguinis profluuijs esse efficacissimas, adeo ut nonnulli constanter asserant, eas etiam manibus gestatas sanguinem undecumque manantem sistere posse. Experientia certè compertum est ad muliebri profluuium sanandum, nullum posse reperiri præsentius ijs stirpibus præsidium. Glutinant etiam uulnera illarum folia, carcinomatibus & fistulis medentur, Generosum denique ac strenuum remedium easdem esse ad dy.

A ad dysenterias, & reliquos uentris fluxus, si ex aqua aut uino bibantur, nemini non notum est. Quid multa? Elatines herbæ, cuius certè hæc duæ stirpes genus esse uidentur, facultates habent. Quare toto cœlo errant qui herbas has, ut suprà etiam cōmemoratum est, cum Pimpinella confundunt, quod hæc ipsa acris admodū sit & multum calida: illæ contrā sapore, haud secus atq; Elatine, adstringente. Verum non tantum differunt facultatibus, imò etiam odore, coloreq; foliorū, maximè uerò florū diuersitate, ut quiuīs ex utriusq; herbę picturę collatione statim deprehendet.

Pimpinella nō solum facultatibus, uerum etiam forma à Sanguisorba diuersa.

DE SCOLYMO CAP. CCCIII.

NOMINA.



ΚΟΛΥΜΟΣ Græcis, Carduus & Strobilus Latinis, Columellæ Cinara dicitur. Sunt qui hodie Arcocum corrupta uoce nominent, primam uocis syllabam articuli uice præponentes. Alij paulò rectius Alcocalum uocant: Cocali siquidem nomine, nux pinea, cui Scolymi capitulum simile est, uenit. Nunc uulgo herbariorū ab articulo statim duabus interiectis literis Articocalus, aut expuncta uocali a, Articoclus, uel magis curtato, ut ferè fit, uocabulo, Articolis uel Articoca nuncupatur. Germani instar uulgi Articoca nominabunt, aut Strobildorn. Strobilum autem Romani hanc stirpem non alia ratione dixerunt, quàm quod eius capitulum, ut diximus, structili nucleorū serie pineam nucem referre uidetur. Cinaram uerò sunt qui appellatā putent, quod satum & cultum cineribus gaudeat. Alij à Cinara potius puella, quæ in eius speciei Carduum mutata est, dictam esse uolunt.

Carduus.

Strobilus.

Cinara.

Alcocalus.

Cocalus.

Articocalus.

Articoca.

Strobilus curdicia.

Cinara quare appellata.

FORMA.

B Folia habet Chamæleontis, & spinæ albæ uocatæ similia, nigriora tamen ac crassiora. Caulem emittit oblongum, foliosum, in quo capitulū spinosum. Radicē uerò nigram & crassam. Hæc Dioscorides. Cæterum caput eius & uertex in squarosum extuberat globum, corticosis unguibus turgentē, spicisq; squamatim coagmentatum, quorū orbis exterior uiret, interior niueo candore nitescit. Flos purpureo rutilat colore, qui tandē euanescit in pappos. Caput uetustate tandem disilit in corticeas laminas, semen ostendens Cnici figura. Nos tamen integrā Scolymi faciē ac picturā hoc tempore dare non potuimus, quod primo anno fructum suum nō ostendat. Curabimus autem alio tempore ut studiosi integram eius habeant picturam.

LOCVS.

Nusquam, quod sciam, in Germania prouenit Cinara, nisi fata & culta. Quare Scolymus qui in hortis colitur & plantatur, uerè Cinara existit. Quod ideo monendum esse duximus, quia inter Græcos esse constat, ut est Paulus & Aëtius, qui Scolymum à Cinara discrimināt. Non est autē aliud inter eas stirpes discrimen, quàm quod Scolymus ferus est & syluester, Cinara uerò domita cultu, ideoq; à nonnullis Carduus altilis nominatur.

Scolymus hortensis proprie Cinara dicitur.

Scolymus.

Cinara.

Carduus altilis.

TEMPVS.


Quum Solstitiū æstiuum agitur, Scolymi flos erumpit, Hesiodo in lib. ij. cui titulus Opera & dies, teste, qui ea florente cicadas acerrimi cantus esse, & mulieres libidinis auidissimas, uirosq; in coitum pigerrimos, capite, genibus, ac toto corpore præ Sirij æstu arefcentibus, scribit.

TEMPERAMENTVM.

Quæ secundum qualitatem editur actio, calidum in secundo ordine completo, aut tertio incipiente, medicamentū indicat, siccum uerò in secundo.

VIRES. EX DIOSCORIDE.

Radix Scolymi illita graueolentiā alarū, & totius corporis emendat. Item si decocta in



SCOLYMVS
ARTICHAUT

Strobildorn.

A cta in uino bibatur. Vrinā etiam copiosam foetidamq̃ pellit. Herba cum recens nascitur tenerescitue, asparagorum modo in olera transit.

EX GALENO.

Scolymi radix copiosam urinam graueolentē elicit, si quis eam in uino coctā bibat: ideoq̃ graueolentiā sanat, tum alarum, tum totius corporis. Atq̃ hoc sanè medicamēto ex tota inest essentia, utpote eius succo existente purgatorio. Et in libro secundo de alimentorū facultatibus: Praui succi edulium est Cinara, præcipuè cum iam durior euaserit: tum enim biliosi humoris copia abundat, totaq̃ eius substantia durior existit, adeoq̃ ut ex ipsa melancholicus, ex succo uerò eius tenuis & biliosus humor producat. Proinde coctam edere præstiterit adiecto Coriandro, dein ex oleo, garo, uinoq̃ sumatur. Si tamen in patina aut sartagine ad esum præparetur, absq̃ ijs comedatur. Plerique enim sic eius ueluti cacumina comedunt, quæ spondylos nominant.

EX PLINIO.

Vrinam ciere Scolymum præcipuè traditur. Sanare lichenas & lepras ex aceto. Venerē stimulare in uino, Hesiodo & Alceo testibus, qui florente ea cicadas acerri mi cantus esse, & mulieres libidinis auidissimas, uirosq̃ in coitū pigerrimos scribere, uelut prouidentia naturæ hoc adiumento tunc ualentissimo. Item graueolentiā alarū emendat radicis emedullatæ uncia, in uini falerni heminis tribus decocta ad tertias, & à balneo ieiuno, itemq̃ post cibum cyathis singulis pota. Mirū est, quod Xenocrates promittit experimento, uitium id ex alis per urinam effluere.

DE SPHATULA FOETIDA

CAP. CCCV.

NOMINA.



HERBA quam officinæ Sphatulam foetidam uocant, quod grauem exhalet odorē, quomodo ueteribus sit appellata nondum certò scire possum. Nomen quidem ipsum Xiphij seu Gladioli speciem esse docet: Sphata siquidem Latinis gladium significat. Non esse autem Xiphium radix eius euidenter admodū ostendit, quæ non est bulbosa, nec gemina, ita ut altera alteri insideat, sed capillamentis fibrata. Neq̃ etiam Sparganiū esse partim folia eius quæ in terram non procumbunt, partim etiam semina, quæ non in pilulis, sed folliculis aut siliquis profert. Non uidetur etiam esse Xyris, quod illa radicem habeat longam & rufam, Sphatula uerò foetida nec longam nec rufam, sed rotundam, albam & capillatam. Tamen quicquid sit gentilem ijs esse foliorum similitudine constat. Germani eam Wandlenstraute à necandis cimicibus appellant.

*Sphatula foetida
cur dista.*

Sphata.

*Sphatula foetida
non est Xiphium.*

Non est Sparganium.

Non est Xyris.

FORMA.

Folia Iridi similia habet, minora tamen & angustiora. Caulem ex se mittit, in cuius summo folliculos aut siliquas Pæoniæ scemina non dissimiles profert, quibus dehiscentibus semen in ijs apparet rotundum & rubrum. Radicem obtinet capillamentis multis fibratam.

LOCVS.

Circa sepes & dumeta nascitur, frequens in Italia, nusquā tamen in Germania, quod sciam, nisi fata prouenit.

TEMPVS.

Fructum seu siliquas suas autumnō profert, ac subinde in ijs, ubi dehiscent, semen ostendit.

TEMPERAMENTVM.

Vehementer acrem qualitatem obtinet, adeo ut gustata, fauces quasi urere uideatur. Proinde calidam & siccam admodum esse constat.

794



SPHATVULA
FOETIDA.
Wandeleustrauch.

A

VIRE S.

Non multum à Staphidis agriæ uiribus abesse apparet: ualenter enim abstergit. Hinc ad scabiem, eius potissimū succus, abigendam utilis est. Surculos etiam & spicula, perinde atque Xiphium & Xyris, sine dolore extrahit. Cimices quoque necat atque fugat.

DE TRICHOMANE CAP. CCCVI

NOMINA.



TRICHOMANES græcè, Trichomanes, Capillaris latinè uocatur. Officinis Polytrichon falso dicitur: id enim nominis Adianto herbe, *Polytrichon officinarum.* quam hodie Capillum Veneris uocant, Dioscoride & ueteribus alijs testibus, debetur. Germanicè Widertodt/oder Abthon appellatur. Trichomanes autè à facultate sua Græci nominauerunt, *Trichomanes cur dictum.* quod scilicet fluentem capillum expleat, & subnasci faciat: *μυων*

enim ea gens rarum uocant, *τρυχά* autem capillum. Hoc etiam nomine Capillarem Latini dixerunt, *Capillaris.*

FORMA.

Filici simile est Trichomanes, paruum admodum. Ex utraq; parte ordine quodam folia habet tenuia, Lentis figura, contraria inuicem, in ramulis tenuibus, splendens, subnigris & austeris. Cuius equidem descriptionis notæ omnes, nulla penitus reclamante, herbæ illi quam hodie officinæ Polytrichon uocant, pulchrè quadrant. Siquidem cauliculis iunceis, quincuncialibus, à radice statim penè foliatis constat, folijs rotundis, lenticulæ forma, aduersis inter se pediculis, ramulis subnigris & nitentibus, sine flore, sine semine.

LOCVS.

Nascitur in palustribus atque umbrosis locis, humentibus muris, & iuxta fontes, haud secus atque Adiantum,

TEMPVS.

Carpitur æstate & autumnii initio.

TEMPERAMENTVM.

Trichomanes in caliditate quidem & frigidityte symmetrum est, uerum desiccatur, extenuatur & digerit.

VIRE S. EX DIOSCORIDE.

Eadem potest quæ Adiantum. Cum itaque Adiantum aliunde in Germaniam sit deportandū, & Trichomanes passim proueniat, licebit hoc in alterius inopia uti. Et consultius multò ut Trichomane utantur officinæ, quàm Adianto adulterino. Prodest igitur Trichomanis decoctū potum asthmaticis, dyspnoicis, felle suffusis, lienosis, urinæq; difficultatibus. Calculos frangit. Aluum sistit. Venenatorū moribus, & stomachi fluxionibus in uino potum medetur. Menses & secundas ducit, sanguinis autem reiectiones sistit. Crudum illinitur uenenatorū moribus. Alopecias explet, strumas dissipat. Furfures & achores cum lixiuio exterit. Cum ladano, myrtino, fusino, aut hyssopo & uino capillos defluentes continet. Decoctū etiam eius cum lixiuio & uino si eo abstergantur, idem potest.

EX GALENO.

Alopecias densat, & strumas & abscessus discutit, lapidesq; frangit potum. Viscosorum crassorumq; ex thorace pulmoneq; excreationibus non mediocriter confert. Ventris profluuiū sistit, nullam tamen manifestam caliditatē affert, sicut nec frigiditytem.

EX PLINIO.

Calculos è corpore mirè pellit, frangitq; utique nigrum. Qua de causa potius quàm quod in saxis nasceretur, & à nostris Saxifragum appellatum crediderim.

xx 2 Bibitur



TRICHOMANES

Widertode.

A Bibitur è uino quantum terni decerpere digiti. Vrinam cient. Serpentiũ & araneorum uenenis resistunt. In uino decocti aluum sistunt. Capitis dolores corona ex ijs sedat. Contra scolopendræ morsus illinuntur, crebrò auferendi ne pereant. Hoc & in alopecijs. Strumas discutiunt, furfuresq; in facie, & capitis manantia ulcera. Decoctum ex his prodest suspiriosis, & iecinori, & lienì, & felle suffusis, & hydropicis. Stranguriæ illinuntur, & renibus cum Absinthio. Secundas cient & menstrua. Sanguinem sistunt ex aceto, aut Rubi succo poti. Infantes quoque ulcerati perunguntur ex ijs cum rosaceo & uino prius. Folium in urina pueri impubis, tritum quidẽ cum aphronitro, & illitum uentri mulierum, ne rugosus fiat, præstare dicitur. Perdices & gallinaceos pugnaciores fieri putant, in cibum eorum additis, pecoriq; esse utilissimos.

DE TELI CAP. CCCVII

NOMINA.



HAIZ, καρίτις, αἰγόνος, βούκος Græcis, Fœnumgræcũ Latinis: officinæ genuinum nomen retinuerunt: Germanis Bockshorn/ oder Rühorn dicitur. Magna græcarum appellationũ pars à siliquarum quas producit figura desumpta est: hæ enim corniculis similes existunt. Hinc Ceraitis à cornu simpliciter dici cœpit: κέρας enim Græcis cornu est. Ægoceros autem à caprini cornu similitudine, quemadmodum à bubuli Buceros, quod sanè nomen Theophrastus libro quarto de historia plantarum illi imposuit. Cum itaque corniculis similes habeat siliquas, factum est ut illam Columella simpliciter Siliquã nominauerit, Plinius Siliciam, Varro Siliculam.

Ceraitis cũ
dicta.
Ægoceros.
Buceros.

B

FORMA.

Cauliculis emicat exilibus, rubicundis, folio penè Trifolij, flore candido & exiguo, semine in siliquis oblongis, ac cornu instar incuruis fuluo. Radice subrotunda & oblonga innititur.

LOCVS.

Satum Fœnogræcum passim ferè prouenit.

TEMPVS.

Iunio & Iulio mensibus floret, & unà siliquas producit. Semen tamen in Augusto maturum legitur.

TEMPERAMENTVM.

Fœnumgræcum calidum est secundi ordinis, desiccat primo.

VIRE. EX DIOSCORIDE.

Molliendi & dissoluiendi facultatem habet Fœnogræci farina. Facit ad inflammationes quæ intus forisq; sunt si cum aqua mulsa decocta trita illinatur. Lienem cum nitro & aceto subacta & illita minuit. Decoctũ eius in fessu ad muliebria mala, quæcunque per inflammationes aut præclusiones consistunt, utile est. Expressus Fœnogræci in aqua decocti succus, capillos, furfures & achores exterit. Cum anserino adipe pessi uice apponitur, loca quæ iuxta uterum sunt emolliens & relaxans. Viride cum aceto imbecillis & exulceratis locis prodest. Decoctũ eius aduersus tenebricosos, & grauiter olentia dysentericorũ excrementa confert, Oleum eius cum myrtino capillos & in genitalibus cicatrices abstergit.

EX GALENO.

Fœnumgræcũ feruentes inflammationes irritat. Quæ uerò minus sunt calidæ, & magis duræ, eas digerendo curat.

EX AETIO.

Fœnumgræcũ habet etiam abstergendi uires. Varijs modis comeditur, sed copiosius sumptum caput tentat. At cremor decocti Fœnogræci cum modico melle

xx 3 exhibi.



FOENOGRAECVM

Bockshorn.

A exhibitus, omnes deprauatos intestinorū humores educit. Permodicū esse oportet quod permiscetur mel, ne erodat. In diuturnis uerò doloribus qui sine febris thoracem infestant, pingues simul palmulæ elixantur, inde succo expresso melleq; admixto suppositis carbonibus rursus decoquuntur usq; ad congruam consistentiam. Datur id diu ante cibum, obseruariq; oportet ne ijs exhibeatur quibus facile caput dolet: palmulæ enim capiti infestæ sunt.

EX PLINIO.

Vis eius siccare, mollire, dissoluere. Succus decocti sceminarum pluribus malis subuenit: siue duritia, siue tumor, siue contractio sit uulug, fouentur, insidunt. Infusum quoq; prodest. Furfures in facie extenuat. Spleni addito nitro decoctum & impositum medetur. Item ex aceto. Sic iecinori decoctū. Diocles difficilè parientibus semen eius dedit acetabuli mensura tritum in nouem cyathis sapæ ad tertias partes bibere, ut qui biberent in calida lauarentur. Et in balneo sudantibus dimidiū ex relicto iterum dedit, mox à balneo reliquum, pro summo auxilio. Farinā Fcenogræci cum hordeo aut lini semine decoctam aqua mulsa cōtra uulug cruciatus subiecit. Itemq; imposuit imo uentri. Lepras, lentigines, sulphuris pari portione mista farina curauit, nitro antè preparata cute, sæpius die illinens, perungiq; præcipiēs. Theodorus Fcenogræco miscuit quartā partem purgati Nasturtij acerrimo aceto ad lepras. Damion Fcenigræci semen acetabuli dimidiā mensura cum sapæ & aquæ nouem cyathis ad menses ciendos dedit potu. Nec dubitat quin decoctū eius utilissimum sit uuluis, interaneisq; exulceratis, sicuti semen articulis atq; præcordijs. Si uerò cum Malua decoquatur, postea addito mulso potus, ante cætera uuluis interaneisq; laudatur: quippe cum uapor quoque decocti plurimū proffit. Alarum etiam graueolentiā decoctum Fcenogræci semen emendat. Farina porrigines capitis furfuresq; cum uino & nitro celeriter tollit. In hydromelite autem decocta addita axungia genitalibus medetur. Item parotidi, podagræ, chiragræ, articulis, carnibusq; que recedūt ab ossibus. Aceto uerò subacta luxatis. Illinitur & lieni decocta in aceto, & melle tantum. Carcinomata subacta ex uino purgat, mox addito melle perfanat. Sumitur & forbitio ē farina ad pectus exulceratū, longamq; tussim. Diu decoquitur donec amaritudo desinat, postea mel additur.

DE TELEPHIO CAP. CCCVIII.

NOMINA.



ΗΛΕΦΙΟΝ, ἢ ἀέζωρον ἄγριον Græcis, Telephiū & Illecebra Latinis, officinis & uulgo Crassula maior appellatur. Sunt qui Fabam crassam, à foliorū quam cum faba habent similitudine, nominēt. Germanis Wundttraut / Knabenkraut / Fongzwang / Fongwein dicitur. Telephiū uerò dictum est, quod ulceribus malignis & deploratis, quibus Telephus Mysiæ rex ab Achille uulneratus consenuit, quæ eam etiam ob rem Telephia uocantur, auxilietur.

Crassula maior.
Faba crassa.

Telephium unde dictum.


Telephia ulcera.

GENERA.

Dioscorides duo genera facit. Vnum floribus albis, quod nobis Telephiū album nominare placuit, germanicè Wundttraut das weible. Alterum floribus luteis, quod Norimbergæ me uidisse memini. Damus pro illo Telephiū purpurascens, quod ad differentiā prioris Telephiū purpurascens appellare uoluimus, germanicè Wundttraut das mennle. Præter flores qui in primo candidi sunt, in hoc autem purpurascens, foliorum etiam colore differunt, qui in candido uiridis & herbaceus existit, in purpurascens autem paulò pallidior. Cætera omnia in ijs similia apparent, folia potissimū, quæ fabacea prorsus sunt, nisi quod pinguiora, & crassiora existunt.

Telephium album.

Telephium purpurascens.



TELEPHIUM
ALBUM.

Wundkraut weible.



TELEPHIVM
PURPURASCENS.

Wundkraut mennle.

C

FORMA.

Folijs & caule Portulacæ similis herba Telephium. Alas binas in singulis foliorum geniculis inhærentes habet. Ramuli à radice seni septeniue prodeunt, referti folijs cœruleis, crassis, glutinosis, carnosis; flores illi lutei, uel albi, uel purpurascens; radix ima, quod Dioscorides omisit, innumeris tuberibus scatet. Non est autem cur diuersum Telephiū hoc nomine ab ea herba, quam herbarij hodie Crassulam maiorem nominant, suspicemur, cum omnes reliquæ notæ à Dioscoride cōmemoratae, illi adamussim conueniant. Et solenne certè est Dioscoridi ut multas notas, in his potissimū herbis quæ ipse non uidit, atque adeo ex aliorū fide pingit, easq̃ maximè quidem necessarias omittat, & silentio transeat. Quibus etiā accedit locus natalis, & facultates Telephij, quæ eadem sunt cum ijs quæ Crassulæ maiori recentes herbarij adscribunt. Sunt qui alterum acetabulū esse putent, quorum sanè sententiam non admodum absurdam esse iudico.

LOCVS.

Nascitur inter uites, locis cultis & incultis humidis.

TEMPVS.

Vere statim profilit, Iulio autem & Augusto mensibus floret.

TEMPERAMENTVM.

Telephiū exiccat ordine secundo intenso, aut certè principio tertij, nō tamen insigniter calida, uerum in hoc forsan quispiam ipsum primi esse ordinis censeat.

VIRES. EX DIOSCORIDE.

Folia senis horis illita, albas uutiligines sanant; sed oportet postea hordeacea farina illinere locum. Quinetiā alphos tollunt cum aceto in sole inuncta. Sed ubi inaruerint, absterguntur.

D

EX GALENO.

Telephiū detergendi & exiccandi facultate est præditū: proinde ad putrida ulcera conuenit, & leucas & alphos cum aceto sanat.

EX PLINIO.

Illinitur lentigini, & cum inaruit teritur. Illinitur & uutiligini, ternis ferè mensibus senis horis noctis aut diei, postea farina hordeacea illinitur. Medetur & uulneribus & fistulis.

APPENDIX.

Recentiores herbarij sua Crassula maiori in curandis uulneribus, & sistendo sanguinis profluuiū utuntur, ut eandem esse cum Telephio uel hoc saltem nomine nemo dubitare debeat. Magnam autem efficaciam habere in internis potissimū uulneribus & ulceribus, mirificeq̃ herniosis prodesse ijdem tradunt.

DE TRINITATIS HERBA

CAP. CCCIX.

NOMINA.




Iouis flos.
Herba Trinitatis
unde dicta.
Iacea.

VO nomine priuatim planta hæc Græcis aut Latinis appellata sit medicis, ignorare me fateor. Constat tamen Violæ inodoræ genus esse, & mea quidem sententia Iouis florem. Vulgus à triplici colore floris, herbam Trinitatis nominat. Sunt qui Iaceam, & herbam clauellatā appellant. Germani Dreyfeligkleyt blumen / & Freyschamtr aut uocant.

FORMA.

Herba hæc folio est initio rotundo, per ambitum serrato, processu temporis oblongiore, cauliculo triangulo, intus cauo, leuiter striato, ex interuallis geniculato, prodeuntibus ex alarum sinu pediculis longis, in quibus summatim elucet flores

figura



HERBA TRI
NITATIS.

Fresschamkraut.

c figura & specie uiolarum purpurearū, superiore parte purpurei, in medio candidi, inferiori uerò lutei, radijs quibusdam nigris distincti. Quibus decidentibus semina protuberant.

LOCVS.

Sua sponte in aruis interdum prouenit. In hortis tamen ut plurimum plantatur, speciosiorq; nascitur.

TEMPVS.

Vere uiola hæc post purpuream emicat, & tota æstate floret.

TEMPERAMENTVM.

Herba in gustu lentorem quandam, atque modicam acrimoniam seu mordacitatem præ se fert, atque adeo à Symphyti temperamento non admodū abesse uidetur, id quod etiam ex facultatibus quas illi recentiores tribuunt facile deprehenditur. Calida itaque & sicca est.

VIRE S.

Quum acrimoniæ ratione incidendi uim quampiã habeat, ideo rectè recentiores asthmaticis, pulmonisq; phlegmonibus prodesse tradunt: collectū siquidem in thorace & pulmone pus expurgare potest. Hac ratione puerorum etiam comitialibus morbis auxilio esse solet. Ceterū non parum ad pruritū & scabiem confert, omniaq; cutis uitia emendat, idq; mediocris acrimoniæ & siccitatis ratione. Ulcera etiā, quia uiscositatē obtinet, glutinare potest.

DE TEVTLO CAP. CCCX.

NOMINA.

Σούτλον unde dictum.
Beta cur dicta.



DEYTAON, ἡ σούτλον Græcis, Beta Latinis appellatur. Germanis Wangolt/ oder Pießer. Σούτλον autem Græci ab impulsu nominarunt, etenim cultus ratione quadam incrementū capessit arboris, neque ulli hortensium latitudo foliorū maior. Betæ nomen sibi adsciuit, quoniam figuram ὁ literæ græcæ dum semine turgēt referre uidetur. Nam summitatem in cacumine reflexam obtinet. Id quod testatū nobis reliquit Lucius Columella in suo carmine de cultu horticorum ita canens:

*Nomine tum graio, ceu litera proxima primæ,
Pangitur in cera docti mucrone magistri,
Sic et humo pingui ferratæ cuspidis iclu
Deprimitur folio uiridis pede candida Beta.*

GENERA.

Candida Beta. Eius à colore omnes duo genera faciunt, candidam & nigram. Candida alio nomine Sicula, ut Theophrastus libro octauo de historia plantarum, & Plinius libro decimonono, capite octauo, memoriæ prodiderunt, appellatur. Et nunc extrita litema una ferè omnibus nostri seculi medicis Sicla nominatur. Germanicè weißer Wangolt. Nigra ad atrum uidetur tendere colorem, & à Germanis roter Wangolt uocatur.

FORMA.

Caulem habet striatū, bicubitalem, folium ferè Atriplicis, flores exiguos luteos, semē in caulibus copiosum: radicē unicam in longum protensam, è cuius lateribus aliæ, modò singulæ, modò binæ, nonnunquā ternæ fundunt, fibris multis refertæ.

LOCVS.

In hortis passim, & cultis locis nascuntur Betæ.


TEMPVS.


Iulio & Augusto mensibus floribus & semine turgent.

TEMPERA-

BETA CAN
DIDA.

Weisser Mangolt.





BETA
NIGRA.
Roter Mangolt.

TEMPERAMENTVM.

A Nitrosa qualitate particeps est. Nigra tamen adstrictionis quippiam adiunctū habet, & magis in radice quā in alijs partibus, Symeon Seihi calidam & siccam esse in tertio ordine asserit.

VIRE S. EX DIOSCORIDE.

Nigra Beta cum lente cocta aluum efficacius cohibet, multoq; magis radix. Candida aluo utilis est. Vtraq; uerò propter nitrosam uim quam habet mali succi est. Vnde succus earum cum melle naribus inditus caput purgat. Auriū etiam doloribus auxiliatur. Decoctū radicum & foliorum, furfures & lendes deterget. Perniones fotu mitigat. Crudis folijs alphos nitro prius perfrictos, alopecias prurientes, atq; depascentia ulcera illini prodest. Cocta exanthematis, erysipelatis, & ambustis medetur.

EX GALENO.


Beta nitrosæ facultatis est particeps, quā tum extergit, tum digerit, & per nares purgat. Cæterum cocta nitrositatē omnem exuit, sitq; facultatis phlegmonis aduersæ, leuiter discutientis. Porro ad detergendū digerendumq; ualidior est Beta alba. Nam nigra adiunctū habet quippiā adstrictionis, & magis in radice quā alijs partibus. Betæ itaq; absterforius inesse succus conspicitur, adeò ut aluum ad excretionem extimulet, & nonnunquā stomachū demordeat, præsertim ijs quibus ille sensilior obtigit: eoq; largius commansa, stomachum infestat. Huius cū aliorum oleum, exigua est alimonia. Iecoris obstructionibus, quā Malua, aptius accommodatur, magis autem ubi cum Sinapi estur, aut aceto. Lienosos item similiter manducata, mirificè iuuat.

EX PLINIO.

B Nec Beta sine remedio est utraq;. Siue candidæ, siue nigræ radix recens & madefacta, suspensa funiculo, contra serpentiū morsus efficax esse dicitur. Candida Beta cocta, & cum Allio crudo sumpta, contra tineas. Nigræ radices ita in aqua coctæ, pruriginē tollunt, atq; in totum efficacior esse traditur nigra. Succus eius capitis dolores ueteres & uertigines, item sonitum aurium sedat, infusus ijs. Ciet urinā. Medetur dysentericis iniecta, & morbo regio. Dolores quoque dentium sedat illitus succus. Et contra serpentium ictus ualet, sed huius radici duntaxat expressus. Ipsa uerò decocta, pernionibus occurrit. Albæ succus epiphoras sedat, fronte illita. Aluminis pauco admixto, ignem sacrum. Sine oleo trita licet, adustis medetur. Et contra eruptiones papularum cocta. Eadem contra ulcera quæ serpunt. Illinitur & alopecijs cruda. Et ulceribus quæ in capite manant. Succus eius cum melle naribus inditus, caput purgat. Coquitur & cum lenticula addito aceto, ut uentrem molliat. Validius cocta, fluctuationes stomachi sistit & uentris.

EX SYMEONE SETHI.

Eius succus mediocriter abstergit. Hic etiam uentrem ad effluxū proritat, & stomachum aliquando uellicat, eorum præsertim qui hunc ualde sensilem obtinent. Quapropter edulium est stomacho infestum, si plurimū comedatur. Exiguum est eius alimentū, sicut cæterorū olerum. Vtilis uerò est ad iecoris obstructiones cum aceto comesta. Pari modo si edatur, & lienis obstructionib. bonum fit medicamentum. Constat autem Beta ex contrarijs facultatibus. Succus enim eius calidus est, uentrem constringit, & sitim affert. Eius uerò corpus crassarum partium, flatuosum, concoctu difficile & frigidum, uentremq; sistit, maximè si aqua in qua coctum est, subinde abijciatur,



TINCTORIVS FLOS

Silbblum.

NOMINA.



IN herba hæc ueteribus cognita fuerit nondum compertū habemus: quapropter ad germanicam alludentes appellationē, Tinctoriū florem interim dum certius nomen naſti fuerimus, nominabimus. Germani *Gilb oder Streich oder Serbblumen*/ quod florū illius in tingendis libris & alijs quibusdam uſus ſit, nuncupant. Sunt qui *Ackerſprimmen* uocant.

FORMA.

Geniſtæ non admodū diſſimilis eſt hæc herba: ramos enim herbaceos, ut illa habet, ac ſcabros, folia tamen paulò longiora & latiora, ad Hyſſopi ferè formam accedentia, florem luteum, Piſo ſimilem, ſemen in ſiliquis Lenticulæ haud abſimile, radicem planè ligneam.

LOCVS.

Prouenit locis altis, incultis & aridis, atque pratis nonnullis.

TEMPVS.

Floret Iunio & Iulio menſibus, atque deinceps ſemina profert.

TEMPERAMENTVM.

Amara eſt, haud aliter quàm Geniſta, ut calefacere illam & ſiccare in altero ordine ſit euidentiffimum.

VIREs.

Vt forma & temperamento Geniſtæ ſimilis eſt, ſic etiam facultatibus haud dubiè eidem reſpondet. Has igitur ſuo loco reperiēs.

DE TORDYLO CAP. CCCXII.

NOMINA.



ΤΟΡΔΥΛΟΝ, ἢ τορδύλιον, ἢ σεσέλι κρητικόν Græcis: Tordylon & Tordylion, & Sefeli Creticū Latinis, Paulus Gordylion appellat, Germanis *Beerwurz* dicitur, ut ſuprà in capite de Dauco quoque diximus. Nam cum Dauci ſemen hirsutum ſit, ut cunq; cætera reſpondeant, hoc uerò minime, non eſt cur Daucum eſſe credamus.

Sefeli Creticum.

FORMA.

Fruticoſa eſt herbula, ſemen habens rotundū, geminatum, clypeo ſimile, ſubacre & odoratum. Quæ ſanè omnes notæ huic herbæ, quæ à Germanis *Beerwurz* dicitur, reſpondent, ut eius pictura, quam in capite de Dauco reperiēs, abundè docet. Hanc autem propter radicū ſimilitudinē inter Daucorum effigies habere locum uoluimus.

LOCVS.

Nāſcitur in Amano Ciliciæ monte. In multis etiam Germaniæ noſtræ locis copioſiſſimè prouenit.

TEMPVS.

Iulio menſe floret, ac ſubinde ſemen profert.

TEMPERAMENTVM.

Calfacit & exiccat, ut ex facultatibus eius abundè colligere licet.

VIREs. EX DIOSCORIDE.

Potum eius ſemen contra urinæ difficultatē, & ducendis menſibus prodeſt. Suc cus uerò caulis ſeminisq; adhuc uiuentis trium obolorum pondere hauſtus decem diebus in paſſo, nephriticos ſanat. Efficax etiam radix: cum melle ſiquidem linctā, quæ in thorace ſunt educit.

EX PAVLO.

C Gordylon alij Sefeli appellant, urinæ & mensibus ducendis habile, Radix ipsius ex melle linctâ, quæ in thorace hærent, educit.

EX PLINIO.

Combusta potu ciet menses, & pectoris excreationes, efficaciore etiamnum radice. Succus eius ternis obolis haustus renes sanat. Additur radix eius & in magmata.

DE TITHYMALIS CAP. CCCXIII.

NOMINA.



Lactaria herba
cur nominata.

Lactuca caprina
quæ vocata.

ΙΟΥΜΑΛΟΣ, ἡ πθυμάλου Græcis, Lactaria herba, & Lactuca caprina aut marina Latinis, barbaris & officinis Esula, Germanis Wolffsmilch dicitur. Lactariâ autem herbam cōmuni appellatione, ob cōmune omnibus lac, uniuerſum hoc genus uocauerunt. Lactucam uerò ob eandem causam, quia scilicet ex hac herba haud secus atq; ex Lactuca secta lac fluit. Caprinam, quod capræ Tithymalis uescantur.

GENERA.

Septem sunt, Dioscoride & alijs ueteribus testibus, Tithymalorum genera. Primus Characias, id est, uallaris dicitur, quod uallis septisq; muniendis idoneus sit. Secundus Myrsinites, à Myrti foliorū figura: aut à nucibus, quibus similē fert fructum, Caryites nominatur. Hunc fructum sunt qui Nucem uomicam, Germanis Kronâglin uocatam, esse putent. Tertius Paralius, id est, marinus, quod in maritimis nascatur, appellatur. Quartus Helioscopius, hoc est, solisequus, quia eius coma ad solis cursum circumagitur, nominat: germanicè Sonnenwendede Wolffsmilch uocari potest. Alijs nominatur groß Wolffsmilch. Quintus Cyparissias à Cupressi similitudine nuncupatur. Germanicè cypressene Wolffsmilch nominari potest. Sextus Dendroides, à ramorū copia dicitur. Septimus Platyphyllos, id est, latifolius, à latitudine foliorū nominatur. Germanicè breytblettere Wolffsmilch/ alij groß Teuffelsmilch uocant. Nos ex ijs generibus tria tantum depicta damus, quod reliqua uidere nondum nobis licuerit. Proferent fortè alij longè plura.

FORMA.

Nos ea tantum genera quorum picturas exhibemus, omiſſis alijs, describemus. Helioscopius itaque Portulacæ similia folia obtinet, tenuiora tamen atque rotundiora. Ramos autem à radice prodeuntes quatuor aut quinque mittit, dodrantales, tenues & rubentes, copioso lactis liquore plenos. Caput huic est Anetho simile, & semen ueluti in capitulis inclusum. Circumagit huius coma cum sole, unde & Helioscopij nomen accepit. Cyparissias caulem emittit dodrantalem, aut maiorem, subrubrum, ex quo germinant folia pini similitudine, teneriora tamen ac tenuiora. Et in uniuerſum pino nuper natæ similis est, unde & nomen traxit. Abundat hæc etiam succo candido Platyphyllos Verbasco similis est, longioraq; reliquis folia habet.

LOCVS.

Helioscopius in ruderibus potissimum, & circa oppida nascitur. Cyparissias in campestribus frequentissimus occurrit. Platyphyllos uerò in syluis.

TEMPVS.

Semē Tithymalorū autumnō legitur, succus uerò incipiente pomorū lanugine.


TEMPERAMENTVM.


Vincentem habent acrem calidamq; facultatē, inest uerò & amaritas. Ex quarto itaque calefacientium sunt ordine, & ualenter deficcant,

VIRES.

TITHYMALVS
HELIOSCOPIVS,

Sonnenwendende Wolffsmilch.





TITHYMALVS
CYPARISSIAS.

Cypressene Wolffsmilch.



TITHYMALVS
PLATYPHYLLOS.

Breytbletterte Wolffsmilch.

VIREs. EX DIOSCORIDE.

C Vim habet Characiæ liquor lacteus aluum per inferna purgandi, pituitā & bilem ducens, duorum obolorū pondere ex posca sumptus. Cum melicrato autem uomitum cit. Appetente uindemia lacteus colligitur liquor. Depilat liquor hic recens ex oleo in sole inunctus, renascentesq; flauos & exiles efficit, tandemq; omnes destruit. Cauernis dentium inditur, leuatq; doiores: sed cera dentes oblinendi, ne effluens fauces aut linguam uitiet. Idem inunctus myrmecias, acrochordonas, thymos & impetigines tollit. Valet etiam aduersus pterygia, carbunculos, phagedænas, gangrænas, fistulasq;. Semen & folia eadem lacteo succo præstant, dimidij acetabuli pondere pota. Radix drachmæ pondere cum hydromelite insparfa & pota, per inferna purgat. Decocta cum aceto, colluto ore, dentiū dolori auxiliatur. Helioscopius eandem priori uim habet, non tamen usqueadeo intentā. Nec diuersam facultatem obtinent Cyparissias & Platyphyllos.

EX GALENO.

Validissimus Tithymalorū liquor est. Secundū locum tenet semen & folia. Sed & radix earundem facultatum particeps est, sed non ex æquo. Sanè ipsa cum aceto decocta dolores dentiū sanat, maximè qui illis erosio proueniūt. At liquores ut qui ualentiorum uim habeant, in foramina quidem ipsa dentium induntur. Cæterum si aliam corporis partem contigerint, continuò adurunt, ulcerantq;: quapropter foris illis cera circumlinitur. Sic pilos quoque succus inunctus tollit. Porrò quum uehementior sit, oleo miscetur: & si id sæpe fiat, tandem prorsus radices pilorum adustæ corrumpent, corpusq; depile reddetur. Eadem facultate myrmecias, acrochordonas, pterygia & thymos auferunt, detergentq; lichenas & psoras, quia scilicet abstergerendi illis facultas inest, propter amaritudinē. Præterea ulcerum phagedænica, anthracæde & gangrænæde, quia ualenter calefaciunt & abstergunt, si in tempore & moderatè quis utatur, iuuare poterunt. Verumenimvero & fistularū callos, eadem facultate adimunt. Porrò hæc omnia genere quidem similiter, imbecillius tamen & folia & fructus præstare possunt. Quibus sanè & ad pisces in aqua stagnali capiendos uti assolent. Celerrimè nanque ab illis in uertiginem acti, ac semimortui redditi, ad aquæ superficiem feruntur. Cæterum quum septem sint eorum genera, ualentissimus est quem Characiam nominant, & Myrsinites, & qui in petris nascitur ad modum arboris: deinceps qui Verbasco adsimilis est, & Cyparissias: post Paralium, denique Helioscopium. Proportione uerò comprehensæ illorum facultatis & cinis & lixiuium erit.

EX PLINIO.

Tradunt toties purgari hydropicos fico sumpta, quot guttas lactis Characiæ exceperit. Est & semen in usu cum melle decoctum ad catapotia soluendæ alui gratia. Semen & dentium cauis cera includitur. Colluuntur & dentes succo radicis decoctæ in uino aut oleo. Illinunt & lichenas succo, bibuntq; eum ut purgent uomitiones, & aluo soluta, aliàs stomacho inutilem. Trahit pituitā sale adiecto in potu, bilem aphronitro. Si per aluū purgari libeat, in posca: si uomitione, in passo aut aqua mulsa. Media potio tribus obolis constat. Ficos à cibo sumpsisse melius est. Fauces urit leniter. Est enim tam feruentis naturæ, ut per se extrà corpori impositū, pustulas igniū modo faciat, & pro caustico in usu sit. Helioscopius trahit bilem per inferna in oxymelite dimidio acetabulo. Cæteri usus qui Characiæ. Cyparissiae eadem uis quæ Helioscopio aut Characiæ. Platyphyllos pisces necat, aluum soluit, radice uel folijs, uel succo in mulso, aut aqua mulsa drachmis quatuor. Detrahit priuatim aquas.



TRIFOLIUM
ODORATUM.

Sibengezeit.

NOMINA.

Trifolium odoratum cur dictum.



ΤΡΙΦΥΛΛΟΝ Græcis, Trifolium odoratū Latinis, officinis simpliciter Trifoliū dicitur. Germanis Sibengezeit/propterea quod singulis diebus septies odorē suum habeat, & toties etiam amittat, quandiu in orto creuerit. Decerptum enim & exiccatum, odorem suum perpetuò retinet. Qui certè pluuiosa temporis constitutione ac tempestate instante multò uehementior est, sic sanè ut totas aedes, in quibus hæc herba reposita est, odore suo compleat. Potest etiam appellari cōmodissimè wolrichender Alee.

FORMA.

Frutex est cubito altior, uirgas habens tenues, nigris, iunceisq; adnascētijs multis præditas, in quibus folia Loto arbori similia sunt, terna in singulis germinationibus. His recens enatis odor Rutę inest, auctis uerò iam, bituminis. Florem emittit purpureum, semen modicè latum & subhirsutū, ex altero extremo apicem obtinens. Radix illi tenuis, longa, ualida. Ex qua quidem deliniatione satis constat herbam, cuius picturam damus, esse Trifolium odoratum: siquidem cubito altior est, caules tenues obtinens, unde ramusculi multi nigricantes quodammodo, ac iuncea oriuntur, qui singuli terna folia producant odorata. Flores etiam habet in purpureo cœruleos. Semen quoq; Milio haud dissimile in folliculis modicè latis, pilosis, & in summitate aculeum habentibus, profert. Radicem deniq; longam, candidam ac ualidam habet, ut prorsus nihil sit quod descriptioni non respondeat.

LOCVS.

Sponte sua in Germania non prouenit. Satum uerò nulla difficultate prodit.

TEMPVS.

D Iulio mense floret, ac subinde semen producit.

TEMPERAMENTVM.

Calidum est & siccum in tertio ordine.

VIRES. EX DIOSCORIDE.

Semen & folia in aqua pota lateris dolore laborantibus, difficultati urinæ, comitialibus, incipienti aquæ inter cutem, uuluaq; strangulationibus auxiliantur. Menses etiam ducunt. Oportet autem seminis tres, foliorū uerò quatuor drachmas dare. Succurrunt & uenenatorū moribus folia trita cum oxymelite & pota. Referūt quidam, si totius fruticis, radices & foliorū decocto foueantur facti ex serpentū moribus dolores, eos mitigari. Si uerò alius ulcus habens eodem illo decocto quo quispiam sanatus fuerit foueatur, eadem sentit quæ morfi à serpentibus. Dant quidam etiā in tertianis bibenda folia eius tria, aut totidē semina cum uino, in quartanis autē quatuor, ueluti quæ circuitus soluere possunt. Misceť uerò eius radix & antidotis.

EX GALENO.

Triphyllum potum laterum dolores ab obstructione natos iuuat, urinā & menses prouocat.

EX PLINIO.

Trifolium scio credi præualere contra serpentū ictus & scorpionū, ex uino aut posca, seminis granis uiginti potis, uel folijs, & tota herba decocta, serpentesq; nunquam in Trifolio aspici. Præterea celebratis autoribus cōtra omnia uenena pro antidoto sufficere uiginti quinque grana eius.


APPENDIX.

Debet eius Trifolij odorati usus esse subinde in omnibus officinis, quod mirificè uenenis aduersetur, & ad ulcera malefica sananda perquam utile sit.



TRIFOLIUM PRATENSE
PURPUREUM.

Braun & Seidel.



TRIFOLIUM PRATEN
SE ALBUM.

Weiß W. sentlee.



819

TRIFOLIUM PRATEN-
SE LVTEVM.

Geeler Wyntlee.

22 2

NOMINA.



ΤΡΙΦΥΛΛΟΝ εν χερσὶν πέποις γυνώμενον Græcis, Trifolium pratense Latinis dicitur. Officinæ latinum nomen retinuerunt, & simpliciter Trifolium uocant. Utendum uerò illis esset odorato Trifolio, quemadmodum altero abhinc capite diximus. Germanis Wyseñlee nominatur.

GENERA.

Tria genera pratensis Trifolij.

Purpureum.

Candidum.

Luteum.

Tria apud nos passim in pratis prouenientia Trifolij inueniuntur fastigia, quorum primum à floribus purpureis, Trifoliū pratense purpureū, germanicè braun Wyseñlee / alterum itidem à floribus suis candidis, Trifoliū pratense candidum, germanicè weiß Wyseñlee / & tertium luteum, germanicè geel Wyseñlee appellauimus. Quod ad folia ipsa attinet, non admodum differunt: quoduis enim horum generum tribus constat folijs, quæ in primo sunt latiora & herbacea, in secundo autem longiora & angustiora, magisque palleſcentia candicantiæ. In tertio sunt minora & rotunda, atque ad Foenigræci folia accedentia. Sunt qui hoc genus Lagopum esse putent. Sed de Lagopo suo diximus loco.

FORMA.

Caulem rotundū, cubitalem obtinent, ramos exiles, folia per interualla tria: flores in summo aut purpureos, aut candidos, aut luteos; radicē longam & lignosam.

LOCVS.

Scatent ijs prata omnia, unde etiam nomen nata.

TEMPVS.

D Florent Maio & Iunio mensibus.

TEMPERAMENTVM.

Adstrictoriæ cuiusdam qualitatis sensum in gustu præ se ferunt, non tamen multum admodum, ut nihilominus sint tenuium partium & exiccatoria, quandoquidem etiam exigua quasi acrimonia prædita uideantur.

VIRE S.

Haud dubiè mediocriter concoquendi & exiccandi uim possident, ut non temere quidam ex recentioribus herbarijs tradant, Trifolia hæc albo muliebri profluoio mirificè conferre. Eadem etiam inflammationibus imposita, eas cōcoquunt, & ad maturationem perducunt.

DE TRAGOPOGONE CAP. CCCXVI

NOMINA.

Hirci barba.



Tragopogon curdica.

ΤΑΓΟΡΩΓΟΝ, ἢ ἡρπύξ Græcis nominatur, Latinis Hirci barba, & Coma: officinis ignota est herba. Germanis Bocksbart & Gauchbrot dicitur. Hieronymus herbarius Braunschuuigenſis magno errore hypocisthida in hac herba nasci putauit. Sic autē eam Græci uocarunt, quod à calyce eius promissæ pendeant barbæ, uel rectius quod lutei illius flores in uolucres barbulas euanescent.

FORMA.

Caulem habet exiguum, longum tamen, & bicubitalem interdum, geniculatū, folia Croco similia, radicem longam & dulcem, supra caulem calycem magnum, & in eius summo semen nigrū, florem luteum, qui in canescentes barbulas fatiscit. Hæc etiam cum carpitur lacte manat.

LOCVS.

Sua sponte in pratis nascitur.

TEMPVS.



821

TRAGOPOGON

Bocksbart.

zz 3

C

TEMPVS.

Maio & Iunio mensibus floret.

TEMPERAMENTVM.

Dulcedo quæ in radice ac tota ferè planta apparet, satis monstrat eam esse caliditate tepida præditam, & modicè humidam.

VIRES EX DIOSCORIDE.

Herba & cruda & cocta edendo est.

APPENDIX.

Ex recentiorum traditione, & temperamenti ratione, æstuantì stomacho utilis est herba, thoracis & iecoris uitijis, renum item & uesicæ malis. Succus eiusdem mirificè laterum doloribus auxiliatur.

DE TYPHA CAP. CCCXVII.

NOMINA.



ΤΥΦΗ Græcis, Typha Latinis, officinis inusitata. Germanis Moß/ oder Narrentolb dicitur. A nonnullis Knospen vnd Liefen.

FORMA.

Foliū profert Cyperidi simile, caulem læuem, enodem, cuius in summo capite flos obducitur densus, euadens in pappum seu lanuginem. Quæ descriptio huic plantæ sic quadrat, ut nulla sit nota quæ reclamet. Folio siquidem Cyperidis erumpit, caule alto, læui, plano, enodi, cuius cacumen densa florum congerie stipatur, & ueluti spissa cingitur lanugine, quæ in pappos tandem euanescit.

LOCVS.

D Gignitur in palustribus & stagnantibus aquis.

TEMPVS.

Iulio mense caulis lanosa floccorū densitate obducitur. Augusto autem in pappos abit, & euanescit.

TEMPERAMENTVM.

Quantum ex uiribus eiusdem colligi potest, non euidenter, potissimū eius flos, calefacit & refrigerat, modicèq; abstergit, atque adeo exiccat. Quum enim ambustis medeatur, & ambusta, Paulo libro quarto, capite undecimo teste, medicamenta quæ mediocriter citra insignem caliditatem aut frigiditatem abstergunt, requirant, sequitur hoc quale diximus temperamentum obtinere.

VIRES EX DIOSCORIDE.


Flos eius cum suillo adipe uetusto eloto exceptus ambustis medetur.

DE TVRCICO

TYPHA

Narrenfolben.

zz 4



NOMINA.

Turcicū frumentum cur dictum.



HOC frumentum, ut alia multa, ex eorum est genere quæ aliundè ad nos translata sunt. E Græcia autem & Asia in Germaniam uenit, unde Turcicum frumentum appellatū est: Asiam enim uniuersam hodie immanissimus Turca occupat. Germani etiā ad loca unde affertur respicientes, *Türkisch Korn* nominant.

GENERA.

Quatuor huius frumenti reperiuntur genera. Quoddā enim grana rufa, quoddam uerò purpurea, aliquod lutea, aliquod subcandida grana profert. Spicarū seu panicularum etiam in ijs est diuersitas: etsi enim omnes muticæ sint, tamen alia candidos, alia luteos, alia purpureos, prout scilicet grana colorata erunt, flores obtinet. Aliās, quod ad formam attinet, in ijs nulla est differentia.

FORMA.

Culmum habet crassum, rotundum, altum longūmque, infima eius parte purpureum, geniculis intersectum: folia oblonga & harundinacea, in summitate paniculas, aut spicam muticam, & granis uacuam, instar Secales florentē, nunc luteo, nunc candido, nunc purpureo colore, prout fructus quem profert coloratus est. Fructū uerò & grana triangula, diuersis iam cōmemoratis coloribus tincta, in foliaceis, rotundis ac crassis membranis ac uaginis, quæ è lateribus geniculorum ferè singulorū prodeunt, contenta obtinent, coaceruata ac penitissimè iuncta, inq̃ octo aut decem uersus ordine digesta. E fastigio uaginarū capilli tenues, iam candido, iam luteo, nunc purpureo colore maculati dependent, ut pictura satis ostendit, quæ **D** unica quidē tibi omnia genera repræsentabit. Hæc in una uagina quatuor tibi granorum colores monstrat, cū tamen quæuis unius duntaxat coloris grana, nempe aut lutea, aut purpurea, aut rufa, aut subcandida omnia habeat. Quod nos, ne aliquem pictura deciperet, monendum esse duximus.

LOCVS.

E Græcia uel Asia, ut dictum est, primū ad nos peruenit. Nunc autem passim in omnibus hortis prouenit.

TEMPVS.

Seritur mense Aprili, nec nisi sub finem Augusti & initia Septembris ad maturitatem peruenit.

TEMPERAMENTVM.

Dulcedinē & lentorem quendam grana gustu præ se ferunt, ut haud dubiè idem cum Tritico habeat temperamentum.

VIRE S.

Cum idem cum Tritico habere uideatur temperamentū, easdem etiam obtineat facultates necesse est. Grana itaque teruntur in candidissimam farinam, quæ in panificia subinde cogitur. Panis tamen ille lentoris quiddam & obstruentis naturæ habet. Hinc est quod in Asia & Turcia illius nullum in cibo usum esse, nisi cum annonæ premit inopia, dicunt. Cæterum foliorum succum refrigerandi facultatem obtinere tradunt, hinc ad erysipelata utilem admodum esse coniiciunt.

DE THYMO.



TVRCICVM
FRUMENTVM.
Turcisch Korn.

C

NOMINA.

Serpillum Romanum.

Thymus unde dictus.



YMOZ Græcis, Thymus Latinis, herbarijs uulgaribus Serpyllū Romanum, haud dubie ab odore quem cum Serpyllo cōmunem habet, dicitur. Officinæ antiquum nomen retinuerunt. Germanis Thym / & Römischer quendel uocatur. Thymus autem Græcis ab excitando, quod *θύειν* dicunt, nomen inuenit. Nonnullis potius hoc placet etymum, ut Thymos quasi thyæmos, hoc est, sanguinem impellens dicatur.

FORMA.

Thymus furculosus frutex est, minutis multis & angustis folijs circumdatus, in summo capitula floribus purpureis referta habens. Ex qua sanè deliniatione omnibus conspicuū fit, herbam cuius picturam damus esse Thymum. Dodrantalis enim & furculosus frutex est, folijs exiguis, flosculis ex purpura candicantibus, suauissimi odoris, capitella specie complicatarū formicarum, radice lignosa, enascentias uirides multas obtinente, quibus in terra radicatur.

LOCVS.

Nascitur petrosis & tenuibus locis: neque enim locum pinguem, neq; stercoratum, sed apricum desiderat. Nunc in hortis multis Germaniæ prouenit.

TEMPVS.

Floret serò, quod Theophrastus etiam libro sexto de historia plantarū, capite secundo testatur, circa Solstitia, cum & apes decerpunt, & auguriū mellis est.

TEMPERAMENTVM.

Thymus uehementer calefacit. Itaque in calefaciendo & exiccando in tertio ordine statuendus est.

D

VIRE. EX DIOSCORIDE.

Potus cum sale & aceto, pituitā per aluum ducit. Decoctū eius cum melle orthopnoicis & asthmaticis prodest. Lumbricos uentris, menses, fetus & secundas pellit. Vrinam ciet. Mixtus melle in eclegmate, excreabilia efficit thoracis uitia. Recentia œdemata cum aceto illitus discutit. Sanguinis grumos dissoluit. Thymos & uerucas pensiles tollit. Ischiadicis cum uino & polenta impositus auxiliatur. Hebetibus oculis in cibo sumptus opitulatur. Vtilis etiā pro condimento in sanitatis usu.

EX GALENO.


Thymus incīdit, & calefacit manifestè: ob id & urinā & menses prouocat, foetum euellit, & uiscera potus expurgat, educendis ex thorace & pulmone confert.

EX AETIO.

Hæc experimentis de Thymo comperta sunt. Dato ieiunis articulari morbo laborantibus, Thymi aridi minutissimi drachmas quatuor cum oxymelitis cyatho. Bilem enim reliquosq; humores atq; acrem saniem euacuat. Facit & ad uesciæ mala. Ventre inflatis, ubi intumescere cœperint, drachmā unam dato ieiuno cum cochleari aquæ mulsæ. Ad lumborū coxendicumq; dolorem, laterisq; & thoracis, ac hypochondriorū suspensiones, ac inflationes, pondere trium drachmarū cum oxymelite temperato, mensura cochlearij ieiuno exhibeto. Similiter etiam & melancholicis, & mente turbatis, timoreq; detentis drachmas tres cum oxymelitis temperati cochleari præbeto. Dato item ieiunis & ante cœnam aduersus lippitudinē, & uehementem oculorum dolorē. Præterea contra podagram, etiam quæ motum omnino interceperit, cum uino utilissimè propinatur. Postremò ad tumefactos testes, ieiunis trium drachmarum pondere exhibeatur.

EX PLINIO.

Oculorū claritati multum conferre existimatur, & in cibo, & in medicamentis. Item diutinæ tussi ecligmate faciles excreationes facere cum aceto & sale. Sanguinē concrefcere non patitur è melle. Longas faucium destillationes extrā illita cum Sinapi,



THYMVS

Römisch quendel.

C napi, extenuat: item stomachi & uentris uitia. Modicè tamen utendum est, quoniã excalfacit, quamuis sistat aluum: quæ si exulcerata sit, denarij pondus in sextarium aceti & mellis addi oportet. Item si lateralis dolor sit, aut inter scapulas, aut in thorace, Præcordijs medentur ex aceto cum melle: quæ potio datur & in alienatione mentis & melancholicis. Datur & comitialibus, quos correptos olfactus excitat Thymi. Aiunt & dormire eos oportere in molli Thymo. Prodest & orthopnoicis & anhelationi, mulierumq; mensibus retardatis. Vel, si emortui sint in utero partus, decoctum in aqua ad tertias. Viris uerò contra inflationes, cum melle & aceto. Et si uenter turgat, testèsue aut uesicæ dolor exigat. E uino tumores & impetus tollit impositū. Item cum aceto, callum & uerrucas. Coxendicibus imponitur cum uino. Articularibus morbis trium obolorū pondere in tribus cyathis aceti & mellis. Et in fastidio, tritum cum sale.

DE TEUCRIO CAP. CCCXX

NOMINA.

Teucrium unde dictum.



Teucrium hoc diuersum ab Hemionitide, quod multi non obseruant.

TEYKPION, ἡ χερμαδρὺς Græcis, Teucrion Latinis appellatur. Officinis ignotum. Germanis groß Bathengel dicitur. Teucrium autem uocatum est Græcis pariter & Latinis, quod Teucer Aiacis frater hoc inuenit. Inuentum uero ab eo sic tradit Plinius. Quum exta in sacrificio super id proiecta fuissent, lieni adhæsit, eumq; exinaniuit. Proinde quod casus ostenderat, obseruatumq; à Teucro fuit, ad æternū humani beneficij decus & famam illi accreuit. Diuersum tamen hoc Teucriū ab Hemionitide, quod à Plinio etiam Teucrium appellari diximus. Chamædrys autem nominata est hæc herba, quod Chamædry simillima sit, adeò ut uicissim etiam Chamædrys hoc nomine, ut suo dicemus loco, dicta sit Teucrium. Maius tamen est Teucrium quàm sit Chamædrys, ut meritò Germanis groß Bathengel nuncupari queat.

FORMA.

Herba est uirgæ referens effigiem, Chamædry similis, tenui folio, non multum Ciceri dissimile. Hæc quanquā breuissima sit Teucrij deliniatio, tamē abundè monstrat herbam hanc, cuius picturā exhibemus, esse uerum Teucriū, cum nihil Chamædry magis simile dici queat, si diligenter utriusq; plantæ notas expendas.

LOCVS.

Nusquam, quod sciam, sponte sua in Germania prouenit. Satum tamen copiose nascitur. In Cilicia plurimum habetur.

TEMPVS.

Floret Iunio & Iulio mensibus, ac subinde semen producit.

TEMPERAMENTVM.

In secundo excalfacientium, tertio autem exiccantium existit ordine.

VIRES. EX DIOSCORIDE.

Viride cum posca potum, aut aridum decoctum ac haustum, lienem potenter minuit. Lienosis cum ficis & aceto illinitur. Venenatorum autem moribus cum aceto sine ficis.

EX GALENO.

Teucrium incidendi, & tenuium partium facultatis est, quare lienes sanat.

EX PLINIO.

Recens Teucra in posca, uel sicca deferuefacta, potu lienem efficaciter cōsumit. Item ex aqua illinitur. Pota arida & decocta quantum manus capiat, in aceti heminis tribus lieni medetur. Ad uulnus illinitur eadem cum aceto, aut si tolerari non possit, ex fico uel aqua. Serpentiū plagis imponitur cum aceto tantum.

DE HYPE-



TEUCRIVM

Groß bathengel.

aaa

C

NOMINA.



Perforata.

Androsæmon.

Chamæpitys.

Fuga dæmonū.

ΠΕΡΙΚΟΝ, ἀνδρόσαιμον, χαμαίπυτος Græcis, Hypericū Latinis dicitur. Nomen latinum in officinis seruat. Vulgus herbariorū Perforatam uocat, quod folia soli obiecta innumeris foraminibus scateret, & omni ex parte punctis quibusdā pertundi uideantur. Herbam quoq; diui Ioannis appellant. Germanis S. Johans kraut nominatur. Androsæmon ob florem eius qui digitis confricatus sanguineū emittit liquorem, dixerunt. Chamæpitys uerò ab odore seminis resinaceo nominata est. Fugam dæmonū aliqui, quod superstitione quadam inducū, fugare posse dæmones crediderint, appellauerunt.

FORMA.

Folia Rutæ similia habet, surculosus frutex, dodrantalis, rubescens. Florem luteum, qui digitis attritus sanguineum emittit succum, qua ratione Androsæmon, quasi humanum dixeris sanguinē, appellatur. Siliquas gerit subhirsutas, in rotunditate oblongas, hordei magnitudine, in quibus semen nigrum, resinam obolens. Cuius nimirum descriptionis notæ ita herbæ illi, quam Perforatam uocant nostri temporis herbarij, respondent, ut nemo nisi prorsus præfracto sit animo Hypericū esse deinceps reclamare possit. Siquidē surculosa est herba, dodrantalis, subrubens, folio Rutæ, flore luteo, quem si digitis libeat terere, manus profectò inuenies sanguineo succo cruentatas. Siliqua denique terete, hordei magnitudine, semine intus nigro, resinam olente. Duo itaq; in Perforata inueniuntur, quæ esse Hypericū certam tibi faciūt fidem, cruentus nempe floris triti succus, odorq; seminis resinaceus, qui diuersum sentiunt haud dubiè Marcelli Florentini interpretatione falsa seducti sunt, qui flore albo constare Hypericum asserit, cum tamen in Dioscoride sit, *ἔχον μίλον*, hoc est, florem luteum habens.

Marcelli Florentini
erratum.

LOCVS.

Gignitur in cultis, & asperis locis.

TEMPVS.

Aestate floret, Iulio potissimum & Augusto mensibus.

TEMPERAMENTVM.

Hypericum calefacit & exiccat, tenuisq; substantiæ est.

VIRE S. EX DIOSCORIDE.

Vrinam cit, menstrua ducit appositū. A tertianis quartanisq; cum uino potum liberat. Semen quadraginta diebus potum ischiadicis medetur. Folia cum semine illita sanant ambusta.

EX GALENO.

Menses & urinas prouocat: sed ad hæc totus sumendus est fructus, non tantum semen. Cum folijs illitus uiridis ad cicatricem ducit cum alia, tum etiā ambusta. Cæterū si sicca contusa inspergas, humida & putredinosa ulcera sanabis. Sunt nonnulli qui ischiadicis bibendum exhibent.

EX PLINIO.

Natura semini Hyperici spissandi. Aluum sistit, urinam cit, ad calculos uesicæ cum uino bibitur.

DE HYOSCYAMO.



HYPERICVM

S. Johans kraut.

NOMINA.

Altercum.

Hyoscyamon un
de dictum.

Apollinaris.

ΟΣΚΥΑΜΟΣ Græcis, Hyoscyamus, Apollinaris Latinis dicitur. Arabibus Plinius Altercū uocari testatur. Officinis corrupta uoce Iusquia-mus dicitur. Germanis Bilsamtraut/uel simpliciter Bilsen. Hyoscyamon autem Græci uidentur appellare quasi fabam suillam aprinām ue, quòd, ut in historia sua Helianus inquit, pastu huius herbe conuellantur sues apriue, præsenti mortis periculo, nisi copiosa aqua statim se foris & intus proluerint. Adeuntq̃ aquas non ut proluant se tantum, uerumetiam ut caneros uenentur: n̄s enim nactis protinus sanitati restituuntur. Atque hinc est quod à nonnullis etiam Germanis Scwybon nominetur. Apollinarem uerò Latini ab Apolline medicinæ inuentore dixerunt.

GENERA.

Niger Hyoscyamus.

Flauus.

Albus.

Tria sunt Hyoscyami genera. Vnum purpureos fert flores, folia Smilaci similia, semen nigrum, cytinos duros & spinosos. Hoc nigrum herbarij appellant. Alterū flores luteos ceu mālī effigie, folia & siliquas teneriores, semen subflauū ceu Irion: flauum uocant. Et hoc est quod pictum damus. Tertium utile ad medicinam, placidissimum existens, pingue, tenerum, lanuginosum, flore & semine candido: album nominant. Quod si uerò illud non adsit, utendum flauo erit. Nigrum ut deterrimum improbandum.

FORMA.

Frutex est caules emittens crassos, folia lata, oblonga, incisa, nigra, hirsuta. Per caulem deinceps flores prodeunt ueluti mālī punici cytini, clypeolis septi, semine, ut Papaueris, plenis. Quid multa: frutex est tristi aspectu, folio lato, longo, pingui, hirsuto, uenoso, & laciniato: caulibus crassis, e quorum latere flores prodeunt tanquam mālōrum punicorum cytini, muricatis calycibus, ramos continua serie uesitientibus, semine intus Papaueris refertis.

LOCVS.

Primum genus in Galatia nascitur. Alterum passim circa littora, & inter ruinas & rudera prouenit. Tertium in maritimis & ruderibus.

TEMPVS.

Semen nullum nisi postquam inaruerit legendum. Floret ferè per integrā æstatem, potissimum Iulio mense.

TEMPERAMENTVM.

Candidus ex tertio quodammodo ordine refrigerantium est. Reliqua duo genera uenenosa.

VIRE. EX DIOSCORIDE.

Exprimitur succus ex tenero semine, folijs, caulibusq̃, in quem usum tunduntur omnia, expressusq̃ in sole siccatur. Vsus eius ad annum usq̃: facile enim putrescit. Exprimitur priuatim etiam succus ex arido semine, aqua calida perfuso, tuso & expresso. Est uerò succus liquore præstantior, & magis dolores finit. Herba autem uiuens contusa, & trimestri farinæ mixta in pastillos cōformatur & reconditur. Prior uerò succi expressio, & quod à sicco semine exprimitur, collyrijs dolorem lenientibus cōmodè miscetur, & contra acres calidasq̃ fluxiones, dolores aurium, & uulua uitia. Cum farina autem aut polenta, contra oculorū, pedum, aliasq̃ inflammationes. Semen eadem potest. Facit ad tussim, destillationē, oculorum fluxionē, uehementes dolores, muliebria profluvia, aliasq̃ sanguinis eruptiones, oboli pondere cum Papaueris semine, & aqua mulsa potum. Confert podagris, testibus inflatis, mammisq̃ à partu turgentibus, si tritum cum uino illinitur. Miscetur utiliter & alijs cataplasmatibus dolorem leuantibus. Folia omnibus medicamentis dolorem sedantibus, per se, & cum polenta mixta utiliter illinuntur. Recentia ad mitigandos omnes

A detailed black and white line drawing of a Hyoscyamus flavus plant. The illustration shows a central, thick, upright stem with several smaller, branching stems. The leaves are large, deeply lobed, and have serrated margins. At the top of the main stem and on the branches, there are clusters of flowers. The roots are thick and fibrous, spreading out at the base. The overall style is that of a scientific botanical plate.

HYOSCYAMVS
FLAVVS.

Willam.

C omnes dolores illinunt. Tria aut quatuor cum uino pota, hepialas febres sanant. Decocta olerū modo, & triblij mensura comesta, mediocrem insaniam gignunt. Idem efficere tradunt, si in colo ulcus habenti quis per clysterem infundat. Radice in aceto decocta, dentes in dolore colluuntur.

EX GALENO.

Hyoscyamus cuius semen atrum est, insaniam & soporem affert. Huicis cui semen mediocriter flauum est propinquam facultatē obtinet. Fugiendi autem utriq; sunt ut inutiles & uenenosi. Ceterū cuius semen ac flos candidus est, ad sanationes uel maximè idoneus est.

EX PLINIO.

Hyoscyamū contra canum morsus ualet, inq; uulnera cum melle imponit. Con-
tusum cum folijs ex uino datur peculiariter contra aspidas. Eius succus sanguinem excreantibus medetur. Nidor quoq; accensi tussientibus. Vsus seminis & per se, & succo expresso. Exprimitur separatim, & caulibus folijsq; utuntur, & radice, temeraria in totum (ut arbitror) medicina. Quippe etiam folijs constat mentem corrumpi, si plura quàm quatuor bibantur. Etiam antiqui in uino febrē depelli arbitrabantur. Et oleum fit ex semine, quod ipsum auribus infusum tentat mentem.

DE HYACINTHO ► CAP ► CCCXXIII ►

NOMINA.



AKINΘOZ Græcis, Hyacinthus Latinis, officinis incognitus, Germanis *Blaw Wergenblümlin* / quod uidelicet cum Viola purpurea in Martio & primo uere erumpat, appellatur.

GENERA.

Albi Hyacinthi.

Duplices sunt Hyacinthi, albi & cœrulei, ut ex hoc Columellæ carmine colligi potest: Necnon uel niueos, uel cœruleos hyacinthos. Albos uerò non intelligas prorsus candidos, sed eos potius qui si cum cœruleis cōferas pallescere uidentur, quemadmodū pictura affabre tibi demonstrat. Germani album sceminā, sicut cœruleum marem uocant. Sunt qui ad ætatem hanc differentiam coloris referre uolunt, quorum ego sententiā ueriorē esse existimo: cum enim adollescunt, pallescere incipiunt. Cœruleū autem Hyacinthū nostra terra triplicem producit, ut ē pictura manifestē cernere licet: maximū, maiorem, & minorē. Minor floribus differt plurimū à maiore: in illo enim maiores ac patientiores, in hoc autē minores & quasi orbiculati sunt flores. Omnibus autem descriptio, ut ex ijs quæ statim subiiciemus planū fiet, pulchrè conuenit, ut hinc congeneres herbas esse coniungere cuiuis liceat.


FORMA.

Obia. Folia Bulbo similia habet, caulem dodrantalē, leuem, minimo digito tenuiorē, uiridem, comam adiacentē incuruam, plenam florum purpureorū, radicē & ipsam bulbosam. Hæc certē descriptio ita picturis quas damus quadrat, ut nulla prorsus sit eius nota quæ illas nō appositissimè exprimat. Folia siquidē Bulbi protinus à radice prodeunt, caulis dodrantalis, leuis, & minimo digito tenuior, herbaceus, coma procumbens incurua, plena florum purpureorū, radix bulbacea. Verū posset aliquis cauillari, hos quos descripsimus flores non esse Hyacinthos, quod in ijs discurrentibus uenis græcarū literarum figura AI, ut Plinius lib. xxi. cap. xi. prodidit, & Poëtæ fabulantur, haud inscripta legatur. Cui sic respondemus: Hyacinthū, quem Dioscorides & alij historici describunt, diuersum esse ab eo de quo Poëtæ fabulantur. Cuius rei testis est Pausanias, qui refert florē qui natus est extincto Aiace apud Salamina, non esse Hyacinthū, sed literis Hyacintho similem uideri, ex candido rubentem, ac Lilio minorem, quemadmodū Ouidius, itemq; Virgilius describunt. Idem etiam autor Cosmosandalon dici florē apud Hermionenenses, Træcenijs con-

Ouidius xiiij. metamor. Ipse suos gemitus folijs inscribit, & ac ac Flos habet inscriptum, funestaq; litera ducta est.


Theocritus Idyll. xix. Νῦν ὁ δὲ λινθεῖ λαλῶν τὰ σὰ τραγῶμα τὰ ἡρώδεια αἰαί, Δάμω νε τοῖς πετάλοις.

fines



HYACINTHVS COERV
LEVS MAXIMVS.
PANCRATION 137


Blaw Wergenblüm die grösser.



HYACINTHVS COERV-
LEVS MAIOR.


Blaw Mergenblimlin die kleiner.

1. virens, uaf



HYACINTHVS COERVLEVS
MAS MINOR.

Blaw Hergenblimmennle.



HYACINTHVS ALBICANS SEV
FOEMINA

Blaw mergenblümlin weiblich.

- A fines testatur. Cum itaque constet duplicem esse Hyacinthum, alterum rubentem, cum literis illis inscriptis, qui à Poëtis describitur: alterum uerò purpureū seu cœruleum (nihil enim refert utrum dixeris, quod Dioscorides per purpureum colorem uiolaceum dilutū, hoc est, clariorem & apertiorē, quem cœruleum uocamus, intellexerit: nam & Plinius lib. xxxvii. cap. ix. Hyacinthi colorem uiolaceū dilutum uocauit) sine literis, à Dioscoride alijsq; historicis descriptū: nihil enim Dioscorides in suo Hyacintho de literis cōmeminit: Haud igitur temerē in Virgilio ferrugineos hyacinthos, non cœruleos, sed rubentes ad similitudinē ferruginis quispiam interpretabitur, potissimum cum Poëtarum Hyacinthus, non cœruleus, sed rubens sit, quemadmodū alibi Virgilius & Pausanias docuere. Rubet etiā color ferrugineus. Neque obstat quod Nonius ferrugineos hyacinthos cœruleos interpretatus est: is enim cœruleū tantum Hyacinthū nouerat. Quod si uerò hæc morosis quibusdā non probabuntur, sed prorsus funestas literas inscriptas esse contendant, ijs ita responsū uolo. Quas in Hyacintho literas appellant Poëtæ, ueras non esse, sed potius notas quasdam nigras, id quod hinc palām fit. Plinius lib. xvii. cap. xij. ubi de leguminibus loquitur, literas lugubres in flore etiam fabæ ex sententiā M. Varronis reperiri tradit, in quo tamen flore non literas ullas, sed nigras tantum notas, ut res ipsa & pictura docent, inspicere licet. Quod si nec ista satisfecerint, dicemus tum penitus fabulosum esse quod regum nominibus inscriptum Poëta, florem hunc canit. Si enim id credendū crit, credendum etiam quod idem ex puero transformato natus sit. Vel, quod uero similis est, de regijs florū appellationib. Poëta iocum struxisse uidetur, cum pastorem inducit sciscitantē, quibus in terris inscripti nomina regum nascuntur flores: sunt enim complures flores quibus à suis inuentoribus regibus nomina sunt indita. Necq; nunc ulla prorsus regū permultorū extaret memoria, nisi in florū nomenclaturis, qui nominibus regum inscripti sunt, asseruaret.
- B

Hyacinthus
poëtarum.Hyacinthus Dio-
scoridis.Ferruginei Hyacin-
thi qui apud
Virgilium.Virgilius Eclog.
tertia: Et suaue
rubens Hyacin-
thus.Literæ in Hyacin-
tho quales.Virg. Dic quibus
in terris inscripti
nomina regū Na-
scuntur flores.
Eclog. iij.

LOCVS.

Nascitur in nemoribus: atque hinc est quod Galli, apud quos, Plinij etiam testimonio, eximie prouenit, ut in suis cōmentarijs de Natura stirpium uir eruditione clarus Ioannes Ruellius autor est, nemoralem uel agrestem cepam nominent. Et eius certè magna est copia uerno tempore in nemore haud procul à uico Lusche, nau iuxta Tubingam sito, ut uel ex natali etiam satis constet flores hos quos pictos exhibemus, esse genuinos Hyacinthos.

Ruellius.
Agrestis cepa.

TEMPVS.

Vere, mensibus nimirū Februario & Martio, cum uiola purpurea, Theophrasto lib. vi. de Stirpium historia, cap. ultimo teste, erumpit: hinc Martium florem Germanis nostris dictum esse suprā monstrauius. Hoc potissimū tempore prorumpit is quem Hyacinthū minorem nominauimus. Exit etiam, eodem Theophrasto autore, cum Gladiolo, qui uernus etiam flos est. Quo sanè tempore is maximè floret, quem maiorem appellauimus. Proinde cum tempus etiam cōueniat, nemo est qui deinceps ueros esse Hyacinthos, dubitare meritò possit aut debeat.

Martius flos.

TEMPERAMENTVM.

Hyacinthi radix bulbosa est, ordinis primi in desiccando, secundi uerò completi, aut incipientis in refrigerando. Semen autem tertio quadantenus ordine desiccatur, in medio caliditatis & frigiditatis consistens.

VIRE. EX DIOSCORIDE.

Hyacinthi radix pueris cum uino albo illita impuberes seruare creditur. Sistit aluum. Pota urinam ducit, & phalangiorū moribus auxiliatur. Semen magis adstringit, & cœliaci prodest. Potum cum uino regium morbum emendat.

EX GALENO.

Radix pueros diutissimè seruare impuberes in uino illita creditur. Semen regio morbo affectis in uino exhibetur.

EX PLINIO.

C

EX PLINIO.

Radix Hyacinthi in uino dulci illita pubertatē coërcet, & non patitur erumpere. Torminibus & araneorū moribus resistit. Vrinam impellit. Contra serpentes & scorpiones, morbumq; regium, semen eius cum Abrotono datur.

DE HYSSOPO CAP. CCCXXIII.

NOMINA.



Ξ Ξ Ω Ρ Ο Ξ græcè, Hyssopus & Hyssopū latinè, Officinæ nomen legitimum retinuerunt. Germanicè Jspen/oder Jsoy uocatur.

GENERA.

Hortensis.
Montana.

Duūm generū Dioscoridi Hyssopus est, hortensis & montana. Hortensis quæ in hortis prouenit, ac culinarū causa colitur, garten Jspen Germanis uocatur, Montana quæ in montibus nascit̃, & germanicè birg Jspen appellari potest.

FORMA.

Hortensis & nostra
Hyssopus est
uera & genuina.

Herba est pedali altitudine hortensis, fruticosa, folio Satureiæ satiuæ, floribus in cœruleo purpurascens, thyrsos spicæ modo uestientibus, radice longa & lignosa. Montana priori haud dissimilis est. Errant qui nostram Hyssopum hortensem non esse ueram putant: habet enim planè folium origani, nisi quod angustius est. Nec plures sunt eius apud Dioscoridē notæ. Nam quæ de umbella quidam obijciunt, nihil ad Hyssopū attinent, cum simpliciter scribat Dioscorides, Origanum non habere umbellam rotæ speciem obtinentem. Id quod uerum est.

LOCVS.

In hortis, ut diximus, hortensis, in montibus uerò montana nascit̃, Cæteris præfertur quæ in Tauro monte prouenit.

TEMPVS.

Æstate floret, quo etiam potissimum tempore carpenda uenit.

TEMPERAMENTVM.

Hyssopū calefacit & desiccatur ordine tertio: sed & tenuium est partium.

VIRE. EX DIOSCORIDE.

Vim habet extenuandi & calefaciendi. Decocta cum ficis, aqua, melle acruta, & pota, peripneumonicis, asthmaticis, tussi uetustæ, destillationi & orthopnoæ opitulatur. Lumbricos necat. Cum melle linctā idem præstat. Decoctū eius cum oxymelite potum, crassitudinē per aluum ducit. Estur cum ficis uiridibus, aluum subducens. Vehementius purgat adiecto illi cardamomo, aut iride, aut erysimo. Colorem bonum præbet. Cum fico & nitro illinitur ad lienem, aquam intercutē. Cum uino ad inflammationes. Discutit sugillata cum aqua feruenti illita. Angina laborantibus cum decocto ficorum optimū gargarisma. Decocta cum aceto, dentium dolorem collutione mitigat. Inflammationes quæ circa aures sunt suffitu soluit.

EX PLINIO.

Hyssopum in oleo contritum phthiriasi resistit, & prurigini in capite. Stomacho est contrarium. Purgat cum fico sumptum per inferna, cum melle uomitionibus. Putant & serpentium ictibus aduersari, tritum cum melle & sale & cumino.

DE HYDROPI-

HYSSOPVS
HORTENSIS

Garten Dfen.

bbb



C

NOMINA.

Hydropiper quare dictum.



ΔΡΟΠΕΡΕΡΙ Græcis, Hydropiper Latinis, officinis incognitum, Germanis Wasserpfeffer / oder Wüchentrant nominatur. Hydropiper autem à locis quibus nascitur, & piperis sapore quem præ se fert, quasi dixeris piper aquatile, appellatum est. Muscæ denique ab eo uehementer abhorrent: neque enim id quod succo eius aspersum est attingunt, hincque adeò alteram appellationem Germani illi indiderunt.

FORMA.

Caulem ædit geniculatū, robustū, circa quem alarum concauitates, & folia Menthæ similia, maiora, teneriora, candidioraque, gustu piperis acri, non tamen odorato. Semen in ramulis fert secundum folia nascens, continua serie congestum, racemosum, & acre. Radicē exigua & inutilē. Ex qua descriptione satis constat herbam hanc, cuius imaginē damus, esse Hydropiper: nulla siquidem nota est quæ illi non cōueniat. Caulis enim eius geniculatus, solidus, circa quem alæ panduntur, & folia Menthæ cōsimilia, maiora tantū, hoc est, longiora multò, teneriora & albiora. Quæ singula faciliè diligens quispiam oculis lustrabit. Si uerò linguā consulat, folia meram piperis acrimoniam respiciunt, nullam tamen odoris suauitatē in eis deprehendet. Quod si reliquam faciem excusserit, offendet semen prope folia enatum racematim congestū, & quadā serie cohærens, ipsumque acre. Accedunt denique natales, facultates, & alia, ut nullus planè ambigendi locus relictus sit. Damus hic etiam alterius herbæ quæ in aquis prouenit picturā, quam nonnulli Hydropiperis speciē esse arbitrantur, quæ ferè Hedere folia obtinet, & secundū ea semen, Ari semini haud dissimile. Nos à colore seminis appellauimus Hydropiper rubeum, germanicè rot Wasserpfeffer. Huius herbæ & racemosus fructus, & folia acrimonia sunt prædita.

LOCVS.

Gignitur prope stantes aquas, aut quæ leniter fluunt. Copiose prouenit ad flumen Pegnicum haud procul à Norimbergo.

TEMPVS.

Floret Augusto mense floribus albis spicatim cohærentibus, ac subinde semen minutum profert.

TEMPERAMENTVM.

Calidum est, non tamen usque adeo ut piper, & siccum: id quod gustus abundè docet.

VIRE. EX DIOSCORIDE.

Folia cum semine illita, cedemata, ueteresque duritias discutiunt. Sugillata delent. Siccata & tusa pro pipere sali & obsonijs miscentur. Radix parua, nullius in medicina usus.

EX GALENO.

Hydropiper à locis in quibus nascitur, & à similitudine quæ illi cum Pipere in gustu est, nomen sortitum est. Cæterum calidum est, sed minus quàm piper. Atque herba ipsa etiamnum uiridis cum semine cataplasmati in modum imposita sugillata, & induratos tumores digerit.

EX AETIO.

Hydropiper herba est in aquosis nascens, ramusculis ac folijs Menthæ similis, maior tantum, gustu acerrima ut piper, perexigua semina singulis folijs ferens. Calida quidem est, non tamen accedens piperi, quæ recens illita sugillata ac durities sanat. Hanc nonnulli condimentis piperis loco addunt.

APPENDIX.


Cum interea temporis dum sub prælo sunt nostri cōmentarij, quomodo ueteribus sit appellata herba quam Hydropiper rubeum uocauimus diligentius cogito, tertiam Dracontij apud Pliniū lib. xxiii. cap. xvi. speciem esse cōperio: hanc enim ita pingit: Tertia demonstratio fuit folio maiore quàm Cornus, radice harundinea, totidem



HYDROPIPER

Wasserpfeffer.

bbb 2

**HYDROPIPER**

RVBEVM.

Rot Wasserpfeffer.

A totidem ut affirmabant geniculata nodis, quot haberet annos: totidemque esse folia. Hi ea ex uino uel aqua contra serpentes dabant. Quæ quidem notæ huic etiam herbæ competere uidentur. Est enim folio maiore quàm Cornus, radice harundinea, nodisque geniculata. An uerò tot nodis sit geniculata, quot habet annos, totidemque folijs, nondum obseruare potuimus. Quinetiã uniuersa tum foliorum tum fructus forma, acrisque sapor, Ariac Dracontij genus esse euidenter ostendunt. Facultas denique contra serpentes, quam Dioscorides suis etiam tribuit Dracontijs, abundè quod contendimus docet. Non est autem, ut quidam existimant, Plinij Aris, quod eius radix oliuæ grandis magnitudinem atque formam non referat. Hanc nostram de hac stirpe sententiam hoc loco referre placuit, ne quis nos illam Hydropiperis esse genus pertinaciter asserere ac tueri uelle existimet.

DE PHLOMO CAP. CCCXXVI

NOMINA.



PLOMOΣ græcè, Verbasculum latinè, officinis Tapsus barbatus dicitur. Sunt qui Candelam regis, Candelariam, Lanariamque nomen. Germanicè Wulltraut / Rergentraut / Vnholden kerg / Himelbrant / Brenntraut uocatur. Phlomon autem haud dubiè dixerunt Græci, quod ea pro ellychnijs utantur. Candelariã quoque recentiores nominarunt, quod caulibus eius adipe, seuo, uel

Tapsus barbatus.
Candelaregis.
Phlomos cur dicta.
Candelaria.

aliquo pingui illitis, nonnulli pro lucernis utantur.

GENERA.

B Verbasculum omnium ueterum testimonio duo habet summa genera. Candidum enim alterum folijs, nigrum alterum est. Candidum rursus in marem & foeminã digeritur. Præter tria hæc, & syluestre habetur, wild Wulltraut Germani appellant. Sunt etiã Verbascula duo, quæ à nostris herbarijs herbæ paralytis, & uulgò artheticae, cum arthriticae dicendum esset, uocantur. Germanicè Schlüsselblumen. Horum unum est odoratum, alterum odoris expers. Prius germanicè simpliciter Schlüsselblumē / oder gelb Schlüsselblumen / Himelschlüssel / oder S. Peters schlüssel / alterum wild Schlüsselblumen / oder weiß Himelschlüssel appellant. Est & tertium Verbasculum, quod Lychnitum, alij autem Thryallida appellant, Germani Marienrosen uocant. Hæc sunt genera Verbasci quemadmodum à Dioscoride & Galeno commemorantur, quorum sanè omniū picturas damus, excepto ultimo, quod hoc tempore nondum floruerat. Quanquam distingui genera hæc, ut Plinius libro xxv. cap. x. ait, penè superuacuum sit, quum sint eiusdem effectus omnia.

Verbascula duo.
Herba paralytis.

FORMA.

Verbasculum candidum foemina, Brassicæ similia folia habet, multò tamen hirsutiora, latiora & candida. Caulis eius cubitalis & amplior, candidus, subhirsutus. Flores albi aut subpallidi. Semen nigrum. Radix longa, acerba, crassitudine digiti. Candidum mas à foliorum candore Leucophyllon Græcis dictum, oblongioribus & angustioribus folijs, & tenui caule. Nigrum in cunctis candido simile, nisi latioribus nigrioribusque constaret folijs. Syluestre uirgas fert altas & arborecentes, folia Saluiae similia. Habet uerò circa uirgas ramulos Marrubij modo. Florem luteum, auri fulgore. Verbascula duo hirsuta, terræ inhærentia, humiliæue: folijs rotundis, & multò minoribus, rugosis, è quibus medijs stylus exilit tenuis, palmi altitudine, incanus, in cuius uertice terni, quaterni, & plures etiã dependent flores lutei, summis labris denticulati, in altero odorati, in altero inodori, calyculo in albu pallecente. Lychnitis siue Thryallis folijs ternis, aut quaternis, aut etiam plusculis, crassis, pinguibus, hirsutisque, ad lucernarum lumina utilibus, floribus purpureis.

Candidum mas.
Nigrum.
Syluestre.

Verbascula.

Lychnitis.




VERBASCUM CANDI
DUM MAS,

Weiß Wollkraut gemeine.

VERBASCUM CAN-
DIDUM FOEMINA.

Weiß Wollkrautweible.





VERBASCUM
NIGRUM.
Schwarz Mollkraut.



VERBASCUM
SYLVESTRE.

Wild mullkraut.




VERBASCULUM
ODORATUM.

Geel Schlüsselblumen.

VERBASCUM NON
ODORATVM.

Weiß Schlüsselblüm.



LOCVS.

C Candidum & nigrum in campestribus, & in syluis etiam proueniunt. Syluestre in campestribus, potissimū siccis & lapidosis, nascitur. Verbascula duo passim in pratis & hortis producuntur. Lychnitis similiter alijs in campestribus nasci solet.

TEMPVS.

Verbascula duo primo statim uere emicant, certiꝫ huius appetentis nunciꝫ. Hoc sanè tempore carpenda ueniunt, quod confestim fugacia euanescant: uita enim illis cum plurimum menstrua, nec temerè ad summum sesquimensē excedunt. Reliqua genera autumnō, dum florent & semen proferunt, colligenda.

TEMPERAMENTVM.

Omnia folia desiccandi & detergendi uim possident.

VIRES. EX DIOSCORIDE.

Radix priorum duorum adstringit: unde taliludicri magnitudine in alui profluuiō utiliter cum uino in potu datur. Decoctū eiusdem ruptis, conuulsis, contusis, & antiquæ tussi auxiliatur. Dentium dolorem collutione mitigat. Verbasculum cui flos aurei coloris, capillos tingit, & quocunq; reponatur blattas in se contrahit. Folia in aqua decocta aduersus cedemata, & oculorū inflammationes illinuntur. Syderata ulcera cum melle aut uino, cum aceto autem uulnera sanat. Contra scorpionum ictus auxilio sunt. Syluestris folia ambustis illinuntur. Ferunt fœminæ folia caricis interposita, incorruptas atq; à putrefactione immunes seruare.

EX GALENO.

Priorum duorū radix gustu acerbā est, & fluxionis affectibus prodest. Sed & ad dentium dolorem eam nonnulli colluunt. Folia tamen digerendi uim habent. Sic etiam aliorum folia, potissimū autem eius quæ aureos flores obtinet. Capillos quodque flauescere faciunt.

EX PLINIO.

Contra scorpiones bibitur radix cum Ruta ex aqua magna amaritudine, sed effectū pari. Verbasculum priuatim tonsillis in aqua potum medetur. Tribus obolis bibitur Verbasculū cuius flos aureus est, contra omnia pectoris uitia, tussē, & purulenta excreantibus. Tanta huic uis est, ut iumentis etiam nō tussientibus modò, sed ilia trahentibus auxilietur potus. Lateris & pectoris dolores Verbasculum cum Ruta ex aqua sedat. Panos sanat cum sua radice tusum, uino aspersum, & ita cinere calfactum, ut imponatur calidum. Semen ex uino decoctum & contritū luxatis medetur, dolorem & tumorē tollens. Radicis medulla collyrii tenuitate in fistulam additur. Contusis, euerlis, & si febris sit potatur in aqua Verbasculum, cuius flos auro similis est. Folia ex aceto imponuntur in struma. Semine ac folijs decoctis in uino ac tritis, omnia corpori infixā extrahuntur.

APPENDIX.

Recentiores duobus Verbasculis hos effectus assignant. Trita imponuntur efficaciter articulorum doloribus. Radicis decocto uescicæ renumq; obstructions soluentur. Ius herbæ propinatur & illinitur aduersus rupta, luxata & liuentia. Quod uerò hæc eadem possint, temperamentū eorundem palam docet: parum enim adstringunt: si gustaueris, amara, & modicè acria sunt: ut hoc nomine desiccandi & detergendi facultatē, quam illis Galenus ascribit, habere nemo dubitare debeat. Nostri etiam temporis herbarij calida & sicca esse statuunt. Et mulieres formæ studentes, succo è floribus illorum expresso faciem illinunt, quod maculas, rugasq; & alia eiusdem uitia mirificè detergeant. Vt hinc euidentissimū sit herbas, quas

Schlüsselblumen uocant Germani, esse

Verbascula.



FRAGARIA MAIOR
ET MINOR.

Erdbeer.

C

NOMINA.

Rubus Idæus uide-
tur esse Fragaria.



RAECIS ut herba quæ fraga gerit nominata sit, certò constituere nobis nondum licet. Sunt tamen qui *βατόρυ ιδάκω*, hoc est, Rubum Idæum esse putent, eum potissimum qui sine spinis inuenitur. Quorum certè sententiam ob multas uariasq; causas, ut in sequentibus dicemus, minimè repudiandā existimamus. Apuleius Græcis *νόμαρον* appellari scribit, quod si uerum est, alia sit à Comaro quam Dioscorides, Galenus & alij quidam depingunt, necesse est: hæc enim arbor est, illa autem herba. Ego tamen uidi codicem manuscriptū, in quo hæc uerba: Comaron Græci, Romani Fragum nuncupant: non habebantur. Quicquid uerò sit, ex numero Mororū esse cōstat eius fructum optimi odoris: hinc à frago uerbo, quod odorē reddo significat, herba ipsa Latinis Fragaria, & fructus fragum dici ceperunt. Germani *Erdbær* uocant, Græci autem si Comaron appellarunt, ob fructum arboris eiusdem nominis qui fragis ijs terrestribus similis est, haud dubiè sic dixerunt.

Fragaria unde
dicta.

GENERA.

Duo Fragariæ sunt genera. Vna flores fructusq; paulò maiores, altera minores obuiet, Nos una pictura utranque expressimus.

FORMA.

Humi sine caule spargitur, multis à radice lanuginosis pediculis, quorum alij flore candido coronantur, alij trigemino comantur, folio per ambitum serrato atque uenoso, alij fructum gerunt exiguis quidem Moris haud absimilem, cæterum sui generis solidum, callosum, tenerū, quum maturuit rubentē, tum gustu, tum etiam odore suauissimum. Radice foris atra aut rubescente, intus candida, multo fibrita capillitio.

LOCVS.

In syluis, dumetis, & in opacis montibus, ac secus uias sponte nascitur. Vnde etiā colligi potest esse Rubum Idæum, quando & is in lucis proueniat. In hortis etiam nonnunquam ut grandiore fructum ministret, colitur Fragaria.

TEMPVS.

Floret uere, & tota æstate, inq; maximā autumnī partem. Fructus tamen eius fugax, rarò nisi æstatis initio inueniri potest.

TEMPERAMENTVM.

De temperamento Fragariæ recentiores diuersa tradunt. Serapio calidam & siccam in secundo ordine tradit. Alij frigidam & humidā in primo: nonnulli, qui tamen prorsus meo iudicio hallucinari uidentur, in tertio ordine scribunt. Nos folia ipsa gustu modicè esse amara, & adstringere deprehendimus, ut siccam esse hac ratione, & minimè humidā oporteat. Quapropter in tanta sententiarū de eius temperamento diuersitate animaduertendū, idem de Fragaria, quod de Rubo sentiendum esse, nempe quod folia, flores, fructus & radix adstringāt. Differre tamen inter se, quod folia potissimū recens nata plurimum in se habeant aqueæ substantiæ, parum uerò adstringant: adeò ut uerisimile sit de ijs locutos esse, qui frigidam & humidā in primo ordine Fragariam statuerunt. Est enim eorum temperies ex terrena frigida essentia, & aquea tepida. Fructus immaturus frigida terrea substantia præditus est, ut frigidus & siccus hoc nomine dici mereatur. Maturus autē non parum succi temperati calidi qui dulcis est, modicamq; adstrictionē habet, ita ut calidus & siccus dicendus ueniat. De fructu itaque intelligendi erunt, qui Fragariam calidam & siccam esse affirmant. Quare ubi de temperamento Fragariæ agitur, non simpliciter, sed cum prædicta distinctione respondendum est. Vnde cum idem ferè cum Rubo temperamentum habeat Fragaria, iterum hanc ab Idæo Rubo nihil differre uerisimile est.

Folia Fragariæ.

Fructus eiusdem.

VIRES.

A

VIRE S.

Quum recentiores in cōmemorandis Fragarię facultatibus partim eas quas Dioscorides Rubo Idæo, partim etiam quas Comaro tribuit Apuleius, uires Fragarię ascripserint, opere præcium me facturum arbitror, si utriusq; de ijs uerba præmiserō, ut nimirum quisq; hac ratione, quapropter iuniores ijs facultatibus Fragariam ornauerint, certius intelligere queat.

EX DIOSCORIDE.

Idæus Rubus eadem potest quæ Rubus. Amplius eius flos cum melle tritus & illitus, oculorū inflammationibus auxiliatur. Sacros ignes extinguit. Stomachicis cum aqua potui datur.

EX APVLEIO.

Ad lienis dolorē herbæ Fragi succum ex mellis uncia potui datum mirificè proficere certum est. Ad suspiriosos eiusdem succus cum pipere albo & melle mixtus, potui datus, mirificum est remedium. Has facultates etiam antiquus manuscriptus herbarius Fragarię adscribit, nomine tamen Apulei in Dioscoridis nomen immutato. Addit tamen huius fructum comestum stomacho conferre, & ex succo eius os contra foetorem collui, id quod Serapion quoque tradit.

EX RECENTIORIBVS.

Herba Fragaria in cibo sumpta medet̃ lienosis, item succus ex melle potus. Idem cum pipere candido datur suspiriosis. Fraga sitim sedāt, stomacho profunt, sed præsertim bilioso. Succus Fragis exprimitur, uetustate uires accipiens, præsentaneo remedio ad faciei ulcera, oculorū suffusiones, neq; nō epiphoras. Radicis decoctū iecioris feruores mulcet matutino & meridie potū. Vtuntur hodie frequenter Fragaria ad glutinanda uulnera, aluum sistendam, menstrua cohibenda, gingiuas confirmandas, oris ulcera, eiusdemq; foetore tollendum, quæ singula Rubus etiam Idæus potest, ut inde rursus coniicere liceat Fragariam ab eodem nihil differre.

DE PHV GERMANICO

CAP. CCCXXVIII.

NOMINA.



ov, ἡ ἀρχαία ῥαψοῖς Græcis, Phu & Nardus syluestris Latinis, Valeriana officinis & herbarijs nostri temporis, Germanis Baldrian/ Dennenmarck/ oder Ragentraut/ oder Augenkurgel appellatur, quod scilicet catti odore radicis eius, quo eorū oculi roborant̃, impense delectent̃.

Nardus syl-
uestris.
Valeriana.

GENERA.

Duo sunt præcipua Phu genera. Magnum, quod alio nomine Theriacaria uocatur. Hoc descriptioni per omnia respondet, germanicè groß Baldrian/ & Triack's appellatur. Vulgus herbariorū Valerianā maiorem nominat. Alterum uulgare, quod alio nomine Valeriana etiam uulgaris nuncupatur. Germanis gemein Baldrian/ & Ragentkurgel dicitur. Hoc etiam genus à pictura Dioscoridis, ut paulò post fusius docebimus, non abhorret.

FORMA.

Folia Elaphobosco, siue Olusatro similia habet. Caulem cubitalē, aut proceriorem, leuem, tenerū, purpurascētē, in medio cōcauum, geniculis intersectū. Flores ad Narcissi flores accedentes, minores & teneriores, in subalbido purpurascētes. Radices in superiore parte minimi digiti crassitudine. Adnascentes etiam radículas obliquas ueluti iuncus odoratus, aut ueratrū nigrum, inuicē implicitas, subflauas, bene odoratas, nardum in gustu referentes, cum quadam uirosā grauitate. Ex qua certē descriptione sole clarius sit, herbam quam uulgarē hodie Valerianā no-

Valeriana uul-
garis.

PHV MAGNUM

Groß Baldrian.





PHY GER-
MANICVM.

Gemein Baldrian.

C minant esse Dioscoridis Phu, quòd omnia ferè sic illi respondeant, ut prorsus nulla reclamare nota uideatur. Folia nanq; huius cum primùm erumpunt Elaphobosci præ se ferunt imaginē: postea uerò dum adolefcit in Olusatri modum laciniantur. Caulis quoq; eius cubitalis, & maior (nō enim rarò ad trium cubitorū longitudinē caulis à nobis uisus est) læuis, potissimū in infima eius parte, deniq; tener, purpurascens, in medio cōcauus, geniculatus. Flores eiusdem qui summis caulibus emergunt, Narcissi certam exprimunt effigiē, quamuis minores sint, atque adeo teneriores. Vt hoc nomine cum Ruellio in græcis codicibus Dioscoridis *ῥοσωνα* pro *μειζονα* legendum esse putem. Nisi quis existimet Phu Ponti, quod Dioscorides potissimū describit, fauentis cœli beneficio maiusculos habere flosculos. Prædicti etiā flores aceruatim coeūtes in purpuram candicant. Radices quoq; in superiore parte minimi digiti crassitudinē obtinent, multasq; radículas obliquas, Schēni, aut nigri Veratri modo sibiipsis implicitas, subflauas, odoratas, Nardum, cum uirosa tamē grauitate, imitantes. Quum itaq; hæ omnes notæ, Valerianę nostrę respondeant, multorumq; cōsensus nobis subscribat, & facultates eius quas illi recentiores tribuunt, planè cum ijs quæ Dioscorides Phu adscribit cōueniant, quid impediatur cur non certò affirmemus Valerianam hanc uulgarem esse Phu Dioscoridis non uideo, præsertim cum manuscriptus etiā herbarius Phu esse Valerianā apertè doceat, ita ut mirari satis non queam cur aliquot docti uiri in Germania nostra diuersum astruere uoluerint.

LOCVS.

Nascitur in humectis locis, & prope aquas, hæcq; ad mirandā altitudinē surgit. Prouenit etiam in lucis & cædis syluis, sed hæc in tantam proceritatē non emergit.

TEMPVS.

Floret integra æstate.

D

TEMPERAMENTVM.

Calidam & siccam esse in secundo ordine tradunt.

VIRE S. EX DIOSCORIDE.

Phu calefacit. Sicca pota urinā mouet. Potest idem & decoctum eius, Ad lateris dolorem prodest, Menses ducit, & antidotis miscetur.

EX GALENO.

Odorata quodammodo est huius herbæ radix, Nardo uiribus similis, sed tamen ad plurima infirmior. Vrinam plus mouet quàm Indica aut Syriaca Nardus, similiter autem ut Celtica.

EX PLINIO.

Radix Phu datur potui trita, uel decocta ad strangulationes, uel pectoris dolores, uel laterum. Menses quoque cit. Bibitur cum uino.

APPENDIX.

Magni Phu radice hodie multi, magno cum errore, pro calamo aromatico utuntur, quod hoc in loco monere placuit.

DE PHACO CAP. CCCXXIX.

NOMINA.

Lens.



ΑΚΟΣ, ῥακὴ Græcis, Lens & Lenticula Latinis dicitur. Officinis & herbarijs latinum nomen retinuit. Germani Linsen appellant.

FORMA.

Lens racemosum legumen est, folijs Viciæ, sed minoribus, floribus exiguis in candido purpurascens, siliquis paruis, molliter in latitudinē fufis, in quibus tria aut quatuor grana, inter legumina minima, sunt.

LOCVS.

Prouenit passim in agris satum.

TEMPVS.



LENS

Linsen.

TEMPVS.

C

Iulio mense floret, & deinceps in siliquis grana profert.

TEMPERAMENTVM.

Lentes mediū tenent caliditatis & frigiditatis, desiccant tamē in secundo ordine.

VIRE. EX DIOSCORIDE.

Lens crebrò comesta, oculorū aciem hebetat, Agrè cōcoquitur. Stomacho nocet, eumq; & intestina inflat. Aluum cum cortice suo comesta sistit. Præstat quæ facillimè concoquitur, & nihil atrī in maceratione reddens. Vim habet adstrictoriā: quapropter aluū sistit, si detractō antea cortice accuratè coquat, primāq; aqua inter coquendū effundatur. Primū enim eius decoctū aluum soluit. Somnia tumultuosa & grauia facit. Neruis, pulmoni & capiti inutilis. Melius suo fungetur officio contra alui fluxiones, admixto illi cum aceto intybo, aut portulaca, aut beta nigra, aut myrto, aut cortice punici māli, aut rosis siccis, aut mespilis, aut sorbis, aut pyris Thebanis, aut cotoneis mālis, aut cichorio, aut plantagine, aut gallis integris, quæ post decoctionē abijciuntur, aut rhoīs quæ obsonijs inspargitur. Acetum autem cum eo diligenter percoqui debet, aliās aluum conturbat. Cōtra subuersionē stomachi trīginta grana lentis suis corticibus denudata, deuorata profunt. Decocta cum polenta, & illita, podagram lenit. Sinus cum melle glutinat. Crustas rumpit, & ulcera purgat. Decocta in aceto duritias & strumas discutit. Cum meliloto, aut cotoneo mālo, medetur inflammationibus oculorum & sedis, addito rosaceo. In maioribus sedis inflammationibus & sinu amplo cum malicorio aut siccis rosis, adiecto melle decocta. Contra nomas gangrænicas similiter utuntur, aut adiuncta maris aqua. Aduersus autem pustulas, herpetas, erysipelata, pernionesq; ut antea dictum est. Contra mammas grumosum lac continentes, & lactis copia turgentes, in aqua maris decocta & illita auxiliatur.

EX GALENO.

Lentes non ualenter adstringūt. Ipsum itaq; earum corpus desiccatur & sistit uentrem: cæterum decoctū irritat. Proinde etiam prior aqua abijcitur, ubi retentionis causa adhibent. Cortex eius uehementer adstringit, carnea substantia tenuiter, quæ & crassi succi & terrestris est. Succus porrò Lentis adstringenti est cōtrarius. Quocirca si elixæ in aqua iusculum sale garo oleoq; conditum bibatur, aluum deijciet. At quod ex bis decocta Lente ferculum apparatus, contrariam succo uim obtinet. Nam quæ uentri obueniunt fluxiones desiccatur, os uentriculi, intestina, & totum deniq; uentrem corroborans. Quamobrem cœliacis & dysentericis accommodatus est cibus. Lens uerò decorticata, ut illam adstringendi uehementiā, cumq; hac alia uidelicet omnia quæ cōsequuntur, amittit, ita alibilior quàm integra illa efficitur, crassum prauumq; succū gignens, tardè cōmeans: alui tamen fluores haud desiccatur, uti ea quæ cortice non est spoliata. Iurē igitur qui modum in hoc edulio non seruant, elephantiasim quam uocant, & cancrum incurrunt. Siquidem crassa siccaq; cibaria facillè in melancholicos humores uertuntur. Quare ijs duntaxat quibus uitiosa est habitudo ob aquā in carne diffusam, Lens cibo utiliter præbetur, ceu aridis & squalentibus admodū damnose. Eandem ob causam uisum integrum & inculpatū hebetat, immoderatè exiccans. Ei uerò qui contrario modo se habet, humidiori uidelicet, opitulatur. Menstruis purgationibus inepta est: crassum enim & tardifluum sanguinem facit. At muliebri appellato profluuio conuenientissima.

EX PLINIO.

Lens optima quæ facillimè coquitur, eaq; quæ maximè aquam absorbet. Aciem quidem oculorū obtundit, & stomachū inflat: sed aluum sistit in cibo, magisq; discōcta cœlesti aqua. Eadem soluit, minus percocta. Crustulas ulcerū rumpit, eaq; quæ intra os sunt, purgat & adstringit. Collectiones omnes imposita sedat, maximeq; exulceratas & rimosas. Oculorū autem epiphoras cum meliloto aut cotoneo. Con-


tra sup.

A tra suppurantia cum polenta imponitur. Decoctæ succus ad oris exulcerationes & genitalium adhibetur. Ad sedem, cum rosaceo aut cotoneo. In ijs quæ acrius remedium exigunt cum putamine punici, melle modico adiecto. Ad id demum ne celeriter inarescat, adiiciunt & Betæ folia. Imponit & strumis panisq̃, uel maturis, uel maturefcentibus, ex aceto discocta. Rimis ex aqua mulsa, & gangrænis cum punici tegmine. Item podagris, cum polenta, & uuluis, & renibus, & pernionibus, ulceribus difficile cicatricem trahentibus. Propter dissolutionē stomachi triginta grana Lentis deuorantur. In choleris quoque & dysenteria, efficacior est in tribus aquis cocta, in quo usu melius semper eam torrere aut tundere, ut quam tenuissima detur, uel per se, uel cum cotoneo mâlo, aut pyris, aut myrto, aut intubo erratico, aut betanigra, aut plantagine. Pulmoni est inutilis, & capitis dolori, neruosisq̃ omnibus, & felli, nec somno facilis. Ad pustulas utilis, igniq̃ sacro, & mammis, in aqua marina decocta: in aceto autem, duritias & strumas discutit. Stomachi quidem causa, polentæ modo potionibus inspergitur. Quæ sunt ambusta, aqua semicocta curat, postea trita, & per cribrum effuso furfure, mox procedente curatione addito melle. Ex posca coquitur ad guttura.

EX SYMEONE SETHI.

B Crassi succi est, & aufteram uim atque qualitatem possidet. Si quis ergo in aqua coquat, & eam aquæ, oleo & sapæ cum sale misceat, potionem faciet quæ uentrem subducatur. Bis autem cocta, uentriculum & ad ipsum defluxus sistit. Inducit autem stomacho robur, & intestinis, & uniuerso uentri. Quapropter utilis est cibus cœliacis & dysentericis. Si uerò cortice ablato sumatur, uehementiam adstringendi abijcit, magis uerò nutrit, cum tardi sit transitus, & crassi succi, non tamen adeò siccatur, ut antea dixi. Qui uerò hoc edulio crebrò utuntur, elephantiam contrahunt, & can-
 cros, & duritias, & neruorum dolores, & melancholicos affectus. Aptus enim est crassus & siccus sanguis, ut fiat succus melancholicus. Quibus igitur habitus quispiam malus aquosus in carne est, ijs solis utile est edulium, quemadmodum siccis & squalidis maximè noxium. Similiter uisum salubriter se habentem nimium exiccando hebetat, contrà uerò affectum iuuat. Neque etiam ad menstruas purgationes utilis est, eò quod crassum & difficulter fluentem sanguinem efficiat. Ad hæc Veneris appetentiam, semen exiccando, extinguit: ideo castè uiuere uolentibus ad hoc maximè confert. Grauiam etiam somnia facit, eò quod ex ea melancholici succi in totum distribuuntur corpus. Cum Mentha decocta, plurimū inflationis deponit. Nonnulli & Betam huius rei gratia eo quo decoquitur tempore iniiciunt. Lens uerò probè decocta & trita, si uulneribus ex iaculo aut telo facta imponatur, sanguinis fluxum uehementer compescit. Paruæ uerò Lentis decoctum sum-
 ptum, difficilem partum soluit. Auribus ex quibus pus emanat instillatum, succurrit.

DE PHILYRA.



TILIA FOE-
MINA.

Lindenbaum.

A

NOMINA.



IA YPA Græcis, Tilia Latinis & officinis, Germanis *Linden* appellatur. Alia ab hac est arbor quæ Dioscoridi *Quercus* uocatur. Quod non animaduertentes uiri etiam nonnulli doctissimi, utraque arbores magno errore confundunt, quod forma admodum discrepent, ut ex ijs quæ paulo post dicemus, & è Dioscoride & Theophrasto lib. iij. de plantarum historia, cap. x. inuicem collatis abunde constabit. Differunt itaque inter se Philyra & Phillyrea, neque una utraque uoce arbor significatur, sed diuersæ.

Phillyrea alia à
Philyra.

GENERA.

Tiliæ, Theophrasto loco iam citato autore, duo habentur genera, mas scilicet & fœmina. Distantque inter se tum materiæ, tum totius corporis forma, & quod altera fructifera, altera sterilis. Materies mari dura, flaua, nodosior, spinosiorque: fœminæ candidior: & cortex mari crassior, detractusque inflexibilis propter duritiâ est: fœminæ candidior flexibiliorque, ex quo cunas faciunt: item fœminæ odoratiores. Et mas sterilis, nulloque flore est: fœmina, cuius tibi picturam damus, & florem & fructum gignit.

FORMA.

Folio est hederaceo, molliore, & in angulum acutiorē rotundiore & prolixiore, & in orbem lentē crispo atque serrato: flore tantisperdum calyculo continet herbaceo, ubi emerit flauo: fructus magnitudine fabæ, similis acinis hederæ, in quo semē præternue quantum attriplicis, omnibus animantibus ingratum, cum foliorum pabulo maxime ducant, eorumque mira dulcedine capiant. Nunc cum ijs confer ea quæ Dioscorides de Phillyrea tradit, & senties esse diuersissima. Nam quis unquam dixit Tiliam habere folia oleæ, & fructum ferre subdulcē ad similitudinē Lentisci, nigrum, uuarum more congestum: Philyræ enim seu Tiliæ folia sunt hederacea atque serrata, adeoque ab oleæ folijs dissidentia: fructum denique fert non modò non subdulcē, sed qui à nullo mandari potest.

LOCVS.

Montes & ualles diligit Tilia, sed plus montibus gaudet aquosis.

TEMPVS.

Floret Iunio mense.

TEMPERAMENTVM.

Calidâ esse Tiliam, uel ex eo liquet quod frigidis cerebri malis, epilepsie & id genus alijs mirifice conferat. Amaritudo etiam cum glutinositate quadam in ea reliquis qualitatibus præualere uidetur, si hanc degustes. Quare abstergerendi planè facultatē cum modica adstrictoria, perinde atque Vlmus, cuius facultates illi Plinius, ut ex ijs quæ paulo post subiiciemus planum fiet, tribuit, habere euidentissimum est.

VIRES. EX GALENO.

Vlmi folijs aliquando recens uulnus glutinauimus, confidentes adstringentem pariter & extergentē illis inesse facultatē. Cortex amplius etiam subamarus est & adstrictorius, itaque cum aceto lepram sanat. Porro uiridis etiam nū & recens si uulneribus deligatur uice circumligetur, ea glutinare potest. Radices eandem uim obtinent: proinde & decocto earum quidam perfundunt fracturas quibus callo inducto opus est.

EX PLINIO.

Cortex interior Tiliæ lepras sedat, & folia ex aceto illita. Multi corticē cōmanducatum uulneribus utilissimum esse putant. Folia trita, aqua aspersa, pedum tumori. Humor quoque medulla castratæ arboris effluens, capillum reddit capiti illitus, defluentesque continet. Humor denique cuti nitorē inducit, faciemque gratiorē præstat. Folia ad infantium ulcera in ore cōmanducata profunt, decocta & pota, urinam ciunt & menses.

APPENDIX.

Quum Plinius ferè omnes facultates Vlmi etiā Tiliæ adscribat, ut ex eiusdem uerbis patet, ideo è Galeno quæ ille de Vlmo tradit produximus, Si uerò quispiam tiores quæ à

C quæ à recentioribus Tiliæ tribuuntur, probè expendet, nihil ab ijs quæ ex Plinij & Galeni sententia retulimus differre comperiet. Nam maculas faciei abstergere scribunt Tiliam, si illa eius succo lauetur. Mederi etiam morbo comitiali bibitum eius liquorem stillatitiū, oculis claritatem inducere, calculum sanare, tumores discutere ijdem docent. Quid multa? omnes facultates Vlmi obtinet Tilia, ideoq; uulneribus etiam recentibus succurrit, & alia quæ à Dioscoride & Galeno in Vlmi historia cōmemorantur, potest.

DE CHELIDONIO MAIORE

CAP. CCCXXXI.

NOMINA.



Chelidoniū unde dictum.

ΕΛΙΔΟΝΙΟΝ ^{μεγ} Græcis, Chelidoniū maius Latinis, officinis Chelidonia, Germanis Schelltraut / Schelwurz / groß Schwalbentraut dicitur. Chelidonio autem, uel si mauis Hirundinarię, auis hirundo quæ Græcis χελιδων uocatur, nomen indidit, uel, ut autor est Plinius, quod hanc primū inuenit, & ea oculis pul-
lorum in nido restituit uisum, ut quidam tradunt, etiam erutis, uel quod floret aduentu hirundinum, discessuq; commarcescit: id quod de minore uerè dicitur.

FORMA.

D Caulem emittit cubitalem & maiorem, gracilem, adnata folijs plena habentem. Folia Ranunculo similia, teneriora tamen, & colore subcæsia, iuxtaq; singula folia florem Leucoio similem. Succus illi croceus, acris, mordax, cum aliqua amaritudine & odoris grauitate. Radix supernè singularis, infernè autem plures. Fructus cornuti Papaueris instar tenuis, longus uelut galeę conus, in quo exigua semina sunt, Papaueris semine maiora. Huius descriptionis notæ omnes Chelidonio nostro respondent. Siquidem fruticosa est herba, cubitali altitudine, cauliculis lanuginosis, teneris, folio Ranunculi, magis anguloso, tenuiori, aduersa parte cæsius, auersa incano, flore luteo, Leucoio consimili, semine Papaueris, quod in corniculis seu siliquis longis exilibus clauditur. Vulnerata succum croceū emittit, gustum uellicantē, Radix in superiore parte una, in inferiore parte multis luteis fibris capillata.

LOCVS.

Nascitur in opacis & parietinis.

TEMPVS.

Chelidoniū hirundinum aduentu florem excitat, atque adeo toto deinceps uere & æstate floret, quibus etiam temporibus carpitur.

TEMPERAMENTVM.

Herba hæc tertij ordinis absoluti est in calefaciendo & desiccando.

VIRES. EX DIOSCORIDE.

Succus Chelidonię mixtus melli, & in æneo uase in carbonibus decoctus, contra oculorum caliginem prodest. Exprimitur autem succus ex folijs, radicibus & floribus incipiente æstate, siccaturq; in umbra & in pastillos conformatur. Radix cum Aniso & uino albo pota, regio morbo medet. Sanat herpetas cum uino illita. Dentium dolores commanducata sedat.

EX GALENO.

Chelidoniū admodum extergentis & calidæ facultatis est. Sed & succus eius ad acuendum uisum cōmodus est, utique in quibus crassum quiddam in pupilla colligitur disculsione indigens. Vsi sunt quidam radice eius ad morbum regium à iecoris obstructione proficiscentē, in uino albo eam potui exhibentes cum Aniso. Pari modo mansa, dentium doloribus confert.

EX PLINIO.



CHELIDONIVM
MAIVS.

Echelkraut.

ddd

C

EX PLINIO.

Florentibus succus exprimitur, & in æreo uase cum melle Attico leniter cinere feruenti decoquitur, singulari remedio contra caligines oculorum. Vtuntur & per se succo in collyrijs, quæ Chelidonia appellantur ab ea. Eadem oculorū aciem adiuuat, si addita aqua foueantur. Succus eius cum melle culices, nubeculas, obscuritatemque discutit, cicatrices extenuat. Albugines etiam iumentorum.

DE CHELIDONIO MINORE

CAP. CCCXXXII.

NOMINA.

Scrofularia minor
cur dicta.



ΕΛΙΔΟΝΙΟΝ μικρόν Græcis, Chelidoniū minus Latinis, officinis Scrofularia minor uocatur, quod strumosa radix multis granorum frumenti grumis uideatur coaluisse: uel quod strumis, quas imitatione græca Scrofulas uocant, medeatur. Germanis Seigwartz oder Blatentrant / id est Ficariam, Pfaffenhödlin / Klein Schelwurtz / oder Schwalbenwurtz / oder Meyentrant nominatur. Chelidonium autem hæc herba uocata est haud dubie, quod, ut Theophrastus lib. vii. cap. xiii. hirundinū aduentu florem excitet.

FORMA.

Herbula est à stolonibus pediculisue pendens, sine caule, folijs Hederæ figura, rotundioribus minoribusque, item teneris & aliquatenus pinguibus. Radices habet paruas multas, ex eodem callo prodeuntes, tritici modo acruatim congestas, quarum tres aut quatuor in longitudinem progrediuntur. Hæc Dioscoridis deliniatio prorsus herbæ illi quam Scrofulariam minorem uulgò nominant, conuenire uidetur. Nam hæc herbula est à pediculis pendens, uidua caule, folijs Hederg, rotundioribus multò minoribusque, teneris & modicè pinguibus. Radices ostendit ex eodem callo prodeuntes, paruas, complures in granorū tritici morem acruatim collectas, quarum tres uel quatuor in longum protenduntur. Flos ei Ranunculi ut maiori, luteo colore nitens. His accedunt locus, tempora, uires, & alia quæ iam cōmemorabuntur, quæ singula Scrofulariæ minori admodum quadrant, ut nemo hanc Chelidonium minus esse inficias ire sine magna impudentia possit.

LOCVS.

In palustribus, prope aquas, & in limitibus humidis, omnibusque uliginosis tractibus ac hortis passim gignitur.

TEMPVS.

Verno tempore, Martio mense, & præsertim hirundinū aduentu floret, nec longo post tempore marcescens euanescit, sic ut irrigui limites, qui largo foliorum florumque stipatu pubescebant, confestim ijs spoliati glabrescere conspiciantur.

TEMPERAMENTVM.

Chelidoniū minus, Galeno teste, quarti ordinis absoluti est in calefaciendo & desiccando, ideoque magnam præ se fert acrimoniā, gustum erodentem. Nostrum autem usque adeo acre non est, ut commanducando sæpe nullam prorsus sentias acrimoniam, potissimum in eo quod humido in loco natum sit. In hoc autem quod locis siccis prouenit, senties & amaritudinem & acrimoniam, sensim tamen gustum erodentem.

VIRES. EX DIOSCORIDE.

Acrem uim habet, Anemones modo summam cutem exulcerantē. Scabiem & unguium lepras tollit. Ex radicibus expressus succus ad purgationem capitis addito melle naribus utiliter instillatur. Similiter decoctum eius cum melle gargarissatum, caput strenuè purgat, & omnia pectoris uitia.

EX GALENO.



CHELIDONIVM
MINVS.

Leigwartzenkraut.

C

EX GALENO.

Chelidoniū minus cum acrius sit maiore, illitum confestim cutem exulcerat, unguesq; scabros eiicit. Succus eius per nares purgat, utpote uehemēter acris existens.

APPENDIX.

Recentiores ea herba in exterendis ficubus mariscisue, & strumis, magna experientia utuntur, ut inde certē Scrofularia nominari, quemadmodū diximus, meruerit. Antiquus etiam ac manuscriptus herbarius, sub nomine tamē Pedis uītuli, quo Aron nominatur, se à quodam qui expertus sit cognouisse scribit, quod hæc herba contra mariscas ac strumas mirificē proſit.

DE CHAMÆDRY CAP. CCCXXXIII

NOMINA.

Serratula.
Chamædrys unde dicta.



Serrata.

ΑΜΑΙΔΡΥΣ græcè, Trissago latinè, officinis græcum nomen infedit, uulgo Quercula minor, & à serratis folijs Serratula appellatur. Chamædrys uerò Græcis dicta est, quasi humilis ac terrestris quercus, quod scilicet folia Quercus habeat, & huius respectu quasi humi repat. Sunt qui Serratā nominatā ideo putent, quod ab ea serra inuenta sit. Dioscorides hanc Teucrium etiā, propterea quod Teucrio similis admodū sit, appellari à nōnullis scribit.

GENERA.

Et si Dioscorides aliq; ueteres unicā faciant Chamædryn, tamen nos, quia plures herbas ad eius formam ac picturā accedere uidemus, duo eius genera produximus. Quorum sanè primum uera Chamædrys existit, & germanicè Klein Bathengel nominatur. Illius autem rursus duo sunt genera. Vnum enim quod præ cæteris omnibus picturæ Dioscoridis maximè accedit, mas dicitur, alterum uerò fœminat: neque enim aliter nobis discrimen indicare licuit nisi sexus ratione. Alterum genus uulgaris est Chamædrys, quod iterum duūm est generum, mas scilicet & fœmina. Mas germanicè Erdrweirauch / fœmina uerò Gamenderle / Blawmenderle / Vergiß mein nit / appellatur.

FORMA.

Obiectionis
solutio.

Frutex dodrantalis, folijs exiguis, forma & diuisuris quernis similibus, amarisq; flore subpurpureo, exili, semine in calyculis atro. Quæ utique descriptio ita herbis illis quas pictas exhibemus respondet, ut nulla prorsus nota reclamare uideatur. Sunt enim herbæ palmum altæ ut plurimum, exili folio, effigie & diuisura Quercus, amaro, flore penè purpureo & exiguo, ita ut mirari satis non possim, cur nonnulli alteram speciem genuinam Chamædryn esse negent, cum tamen Germanica etiam appellatio pulchrè ad antiquum atque adeo græcum nomen alludat. Sed instabit forsitan quispiam dicens, Chamædrys Dioscoridis palmum alta est, hæc tua mensuram hanc excedit. Fateor sanè, attamē non multum exuperat, quod si etiam plus exuperaret, non tamen hoc nomine alterius speciei herba putanda esset: neq; enim adeò statam atque certam mensuram herbis tribuit Dioscorides, ut quandoque ultra citraq; consistere non liceat: uerum cum alicui herbæ mensuram adscribit, id ea ratione facit, ut maiori parti indiuiduorū illius speciei quadrare existimet. In prioris itaque inopia, alterius usus esse potest.


LOCVS.

Nascitur asperis & petrosis locis, interdum etiam in montosis & campestribus solidis.


TEMPVS.

Primum genus Iunio & Iulio mensibus floret, Alterum autem uere potissimū. Carpuntur semine prægnantia,

TEMPERA-



CHAMAEDRYS
VERA MAS.
Klein Bathengel.



CHAMAEDRYS VERA
FOEMINA.


Klein Bathengel weible,

CHAMAEDRYS VULGA-
RIS MAS.

Erdebeiranch.

ddd 4





CHAMAEDRYS VVLGA-
RIS FOEMINA.

Gamanderle.

A TEMPERAMENTVM.

Ex tertio ordine calefacientiũ & desiccantium facit Galenus, Germanicæ tamen minus calefacere & desiccare uidentur, utpote in regione frigidiore natæ.

VIRE. EX DIOSCORIDE.

Recens ac uiridis in aqua decocta & pota, conuulsis, tussientibus, lieni indurato, urinæ difficultatibus, hydropicis inter initia auxiliatur. Cit menses, foetusq; extrahit. Lienem ex aceto pota minuit. Aduersus uenenata cum uino pota & illita effi-
cax est. Trita ad prædicta in pilulas conformatur. Cum melle uetera ulcera purgat. Cum oleo trita, inuncta & illita, oculorum caliginem discutit.

EX GALENO.

Chamædrys uincentem qualitatem amarā habet, & est quodammodo acris. Quo circa merito lienem colliquat, urinam & menses mouet, crassitudinem humorum incidit, & uiscerum obstructions expurgat.

EX THEOPHRASTO.

Triflaginis folia ad rupta, uulneraq; in oleo trita ualent, & ad depascentia ulcera. Semen bilem extrahit, & oculis quoq; beneficum est. Folium ad albugines tritum in oleo prodest.

EX PLINIO.

Aduersus serpentiũ uenena potu illituq; efficacissima. Item stomacho, tussi uetustæ, pituitæ in gula cohærescenti, ruptis, conuulsis, lateris doloribus. Lienem consumit. Urinam & menses cit, ob id incipientibus hydropicis effi-
cax, manualibus scopis eius in tribus heminis aquæ decoctis usque ad tertias. Sanat & uomicas, & for-
dida ulcera cum melle. Fit & uinum ex ea pectoris uitij. Foliorũ succus cum oleo, caliginem oculorum discutit. Ad splenem ex aceto sumitur.

B DE CHAMÆCYPARIS O
CAP. CCCXXXIII.

NOMINA.



ΑΜΑΙΚΥΠΑΡΙΣΣΟΣ Plinio dicta est, quasi pumila Cupressus. Apud Græcos, quod sciã, eius fruticis nulla sit mentio. Vulgo Cupressus, Germanis Cypress nominatur. Cupressus ab odore & forma foliorũ eiusdem nomenclaturæ arboris uocata est.

Cupressus unde dicta.

FORMA.

In arbusculi formam fruticat, folijs incanis, Abrotoni fœminæ modo scissis. Floribus in summo auri instar fulgentibus. Totus frutex odoratus est. Errat qui Chamæpityn esse arbitrantur: neque enim ut illa humi serpit, sed altius à terra, ut pictura monstrat, confurgit.

Chamæcyparissus non est Chamæpitys.

LOCVS.

In hortis passim ac figulinis prouenit.

TEMPVS.


Æstate floret. Paucos autem frutices inuenies in quibus flores intueri liceat, quando per uniuersam uitam non nisi unum hunc, cuius picturam damus, fruticem in quo flores apparuerint, uiderim.

TEMPERAMENTVM.

Apparet in ea, sicut gustus testificatur, levis quidem acrimonia, sed maior amaritudo, multoq; etiam plus acerbitalis in tota planta. Resiccat itaque absq; insigni caliditate.

VIRE. EX DIOSCORIDE.

Quum easdem quas arbor Cyparissus qualitates habeat Chamæcyparissus, necesse est



CHAMAECYPARISSVS.

Cypres.

A cesse est ut etiam facultates easdem obtineat. Arboris igitur hæ sunt uires. Adstringit & refrigerat. Folia eius cum passo & myrrha modica pota, uesicæ fluxionibus & urinæ difficultati medentur. Pilulæ tufæ, & cum uino potæ, contra sanguinis reiectionem, dysenterias, alui fluxiones, orthopnceam, tussimq; profunt. Decoctum earum idem potest. Tufæ cum fico duritias emolliunt, & polypos in naribus sanant. Leprosos ungues cum aceto decoctæ & tritæ adiectis lupinis tollunt. Intestinorū ramices illitæ coërcent. Folia idem possunt. Pilulæ cum coma suffitæ culices abigere creduntur. Folia trita & illita uulnera glutinant, sanguinemq; supprimunt. Cum aceto autem trita, capillos tingunt. Illinitur per se aut cum polenta ad erysipelata, herpetas, carbunculos, & oculorum phlegmonas. Cerato mixta & imposita uentriculum firman.

EX GALENO.


Cupressi folia, germina, pilulæ recentes & molles, magna ulcera in duris corporibus glutinant. Ex quo clarum est quod resiccandi uim habeat, absq; insigni acrimonia & caliditate. Tanta inest ei acrimonia caliditasq;, quanta satis sit deducendæ in altum acerbitati: nullam tamen mordicationē aut caliditatem in corporibus efficit. Proinde in alto latentes in flaccidis putrescentibusq; affectibus humiditates, sine molestia tutoq; depascitur, quum quæ calefaciunt & desiccant, eas quidem quæ contentæ sunt absumant, cæterum acrimonia & caliditate alias attrahant. Sic intestinorū ramice affectos iuuat: siquidem exiccat & robur addit corporibus præ humiditate laxis, utpote quum adstrictio in altum subeat, eò quod caliditas quæ illi admista est deducat, ad eam quidem mensuram perueniens, ut præire quidem ualeat, nondum tamen mordicare. Quidam ea utuntur ad carbunculos & herpes polentæ miscentes, tanquam absumat citra calefactionem eos morbos efficientem humiditatem. Sunt qui ad erysipelata utantur, admista nimirum polenta cum aqua, aut oxycrato aquoso.

EX PLINIO.

Cupressi folia trita serpentum ictibus imponuntur, & capiti cum polenta, si à sole doleat. Item ramici, qua de causa bibuntur. Testium quoque tumori cum cera illinuntur. Capillū denigrant ex aceto. Eadem trita cum duabus partibus panis molliis, & è uino Amingo subacta, pedum ac neruorum dolores sedant. Pilulæ aduersus serpentium ictus bibuntur, aut si eiiciatur sanguis. Collectionibus illinuntur. Ramici quoq; teneræ tufæ cum axungia & lomento profunt. Bibuntur ex eadem causa. Parotidi & strumæ cum farina imponuntur. Exprimitur succus tufus cum semine, qui mixto oleo, caliginem oculorum aufert. Item uictoriati pondere in uino potus illitusq;, cum fico sicca pingui, exemptis granis, uitia testium sanat, tumores discutit, & cum fermento strumas. Radix cum folijs trita potaq;, uesicæ & stranguriæ medetur, & contra phalangia. Ramenta pota menses ciunt, scorpionum

ictibus aduersantur. Chamæcyparissos herba ex uino
pota contra uenena serpentium omnium
scorpionumq; pollet.

*Chamæcyparissi
facultates.*



CHAMAECISSOS

Sundelreh.

A

NOMINA.



ΑΜΑΙΚΙΣΣΟΣ, ἢ γῆς στέφανος Græcis, Hedera terrestris, Terræ corona Hedera terrestris.
 Latinis appellatur. Officinæ nomen Hederae terrestris retinuerunt.
 Germanicè Gündelrebe/corrupto sanè nomine uocatur, cum dicendū
 esset Gündrebe/hoc est, humi repens uiticula. Nominatur etiam Ger
 manis Erdepheue/& Erdenkrenglin. Chamæcissos uerò dicta est, quod nunquā Chamæcissos unde dicta.
 non repat humi, folijs Hederae similibus. Corona terræ, quod ramulos suos per ter
 ram spargens, folioso ueluti ferto eandem coronare uideatur. Corona terræ.

FORMA.

Folia Hederae similia habet, minora tamen & tenuiora. Ramulos dodranta
 les multos, folijs plenos, à terra quinq; aut sex prodeuntes. Flores Leucois
 similes, minores tamen, & in gustu uehementer amarus. Radix illi est tenuis,
 alba, & inutilis. Ex hac historia satis constat herbam hodie uocatam Hederam
 terrestrem, esse Dioscoridis Chamæcisson. Siquidem folijs Hederae constat,
 minoribus tamen & tenuioribus, ac in circuitu incisis. Legendū enim esse
 μικρότοπα, & non μακρότοπα, res Dioscoridis locus emaculatur.
 ipsa docet; nam etsi folia Chamæcissi aliquatenus Hederae similia sint,
 tamen rotundiora, atque adeo minora etiam & tenuiora existunt. Et est hic
 lapsus ab in α apud Dioscoridem frequens, ut ex alijs etiam locis
 suprà notatis liquet. Ramulis etiam dodrantalibus multis, foliosis,
 qui tamen antequam scindantur quinq; aut sex à radice procedunt.
 Flores denique eius Leucois similes sunt, non quidem luteis, albis,
 aut purpureis, sed cœruleis; ita ut uehementer errent qui eius flores
 neque figura neque colore floribus Chamæcissi, qui Leucois adsimilantur,
 esse similes putant. Etsi enim colore neque albi, neque lutei sint,
 cœruleos tamen, qui color etiam Leucoiorū est, esse constat.
 In gustu deniq; sicut etiam folia, amari sunt. Radix quoque
 eius tenuis, & nullius prorsus usus est. His omnibus accedit, quod
 nomen etiā pulchrè quadrat; nec enim Græcis aliud sonat Chamæcissos,
 nisi humilem achumi repentem Hederam. Cæterum non esse Elatine,
 præter alia multa quæ referre superuacaneum arbitror, sapor
 manifestè ostendit, qui in Hedera terrestri amarus & modicè acris
 est, atque adeo calorem præ se fert. Elatine uerò refrigerat atque
 adstringit. Sic non esse Asclepiada, ut taceam quod Securidacæ
 simile semen non proferat, uel unus locus natalis satis monstrat.
 Asclepias enim in montibus, Hedera autem terrestris in decliui
 bus locis & uallibus, ut germanicum nomen Gündrebe abundè
 indicat, prouenire solet. Quæ autem herba sit Asclepias, suo loco
 dictum à nobis est. Chamæcissos. Hedera terrestris non est Elatine. Non est Asclepias.

LOCVS.

Nascitur in cultis locis, iuxta etiam sepes & dumeta.

TEMPVS.

In Martio statim erumpit, & floret in magnam usq; æstatis partem.

TEMPERAMENTVM.

Amaritudo exiguaq; acrimonia foliorū & florum satis monstrant herbam hanc
 calidam & siccam esse, ita ut hi qui frigidā esse statuunt, reprehensione non careant. Error quorundā notatur.

VIRE. EX DIOSCORIDE.

Folia eius trioboli pondere in aquæ cyathis tribus, quadragenis aut quinquage
 nis diebus pota, ischiadicis profunt. Morbum quoque regium in senos septenōsue
 dies similiter pota emendant atq; expurgant.

EX GALENO.

Chamæcissi flos quum sit admodum amarus, iecoris obstructions soluit. Sunt
 qui illum etiam ischiadicis exhibeant.

ccc EX PLINIO.

C

EX PLINIO.

Chamæcisson appellant Hederam non attollentē se à terra. Et hæc contusa in uino acetabuli mensura leni medetur. Eius folia bibunt ischiadici tribus obolis, in uini cyathis duobus septem diebus, admodum amara potione.

APPENDIX.

Has omnes iam cōmemoratas facultates Hederæ terrestri recentiores tribuunt: neq; dubium est, quum sit admodū amara, quin easdem habeat, & alia etiam possit quæ illi adscribunt, ut euocare suppressos menses, urinam mouere, obtusum auditum remouere. Contra pestem etiam tradunt efficacem esse: id quod equites quoque sciunt: hi enim quoties fibula dicta pestis equum corripuerit, hac contra eandē herba magna efficacia utuntur.

DE CHRYSANTHEMO. CAP. CCCXXXVI.

NOMINA.



Chrysanthemum
unde dictum.

ΠΥΣΑΝΘΕΜΟΝ Græcis, Chrysanthemū Latinis, officinis inusitatum, Germanis Goldtblüm/Schmalzblüm/à pinguedine quæ contrito digitis flosculo apparet, & Dratblüm nominatur. Chrysanthemon uerò à flosculis auri splendorem & colorem præ se ferentibus, dictum est.

FORMA.

Herba est tenera, fruticis tamen speciem obtinens, leues proferens caules, & multifida folia: luteos flores, uehementer splendentes, & oculi instar circulares. Ex qua sanè descriptione satis clarum est, herbam quam pictam damus, esse Chrysanthemon, quod illi omnes à Dioscoride traditæ notæ, nulla prorsus reclamante, conueniant. Quibus Democriti in Hydroscopico accedit testimonium, qui herbam hanc quæ Batrachio similis est, Chrysanthemon Græcis appellari scribit, folijsq; Apij esse, maioribus tamen, flore auri colore splendente. Addit deniq; ab Aquilegijs mirè celebratā esse, eò quod aquam subesse certum sit, ubi solet emicare. Quæ quidē singula herbe illi quam depictā exhibemus respondent. Nam ut cætera omittam, ubi hæc nascitur aquæ latices subesse non est dubium. Quidam perperam Wasserha-nensius germanicè nominant: nam hoc nomine appellata herba, alia ab ea est, ut in capite de Batrachio docuimus. Nam cum hæc nostra acrimonia uacet, quanquam Batrachijs similis sit, tamen in numero illorum esse hoc nomine non potest.

LOCVS.

Nascitur prope urbes, in pratis humidis, & alijs locis aquosis.

TEMPVS.

Maior mense eius floribus prata & loca humida splendescunt.

TEMPERAMENTVM.

Eiusdem esse cum Buphthalmo temperamenti, & gustus & facultates declarant. Calidum itaque esse & siccum constat.


VIRES. EX DIOSCORIDE.

Eius flores cum cerato triti, steatomata discutere produntur. Regio morbo correptis coloris bonitatem tempestiuè reddit, à balneo post longiorem in eo moram exitu pota.

EX PLINIO.

Vesicæ calculos Chrysanthemon eiicit.

DE CHAMÆ-



CHRYSANTHEMUM

Schmalzblum.

NOMINA.

Carduus suarius.

Cardopatium.

Chamaeleon unde dictus.

Suarius Carduus
quare nominatus

ΑΜΑΙΛΕΩΝ λεωνος Græcis, Chamaeleon albus, Carduus suarius & uarius Latinis, officinis & barbaris Cardopatium appellatur. Quod nomen haud dubie corruptum est, deductumque à dictione Pancration, nam sic olim esse nominatum Chameleonem Apuleius testatur: aut à Carduo uario, à qua dictione, u scilicet litera in p, & r in t mutata, in Cardopatiū facilis est lapsus. Germanis Eberwurz / eleganti allusione ad Carduum suarium, nuncupatur. Chamaeleon autem à foliorum uarietate dici ccepit. Mutat enim cum terra colores, Plinio teste: hic niger, illic uiridis, aliubi cyaneus, aliubi croceus, atque alijs coloribus uidetur. Suarius autem Carduus dictus est, quod sues si in polenta exhibeatur, perimat. Ob quam etiam causam Eberwurz Germanis nuncupatam puto.

FORMA.

Folia habet Silybo aut Scolymo similia, asperiora autem, acutiora, nigroque Chamaeleone ualidiora. Caule uacat, uerum è medio spinam Echino marino, aut Cinaræ similem erigit. Flores purpureos, ueluti capillos, qui in pappos euanescent. Semen Cnico simile. Radicem in pinguibus collibus crassam, in montosis uero graciliorem, in profundo albam, aliquatenus aromaticam, graueolentem & dulcem. Plinius libro xxij. cap. xviij. breuius herbam hanc depingit, sic inquit: Asperiora folia habet, serpit in terra Echini modo spinas erigens, radice dulci, odore grauissimo. Quæ certè notæ in uniuersum omnes, herbæ quæ hodie barbara & corrupta uoce Cardopatiū uocatur, adamussim respondent, ita ut nemo non esse Chamaeleonem perspicue intelligat. Huc accedit quod facultates etiam eadem sint. Radix enim Chamaeleonis albi hausta, uenenis resistit. Radix etiam Cardopatii ex recentiorum traditione, mirifice uenenis aduersari, & contra pestilentiam populatim saeuientem, ut paulò post dicemus, efficacissimum esse remedium dicitur. Quod si tamen rectiora quis protulerit, non grauabimur hic, ut in alijs quoque, mutare sententiam.

LOCVS.

In glabretis montium prouenit, & in syluis, ut hinc etiam syluaticus Carduus cognominatus sit.

TEMPVS.

Iulio & Augusto mensibus cum suis floribus effodi potest.

TEMPERAMENTVM.

Radix eius calefacit secundo ordine absoluto, desiccatur autem tertio.

VIRE. EX DIOSCORIDE.


Radix pota acetabuli mensura, latos lumbricos pellit. Sumitur autem in uino austero, cum decocto Origani. Hydropicis commodè drachma in uino datur: etenim eos extenuat. Contra difficultatem urinæ decoctum eius propinatur. Pro theriaca cum uino pota est. Occidit canes & sues. Mures item necat subacta cum polenta, aut hydrelæo madefacta.

EX GALENO.

Radix eius potui datur acetabuli mensura contra latos lumbricos cum uino austero. Exhibent etiam aqua inter cutem laborantibus.

EX PLINIO.

Hydropicos sanat succo radice decoctæ. Bibitur drachma in passo. Pellit & interaneorum animalia acetabuli mensura succi eiusdem in uino austero cum Origani scopis. Facit ad difficultatem urinæ. Hic succus occidit canes suesque in polenta. Ad data aqua & oleo contrahit in se mures & necat, nisi protinus aquam sorbeant. Radicem



CHAMAELEON
ALBUS.

Eberwurz.

C dicem eius aliqui concisam feruari iubent funiculis pendentē, decoquuntq; in cibo contra fluxiones, quas Græci rheumatismos uocant.

APPENDIX.

Recentiores radicē Cardui suarij drachmæ pondere in uino sumptam cōtra pestilentiae contagia prodesse tradunt. Eandem etiam in aceto decoctam, contra scabiem, impetiginē, & omnes cutis foeditates curatu difficiles conferre scribunt, si eius decocto lauentur. Idem dentium etiam dolori succurrit.

DE CHAMAELEONE NIGRO

CAP. CCCXXXVIII.

NOMINA.



Chamæleon niger cur dictus.

ΑΜΑΙΛΕΩΝ μέλας Græcis, Carduus niger aut Vernilagium Latinis dicitur. Officinis hæc planta incognita existit. Germanis allusione ad latinam nomenclaturam schwarzer Gartendistel uocari potest, quod scilicet in hortis tantum culta proueniat. Sunt qui eam à candore foliorum nomenclant welsch weiß Distel / sed prior appellatio ad discriminandas plantas melior existit. Chamæleon uerò dictus est à uarietate foliorū, quæ pro terræ & locorū differentia, aut admodū uiridia, aut subalba, aut cœrulea, aut rubra inueniuntur. Niger uerò haud dubiè à radice appellari cœpit.

FORMA.

Folij Scolymo similis est, minora tamen, tenuioraq; & rubentia ea habet. Caulē emittit digitali crassitudine, dodrantalem, subrubrū, qui in summo habet umbellam, & spinosos flores tenues, hyacinthi æmulos, uersicolores. Radicē crassam, nigram, densam, & aliquando corrosam, quæ dissecta subflauescit, & cōmanducata mordet. Hæ quidem notæ quanquā plantæ, cuius hic picturā damus, ferè omnes uideantur quadrare: caulem enim euehit dodrantalē, & altiorē etiam, digitū equantem crassitudine, subrubrum, folia instar Scolymi, minora, subalba & leniter punicea, candidū ac hispidum florem, hyacinthina purpura uariatū, radicem nigram & subflauam: tamen cum non admodū linguam uellicet cōmanducata radix, sit ut nō parum an legitimus sit Chamæleon niger addubitem. Verū cum multi huius temporis uiri eruditi hanc plantam Chamæleonē nigrum esse credant, nolui hoc tempore ab ijs prorsus dissentire, atque adeo eandem quæ illi, plantæ huic indere appellationem uolui, maximè cum nullam aliam eidem cōuenire apud Dioscoridem descriptionem uideam, donec aliquid certius de ea nobis aut alijs compertum fuerit.

LOCVS.

Nusquam sua sponte in Germania prouenit, quare cultura indiget. Nasceatur autem Chamæleon niger, Dioscoride autore, siccis, campestribus, cliuosisq; & maritimis locis.

TEMPVS.

Iulio mense floret, ac subinde in capitulis rotundis Augusto mense semen hispidum profert.


TEMPERAMENTVM.

Chamæleontis nigri radix sicca est in tertio ordine, calefacit uerò in secundo absolutio.

VIRE. EX DIOSCORIDE.

Radix trita, additis exiguo atramento sutorio, cedrino oleo, & axungia, scabiem abigere potest. Abstergit etiam impetigines, admixtis sulphure & bitumine. Decoctum eius collutione dentium dolorē mitigat. Cum pari pipere & cera oblita, dolentibus dentibus auxiliatur. Quinetiā fouentur ea dentes, quū decocta in aceto, & calens imposita fuerit. Scriptorio stylo dolenti denti calida admota, cum frangit. Cum sulphure decolorē ob solē faciē, & alphas emendat. Miscetur medicamentis erodentibus. Phagedenas, ferinaq; ac tetra ulcera illita, ad mitiorē habitū transferens sanat.

EX GALENO.



CHAMAELEON
NIGER.

Schwarz Gartendistel.

C

EX GALENO.

Radix quiddam letale obtinet, quamobrem eius foris usus ad scabies, impetigines, alphos, & in summa ad omnia quæ deterfionē postulant. Præterea emollientibus & discutientibus medicamentis miscetur, ac illita phagedænica ulcera sanat.

EX PLINIO.

Radice eius lichenes curantur, cum sulphure & bitumine unâ coctis: cōmanducata uerò dentes mobiles, aut in aceto decocta. Succo scabiem etiam quadrupedum sanant. Et ricinos canum necant.

DE CHAMÆPITY CAP. CCCXXXIX

NOMINA.



Chamæpitys unde dicta.
Abiga quare uocata.

CHAMÆPITYS Græcis, Aiuga siue Abiga, autore Plinio, Latinis dicitur. Inuenitur & Ibiga uocari, quod nomē, Hermolao teste, ferè seruant hodie Illyrici. Hinc abiectis duabus literis i & g, Iba, & ab Aiuga abiectio- ne literarum a & g, Iua manauit in uulgi nomenclationē. Officinę Iuam cognomento muschatam appellant, Germani ye lenger ye lieber. Cæterū Chamæpitys dicta est, quasi humilis & breuis, humiq; depressa picea: nam eius folia piceam olent. Abiga uerò uocata propter abortus, quos, educendis ijs quæ in utero sunt, excitare solet.

GENERA.

Prima. Tria eius sunt genera. Vna folijs Sedi seu Aīzoi, quam nos fœminā fecimus. Altera. tera ramis anchoræ modo incuruis, quam nondum uidimus. Tertia mas dicitur etiam Dioscoridi. Harum discrimina ē descriptionibus certius cognosces.

D

FORMA.

Prima, herba est per terram serpens, subcurua, folia minori Azioo similia habens, multò tamen tenuiora, pinguiora: hoc est, ut Serapion interpretatur, super se plus humiditatis tenacis habentia, & hirsuta, circa ramos frequentia, odore piceæ, flores exiguos, luteos aut candidos, radicem Cichorij. Altera cubitalibus est ramis anchoræ modo incuruis, tenuibus, coma supradictæ simili, flore candido, semine nigro. Olet autem & ipsa piceam. Tertia quæ mascula appellatur, herbula est foliolis tenuibus, candidis & hirsutis, caule aspero, candido, flosculis luteis, semine secus alas pusillo, Piceam & hæc olet.

LOCVS.

Sua sponte, quod sciam, in Germania non prouenit. Nunc tamen in hortis plantari coepit. Plinius tertiam in petris nasci tradit.

TEMPVS.

Floret Iunio & Iulio mensibus. *In Heluetia sub fine Augusti semina*

TEMPERAMENTVM.

Chamæpitys gustu quidem amarū saporem acri ualidiorem obtinet. Est autem in calefaciendo secundi, in siccando uerò tertij ordinis. *In Heluetia rupibus repit*

VIRE. EX DIOSCORIDE.


Folia primæ septem diebus in uino pota, regio morbo medentur. Quadraginta uerò ex hydromelite, ischiadicos sanant. Dantur peculiariter iecinorosis, urinæ difficultatibus, & renum uitijis. Profunt etiam torminosi. Ea apud Heracleam Ponticam, perinde atq; antidoto contra aconitum utuntur, bibentes decoctū. Ad ante-dicta illinitur, cum polenta iure decocti macerata. Trita & cum fico pro pilulis data aluum emollit. Excepta melle, squama æris, & resina, purgat. Apposita ex melle, ex utero ducit, Mammarū duritias discutit, Vulnera glutinat, Vlcera quæ serpunt,

cum



CHAMAEPITYS
PRIMA.

Yelenger yelieber weible.



CHAMAEPITYS
TERTIA.

Yelenger yelieber mennle.

A cum melle illita cohibet, Secunda & tertia eandem uim obtinent, non tamen usque adeò efficacem.

EX GALENO.

Effectu expurgat Chamæpitys, abstergitq; uiscera plus quàm calfacit. Proinde regio morbo correptis, & omnino quibus facilè iecur obstruitur, bonum est medicamentum. Quin & menses ducit tum pota, tum apposita cum melle. Sed & urinæ mouendæ aptum est medicamen. Sunt qui etiam eam exhibent ischiadicis decoctâ in melicrato. Herba porrò ipsa uiridis magna uulnera conglutinat, & ulcera putrescentia sanat. Mammarum præterea durities discutit.

EX PLINIO.

Profunt aduersus scorpionū ictus. Item iecinori illitæ cum palmis aut cotoneis. Renibus & uesicæ, decoctū earū cum farina hordeacea. Morbo quoq; regio, & urinæ difficultatibus, ex aqua decocta bibunt. Nouissima contra serpentes ualet cum melle. Sic & apposita uulvas purgat. Sanguinē densatum extrahit pota. Sudores facit, perunctis ea. Peculiariter renibus utilis est. Fiunt ex ea & hydropicis pilulæ, cum ficu aluum trahentes. Lumborū quoq; dolorē uictoriati pondere in uino finit, & tussim recentē. Mortuos fectus ex aceto cocta pota, ejicere protinus dicitur.

APPENDIX.

Recentiores herbarij, & magna officinarū pars, aliam Chamæpityn ostendunt, officinarum error. folio Saluæ rimoso, angustiore tamen, & ad radicē maiore, flore subcandido ac luteo, & semine nigro: quæ tamē legitima Chamæpitys non est, sed prima potius Sideritidis, ut suo diximus loco, species. Desinant igitur subinde hac herba pro Chamæpity uera uti, ac illius loco has quarum nunc picturas damus usurpent. Erroris autem huius nulla alia fuit causa, quàm quod Chamæpitys etiam ueteribus alio nomine dicta sit Sideritis. Hinc pleriq; decepti eam herbam quæ priuatim ac propriè sic nominatur, pro Chamepity usurpare ceperunt. Sideritis autē nulla alia de causa dicta est Chamæpitys, nisi quod illi uulnera glutinandi insit facultas.

DE PSYLLIO CAP. CCCXL

NOMINA.



ΥΑΛΙΟΝ græcè, herba Pulicaris latinè, nomen græcum in officinis retinet, germanicè Psilientra aut nominatur. Tam græcam autem quàm latinam appellationē à pulice, cuius effigiē semen eius psyllium unde dictum. refert, sortita est herba. Vel, ut nonnullis uidetur, quia si uiridis in domum feratur, generari in ea pulices prohibeat.

FORMA.

Psyllion folia Coronopo similia habet, hirsuta, longiora, ramos dodrantaes. Totā herba ad sceni graminisue formam accedit. Coma eius à medio caule incipit, capitula bina aut terna in summo contracta conuolutaue, in quibus semen pulicibus simile, nigrum durumq;.

LOCVS.

In aruis & incultis nascitur. Nusquam tamen, quod sciam, in Germania nisi satum prouenit.

TEMPVS.

Flores tota ferè æstate ex capitulis eius, quæ spicæ formam obtinent, erumpentes dependent, canino capiti haud dissimiles, ut pictura abundè monstrat. Semen uero autumnoprofert.

TEMPERAMENTVM.

Semen eius ex secundo refrigerantium est ordine, in desiccando uerò & humectando medium quodammodo & symmetrum. Cōmentum Mesues de substantia Mesues cōmentum. eius interiore calida nihil moror.

VIRE S.



PSYLLIUM

Psyllium frane.

A VIRES. EX DIOSCORIDE.

Vis Psyllio refrigeratoria. Cum rosaceo, aceto, aut aqua illitum articularū doloribus, parotidibus, tuberculis, œdematis, luxatis, capitisq; doloribus prodest. Enterocelis seu intestinorū ramicibus puerorum, & umbilicis prominentibus cum aceto illitum medetur. Oportet autem acetabuli mensura tusum in aquæ heminis duabus madere, & ubi aqua concreuerit illinire: egregiè siquidem refrigerat: deiectum enim in feruentem aquam, calorem eius reprimat. Prodest erysipelatis. Perhibent si uiridis domum importetur, prohibere ne in ea pulices generentur. Tusa cum adipe, fordida & maligna ulcera expurgat. Succus eius cum melle ad aures fluxione tentatas, & uermiculosas conducit.

EX PLINIO.

Vis ei ad refrigerandū ingens. Semen in usu. Fronti imponitur in dolore & temporibus, ex aceto & rosaceo, aut posca. Ad cætera illinitur acetabuli mensura, sextario aquæ densat ac contrahit. Tunc terere ac crassitudinē illinere oportet cuicunq; dolori, & collectioni inflammationiq;. Tenasmo in aqua cum radicibus decoctum medetur. Omnibus articularū morbis salutare est huius semen madefactū in aqua, admistis in heminam feminis duobus resinæ colophonig cochlearibus, thuris uno.

DE PSEVDONARDO CAP. CCCXLI.

NOMINA.



ΒΥΔΟΝΑΡΔΟΣ græcè & latinè nominatur, quod scilicet non sit uera & genuina Nardus, cuius Dioscorides & alij ueteres meminerunt.

*Pseudonardus
unde dicta.*

GENERA.

B Duū cernitur generum. Alterum procerius est, & maiorem spirat odorem, nec minus quàm Nardus placet. Hoc nos Pseudonardū marem diximus. Officinæ & uulgi herbariorum Spicam à spicatis floribus nominant, Germani *Spica.* Spicanardi. Alterum amplitudine & odore minus, quod nos Pseudonardū feminam appellauimus. Officinæ & herbarij recentiores Lauandulam uel Lauen- *Lauandula.* dulam, eò quod balneis & hominum lauacris expetatur, elotaq; omnia si permisceatur odoris commendet suauitate, uocant. Germani ad hoc nomen alludentes *La-* uendel nuncupant.

FORMA.

Frutex est folio crassiore, carnosio, angusto, colore languido, in candidum uergente, piloso, frequentibus spicis in aristas sparsis, flosculis in spica ferè cœruleis, in Lauendula autem purpureis.

LOCVS.

Gaudet apricis & petrosis, tanta suauitatis fragantia, ut omnes penè flores odoris iucunditate uincant, qua dote uestibus inferuntur.

TEMPVS.

Vtraque perpetua coma exitu ueris canescit, Iunio & Iulio mense spicatur, floribusq; prægnans est.

TEMPERAMENTVM.

Calefacit & siccatur ordine secundo, tenuibusq; constat partibus, haud multum à natura Celticæ Nardi dissidens.

VIRES.


Antiquus manuscriptus herbarius easdem ferè facultates Pseudonardo, quas Celtica habet, tribuit, dum in hunc modum scribit: Stomachi dolorem frigidum, eiusdem inflationes, uteri dolores, lienis duritiem, iccinorisq; obstructions tollit.

fff Strangu-



PSEVDONARDVS
MAS.

Spicanardi.



PSEVDONARDVS
FOEMINA.

Laubdel.

C Stranguriæ & difficultati urinæ auxiliatur. Capiti admota calefacit, eiusq̃ humiditates exiccat. Hinc est quod recentiores tantisper eius usum in frigidis cerebri & neruorum morbis, apoplexia, paralyfi, & similibus cōmendent.

Sequentia duo capita, quoniam absoluto fermè opere ad nos uenerunt, & idcirco suo loco reponi non potuere, tamen ne lector ijs fraudaretur, in calcem potius reijcere, quàm omnino præterire, collibuit.

DE DIGITALI CAP. CCCXLII

NOMINA.

Digitalis.



Vod appellatione tum græca tum latina herba hæc hodie destituta sit, nulla alia de causa factum existimamus, quàm quod ueteribus incognita fuerit. Nos pulchritudine eius illecti, *ἀνώνυμον* esse diutius non sumus passi. Appellauimus autem Digitalem, alludentes ad germanicam nomenclaturam *Singerhūt*/sic enim Germani hanc stirpem nominant, à florum similitudine, quæ digitale pulchrè referunt ac exprimunt. Hac appellatione utemur, donec nos uel alij meliorem inuenerint.

GENERA.

Digitalis purpurea.

Digitalis lutea.

Duūm est generū. Vna enim purpureos obtinet flores, ideoq̃ Digitalem purpuream appellauimus. Germanis *brauner Singerhūt* dicitur. Altera luteos habet flores, ob id Digitalis lutea dicta nobis est. Germanis *geeler Singerhūt* nominatur. In alijs per omnia similes sunt.

D

FORMA.

Herba est cubitalis, folijs latis & oblongis, Plantagini non dissimilibus, in extremitatibus serratis, floribus à lateribus caulis ordine dependentib. digitalis formam referentibus, purpureis aut luteis. Quibus decidentibus, semen in calycibus latum & oblongum profert. Radix illi est exigua & capillata.

LOCVS.

Nascitur in montibus, umbrosis & saxosis locis.

TEMPVS.

Floret Iulio potissimū mense, atq̃ subinde cadentibus floribus semen producit.

TEMPERAMENTVM.

Impense amara est herba, perinde atq̃ Gentiana, ut hoc nomine calidā & siccam esse euidentissimum sit.


VIRES.

Hæc herba haud dubiè quum opus est extenuatione, abstersione, purgatione, & obstructionis liberatione, efficax admodū esse solet. Nam, ut testatur Galenus libro iij. de simp. med. facul. cap. xvij. amari sapes abstergunt, expurgant, & quæ in uenis est crassitiem incidunt. Quamobrē menses etiam quæ amara sunt mouere possunt, & ex thorace & pulmone pus educere. Quid multa? potest hæc herba ferè omnia quæ Gentiana, cuius uires suo in loco inuenient studiosi.

DE OCIMA-

DIGITALIS
PURPUREA

Brauner Fingerhut.





DIGITALIS
 PURPUREA.

Geeler Fingerhut.

A NOMINA.



KIMOEIAEZ Græcis, Ocimastrum Latinis dicitur. Officinis inusitatum atque incognitum, Germanis wild Basilg appellatur. Ocimoides uerò Græcis haud alia ratione dictum est, quàm quod Ocimo, suis potissimum folijs simile sit. Ocimastrum autem Latini, quasi syluestre Ocimum appellauerunt. Nam sic ipsum uocare uidetur lib. xx. cap. xiiij. Plinius.

Ocimoides cur dictum.

Ocimastrum. Syluestre Ocimum.

FORMA.

Folia habet Ocimo similia, ramulos dodrantaes, eosdemq; hirsutos, siliquas Hyoscyamo per similes, semine nigro plenas, Melanthio seu Nigellæ simili (legendum enim in Dioscoride *εὐκρότῳ*, & non *εὐκρότῳ*, ut habent aliqua exemplaria) Radix illi est gracilis & inutilis. Ex qua quidem deliniatione omnibus palam fit, stirpem, cuius effigiem atq; picturam damus, esse Ocimastrum: siquidem folia fert Ocimi, ramulos palmares & quadratos (quod Dioscorides omisit) hirsutos, flores purpureos (quos itidem Dioscorides non explicauit) forma Ocimi floribus similes, qui tamen colore, qui illis candidus est, distant: decidentibus floribus siliquas Hyoscyamo similes, seminis nigri, Melanthio similis, plenas ostendit. Radice etiam nititur tenui & superuacua. His omnibus etiam accedit odor, qui planè Ocimum referre uidetur: ita ut nemo dubitare debeat, quin hæc herba uerum sit Ocimastrum, potissimum cum illi Dioscoridis descriptio sic quadret, ut nulla prorsus nota reclamare uideatur.

Dioscoridis loci emendatus.

LOCVS.

Nascitur arenosis in locis. Copiose autem iuxta Nirtingam ad Nicerum oppidulum prouenit, ubi id ipsum primum uidi, ac reperi: alias, quod sciam, mihi nunquam uisum.

TEMPVS.

Floret in fine Septembris & Octobre mense, atq; simul in siliquis semen profert.

TEMPERAMENTVM.

B Ocimastrum, maximè eius semen, est calidæ & siccæ temperaturæ, quod sapor etiam satis ostendit, qui cum modica adstrictione amarus est.

VIRE. EX DIOSCORIDE.

Semen Ocimastrum in uino potum, medetur uiperarum & aliarum serpentium moribus. Ischiadicis datur cum myrrha & pipere.

EX GALENO.

Ocimoides quidam philiterium cognominant. Radix superuacanea est. At semen tenuium partium, & desiccantis citra mordacitatem facultatis est.

EX PLINIO.

Syluestri Ocimo uis efficacior ad eadem omnia, quæ satiuo. Peculiaris ad uitia quæ uomitionibus crebris contrahuntur. Vomitisq; uulua, contraq; bestiarum morsus radix in uino est efficacissima.


APPENDIX.

Vel syluestre Plinij Ocimum diuersum est ab Ocimastro, aut in uerbis eiusdem iam productis, error subest. Quum enim Ocimastrum radix, Dioscoridis & Galeni testimonio, inutilis sit, non rectè à Plinio dicitur quod eius radix in uino contra bestiarum morsus efficacissima sit: sed hoc potius, Dioscoride teste, semini tribuendum erit. Quare in Plinio legendum, contraq; bestiarum morsus semen in uino est efficacissimum.

Plinij locus emendatur.

Quam sanè lectionem Dioscoridis autoritas abundè confirmat, qui Ocimastrum semen cum uino potum, contra uiperarum & aliorum reptilium ictus efficax esse tradit.

fff 4



OCIMASTRUM

Wild Basil

PICTORES OPERIS,
Henricus Hüllmaurer. Albertus Meyer.




SCULPTOR
Ditus Rodolph. Spectle.



EMENDANDA IN COMMENTARIIS

de Stirpium historia.

Pag. 4. uers. 11. legendum, Hypochondrijs, iecinori &c. Ibid. uers. 20. legendum, Eadem potest præstare cum sapa, aut lenticula. Pag. 8. uers. 11. Plin. lib. 21. cap. 21. marem quidem campestre &c. Ibid. uers. 13. eiusdem nomenclaturæ: expungendum itaq; cōma post eiusdem. Ibid. uers. 16. quod masculum appellamus. Pag. 11. uers. 19. Ex Macro. Pag. 14. uers. 39. lege, de Acoro uero affirmare. Pag. 16. uers. 40. tubercula facultatem obtinet. Pag. 28. uers. 29. tenuis intestini dolores. Pag. 29. uers. 16. ramosum. Pag. 37. uers. ult. acris, ut piper, admodum sit. Pag. 43. uers. penult. axungia. Pag. 54. uers. 10. mollibus duntaxat spinis prædita. Pag. 79. uers. 22. Tānias, pro Tineas. Pag. 86. uers. 11. ab Aconis. Pag. 93. uers. 9. illita, aduersus. Pag. 98. uers. 8. si quis in uilla eam extruxerit. Pag. 126. uers. 27. destituitur. Pag. 128. uers. 34. lege, Cum polenta, & expunge dictionem Si. Pag. 135. uers. 46. Ieiuno. Pag. 141. uers. 26. aquæ. Pag. 148. iuxta picturam lege, **BELLIS MAIOR**. Pag. 210. uers. ult. dulcis est quodammodo. Pag. 236. uers. 35. utiq; maximè. Pag. 263. iuxta picturam, **ERVCA SYLVESTRIS**. Pag. 264. uers. 19. Kunigundis. Pag. 304. iuxta picturam, **SATVREIA SEV THYMBRA SATIVA**. Pag. 326. uers. 34. nitatur, adijciendū, radice. Pag. 328. uers. 37. terrena substantia constat. Pag. 344. uers. 5. ^{ut} ~~ut~~ enim Græcis &c. Pag. 355. uers. 28. tānias. Pag. 363. uers. 6. quæ in thorace sunt educit. Pag. 397. uers. 37. crassissq; nonnullis. Pag. 440. uers. 28. abundat, que. Pag. 450. uers. 25. per integrum retinuit annum amittit &c. Pag. eadem, uers. 38. Sedi etiam ad deiicienda. Pag. 452. uers. 1. ad secessum prouocat. Pag. 472. uers. 28. utrang; uero. Pag. 510. uers. 14. floreat. Pag. 529. uers. 13. aut cum lini, &c. Pag. 672. uers. 9. effet discrimen.



109716

ms. 1000 1/2

